



Ex Bibliotheca
ajori Coll. Rom.
Societ. Jesu

23
D
14









Psallam spiritu, psallā et mente. 1. Cor. 14. Septies in die laudē dixi. Ps. 118.

ANTVERPIÆ, EX OFFICINA PLANTINIANA
BALTHASARIS MORETI. M.DC.XXXIV.



L. Ceyar M.^m Jouin.





Psallam spiritu, psallā et mente. 1. Cor. 14. Septies in die laudē dixi. Ps. 118.

ANTVERPIÆ, EX OFFICINA PLANTINIANA
BALTHASARIS MORETI. M.DC.XXXIV.

L. Cezar M. Jovin.



IOANNI BAPTISTÆ
 PALLOTTO
 S. R. E. CARDINALI
 FERRARIENSIS PROVINCIÆ
 LEGATO A LATERE
 THESSALONICENSI
 ARCHIEPISCOPO
 EMINENTISSIMO
 AMPLISSIMOQVE
 DON ANACLETVS SICCVS
 CLERICVS REGVLARIS S. PAVLI
 SEMPITERNAM FELICITATEM.



Ecclesiasticam Hym-
 nodiam meam quarto
 abhinc anno in Italia
 typis traditam, & ab
 EMINENTIA TVA singularibus

beneuolentiæ atque humanitatis
 argumentis, dum ipsam Tibi pro
 VRBANO VIII. summo Pontifi-
 ce legationem agenti apud FER-
 DINANDVM Cæsarem in hac ipsa
 Viennensi ciuitate offerrem, ac-
 ceptam, cogor nunc celebriori
 prælo subiicere, vt compluri-
 bus omnium Ordinum Eccle-
 siasticis viris eam efflagitantibus
 faciam satis. Hac recenti edi-
 tione prodibit illa quidem re-
 bus ditior, à mendis castigatior,
 characterumque elegantia venu-
 stior: at, nisi egregium nancisca-
 tur patronum (priori satis iuben-
 tibus nuper orbata) felicior exti-
 tisset infans quàm adulta, & in
 ipsis comparatis diuitiis inops &
 destituta mœreret. Ego itaque
 dum

V

dum orbem perlustro Christianum, ut insignem eligam virum, cuius firmo præsidio beneuolæque tutelæ adultam iam pupil- lam committerem, ecce insignis fulgor tuus, EMINENTISSIME CARDINALIS, sese meo in pri- mis offert adspectui, omnesque animi mei ita occupat vires, ne- minem ut alium opportuniorem aut eligere aut cogitare Tutorem queam. Et sanè illud ipsum quod gestas in gentilitio stemmate ex- tentum brachium, hieroglyphi- co Ægyptiorum sapientum mo- re te prædicat in Ecclesiastica Hierarchia tutissimum omnium Asylum; quo quibus frui datur, iis verè gloriari licet, istius se bra- chij orbe toto celeberrimi tectos

*

3

&

vj

& communitos robore , quod non nisi egregia patrare facinora , ad Reipublicæ Christianæ præsidium & ornamentum , no-uit. Brachium istud in Hispaniis per plures annos Apostolicarum rerum habenas , ingenti cum omnium approbatione & admiratione , prudentissimè rexit. Brachium istud in Germania , dum EMINENTIA TVA apud Inuictissimum FERDINANDUM II. pro SEDE APOSTOLICA amplissimis perfungeretur legationibus , ardua negotia feliciter peregit. Brachium istud purpuram sibi met texuit , communi-que omnium plausu acquisitam potiùs quàm conquistam obtinuit. Brachium istud in Italia
nunc

nunc iterum supremum Pontificiæ legationis, maxima cum nominis Christiani dignitate, exequitur munus. Brachium quoque istud, ni fata obstiterint, PETRI clauum & clauēs sanctissimè aliquando prouidentissimeque tractabit. Porrigere igitur, PRINCEPS OPTIME, huic meæ auctiori atque ornatiori Hymnodicæ optatum patrociniij tui brachium, cuius vim non semel nos adhuc sumus experti, præsertim dum Tute sacrosanctæ Iustitiæ æquas librans lances, rectumque tenens exertum gladium, huiusce nostri Collegij apud sanctum Michaëlem iustissima iura ab iniuriis summa cum prudentia vindicasti, calum-

viiij

niantiumq; quorundam laruas
penitus dissipasti. Huius nam-
que brachij præstantissimi mu-
nita præsidio Hymnodia hæc, ab
omnibus libentiori excipietur a-
nimo; totumq; orbem inoffen-
so percurrentes pede, percurratur
ipsa quoque auidius ac frequen-
tius. DEVS interim Optimus Ma-
ximus EMINENTIÆ TVÆ pluri-
mos felicitatis annos, ad Chri-
stianæ Reipublicæ commune
commodum & decus, adiun-
gat, quemadmodum in præsen-
tiarum ex animo precor. Viennæ
Austriacæ, viii. Kalendas De-
cembris CIO. IDC. XXXII.

IO. ANDREÆ HERMANNII
 BONONIENSIS
 A D
 SACRAM HYMNODIAM
 EPIGRAMMA.

S *Vbdola , quæ quondam ludebat in
 æquore nautas,*

Hac melior Siren iam capit arte Deum.

*Psalle , etenim cauti perit astus Vlyssis;
 ut illum*

In tua vota trahas , labitur axe Deus.

Eiusdem ad eandem Carmen.

E *Xoras , placas , laudas , specularis,
 adoras*

*Numen , & Aligeros imitaris , demonas
 Orco*

*Pellis , & auxilium morituris porrigis
 ingens,*

Victurosque cies , viuorum pectora replet

** 5 Lati-*

x

Latitia ; quòd & ipse Deus timeatur,
ametur,

Efficis ; ad lacrymas irritas lumina , tu-
que es

Urbis & Imperij robur, ludibria sortis
Formidanda fugas , certa haud exile sa-
lutis

Pignus habes , celi aeterno fruiturus ho-
nore,

Pfallere si scieris : si nescis , pfallere disce,
Mente sed attenta , feruenti , humilique
piaque,

Et pura ; distincta tamen , concinnaque
verba,

Et procul à vitio , quæ discis , pfallere
disce.

APPRO-

APPROBATIONES.

Don IULIUS CAVALCANVS Congregationis Clericorum Regularium sancti PAULI Præpositus Generalis.

CVM Tractatum de Ecclesiastica Hymnodia R. P. Don Anacleti Sicci, Præpositi Collegij S. Pauli Bononiæ eiusdem nostræ Congregationis, duo ex eadem Congregatione docti viri, quibus id commisimus, recognouerint, & in lucem edi posse probauerint, facultatem concedimus vt typis mandetur, si iis, ad quos pertinet, visum fuerit. Datum Mediolani in Collegio nostro sanctorum Apostolorum Pauli & Barnabæ die XX. mensis Febr. M.DC.XXIX.

Don Iulius Cavalcanus Præpositus Generalis.

PRæclarum, & in hac materia De Ecclesiastica Hymnodia singularem Tractatum admodum Reuerendi

di Patris Don Anacleti Sicci, Collegij sancti Pauli meritissimi Præpositi, maiore qua potui diligentia per-
uolui : eundem verò opus egre-
gium, meo iudicio, deprehendi,
variis quæstionibus, iisque doctissi-
mis & iucundissimis, plenum; nec-
non etiam sacris Historiis & mo-
dernis exemplis ornatum, ad spiri-
tus excitationem & cordis ardorem in
Christi Domini amorem. Quapro-
pter in communem totius Ecclesiæ
utilitatem, & eorum præsertim sola-
tium qui Choro sunt addicti, Opus
hoc in lucem dandum approbaui.

*Ego Don Aegidius Polus Rector Pæniten-
tiaria pro Illustriss. & Reuerendiss.
D.Card. Archiepisc. Bonon.*

VIdi ego subscriptus, ac diligen-
tius consideraui hoc Opus ad-
modum Reuerendi Patris Anacleti
Sicci, inscriptum, *De Ecclesiastica
Hymnodia libri tres, in quibus, &c.*
ita

ita doctrina ac disciplina Ecclesiastica vndequaue perfectum ac sanum, vt (nisi optimi moris ac sanctæ obseruantia esset) non alia quàm sui ipsius auctoritate ac censura indigeret: continet enim, vt alia omnia bonæ vitæ ac summæ eruditionis verba, sic & ea, quæ Deo maximè placent, quæque illi in Ecclesiis persolui consueuerunt; in quibus lux tanti Doctoris ita effulget, vt inter luminaria non solum suæ Congregationis, verum etiam & aliorum omnium Doctorum cuiuscumque Vniuersitatis, connumerandus videatur, vt legentes Magistros doceat; ac perlegentes semper ampliùs docebit. Imprimatur ergo publicæ commoditati.

Ita Fr. Hieronymus Onuphrius Lector publicus in almo Bononiensi Gymnasio, atque ibidem sanctiss. Inquisitionis Consultor pro Reuerendiss. Patre Magistro Paulo de Garrexio Inquisit.

Don

Don BAPTISTA CRIBELLVS, Congregationis Clericorum Regularium sancti PAULI Præpositus Generalis.

A Vctaria ad Libros de Ecclesiastica Hymnodia Reuerendi Patris Don Anacleti Sicci, nostri Assistentis, suis locis inserta, à duobus nostræ Congregationis doctis viris recognita & probata, concedimus posse vnà cum Operis recusatione edi in lucem, si iis, ad quos spectat, videbitur. Datum Mediolani in Collegio nostro sanctorum Apostolorum Pauli & Barnabæ pridie Idus Iulij CIO. IOC. XXXII.


Don Baptista Cribellus Præp. Generalis.

H Ymnodia Ecclesiastica, variè ab Auctore aucta & emendata, publico sanctæ Ecclesiæ Catholicæ bono recudatur.

Gasspar Estrix Canonicus & Plebanus Antuerpiensis ac Librorum Censor.

DE

D E
ECCLESIASTICA
HYMNODIA
PRÆFATIO.

 *P*us diuinarum laudum, quæ
solemniter in Templis cantus
scilicet persoluuntur, in Ec-
clesiastica Hierarchia ab ini-
tio sui ortus magna excultum pietate ac
diligentia, ad diuinam Maiestatem tum
colendam tum celebrandam, tum exoran-
dam atque placandam, valdè opportunum,
ea locorum, personarum & temporum sin-
gulari dispositione frequentatur, vt meri-
tò extolli suspiciq̃ue debeat. Quod ad loca Hymno-
dia in omni
loco est in
usu. spectat, nulla reperiri facile poterit Orbis
pars, in qua sacri non decantentur Hymni
ad honorem summi verique Dei. De qui-
bus prophetice pronuntiasse dici posset ipse
Hymnographus illis verbis: In omnem psal. 118.
ter-

terram exiuit sonus eorum; sicut & Veri Dei cognitio & fides per totum ter-

rarum orbem viget dilatata. Quod ad per-
Omne ge- nus homi- num est vsui Hym- nodiae op- portunum. sonas pertinet, nulla omnino mortalium qualitates ab hoc laudationis munere cognoscuntur exclusae; sed omnes admittuntur, sine discretionem aut gradum aut sexum:

nam non viri tantum, sed innumerae pene Virgines Hymnodiae studiosae ubique viuunt congregatae. Quod admirans beatus

S. Ambros. Praefat. in Psalm. Ambrosius, in haec verba erupit: Mulieres, quas Apostolus in Ecclesia tacere iubet, Psalmum etiam bene clamant.

Hic omni dulcis aetati, hic utriusque aptus est sexui: hunc iuenculae ipsae sine dispendio matronalis psallunt pudoris; puellulae sine prolapsione verecundiae, cum sobrietate grauitatis, Hymnum Deo inflexae vocis suauitate modulantur.

Qualibet hora diei exercetur Hymnodia.

Quod ad tempora, nullus poterit in toto anni circulo assignari dies, imò forsaneque hora huiusmodi laudibus omnino vacua. Cum Ecclesia iam sit ubique terrarum

rarum propagata, & ubique laudes frequentet diuinas in choro statis temporum & horarum spatiis, non ubique tamen excurrat eadem temporis qualitas, sed varia atque diuersa horarum conditio, iuxta hemisphaeriorum diuersitatem, reperitur; ita vt quando in nostro hemisphaerio illucescit aurora, in alio, ubi eadem Ecclesia adest, ardeat meridies; in alio vesper eodem tempore surgat, media nox possideat caelum in alio; aliae item temporis differentiae alibi existant: hinc facile euenire possit, vt singulis omnino horis, aut Ecclesia
ferè singulis, iuges offerantur Deo altissimo laudes; & quod ab vno tantum homine, ob communem naturae imbecillam conditionem, expleri omnino nequiret, mirabile obtineatur facilitate à tota Ecclesia variis in locis dispersa, propter ministrorum multitudinem, & varietatem horizon-
tis.

Ecclesia
Deum lau-
dibus cele-
brat omni
tempore.

Ad hanc diuinarum laudum iugem continuationem respexisse credunt quidam Doctores sanctum Hymnographum, dum, de hisce differens laudibus ad Deum directis,

Iacob. Val.
Episc.

rectis,

- Psal. 64.* *rectis, pronuntiavit, Exitus matutini & vespere delectabis: intelligentes per exitum matutini, terram ad Solis ortum sitam, & diei progressum ab aurora usque ad noctem; per exitum autem vespere, terram ad Solis occasum spectantem, & noctis progressum à vespere usque ad auroram. Quasi dixerit, & prädixerit spiritu prophetico David, per omnes prorsus horas, tum diei tum noctis, delectabiles futuras laudes Deo, quæ per totam terram, tam in Oriente quàm in Occidente, à fidelibus ministris offeruntur. Cui expositioni favere videtur S. Hieronymus legens hunc Psalmi locum: Egressus matutini & vespere laudantes facies. Ad quod etiam magis spectat lectio Symmach. Progressiones diluculi & vespere Hymnum dicentes facies.*

Laudes divine semper Deo gratæ.

Harum laudum tam frequentem cantum sicut Deo semper extitisse gratum, si ea qua par est pietate exerceretur, varia benevolentiae signa à Deo ipso ad mortaliū utilitatem exhibita non semel declararunt;

rarunt; ita certo certiùs sperandum eſſet, gratiorem quoque futurum, ſi pietas excitaretur maior opportuno aliquo ad rem argumento, ſive auxilio. Quod facilè obtineri poſſet, ſi præſertim tanti operis dignitas ſublimis, ſi item præclari fructus menti pſallentium frequenter obiicerentur. Dignitas amorem, fructus ſtudium, ſi cognoscerentur, gignerent, ac augerent. Opera igitur pretium me facturum exiſtimaui, ſi quæ uſui meo à ſanctis Patribus & Doctõribus collecta paraueram ad rem hanc opportuna, euulgari permitterem ad multorum vtilitatem, ſicut non ſemel à grauioribus viris fui requiſitus, quaſi dixerim coactus. Nec fortaffis opus iſtud omnino carebit aliqua neceſſitate, ſi maximè attendatur præſentium temporum ratio. Non enim defuerunt, neque deſunt in dies homines aliàs p̃i & docti, qui publicæ Hymnodia Eccleſiaſtica præſtantiam aut penitus obſcurare, aut ſaltem imminuere conantur. Ut itaque iſtorum conatus faciliùs poſſint infringi, neceſſe erat

selectiora, ad huius excelsi muneris commendationem, argumenta, è sacris Libris praesertim & à Doctōribus hausta, colligere, & ob oculos omnium digesta proponere. Quae igitur sancti Patres & insigniores Ecclesiae Doctores sparsim traderunt tum circa dignitatem, tum circa effectus siue fructus, & circa necessitatem, tum etiam circa modum recte laudandi Deum, complexus in hoc breui Tractatu offero sub titulo Ecclesiasticae Hymnodiae.

*Tractatus
inscriptio
cur nomen
Hymno-
diz habeat.*

Placuit hoc Opus, quod nomine vel diuini Officij vel Horarum Canoniarum ab aliis fortassis inscriberetur, titulo Ecclesiasticae Hymnodiae insignire, vt, antiquorum Sapientum more, operis denominationem ab eius parte potiori desumeremus. Si partem potiore expendere quis velit ex ratione finis, qui humanis actionibus praebere solet & formam & speciem, hic certè cognoscitur praecipue esse laus altissimi Dei. Nam ad hoc, ait S. Bonauentura, instituta est ab Ecclesia recitatio diuini Officij,

*S. Bonau.
lib. de Sex
alia Seraph.
cap. 8.*

ficij, vt laudes Dei in terris celebrarentur à Viatoribus mortalibus, sicut in calis iugiter celebrantur à Beatis immortalibus.

Nomen autem Hymnodiae laudationem Dei significare notum est; quia quod Græcè dicitur Hymnus, Latinè redditur laus Dei. Hinc apud Græcos profanos Hymnus accipitur pro carmine aliâve metrica oratione in honorem & laudem Numinis directâ; & qui apud illos scripserunt carmina de Deo, sicuti habiti sunt Theologi, inter quos insigniores fuere Linus, Orpheus, & Trismegistus, ita appellati sunt Hymnographi.


Si item attendere quispiam vellet partem potiore ratione materiæ, ex qua componitur opus diuinarum laudum, clare constabit vnicuique opus consideranti, maiorem illius partem & prolixiorem esse Hymnos. Cùm Officium diuinum contineat Lectiones, Capitula, Orationes, Psalmos & Cantica, omnes nouerunt maiorem partem sitam esse in Psalmis, qui synonyma sunt cùm Hymnis. Licet ex usu

*Hymnodia
significat
laudatio-
nem Dei.*

*Diuini Of-
ficij maior
pars sunt
Psalmi,*

** 3

Eccle-



*Psalms &
Hymns
idem sunt.*

Ecclesiæ Hymnus distinguatur à Psalmis, ut cognoscatur discrimen inter laudes à Davide factas, & alias laudes à Catholicis Doctores compositas; nihilominus, si vera significatio attendatur, idem omnino sunt Hymnus & Psalmus, utraque enim vox explicat laudem Dei, & utraque exigit cantum ad sui perfectionem. Ideò qui dicitur à nobis Liber Psalmorum, ab Hebræis dicitur Liber Hymnorum. Et

*Philol lib. de
Mundo.*

Philo, loquens de Davide Psalmorum auctore, vocat eum nomine Hymnographi.

1. Esdra 3.

Non dissentit ab hoc usu diuina Scriptura, quæ describens cantum & letitiam Sacerdotum & Leuitarum, ob renouationem Templi factam à Zorobabele, sicuti eo tempore decantati sunt Psalmi Davidis, inter quos præcipui fuerunt tres illi,

Psalm. 105.

106. & 135

qui incipiunt, Confitemini Domino quoniam bonus, ita eos appellat nomine Hymnorum: Steterunt Sacerdotes, ait, in ornatu suo cum tubis, & Leuitæ in cymbalis, ut laudarent Deum per manus David Regis Israël. Et concinebant

cinebant in Hymnis & confessione
Domino : Quoniam bonus , quo-
niam in æternum misericordia eius.

*ac si diceretur (explicat appositè Augusti-
nusTorniellus) laudabāt Deum in Hymnis* August.
Torniell.
anno 2964.

*à Davide compositis, illis nempe qui inci-
piunt: Confitemini Domino quoniam
bonus, quoniam, &c. desumpto nomine
huiusmodi Hymnorum à prima dictione
Confitemini, vnde appellati sunt confes-
siones. Hymnodia itaque nomine idem as-
seritur, quod Psalmodia verbo diceretur.
nam præterea eadem est Hymni & Psal-
mi & forma, & materia, & finis. Ma-
teria sunt Deus & diuinæ perfectiones,
iustitia, misericordia, sapientia, bonitas,
providentia, pietas, amor, & similia. For-
ma est poëtica & metrica, ad modos seu
concentus musicos accommodata. Non di-
ci potest Hymnus, nisi fuerit metricè com-
positus; nec item Psalmus esse potest, nisi
ad metrum sit formatus. Hinc illud graue
Isidori testimonium, quòd omnes Psal-
mi apud Hebræos metrico carmine fuerint* Psalmo-
rum mate-
ria, forma,
& finis.
s. Isid. l. 6.
& Hymn.
cap. 2.

compositi: nam, in morem Romani Flacci, & Græci Pindari, nunc alij Jambo currunt, nunc Elegiaco personant, nunc Sapphico nitent trimetro. Finis tandem tam Hymni quàm Psalmi est idem, nempe Dei honor & laus. Sicut igitur Davidici Hymni potiore, & maiorem meliorem-que sibi vendicant partem huius Operis; ita ab istis desumpta est à nobis denominatio, & in eorum dignitate & præstantia præcipuum situm est huius Tractatus fundamentum.

Ea mihi non est mens in hoc Opere, omnium Hymnorum siue Psalmorum mysteria exponere; tum quia id munus copiosissimè expletur ab iis qui in Librum Psalmorum Commentaria ediderunt, qui certè plurimi sunt, tam ex antiquis quàm ex iunioribus Doëtoribus; tum quia opus in immensum excresceret, non sine legentium & incommodo & fastidio. Neque id consilij fuit, rationes & causas pangere singularum partium Hymnodiae, neque rationem reddere siue ordinis Psalmorum

morum ab Ecclesia adhibiti in divinis per- Omnia rituum Ec-
 soluendis Officiis, siue aliorum rituum, qui clesiastico-
 observari debent à cantantibus in choro, rum non
 non enim hic locus id à me postulare vide- potest assi-
 tur. Sicut etiam neque omnium cærimo- gnari cau-
 niarum dari queunt rationes particulares, sa.
 uti ex D. Augustino adstruit opportunè
 Decretum in Iuris Canonici corpore rela- Cap. Om-
 tum; & confirmatur etiam à celeberrimo nia talia
 Gersonensi, dum asserit, in non- dist. 12.
 nullis observationibus ab Ecclesia præscri- Gerson 3. p.
 ptis vix reddi posse rationem sufficientem, Tract. de
 sed satisfieri dicendo, quòd sic placuerit Directi cor-
 Legislatori, aut Ecclesiasticæ consuetudi- dis.
 ni. Quibus consonant Iuris periti dicen- Non om-
 tes, non omnium quæ à Maioribus consti- nium quæ
 tuta sunt reddi posse rationem. Hæc liben- à maiori-
 ore animo sunt à nobis missa facienda; bus consti-
 via satis abundè huic muneri factum vi- tuta sunt
 mus ab iis qui de Ritibus & Rituum dari potest
 usis scripserunt: inter quos nuperrimè ratio.
 eodem sibi comparavit Bartholomæus ff. de Leg.
 uantus, editis in rubricas Breuiarij ab- l. 20.
 stissimis Commentariis sub titulo The-

sauri sacrorum Rituum. Eò itaque diriguntur consilia & intentio, vt offeramus Hymnodia publicæ, quæ in choro exercetur, studiosis rationes & argumenta, è sacris Libris & Sanctorum virorum doctrinis accepta, quæ, tamquam stimuli, nos & alios excitare valerent ad rectum & perfectum Hymnodia vsum.

Latina lingua dignior
& apud
huic materiam.

Si quis percunctetur, cur Italus Latinam magis elegerim linguam in hoc Opere quàm Italam, causa est in promptu multiplex, tum vt dignitati rei, de qua agitur, opportuniùs inservirem; tum quia, sicuti omnibus debitor sum, ita omnibus vbique terrarum laudantibus Deum opus offerrem; tum vt naturæ & conditioni subiecti essem conformior; nam & laudes ipse, ad quas hoc Opus dirigitur, Latina lingua ab omnibus explentur; tum denique quia Italis propediem morem gerere possum, mens enim est idem Opus in maternam conuersum linguam emitte, aut ab aliis emittendum (sicuti haud à paucis visa prima editione flagitatum est) concedere.

Stylum

Stylum adhibere volui planiorem, qui potius ad animi affectus pie commouendos conducere posset, quàm delectationi inservire. Methodum elegi aptam ad rem, ut ^{Operis divisione.} *primò de præstantia & effectibus Hymnodiae agatur, ex quibus amor & aestimatio Operis concipiatur; & his traditur primus Liber. Deinde quo modo, quibuscumque dispositionibus, & rectè & perfectè ad Hymnodiam par sit accedere, ut hinc studium excitetur erga Operis usum; quibus secundus Liber expletur. Tandem à quibus sit cauendum defectibus Hymnodiae fructum prorsus auferentibus, aut saltem minuentibus; quibus tertius adscribitur Liber. Omnia ad solius Dei Optimi Maximi gloriam, & ad proximi utilitatem directa cupio; & acri iudicio & censuræ sanctæ Ecclesiæ, quam Matrem ego minimus filius vnicè colo, libens subiicio.*

INDEX CAPITVM

singulorum Librorum.

LIBRI PRIM I.

C AP. I. <i>Hymnodia ortus unde, & quando.</i>	
pag. I.	
CAP. II. <i>Diuino cultui quantum conueniat</i>	
<i>Hymnorum vsus.</i>	10
CAP. III. <i>Hymnorum cultus omni electa vi-</i>	
<i>ctima praeſtat.</i>	27
CAP. IV. <i>Hymnodiam opus eſſe Angelicum.</i>	35
CAP. V. <i>Altiſſimas Dei laudes exercet Dau-</i>	
<i>dica Hymnodia</i>	46
CAP. VI. <i>Chriſtiana Religionis praecipua my-</i>	
<i>ſteria celebrat Hymnodia.</i>	53
CAP. VII. <i>Maximas gratiarum actiones Deo</i>	
<i>reddit Hymnodia.</i>	62
CAP. VIII. <i>Perfectam orandi formam Hym-</i>	
<i>nodia exercet.</i>	72
CAP. IX. <i>Contemplationem nutrit Hymnodia.</i>	
88	
CAP. X. <i>Miras delectationes praebet Hymno-</i>	
<i>dia.</i>	98
CAP. XI. <i>Hymnodia ſtudioſi vehemens ha-</i>	
<i>bent futura gloria ſignum.</i>	110
CAP. XII. <i>Dei cognitionem amoremq; gignit</i>	
<i>augetve Hymnodia.</i>	119
CAP.	

- CAP. XIII. *Hymnodia est communium calamitatum validum presidium.* 135
- CAP. XIV. *Hymnodia est ciuitatum ac Regnorum robur.* 144
- CAP. XV. *Hymnodia beneficia obtinet temporalia.* 151
- CAP. XVI. *Hymnodia demonibus odiosa.* 162
- CAP. XVII. *Hymnodia audientium animum variis piis recreat affectibus.* 170
- CAP. XVIII. *Compunctionis amorisq; lacrymas prouocat Hymnodia.* 179
- CAP. XIX. *Hymnodia misericordiam Dei conciliat.* 187
- CAP. XX. *Hymnorum vsus morientibus ac mortuis proficiuus.* 195
- CAP. XXI. *Hymnodie dignitas à calumniis vindicata illustratur.* 208
- CAP. XXII. *Calumnia alia contra Hymnodie præstantiam edita refellitur.* 219

LIBRI SECVNDI.

- CAP. I. *Cordis attentio est necessaria in vsu Hymnodie.* 236
- CAP. II. *Quæ & quanta attentio requiratur.* 246
- CAP. III. *Dei præsentis cogitatio attentionem Hymnodie adiuvat.* 255
- CAP. IV. *Angelorum præsentia cogitata eandem attentionem promouet.* 263
- CAP.

- CAP.V. *Animi deuotio pars est Hymnodia præcipua.* 273
- CAP.VI. *Vocis cordisq; feruor ex deuotione oritur.* 283
- CAP.VII. *Iubilatio cantus alter est deuotionis effectus.* 294
- CAP.VIII. *Qua cordis puritate ad Hymnodiam accedendum.* 304
- CAP.IX. *Cordis tranquillitas gratiorem Deo reddit Hymnodiam.* 312
- CAP.X. *Cordis humilitas est Hymnodia præcipua virtus.* 323
- CAP.XI. *Cantus musicus Hymnodiam non dedecet.* 332
- CAP.XII. *Amor Dei ad Hymnodia excitat cantum.* 341
- CAP.XIII. *Ministrorum canentium sanctitas maiorem tribuit vim Hymnodie.* 351
- CAP.XIV. *Plurium cantantium societas confert Hymnodia varias utilitates.* 359
- CAP.XV. *Vigilia nocturnæ ab Hymnodia studiosis obseruandæ.* 368
- CAP.XVI. *Vigilias matutinas colunt Hymnodia studiosi.* 383
- CAP.XVII. *Corporis motus opportunè seruandi in Hymnodia.* 392
- CAP.XVIII. *Virginum Hymnodia est valde cara Deo.* 403
- CAP.XIX. *Animum à curis externis liberum san-*

*sanctioribus anni temporibus vellet Hym-
nodia vsus.* 419

LIBRI TERTII.

- CAP. I. *Quantum expediat psallentibus ab
omni genere defectus cauere.* 431
- CAP. II. *De defectibus circa intentionem.*
439
- CAP. III. *Attentionis defectus quales.* 447
- CAP. IV. *De aliis euagationum defectibus, &
remediis.* 456
- CAP. V. *Oculorum curiositas arcenda à choro.*
464
- CAP. VI. *Defectus celeris pronuntiationis.* 474
- CAP. VII. *De violati silentij defectu.* 488
- CAP. VIII. *De eiusdem silentij violatione aliis
modis.* 494
- CAP. IX. *A risu abstinendum in choro.* 500
- CAP. X. *Defectus scrupulorum cauendi, &
quo remedio.* 507
- CAP. XI. *De defectibus in modulatione Ec-
clesiastica occurrentibus.* 516
- CAP. XII. *De defectibus circa formam diuini
Officij.* 526
- CAP. XIII. *Temporum inordinatio caueatur
in diuino Officio.* 535
- CAP. XIV. *Acediæ defectus quales.* 543
- CAP. XV. *Deuotionis exterioris defectus va-
rii.* 553
- CAP.

CAP. XVI. De defectu eorum qui vocibus par-
cunt in choro. 562

CAP. XVII. De defectu eorum qui studiorum
negotiorumve pretextu ab Hym-
nodia communi in choro. 568

CAP. XVIII. De variis defectibus tam in in-
gressu quàm in egressu Hymnodia occurren-
tibus. 588

CAP. XIX. De defectu eorum qui ex officio
præfecturam aliquam habent in choro. 596

CAP. XX. Paranesis ad Hymnodia studiosos:
604



D E

ECCLESIASTICA

HYMNODIA

LIBER PRIMVS:

De præstantia & effectibus eius.

CAPVT I.

Hymnodia ortus vnde, & quando.

HYMNODIÆ auspicia ab eiusdem natalibus ducere sicut conueniens, ita perutile censebitur, vt illius antiquissimum ortum cognoscentes, maiorem erga illam concipiamus venerationem. Res ad Religionis animarum religionem spectantes quò plus habuerunt antiquitatis, & plus venerationis & auctoritatis possidere iudicatae sunt, tum etiam minus periculi & falsitatis, non sine alicuius latentis diuinitatis indicio vehementi. Quæ sunt penitus humana, mutationem aliquam experiri coguntur, ob temporum succedentium mutationem, quemadmodum nouimus contigisse omnibus naturalis scientiæ Philosophorum placitis, quæ tot ferè extiterunt, quot philosophantium capita & ingenia,

*Religionis
res anti-
quitate fir-
mantur.*

*Humana
res muta-
tioni obno-
xia.*

A

nia,

nia; eamque mutationem sunt experta, ut vno sæculo probata, à subsequenti ætate improbata penitusque sint reprobata. Non sic euenisse conspiciamus rebus diuinitatem aliquam continentibus, quia eiusdem firmitatem inuariabilem induunt, sicuti in nostra Hymnodia attendere licebit.

In ipso mundi ortu laudes diuinae adhibita sunt.

Rupert. Tuitiensis in Genesim.

Sacra Scriptura silent multa priorum Patrum gesta.

Adamus primus Deo obtulit Sacrificia.

Hæc Hymnodia ortum suum cognoscit tam antiquum, quam antiquus est orbis à Deo creatus, si loquamur de Hymnodia in tota sua latitudine, quæ omne genus Hymni Deo decantati complectitur, siue scripti siue non scripti. Nam cum in ipso mundi exordio adfuerint homines Dei cultores, exigit recta ratio, ut credamus, fuisse ab ipsis pluries Deo creatori exsolutum Hymnorum tributum. Licet Rupertus Tuitiensis ingratitudinis insimulet Protoparentes nostros, quia cum miris excellentibusque fuerint à conditore Deo exornati donis, nullas tamen voces, preces nullas, laudes nullas Deo benefactori reddidisse scribantur; nihilominus, ad parentum excusationem, & ad veritatis manifestationem, se statim offert Historici sacri familiaris sobrietas, quæ plurima alia silentio tegit, quæ tamen, natura ipsa dictante, cognoscuntur expleta, & ad amissim obseruata, ex communi sanctorum Patrum sensu. Hi expédunt, quòd nulla etiam describantur Sacrificia ab iisdem Protoparentibus oblata, cum tamen credatur, Adamum, naturæ lumine impulsore, seu potius Deo auctore, primum fuisse Dei cultorem Sacrificiorum oblatione; quam deinde ab eodem didicerunt filij, Abel & Cain, qui, patris exempla secuti, de fructibus acceptis grati animi signum non semel ostenderunt, Sacrificia offerentes, ille agnorum, hic frugum. Neque ratione carere

carere dicendum est silentium istud sacri Scripto-
 rls in Hymnis & Sacrificijs Adami, sed eam fug-
 gerit D. Thomas valde opportunam, & veritati
 maximè conformem; quia nempe, cum sacra Hi-
 storia breuitati studeat, ea tantum describere cu-
 rat, quæ aliquo euentu insigni sunt ad aliquam
 vtilitatem singularem ordinata: quemadmodum
 in memoratis Sacrificijs duorum germanorum
 accidisse compertum est, quia adfuit diuinæ be-
 neuolentiæ signum erga Abelem, ex quo ortum
 habuit illud implacabile odium, quod ad enorme
 fratricidij delictum impulit Cainum.

Si contenderet aliquis sacre Scripturæ verbis
 mordicus insistens, quodd tantummodò post na-
 tum Enos sumpserit initium forma diuinarum
 laudum, quia aperte dicitur, *Iste cepit innocere*
nomen Domini: qui textus magis vrgeri dicitur,
 iuxta versionem non improbatam ab Illustrissimo
 Card. Caietano: *Tunc initium fuit innocandi no-*
men Domini. Quamuis concederemus omnem
 huiusce discursus assumptam probationem, maxi-
 ma nihilominus antiquitas elucesceret, cum Enos
 non valde à primorum Parentum creatione, imò
 adhuc viuentibus illis, fuerit genitus, & cum
 ipsis per multa adhuc annorum sæcula vixerit. Mi-
 nimè tamen absolute concedimus hanc probatio-
 nem; quia apud sacros Doctores pro comperto
 habetur, non omnem per illa verba allata historię,
 Dei cultum describi & admoneri. Antea præces-
 serat manifesta descriptio cultus à Caino & Abele
 oblatis, qui Deum suis Sacrificijs inuocabant &
 adorabant. Alium sensum possunt offerre illa ver-
 ba ad rem & veritatem opportunum, nec nostræ
 assertioni contrarium: Admonent concordia sensu

*Sacrificia
 Adami cur
 fileantur.
 D. Tho. 2. 2.
 q. 85. art. 1.*

*Inuocatio
 Dei quan-
 do cepit
 inter homi-
 nes: Gen. 4.*

Qua maiori fieri studio cœpta sunt, dicuntur aliquando initium habere.
Gen. 9.

Noë primus vites digessit ad formam vineæ.

Torn. ann. mundi 236 num. 4.

Hymnorum usus sensim excrevit ad temporum incrementa.
Israëlitæ sub Moyse cecinerunt Canticum alternis choris.

sacri Expositores, quòd allegatus Scripturæ textus nil aliud velit innuere, nisi externum cultus diuini incrementum; nam diebus sanctissimi Enos cœpit inter mortales maximo feruore promoueri publicus Dei cultus. Mos iste adhibendi vocem *initij* ad res maiori studio cœptas, est proprius sacræ primæ Historiæ. Nam post exactam primam mundi ætatem dicitur de Noë, quòd cœperit exercere terram, & plantare vineas; non quia antea nullus eam exercuerit, nec vllæ fuerint vites in terra plantatæ, cum & Adamus proprio vultus sudore sciatur exercuisse terram, & vites fuerint ab initio vnà cum alijs plantis creatæ; sed quia maiori quàm antea studio terram coluerit Noë, & quia nemo ante ipsum vites in vno loco in modum vineæ digesserat, expressurus ex illis arte vinum, sicut ipse expressit, & hausit. Eodem modo dicendus est Enos cœpisse inuocare nomen Domini, quia id munus pietate maiori cultuque excellentiori forsan sub certa, ait Torniiellus, formula precum ac Hymnorum, statis etiam diebus deputatisve horis, cœperit augere.

Vsus iste piissimus Hymnorum ab ineunte tempore cœptus, progressus sensim habuit maiores, excrecens ad temporum incrementa. Constat, quòd tempore sanctissimi Moyſis erant homines iam edocti canere Hymnos solemnî ritu ad formam chori. Israëlitæ omnes, post insigne miraculum transitus maris, & submersionis hostium Ægyptiorum, decantaturi Hymnum à Moyſe & à Maria sorore compositum, diuisi dicuntur in duas classes, hinc viri sub Duce Moyſe, illinc feminae, præcinente Maria, & omnes vno quasi ore easdem voces & sententias decantarunt; quod non sine

sine aliqua mira Dei operatione euenisse putat Auctor Libri de Mirabilibus sacræ Scripturæ apud D. Augustinum: quia cum Maria & Moyse præcinentes in tanta hominum multitudine non exaudirentur ab omnibus, omnes tamen eos sunt persecuti absque vlla confusione, imò maxima cum distinctione ac delectatione.

Progressus deinde maiores felicioresque habuit hæc laudabilis antiqua institutio ætate Davidis, sicut eodem tempore maximè vigere publicus diuinus cultus inter homines visus est. Fortunatissimus ille Rex non solum primi Templi Deo erigendi in terris primus & cogitauit & promouit constructionem, præparando amplissimas pecunias, materiam, ministros & artifices omnes, imò & exemplaria; sed etiam dictante Deo composuit Hymnos, Cantoresque Leuitas instituit ad numerum quatuor millium, qui, ædificato Templo, Hymnodia perpetuò incumberent sub quatuor ducibus primarijs quos nominauit, Alaph nempe, Heman, Ethan, & Idithun. Quæ Hymnodia feliciter perseuerauit in antiqua Ecclesia, prout temporum qualitas & rerum varietas patiebatur, vsque ad nouam à Christo Domino fundatam Ecclesiam: in qua sicut maiora & insigniora posita sunt cælestia Sacramenta, ita perfectior & absolutior reddita est forma diuini cultus, & solemnis Hymnodia. Hanc à Domino nostro acceptam retinuerunt Apostoli, imò & aliquando vnà cum ipso exercuerunt; licet, quoties id factum sit, ignoremus. saltem nouimus id aliquando factum sanctioribus quibusdam temporibus. Hymnum quemdam fuisse dictum à Domino nostro Seruatore vnà cum Apostolis suis narrat S. Mat-

*Hymnorum usus
Davidic ætate floruit.*

*David auctor fuit
Psalmorum.
I. Par. 23.*

*Christus Dominus
cum Apostolis
Hymnodiam exercuit.*

Matt. 26.

*Hymnus
dictus à
Christo Do-
mino post
cœnā quis.
S. Iustin.
Dial Con-
tra Triph.
Burgensin
Matth.*

*Lorin. in
Psal. 64.*

*Baron. an.
34.*

thæus post cœnam illam, quæ fuit omnium vlti-
ma in executione, sed ceteris sanctior in mysterijs.
Is, eâ peractâ, dum procederet versus Oliuarum
montem oraturus Patrem, Hymnum dixit, imò
cantauit, vt innuitur à textu Græco. Quem Hym-
num aliqui credunt fuisse Psalmum 21. *Deus
Deus meus, vt quid dereliquisti me?* qui totus est
de passionibus mox futuris. Alij putant fuisse
Psalmum 112. *Laudate pueri Dominum, laudate
nomen Domini.* qui totus est in laudem diuinæ
Maiestatis. Alij censent fuisse Psalmum 64. *Te
debet Hymnus Deus in Sion.* qui totus agit de cul-
tu diuino vsurpando etiam ab ipso Christo Do-
mino. Alij tandem credunt fuisse Psalmum 113.
In exitu Israel de Aegypto. qui iuxta ritum He-
bræorum cantabatur in solemnitate Paschali. Vo-
luit benignissimus Dominus, qui venerat præcep-
tor. & doctor noster in ijs quæ Deo Patri suo
maximè placent, tradere nascenti Ecclesiæ à se in-
stitutæ exemplū huius præcipui muneris cantan-
di Hymnos vnâ cum alijs socijs, quod ipsa adulta
debebat studiosissimè per electos ministros vsque
ad sæculi consummationem imitari ac sustinere.

*Apostoli in
obitu Dei-
paræ vsi
sunt Hym-
nis.*

*D. Ioan.
Damasc.
Serm. 2. de
Dorm. Dei-
paræ.*

Hanc à Christo Domino acceptam Hymnodia
formam Apostoli deinceps varijs occasionibus
frequenterunt, & Ecclesiæ tradiderunt obseruan-
dam ac perficiendam. In obitu seu funere Dei-
paræ adfuisse Apostolicam Hymnodiam Ange-
lorum Hymnodia coniunctâ, testatum habemus
apud antiquos Ecclesiæ Scriptores, præsertim a-
pud D. Ioan. Damascenum his verbis: Eius cor-
pus, quod Deum ineffabili quadam ratione susce-
pit, cum Angelica & Apostolica Hymnodia elat-
um, in loco fuit depositum Gethsemani, quo in
loco

loco Angelorum cantus mansit tres dies continuos. Hinc libuit dicere S. Augustino de Hymnorum cantu, nos habere Domini & Apostolorum documenta, exempla & præcepta. Quod magis urgere videtur illud est, quod inter Apostolicas Constitutiones à S. Clemente, D. Petri discipulo, descriptas, habemus Decreta varia ad Hymnodiarum usum pertinentia. Vnum est, conueniendi in Ecclesiam manè & vesperi singulis diebus ad canendum Psalmos, & preces in Templo Domini faciendas. Alterum Decretum distinctius describit horas psallendi & orandi, nimirum manè, hora tertia, sexta, nona, & vespere, atq; ad galli cantum. Ex quo Decreto aperte constat eos errasse, qui Hymnodiam sub forma Horarum Canonicarum acceptam referunt S. Hieronymo, siue S. Pelagio, qui multis seculis posteriores fuere Apostolis. Ad quam Apostolicam formam alluisse videtur Apostolus Paulus in illa sua hortatione ad Ephesios: *Implemini Spiritu sancto, loquentes vobismetipsis in Psalmis, Hymnis, & Canticis*. Qui textus, iuxta glossam Haymi grauissimi Doctoris, videtur intelligendus de alterno cantu Psalmorum ad formam chori, sicuti obseruatur in Ecclesia nostra. Tunc nobismetipsis loquimur in Psalmis, ait Haymus, quando alternatim canimus Psalmos. De quo antiquissimo usu ab Apostolis ad nos transmissio loquens D. Dionysius Areopagita, Apostoli Pauli discipulus, vocabat cantum istum alternum, quasi concordem & consonam sacram rerum choream. Inde fortassis nomen chori datum est loco, ubi Hymnodia exercetur in nostris Templis Christianis.

D. August.
Epist. 119.

*Apostolorum
Decreta
circa usum
Hymnorum.
D. Clem.
li. 2. c. 58.*

*Hymnorum
usus suadet
ab
Apostolo
Paulo.
Eph. 5.*

S. Dion. A-
reopag. de
Eccl. Hier.
cap. 3.
*Chori no-
men unde
profectum.*

Non defuerunt insignes Doctores, tam Græci

David cognovit, & prädixit suos Psalmos decantandos in Ecclesia. Psal. 17. quàm Latini existimantes, Dauidem ad maiorem suam felicitatem præuidisse in spiritu, & prædixisse suos fore decantandos Hymnos in Ecclesia Dei in perpetuum: quod non semel videtur innuisse varijs in locis suorum Hymnorum. Aliquando pronuntiavit: *Confitebor tibi in nationibus Domine, & nomini tuo Psalmum dicam.* iterum dixit: Psal. 56. *Confitebor tibi in populis Domine, & Psalmum dicam tibi in gentibus.* alibi: *Psallam tibi in nationibus.* Psal. 107. iterum: *In Ecclesijs benedicā te Domine.* & alio in loco: *In medio Ecclesia laudabo.* & aliàs: *Apud te laus mea in Ecclesia magna.* aliàs itē cecinit: Psal. 60. *Psalmum dicam nomini tuo in saculū saculi, ut reddam vota mea de die in diem.* Quæ verba commodiorem alium sensum non videtur offerre, nisi quòd Ecclesia, varijs nationibus, linguis & populis congregata, frequentare deberet confessiones & Psalmos à Dauide compositos per omnem sæculorum

Davidis
spiritus
adeſt psal-
lentibus
ijs.

seriem. Dum namq; Davidis Hymni decantantur, ipse David videtur præſens adesse psallentibus; sicut spiritus saltem eius adesse in illis Hymnis non negabitur. Hinc B. Theodoretus aiebat: *In omnibus urbibus, pagis, agris, terminis, montibus & collibus, terra marique, inq; omni regione culta & deserta diuus David per piorum linguas Deum laudando celebrat.* nec solum celebrat, sed celebrabit dum vigeat Ecclesia Dei, quæ hos Hymnos sibi præſcripſit adhibendos & frequentandos in suis precationibus & laudibus publicè & priuatim oblati.

Diuini Of-
ficij ordo
varias ha-
buit muta-
tiones.

Verum quidem est, quòd non semper idem ordo in horum vsu Hymnorum est ab Ecclesia seruatus, sed pro temporum varietate & mutatione aliquas habuit tum mutationes tum varietates, donec

donec ad eam tandem formam perueniret; quam nunc tenemus auctoritate Summorum Pontificum firmatam & comprobata. Non idcirco antiquitatis auctoritas aut minuitur aut infirmatur, quia semper iisdem fuisse Hymni eademq; preces sub varijs formis ritibusq; ordinatae. Sicut neque idcirco cessat esse aut dici idem homo, qui nunc senescens formam & speciem mutauit, redditus maximè diuersus ab ea forma quam infans & puer habebat. Potuit igitur eadem Hymnorum modulatio & recitatio existere sub nomine Horarum Canoniarum siue Officij diuini, sicut ab initio Ecclesiae fuit in usu. Potuit nihilominus forma & ordo ipsorum Hymnorum varietatem admittere non solum absque laesione, verum etiam cum perfectiore incremento cultus diuini.

Firmum itaque maneat nos, antiquitatem sequi, nec ullam recens inuentam Hymnodiā exercere. Hinc est, quod Summi Pontifices & Patrum Concilia Oecumenica, quae ad hanc rem varias decreuere constitutiones, in eo potissimum se elaborare admonent, non ad aliquam inducendam nouitatem, sed antiquitatem ritus, paullatim ex humana imbecillitate collapsam, restituendam, & ad pristinum vigorem reuocandam. Nisi essemus mortales, fragiles infirmi; nec à sanctis institutis contingeret aliquando deflectere, opus numquam esset aliqua renouatione, cohortatione, decretis. At imbecillitas humana, quam inuiti cogimur erga bonas actiones experiri, renouationes suadet ac exigit, ut res ad pristinam disciplinae formam restituantur. Inde ortum duxit illa grauis sententia antiquissimi Tertulliani, dum de Christiana re

Pius-V.
in Bulla,
*Quod à
nobis pe-
stulat.*

*Hominis
imbecilli-
tas muta-
tionem pa-
titur.*

Tertul. l. i.
Contra
Marcion.

disserit, quam pro coronide huius primi Capitis
vsurpabo libenter : *Omnino res Christiana sancta
antiquitate stat, nec riuosa rectius reparabitur,
quam si ad originem censeatur.*

CAPVT II.

*Diuino cultui, quantum conueniat Hym-
norum vsus.*

Dei subli-
mitas ne-
quis ab ho-
mine dignè
laudari.

TANTA est diuinæ sempiternæq; Maiestatis
altitudo & sublimitas, ob infinitatem & im-
mensitatem naturæ, perfectionum & attributo-
rum, vt maximè deceat, si non vt par est, saltem,
quantum humana potest conari imbecillitas, eam
Hymnis colere ac celebrare. Verè nulla creatura,
neq; humana neq; etiam Angelica, pares vnquam
poterit tanto Deo exhibere laudes : nam, vt sæ-
pissimè asserendum est, quæcumq; poterunt sub-
limiores à creaturis offerri laudes, semper erunt
meritis Dei in infinitum inferiores, semperq;
Deus dicetur, tum à Theologis tum à sacris
Scripturis, maior omni laude. Enitè nihilominus
ac conari debemus, quas possumus maiores lau-
des omni affectu illi offerre, vt sicut non animo
solo, sed corpore & membris constamus; ita nec
sola mente ac spiritu, sed & lingua & Hymnis
Deum colamus. Hymnorum itaque publicus vsus
sicuti ad Deum publicè colendum est institutus
& aptus; ita semper fuit etiam, quando Sacrificia
frugum & animalium vigeant, valdè frequens
ac familiaris viris pietate insignioribus, qui & stu-
debant poscere à Deo auxilium & gratiam, ad
dignas aliquo modo tanta Maiestate promendas

A Deo po-
stulandum
auxilium,
vt à nobis
dignè lau-
detur.

voces

voces & laudes, vt debitum cultum feliciùs ex-
plerent, cùm se cognoscerent tanto muneri valde
impares, sequentes Hymnographum eiusdem rei
optimum Doctorem, qui supplex Deo dicebat:
Domine, labia mea aperies, & os meum annuntiabit Psal. 50.
laudem tuam. quam petitionis formulam vsur-
pans Ecclesia, semper præmittit in exordio Hym-
nodia, vt felix initium digna sit sumere ad prose-
quendum opus laudandi Deum.

Hic se offerunt concilianda duo pronuntiata
circa has laudes tum in profanis tum in sacris
Auctoribus celebria, quæ videntur inter se ex ad-
uerso pugnare, cùm tamen re ipsa sint maximè
consona, si recta considerentur ratione. Ex vna
parte testantur omnes Auctores, tam sacri quàm
profani, diuinam Maiestatem esse ineffabilem, &
ob id, magis laudandam & prædicandam silentio
quàm eloquio. Hanc ineffabilitatem asseruit Tris-
megistus Mercurius in Hymno de Deo. Eandem
statuit Poëta Lyricus dicens:

— *Sacro digna silentio*

Mirantur Vmbra dicere. —

Hanc ineffabilitatem adstruit ex sacris Literis
D. Dionysius Areopagita, tradens arcana cælestia
silentio veneranda. Ipsa Seraphim beata, quæ licet
corporeæ expertia molis, sub figura tamen corpo-
rali conspici voluerunt ab Isaia, antequam trisa-
gion Hymnum voce explicarent, eandem ineffa-
bilitatem ostendere volentia, velare studuerunt fa-
ciem & pedes. Ipsemet noster Hymnographus,
qui aliàs erga Deum solet esse suarum laudum pro-
fus, tandem confiteri cogitur, meliùs honoran-
dum esse Deum silentio quàm sermone, dicens:
Te decet Hymnus Deus in Sion. quæ verba in son-

*Ineffabili-
tas Dei
quanta.*

Trism.
Hym. de
Deo.

Hor. 2.
Carm. O-
de 13.

D. Dion. de
Diuinis
nom. c. 1.
Isaia 6.

*Silentio co-
latur Deus.*

Psal. 64.

te Hebræo, iuxta monitum D. Hieronymi, sunt legenda: *Tibi silentium laus Deus in Sion.*

De Deo
melius lo-
quimur per
negationes
quàm per
affirmatio-
nes.

D. Dion.
de Diuin.
nom. c. 13.

Ad idem significandum spectat illud Platoniorum Axioma, quòd nos melius loquimur de Deo per negationes, quàm per affirmationes. Quam doctrinam secutus D. Dionysius scripsit, Deum esse non substantiam, non vitam, non lucem, non sensum, non mentem, non sapientiam, non bonitatem, non Deitatem, sed quoddam his omnibus eminentius & præstantius, quod nostris sermonibus assequi non licet. Imò concludit, quòd diuina Maiestas sicut superat omnem nostrum captum, ita etiam omne creaturæ eloquium. In cuius rei explicatione utitur sanctus Theologus nouo ac mirabili, imò dixerim, plusquam humano sermonis & vocum genere; ut inde appareat, infinitam eminentiam Deitatis superare omnem locutionem & intelligetiam. ait itaque: *Nihil eorum quæ sunt, aut eorum quæ alicuius existentia sunt cognita, explicat arcanum illud omnem rationem & omnem intellectum superans, superdeitatis superessentialiter super omnia superexistens.* En huius sanctissimi Arcopagitæ diligentia in perquirendis sublimibus vocibus ad Dei naturam explicandam, quia ineffabilis tandem remanet.

Ethnici
cognouerunt
Dei magni-
tudinem
ineffabilem.

Ad eandem ineffabilitatem demonstrandam spectat illud Numen à Romanis venerationi expositum, cui nomen Tacita, quæ ore signato, digitoq; admoto ori, conspiciebatur; ille quoq; Harpocrates apud Aegyptios adoratus, qui etiam dictus est Sigalion, digitum labijs impressum tenens; ut ostenderetur, quòd Numina cælestia opportuno coluntur silentio, non vocibus & sermone. Lepidum est id quod antiquo Philosopho Simonidi

monidi accidisse narrat Tullius cum Hierone Siciliæ Tyranno. Rogatus Philosophus à Rege, ut oratione explicaret Dei Maiestatem, triduum postulat ad respondendum. Hoc euoluto spatio, decem iterum ac deinde triginta alios expetit dies, volens his dilationum sensim maiorum postulationibus ostendere, quod Deus, quouis temporis spatio dato, non queat pro dignitate explicari. Verum quia Tyrannus importunè exigebat responsum, Philosophus tandem verbis clavis edixit, id fieri à nemine posse, dicens: *Quo diutius considero, eo mihi res videtur obscurior.* Sed forsan & melius & breuius ex nostris Catholicis Euagrius Monachus, cum de Diuinitate facta ei quaestio esset, ait: Quod verbis exprimi nequit, silentio venerari debemus.

Cic. 1. de Nat. Deor.
Simonides eleganti artificio extēdit Dei ineffabilitatem.

Ex Socrate lib. 3. c. 5.

Ex alia parte omnis Scriptura sacra, & omnis etiam creatura, prouocat nos ad diuinas laudes frequentandas. In sacris Literis nil mortalibus magis seridè indicitur, atque vrgetur, quam diuinarum laudum perpetuus vsus. Mirum est, quam multus & assiduus, quasi dixerim nimius, videatur noster Psalter in hac diuinarum laudum commendatione. Modò vices & personam Dei homines alloquentis induens, commendat hoc opus tamquam sibi super cetera carum: *Sacrificium laudis honorificabit me.* Modò munus assumens, ministri, inuitat, excitat, vrget omnes mortales, ut Deum omni studio Hymnis concelebrent: *Laudate Dominum omnes Gentes, laudate eum omnes populi.* Iterum: *Exultate iusti in Domino, rectos decet collaudatio.* Eadem iterat sexcentis alijs locis. Quasi verò id parum fuerit, inuitat deinde omnes creaturas, easq; accersit socias, cælestes, terrestres,

Laudes diuina ab homine exiguntur.

Psal. 49.

Psal. 116.

Psal. 32.

- stres, aëreas, aqueas, igneas, vt secum Deum col-
laudare statuant, vtens prosopopœia, modò cælos
alloquens, modò terram, modò mare, ligna, cam-
pos, flumina, quasi omnia rationem & intelligen-
tiam possiderent: *Latentur cali, & exultet terra,*
commoueat mare, & plenitudo eius, gaudebunt
campi. iterùm ait: *Moueatur mare, & plenitudo*
eius. Flumina plaudent manu, simul montes exul-
tabunt. sed fusiùs iterùm: *Laudate Dominum de*
calis, sol, stellæ, lumen, & alia omnia creata. Quæ
imitantes sanctissimi illi iuuenes socij Danie-
lis dum in Babylonica existerent fornace, inuita-
runt ad Dei laudem & confessionem quotquot e-
rant in cælis, sub cælo, & subtus terram naturæ
& species rerum homini deseruientium: *Benedi-*
cite omnia opera Domini Domino, laudate & super-
exaltate eum in secula. En quantum ab istis alla-
tis Scripturis vrgeantur diuinæ laudum exer-
citia.

Creatura
inanimata
hominē in-
uitant ad
Dei laudes.

- Addamus nunc, quòd ipsæ creaturæ inanimæ
ad easdem laudes cum ipsis prouehendas nos sine
voce inuitant & excitant suo exemplo. Omnes
modò suo Deum laudant & benedicunt illius Ma-
iestatem, Potentiam, Sapientiam, Bonitatem, &
Gloriam, iuxta Dauidicum pronuntiatum: *Celi*
enarrant gloriam Dei, & opera manuum eius an-
nuntiat firmamentum. Quod nouerunt exequi-
res inanimæ, cur multò magis non decet nos, qui
rationē & sermonem habemus, altiori perfectio-
rique modo explere? Qui ista confert cum illis
priori loco allatis, magnam inter ipsa diuersitatē
intercedere dicet. Illa silentium imperant, hæc
vocis conatum deposcunt. Illa dehortantur, hæc
verò suadent laudum vsum. Cessabit tamen om-
nis

nis difficultas, si attendatur magnitudo & sublimitas diuinæ infinitæ Maiestatis. Quatenus magna est & sublimis, omnem à nobis requirit laudem, honorem & benedictionem; quatenus infinita est, omnes limites & terminos excedens, efficit, ut quælibet laus, quamvis insignis, silentium sit, non locutio: plura namq; sunt, & omnimodis maiora, quæ tacentur, quam quæ sermone celebrantur.

*Omnis
creatura
laus silen-
tium est re-
spectu Dei
infiniti.*

Hoc genere silentij videtur usus in Canticis Cant. 4.
Salomonicis Sponsus, dum pulchritudinē Sponsæ celebraturus, volens innuere, nullam disertam linguam posse illam oratione comprehendere, adhibuit illam formam dicendi: *Absq; eo quod intrinsecus latet.* Vbi alij ex Græco legunt: *Extra silentium.* Quemadmodum Orator qui luculentissimam habuit orationem in laudem alicuius summi Herois, eiusdem fortiter res gestas enarrando, ut tandem ostendat eum longè maiorem esse enarratis, concludit perorationem, dicens, tot tantaq; egregia facinora ommissa esse, ut nihil omnino vnusquisque sibi persuadeat fuisse quæ hactenus oratione ipse recensuit; hortaturq; Auditores, ut silentium potius audiuisse quam longam orationem in animum inducant. Numquam adeò verum est, quòd omnis oratio creata, licet alta & sublimis, sit habenda silentium, quam in causa diuinarum laudum, quia tum creatura laudans, cum oratio laudantis est limitibus finita; Dei autem substantia, & quidquid in ea reperitur, sunt absolute infinita, iuxta vulgatum Theologorum Axioma: *Quidquid est in Deo, Deus est.* Quæ proinde dicuntur de Deo, nihil omnino sunt, vel sunt silentium, quia verba sunt creaturæ de Creatore,

Creatore, temporalis de Æterno, mortalis de Immortali, finiti de Infinito.

Quamuis silentium potiùs sint omnes laudes Deo oblatae, propter eius infinitam Maiestatem, laudes nihilominùs veræ sunt, & laudes multis nominibus illi debita propter eius infinitam dignitatem. Hæc eadem nihilominùs infinitæ dignitatis ratio, propter quam silentium potiùs quàm laudes sunt nostræ voces, exigit à nobis frequētius ac feruentius studiū vsurpandi laudes ipsas, vt Deus à nobis cum cultum, sin quem debemus, saltem quem aut possumus aut nouimus, recipiat, & qui hanc dignitatem nouerunt, quascumque possunt aliores student tanto Numini offerre laudes. Ipse Regius Hymnographus, quia perfectè cognoscebat diuinam dignitatem, hanc populis obijciebat ac suggerebat, vt vnusquisque magis ac magis excitaretur ad studiosiorem istam

*Qui Deum
cognoscunt,
studiosi sūt
Hymnodia.*

Psal. 150.

laudum frequentationem, dicens: *Laudate eum secundum multitudinem magnitudinis eius.* Imò seipsum arctissimo vinculo voti adstringebat, vt, donec in ipso vitæ halitus vigeret, numquam ab Hymnis cessandi, sed semper nouos concinendi.

*Votū Da-
uidis solem-
ne laudan-
di Deum.*

Psal. 60.

Psal. 145.

Huius votum extat in illis verbis: *Psalmum dicam nomini tuo in saculum saculi, vt reddam vota mea de die in diem.* vbi attendēda est illa causalis dictio vt, quæ debitum importat emissi voti. Sponsionē aliam generosam iterum exponens ait: *Laudabo Dominum in vita mea, psallam Deo meo quamdiu fuero.* Verus Dei cultor tali in eum affectu semper ardet, vt Hymnis concelebreto omni tempore.

Nouerunt aliqui Hymnis colere Deum quando felicitatibus augentur, aut contrā quando necessitatibus premuntur; nec ideo improbandæ sunt huiusmodi

huiusmodi laudationes, semper namq; placitæ sunt Deo: gratiores tamen perfectioresq; semper *Laudis di-*
 declarabuntur quæ Deum respiciant propter se, *uina perfe-*
 non propter priuatū aliquod bonum, quia scilicet *ctio in quo*
 Deus est omni laude & honore dignus, seu, vt ca- *sita sit.*
 nebat Hymnographus, quia bonum est illi Hym- *Psalm. 53.*
 nos offerre: *Confitebor nomini tuo Domine, quoniā & 91.*

bonū est. nimirū quia omni amore & celebratione dignum. Et qui hoc solo puro affectu mouentur, scilicet ob illius egregiam Maiestatem, bonitatem & sublimitatem, quemadmodum erga Deum actū exercent verā perfectēq; caritatis, ita magis magisq; semper inualescunt animo ad eum colendū & celebrandum, etiamsi Deus videretur illis aduersus, nec illis vñquam se benignū ac propitium ostenderet. Illustre exemplum huiusce animi pro-

pensionis in Deū orbi declararunt tres illi Hebræi iuuenes paulò antè memorati, à Rege Chaldæorum in fornacem flammis accensam missi, qui sicut erant regio sanguine clari, fideq; veri Dei clariores, ita Regi illi barbaro liberè dixerunt dignam æterna memoria sententiam: *Deus noster, quem* *Laudāus*
Deus etiam
in aduersis.

colimus, potest eripere nos de camino ignis ardentis, & de manibus tuis, ô Rex, liberare. Quod si noluerit, notum sit tibi, Rex, quia deos tuos non colimus, & statuam auream, quam crexisti, non adoramus.

Numquam se à cultu veri Dei cessaturos spoponderunt. Qui Deum colunt, & laudant, & inuocant, tantummodò vt à malis liberentur, desistuntq; ab incepto cultu, si non audiuntur, nomē & meritum verè cognoscentium Dei sublimitatem non merentur: coli enim debet Deus à no-

A laudibus
Dei nō cessandum, licet nolis
Deus ex-
audire.

bis, laudari, benedici, & celebrari, siue liberet siue non liberet, siue concedat siue neget, siue audiat

B siue

Pſalm. 95. ſiue non audiat: *Quoniam magnus Dominus, & landabilis nimis, terribilis eſt ſuper omnes deos.*

*Hymnorum
uſus homi-
nibus ſua-
detur ab
Angelis.*

Æmulandus eſt profeſſo in hoc ſtudio ſanctus Dauid, ob indefeſſam frequentiam in decantan- dis Hymnis Deo, & in prouocandis alijs creatu- ris ad eorundem Hymnorum uſum, Angelicum in hac re ipſe imitatus officium. Angeli altiores nil magis hominibus iuſtis ſuadere nouerunt, vt Deo creatori cultum gratum exhibere valeant, quàm diuinorum Hymnorum uſum frequen- tem. Profero Angelum illum Raphaelem, qui vnus erat ex ſeptem altioribus Spiritibus coram Deo ſemper aſtantiſus, Tobiz iunioris non ſolùm comitem & ducem, ſed protectorem ac præ- ceptorem. Hic nobiliſſimus Angelus, ſiue po- tiùs Seraphinus, poſteaquam iuuenem illum ſoſ- pitem ac felicem ad genitores reduxit, boniſq; plurimis ac gaudio cumulauit, vt tandem ipſum cum parentibus ad Dei maiorem cultum incita- ret, perſuaſit breui quidem, ſed arcanis copioſo ſermone, vt Deum Hymnis celebrarent ac bene- dicerent: *Ipfum benedicite, & cantate illi. iterum- que eandem auget hortationem: Benedicite Deũ, & narrate omnia mirabilia eius.* & his dictis diſ- parens, redijt ad cælum. Quo ſeraphico conſilio excitatus Senior venerabilis, Hymnum derepentè miris laudibus reduntantem cecinit ad gloriam Dei qui facit mirabilia, cui ſemper laus & honor ab omni creatura reddatur.

Tobiz 12.
Ibidem.

*Tobias
Hymnis
Deum ce-
lebrat.*

Huius diuini cultus præſtantia nihil minuitur ex eo capſe à nonnullis aliquando iactato; quia ſcilicet Hymnodiz publicæ uſus minimè ſit tantæ neceſſitatis in Eccleſia Dei hiſce temporibus, quã- tæ ſunt literarum ſtudia ad hæreſum euulſionem.

Non

Non esse quidem necessarium Hymnodix publicæ vsum, fateor, ad hæreticos conuincendos, at necessarium esse ad publicam diuini cultus protestationem atque dilatationem, nemo prudens negabit. Imò si vnus necessitas cum alterius comparatur necessitate, non erit inconueniens asserere maiorem aliqua ex parte necessitatem in vfu publicæ Hymnodix, quam in studijs literarum. Certum sanè est, illius vsum numquam cessaturum, sed semper duraturum & in hac & in futura vita, vt haud semel ostendetur in Operis huius progressu, quemadmodum innuere voluit Dauid illa solemnè cuiusdam Psalmi conclusione: *Psalmum dicam nomini tuo in seculum seculi.* Hancq; insignem Hymnodix præstantiam comprobare statuens misericors Deus, maluit aliquando, non sine prodigio verbi sui, prædicationem cessare, vt chori peragentur munera, quam in choro permittere vnus functionarij defectum, vt concio compleretur. Id certò euenisse nouimus ex Historijs fide dignis beato Antonio Lusitano, vulgò Patauino, qui sicut singulari pollebat gratia & auctoritate dicendi ad plurimos ab erroribus reuocandos, vt idcirco meruerit Hæreticorum malleus dici, ita, ne aliquando muneribus deesset sibi præscriptis in choro, quibus ex obliuione neminem suffecerat, visus est semel atq; iterum in medijs concionibus, quâs tunc habebat ad populi innumeram multitudinem, in locis à choro valdè dissitis derepentè verba suspendere per aliquod temporis spatium, quo postea cognitus est, infinita Dei operante virtute, & adfuisse choro, vt munus sibi debitum suppleret, & à suggestu nihilominus haud discessisse, vt, choraliperfecto munere, cõ-

*Hymnodia
necessitas
ad colendū
Deum.*

Psalm. 60.

*Singularis
Dei digna-
tio erga
chori præ-
stantiam.*

pleret absq; auditorum conturbatione iam cœptā concionem. At erga scientiarum studia habemus euentus prædicto valdè dissimiles. vt enim notum faceret Deus, hæc esse ad hæreticorum infideliumque quorumcumque conuersionem minimè necessaria, voluit haud semel, in præcipuis fidei cōtrouersijs, non obtineri à viris cultioribus disciplinis instructis, quod facillimè obtinuere simplices idiotæ nuda ac simplici mysteriorum fidei propositione, de quibus à doctioribus sine fructu fuerat acerrimè disputatum cū infidelibus. Vnicum huius veritatis luculentissimum exemplum, quod in celeberrimo Nicæno Concilio accidisse narrat Rufinus, subiiciam iisdem verbis Scriptoris, vt euentus cōditio, quæ fuit valdè insignis, meliùs cognoscatur. Cū pro studio, ait Rufinus, *religiosi Imperatoris (Constantini) ex omni terra Sacerdotes Dei cōissent, opinione commoti Philosophi quoq; & Dialectici valdè nobiles & opinatissimi conuenerunt. In quibus quidam insignis in arte Dialectica per dies singulos conflictus summi certaminis cum Episcopis nostris, viris adequè in Dialectica nō improbabiler eruditis, monebat, & fiebat ingens spectaculum, conuenientibus ad audiendum doctis & literatis viris; nec tamen vllò genere Philosophus concludi à quoquam poterat aut constringi: tanta enim dicendi arte obiectis questionibus occurrebat, ut ubi maximè putaretur adstrictus, velut anguis lubricus elaberetur. Sed vt ostenderet Deus, quia non in sermone regnum Dei, sed in virtute consistit, quidam ex Confessoribus simplicissima natura vir (à multis putatur Spiridion Trimithuntis in Cypro Episcopus) & nihil aliud sciens nisi Iesum Christum, & hunc crucifixum, inter ceteros Episcopos*

Rufinus
lib. 1. Histor.
cap. 3.

scopos auditores aderat, qui cum vidisset Philosophum
 insultantem nostris, & callida se disputationis arte
 iactantem, poscit ab omnibus locum, velle se paucis
 cum Philosopho sermocinari. Tum vero nostri, qui
 simplicitatem viri & imperitiam de sermone dum-
 taxat nossent, parere, & veluti quemdam pudorem
 pati, ne forte apud callidos homines risui efficeretur
 sancta simplicitas. Persistit tamen Senior, & hinc
 movit sermonis exordium: In nomine, inquit, Iesu
 Christi Philosophe audi qua vera sunt: Deus unus
 est, qui fecit calum & terram, quiq; homini, quem
 de terra limo formaverat, spiritum dedit, universa,
 que videntur & que non videntur, virtute Verbi
 sui creavit, & Spiritus sui sanctificatione firmavit.
 Hoc Verbum ac Sapiencia, quem nos Filium dicimus,
 humanos miseratus errores, ex Virgine nascitur, &
 per passionem mortis a perpetua nos morte libera-
 nit, ac Resurrectione sua aeternam nobis contulit vi-
 tam, quem & expectamus iudicem omnium que ge-
 rimus esse venturum. Credis hoc ita esse, o Philoso-
 phe? At ille, velut si nunquam ullum sermonem con-
 tradicendi didicisset, ita obstupescens virtute di-
 ctorum, mutus ad omnia, hoc solum potuit responde-
 re, ita sibi videri, nec aliud verum esse, quam quod
 dixerat. Tum Senior, Si hac, inquit, ita esse credis,
 surge, & sequere me ad Dominicam, & huius fidei
 signaculum suscipe. Et Philosophus conversus ad
 discipulos suos, & ad eos qui audiendi gratia con-
 venerant: Audite, inquit, o eruditi viri, donec
 verbis mecum gesta res est, verba verbis opposui, &
 que dicebantur dicendi arte subverti; ubi vero pro
 verbis virtus processit ex ore dicentis, non potuerunt
 resistere verba virtuti, nec homo aduersari potuit
 Deo. Ideo si quis vestrum potuit in his, qua dicta
 sunt,

Mira Phi-
 losophicon-
 versio ad
 veram fi-
 dem.

sunt, sentire qua sensi, credat Christo, & sequatur hunc Senem, in quo locutus est Deus. Ita Philosophus Christianus effectus, tandem se gratulatus est dictum.

Libro II.
cap. XIV.

Sozom.
lib. 6. c. 16.

*Vis Hym-
nodia rectè
expleta.*

Apta quidem sunt literarum studia ad infidelium conuersionem promouendam, sed minimè necessaria. Et opus conuertendi animas ab erroribus in primis est opus Dei, non autem solius humani studij. Deinde hoc opus potest nō mediocre expectare auxiliū à recto publicæ Hymnodiaē vsu, propter vim impetrandi maiorem apud Deum, de qua infra agetur, & propter vim exempli apud ipsos infideles, qui audientes videntesq; Dei cultum opportuna explerum grauitate ac decencia, maiorem erga nostram fidem concipiunt venerationem; quemadmodum re ipsa euenisse Imperatori Valenti, Arianæ hæresis insigni fautori, testantur Scriptores Ecclesiastici: hic aliquando ad Catholicorum Templum accedens, vbi Magnus Basiliius aderat Episcopus, ad diem festum Natalis Domini celebrandum, cum audisset vidissetq;e, quanto cum decore ac grauitate Psalmorum cantus ceteraq; Ecclesiæ munia peragerentur, tam magna affectus est admiratione ac veneratione erga sanctum Episcopum, & erga Catholicos ritus, vt fuerit coactus eorum laudes celebrare, licet haud diu post, aduersariorum calumniainductus, iusserit Basilium exulare.

Has ob causas omnipotens Deus, qui humanas res mirabili disponit suauitate, vtrumq; istud munus, Hymnorum scilicet cantum & hæresum euulsionem, in plerisq; insignioribus Ordinibus coniunxit, & huiusmodi Religiosorum ministerio multis ab hinc sæculis est præcipuè vsus, ad infidelium peragendam conuersionem, vt ab iisdē

&

& coleretur cantu Hymnorum, & defenderetur præsidio literarum. Hinc iure obseruauerunt huiusce diuinæ suauitatis contemplatores, qui nos præcesserunt, constantem fuisse Dei morem, nouis exurgentibus in Ecclesiæ agro hæresum venenosissimis dogmatibus, præparare, inter alia validiora promptioraq; antidota, nouas Religiosorum scientias & chorum profitetium Ordines, ad Ecclesiæ suæ solatium & robur. Huius diuinæ prouidentiae suauissimum effectum præsertim animaduertunt nobiles Auctores in ortu Albigen-
Ordines Religiosi, chorum & scientias profitentes, sunt Ecclesia fulcrum.

sium hæreticorum, qui Ecclesiam superioribus sæculis peruersis dogmatibus diu acriterq; perturbare conati sunt: nam contra istos eodem tempore excitauit Deus duos præclarissimos Ordines, S. Dominici ac S. Francisci; qui sicuti choro & scientijs operam strenuam præstare debebant, ita essent verum Ecclesiæ fulcrum, eam, ob hæreticorum impetum, penè nutantem egregiè sustententes, iuxta visionem Vicario Christi illius temporis exhibitam, quam infra hoc eodem Libro describimus.

Idem ferè obseruare nobis licuit in ijs quæ acciderunt circa initium sæculi. proximè elapsi, ab anno scilicet M. D. XVII. ad annum M. D. XXXVIII. nam tunc contra Ecclesiam in præcipuis Europæ partibus prauissimi exorti apparuerunt errores, qui eam funditus se euersuros minabantur. In primis
Lutheranismi initium, & progressus.

Martinus Lutherus in Germania, vbi natus erat, verbo, scriptis operibusq; turpissimis non solum plurimos euomuit pestilentissimos errores, sed insuper peperit alios hæresum variarum auctores nihilo seipso meliores. Andreas enim Carlostadius, Huldricus Zyvinglius, & Ioannes Oeco-

lampadius, execrandissima tanti parentis proles, nouarum familiarum impiissima capita anno M. D. XXVI. prodierunt in lucem. Anno statim proximè sequenti ex eodem infecto stipite ortum habuerunt Balchazar Pacimontanus, & Bernardus Rothmannus, Anabaptistarum promulgantes hæresim. Prædictos Lutheri discipulos subsecutus est Philippus Melanchthon anno M. D. XXX. Confessionistarum auctor. Post Lutheranismi huius tantam dilatationem, Henricus Rex VIII. in

*Anglicani
schismatis
initium.*

*Caluinisti-
ca secta or-
tum.*

Matth. 18.

Anglia anno M. D. XXXV. à Romana Catholica deficiens Ecclesia, grauissimum enormissimumque schisma excitauit. Tandem in Gallia Ioannes Caluinus Ecclesiam anno M. D. XXXVIII. aliis perniciosissimis perturbauit dogmatibus. Cum igitur tot tantaque exurgerent hæresum monstra, quæ Sacramentorum, Eucharistiæ præsertim & Pœnitentiæ, veritatem impugnant, Indulgentias negant, Purgatorij pœnas tollunt, summi Pontificis penitus euertunt auctoritatem, fidelissimus Ecclesiæ sponsus Christus Deus, qui huic promisit perpetuam assistentiam, dicens, *Ecce ego vobiscum sum omnibus diebus, usque ad consummationem sæculi*, vt impietati pietatem, peruersisque magistris optimos opponeret Doctores, atque venenis antidota pararet, instituendos disposuit tres ferè simul ab vno eodemque Pontifice approbatos Ordines Regularium virorum, choro & scientiis operam nauantium: vt sicut breui annorum interuallo contra Ecclesiam tot instruebantur validissimæ hostium copiæ, quæ in præcipuas tres turmas, Lutheranorum, Schismaticorum, Calvinistarum diuisæ, eam aggredi niterentur; ita Ecclesiæ adessent totidem virorum electorum acies

acies ordinatæ, & ab vno eodemque summo Pontifice, qui fuit Clemens VII. approbatæ, breui annorum intervallo, ad eiusdem Ecclesiæ tutelam & amplificationem, Ordines isti fuere, Clericorum Regularium, qui Theatini appellantur, *Theatinarum*, anno M. D. XXIV. Capucinatorum sancti Francisci, *Capucinarum*, anno M. D. XXVIII. Clericorum Regularium sancti Pauli, *Paulinarum*, anno M. D. XXXIII. ex quibus prodirent egregij sanctique viri, qui verbo, scriptis, exemplo & opera vim tuerentur ac promouerent Sacramentorum, Catholicamque fidei nostræ doctrinam sustinerent omnibus neruis. Quod egregiè factum videmus. Nam Theatini in Italia omni genere insigniorum virtutum & doctrinarum flourerunt florentque, & Ecclesiæ insignes præbuerunt Cardinales & Episcopos. Capucini & Paulini tum in Italia, tum in Gallia & in Germania enixè strenueque laborant, non sine piarum animarum in omni virtutum genere confirmatione, peccatorumque ad meliorem frugem reductione, hæreticorumque ad veritatem vnitatemque Catholicæ Romanæ fidei conuersione. Ad quod præclarum opus sæpè sæpiùs destinantur ab ipsis summis Pontificibus pro tempore Dei Ecclesiam regentibus, qui ad hunc finem erexerunt in Vrbe insignem grauiorum Prælatorum Congregationem, quæ dicitur *De propaganda fide*, inuigilantem huic idoneorum ministrorum pro Catholicæ fidei propagatione laborantiū electioni ac missioni. Patet igitur, quodd Hymnorum cantus sicut diuino conuenit cultui tum exercendo tum amplificando; ita haud rectè dici potest minimè necessarius hisce temporibus specie zeli erga hæresum euulsionem, cum sit compertum, vtrumque istud

Congregationis De propaganda fide in Vrbe officium.

munus in Ecclesia Dei à multis Ordinibus Religiosis fideliter expletum per sæcula multa, atque expleri in dies magna felicitate. Neque enim superioribus sæculis fuit Ecclesiæ ager à prauo errorum semine omnino immunis: neque item hisce tantum temporibus apparere incipiunt in agro isto mala zizaniorum germina, ut idcirco quis possit dicere, tunc tantum vsum debuisse publicæ Hymnodicæ admitti, omissis scientiarum studiis, nunc autem solis esse vacandum litteris, & à chori frequentia abstinendum. Caueant qui ista sibi ex ore permittunt excidere, ne viam iterum aperiant errori iam damnato tum Hilarij Ariani, tum Ioannis Wiclefi, dicentium, in cantibus Ecclesiasticis frustra conteri tempus, Sacerdotesque in Ecclesia cantantes esse Sacerdotes Baal, valdè namque affinia sunt isti errori prædicta pronuntiata; quæ licet non animo proferendi errores, sed zelo facilioris errorum destructionis dicantur, viam tamen sub specie zeli sternunt erroribus. Dicamus itaque, Hymnorum cantum maximè conducere ad cultus diuini insignem protestationem atque dilatationem, neque vñquam in Ecclesia Dei cessaturum, imò semper duraturum in æternum, & ultra, cum perpetua latitia cantantium, inter quos dignetur benignissimus Dominus Scriptorem ac Lectores aliquando connumerare.

CAPVT III.

*Hymnorum cultus omni electæ
victima præstat.*

AD Hymnodia comprobendam dignitatem *Hymnorum*
plurimum conferet cognitio æstimationis *usus magni*
ipsius apud Deum: quæ enim à Deo, qui vniuscuiusque rei veram possidet noticiam, habentur in *æstimatur*
æstimatione, magna esse & dicere oportet. Si sacros consulimus Libros, in quibus testata reliquit Deus sui cordis arcana & sensus, reperiemus Hymnodiam apud Deum præstare dignitate & valore omnibus cuiuscumque generis Sacrificiis, victimis, holocaustis, oblationibus & donis. Imò innuere videtur Deus ipse, nil aliud à nobis sibi posse gratus reddi quam Hymnos & laudes. Id protestatur per Hymnographum dum ait, nec vitulos, nec hircos, nec iumenta, nec volatilia sibi placitura æquè ac Hymnos & laudes: & cum omnia singillatim Sacrificiorum genera *Hymnodia*
expressisset, in quibus antea se iucundissimè delectari indicabat, concludit, quòd, etiamsi omittentur illæ oblationes, & sola ei offerretur laudatio sincera, ipse hac sola contentus, nil aliud ab homine exigeret, aut expeteret ad sui honorem. *omnibus præferitur Sacrificiis à Deo.*
Verba ipsius aperta sunt & clara: *Immola Deo Sa-* Psal. 49.
crificium laudis, & redde Altissimo vota tua. In-
uoca me in die tribulationis, eruam te, & honorifi-
cabis me. quod iisdem iterum verbis, ad maiorem animi sui expressionem, & ad validiorem in nobis impressionem, concludens totum Psalmum, asserere non dedignatur, *Sacrificium laudis honorificabit*

rificabit me. quasi dicere volens, hunc solum honorandi modum esse verè vnicum, verè sibi præ omnibus dilectum & carum, imò instar omnium qui ad Dei honorem possent ab homine excogitari.

D. August. Expendebat sanctus Augustinus ad hanc rem
in Psal. 55. illud Dauidicum pronuntiatum, *In me sunt Deus*

vota tua, quæ reddam, laudationes tibi; docebat-
que ex hoc textu, magis esse placitas Deo lauda-
tiones quæ de ara cordis caritate accensi offerun-
tur, quam omnia externa, licet magna & pretio-

Iob Hymni sa: suggerens casum sanctissimi Iobi, qui licet dum
Deum co- viueret felix, quotidie Deo solitus esset offerre
luis & Sa- Sacrificia insignia, numquam tamen apud Deum
crificia. ipsum tot laudes & merita sibi est consecutus,

quot, postquam diaboli astu & opera spoliatus
omnibus bonis, ex arca sancti pectoris, quam fur
diabolus non inuaserat, diuitiis interioribus ple-
na, laudes Deo gratissimas pro Sacrificiis obtulit,
Iob 1. dicens: *Dominus dedit, Dominus abstulit: sicut*
Domino placuit, ita factum est: sit nomen Domini
benedictum. & ob istas laudes tantam apud Deum
æstimationem acquisiuit, vt propositus sit tam-
quam præcipuorum Heroiùm idea & exemplar.

Nullum illustrius diuinæ complacentiæ pro
recta Hymnodia testimonium potest afferri quàm
Psal. 68. illud Dauidicum: *Placebit Deo super vitulum no-*
uellum, cornua producentem & ungulas. ostendit
namque, quòd selectiora Sacrificia comparari
non valent Hymnorum oblationi. Licet gratissi-
ma essent Deo Sacrificia ex pinguibus vitulis ad-
huc lactentibus & pubescentibus, vt verbis vtat
diui Augustini, qui legit, *vitulum pubescentem,*
nam à solis ditioribus huiusmodi electa animalia
poterant

poterant reperiri; nihilominus cariora sibi declarat Deus Sacrificia Hymnorum, quæ à lætis cantoribus sibi offeruntur. Quòd namque ibi sermo sit expressus de Hymnorum cantu, à nemine id potest in dubium reuocari, cum sit luce clarius meridiana: nam immediatè ante ista verba, *Placebit Deo super vitulum novellum*, &c. promiserat Hymnographus sanctus conceptis verbis iugem diuinarum perfectionum cantum, dicens: *Laudabo nomen Dei cum cantico, & magnificabo eum in laude*. Proinde sanctissimus David multus est ac frequens in huius mystici Sacrificij adhortatione, modò asserens opus psallendi esse Deo bonum, *Confitebor nomini tuo Domine, quoniam bonum est*; Psal. 53. modò addens non solum esse bonum, sed & decorum & iucundum: *Laudate Dominum, quoniam bonus est Psalmus, Deo nostro sit incunda, decoraque laudatio*. quod clariùs ab aliis legitur: *Quoniam bonum est canere & psallere Deo nostro, quoniam decora & incunda est laus*. Congrua sunt quæ scripsit ad hoc institutum Lactantius Firmianus, cuius sententiam non pigebit summarim colligere. Ait itaque, non ebur Deo castum donum esse (sicuti etiam à Platone asseriebatur) non picta & texta pretiosa, non quidquid surripi corrumpive potest, non incorporeo corporea munera conuenire. Non immolationibus & sanguine multo (vtri aduertebat etiam Seneca) colendum Deum, sed mente pura, bono honestoque proposito. Addit, si quis templa, vestes, gemmas, & alia quæ habentur à nobis in pretio, putaret Deo cara, istum planè nescire quid sit Deus. Concludens itaque asserit, Deo offerendum esse donum integritatis animi in perpetuum, & Sacrificia ad tempus,

Lactant.
Firm. l. 6.
c. vlt.

Omnia pretiosiora externa postponuntur Hymnorum oblationibus.

tempus, non animalium, sed Hymnorum & laudationum; quod auctoritate comprobatur Trismegisti, qui tradebat, Deum præcipuè coli & adorari gratiarum actionibus & benedictionibus. Tandem docet, summum Dei cultum in eo situm esse, quòd iustus homo ore & Hymnis Deum concelebrat.

Philol. de
Vict. offe-
ren.

Pulchrè in eandem rem Philo scribit, Deum non gaudere Hecatombis, cùm sit cunctarum rerum Dominus, nec ullius rei sit indigens, sed magis velle pias mentes, quæ offerant Hymnos in gratiarum actionem. quantò namque præstat aurum lapidibus communibus, & adytum est excellentius vestibulo, tantò est acceptior suffragium gratiarum actionis, quàm maculata victima. Tan-

*Homo crea-
tus est ut
Deum lau-
daret.*

ti æstimatur à Deo hominis Hymnodia, ut asserere audeam, nos homines conditos ab omnipotente Creatore ad hunc præcipuum finem fuisse, ut illius operum mirabilium effecti spectatores, Hymnis celebraremus & coleremus eius maiestatem, omnipotentiam, sapientiam, bonitatem & naturam. Faut huic sententiæ S. Patris Chrysostomi elegans doctrina, quam tradit in Psalmum 116. his verbis: *Nihil à nobis aequè requirit Deus ac laudes & gratiarum actiones; propterea enim animam nobis inspiravit, rationales nos fecit, & à brutis lingua discrevit, ut eum laudemus, celebremus & ingiter glorificemus: non quòd ipse opus habeat nostra laudatione, sed ut nos doceat gratos esse, & agnoscere tantorum bonorum suppeditatorem, & ut, quidquid lucri ex ista celebratione sit, ad nos redeat, & dignos faciamus semper maioribus subsidiis.*

S. Chrysost.
Homil. in
Psalm. 116.
apud Six-
tum Se-
nens. in
Bibl.

Non erit abs re huc transferre quamdam lepidissimam

diffimam fictionem descriptam à Philone, quam ipse appellat fabellam antiquam, quoniam licet fabula sit & figmentum ingeniosum, non carebit tamen vtili aliqua doctrina ad rem nostram valde opportuna. Ait itaque, se audiuisse circa mundi huius visibilis formationem hanc narrationem, quod cum Deus absolvisset totam mundi machinam, aduocarit ad se vnum ex Prophetis, illum interrogās, an aduerteret aliquid adhuc creandum desiderari; cui responderit Propheta acutè, desiderari vnum laudatorem. Fictio inquam est, sed à veritate non discrepat omnino; desiderantur enim laudatores, quando homines aliqui non respondent fini suæ conditionis, nec opera Dei considerant, nec Deum patratores optimum Hymnis celebrant & colunt.

Dixerim quasi, quod videns Deus suam intentionem in plerisque hominibus irritam succedere, ideo conuerterit animum ad genus hominum peculiare, quos eligeret, & quasi speciali quadam noua creatione formaret, vt eius decantandis laudibus, quibus vehementer delectatur, perpetuò vacarent. Homines istos nouiter creatos dico Ecclesiasticos ministros, qui ratione status ad Hymnodia frequentem vsus sunt deputati. De quibus felicibus hominibus non incongruè intelligi potest locutus Deus per Prophetam Isaiam, dicens: *Populum istum formauit mihi, laudem meam narrabit.* quæ Prophetica prædictio nulli populo commodius potest aptari quam Ecclesiasticis personis, præsertim Religiosis Ordinibus Hymnodia studiosis. Hos videtur formasse sibi Deus noua ac peculiari creatione, nempe noua ac singulari vocatione, dum eos illuminauit & elegit,

Philo l. de
Plantat.
Noë.

De mundi
creationis
fine elegans
fabella an-
tiqua.

Ecclesiasti-
ci sunt à
Deo electi
ad suas lau-
des susti-
nendas in
terris.

Isaia 43.

gir, vt sibi statuerent tamquã præcipuum munus Hymnodiaẽ vsum, & publicum cantum in choro, & noctes diesq; Hymnis decantandis vacarent. O verè felicem populum, qui talem meruit à Deo omnipotente formationem seu electionem, populum dignum benigna Dei protectione, dilectione & fauore! proteget absque dubio Deus, diligit, fauebit, & fouebit, si muneri nostro intenti nos Religiosi numquam laudes eius deferamus. Non deserit Deus, nisi ipse priùs deferatur à nobis.

Benedictiones diuinae super pios psallentes paratae.

Nec solus Isaïas de hoc felici populo est locutus, sed prior prædixerat eiusdem priuilegia sanctus Hymnographus, describens benedictiones diuinas super istum populum paratas, quando munus Hymnodiaẽ rectè expleisset. Primò narrat, ioculum Dei benignum futurum super quosdam homines, nec vñquam vacuam futuram eorum orationem; deinde prosequitur ipsorum famam fore celebrandam omnibus venturis sæculis; tandem eos insignit nomine populi nouiter creati siue formati ad diuinas laudes celebrandas.

Psal. 101.

Respexit Dominus in orationem humilium, ecce adspectus oculorum benignus; & non spreuit precem eorum, ecce orationis fructus. Scribantur hæc in generatione altera, en famæ euulgatio; populus, qui creabitur, laudabit Dominum, ecce designatio & nomen eorum de quibus est sermo.

Clerici unde nomen sumptum.

Hanc felicitatem cognoscentes, magnum reputant beneficium se electos esse in sortem eorum (quod significat nomen Cleri ijs datum qui sunt Deo in Ecclesia consecrati; cleros enim Græcè Latinè fors dicitur) qui ad laudes Dei celebrandas sunt destinati. Quod inde maius excrescit, si ad

ad hanc sortem electi in ea confirmantur in perpetuum, ne deficiant, néve umquam in ea defatigati lassentur. Nouimus Hymnographum nostrum Deo altissimo peculiare reddere gratias & laudes, ob hanc sibi collatam firmitatem, & concessam gratiam perseverandi in Hymnis & confessionibus sine fastidio aut tædio offerendis in perpetuum, quemadmodum asseuerat in conclusione Psalmi 65. qui cum totus sit in celebranda potentia, sapientia & bonitate Dei, concludit tandem solemni benedictione ad Deum directa, quia in ipso laudando & exorando numquam se lassum cognouerit, pronuntians se id ab eius gratia & misericordia acceptum cognoscere: *Benedictus Deus, qui non amouit orationem meam & misericordiam suam à me.* Vir iste omni memoria dignus sicut Hymnodix præstantiam possidebat, ita erga illius usum & in se ipso & in alijs omni studio fuit semper frequens. Nec solum auctor voluit esse Hymnorum futuris temporibus decantandorum, sed quamuis esset Rex tam gloriosus & bellicosus, non tamen dedignatus est ad Dei honoré designare ministros, qui in Templo mox futuro Hymnos perpetuò decantare deberent, imò nec dedignatus est docere Leuitas musicas modulationes Hymnis suis opportunas; quod obseruauit & luculenter descriplit, tamquam rem in maximo Rege verè magnam, Iosephus his verbis: *Dauid perfunctus iam bellis ac periculis, & in altissima pace degens, instrumentis musicis comparatis, docuit Leuitas ad pulsum eorum laudes Dei decantare tam in Sabbatis diebus quàm in ceteris festiuitatibus.* Mira certè & exemplaris dignatio in Principe magno, qui verum di-

Magnū est beneficium electio ad Dei laudes frequentā-
das.

Psalm. 65.

Dauid docuit Leuitas Psalmorum cantum.

Ioseph. l. 7. Antiq. c. 10

uini honoris zelatorem se mundo ostenderet ac declararet.

Deus igne comprobare solitus erat Sacrificia antiquorū. Solebat quondam Deus signa visibilia ostendere super Sacrificijs priscorum Patrum, vt cordis sui complacentiam declararet, signumq; frequentius erat ignis emissio è calo, quo certè signo S. Hier. S. credunt pleriq; Doctores sacri declarasse Deum Chryl. Pro- suam voluntatem super innocentis Abelis Sacri- cop. in ficio, de quo dicitur : *Respexit Dominus ad Abel, & ad munera eius.* vnde Theodotion ibi legit: *Inflammanit Dominus super Abel, & Sacrificium eius.* Eodem signo pluries deinceps vsus est super

Iudic. 6. &

13.

Leuit. 9.

3. Reg. 18.

1. Par. 21.

2. Paral. 7.

2. Mac. 1.

Astor. 16.

Comprobat

Deus Psal-

morū usum

varijs si-

gnis.

Humbert.

l. 6. Instit.

p. 4. cap. 8.

Beata Virgo

Dei para si-

gnum be-

nenolentia

exhibet pjs

cantatibus

Salve Re-

gina.

alijs Sacrificijs sibi gratis, vti Gedeonis, Manue, Aaronis, Eliæ, Dauidis, Salomonis, Nehemiæ. At in nostra Ecclesia, quando non figuram, sed veritatem apertam possidemus, declarare solet Deus suam voluntatem & complacentiam erga Hymnodiam non mysticis, sed apertis signis & expressis effectibus. Nam de Paulo Apostolo & Sila eius socio proditū est, quòd dum alta voce Hymnos Deo dicerent inuicem in carceribus positi, cantenæ & vincula resoluebantur, & ostia omnia carceris referabantur. Singulare quoque signum erga psallentes Religiosos voluit exhibere Dei para Virgo Maria. Dum enim Religiosi in Ecclesia Hymnum illum deuotissimum *Salve Regina* cantarent, quando ad ea verba, *Eia ergo aduocata nostra*, perueniebatur, videbat quidam vir Religiosus beatam Virginem flexis genibus commendantem Filio suo Ordinem, quemadmodum referre solebat Humbertus Ordinis Prædicatorum Magister, vir pietate & religione insignis. Quis itaque dignitatem & præstantiam huius Hymnodicæ non admirabitur ac diligeret?

Tantam

Tantam dignitatem cognouerunt, qui omne studium in recto illius usu collocare non omiserant. S. Benedictus, Monachorum in Italia ac in toto Occidente egregius reparator, & magnus propagator, Hymnodia appellabat *opus Dei*; Monachisque suis suadebat quibuscumque alijs rebus præferendum, ut re ipsa, non sine magno Ecclesiæ fructu, in illo Ordine præfertur. Qui autem non agnoscunt hanc dignitatem, sicut eius nec degustare possunt suauitates, ita durum sibi reputant impositum onus soluendi aut grauem pensionem, aut vectigal intolerabile, quando ad chorum accedere tenentur. Istis ego suaderem, ut frequenter Deum exorantes, usurparent breuem illam orationem ab Hymnographo traditam, *Am-puta opprobrium meum, quod suspicatus sum, quia iudicia tua incunda*; tamdiu eam iterantes, donec à Deo cælesti collustratione & auxilio dignentur. Nam verè sola oneris suspicione affliguntur, cum tamen re ipsa onus non sit Hymnodia, sed iucunditas & consolatio, & munus altissimum, imò Angelicum, ut mox videbimus.

Grave tributum reputatur Hymnorum cantus ab aliquibus.

Psalm. 118.

CAP. V. T. IV.

Hymnodiam opus esse Angelicum.

DE Daudicis Hymnis loquens D. Basilus, ut illos commendat, inter alia encomia tandem profert: *Psalmus est Angelorum opus*. Quod pronuntiatum sicut est verum, ita promptas facileque habet probationes, quas in hoc Capite perstringemus. Angelorum itaque opus dicemus Hymnodiam, quia ab Angelis usurpata; & quia ab

D. Basil. Proem. in Psalm.

Angelis ad homines deriuata; demum quia Angelorum induunt officium Hymnodia studiosi.

*Angeli vsi
sunt Hym-
nis.*

Ab Angelis itaq; primò vlturpatam dixi Hymnodiam: nam consona est omnium sanctorum Patrum & Doctorum Græcorum & Latinorum sententia, quòd Angeli statim ac conditi fuere, cum propriam pulchritudinem contemplati essent, ceteraq; Dei opera contuiti, orbis præsertim cælorumq; & astrarum mirabilem constructionem & concentum, non solùm obstupuerunt, sed præ admiratione Hymnos vocesq; gratulatorias & plausus edere cæperunt. Id colligunt ex confessione Dei cum suo patientissimo Iobo lo-

Iob. 38.

quentis, & dicentis: *Vbi eras quando ponebam fundamenta terra*, ecce prima orbis fundatio; *cum me laudarent astra matutina*, en astrarum & cælorum concentus; & *iubilarent omnes filij Dei*; en An-

*Angelicre-
ati sunt an-
te hominē.*

gelorum laudes: de Angelis enim loqui intelligitur nomine filiorum Dei, vti clariùs exponitur tum à Chaldæo vertente, & *iubilarent omnes acies Angelorum*; tum à Septuaginta legentibus, & *iubilarent Angeli mei*. quali dixerit Deus Iobo: Nondum erat homo vllus, quippe qui post omnes creaturas fuerit vltimo loco formatus, aderant

*Angeli sūt
primi can-
tores diui-
narum lau-
dum.*

tamen Angeli laudantes & celebrantes meam magnitudinē & perfectionem (nam, iuxta omnium Theologorum sententiam, vnà cum sublimioribus corporeis substantijs cælorum fuere Angeli à Deo producti;) isti Hymnis me celebrarunt, isti sunt primi cantores mearum laudum. Nec ymquam deinceps aut destiterunt aut defecerunt Angeli beati, sed sine intermissione perseuerant in omnem æternitatem, concinentes trifagion Hym-

Isaie 6.

num, *Sanctus, sanctus, sanctus*, vti audire licuit sanctissimo

sanctissimo Prophetæ Isaïæ in veteri Testamen-
to; & post multa sæcula ostensum fuit dilecto
Christi discipulo Ioanni in sua Apocalypsi, qui ^{Apoc. 4.}
obseruauit irrequietos esse in hac Hymnodia An- ^{Angeli sine}
gelos sanctos: *Requiem*, ait, *non habebant die ac* ^{requie can-}
nocte, *dicentia: Sanctus, sanctus, sanctus.* Irre- ^{tant Hym-}
quietos eos vocat in Hymno dicendo, quia, vti ^{nos Deo.}
optimè addit D. Damascenus, *hæc erat ipsorum* D. Damaf.
requies. Quasi dicere volens, quod Angeli non ^{l. r. Fidei}
laborem, sed requiem experiebantur in continua ^{cap. 16.}
Hymnodia perseverantia. Quia autem Hymnus
iste à Seraphinis prolatus audiebatur, D. Cyril-
lus Ierosolymitanus loquens de eo, ipsum voca-
bat Seraphicam Theologiam hominibus com-
municatam ad nostram vtilitatem. *Propterea*, ait, ^{D. Cyril.}
traditam nobis hanc Seraphicam Theologiam, San- ^{Catech. 5.}
ctus, sanctus, sanctus, recitamus, ut in illa celesti ^{Mythagog.}
Hymnodia cum supramundana militia communice-
mus, per huiusmodi Hymnos nos sanctificantes.

Hinc omnes Patres sumpserunt occasionem di-
cendi ab Angelica Hierarchia ad Ecclesiasticam
nostram Hierarchiam, quod secundo loco pro-
bandum assereram, esse deriuatam Hymnodiam
alternis choris vsitatam. Nam Seraphini illi a- ^{Alternus}
pud Isaïam auditi sunt alter ad alterum canentes, ^{cantus ab}
Sanctus, sanctus, sanctus, inuicem se ad Dei lau- ^{Angelis}
des prouocantes. Quæ forma canendi cœpit in ^{primò au-}
nostra Ecclesia frequentari libentiùs, ob aliam ^{ditus.}
Angelicam Hymnodiam in visione communica-
tam sub initiû ferè nostræ Ecclesiæ sancto Igna-
tio illustrissimo martyri, Antiocheni Episcopo,
sancti Ioannis Apostoli discipulo, qui cum alijs
Apostolis non semel habuit cōsuetudinem. Huic
præclarissimo viro ostensi sunt Angeli cælestes

*Alternus
cantus in-
ter homines
Christianos
quando cœ-
ptus.*

Georg. in
Vita S.

Chrylost.

Socrat. l. 6.

cap. 8.

Trip. l. 10.

cap. 9.

Niceph. l.

13. cap. 8.

D. August.

l. 9. Confes.

*Angelicus
cantus in
Christi
Natiuitate.*
Luc. 2.

canentes Dei trini laudes alternis vocibus; ut ce-
lebriores Historiæ prodiderunt. Ex qua visione
motus Apostolicus vir Ignatius, formam illam
canendi in Angelis cognitam obseruandam tra-
didit suis Antiochenis, quibus præerat, indeque
paullatim fuit per Orientem propagata, & ex O-
riente in Latinam Ecclesiam ab Ambrosio pri-
mum, ad suæ Mediolanensis Ecclesiæ religiosio-
rem institutionem, ut refert S. Augustinus, fuit
translata, postea ad ceteras Occidentis Prouin-
cias, tandem ad vniuersam Ecclesiam fuit decre-
to Damasi Pontificis maximi dilatata.

Imò, si res ista subtilius examinetur, forsan
multò antè modò narratam D. Ignatij visionem
reperiemus, Angelos sanctos iam fuisse nouę
nostræ Ecclesiæ primos communis Hymnodicę
instructores ac exemplar, haud sine approbatio-
ne, melius dixerim, haud sine expresso Regis An-
gelorum & hominum, nempe summi Dei, decre-
to. Quòd namq; initio nascentis Ecclesiæ sancti
Angeli exemplum præbuerint cantus Hymnorū
in honorem & laudem Dei, faciliè constabit, si re-
colamus suauissimum illum ac summa exandan-
tem lætitia Hymnum, *Gloria in altissimis Deo, &
in terra pax hominibus bonę voluntatis*; quem ea-
dem nocte, qua prodijt ex purissimo sanctissimæ
Virginis genitricis vtero ynigenitus æterni Patris
nostra carne indutus, nouimus cantatum non ab
vno solo Gabriele, qui fuerat pastoribus annun-
tiator nati Saluatoris, sed vnà à ceteris omnibus,
qui eidem Gabrieli adiuncti & in choros diuisi
canere cœperunt, *Gloria in altissimis Deo, &c.*
quemadmodum luculenta narratione descripsit
S. Euangelista dicens; *Et subito facta est cum An-*

gelo

gelo multitudo militiæ celestis, laudantium Deum, & dicentium: Gloria in altissimis Deo, & in terra, &c. Animare voluerunt Angeli sancti nascentem tunc Ecclesiam ad sustinendū pijsimum illum Hymnodicæ publicæ vsum, quem feliciter cœptum sustinuerat ac coluerat antiqua Ecclesia. Quod item decretum approbantis, imò iubentis Dei, non defuerit, sed adfuerit, testatum nobis reliquit fidelissimus arcanorum Dei cognitor & nuntius Paulus Apostolus, dum de hac Verbi diuini temporali Natiuitate disserēs scripsit in hæc verba, *Cum iterum introducit primogenitum in orbem terra, dicit: Et adorent* (ecce decretum) *eum omnes Angeli Dei.* Cuius decreti verba olim præuiderat, ac prædixerat Hymnographus canens: *Adorate eum omnes Angeli eius.* Adorauerunt, inquam, & coluerunt Angeli sancti, audientibus hominibus mortalibus, Filium Dei incarnatū Hymnis & confessionibus gratissimis. Neq; dubium cuiquā esse debet de forma Angelici huius cantus, num scilicet fuerit alternis expletus choris, id namq; apertè colligitur ab illa voce *militiæ*, vsurpata à S. Euangelista. Hæc vox apud rei militaris peritos infert ordinatam acierum distributionem, alioquin non militiæ, sed multitudinis nomine rectius diceretur. Verum adhuc omnem aufert rei huius dubitationem communis sensus Ecclesiæ, quæ læta recolens in Natalitijs annuis Domini nostri Iesu Christi hos Angelicos cātus, declarat chori formam adhibitam fuisse: nam, introducens pastores cuidam factæ interrogationi respondentes, vsurpat hæc verba: *Natum vidimus, & choros Angelorum laudantes Dominum.* Quod itaq; Euangelista asseruit verbo *militiæ*,

Heb. 1.

Psal. 96.

explicat Ecclesia nomine chori; quia videlicet singuli chori cuiusque Hierarchiæ Angelorum, modò vnus, modò alter, modò omnes dicebant: *Gloria in altissimis Deo*, &c. aliasque lætitiæ laudes concinebant. Quo cantu prouocarunt Angeli sancti ipsos pastores, quamuis rudes, ad similitum laudum prosecutionem; reuertentes enim ad proprios greges, præ lætitia laudare Deum eumque glorificare audiebantur, vt narrat sacra Historia.

*Psallentes
Angeli esse
deberent
imitatione.
D. Chry-
sostom. in
Psal. 112.*

Et sicut Angelos imitamur in forma cantus, ita Angelum esse oporteret Hymnodia studiosum, Angelum inquam non natura, tùm id fieri nequeat, sed imitatione vitæque puritate, vt egregiè tradebat beatus Chrysostomus dicens: *Oportet Angelum fieri, & ita laudare: ante os nostrum vita nostra Deum laudet.* Expendebat aliquando sanctus Doctor causam cur Psalter Regius, dum vellet Deum maximè laudatum, inuitando ad

*Psal. 148.
Angeli primi
omnium
inuitantur
ad diuinum
laudem can-
tum.*

opus omnes omnino creaturas, vt Psalmo 148. explere conatur, initium sumat primò ab Angelis in cælo residentibus, deinde creaturas alias cælestes materiales, tandem creaturas quascumque sub cælo degentes, dicens: *Laudate Dominum de cælis Angeli & Virtutes*, deinde sol, luna, stellæ cæli; tandem descendit ad terræ dracones, abyssos, populos, Reges, &c. cùm potius debuisset initium sumere ab inferioribus, & paullatim procedere ad superiora, iuxta naturæ ordinem. Respondet beatus Chrysostomus, voluisse Dauidem ab Angelis ducere principium, vt inde intelligerent homines se non posse dignè vsurpare diuinos Hymnos, nisi priùs habeant Angelos sibi propofitos ad imitationem.

Hymnodiam itaque piè recteque exercentes homines

homines Angelorum nomine decorantur, Angelorum item societate dignantur in ipso opere Hymnodia; non enim cum psallentibus mortalibus dedignantur ipsi immortales vnà psallere, aliquando etiam præcinentes prouocare nos ad psallendum. Testatur hoc insigne priuilegium diuus Bernardus imitans Dauidem dicentem: *Prænerunt Principes coniuncti psallentibus*. Quem locum intelligit de Angelis nomine Principum; quia veri sunt Principes cælestis Monarchiæ. Expendebat sanctus Doctor illam dictionem *coniuncti*, quæ vnionem importat, quia Angeli vnà cum psallentibus hominibus vniantur; deinde aliud verbum, *prænerunt*, quo significantur Angeli quandoque ductores esse Hymnodia, prouocantes ad psallendum. Concinit visio illa, de qua scribit Cassianus de Angelo qui inter Monachos conspiciebatur, vt eos psallere doceret: à quo Psalmi duodecim, per totam Ægyptum in horis nocturnis & diurnis vsurpati, fuerunt tunc traditi. Eidem veritati præbet testimonium diuus Chrysostomus dicens, *Psallentibus adstare Angelos magno audientes cum silentio, & postquam cesserit Psalter, applaudantes, landantes, adorantes*. Imò alibi expendens verba illa Hymnographi, *In conspectu Angelorum psallam tibi*, vim tacit in illa dictione *in conspectu*, quam textui Hebræo insistenti interpretatur *è regione*; vt sensus sit: Tibi psallam è regione Angelorum, qui quasi vnum faciant chorum ex altera parte canentes, dum homines alterum chorum ex alia parte respondentes efficiunt. Quod agnoscens Ecclesia, vt Hymnos suos gratiores Deo queat offerre, sicuti optat hanc sanctorum Angelorum dignationem & vnionem,

Angeli cum psallentibus hominibus psallunt.

Psal. 67.
D. Bern.
Serm. 7. in
Cant. &
Epist. 78.

Cassian.
l. 2. Instit.
cap. 5.
Angelus inter psallentes visus.
D. Chrys.
in Psal. 4.
& 137.

Angelorum societatem in precibus postulat Ecclesia.

ita supplex quotidie exorat Deum, ut digna reddatur vnà cum hisce sociis decantare & prædicare Hymnum diuinæ gloriæ, dicens: *Cum quibus & nostras voces, ut admitti inbeas, deprecamur.* aliàs autem, tamquam admissa ad hanc societatem, dicit: *Ideo cum Angelis & Archangelis, cum Thronis & Dominationibus, cumque omni militia caelestis exercitus Hymnum gloriæ tuæ canimus, sine fine dicentes, Sanctus, sanctus, sanctus.*

Appello nunc vos quotquot Deo nostro laudes psallendo canitis, vosque felices prædico; quia digni estis cælestium Spirituum societati adiungi in opere tam sublimi, quale est munus laudandi Deum omnium Dominum Hymnis & cantu. Appellabo in posterum Angelos mortales carne circumdatos, cum Angelis immortalibus & immaterialibus sancta æmulatione contendentes in Hymnis & confessionibus Deo deorum concinendis. Quoties Ecclesiasticorum psallentium calentium agmina sunt Ecclesia. pitula, Religiosorum præsertim vtriusque sexus Ordines, considero, tot mihi videor aspicere agmina Angelorum terrestrium agminibus associata cælestium Spirituum, qui communi Deo deseruientes, Ecclesiam à malignorum spirituum insidiis & conatibus tueantur illæsam, eamque pulchriorem ac venustiore reddant, iuxta illud Epithalamicum elogium: *Quid videbis in Sulamite, nisi choros castrorum?* Quod de Ecclesia in terris militante & Deum laudante intelligunt Doctores sub nomine Sulamitis, quæ perfectam significat. In hac Sulamite tot sunt chori castrorum, quot Religiosi Ordines vtriusque sexus in choro alternatim Deo psallentes.

Multis profecto nominibus laudandi sunt Religio-

ligiosorum Ordinum Auctores, ob multiplicia ^{Religionum}
 bona ab institutis eorum Ordinibus in Dei ho- ^{Institutores}
 norem exhibita; sed ob id præcipuè eos veneror, ^{Angelorum}
 quia huiusmodi institutione tot Angelos terre- ^{terrestrium}
 stres Deo genuisse videntur, quot personas ad ^{mysticam}
 perfectam vitæ præscriptæ rationem perducere ^{generatio-}
 studuerunt, quæ diuinas laudes die noctuque ^{nem funda-}
 cantu celebrarent. Ego ob hanc causam præcipua
 veneratione colui Antonium Mariam Zacariam ^{Clericorum}
 nostri Ordinis Auctorem, vnà cum duobus sibi ^{Regulariū}
 adiunctis eiusdem consilij & sanctitatis sociis, Ia- ^{S. Pauli in-}
 cōbo Antonio Morigia & Bartholomæo Ferrario, ^{stitutio, &}
 quem non solius honoris causâ, sed veritatis amo- ^{Fundatores.}
 re, Angelicum virum appello; tum propter An-
 gelicas vitæ suæ dotes, proinde etiam Angelis cæ-
 lestibus valde familiarem, quia, sicut proditum
 est, ipsi primum sacrum Mysterium ad Altare fa- ^{In Vita ico-}
 cienti vili sunt Angeli cælestes lumine singulari ^{nibus im-}
 coruscantes adstare; tum quia ineunte sæculo ^{pressa.}
 proximè elapso consilia & operam direxit ad hanc
 nostram Regularem Clericorū Congregationem
 Mediolani sub propriis statutis & constitutioni-
 bus (vt fuit rectè obseruatum ab Episcopo Sca- ^{I. Felician.}
 lensi, non autem sub Regula diui Augustini, vt ^{Episc. Sca-}
 nonnulli ex alijs Ordinibus, qui de alienis rebus, ^{lenf. in En-}
 quas minimè nouerunt, aliquando scribunt) in- ^{chirid. tit.}
 stituendam sub nomine D. Pauli Apostoli, quæ ^{de Priuil.}
 vtrumque vitæ genus, actiuæ scilicet & contem- ^{cap. 10.}
 platiuæ, complectens, sicut prædicando, docen-
 do, Confessiones audiendo, Sacramenta mini-
 strando, proximos ad vitam æternam adipiscen-
 dam adiuuaret, ita oratione, contemplatione &
 Hymnodia Deo vacaret, prouidens, ne alterutra
 exercitatio vñquam languesceret, sicuti, Deo
 dante,

Ordo Clericorum Regularium S. Pauli confirmatus fuit à Clemente VII. anno M. D. XXXIII.

Antonius Maria Zaccaria Angelicas Moniales dirigit.

dante, ad hanc usque diem, centesimo suæ primæ Apostolicæ confirmationis anno proximam, floruit in sui Ordinis alumnis, qui à vulgo dicti sunt Barnabitz, ab Ecclesia sancti Barnabæ, apud quam præcipuum fuit Ordinis istius domicilium, adeoque inualuit hoc vulgare nomen, ut alterius Paulinorum, quod vnicum esse debebat, non solum usurpauerit consortium, sed fere obtinuerit primatum; tum insuper quia non contentus venerabilis Vir huius Clericorum institutionis, eodem tempore Virgines ad eandem vitæ Regularis formam instruxit & direxit, præsertim sacre Hymnodicæ impensè assiduas, quas, nomine ad præclarum animi sui consilium accommodato, voluit appellari Angelicas, prout hodie appellantur, angelicè viuentes apud D. Pauli Cœnobium, non sine magno urbis Mediolanensis exemplo & ornamento, à quibus aliæ deinde Moniales Angelicæ, tamquam riuus ab eodem fonte derivatæ, sub directione eiusdem instituti condecorant Cremonam, eiusdem Angelici beati viri patriam, apud diuæ Marthæ Cœnobium. Instituit tandem etiam laicorum hominum Societates, qui perfectioris vitæ cupidi, Festis diebus conuenire studerent ad pia in nostris domibus virtutum & humilitatis exercitia, præsertim ad pias laudes & Hymnos Deo & beatæ Virgini Matri alternis choris offerendas, ut Angelorum occupationes æmulantes, sanctè excolerent ac transigerent dierum festiuitatem. Hisce operibus præclarus Vir à Deo electus, ab anno trigésimo tertio, & citra, supra millesimum & quingentesimum ardenti studio deditus erat, insigniorum hominum illius temporis sibi concilians admirationem & amo-

rem;

rem ; ita vt de ipſo, tamquam de nouo Sidere non ſolius militantis in terris, ſed & triumphantis in cælis Eccleſiæ, pronuntiare non dubitauerit Seraphinus Firmanus, ex Ordine Canonico-
 Regularium, qui ſuæ ætatis dicebatur, & verè fuit, Concionator Apoſtolicus, & piſſimorum Operum Scriptor inſignis, pronuntiare, inquam, non dubitarit, vti de intimo amico, imò & in ſpiritu Patre, quòd poſt mortem iam exornaret cæleſtium Beatorum patriam, quemadmodum mortalitatis priùs exornabat viatorum terram. Huiusce egregij viri ſuauiſſimam recolare libuit memoriam, tum ne Parenti optimo ingrati videamur, quando rei opportunitas ad illum quodam modo cogat, dum de Religioſorum Ordinum Inſtitutoribus incidit ſermo ; tum vt nos ipſos ad vitæ Angelicæ imitationem aliquando prouocemus ; tum denique, vt ex huius noſtri Inſtitutoris deſcripta conditione, quilibet alius Religioſus, cuiuſcumque ſit Ordinis, ad ſuos Parentes glorioſos recordationem & animum refleſcat, cum omnes fuerint à Deo electi ad eiſdem manifeſtandam gloriam, & Eccleſiæ ſuæ ſponſæ mirabilem varietatem ſtabiliendam & amplificandam.

Eniti igitur ſtudeamus, vt quorum ſumus in ſpiritu filij, actionum etiam & virtutum Angelicarum aſſequamur aliquando imitationem. Sæpè nobis ipſis tandem ſuggeramus, quòd in Hymnodia vſu ſicut ſumus Angelorum cæleſtium ſocij, & Angelorum ſubimus officium ; ita par eſt ad Angelicas contendere perfectiones, certi, quòd ab ipſiſmet Angelis tamquam ſocij cognoscemur, & ad omne bonum incitabimur & adiuuabimur, vt ab Hymnodia terreſtri ad cæleſtem Hymnodiam

Seraphin.
 Firm. initio
 Probl. de
 Orat.
 Seraphinus
 Firmanus
 Canonicus
 Regularis
 vir fuit A-
 poſtolicus.

diam perpetuò continuandam cum ipsis felices
& læti tranſeamus.

CAPUT V.

*Altiffimas Dei laudes exercet
Davidica Hymnodia.*

*Vates Graeci quando
floruerint.*

*D. August.
in Psal. 72.*

*David omnibus præstat Vati-
bus.*

*Psalmorum
Davidico-
rum nume-
rus.*

*D. Chry-
sost. Prol.
in Psalm.
D. Athan.
in Synopsi,
sub finem.*

*Psalmorum
origo à Deo.*

MULTI fuere ex priscis Vatribus qui in Græcia circa Davidis tempora Hymnos scripserunt, vti Linus, Amphion, Orpheus, Museus, potiùs Theologi quàm Poëtæ habiti, quia Hymnis Dei laudes cecinerunt. Hymnus ex diuo Augustinus, *est cantus Dei laudes continens; si sit laus, & non Dei, non est Hymnus; sit sit laus, & Dei laus, & non cantetur, non est Hymnus.* Sicuti itaque Græci illi Hymnos scripserunt, ita Dei cecinerunt laudes. Verumtamen omnibus Hymnographis præstat sanctus David solus tum numero, tum origine, tum materia Hymnorum.

Numerus Davidicorum Hymnorum, frequentiori Doctorum calculo, comprobatur ad centum quinquaginta in Psalterio contentos pervenire, ad quem numerum nullus priscorum Vatum accedere valuit; quod eò magis admirandum iudicabitur, si vera esset D. Chrysostomi opinio dicentis, plures alios Psalmos fuisse à Davide compositos, quos S. Athanasius ad numerum trium millium perducit, putans id colligi posse ex libris Paralipomenon, sed temporum iniuria, ait D. Chrysostomus, vel amicorum Ezechiae Regis opera, ait Athanasius, plures eorum interiisse.

Hi Hymni originem suam cognoscunt & trahunt

hunc non ab humano sensu, quemadmodum
 Hymni Græcorum Vatum, sed ab eodem vnico
 fonte Deo, à quo omnes sacræ Scripturæ deri-
 uantur; nam Spiritus Dei summi lingua uteba-
 tur Dauidis tamquam instrumento, siue, vt cum ^{Dauidis}
 ipso Dauide loquamur, tamquam calamo ad pro- ^{lingua fuit}
 mendas Dei laudes electo: *Lingua mea calamus* ^{calamus}
scriba, velociter scribentis. vbi glossa D. Basilij re- ^{Spiritus}
 ctè explicat, quòd lingua ista tincta fuerit non ^{sancti.}
 atramento, sed Spiritu Dei viuentis. Numquam
 Hymnos loquebatur Dauid, nisi Spiritu actus di-
 uino, ea tantum eructans quæ propinante Deo al-
 tè hauriebat. Ideò Christus Dominus, Dauidis
 testimonium ex Psalmis producturus, vt myste-
 rium, de quo agebat, Iudæis comprobaret, ait
 Dauidem locutum esse in Spiritu, dicens: *Quo-* ^{Matth. 12.}
modo ergo Dauid in spiritu vocat eum Dominum, ^{Psal. 109.}
dicens: Dixit Dominus Domino meo? Apostoli ^{Act. 1.}
 quoque dum eiusdem sententias adducere vel-
 lent, addebant, quòd Spiritus sanctus per os eius
 fuerit locutus. Ad maiorem certioreque huius
 rei veritatem ipse Dauid profitetur, quòd ad psal-
 lendum semper à Spiritu Dei fuerit directus &
 excitatus: *Spiritus Domini locutus est per me,* ^{2. Reg. 23.}
sermo eius per linguam meam. Verum etiam si hoc
 de se ipso non expressisset Dauid, Spiritus ni-
 hilominus in Hymnis eius inclusus ex se prodi-
 ret & proderet auctorem, multò meliori ac per-
 fectioni ratione quàm Mineruæ scutum, à Phidia
 celebri Sculptore mira arte effectum, suum pro-
 debat auctorem. Nam de eo scribitur, quòd licet ^{Cic. Tu-}
 nullum in eo appositum esset auctoris nomen, ta- ^{scul. 1.}
 men cognoscebatur auctor ex eiusdem imagine in ^{Minerva}
 eo scuto tali arte exsculpta, vt deleri offendive non ^{scutū mira}
 posset, ^{arte à Phi-}
 dia effectū.

posset, quin totum opus penitus destrueretur. Tot scitent arcanis cælestibus Daudici Hymni, ut solus Deus ipsorum auctor queat dignosci.

Psalmodum materia & subiectum sunt diuina perfectio- nes.

Materia sunt Deus, diuinaque attributa & perfectiones; & quamuis aliquando moralis etiam siue ethica, historialis & prophetica adsit materia, nullus tamen vix reperiri poterit Psalmus omni prorsus vacuus laude diuina. Imò nullus tanto cum decore scripsit de diuina substantia, maiestate & magnitudine, sicut Hymnographus noster. Ipse nihil vile, nihil indignum, sed omnia alta, pura, perfecta proloquitur; quibus conferri nequaquam possunt cantata & scripta à

Vases Graeci multa de Deo scripserunt vitia.

Vatibus Græcis. Nam saltem superstitiosa erunt, si minùs impia, quæ isti dicunt, pluralitatem admittentes numinum, potentiam infirmam diuinitati tribuentes, indigniora etiam non recusantes.

At Daud celebrat Dei substantiam ab omni concretionem liberam, ab omni compositione immu-

Psal. 98.

Quoniam sanctus Dominus Deus noster. Prædicat potentiam si-

Psal. 134.

Omnia quacumque voluit, fecit in calo, in terra, in mari, & in omnibus abyssis. Im-

Psal. 138.

mensitatem absque limite: Quò ibo à spiritu tuo? & quò à facie tua fugiam? si ascendero in calum, tu illic es; si descendero in infernum, ades. Si sumpsero pennas meas diluculo, & habitauero in extremis maris, etenim illuc manus tua deducet me, & tenebit me dextera tua. Durationem absque principio &

Psal. 144.

absque fine: Regnum tuum regnum omnium seculorum, & dominatio tua in omni generatione & ge-

Psal. 135.

nerationem. Vnitatem sine societate: Qui facit mirabilia magna solus. Magnitudinem sine mensura:

Psal. 94.

Quoniam Deus magnus Dominus, & Rex magnus super

super omnes deos. Sanctitatem sine limite: Magni-Psal. 137.
ficasti super omne, nomen sanctum tuum. Immuta-
bilitatem absque vicissitudine: Tu autem idem-Psal. 101.
ipse es, & anni tui non deficient. Misericordiam su-
per omnia: Miserationes eius super omnia opera-Psal. 144.
eius. Nullus tam altè & verè scribere nouit de di-
uina ergo hominum res prouidentia, sicut Dauid
in suis Hymnis, qui omnes euentus tam felices
quàm infelices, siue mortis siue vitæ, bellorum,
uictoriarum, periculorum, studiorum & omnis
generis effectuum Deo acceptos refert, nihil um-
quam aut propriæ prudentiæ aut casui aut fortu-
næ tribuens, sed semper ad Deum, omnium
euentuum auctorem & moderatorem, se conuer-
tit vel auxilium quærens, vel gratias referens,
semper laudans & benedicens: In manibus tuis
sortes meæ.

Nullus tam humiliter quam verè, de gratiæ *Gratiæ di-*
 diuinæ, dequæ eiusdem auxiliij necessitate ad om- *uina neces-*
 nes hominis actiones umquam est locutus, sicut *sitatem*
 Dauid in suis Hymnis, qui omnes animi sui mo- *pradicant*
 rus, siue liberos siue naturales, Deo soli, tam- *Psalmi.*
 quam primario auctori, imò & consummatori,
 adscribit. Ipsam digitorum compositionem ad
 fundam circumducendam in famosa illa mono-
 machia cum gigante Philisthæo commissâ, vt in 1. Reg. 17.
 illius frontem absque errore collimaret, Deo suo
 acceptam reddit dicens: *Benedictus Dominus Deus* *Psal. 143.*
meus, qui docet manus meas ad prælium, & digitos
meos ad bellum; misericordia mea, & refugium
meum, & liberator meus. Pedum item velocissi-
imum cursum, ad longa itinera sine defatigatione
peragenda, ipsi Deo refert: Qui perfecit pedes meos *Psal. 17.*
tamquam cernorum, & super excelsa statuens me.

D

Sua-

Suauitatis diuinæ præcipuus est laudator, illius expertus in se miros effectus, modò in illius celebrationem Hymnos decantans integros; modò in singulis ferè Hymnis aliquam eius memoriam recolens, vel sub proprio suauitatis nomine appellans Deum suauem & dulcem, vel sub nomine misericordiæ, quam appellat benignam, longanimum, multam & excedentem.

Vnico verbo omnia dicam. Quicumque Dei laudes cupit aptas proferre, solos Dauidis Hymnos potest consulere & usurpare. Quamuis Deus magnus sit & laudabilis nimis, nostrasque semper superet laudes, tamen incitamur à diuinis Litteris, vt omni quo possumus modo, enitmur maiores semper offerre Deo laudes ob hanc ipsam causam; quia nobis numquam assequi licebit perfectam Dei sublimitatem & dignitatem, cum ipse maior semper sit omni laude, quemadmodum suademur ab Auctore Ecclesiastici dicentis: *Benedicentes Dominum, exaltate illum quantum potestis, maior enim est omni laude; exaltantes eum replemini virtute, ne laboretis, non enim comprehendetis.* Deinde pergit ibidem Scriptura requirere à mortalibus non quamlibet laudum formam, sed conatum quemdam & diligentiam in augenda virtute, vt meliori & perfectiori modo laudetur Deus. Idem innuere voluit Dauid, dum, post integram Hymni consummationem in suadenda variis modis laudatione Dei secundum multitudinem magnitudinis eius, inuitans omnem spiritum ad hoc opus adiuuandum, tandem concludit verbo illo Hebraico *Alleluia*, quod significat *Laudate Deum*. Quod aduertens Genebrardus, præsertim quia in libro Psalmorum iste ponitur

Psalmi Deo laudes offerunt perfectas.

Dei magnitudo superat omnem laudem hominis.
Eccli. 43.

Psal. 150. Alleluia quid significet.
Genebr. in Psalm. cit.

ponitur

ponitur vltimus Hymnus, asserit significari nobis, quòd neque, etià quando est absolutum Psalterium à Dauide compositum, sit nobis cessandum à Dei laudibus, sed iterùm ac iterùm à capite ordiendum. Ad Daudicos Hymnos possumus tutum ac opportunum habere perfugium, certi, quòd nihil à creatura mortali, siue forsàn etià beata, poterit reperiri perfectius aut altius.

Hinc Ecclesia, à Spiritu sancto edocta & directa, Hymnos istos per hebdomadam ita distributos offert vsurpandos, vt omnes septem dierum circulo compleantur. Hinc beata Virgo Deipara, quæ Christianæ Religionis magistra & exemplum à sancto Ignatio martyre in quadam Epistola fuit dicta, eosdem habuerit in deliciis, incipiens puerula in templo illorum frequentiam & vsum, & prosequens vsque ad vitæ finem. Horum Hymnorum decantatione & vsu decoratur, imò perficitur omnium Templorum maiestas & amplitudo, dixerim quasi sacrorum Templorum erectiones non futuras Deo gratas, quando in ipsis vel nulla vel non recta exerceretur Daudica Hymnodia. Asserere saltem licebit, quòd in primi Templi fundatione à Deo ipso hominibus præscripta nouimus euenisse. Nam cùm Dauid, cui à Deo commissum est opus huius erectionis, fuerit à Deo ipso prohibitus opere explere ædificationem, ob sanguinis humani multam effusionem, quia vir bellicosissimus fuit, conatus saltem est, dum adhuc viueret, ferè omnia ad fabricam necessaria præparare & ordinare; post quæ totus fuit in ordinandis ministris, iisque instruendis ad cantum Hymnorum, ratus, Templum il-

*Beata Virgo Deipara
Psalmos
habuit in
deliciis.
S. Ignat.
Mart. Ep.
S. Anselm.
l. de Excel.
Virg.
Andr. Cre-
tenf. de
Dormit.
Deip.
Templo-
rum sacro-
rum perfe-
ctio ab vsu
Psalmodia
pendet.*

lud futurum imperfectum, si in eo perpetui Hymni non frequentarentur.

D. Chry-
sost. 6. de
Pœnit.

Templa itaque nostra sicut multis nominibus sunt verè insignia, ita præcipuè ob Davidicam Hymnodiam in eis expletam redduntur insigniora & festiuiora, imò & Deo ipsi gratiora. Vnde dicere libuit sancto Chrysostomo: *In Ecclesiis pernoctantibus, & primus, & medius, & nouissimus est David; si diluculo queruntur modulationes, & primus, & medius, & nouissimus est David: si pompa in funeralibus defunctorum, primus, & medius, & nouissimus est David. In Monasteriis, sanctis choris Angelicarum acierum, & primus, & medius, & nouissimus est David. In Cœnobiiis Virginum greges Mariam imitantium; & primus, & medius, & nouissimus est David. In desertis viri crucifixi colloquentes Deo; & primus, & medius, & nouissimus est David.* Huic sensui concinit diuus Gregorius

D. Gregor.
Nyssen.
Orat. de
Ascens.
Domini.

Nyssenus, dum de Domini nostri solemnissima festiuiissimaque Ascensione differens statuit, eam reddi solemniorem festiuioremque ex Davidicis Hymnis; quia scilicet isti Hymni & de ipsa loquuntur, & ad eandem celebrandam vsurpantur ab Ecclesia: *Hodiernam celebritatem, ait, satis per se magnam Prophetæ David maiorem efficit, dum illi gaudium è Psalmis adiungit.* Nouit semper Ecclesia sublimitatem & sanctitatem Davidicorum Hymnorum, ita vt nihil illis melius possit in Dei sui laudem aut adhibere aut frequentare.

Beati in pa-
tria Psal-
mos vsur-
pabunt.

Quidni dicam, etiam in cælo Beatorum, vbi perpetuæ sine fastidio aut labore decantantur diuinæ perfectissimæ laudes, nihil forsan Davidicis Hymnis sublimius ab illis felicibus creaturis posse

se usurpari? Potero saltem afferre quod dixit sanctus Hilarius expendens illa verba Dauidis, *Psal.* D. Hilari-
mum dicam nomini tuo in saculum saculi, ut red-
dam vota mea de die in diem; vbi cum videretur
adesse magna difficultas circa effectum huius pro-
missionis & voti, quia Dauidis ætas non esset sem-
per duratura, difficultatem absoluit dicens, tale
votum adimplendum fore in cælo Beatorum, vbi
à Dauide ipso & à Beatis perpetui decantabuntur
Hymni. Nec ab huius sancti Doctoris sententia
discrepat communis & recepta Theologorum do-
ctrina, qui yna cum diuo Thoma, Theologiæ D. Thom.
Scholasticæ verò Principe, sustinent, futuras esse 2.2. q.13.
art.4.
in patria cælesti post corporum resurrectionem Beati in pa-
tria laudes
vocales ad-
hibebunt.
veras laudes vocales, à Beatis cum articulado ver-
borum sono proferendas, vt non solo animo, sed
etiam corpore Deum infinitum celebrent & co-
lant. Si itaque ad cælestem illam felicitatem, ad
quam humile nihil nihilve leue potest ingredi,
erunt transferendi Dauidici Hymni, perfectas
vtique concludendum est in illis contineri laudes
diuinas, quibus maximè delectatur Deus à nobis
laudatus.

CAPUT VI.

*Christianæ Religionis præcipua mysteria
celebrat Hymnodia.*

QVI sublimitatem assequuntur Hymnorum *psalmi sunt*
Dauidicorum, concordī adstruunt sensu, *compendiū*
ob mysteriorum copiosam multitudinem, esse *omnium*
compendium ceterarum Scripturarum, seu con- *Scriptura-
rum.*
summationem totius Theologicæ paginæ. Tanta

illustrationum copia fuit à Spiritu diuino decoratus Dauid in suorum Hymnorum decantatione inter ceteros Prophetas, vt, sicuti Propheta extitit inter Reges non sine maximo regiae dignitatis ornamento; ita Rex dici merito possit inter Prophetas, quos omnes in cognitione mysteriorum vberiori & clariori praecessit, quemadmodum Regia dignitas cuicumq; politico statui maiestate & auctoritate praecellit. Quod ab aliis Prophetis sub obscuritate figurarum & sub ænigmatum velamine profertur, id apertum ac manifestum traditur à Dauide, vt potius Euāgelista res praeteritas describens, quàm Propheta futura praedicens videatur.

*Dauid in
mysteriorū
descriptio-
ne potius
Euangelis-
ta quàm
Propheta.*

Mysteria omnia ad Christum Dominum tam secundum eius diuinitatem quàm secundum humanitatem spectantia, tanta describit claritate Dauid in suis Hymnis, vt clariùs à nemine, siue Apostolo siue Theologo, possint proponi. Imò

*Psalmi vsq;
sunt Chri-
stus & A-
postoli ad
confirman-
da fidei
dogmata.*

quotquot nostrae Religionis mysteria validis voluere sacrarum Scripturarum testimoniis confirmare, è Dauidicis Hymnorum promptuariis ea desumere coacti semper fuere; & quoties huiusmodi adferuntur testimonia, tanta est eorum vis, vt nullus ampliùs audeat repugnare aut contradicere. Vnigenitus aeterni Patris nostra indutus carne, vt suam diuinitatem adstrueret, quam non possent aduersarij oppugnare, produxit Dauidis testimonium ex Psalmo 109. *Dixit Dominus Domino meo, Sede à dextris meis.* quo audito, Pharisei obmutescentes admirati sunt. Quaecumque ad huius Verbi incarnati vitam, actiones & res gestas spectant, tam aperta nobis proferuntur, vt omnibus illis videatur Dauid adstitisse praesens; generationi tam aeternae quàm temporali, praedicationi,

Psal. 109.

cationi, passionibus omnibus, in prætorio, in palatiis & caluario, mori, Resurrectioni, Ascensioni & Spiritus sancti missioni, ita ut Apostoli de iisdem dogmatibus differentes, vel scribentes, vnicum producant Dauidem in testimonium omni exceptione maius. Sanctus Apostolus Paulus Hebr. 1. ad comprobendam diuinitatem Verbi in æternitate geniti, omnem Angelorum sublimitatem in immensum excedentis, profert ex Psalmo 2. illa verba: *Filius meus es tu, ego hodie genui te.* Aliàs Psal. 2. item ex eodem vrget textu testimonium, ad ostendendam Hebræis veritatem Resurrectionis eius- Actor. 1. dem Domini nostri Seruatoris. Tanta est sensuum ybertas in sacris Scripturis à Spiritu sancto posita, ut vnicus locus plures complectatur diuersos Sacra Scri- sensus. Obuiam sunt Psalmi, qui sicut toti sunt psura plu- in describenda Christi Domini vita, ita passim res continet proferuntur ab Apostolis in confirmationem my- sensus. steriorum. Omnes Apostoli vno loquentes ore Actor. 4. Dauidis Psalmum 2. recitarunt, comprobaturi Vita Chri- Hebræis, in Christum, præceptorem omnium sti in Psal- Ordinum & Magistratum, coniurationem se- mis ad a- cutam; quia in illo Psalmo mira perspicuitate po- missim de- nitur ab oculis commota persecutio Herodis, Pilati & Sacerdotum aduersus Iesum, qui vulgato nomine ibi describitur & appellatur Christus: *Quare fremuerunt Gentes, & populi meditati sunt* Psal. 2. *inania aduersus Dominum, & aduersus Christum eius?* Quod nomen Christi licet aliquando aliis Christi no- etiam viris fuerit datum in sacris Litteris, tamen men quan- ex Apostolorum declaratione cognoscitur, non do soli Dei alij à Dauide fuisse tunc applicatum, nisi Dei Fi- Filio in lio incarnato, quem proprio vocant nomine Ie- Scripturis sum. Quæ declaratio non fuit ab Hebræis impu- tribus cog- noscatur.

gnata; quia notum erat omnibus illius ætatis Doctoribus, in eo Psalmo sermonem esse de Messia. Ad quam rem optimè facit ille Canon, quem tradit in hunc locum Michaël Aiguanus Commentator doctissimus; sub Incogniti nomine diu celebris, qui tandem opera, diligentia & auctoritate venerabilis Patris Basilij Angussolæ, auunculi mei, redditus est toti mundo cognitus, non sine magno totius Ordinis sui Carmelitici augmento decoris. *Quandocumque* (ait hic Doctor) *Scriptura loquitur de Christo absolute, intelligitur de Christo in lege & Prophetis promisso, nisi in littera precedente vel sequente manifeste appareat, quòd de alio loquatur Christo; quia Filius Virginis antonomastice Christus dictus est.* Sic enim adducentes Apostoli huius Psalmi 2. initium, sua ipsorum paraphrasi illustrarunt: *Conuenerunt enim verè in ciuitate ista aduersus sanctum puerum tuum Iesum, quem vnixisti, Herodes, & Pontius Pilatus, cum Gentibus, & populis Israël, facere quæ manus tua & consilium tuum decreuerunt fieri.* Ecce quomodo effectus ad amissum fuerit tot antè sæculis à spiritu Dauidis prænuntiatus.

Aetor. 4.

Psal. 21.
Christi passio in Psalmis prænuntiata.

Matth 27.
Marci 15.

Addere nunc libet Psalmum 21. qui absque controuersia cognoscitur non prædixisse futuras Christi passiones, sed descripsisse iam secutas. Prima verba illius Psalmi eadem fuere, quæ Dominus noster, existens in cruce, ad Patrem conuersus pronuntiauit, à sancto Matthæo & sancto Marco narrata, *Deus Deus meus, ut quid dereliquisti me?* Ibi tota series passionum, ab initio capturæ in horto vsque ad affixionem Christi in cruce, ad vnguem descripta videtur. Et ne aliqua posset oriri dubitatio de veritate horum mysteriorum,

rum, duo præcipui Euangelistæ hanc passionem describentes, nimirum Ioannes & Matthæus, Ioan. 19. dum sortem à militibus missam super eius in- Matth. 27. consuilem vestem narrare vellent, statim monuerunt hunc etiam euentum; qui, si ad solam corticem attendatur, omnium minimus esse dicetur, fuisse à Dauid prænuntiatum: *Ut impleretur quod dictum est per Prophetam dicentem: Diuiserunt sibi vestimenta mea, & super vestem meam miserunt sortem.* Quid dicam de nuptiis diuinæ naturæ cum humana celebratis? Istæ melius à Dauide in suis Hymnis describuntur quàm ab vllis ceterorum Scriptorum, quemadmodum grauius notauit diuus Ambrosius Sermone ultimo de Epiphania citans Psalmum 44. qui promeritus est sibi illum titulum sublimem ab Augustino primò prolatum, à posterioribus deinde Doctoribus approbatum, *Epithalamicum carmen.*

• Priuilegium id fuit sanctissimi Hymnographi, ut quemadmodum ipse secundum carnem extitit parens Christi Domini, ita etiam spiritu videretur & prædiceret eiusdem actiones, mysteria, vitam, mortem, Resurrectionem & Ascensionem. Hinc sanctus Gregorius Nyssenus de Ascensione Christi Domini loquens, digreditur ad Dauidis laudes, expendens quanta perspicuitate ille sit locutus de glorioso illo triumpho, quasi præsens adfuisse fuerit dignus, imò quasi constitutus fuerit triumphatori Domino minister maximæ auctoritatis, dum inuitat, imò, ait Nyssenus, imperat Angelis, ut ascendenti Domino præsto adessent, & portas reserarent. Considerabat sanctus Doctor illa verba Psalmi, *Attollite portas principes vestras*, quæ vim habent imperandi; idè declarare

D. Ambr.
Serm. de
Epiph.
Psal. 44.

Dauidis
laus quan-
ta.

D. Gregor.
Nyssen.
Orat. de
Ascens.
Ascensioni
Christi Do-
mini vide-
tur fuisse
præsens Da-
uid dum lo-
quitur in
psalmis.

rare non timet, Dauidem quodam modo, saltem in opere isto, Angelis maiorem atque superiorem. Verum, ne longius immorer in omnibus recensendis particularibus mysteriis quæ in Dauidicis continentur Hymnis, vnico verbo dicam, quod animus Hymnodia studiosus in illis reperit ac degustat præcipua Christi Domini mysteria in Euangelis fusè descripta. Vnde D. Hilarius credidit, Christum Dominum in Apocalypsi dictum fuisse clauem Dauid, quia adimplens in sua persona quæ in Psalmis prædicta sunt, quasi clauis mysteria illa referauit & mundo manifesta-
uit. Libuit ad hanc rem Episcopo Christopolitano non ingratam adhibere tropologiam super illud instrumentum Dauidi frequens, quod in cantu Psalmorum & adhibebat & suadebat, dictum Psalterium decem chordarum: *In psalterio decem chordarum psallite illi*. Sicut erant huius instrumenti ad psallendum opportuni decem chordæ, ita decem, ait Episcopus Valentia, sunt Euangelicæ legis insigniora mysteria nobis credenda in Psalmis proposita, nimirum Trinitatis, Incarnationis Christi, Natiuitatis, Baptismi, doctrinæ, Passionis, Resurrectionis, Ascensionis, Spiritus sancti missionis, iurisdictionis seu potestatis vniuersalis. Qui itaque Hymnodia huius vel omnia vel aliqua penetrat mysteria, is quasi manu pulsat chordas Psalterij.

D. Hilar.
Prolog. in
Psalm.

Iacob. Val.
in Psal. 56.

Psalm. 32.
*Psalterij
decem chor-
darum præ-
clara alle-
goria.*

*Psalmorum
meditatio
confert &
gustum &
lumen.*

Asserere item non verebor, quod animus contemplatiuus, si rectè Hymnodia studuerit, poterit quasi apud argumentosa ex tot floribus, quot sunt mysteria in Hymnis contenta, colligere sibi mel & ceram. Mel ad gustum, ceram ad lumen; quia & declarationes & illuminationes non pau-
cas

cas nec paruas inde hauriet. Quod de omnibus sacris Litteris obseruauit Philo Carpathius ad ea verba Canticorum, *Fauus distillans labia tua*, id præcipuo modo asseri debet de sacris Daudicis Hymnis. Obseruauit hic pius Doctor, fauum dicta esse labia Sponsi, non autem mel; quia in fauo mel & cera latent, quorum altero pascimur, altero lumen accendimus. Qui Psalmodiam deuotè exercent, nouas semper illustrationes experiuntur, nouosque sensus eliciunt. Nam aliqui Psalmi sunt adeò mystici, & tot arcanis sunt copiosi, vt de vno asseruerit D. Hieronymus, vel quicumque alius sit Auctor in Psalmos nomine Hieronymi, quod Psalmus 77. quasi campus omni florum varietate refertus, tot ornetur floribus quot litteras continet, nec solos dies, sed nec menses quoque ad illius plenam intelligentiam sufficerè. Hinc conciliabimus quamdam pugnam quæ adesse videtur in adhortationibus Daudicis. Sæpè hortatur ad nouos Hymnos decantandos, *Cantate Domino canticum nouum*; & tamen nouerat, Ecclesiam semper frequentaturam hos Hymnos antiquos, imò & perantiquos. Quomodo igitur exequi potest Ecclesia hortationem traditam, si re ipsa eosdem semper antiquos Hymnos adhibet? Hæc pugna facili negotio conciliatur, si attendamus nouitatem affectuum & cognitionum, quos in dies experiiri contingit in eorundem Hymnorum vsu: talis enim nouitas affectuum reddit novos Hymnos decantatos. quæ enim nos maximè delectant, dicere solemus, quòd noua nobis videantur.

Omnes quidem Hymni Daudici copiosis scænt deliciis affectuum & arcanorum, sed omnium

Philo Carpath. in Cant. 4.

Sacrarum Scripturarum uis mira.

Nouitas affectuum reddit Psalmos novos. Ps. 32. 39. 95. 97.

*Psalms
118. pluri-
mis nomi-
nibus est
commen-
dandus.*

*Ex Durão
l. 5. Ration.
c. 5. n. 5.*

*Ex S. Bo-
nau. Serm.
17. de Lu-
minar.*

*Eiusdem
Psalms in-
signia my-
steria.*

nium sanctior, suauior & copiosior semper habi-
tus fuit à sanctis viris alphabetarius Psalmus 118.
à Dauidè compositus in laudem & celebratio-
nem diuinæ legis, quæ sub variis aliis nominibus
ad rem accominodatis proponitur, siue iudicio-
rum siue mandatorum, modò iustificationum,
modò testimoniorum, aliquando sermonum,
eloquiorum, veritatis & similium. De hoc Psal-
mo permultæ prodierunt à sanctis Patribus il-
lustres commendationes, sed omnium ingenio-
rior mihi probatur illa D. Ambrosij, qui hunc
appellauit Solem Psalmorum, quasi alij Psalmi
emicent in Ecclesia sicut stellæ, hic verò sicut Sol
meridianus copiosus sit lucis & ardoris. Iterum
ab eodem sancto Doctore dictus est Paradisus
pomorum & Apotheca Spiritus sancti; & proin-
de quasi aromaticam speciem paradisi, quæ sem-
per nouos proferat gustus, quotidie ruminari ab
Ecclesia. Nec fuit ingrata visio, quam circa Hym-
num istum dicitur habuisse D. Augustinus, vt ad
eius frequentem vsu maiori ardore accederet.
Is vidit pulcherrimam arborem viginti duobus
ramis ornatam, quilibet ramus octo alios emit-
tebat ramusculos, ex istis dulcissimæ guttulæ ro-
rantes cadebant. De qua visione suspensus san-
ctus vir, dum cogitaret quid sibi vellet, declara-
tionem statim accepit, quòd arbor ista esset Psal-
mus 118. viginti duabus alphabeti Hebraici lit-
teris distinctus, cuius vnaquæque littera octo
versus sub se comprehendit suauissimis mysteriis
refertos, in quibus animus pius delectatur. Hic
Psalmus omni hominum statui est valdè oppor-
tunus; quia purgat incipientes, illuminat profi-
cientes, inflammat perfectos.

Mysteria

Mystera ista non degustant, qui ad Hymno-
 diam vel inuiti vel malè affecti accedunt; isti enim
 in pœnam suæ repiditatis priuantur intelligentia
 & gustu mysteriorum sub literæ cortice contento-
 rum. Non habitat sapientia, quæ est sapida scien-
 tia, in corpore subdito peccatis, & in animo ad
 res diuinas non probè apto. Vnusquisque profe-
 ctus sui cupidus omni studio animi munditiem
 obtinere cõtendat, & sæpè vsurpare illam oratio-
 nem Hymnographi, quam ad nostram informa-
 tionem omnibus proposuit: *Reuela oculos meos*, Psal. 118.
 & *considerabo mirabilia de lege tua*. Nam quàm
 dulcia reddita sint Psalmorum eloquia iis, qui a-
 liquando Hymnodiam fastidiebant, postquam
 ad gratiæ diuinæ recipiendas mōtiones se præpa-
 rare studuerunt, nouimus ex variis Historiis fide-
 dignis. Vt de sancto Petro Dāmiani proditum est,
 qui sicut lectionis Poëtarum, Oratorum, Phi-
 losophorum tanto deperibat amore, vt sacrarum
 lectionem Scripturarum fastidiret; ita postmo-
 dum, diuino cœlitus Spiritu visitatus, magis gau-
 debat vnus Dauidici Hymni recitatione quàm
 suauissimis Musarum carminibus & flosculis.
 Verba ipsius sancti Doctoris & dignissimi Eccle-
 siæ Cardinalis subiicere libet, vt ex eius ore au-
 diamus, qualis felicitas sit dignè psallentibus
 parata: *Olim mihi Tullius dulcescebat, blandie-
 bantur carmina Poëtarum, Philosophi verbis aureis
 insplendebant, & Sirenes vsque in exitum dulces
 meum incantauerant intellectum; Lex, Propheta,
 Euangelium, Epistola, & omnis gloria sententia-
 rum Domini mei & seruorum eius, aut parua vide-
 bantur, aut nulla: nescio quomodo quid dulcius im-
 murmurat filius Iesse, qui vario sermonum & sen-
 tentiarum*

psallentes
 inuiti pri-
 uantur gu-
 stu & in-
 telligentia
 Psalmo-
 rum.

Gustus
 Psalmorum
 excedit om-
 nem gustū
 tum Poëta-
 rum, tum
 Philosopho-
 rum.

D. Petrus
 Dam. Ser.
 de Christi
 Natiu.
 Petri Da-
 miani mira-
 mutatio ad
 Psalmorum
 suauitates
 degustan-
 das.

*Dispositio
cordis ad
psallendum
à Deo exoranda.
Psal. 118.*

*sentiarum concentu omnes illos quos diligere consue-
neram, ineloquentes reddit & mutos. En quan-
tum bonum à Psalmis hauriebat Cardinalis Pe-
trus. Idem nobis quoque euenire potest, si nos
ipso ad illud recipiendum præparemus. Deum
itaque, qui omnibus dat affluenter, enixè postu-
lemus, ut sua nos visitatione dignetur, sæpiusque
dicamus: *Reuela oculos meos, & considerabo mira-
bilis de lege tua Domine; seu, ut legit P. Hierony-
mus, videbo mirabilia tua Domine.**

CAPUT VII.

*Maximas gratiarum actiones Deo
reddit Hymnodia.*

*Gratitudi-
nis necessa-
ria obliga-
tio.*

NECESSESTATIS & obligationis arctissimo vin-
culo tenemur Deo perpetuas reddere gra-
tias, ob multiplicia eius in nos deriuata dona &
beneficia; ob ea præsertim quæ maiora illustrio-
raque existunt, qualia sunt quæ animæ salutem
respiciunt æternam, nimirum incarnationis, mor-
tis & redemptionis Domini nostri. Si quispiam
esset, qui tantæ obligationis oblitus Dei benefi-
cia numquam recoleret, iste non solum grauif-
simæ culpæ efficeretur reus; sed turpem ingrati
notam sibi inureret, nullo vnquam remedio
abolendam. Qui studuerunt animi grati signifi-
cationem exhibere Deo Hymnos offerentes, non
solum à præfato immunes reatu euaserunt, sed
Benefactori infinito altissimum præstiterunt ob-
sequium, gratissimumque obtulerunt Sacrifi-
cium: illud nimirum, aiebat D. Bernardus, de
quo Hymnographus, potius dixerim, ipse Deus
per

*Ingratitu-
dinis nota
turpis.*

*D. Bern.
Serm. 10.
in Cant.*

per Dauidem, pronuntiauit, *Sacrificium laudis* Psal. 49.
honorificabit me; asserere volens, se honorem &
 gloriam suam sitam agnoscere in nostris Hym-
 nis, quos ei in gratiarum actionem decantantes
 offerimus, illius celebrantes magnificentiam, li-
 beralitatem, misericordiam, amorem, suauitatem.

Hoc Hymnorum Sacrificium, addit D. Ber- *Gratiarum*
 nardus, est mysticum illud vnguentum incar- *actio exple-*
 nato Verbo adeo carum, vt ore proprio maximis *tur Sacrifi-*
 extulerit præconiis coram discipulis effusum à *cio Hymno-*
 proficiente Magdalena super caput eius. Pretio- *rum.*
 sum quidem fuit & omni suauitate redolens pri- *Magdalena*
 mum vnguentum effusum ad eiusdem Domini *bis effudit*
 nostri pedes in alio solemnì conuiuio ab eadem *unguentū*
 muliere tunc pœnitente, sed pretiosius & fragran- *ad pedes &*
 tius & carius fuit declaratum alterum ipsius mu- *ad caput*
 lieris non iam pœnitentis, sed maximè proficien- *Christi.*
 tis in diuini amoris ardore & disciplina perfectio-
 nis, effusum super caput, dum ad cœnam recum-
 beret Christus Dominus, non in aliena domo sed
 in propria, vnà cum Lazaro & Martha germanis;
 inde autem pretiosius, quia non pedes, sed caput
 perfudit. Caput enim Christi hominis est diuini- *1. Cor. 11.*
 tas Verbi, ait Paulus. Caput istud vnguento li-
 niunt pretioso, qui, Deo gratias reddentes, ipsi,
 tamquam omnium donorum auctori, omnia re-
 ferunt accepta. Quod tunc altè expletur, quan- *Gratiarum*
 do Dauidica Hymnodia ad huiusmodi finem di- *actiones in*
 rigitur: quod facillè potest expleri, quia nullus *Psalms re-*
 ferè poterit reperiri Psalmus, in quo vel altissi- *peruntur*
 mæ non referantur gratiæ Deo, vel insignia non *singulares.*
 recolantur beneficia & dona à Deo deriuata tum
 in se tum in alios.

Sicut fuerat à Deo sanctus Dauid peculiaribus
 donatus

Gratiarum
actionum
studiofissi-
mus David.

donatus fauoribus, ita studiosissimus gratitudi-
nis esse curauit. Imò tale excitabatur in hoc san-
cto viro studium Deum suum laudandi & cele-
brandi, quoties aliquo nouo vel auxilio vel dono
ornabatur, vt continere non valeret os, gestum
& manus, aiebatque se velle exultare, cantare,
psallere; corpore toto commouebatur saliens &
tripudians, ore canebat iubilans, manu pulsabat
psalterium & citharam. Animam propriam allo-
quens quadam prosopopœia non ingrata, quasi
alteram personam inuitans, eam vocabat & pro-
uocabat ad gratiarum actiones & ad beneficio-
rum iugem memoriam, ad Deum benedicen-
dum, laudandum & celebrandum. In quo stu-
dio præsertim resplendet Psalmo 102. quem ex
Psalm. 102. abrupto incipit: *Benedic anima mea Domino, &
omnia, quæ intra me sunt, nomini sancto eius. Bene-
dic anima mea Domino, & noli obliuisci omnes re-
tributiones eius.*

Iusti ex v-
su gratia-
rum actio-
num cogno-
scuntur.

Ex hoc studio gratitudinis quispiam dixerit
cognosci & distingui virum iustum ab impio.
Saltem asserere sine hyperbole licebit, quod viri
iusti quasi vim sibi inferri sentiunt ab acceptis
beneficiis, vt in laudes Benefactoris erum-
pant. Nullum præterire patiuntur donum, etiam
naturale & omnibus commune, quod non pu-
tent sibi particulare & proprium, & pro quolibet
ipforum non referant ex animo gratias. Hoc stu-
dium obseruauit Hymnographus esse iustorum
propriam conditionem Psalmo 64. vbi enume-
rans omnia beneficia naturalia, quæ Deus ratio-
ne suæ prouidentiae omnibus viuentibus largiri
quotannis non desistit, nempe vbertatem seget-
um, ouium fecunditatem, pascuorum abun-
dantiam;

dantiam, aquarum opportunitatem, victus omnis abundantiam, dierum noctiumque vicissitudinem felicem, dicens: *Exiit matutini & vespere delectabis. Visitaſti terram & inebriaſti eam; multiplicavi locupletare eam. Flumen Dei repletum eſt aquis, paraſti cibum illorum; quoniam ita eſt preparatio eius. Riuos eius inebria, multiplica gemitum eius; in ſtillicidijs eius latabitur germinans. Benedices corona anni benignitatis tue; & campi tua replebuntur ubertate. Pingueſcent ſpecioſa deſerti, & exultatione colles accingentur. Induſi ſunt arietes omnium, & vallis abundans frumento. Tandem concludit, quod iuſti inde excitati Hymnos arripient, vt Deum donatorem omnium bonorum concelebrent: *Clamabunt, etenim Hymnum dicent.**

Quamuis communia omnibus ſint beneficia, iuſti tamen tantum ſibi metiſſis aſſumunt onus, ac ſi tantum ſibi Deus mundum, creaturas, vitam, redemptionem tradidiſſet. Nec diſtat à veritate hic iuſtorum affectus; nam verè Deus ita ſingulum quemque hominem diligit, ſicut diligit vniuerſum orbem. Hinc illa Theologorum ſuauiſ doctrina, talem eſſe in Deo caritatem, vt ob vnius ſalutem Verbum æternum ita in mundum venerit factus homo, vt pro vno omnibus; quemadmodum mirabili celebrique viſione dignatus eſt declarare Dominus noſter Epiſcopo Carpo, quam ſanctus Dionyſius Arcopoliſ ad Demophilum ſcripſit. Cùm hic ſanctus vir maximo zelo exardeſceret in duos ſcandaloſos peccatores, oſtenſique illi eſſent in viſione quoddam ſtatim eſſent in infernum detrudendi, non ſolum gaudij ſignum exhibebat, ſed extenſa

E

tebatur

rebatur manu eorum accelerare impulsus, ut citius ex hoc mundo tollerentur. Tunc descendens Dominus noster Iesus è caelesti sede, se posuit medium inter Carpum & illos iuvenes, & ad Carpum adhuc manum habentem extensam conuersus dicebat: Percute me, impelle me, paratus sum enim iterum pro istorum salute mori. Hinc illa usurpatio pronominis *mei*, quod solent viri iusti Deum alloquentes frequentare, quemadmodum obuiam habemus passim in Dauidicis Psalmis, vbi dum Psalter alloquitur Deum, appellat *Deum meum*, non *Deum nostrum*, quia ad Deum ita comparatur affectus, sicut in aliis rebus etiam communibus, quas impensè amamus, quibusque maximè delectamur, ut eas dicere soleat affectus iuas.

Iusti ex affectu appellant Deum suum, non Deum nostrum.

Pronomen meum est vox affectus.

Seraphicus Franciscus, qui Deum intensissimè diligebat, sicut Hymnorum cantus in choro erat studiosissimus, ita in suis priuatis orationibus nil aliud frequentius ore usurpabat quàm illa verba: *Deus meus, & omnia*. Feruentissimus quoque Apostolus Thomas, quando ex Vulnerum seu cicatricum Saluatoris Domini contactu exarsit eius amore, exclamans dixit: *Dominus meus, & Deus meus*. Puto quod iste Apostolus tunc mente confusus remanserit, expendens infinitam Dei Redemptoris & dignationem & caritatem, ut pro se vno voluerit iterum apparere, quemadmodum ceteris omnibus Apostolis simul apparuerat; cognoscens hinc eum esse erga se ita affectum, ut, si opus esset, ipse nouas plagas, nouam mortem esset subiturus, ideò ut tanto responderet amorì, tacitè se obtulit suppliciis, tormentis & morti, ut si minùs pares, saltem quas posset maiores rependeret

Ioan. 10. Verba diuini Thomae Apostoli, Dominus meus, & Deus meus, plena sunt miris affectibus.

deret grates, & exclamauit, *Dominus meus, & Deus meus*; quasi dicens: Tu pro me morti te ipsum exposuisti, ecce ego pro te me ipsum eidem morti trado, suscipe me Dominus meus, & Deus meus.

Deum suum appellarunt etiam profani, à quo beneficia non leuia hauferunt. De quodam cecinit Poëta:

Namque erit ille mihi semper Deus. —

Virg. Ecloga 1.

Simili paræmia vsi semper sunt iusti & sancti viri dicentes, se in posterum habituros Dominum in Deum, quando ab ipso custodirentur, regerentur, protegerentur. Celebre est ad hanc rem vortum à sanctissimo Patriarcha Iacobo emissum, qui Deo spondit, se illum in Deum suum semper habiturum, *Erit mihi Dominus in Deum*, si ab ipso custodiam, victum, vestitum, reditumque felicem in patriam obtineret. Hac vsus est locutione sanctus vir, non quia aliquando ei fuerit alter Deus, cùm ab ipso ortu fuerit illi semper Dominus in Deum, sed, vti optimè explicat Caietanus, quia specialiori maioriq̃ue cultu statuebat, gratitudinis ergo, in posterum colere & venerari Deum, soluendo nimirum decimas omnium rerum suarum ad illius honorem, tum etiam ibidem erigendo lapidem quasi aram, templumque dicando ad illius honorem. Sanctorum virorum tum veteris tum noui Testamenti hoc fuit semper proprium institutum, quando beneficia aliqua insignia obtinebant à Deo, statim nouos colendi modos promittere, Hymnos & Cantica concinere. Hymnum dixere post beneficia Moyses & Maria post transitum Maris rubri; Anna nato Samuele; Debora caso Sisara; Iudith

Iacob Patriarcha quando beneficiisangebatur, maiorem spondebat sanctitatem. Gen. 28.

Iusti post beneficia in gratiarum erumpunt actiones.

- trucidato Holoferne ; Tobias hospite recepto filio ; Zacharias nato Ioanne ; beata Virgo Dei-para concepto Verbo Dei ; Simeon viso Christo. Dauid noster quoties nouo aliquo beneficio visitaretur, nil aliud spondere solebat benefactori Deo, non aurum, quo copiosè abundabat, non vitulos saginatos, quos possidebat innumeros, sed non nisi Cantica noua & Hymnodiam : *Dem Canticum nouum cantabo tibi, in psalterio decem-chordarum psallam tibi.* Quod sæpè alibi promittit, & ex sexcentis id tantum profero quod Psalm. 70. declarat, vbi, cùm narrasset multas spiritus consolationes à Deo acceptas, spondet statim perpetuum Hymnodiaè vsum : *Nam & ego confitebor tibi in vasis Psalmi veritatem tuam. Deus psallam tibi in cithara, sanctus Israël. Exultabunt labia mea cùm cantauero tibi, sed & lingua mea tota die meditabitur iustitiam tuam.*
- Psal. 143. *Dem Canticum nouum cantabo tibi, in psalterio decem-chordarum psallam tibi.*
- Psal. 70. *Nam & ego confitebor tibi in vasis Psalmi veritatem tuam. Deus psallam tibi in cithara, sanctus Israël. Exultabunt labia mea cùm cantauero tibi, sed & lingua mea tota die meditabitur iustitiam tuam.*

Magna profectò vis beneficiorum in Dauidis animo, vt Deo suo Hymnos offerret in actionem gratiarum indefessam. Nouerat sanctus vir ingratitudinis vitium esse omnium vitiorum pessimum, & ingrato nihil reperiri iniquius, vti postea docuit & scripsit D. Ambrosius. Scimus ingratum recenseri ab Apostolo Paulo inter illos sceleratos qui dominabuntur nouissimis diebus & periculosis temporibus. Imò, si rectè attendere nouerimus, videbimus Deum nihil magis odisse in hominibus mortalibus quàm beneficiorum obliuionem. Hinc illa exprobratio tam acris in populum Hebræum, quia oblitus esset Dei diebus innumeris. Hinc illa inuectiua Moyfis tam scue-
ra in eundem populum, quia oblitus erat Creatoris. Hinc illa vehemens obiurgatio Dauidis in eundem,

Ingratitudo est omnium vitiorum pessima.
D. Ambr.
1. 2. Offic.
2. Tim. 3.

Beneficiorum obliuio est Deo odibilis.
Ierem. 2.
Deut. 32.

Psal. 103.

eundem, quia oblitus est Dei, qui saluauit eos. Quare aliquando non dubitauit David omnem præcipuorum flagellorum; quæ à Deo, iustissimo nostrorum scelerum vindice, mortalibus immittuntur, originem ac causam huic ingratae obliuioni adscribere. Narraturus enim in suis Hymnis populo Hebræo causam tot malorum quæ veteres Israëlitas in deserto affligerunt, cecinit eam in primis fuisse diuinorum beneficiorum obliuionem: *Obliti sunt benefactorum* (beneficiorum) Psal. 77. *eius, & mirabilium eius quæ ostendit eis.* Etiam Seneca scribere non dubitauit, cum ingratitudinis varij sint gradus seu species, omnium pessimam esse obliuionem beneficij. Qui familiares habent Dauidicos Hymnos, sicut maximè elongantur ab hoc turpissimo vitio, ita altissimas exe-
Psalmorum
verba sunt
aptissima
ad gratias
Deo agen-
das.
cent gratiarum actiones; & præbent præclara grati animi indicia. Nec aptiora verba potest quis
1. Thef. 5.
vsurpare quàm Dauidica à Spiritu sancto tradita. In Hymnis huius viri de Deo sublimis & magnificus fit sermo, maxima enarrantur beneficia, nostra vilitas ad rependendum cognoscitur & declaratur. Et quia in omnibus gratiæ sunt agendæ Deo, iuxta doctrinam Pauli, nimirum tam in
Gratiarum
actio tam in
bonis quàm
in malis est
usurpanda.
morbo quàm in sanitate, tam in inopia quàm in copia, tam in desolatione quàm in consolatione, siue in tentatione siue in pace, siue in humiliati-
Gratiarum
actio in ad-
uersis est
propria
Christiano.
one siue in exaltatione, siue in aduersitate siue in prosperitate, siue in persecutione siue in dilectione; quia sæpè maius bonum est morbus, inopia, desolatio, tentatio, humilitas, aduersitas, persecutio, quàm alia quæ videntur bona. Imò quia gratiarum actiones in aduersis pretiosiores sunt & propriæ animi Christiani, iuxta doctrinam di-

D Hieron.
in c. 5. ad
Ephes.

ui Hieronymi dicentis: *Christianorum propriè est virtus, etiam in his; quæ aduersa putantur, referre gratias creatori: nam in beneficiis Dei, quæ nobis accidunt, gratulari, hoc & gentilis fuit, & Iudæus; sed, iuxta Apostolum, hæc virtus est maxima, ut in ipsis periculis atque miseriis Deo gratia referantur, & semper dicamus: Benedictus Deus; minora nescio sustinere, quàm mereor: hæc ad mea peccata parua sunt: nihil mihi dignum reddatur. Hic animus Christiani est, hic crucem suam tollens sequitur Saluatorem; quem nec orbitas, nec damna debilitant; quem, ut Flaccus ait,*

3. Carm.
Ode 3.

*Si fractus illabatur orbis,
Impavidum ferient ruina,*

Expendebat tunc D. Hieronymus verba Apostoli: *Implemini Spiritu sancto, loquentes vobismet ipsis in Psalmis, & Hymnis, & Canticis spiritualibus, cantantes & psallentes in cordibus vestris Domino, gratias agentes semper pro omnibus, in nomine Domini nostri Iesu Christi, Deo & Patri. Idè Hymnodia Dauidica apta est & opportuna. Nam adsunt Hymni ad utrumque euentum accommodati, quos canebat Dauid non solum tempore prosperitatum, sed etiam persecutionum & pressurarum, eaque semper erat conditione cordis paratus, ut in omni euentu, tempore & loco*

Psal. 33.

*Gratiarum
actio dispo-
nit ad gra-
tias reci-
piendas
maiores.
Deus erga
gratos est
liberalior.*

benediceret Deum: Benedicam Dominum in omni tempore, semper laus eius in ore meo.

Huius cælestis Hymnodia studeamus esse frequentes amatores; quia non solum Deo debitas rependemus gratias, sed insuper ad maiora recipienda beneficia nos hac sancta exercitatione parabimus. Deus noster erga animos gratos ea afficitur voluntate, ut libentius eos maioribus cu- mulet

multet gratiis & donis. Præclarum est illud quod ad hanc rem adducere solebat D. Bernardus, ex-
pendens illa verba Ecclesiastæ, *Ad locum, unde exeunt flumina, reuertuntur ut iterum fluant.* Vige-
bat hoc pronuntiatum ad prouocandum nos ad gratiarum actionem frequendam propter nostram maiorem vtilitatem, aiebat enim: *Sicut aque per subterraneos recursus mare repetunt, ut iterum inde rursus erumpant ad nostros usus; ita etiam spirituales riuus gratiarum, ut arua mentium rigare non desinant, debent proprio fonti sine fraude & sine intermissione reddi.* & ided vertit verba: *Ad locum unde exeunt reuertantur flumina gratiarum, ut iterum fluant.*

D. Bernard.
Ser. 13. in
Cant.
Eccle. 1.

Effectum insignem huius veritatis obseruauit Augustinus Tornicellus in casu sanctissimi Patriarchæ Noë, qui ex speciali Dei gratia duas in se ipso participauit mundi ætates, alteram finiens, alteri verò initium tribuens. Conspicere licet in hoc viro sanctam & piam æmulationem, Dei videlicet dona largientis, & Noë gratias semper nouas reddentis. Notum est omnibus, hunc virum maximis à Deo fuisse cumulatam donis ante diluuij vniuersalis exterminationem, dono nempe sanctitatis insignis, dono item filiorum piorum, nam dictus est vir iustus in generationibus suis; dono item præseruationis à communi omnium excidio, dono tandem primi renouatoris humanæ generationis post diluuium. Hic vir, qui semper fuit Deo gratus, magis magisque excitatus est ad gratias singulares reddendas post egressum ex Arca, ob tantæ præseruationis beneficium insigne. Altare Deo erexit, quod forsan à nemine ante ipsum fuerat erectum, & obtulit super illud

Aug. Tornicell. anno 1667. nu. 7.
Noë ob grati animi erga Deū significationes, maioribus fuit beneficijs à Deo cumulat.

holocaustum in testimonium animi grati, quod aded carum fuit ipsi Deo, ut asserat Scriptura, Deum habuisse illud in odorem suauitatis, quod idem est, ac pergratum ipsi fuisse; & in signum acceptæ consolationis, præstitit deinde illi Deus eiusque familiæ multiplicia & maiora felicitatis beneficia ac dona. Verè itaq; & grauiter asseruit S. Bonauentura, recordationem frequentem acceptorum donorum esse veluti tubæ sonitum qui diuinas pulsât aures, & excitat Dei cor dulcissimum ad maiora dona nobis clargienda. O verè felices Hymnodix studiosos! quia sine labore habent promptas & frequētes ad manum altissimas gratiarum actiones, quæ si rectè ad Deum dirigantur, maiora & insigniora obtinebūt beneficia.

D. Bonau.
in Theol.
myst. p. I.
cap. 3.
*Gratiarum
actio est
quasi tuba
pulans Dei
aures.*

CAPVT VIII.

*Perfectam orandi formam
Hymnodia exercet.*

Innoc. III.
Proem. in
Psa. Penit.

SANCTISSIMVS maximusque Pontifex Innocentius III. ut Davidicorum Hymnorum declararet eminentiam, scribere non dubitauit, quod post Dominicam orationem, inter perfectiores orationes, sint enumerandi Davidis Psalmi, ob eam rationem, quia perfectam orandi formam exhibeant. Hanc orationis sublimitatem assequantur in Psalmis, qui orationis regulas à sanctis Patribus traditas possident. In primis docebat D. Ambrosius, ordinatam orationem inchoare à laudibus Dei, idq; confirmat ex modo orandi tradito à Domino nostro Apostolis suis, cuius prima verba sunt altissimæ laudes: *Pater noster,*

D. Ambr. l.
6. de Sacr.
cap. 5.

noster, qui es in calis, sanctificetur nomen tuum. Bona oratio à laudibus Dei sumit exordium. Nullus est

Psalmus, qui Dei perfectiones, maiestatem, potentiam, clementiam, bonitatem non celebret & extollat. Proinde Psalmus & Hymnus synonyma sunt, quia uterque laudem continet. Hæc orandi forma vim possidet magnam ad persuadendum & obtinendum quod postulatur. S. Basilius suggerebat artem illam Oratorum, qui numquam narrationem aggrediuntur petitionis, nisi prius beneuolum sibi studeant conciliare animum siue Iudicis, siue Principis, siue populi, apud quos perorant, ordientes à laudibus ipsorum.

Dixi, *Nisi aliud postulet vrgens ratio aliqua*, quia, ut experientia constat, aliquando absq; laudum initium exordio, & ut aiunt, ex abrupto voces emittuntur deprecatoriæ, imò & cum aliqua animi anxietate, ut Psalmo 73. *Ut quid Deus reprobasti in finem; iratus est furor tuus?* & Psalmo 68.

Saluum me fac Deus, quoniam intraverunt aque usq; ad animam meam. & alijs multis. Quibus orandi modis satis ostendit Dauid, vel iam alium præmissum esse Psalmum ad normam solitæ laudationis, vel aliqua necessitate compulsus vrgeri & premi ad sic ordiendum. Hoc certè modo posse etiam à nobis orari Deum, docuerunt sancti Patres, non secus scilicet regulis præmittendi exordia, ad Dei beneuolentiam magis conciliandam; sicut neq; Oratores in grauib; negotijs exordia præmittunt, sed ab ipsa facti narratione

E 5 inci-

incipiunt, præsertim quando agunt cum Indice de causæ statu iam edocto.

*Non omnes
Psalmi o-
rants, sed di-
uersi gene-
ris effectus
habens.*

Addidi quoque, quòd omnis Psalmus deprecatorius sub hac orandi forma à Dauide dicatur, quia, vti notum est, non omnes Psalmi orationem deprecationemve continent, sed varias exhibent materias. Alij toti sunt in genere demonstratiuo laudes Dei præcinentes, iustorumq; fauores & dona enarrantes. Alij in genere iudiciali, vindictam à Deo contra improbos pertinaces exposcentes. Alij in genere didascalico, amorem Dei, legis obseruationem, virtutum exercitia docentes. Alij sunt historiales, siue beneficia Dei siue populi facinora, tam bona quàm mala, siue seriem gestorum describentes. Alij in futurorum prædictione toti, præsertim circa nostræ Ecclesiæ mysteria & euentus. At quando orat David & precatur, vt plurimum laudes præmittere solet.

*Oratio lau-
dibus con-
iuncta est
gratior
Deo.*

Hanc orationis formam, quæ habet laudes coniunctas, volens Deus signis ostendere sibi gratam, vt Ecclesia nostra eam libentiùs amplecteretur & imitaretur, dignatus est mira visione comprobare, dum ciuitas Constantinopolitana magna premeretur afflictione, ob quasdam minas ei diuinitus factas, nisi condignam offerret satisfactionem. Indicta namq; supplicatione communi ab Archiepiscopo Proclo, populus oraturus accessit ad Ecclesiam, dubius de orationis effectu.

*Oratio tra-
dita ab An-
gelis ad
Deum pla-
candum.*

Dum tota vrbs in vnum congregata cõuenisset ad orandum, ecce repentè coram omni multitudine raptus est in cælum puer è populo; qui ab Angelis edoctus Hymnum quemdã proferre, in quo laudantur præcipua Dei attributa, nimirum sanctitas, maiestas, potentia, & du-
ratio,

ratio, his verbis: *Sanctus Deus, sanctus fortis, sanctus immortalis, miserere nobis.* mox reddito puero, & quod edoctus fuerat annuntiante, omnis multitudo vna voce cantarunt sæpius eundem Hymnum; quo dicto, illata minæ statim cessauerunt. Refertur hæc historia à D. Ioanne Damasceno.

D. Ioann.
Damasc.
lib. 3. Fidei,
cap. 10.

Verùm ne ab instituto nostræ Hymnodiaè longè discedere videamur aliena quærentes exempla, obseruare licebit in ipso Hymnorum Auctore magnam æstimationem huius generis orationis, quæ coniunctas habet diuinas laudes: nam videmus eum ex huiusmodi orationis genere sibi certò promittere omnis euentus felicitatem. Id conspiciamus præcipuè in Psalmo 17. vbi, narraturus Dauid futuris hominibus modum ac viâ, quibus se facillimè potuit feliciter expedire à tot insidijs & persecutionibus potentissimorum hostium, quibus ante coronæ & sceptri consecutionem fuit haud rarò ad mortis certissimum discrimen perductus, non aliud sibi validius efficaciusq; effugium fuisse declarat, quàm refugium ad suos Hymnos laudibus diuinis refertos, quorum cantui & vsui maximè fidebat. Verba ipsius ad maiorem fidè dictorum audiamus: *Laudans inuocabo Dominum, & ab inimicis meis saluus ero.* Vide quod in primis sibi statuebat genus orationis, nempe non solius cordis seu mentis, sed mentis & vocis simul coniunctæ; nec tantùm simplicis orationis cum sola inuocatione, sed coniunctæ laudibus, de more, idcirco ait: *Laudans inuocabo Dominum.* Euentum deinde sibi promittit certum: *Et ab inimicis meis saluus ero.* Et, quod caput est præcipuum, quidquid sibi fidenter

Psalm. 17.

Davidis fiducia in suis vocalibus orationibus.

Pfal. 17.

ter spondebat, tanta obtinebat velocitate, ut sapè videretur prius obtinuisse postulata, quam postulationem expleuisse. Hinc in eodem Psalmo, statim ac sibi præscripsit sanctus Hymnographus istud genus orationis, prosequitur narrationem suarum angustiarum quibus valde premebatur: *Circumdederunt me dolores mortis, & torrentes iniquitatis conturbauerunt me. Dolores inferni circumdederunt me, præoccupauerunt me laquei mortis.* tum subdit gratiam liberationis à Deo obtentam in ipso momento: *In tribulatione mea inuocaui Dominum, & ad Deum meum clamaui; & exaudivit de Templo sancto suo vocem meam, & clamor meus introiit in aures eius.* O miram auctoritatem orationis vocalis in Hymnis Davidicis decantatis ex corde prolata!

In oratione primò petenda sunt spiritualia.

Matth. 6.

In Davidicis Hymnis item exercetur illa orationis forma, quam laudauit & iussit Dominus noster Saluator dicens, ut primò à Deo postulentur spiritualia ad Regnum Dei spectantia, quæ magis necessaria sunt, & quæ sunt vera bona: *Querite primùm Regnum Dei, & iusticiam eius.* David multis est in postulanda Dei misericordia, benedictione, cognitione, amore & fructio-

D. Ambrosii. de Abel & Cain. Psal. 66.

ne. Expendebat ad hoc institutum D. Ambrosius orationem illam verè perfectam, quam ipse vocat absolutissimam, Psal. 66: *Deus misereatur nostri, & benedicat nobis; illuminet vultum*

In suis orationibus petebat David animi benedictiones.

suum super nos, & misereatur nostri. Vbi postulat sibi & alijs omnem benedictionem ad animæ perfectum opportunā. Hunc Psalmum valde æstimabat S. Athanasius, cumq; suggerebat Marcelino, ut quoties diuinam misericordiam esset imploraturus, ipsum usurparet, & caneret. Eundem adhibet

adhibet Ecclesia quotidie, nec ab illo umquam cessat. De hoc Psalmo pronuntiabat D. Hilarius, & D. Hieronymus, quod brevis quidem sit, sed omni Euangelica doctrina refertus; quia omnis Scriptura, siue Prophetarum siue Apostolorum, in ipso contineatur. Nam si Prophetae Vnigenitum Dei venturum annuntiarunt, & Apostoli eundem venisse prædicarunt, utrumque asserit in hac breui oratione, & confitetur Psaltes: *Confiteantur tibi populi Deus, confiteantur tibi populi omnes; terra dedit fructum suum.* en secuti aduentus narratio. *Vt cognoscamus in terra viam tuam, in omnibus gentibus salutare tuum.* en futuri aduentus prædictio. Non ideo tamen mittebat David postulare in suis Psalmis & precibus bona temporalia, liberationem à persecutionibus, quas multas est expertus, Regni felicitatem populiq; lætitiā, imò & bona illa, quæ Deus, uti Naturæ Rector, omnibus providere non desinit, pluuias, rores, fruges, & huiusmodi; quemadmodum Psalmo 64. fieri videmus. Probè nouerat sanctus Rex, quòd, etiamsi decreuerit Deus nobis hæc bona conferre, sit nihilominus exorandus, quia vnum ex medijs, propter quæ daturus est Deus naturalia bona, præcipuum sint preces & orationes cum humilitate oblatæ.

Hanc orandi formam voce alta & canora à Dauide frequentatam, & ab omnibus Sanctis approbatam & commendatam, attendant ij, qui, solam mentis orationem tacite expletam putantes Deo acceptam, abstinere ferè ab omni vocali oratione; tamquam à re vel omnino inutili, vel saltem feminis tantum ac rudibus apta. David vir sanè fuit egregius summoque præditus ingenio, contem-

Psal. 66.

Ibid.

Temporalia
possunt peti
in oratione.In oratione
petenda sunt
bona naturalia.

contemplationisq; diuinorum apprimè gnarus, tacitæq; meditationi ita familiaris, vt po.uerit liberè testari, se huic generi meditationis aliquas noctis horas frequenter tribuisse, & in diuinorum operum, tum præteritorum tum futurorum, meditatione, & in sui ipsius cognitione ac discussione se exercuisse: *Cogitauit dies antiquos, & annos æternos in mente habuit. Meditatus sum nocte cum corde meo, & exercitabar, & scopebam spiritum meum.* & post pauca: *Memor fui operum Domini, quia memor ero ab initio mirabilium tuorum. Et meditabor in omnibus operibus tuis, & in adinuationibus tuis exercebor.* Hic tamen tantus vir frequentiores suas preces alta, clara ac canora maluit explere voce, quàm sola cordis tacita meditatione. Id testantur tot insignes Psalmi, quorum plerique sunt omnino deprecatorii, explicantes varios affectus cordis, vel ad Deum anhelantis, vel à Deo poscentis gratias, dona, virtutes, auxilium, vel diuinam legem Dei; attributa & perfectiones colentis, eiusdemq; beneficia recolentis.

Vocales orationes ex animo expleta sunt gratissima Deo.

Huiusmodi preces & voces, quia ex cordis vehementia per linguam cordis nuntiam prodibant, sicuti à Rege sancto frequentabantur, ita à Deo, cui erant valdè acceptæ, semper & ad propriam ipsius orantis & ad communem Reipublicæ, pro qua fundebantur, incolumitatem felicitatemq; exaudiebantur, vt fusè per totum hunc Librum ostenditur. Hinc ipse Dauid, priusquam in nuper allato Psalmo verba faceret de tacita sua mentis meditatione, testatos voluit certissimos vocalis suæ orationis effectus: *Vocem meam ad Dominum clamavi, voce mea ad Deum, & intendit mihi;* vel, vt in Hebræo textu habetur, &

aures

Psal. 76.

Psal. 76.

aures mihi præbuit. Numquam enim aut irritæ aut vacuæ redibant eius deprecationes, sed benignè audiebantur & exaudiebantur ab eo qui aures exhibebat intentas. Vocales istas orationes in Dauidicis Psalmis dispositas non solum adhibuerunt Sancti omnes tum in veteritum in nouo Testamento, sed & ipse Sanctus Sanctorum & Seruator noster Christus Iesus vsurpauit, ad nostram informationem. Quamuis enim paucissima, sed feruidissima, eiusdem Domini nostri verba in vltima oratione vocali, quam in horto Gethsemani fudit ad Patrem, habeamus ex sacris Euangelijs; quia tamen, referente S. Luca, prolixiùs Luc. 12. orauit, & secundum nonnullos Interpretes, propter illa verba eiusdem Domini ad discipulos, *Non potuistis una hora vigilare meum?* putatur Matth. 26. ad integrā horam produxisse eam orationem, idè S. Anselmus in libro de Passione, sub initium, refert plura verba ex Psalmo 68. à Christo S. Anselm. lib. de Pas. Domino vsurpata. Et extra omnem dubitationem scimus, quòd ipse existens in cruce extremas ad Patrē direxerit vocales orationes ex Dauidicis Psalmis depromptas: *Deus Deus meus ut quid dereliquisti me?* ex Psalmo 21. Psal. 21. *In manus tuas commendo spiritum meum,* ex Psalmo 30. Psal. 30. Non sunt itaq; spernendæ vocales orationes, neq; dicendæ aut vanæ aut ineptæ. Licet enim sint minimè necessariae voces oris, vt Deo innotescant cordis affectus, sunt tamen effectus ipsorum, qui in animo nostro resident, affectuum; nec affectus istos illi aut impediunt aut minuunt, sed adiuuant perficiuntque. Deinde quæ sunt ab incarnato Verbo diuino viurpata ad nostram informationem, ea non debet quisquam aut erubescere, aut spernere.

Ad

Ad hanc rem faciunt opportunè quæ luculenter
 D. August. scripsit D. Augustinus, dum expenderet eam o-
 Tract. 104. rationem alta & clara voce expletam, quam Do-
 in Ioan. minus noster coram discipulis prolixè fudit ad
 Patrem in cœnaculo, *Pater, venit hora, clarifica
 Filium, &c. Poterat Dominus noster, ait S. Augu-
 stinus, orare silentio, sed ita se Patri exhibere vo-
 luit precatorem, ut meminisset se esse nostrum Do-
 ctorem: proinde eam quam fecit orationem pro no-
 bis, notam fecit & nobis; quoniam tanti magistri non
 solum sermocinatio, sed etiam oratio, discipulorum
 est edificatio.*

Qui orandi modus per Hymnos perfectior est
 redditus ex forma vsui Psalmorum tradita ab ipso
 Hymnographo, qui septenis vicibus in die hunc
 Psal. 118. seruabat modum, sicut de se ipso scribit: *Septies
 in die laudem dixi tibi.* quam formam libenter
 amplexa est & tenet nostra Ecclesia in suis pu-
 blicis quotidianis precibus. Magna profectò ex
 Orationis septenarius hoc numero adiungitur nostræ orationi perfectio;
 numerus in tum quia hoc numero septenatio aptius à Deo
 die magnis exoratur eius gratia, quæ per septiforme Spiritû
 mysterijs cordibus nostris dispensatur: nam septem esse
 scatur. Spiritus sãcti charismata nouimus ex Isaia; tum
 Isai. 11. etiam quia oratio non semel dirigitur ad peccato-
 rum obtinendam veniam. Sicut igitur septies in
 Prouer. 24. die peccare dicitur iustus; septem item dicuntur
 Marci 18. peccata capitalia, quæ ab Euangelistis appellata
 Luc. 8. forsan fuisse septem dæmonia; seu etiam sunt se-
 Prou. 26. ptem illæ nequitiz, de quibus Auctor Prouerbio-
 Hora Cano rum ait, *Septem nequitie sunt in corde illius*: ita
 nica quare septies ordinata est Psalmorum oratio, ut antido-
 sine septem. rum præberetur opportunum ad vitia vel ante
 lapsum vitanda, vel post lapsum delenda. Ulter-
 rius,

rius, quia septem docuit Christus Dominus faciendas in Ecclesia petitiones, traditas in illa forma precandi, quam commendauit Marthæi cap. 6. quæ inde dicta est oratio Dominica, in qua quidquid piè peti potest à creatura mortali, vel ad finem vltimum consequendum, vel circa media opportuna, ad eiusdem finis consecutionem expostulatur; ideò, ad eiusdem doctrinæ imitationem, imò ampliorem dilatationem, vt easdem petitiones sæpius feruentiusq; iteremus, quotidie institutæ sunt septem Horæ precandi. Addere deniq; alijs libet, quòd sicut Deus Optimus Maximus septem diebus opus absoluit creationis; ita par est, vt homo, in cuius gratiam omnia sunt condita, nomine omnium creaturarum Hymnos in laudem & gratiarum actionem conditori Deo septies in die persoluat. Nec suo vacarent oppor- *Hora Ca-*
tuno mysterio eadem preces Hymnorum, si ab *nonica à*
aliquo cõtenderetur non septem tantum, sed octo *quibusdam*
esse enumerandas, ob eam ratione, quia aliquãdo *octo recen-*
in Ecclesia cõsuetudo fuit Nocturnos separatim *sentur.*
à Laudibus concinere; nam etiam iste octonarius numerus in sacris Literis inueniretur præcipuis decoratus arcanis, quæ diligenti studio collegit & descripsit Bartholomæus Gauātus initio sui Octuarij, ad communem pfallentium commoditatem editi. Verumtamen quia nunc passim & ybique Nocturni cum Laudibus recitari solent, & pro vnica habentur hora; ideò etiam frequentiori sãctorum Doctorum & Theologorum calculo septenarius tantum numerus harum Hymnodiarum præcum comprobatur & celebratur. Vrgeri præcipuè ab omnibus solet exemplum sancti Dauidis, primi celebrioris Hymnodiarum Auctoris, qui se-

pries in die Hymnos Deo offerebat. Quam septenam formam Angeli cælestes miris & suauissimis signis non destiterunt comprobare; continere non semel volentes vnà cum mortalibus eosdè

*Angelicum
D. Magda-
lena septem
Canonicas
continebant
Horas.*

*Pet. de Na-
tal. lib. 6. c.
124.*

Hymnos ijsdem vicibus septem. Nobile fuit huius dignationis Angelicæ experimētum illud, quod cum Seraphica Magdalena, in eremo Massiliensi vitam victu asperam, sed oratione, precibus & contemplatione suauissimam degente, per triginta continuos annos numquam intermiserunt. Dum enim hæc sanctissima mulier per septem statas horas dilecto Deo Hymnos offerret quotidie, toties ab Angelis visitata, eorumque manibus in æthera subleuata, audiebat cælestes Angelicos concentus eandem Hymnodiam à se oblatam suauissimè præcinentes.

*Oratio quomodo possit
esse sine intermissione.*

*Luc. 18. Verba Domini, Oportet semper orare, quomodo expleantur ab Ecclesia. D. Aug. de Hæres. ad Quoduult-
decum.*

Non omittendum est beneficium singulare, quod ex hac orandi septenaria forma percipit Ecclesia, ad monita Domini nostri exequenda. Nam per hæc orandi spatia tam verè quàm suauiter expletur in Ecclesia illud Domini nostri Saluatoris celebre monitum : *Oportet semper orare, & non deficere.* Verba ista non ad Mathematicum rigorem sunt indiscretè trahenda, quasi omnibus omnino momentis orationi sit vacandum, quemadmodum sumebantur à Messalianis hæreticis, qui tam indiscretè conabantur insistere orationi, vt, teste S. Augustino, ad incredibilitatem vsq; admirabilem vim sibi ipsis inferrent : nam tum rario, tum natura huic violentissimæ intelligentiæ cōtradicit. Aliæ enim curæ cum oratione propriè sumpta minimè reperiri possunt, & sunt omnino necessariæ nostræ naturæ, quas omittere absq; culpæ reatu non liceret : vt si quis, ne ab oratione

de-

desisteret, curam domesticorum omitteret, is, ex Pauli sententia, habendus esset infideli deterior. 1. Tim. 5. Item necessarius est somnus vitæ sustentationi, quo tempore orationis attentio, imò & omnis rationis actus omnino impeditur. Dominus quidem noster Saluator hoc gaudebat priuilegio propter scientiam infusam, vt dormiens orare posset, ac si vigilasset, iure ea vsurpans verba: *Ego dormio, & cor meum vigilat.* Verba igitur à Domino nostro, qui erat non tantum verus Deus, sed etiam verus homo, prolata, & hominibus orationis studiosis tradita, humano modo sunt accipienda, eo scilicet modo quo homines in alijs similibus studijs solent similia proferre verba. Sicut de hominibus siue literarum siue ludi, siue venationis siue picturæ studiosis communiter pronuntiamus, quoddam semper siue studijs siue ludo, siue venationi siue picturæ operam continuam præstant, nec umquam ab illis desistunt, cum tamen non omnibus omnino momenti huiusmodi studio sint intenti, absq; alijs tum naturæ tum status necessarijs officijs, hoc enim repugnare & falsum omnino esse omnes nouerunt; sed quia præcipuas dici horas, ab alijs curis liberas, ille literis, iste ludo, hic venationi, alter picturæ tribuunt. Hoc sensu, qui est vsui humano & rectæ rationi conformis, sumpta verba Domini nostri mira suauitate expleantur perfectissime à nostra Ecclesia, dum per septem Horas Canonicas, alias nocturnas, diurnas alias, Hymnorum orationi sollicita incumbit per ministros ad id munus deputatos. Quod non minus grauius quam verè assertum est primò à S. Eligio, deinde à Venerabili Beda his verbis: *Quis autem potest semper*

Christus Dominus etiam dormiens orabat.

Cant. 5.

Impossibile est omni momento orare.
S. Eligius Homil. 11. in Cœna Domini. Venerabil. Beda in Luc. c. 18.

orare, ac sine defectu & intermissione precibus insistere, ut nec alimentum sumendi nec dormiendi tempus habeat? cui ergo discendum est, Oportet semper orare, & non deficere, nisi ei qui Canonici Horis quotidie, iuxta ritum Ecclesiastica traditionis, Psalmodiis; precibusque consuetis Dominum laudare & rogare non desistit?

In Ecclesia quomodo oratur omni tempore.

Hæc consideratio urgebit vehementiùs ad rem nostram, si spectetur Dominicum illud monitum, tamquam ad Ecclesiam eiusdem Domini nostri sponsam in primis directum. Ecclesia sicut non in vno tantùm residet loco, sed ubique per totum terrarum orbem viuit, congregata ex fidelibus tamquam ex membris; ita potest sanctissimi sui sponsi præclarum monitum etiam ferè ad rigorem perfectum explere. Cùm namque ordinatam horarum distributionem in publico Hymnorum cantu præcipuè tum Collegiatæ sæculares tum Regulares Ecclesiæ, per totum terrarum orbem dispersæ, diu noctuque obseruent, euenire faciliè poterit, propter horizontis varietatem, ut in Operis ostendimus Præfatione, quòd omnibus ferè horis diurnis nocturnisque Deus ab Ecclesia sponsa sua indefinenti oratione verè realiterque colatur. Huiusmodi prærogatiua haud mediocriter commendat præstantiam institutionis & vsus publicæ Hymnodicæ, imò dixerim, eiusdem ostendit in Ecclesia necessitatem. Nam per verbum *oportet*, à Domino nostro seruatore vsurpatum in suo ad discipulos monito, indicatur aliqua necessitas, non autem sola congruentia orandi semper sine intermissione. Dum itaque verè suauiterque per vsus publicæ Hymnodicæ illud obseruatur Domini nostri monitum,

clare

clarè colligitur quasi necessitas eiusdem publicæ Hymnodix. Similis profectò diuini moniti executio nequit exactè reperiri in aliis eiusdem Ecclesiæ precibus priuatim expletis, siue voluntariis, siue debitis. Nam cum priuatæ preces statas ac firmas minimè seruent horas, sed quilibet pro libito suo accedat ad orandum quodcumque ipsi placuerit, minimè quoque poterunt omnem diurni nocturniq; temporis complecti ambitum; sed plurima diçi spacia facillimè inuenientur orationibus omnino vacua, alia omnino plena, cum id videatur necessariò consequi ex hac libertate accedendi siue ad orationem, siue ad alia opera.

Suauitas ista magis augetur in hac septenaria forma; quia cum animus noster eius sit conditionis, ut vni eidemque rei semper vacare non queat, sed ad alia facillimè, etiam nolens & inuitus, diuertere cogatur, vicissitudo & varietas cum Psalmorum tum Horarum studium attentionis meliùs fouere valet, & adiuuare. Nec est vicissitudo & varietas omnino libera, quæ sua libertate possit animum faciliùs in exterioribus curis semper retinere, sed est temporibus alligata, ut animus ad statas horas orandi excitetur, vnde & nomen Horarum Canonicarum huic orationis formulæ est meritò tributum. Nam sicut hora significat temporis spatium determinatum, nempe vigesimam quartam partem diei naturalis; ita Canonica dicitur, quia regulariter obseruanda traditur, nam Canon Græcè Regula redditur Latine.

*In oratione
vicissitudo
inuolat ani-
mi attenti-
onem.*

*Hora Ca-
nonica vn-
de dicta.*

*Gratian. ex
Isid. Ca-
non. Reg.
dist. 3.*

Sectarij licet Psalmos adhibere nouerint aliquando in suis conuenticulis, eos tamen nulli adstrictos legi aut obligationi volunt, sed ad voluntatis

luntatis libitum eligunt. Et sicuti præcipuis virtutum actionibus ab Ecclesia Romana approbatis sunt sub specie pietatis maximè infensi; ita asserere non erubescunt, vt se ipsos à Canoniarum prædictarum precum penio eximant, hunc numerum septenarium precum esse vanum ac superstitiosum, quasi non debuerint diuinæ laudes coarctati ad certum numerum, aut ad determinatum tempus, cùm ipsemet Hymnographus spondere soleret easdem laudes absque vlla lege aut numeri aut temporis: *Benedicam Dominum, in omni tempore; semper laus eius in ore meo.* Verùm huic impudentissimæ calumniæ occurrit ipsemet sanctus Hymnographus ab illis perperam allatus: nam alibi declarans, quomodo sponsionem illam à se factam, semper & in omni tempore benedicendi ac laudandi Deum, expleret, ait se stata tempora adamussim obseruasse, nimirum septem vicibus ac horis per singulos dies offerendo Hymnos Deo. Huiusce veritatis amplissimum testimonium extat Psalmo 118. *Septies in die laudem dixi tibi.* Non igitur numerus Hymnorum, nec determinatio horarum seu temporum (nisi aliunde vitietur) poterit superstitionis argui; præsertim quia nititur publica sanctæ matris Ecclesiæ auctoritate, & sancti Davidis exemplo, hanc laudandi & orandi Deum formulam approbantium. Imò huiusmodi numerus asseri debet maximè commodus humanæ imbecillitati, quæ, vt iam diximus, potest idcirco orationi perpetuæ vacare studiosius atque perfectius.

Habemus itaque à Dauide in eius Hymnorum vsu perfectam ex omni parte orandi formam, imò & materiam copiosam; nam & verba ipse tradit

tradit ad hanc rem opportuna, siue ad gratiarum actionem, siue ad placandam diuinam iram, siue ad misericordiam exorandam, siue ad gratias postulandas, siue ad Dei perfectiones celebrandas absque vlllo timore vel periculi vel erroris, cum certi omnino simus, omnia verba Psalmorum esse à Deo auctore. Ex his desumunt viri spirituales illas breues orationes, quæ à iaculis efficaciter operantibus dictæ sunt iaculatoriæ, quibus conceptum in oratione & contemplatione feruorem facilius conseruant. Quare D. Basil. commendabat vsum Psalmorum viris virtutis studio: quia sicut magno sunt adiumento, tum ad obtinendum quod desideramus, tum ad mala auertenda, tum ad gratias Deo reddendas; ita copioso abundant diuino Spiritu, ignemque continent ardentem, qui ruminantes & proferentes illos inflammat. Verus, vt tandem concludam, bonæ orationis magister & doctor extitit Ecclesiæ in suis Psalmis sanctus Hymnographus; ita vt qui orare nesciret, ex solo Psalmorum vsu frequenti ediscere possit perfectam orationem, & omnes orationis actus præcipuos, cordis humiliationem, animi compunctionem, sui ipsius oblationes, Dei colloctiones, postulationes, laudes, exclamationes, lacrymas & desideria, quia omnium affectuum exempla passim inueniuntur in Psalmis.

Orationes iaculatoriæ ex Psalmis eruntur.

D. Basil. Proem. in Psalm.

Orationis magister est David.

CAPVT IX.

Contemplationem nutrit Hymnodia.

Vita contemplatiua dignitas.

Luc. 10.

Vita mixta ex contemplatione & actione, qua.

Gen. 29.

D. Gregor.

12. in Ezech.

Homil. 15.

D. Bern.

Serm. 41.

in Cantic.

Ioan. 1.

Angeli contemplationem actioni coniungūt.

NOBILISSIMA contemplatiuorum vita, quæ in Ecclesia militante primum dignitatis sibi vendicat locum, iuxta Domini nostri Seruatoris sententiam, qui Mariæ otium prætulit Marthæ negotiis, pronuntians aurea illa verba, *Maria optimam partem elegit*, à Daudicis Hymnis opportunum expectare proficitur alimentum. Siue enim huiusmodi contemplatiui puram exerceant contemplationem absque communicatione & societate actionis, cuiusmodi erat vita Mariæ, quæ de Marthæ negotiis nihil conscia, ad pedes Domini vacabat dulcedini verbi, qualis exercetur à multis Religiosorum Ordinibus, qui toti sunt in diuinorum contemplatione positi: siue contemplationis studio coniungant actionis occupationes, quales sunt præcipui Regularium Ordines, qui perfectioris vitæ cupidi, non sola actione contenti nec sola contemplatione, vtramque in seipsis complectuntur, modò ad istam exeuntes, modò ad illam redeuntes, neutram aut omit- tentes aut dimittentes, imitatores sancti Patriarchæ Iacobi, qui duas sorores, pulchram Rachel & lippam Liam, habuit sibi fideles vxores, quarum illa contemplationis, ista actionis typum gerere dictæ sunt à communi sanctorum Patrum sensu; imitatores etiam Angelorum cælestium, qui ab eodem Patriarcha visi sunt ascendentes & descendentes per scalam, qui etiam in nouo Testamento dicti sunt ascendentes & descendentes super

super Filium hominis. Qua ascensione & descensione, in sensu allegorico, intelligit diuus Bernardus operationes contemplationis & actionis, D. Bern. Serm. 111. in Psalm. Qui habitat. dicens: *Ascensio propter se, descensio, vel potius condescensio, propter nos; ascendunt per contemplationem Dei, descendunt per compassionem tui, ut custodiant te in omnibus viis tuis; ascendunt ad vultum eius, descendunt ad nutum eius, quoniam Angelis suis mandauit de te.*

Huius præclarissimæ vitæ mixtæ illud aureum pronuntiatum frequentare solitus erat Venerabilis noster Institutor, Antonius Maria Zacaria, in Ant. Maria Zacaria in Aphor. v. Vita mixta. n. 12. & 13. suis Aphorismis spiritualibus: *Hæc vita est otiosa in opere, & operosa in otio, vita, inquam, potius Angelica quam humana: quia sicut Angeli eodem temporis momento & Deum contemplantur, & nostra cooperantur saluti; ita vitam exercentes mixtam, & manum operi & mentem Deo intentam habent.* Virique igitur gradus contemplatiuorum Hymnodicæ vsum, tamquam escam propriam contemplationis, prosequuntur.

Huius præclari vsus luculentissimum nobis præbuit testimonium Philo Alexandrinus, qui Philo Hebraus l. de Vita contempl. fuit non solum Apostolorum synchronos, sed & Petri aliquando amicus. Hic scribens librum de Vita contemplatiua, inter cetera huic vitæ magis familiaria, commendat precum & Hymnorum frequentem vsum; & ibi per errorem, suorum putans Hebræorum gesta insignia describere, teste sancto Hieronymo, narrat veterum Christianorum mores sub Euangelistæ Marci disciplina, referens eos quotidie bis conuenire solitos ad Hymnos & orationem, manè scilicet & sub vesperam: oriente sole petebant diem felicem, ut-

que mentes eorum cælesti replerentur lumine; occidente autem sole, vt, anima exonerata sensibus in totum moleque rerum sensibilibum, veritatem vestigarent in consistorio domestico.

*Contem-
platio pro-
uocat Psal-
modiam, &
Psalmodia
fouet con-
templatio-
nem.*

Quamuis tota ratio contemplationis non in solo Hymnorum vsu sita esse dignoscatur, sed in aliis quoque similibus occupationibus, inter quas insigniores sunt, sacrarum Scripturarum lectio, oratio & meditatio; nihilominus nemo non fateri cogetur, quod in sacra Hymnorum frequentia & vsu animus facilius Deo vniatur, dum eius laudes celebrat & recolit. Dum cantat lingua, cor intus tunc exultat, totusque homo interior & exterior, quasi cithara dulciter ex duabus chordis temperata, ex animo scilicet & corpore, summa perfruitur delectatione. Hinc anima Canticorum, quando in Dilectum suum maiori rapiebatur impetu ob vim contemplationis, inuitabatur ab ipso Dilecto ad canendum voce exteriori: *Sonet vox tua in auribus meis; vox enim tua dulcis.* En quomodo contemplatio prouocat ad cantum Hymnorum; sicut Hymnorum cantus contemplationem nutrit atque fouet, ob multitudinem tum arcanorum, tum mysteriorum, tum operum diuinorum, quæ in illis Hymnis abundant, copiosam. Modò Dei celebrantur attributa; modò gesta diuinæ potentiae narrantur; modò dulcedines diuinæ benignitatis & misericordiae recoluntur; modò opera diuinæ bonitatis, iustitiæ, prouidentiae & sapientiæ recensentur; modò diuinæ legis encomia, fructus, præmia, siue etiam pœnæ decantantur, ex quibus vberem materiæ segetem haurit contemplatio.

In

In iis obuiam habet vterque contemplatiuo-
rum oculus obiecta opportuna, ita vt modò is, Duos ocu-
los habent
contempla-
tium
modò ille, modò vterque oculus simul suas ex-
pleat visiones. Vtrumque dico oculum; quia con-
templatiuorum mens appositè describitur à no-
stro Zacaria, duos habens oculos, sinistrum & Ant. Maria
dexterum, sicuti duo sunt genera obiectorum Zacaria in
contemplationi apta: *Sinister oculus*, ait, *respicit* Aphor. v.
obiecta lumine natura cognoscibilia, veluti substan- Contem-
tiam Angelorum, creaturarum ordinem, Dei pro- platio. n. 23
uidentiam, bonitatem, & id generis attributa, ad & 26.
qua natura lumen pertingere potest. Oculus dex-
ter altiùs ascendens, penetrat secretiora diuinitatis
arcana & sacramenta; qua non nisi lumine gratia
altiori possunt attingi.

Dum animus his verbis voce cantatis attendit,
assurgit paulatim in diuinum amorem, imò ali-
quando sensim in Deum ipsum mirabili modo,
transformatur vsque ad ecstasim & deliquium.
Hymnographum in hac re possumus attendere,
qui sicut animo meditabatur quæ exultans decan-
tabat, ita non solùm magna iucunditate afficie-
batur, sed aliquando ecstasim patiebatur; quem-
admodum de se testatur Psalmo 76. vbi enume-
rat varios affectus ex Hymnorum meditatione
haustos: *Memor fui Dei, & delectatus sum*, en Psal. 76.
delectationes quas hauriebat; & exercitatus sum, Contem-
en *facilitas ad omnem virtutis actionem; & de-* platio plu-
fecit spiritus meus, en ecstasis & deliquium. Inde rimos effe-
hauriebat alios affectus, vti alacritatem ad no- Aus opera-
uos semper Hymnos, etiam tempore noctis in- tur vsque
tempestæ decantandos, *Anticipauerunt vigilias* ad ecsta-
oculi mei; sufferentiam in aduersis, turbatus sum, sim.
& non sum locutus; sollicitudinem maiorem erga
proprij

que mentes eorum cælesti replerentur lumine; occidente autem sole, vt, anima exonerata sensibus in totum moleque rerum sensibilibus, veritatem vestigarent in consistorio domestico.

Contem-
platio pro-
uocat Psal-
modiam, &
Psalmodia
fouet con-
templatio-
nem.

Quamuis tota ratio contemplationis non in solo Hymnorum vsu sita esse dignoscatur, sed in aliis quoque similibus occupationibus, inter quas insigniores sunt, sacrarum Scripturarum lectio, oratio & meditatio; nihilominus nemo non fateri cogetur, quod in sacra Hymnorum frequentia & vsu animus facilius Deo vniatur, dum eius laudes celebrat & recolit. Dum cantat lingua, cor intus tunc exultat, torusque homo interior & exterior, quasi cithara dulciter ex duabus chordis temperata, ex animo scilicet & corpore, summa perfruitur delectatione. Hinc anima Canticorum, quando in Dilectum suum maiori rapiebatur impetu ob vim contemplationis, inuitabatur ab ipso Dilecto ad canendum voce exteriori: *Sonet vox tua in auribus meis; vox enim tua dulcis.* En quomodo contemplatio prouocat ad cantum Hymnorum; sicut Hymnorum cantus contemplationem nutrit atque fouet, ob multitudinem tum arcanorum, tum mysteriorum, tum operum diuinorum, quæ in illis Hymnis abundant, copiosam. Modò Dei celebrantur attributa; modò gesta diuinæ potentiae narrantur; modò dulcedines diuinæ benignitatis & misericordiae recoluntur; modò opera diuinæ bonitatis, iustitiæ, prouidentiae & sapientiæ recensentur; modò diuinæ legis encomia, fructus, præmia, siue etiam pænæ decantantur, ex quibus vberem materiæ segetem haurit contemplatio.

Cant. 2.

In

In iis obuiam habet vterque contemplatiuo-
rum oculus obiecta opportuna, ita vt modò is, Duos ocu-
los habent
contempla-
tium.
modò ille, modò vterque oculus simul suas ex-
pleat visiones. Vtrumque dico oculum; quia con-
templatiuorum mens appositè describitur à no-
stro Zacaria, duos habens oculos, sinistrum & Ant. Maria
Zacaria in
Aphor. v.
Contem-
platio. n. 23
& 26.
dexterum, sicuti duo sunt genera obiectorum
contemplationi apta: *Sinister oculus*, ait, *respicit*
obiecta lumine natura cognoscibilia, veluti substan-
tiam Angelorum, creaturarum ordinem, Dei pro-
videntiam, bonitatem, & id generis attributa, ad
qua natura lumen pertingere potest. Oculus dex-
ter altius ascendens, penetrat secretiora diuinitatis
arcana & sacramenta; qua non nisi lumine gratia
altiori possunt attingi.

Dum animus his verbis voce cantatis attendit,
assurgit paulatim in diuinum amorem, imò ali-
quando sensim in Deum ipsum mirabili modo,
transformatur vsque ad ecstasim & deliquium.
Hymnographum in hac re possumus attendere,
qui sicut animo meditabatur quæ exultans decan-
tabat, ita non solum magna iucunditate afficie-
batur, sed aliquando ecstasim patiebatur; quem-
admodum de se testatur Psalmo 76. vbi enume-
rat varios affectus ex Hymnorum meditatione
haustos: *Memor fui Dei, & delectatus sum*, en Plal. 76.
delectationes quas hauriebat; & *exercitatus sum*, Contem-
platio plu-
rimos effe-
tus opera-
tur vsque
ad ecsta-
sim.
en facilitas ad omnem virtutis actionem; & *de-*
fecit spiritus meus, en ecstasis & deliquium. Inde
hauriebat alios affectus, vti alacritatem ad no-
uos semper Hymnos, etiam tempore noctis in-
tempestæ decantandos, *Anticipauerunt vigilias*
oculi mei; sufferentiam in aduersis, turbatus sum,
& *non sum locutus*; sollicitudinem maiorem erga
proprij

proprij cordis culturam, *Meditatus sum nocte cum corde meo, & exercitabar, & scopebam spiritum meum*; sponſiones noui profectus in via Dei, *Et dixi nunc cœpi*; nouas promiſſiones iugis contemplationis & cantus Hymnorum, *Memor fui operum Domini, quia memor ero ab initio mirabilium tuorum, & meditabor in omnibus operibus tuis, & in adinventionibus tuis exercebor*; ſeu, vti legit diuus Hieronymus, *& adinventiones tuas loquar.*

Contem-
plationi
quilibet
hominum
gradus eſt
aptus.

Ab experimento huius contemplationis in Hymnodia nullus perſonarum gradus iuſtè po- teſt ſe excuſare, ſiue illæ doctæ ſint ſiue idiotæ, ſiue viri ſiue feminæ; omnibus enim communis eſt contemplatio, niſi obicem ipſi ponant. Nam ad contemplationem perfectam, quatenus dicit liberam mentis humanæ intentionem in ſpeculo diuinæ Sapientiæ cum admiratione ſuſpenſam,

Richard. de
S. Victore
lib. 1. de
Contempl.
cap. 4.

Contem-
platio exi-
git animum
à paſſioni-
bus purga-
tum.

S. Gregor
16. Moral.
cap. 27.
D. Thom.
2. 2. q. 182.
art. 3.

prout deſcribitur contemplatio à Richardo de S. Victore, quilibet animus, qui à Spiritus diuini impetu agatur, eſt opportunus, nec attenditur, qualis ille ſit vel viri vel feminæ, vel docti vel idiotæ; ſolùm attenditur ſi variis & multiplicibus pœnitentiæ, mortificationis & humiliati- onis actibus ſit à paſſionum tumultu expurga- tus, tunc enim poterit magna tranquillitate in Deum ferri. Hoc eſt quod docent ſancti Patres, dicentes, contemplationem decere animos in vi- ta actuoſa antea valdè probatos circa paſſionum moderationem. Si ſumatur contemplatio magis temperata, quatenus dicit conſiderationem diui- norum per aliquot temporis ſpatium non modi- cum, ſed mediocriter prolixum, hæc omni per- ſonarum generi eſt communis, ſicuti communis eſt

est animus aptus ad considerationem. Imò nouimus ex sacris Litteris, & ex historiis, idiotas aliquando fuisse in humili eorum contemplatione raptos à Deo ad secretiora Spiritus diuini sacramenta; & introductos in cellaria diuinorum arcanorum vnà cum sponsa Canticorum, quæ femina erat, & diuinorum ignara, antequam contraheret cum Sponso familiaritatem & consuetudinem. Nam quando narrat hanc suam introductionem in cellaria Sponsi, tunc erat in ipsis initiis suæ felicitis fortis. Deus itaque, modò inueniat corda pura & nitida, quamuis simplicia & rudia, illis se largissimè effundit atque communicat. Imò magis aliquando delectatur animo simplici quàm docto & sapiente; quemadmodum alloquens Patrem suum dixit Dominus noster *Confiteor tibi, Pater, quia abscondisti hæc à sapientibus & prudentibus, & reuelasti ea paruulis.* Ita Pater; quoniam sic fuit placitum ante te.

Quot mulieres idiotæ, quot etiam simplices viri in Ecclesia, ob puritatem animi, fuere à Deo ad altissima cælestia arcana sublimisque diuinas cognitiones euecti, vt potuerint deinde aliis erudicare quod ipsi abundè hauserant. Testes sint tot Oracula rudium virorum, qui Prophetæ effecti sunt; & vaticinia simplicium feminarum, quæ Sibyllæ appellatæ sunt. Testes sint Volumina plurima altissimarum sententiarum à Senensi Catharina, à Baptista Genuensi, à Teresa Hispana, à Magdalena Florentina, & aliis feminis conscripta, quæ præ admiratione animos doctiorum hominum suspendunt.

Non est necessarium, ad mentem occupandam in contemplatione Hymnorum, vt verba recitata intel-

*Simplicet
idiotæ in
contempla-
tione pro-
ficiunt.*

*Plurimæ
mulieres
idiotæ in
contempla-
tione diui-
norum ex-
celluerunt.*

*Mulieres
rudes p̄d
vruntur
Psalms
Latinis.*

Lib. II.
c. XVIII.

D. Thom.
2. 2. q. 83.
art. 13.

Cassianus
Coll. 9.
cap. 31.

*In oratione
animus po-
tius ad Deū
quā ad
uerborum
sensem re-
spicere de-
bet.*

Lib. II.
cap. II.

intelligentur. Magna quidem est perfectio psal-
lentis, intelligentia verborum, sed non est ne-
cessaria. Noui sectarios improbare vsum nostræ
Catholicæ Ecclesiæ concedentis virginibus San-
ctimonialibus, & aliis rudibus personis, vt oran-
tes adhibeant Psalmos Latinè conscriptos, quos
non intelligunt. Sed quidquid blaterent isti, &
falsò effutiant, clarè constat, hunc esse vsum
pium, & Deo acceptum, vti fusiùs Libro se-
quente ostendetur. Nam etiamsi Latinam lin-
guam non calleant mulieres, possunt tamen in
illis recitandis attentionem habere ad Deum qui
oratur, laudatur, & benedicitur. De sensu ver-
borum satis suo faciunt muneri personæ idiotæ,
si eum intendant, quem docti, præsertim Eccle-
siæ Rectores & ministri, nouerunt. Quam in-
tentionem & attentionem declarant sufficientem
omnes Catholici Doctores. Imò dari contingit
perfectissimam orationem, etiamsi non intelli-
gantur verba prolata. Referebat ad hanc rem
Cassianus pulchram doctrinam D. Antonij Ab-
batis, dicentis, in perfectissima oratione aliquan-
do animum ita absorberi à Deo, vt orans non
intelligat verba sua. Hinc ortum est illud sancto-
rum Patrum commune proloquium, quod in
oratione attendere magis expediat, quem ore-
mus, quā quid orando petamus, ita vt oculis
& mente ad Deum semper intendere sit non so-
lū sufficiens, sed meliùs. Insuper si quispiam,
siue doctus siue indoctus, dum Hymnos concin-
nit, mentem in Christi Domini mysteria & ope-
ra intenderet, quæ faciliùs & suauius ab vno-
quoque apprehenduntur, vt etiam dicemus Li-
bro sequente, quia, vti docebat diuus Bona-
uentura,

uentura, versamur circa res & actiones corpo-
 reas, quæ à rudioribus facillè percipiuntur; is
 certè occuparetur suauissima contemplatione, ad
 affectus animi commouendos opportuna. Imò
 quandoque etiam doctiores difficillè feruntur in
 diuinitatis perfectiones, & idcirco frequentius
 ad Christi Domini opera se conuertunt, indeque
 paulatim, & quasi sensim, ducuntur ad diuino-
 rum sublimitatem. Nullus itaque status homi-
 num, nullus sexus effectibus contemplationis in
 Hymnodia experiundis est impar, sed quilibet est
 opportunus & aptus.

Quotquot in Ecclesia veræ contemplationis
 partes profitentur, Hymnodia vsum amplexi
 sunt, vti eiusdem contemplationis præcipuam
 escam. Ad eam tanta animi alacritate inhiant,
 quanta cerui solent ad fontes auide properare;
 quod fortassis voluit innuere Dauid concinens:

Quemadmodum desiderat ceruus ad fontes aquarum, Psal. 41.

ita desiderat anima mea ad te Deus, nimirum
 ad Templum tuum, ô Deus, in quo singu-
 lari modo habitas, vt Hymnis & confessiomibus
 te laudare queam. Notum orbi est huius Regis
 ardentissimum votum videndi Templum Deo
 erectum, vt in eo sibi liceret perpetuam collo-
 care habitationem, quam prætulisset superbo pa-
 latio regia magnificentia & potentia constructo.

Ipse de hoc suo voto scribens ait: *Vnam peti à* Psal. 26.

Domino, hanc requiram, vt inhabitem in domo
Domini omnibus diebus vite meae, vt videam vo-
luptatem Domini. Et quanti fiebat ab hoc Rege
 Hymnodia vsum in Templo oblatus.

Eundem animi affectum erga cantum Hymno-
 rum possident viri virtute insignes, qui mysticam
 Theolo-

S. Bonau.
 lib. de Vita
 Iesu Chri-
 sti cap. 51.

Contem-
 plationis
 platiui di-
 ligunt v-
 sum Psal-
 modia.

Psal. 41.

Davidis
 ardens vo-
 tum psal-
 lendi in
 Templo.

Psal. 26.

Theologiam sunt aliquando affecuti; imò quamlibet occupationem curamque, licet grauissimam, dimittere soliti sunt, in aliud tempus eam differentes, ne statim psallendi horis impedian-
 tur ab hoc altissimo munere. Nec huius diligentiae exemplum nobis deerit siue in Dauide, siue in aliis. Si Dauidem attendamus, mirabile profecto studium nobis offerretur conspiciendum, qui licet inter summas delicias ab opulentissimo Regno, quando lætissima fruebatur pace, oblatas dies noctesque explere potuisset, sicuti multi Principum modò ad venationes, modò ad spectacula & scenas, modò ad alia id generis oblectamenta libenter se conferunt, post grauiorum curarum expeditiones: qui etiam licet plurimos exegerit annos sub tentoriis inter militares strepitus armorum, exercitus ducens, prælia agens, & triumphos reuehens, quando multi duces vix Dei & diuinorum recordantur; nihilominus statas psallendi orandi que horas, quæ plures erant in die, numquam aut dimisit aut remisit, sed semper retinuit & frequentauit, qualibet seposita cura exteriori: *Septies in die laudem dixi tibi.*

*Psallendi
usus statim
horis num-
quam à
Dauide re-
missus.*

Psal. 118.

*Cosma Dof-
senij mira-
virtutes.*

Si de nostris aliquid proferre non dedecet, ad virum heroicæ virtutis nostri Ordinis me confere. Nouimus Cosmam Dossenium, qui ob singularem morum probitatem, & in rebus agendis prudentiam, non solum in nostra Congregatione suprema regiminis onera subiit, sed etiam à summis Pontificibus, Clemente VIII. & Paulo V. ad grauissima pro Ecclesiæ sanctæ seruitio munera adhibitus, præsertim quando in supremum Moderatorem Monachorum D. Bernardi Congregationis Fulliensis, & tandem ad Episcopalem

palem infulam Derthonæ, insignis ciuitatis Insu-
briz, vi bini præcepti fuit euocatus: nouimus,
inquam, Hymnodiz adeò studiosum, vt non
solum dum Religiosus viueret inter nos, vix
numquam, nisi quando occupationes dilationem
non paterentur, à chori disciplina abesse sit pas-
sus, primus semper chorum ingrediens, vlti-
musque egrediens, tam ad diurnas quàm ad no-
cturnas preces; sed Episcopus etiam cum suis
Clericis & Canonicis diuina semper obire, imò
diebus Festis bis Matutinas preces in choro per-
soluere, semel pridie vesperi vnà cum Capella-
lanis, iterùm summo manè vnà cum Canonicis,
numquā omiserit, nisi maxima premeretur aut ne-
cessitate, aut infirmitate. Hic beatus vir in se ipso
illas condiciones explere studebat, quas D. Hie-
ronymus in optimo Præsule requirebat, dicens:

*Si quis vult Pontifex non tam vocabulo esse quàm Episcopi
merito, imitetur Moysen, imitetur Aaron, de qui. condicio-
bus dicitur, quòd non discedunt de tabernaculo Do- nes qua-
mini.* Noster Episcopus non contentus nomine,
voluit meritum Episcopi, voluit Hymnodiz in
Templo assiduus adstare. Religiosi Ordines ferè
omnes, qui contemplationem aut puram ab om-
ni actione aut cum actione coniunctam profiten-
tur, Hymnodiz vsum in choro omni studio co-
lunt, & tuentur. Imò vbi plus contemplationis
exercetur, maiori studio diligentiorique discipli-
na retinetur Hymnodiz vsus. Sicut non omnes
Ordines, qui vtrumque vitæ genus, contempla-
tiuæ scilicet & actiuæ, complectuntur, sunt in
contemplationis gradu pares, sicut nec in gradu
actionis: nam alij plus habent contemplationis
quàm actionis, alij plus habent actionis quàm

Contem-
plationis
& actionis
varij gra-
dus.

contemplationis; ita plus minúsve habent studiū circa Hymnodiæ vsum. Imò si paulatim Hymnodiæ deficere permittetur in aliquo Ordine, ibi contemplationis ratio deficere conspicietur. Neque enim modicum tempus orationis priuatim factæ, neque priuata Psalmorum recitatio, contemplationis gradum insignem dicitur constituisse, qualem constituere dicent omnes, Hymnodiam in choro ritè & rectè persolutam.

CAPVT X.

Miras delectationes præbet Hymnodia.

*Delicia spi-
rituales
non possunt
explicari.*

CERTVM ac indubitatum esse debet, variis abundare delectationibus spiritualibus Hymnodiæ vsum; sed quales illæ sint, multi possunt quidem experiri, si à Deo illarum auctore & fonte donentur, nullus tamen sermone assequi valebit. Voluit misericors Deus, quòd de illis aliquid innuerent sancti viri, vt nos ad eadem perquirèda excitaremur, meliùs dixerim vrgeremur. Vnum profero Hymnographum, qui eas experiens, sicut non poterat præ exultatione seipsum à nouis semper Hymnis concinendis cohibere; ita numquam describit, quas quantàsve hauriret ex vso Psalmodiæ delicias, eas nihilo minus celebrat maiores omni alio deliciarum genere, vt nullam aliam delectationem his æqualem cognosceret, non venationum, non piscationum, non theatrorum, neque ludorum, neque chorearum, neque conuiuiorum, non vinearum, non coniugiorum, neque musicarum, inò omnes alias voluptates simul iunctas floccificiens

*Præstant
ceteris
mundi de-
liciis.*

ciens ac spernens, illas extollebar, dicens: De- Psal. 18.
siderabilia super aurum & lapidem pretiosum mul-
tum; & dulciora super mel & fauum. Quam dulcia Psal. 118.
fauibus meis eloquia tua, super mel ori meo! sex-
 centa sunt pronuntiata in Psalmis, quæ decla-
 rant sanctissimi Regis erga has delectationes sen-
 sum singularem, sed omnia per censere nimis lon-
 gum esset.

Satis sit illud afferre testimonium, quo decla- *Præferre-*
 rat, se pluris æstimare has delicias quàm Regiam *bantur à*
 ipsam dignitatem, quàm sceptrum eburneum, *Danide*
 quàm thronum auro gemmisque contextum, *omnibus*
 quàm thesauros immensos diuitiarum, simul *deliciis à*
 iunctis omnibus deliciis quæ à Regia potentia *Regia po-*
 possunt aut obtineri, aut exquiri, tandem quid- *tentia com-*
 quid sub oculorum aspectum, imò & cordis ima- *paratis.*
 ginationem potest proponi. Hunc solemnem ani-
 mi sui sensum non semel est prolocutus, præ-
 fertim Psalmo 72. dum in media delectationum
 Regiarum fruitione existens pronuntiavit: *Quid* Psal. 72.
mihi est in calo? & à te quid volui super terram?
Defecit caro mea, & cor meum: Deus cordis mei,
& pars mea Deus in aeternum. Vbi paucis verbis
 præfert spirituales delicias omnibus omnino sæ-
 culi diuitiis ac deliciis. Nec dubium vllum de
 veritate huius declarationis gigni poterit in ani-
 mis eorum, qui aliquando meruerunt degustare *Delicia-*
 vim vnius tantummodò harum deliciarum gut- *rum spiri-*
 tulæ; nam illa contenti, renuntiare visi sunt om- *tua sum*
 nibus dignitatibus, honoribus, diuitiis, deliciis *mira vis.*
 huius vitæ mortalis. Expendebat ad hanc rem
 Lyranus parabolam lignorum de Rege eligendo Iudic. 9.
 consultantium, vbi oliua, vitis, & ficus oblatum
 imperium spreuerunt, contenti sua pinguedine,

lætitia & dulcedine : & ex illa sensum moralem eliciens hic Doctor pius , tria hominum genera vult intelligi à tribus illis arboribus significata. In pingui oliua repræsentatos putat homines cælestis olei deuotione plenos ; in vite humi repente , homines humiles fastum & arrogantiam deponentes , sed vinum lætitiæ possidentes ; in ficu dulcissimos fructus germinante , eloquij diuini studiosos , quia omnis sacra Scriptura miris abundat suauitatibus , vt dicitur in Canticis sub nomine Sponsæ : *Eloquium tuum dulce*. Qui itaque sunt huiusmodi præditi conditionibus , pluris faciunt eas quas experiuntur suauitates à Deo sibi datas , quàm sceptræ , & coronas & Regna à mundo oblata : imò offerenti ij generosè respondent , se non posse deferere aut dulcedinem , aut pinguedinem , aut lætitiâ , quibus in Dei cumulantur seruitio , & dicunt : *Numquid possum deferere dulcedinem meam fructusque suauissimos, & ire, ut inter cetera ligna promonear ?* En vis delectationum quanta , vt vincere queat illam dominandi cupiditatem , quæ in homine cum ipsa natura est congenita. Imperium certè & dominium Regium potius deponere , quàm Hymnodicæ quotidianum suauissimum vsum aliquando omittere voluisset Dauid. Hinc aliàs eandem hanc suam degustatam delectationem præferre minimè dubitauit quibuscumque maximorum

Cant. 4.

Iudic. 9.

*Vincunt
dominandi
cupidita-
tem.*

Psal. 118.

Regum opibus ac thesauris : *In via testimoniorum tuorum delectatus sum , sicut in omnibus diuitiis*. Omnes dixit diuitias , vt cognosceremus , non vnus tantum Regni opes considerasse Dauidem in hac sua comparatione , quam lætus decantabat , sed omnium Regnorum omniumque mortalium

talium hominum diuitias simul coniunctas expendisse; vt vim suarum deliciarum, quas à Deo, cui psallebat ac deferuebat, haurire solitus erat, validius enarraret.

Hæc suauitas cogebat sanctissimum Regem ad vsum illius suauissimi pronominis *meus* passim vsurpati, quasi ad omne verbum, dum alloquitur Deum, appellans *Deum meum*. Nomen istud, Deus meus cum non tam amoris quàm familiaritatis sit, non videtur valdè aptum creaturæ mortali erga tantum Creatorem & Deum, quem potius deceret inuocari nominibus Maiestatis & Reuerentiæ.

Quidam sancti viri, licet diuino æstuant amo-
re, verentes illud vsurpare, si quando vrgebantur ex interno aliquo affectu, excusationem præmittere non omittebant, quasi veniam deprecantes. Hanc reuerentiam libet obseruare in Areopagita Dionysio viro Apostolico ob merita præclara, imò & diuino ob altissimam Theologiam. Hic de Deo scribens, non ausus absolutè vsurpare pronomen *meus*, licet impelleretur ab affectu, vt affectui satisfaceret, & reuerentiam non amitteret, dicere solebat: *Deus*, & si fas est dicere, *meus*. Sola suauitas & delectatio, quæ sit maxima, occupans omnem discursum, nescit seruare decorum, præbet licentiam, & sine timore proloquitur, *Deus meus*. Tanta est delectationum à Deo immissarum vis, vt absorpta anima pereat sibi, & quasi in ipsas dulcedines transformata, eructet verba suauitatis plena. Vt aliquando ostenderet Hymnographus vim harum delectationum, eas comparauit primò ebrietati, quæ mentem euertit; deinde torrenti aquarum pleno, qui impetu suo omnia secum rapit, nec ab

Quidam Sancti non audebant vsurpare Deus meus, nisi præmissa excusatione.
D. Dionys. c. i. de Diuin. nom.

Deliciarum vi absorbetur animus.

Plal. 35. vlla potest impediri vi: *Inebriabuntur ab ubertate domus tue, & torrente voluptatis tue potabis eos.* Vbi egregiè S. Augustinus aduertit has comparationes adhiberi, vt quod absolute est ineffabile, aliquo saltem modo explicetur; & sicut magna est vis ebrietatis supra mentem, magna vis torrentium in impetu cursus; ita magna est vis delectationum ad mentem in Deum ipsum rapiendam, imò transformandam, vt nihil aliud præter Deum sapiat, nihil diligit: quia cum accepta fuerit illa ineffabilis lætitia, verbis loquor Augustini, perit quodammodò humana mens, & fit diuina, & inebriatur. Hac lætitia inebriati erant Martyres, qui ad passionem & mortem euntes, non agnoscebant suos, non uxorem flentem, non filios, non parentes. De B. Ephræm

*Consolatio-
nes beati
Ephram.*

*S. Francisci
Xauerij &
S. Philippi
Nerij qua,
& quanta.*

*Puritas ani-
mi deli-
cia reci-
piendis est
apla.*

proditum est, quòd tanta diuinarum consolationum copia aliquando perfunderetur, diuinis vacans contemplationibus, vt earum vim ferre non valens, cogeretur exclamare ad Deum, ne tali obrueretur torrente voluptatum. Imò & hoc sæculo vltimo de sancto Francisco Xauerio, nuper Orientis Apostolo, & de sancto Philippo Nerio, plurium Sanctorum in spiritu Patre, scitum est, quòd talibus fuerint diuinis voluptatibus affecti, vt ad Deum exclamarent coacti, se illis succumbere, nisi eas ipse cohiberet, aut reuocaret.

Verùm non omnes pfallentes ad hanc sobriam sanctamque ebrietatem admitti certum est, sed tantummodò illas sponsas electas, siue solas columbas puritate nitentes, feruore ardentes, amore languescents, quæ in vineam Dilecti inuitantur; vt mustum dulce exprimere ac degustare valeant vnà cum Dilecto; sed tantummodò illas

oues

oues electas & prædilectas, quæ sub oculo diuini Pastoris ingredientibus & egredientibus, pascua vberissima dignæ sunt reperire & experiri, ingredientibus per affectus animi interiores, egredientibus per cantum & voces externas, quibus suauitas magis magisque excrescit. Deus noster quantum magis laudatur, tanto dulcior euadit, absque fastidio crescente appetitu & viribus eum semper magis laudandi, quemadmodum disertè scribit diuus Augustinus ad ea verba, *Laudate nomen eius, quoniam suavis est Dominus*. Hanc suauitatem copiam illi maximè sentire digni redduntur, qui, præter puritatis studium, nouerunt etiam subducere se à negotiis exterioribus, & ad interiora mentis se ipsos colligere, quasi ad locum solitudinis. His Deus suavis, in remunerationem illius voluntariæ segregationis ab omni externa voluptate, solet miras communicare internas suauitates, uti non obscurè significare voluit nobis sacra Historia, dum Moysis & primorum populi secessum quemdam ad montem Sina, ut oratione Deo vacarent, describit. Postquam montem conscendissent, & contemplationi cuiusdam miri obiecti à Deo ostensi vacassent, comederunt & biberunt. Si quis curiosius inquirat, ad quid epulæ & potationes post visionem diuinam, & post contemplationem? in promptu adest responsio, quod non de epulis & comotationibus materialibus credendum est locutum esse Historicum facrum, sed de mysticis & altioribus, quas rectè explicat Paraphrastes Chaldaeus, dicens: *Et gavisus sunt in Sacrificiis suis, quasi comedissent & bibissent*. Ad explicandas suauitates in illo secessu degustatas, voluit adhibere sacer Textus nomi-

Psal. 99.

Segregatio voluntaria à tumultibus est delictis apta.

Exod. 24.

Delicia spirituales describuntur in sacris Litteris nomine conui-

na conuiuij & epularum; quia tales experti sunt viri illi suauitates & dulcedines spiritus, quales in conuiuiis opiparis sentiri contingit à fameſcentibus. Concinit huic explicationi declaratio, quam obtulit grauiffimus Doctor Lipomanus, dicens: *Sic Deus se illis videndum præbuit, ut gaudium maximum ex eius visione perceperint, quas ſpirituales delicias per edere & bibere circumloquitur.*

*Religionum
ſtatus mon-
ti Sina ſi-
milis.*

Felices nunc cogor prædicare Religioſos, qui ad vitæ Regularis ſublimitatem, tamquam ad montem Sina, montem ſcilicet non ſolius diuinæ legis cultu, ſed & diuinorum conſiliorum obſeruantia celebrem, montem ad orationem frequentiorein maximè aptum, montem cæleſtibus viſionibus & contemplationibus familiarem, euocati à Deo, poſſunt faciliùs diuinas deguſtare delicias. Qui in hoc felici monte nouerunt, iuxta Religionis ſuæ gradum, ſolitudinem ſibi parare, niſi loci, ſaltem cordis, ab exteriorum tumultuum & negotiorum ſtrepitu ſe remouentes, ſaltem ſtatis horis, quando ad Hymnodiam euocantur, & quibuſdam anni temporibus, de quibus agetur ad finem Libri ſequentis, iſti aptiores ſunt ad comedendū & bibendum coram Deo.

*Solitudo
cordis ne-
ceſſaria vi-
ro Religio-
ſo.*

Nec ab iſta cordis ſolitudine poterit quiſquam ſe iuſtè excuſare, cū obtineri queat etiam in media vrbiū frequentia; imò quando ſola loci ſolitudo adeſſet, abſque cordis ſolitudine illa nihil valeret, vti diſertè docuit ſanctus Gregorius his grauiffimis verbis: *Qui corpore remotus viuit, ſed tumultibus conuerſationis humana terrenorum deſideriorum cogitationibus ſe inferit, non eſt in ſolitudine; ſi vero prematur aliquis corporaliter popularibus turbis, & tamen nullos curarum ſecula-
rium*

*D. Gregor.
lib. 30. Mo-
tal. cap. 12.*

rum tumultus in corde patiatur, non est in urbe.

Quando videmus aliquos Religiosos vim harum *Delicia spi-*
delectationum non sentire in Hymnodia³ usu, sed *rituales cur*
duritiam & asperitatem experiri, ita vt ad Hym- *non ab om-*
nodiam accedant inuiti, quasi ad soluendum gra- *nibus sen-*
ue tributum & vectigal; tunc signum non obicu- *tiantur.*
rum adest, huiusmodi Religiosos plenos esse vel
delectationibus sæculi, quæ omnino pugnant
cum delectationibus spiritus, vel curis sæculari-
bus distrahi, quæ directè impediunt delectatio-
nes cælestes, ne concedatur: quòd si etiam conce-
derentur, impediunt curæ sæculares, ne sentian-
tur delectationes. Istis Deus iustè denegat, quod
aliis Religiosis obicem non ponentibus liberalis-
simè apponere solet. Dicebat sanctus Bernardus, *Religiosis*
quòd Deus Religiosis personis, quæ sæculo ex *feruis lac*
animo renuntiarunt, solitus sit lac dulcissimum & *oleum*
appondere, & oleum suauitatis elargiri, quibus *concedit*
suauia dulciaque reddantur, omnia quæ geruntur *Deus.*
in Ordine, cruce, vigiliæ, ieiunia, chorus, pan- *D. Bern.*
ni, labores, cibi, lectiones, obseruantia³ His cer- *Serm. 1.*
tè auxiliis lactis & olei carent, qui Hymnodia³ *Dedicat.*
suauitatem non degustantes, eam reputant gra- *Eccles.*
uem ac molestatam.

Harum deliciarum vim experiri dignus fuit in
usu Psalmorum, dum caneret cum aliis Religio-
sis in choro, piissimus Thomas à Kempis Belga, *Heribertus*
ex Ordine Canonorum Regularium. De hoc *Rosveyd.*
viro felici produnt Scriptores miros effectus hu- *in Vita.*
iusce suauitatis. Sicut enim summo studio cura-
uit statis psallendi horis prompta hilaritate adesse
vnà cum ceteris Monasterij Canonicis, primus
ingrediens Oratorium, siue die siue nocte, po-
stremus egrediens, cordis vocisque feruore psal-

*Thoma à
Kempis sin-
gularis in
psallendo
suauiter.*

lens atque decantans , numquam sedilibus aut brachio aut tergo innixus , sed semper erectus ; ita tot tantisque à Deo , quem cantans laudabat , cælestibus dignabatur suauitatibus , vt haud semel , imò sæpè , aduerteretur extra se raptus , oculis vultuque in cælum defixus , corpore item reliquo sic à terræ solo seiunctus , vt vix summis pedum digitis niteretur. Delectationes eximia animum recreantes corpoream subleuabant molem versus cælum , vnde suauitates descendebant. Accidit aliquando ad hanc rem lepidus euentus. Quidam , vt Thomam per iocum siue laudaret , siue pungeret , ex vocum collusione dixit sociis : Nullus miretur in Thoma tantam vocis alacritatem animique pietatem , ac totius hominis reuerentiam singularem tempore psallendi , quippe Dauidici Psalmi tot ipsi videntur salmones (pisces sunt in Germania , Bohemia ac Belgio notissimi , æquè ac delicati.) Huic incunctanter respondit deuotus Thomas : *Ita est , gratia Deo , Psalmi mihi salmones , verùm haud rarè mihi iidem vertuntur in nauseam & mortem , quoties ignavos xci presenti non intentos & voci parcentes conspicio.* Veritati itaque per iocum prolata noluit venerabilis Thomas contradicere , sed pigrorum ignauiam suauiter atque prudenter ex data occasione insimulare aggressus est , vt illos excitaret. qui pigri fortè aderant huic euentui. Quas autem experiri dignus fuit deuotus iste psallens suauitates , easdem possunt degustare omnes chori studiosi , qui ad cantum Hymnorum dispositi accedunt.

Duo hîc scitu necessaria advertere non omit-
tam. Primum est , quòd non licebit alicui psallenti
has

has delectationes vel concupiscere, vel à Deo ex- *Delectatio-*
 perere, tamquam finem Hymnodix principa- *nes non de-*
 lem, nam ob huiusmodi finem quis non esset mi- *bent expecti*
 nùs reus culpæ, quàm si solam delectationem si- *tamquam*
 bi proponeret, & statueret pro fine in rebus ad vi- *finis Psal-*
 tam naturalem necessariis; ut si quis ad cibum *modia.*
 vel somnum accederet, ob solam corporis & gu-
 stus delectationem. Finis primarius & præcipuus
 esse debet Dei gloria & laus; si deinde conce-
 dantur delectationes, tunc animus eas cum gra-
 tiarum actione suscipiat, uti media apta ad Hym-
 nodiam ferventiùs colendam & exercendam.
 Nam etiam sancti viri faciliùs unà cum Hymno- *Psalm. 118.*
 grapho viam mandatorum divinatorum percurrunt,
 cum aliqua delectatione dilatantur in corde.

Aliud est, quod si quis à Deo donetur hisce *Delicia spi-*
 delectationibus, non ideo credere debet se esse *rituales et-*
 Deo magis gratum, aut in illis situm esse fru- *iam ab im-*
 ctum Hymnodix præcipuum. Erraret iste, non *perfectiori-*
 sine periculo maioris iacturæ. Non enim ratio *bus haberi*
 perfectionis dimetienda est ex qualitate maio- *possunt.*
 rum vel minorum delectationum, seu consol-
 tionum, quæ in rebus divinis exercendis aliquan-
 do sentitur, sed perfectionis mensura ex maiori *Perfectio-*
 minoriye caritatis gradu desumenda esse traditur *nis ratio in*
 in sacris Scripturis. Nec semper delectationes *quibus re-*
 signum sunt animi grati Deo, cum non semel *bus sita.*
 gratis à Deo concedi soleant etiam minùs perfe-
 ctis, præsertim in via Dei iunioribus & novitiis,
 ut tamquam lacte nutriti faciliùs assuescant vir-
 tutum actionibus, quas amplexi sunt. Consola-
 tionès autem pertinent ad genus gratiarum, quæ
 à Theologis dicuntur gratiæ datæ, quæ aliquando
 dantur etiam reprobis.

Huc

Richard. de S. Victore in Cantic. cap. 6. Huc spectat nobilis doctrina, quam tradit Richardus Victorinus, vir non solum in Theologia insignis, sed in vita spirituali apprimè versatus, & vitæ contemplatiuæ studiosus, dispens, consolationes teneras interdum magis afficere minùs

Consolationes teneras conceduntur minùs perfectis in via Dei. diligentem minùsque perfectum. Non enim quilibet tantum diligit, quantum ei conceditur experiri de istis consolationibus, licet sibi forsan videatur multum diligere; sed mensura dilectionis attendenda est ex profectu virtutum. Imò cauendum est ab occulto errore, quia affectus tener in Deum, qui etiam alio nomine dicitur deuotio tenera, seu sensibilis, aliquando, imò, ut plurimum, carnalis est potius & fallax quàm affectus spiritualis gratiæ, est potius sensualitatis quàm rationis. Multi putabunt se diligere Deum, & tamen diligenter sensualem consolationem, cuius signum est, quòd tamdiu durat dilectio & feruor in opere incepto, quamdiu durat consolatio: si hæc tollatur, deficit quoque omnis feruor antea degustatus. Huius generis affectus fortassis erat ille discipulorum Domini erga humanitatem Christi, qui idèò maxima impleti sunt tristitia, quando eiusdem humanitatis breuè discessuræ nuntium acceperunt, ut illis Dominus coactus sit rationibus ostendere vtilitatem huius discessus: *Expedi vobis ut ego vadam; si enim non abiero, Paraclitus non veniet ad vos.* Ex quibus verbis dignoscitur, discipulos magis dilexisse quod delectabatur, quàm quod expediebat.

Deuotio sensibilis potest decipere multos.

Apostoli diligebant Christum nimis tenerè.

Ioan. 16. Nec semper hæc delectationes à Deo ortum habent, sed aliquando à diabolo, aliquando à natura suggeruntur; & ad has cognoscendas opus est lumine cælesti. In quo genere cognitionis sicut

sicut mirè excelluit venerabilis Zacaria , nostri Antonius-
Ordinis Institutor, ita præclara huius rei tradebat Maria Za-
documenta in suis Spiritualibus Aphorismis; caria in A-
phor. verbo
quorum præcipua sunt ista: Compun-
tio. num.

1. *Mentis dulcedo sensibilis aut à diabolo , aut à natura, aut à divina oritur visitatione.* 1.4.8.16.

2. *Hac dulcedine, quasi esca opportuna, decipit diabolus gulosos spirituales, & incantos.* 19. & seq.

3. *Qua à Deo est, conceditur tum ad stimulum operum virtutis, tum ad premium bonæ voluntatis.*

4. *Hac aliquando subtrahitur, ut animus tum humilitati studeat, tum alijs compati discat; tum se ipsum discutiatur, an causam præbuerit subtractioni; tum ne in ea, tanquam in vero bono, sistat; tum denique, ut discernatur feruidus à pigro. Qui enim feruidus est, Deo servire nouit, etiam tempore desolationis, ob virtutis amorem; piger autem, si tali priuatur dulcedine, illicò deficit in via Dei. Hæc docebat præclarus vir, omnis mysticæ Theologiæ insignis affecutor.*

Fundamentum perfectionis statuendum est in progressu dilectionis & caritatis. Quòd si vnà cum caritatis acquisitione iungantur consolationes, quales etiam à sanctis viris sæpè degustari contingit, tunc felicitas summa est; si verò dene-
gentur à Deo, tunc nullus debet affligi, sed hu-
militer perseuerare in suo studio, donec iterum redeat visitatio diuina. Non itaq; in hisce sistere debet animus psallentiū, cum non sint de se bonæ, sed earum bonitas tota sit in ordine ad maioris boni prosecutionem; vel bonæ sunt ex suppositione, quòd quis perfectioni substantiali studeat. Si quis ex lata culpa à Deo priuetur his voluptatibus, licitum erit, imò decebit, postulare à Deo

*perfectio
animi non
in consolatio-
nibus,
sed in dila-
tatione Dei
sita.*

*David ora-
tione postu-
labat resti-
tutionem
pristinā cō-
solationis.*

à Deo restitutionem pristinæ cōsolationis, ad imi-
tationem Hymnographi, qui cū iustè se priua-
tum cognouisset consuetis delectationibus, qui-
bus exultabat in Deum, quia se conuertisset ad
voluptates illicitas carnis, tradens se Bethsabee;
reuersus tandem ad seipsum, & deplorans amif-
sionem præteriti gaudiij, dum veniam deprecaretur
pro delicto, non cessabat postulare restitutionem
ad pristinum statum consolationis, dicens
maximo ardore affectus: *Redde mihi latitiam sa-
lutaris tui, & spiritu principali confirma me.* Ve-
niam & nos à Deo postulemus de lata culpa,
Deumque precemur, vt restituat solitas visita-
tiones.

Psal. 50.

C A P V T X I.

*Hymnodia studiosi vehemens habent
futura gloriæ signum.*

*Terrestres
hominum
mortalium
Psalmodia
cum celesti-
Beatorum
mira con-
sensio.*

EA est nostræ Hymnodia, quæ in terris à mor-
talibus expletur, cum superna Hymnodia,
quæ ab Angelis & Beatis exercetur in cælis, con-
sensio, vel, vt à Græcis dicitur, sympathia, vt à
terrestri ad cælestem facilis existat transitus & ac-
cessus; idq; licebit ex duobus capitibus cognosce-
re. Primò ex conditione loci ad Hymnodia v-
sum deputati in terris; qui si rectè attendatur,
magnam habere cum Beatorum habitatione si-
militudinem conspicietur, imò & communica-
tionem. Tali ordine videtur Deus statuissè no-
stræ salutis negotia, vt instar eorum, quæ in Salo-
monico Templo in terris instituto ex diuino ge-
nerabantur præscripto, euenire debeant, quæ in
Templo

Templo cælestis gloriæ erunt deinde exercenda, quasi ex typo ad prototypum directa. Hinc sæpè in sacris Scripturis, quando vsurpatur nomen Templi, multa dici de ipso contingit, quæ vtrîq; loco propter similitudinem sunt communia. Vnicum satis sit recordari testimonium ex Dauide desumptum, quod tam de Templo Ierosolymitano quàm de Templo cælesti à sanctis Patribus intelligitur sine vlla violentia verborum. Ait Dauid Psalmo 28. *Et in templo eius omnes dicent gloriam.* Quia autem gloria Deo dicitur tam in Templo terrestri quàm in cælesti, & in vtroque laudatur, benedicitur & celebratur, hic textus modò adducitur à sacris Doctoribus loquentibus de Beatorum domicilio, modò à loquentibus de Templo terreno; quia tam in vno quàm in alio peculiari residet modo infinitus Deus; in Templis nostris ad ostensionem misericordiæ, in cælesti autem Templo ad ostensionem Maiestatis. Hinc S. Gregorius, expendens verba aliam Hymnographi, *Dominus in templo sancto suo, Dominus in calo sedes eius*, liberè dicit: *Templum Dei superna patria est.* Attendentes igitur ad ea quæ in Salomonico Templo gerebantur, videmus, quòd penetrare volentes ad intimam Templi partem, quæ solis Sacerdotibus & Levitis patebat, tenebantur primò incipere laudes in portis; deinde easdem prosequentes, ad atrium interius se transferre; tandem ad intima, vbi solis Sacerdotibus fas erat manere, penetrantes, ibi plenam & perfectam confessionem Deo offerebant. Huiusce praxis circa diuinas laudes tali ordine descriptæ luculentissimum testimonium videtur tradere Psaltes, dum Hymnodix vsûm suadens

con-

Psalm. 99. concludit : *Introite portas eius in confessione , et primus ingressus ; atria eius in Hymnis : confitemini illi , ecce profectio ad secundum situm vltiorem . Laudate nomen eius , quoniam suavis est Dominus , in aeternum misericordia eius , et consummata plenaque laudatio vltimo loco oblata .* Ab hac terrena praxi liceat nunc assurgere ad anagogiam non prorsus à vero sensu alienam , imò valde opportunam . Quicumque in portis huius vitæ mortalis , in ingressu scilicet & egressu cuiuslibet diei , promptus est ad oblationem Hymnorum , sicut magna voluntate se transfert ad atria , id est ad Templi ; ita spem concipere debet quasi certam penetrandi ad gloriam cælestem , quæ est vltima pars sanctior omnis Templi . Hæc anagogia magis roboratur ex consideratione alterius non iniucundæ anagogiæ circa promissionem à Deo factam Principi Sacerdotum , si fideliter & promptè munia ad Dei cultum in Templo spectantia persolueret . Promittitur illi ex speciali priuilegio reueratio Orientis portæ , quæ mysticè designat gloriæ futuræ felicitatem , ubi solus oriens , qui occasum nesciat , perpetuò durat . Verba Dei per Ezechielem prolata sunt ista : *Cum*

Ezech. 46. *autem fecerit Princeps spontaneum holocaustum , Loc. pro- aut pacifica voluntaria Domino , aperietur ei porta prius diu- qua respicit ad Orientem . Et verè munus quod narum lau- incipitur in vno loco , in alio summa cum voluptate dum . Te- te expletur ; nam ista duo loca electa sunt à Deo , plum & ca- uti propria ad laudes Dei exercendas maiori cul- lum . tus decentia . De Templis in terra extructis ait*

Psalm. 64. *Hymnographus : Te decet Hymnus Deus in Sion , Templum & tibi reddetur votum in Ierusalē .* ubi mentio fit de Sion & Ierusalē , quia primum Templum extructū in Sion . struendum

struendum erat in ea parte vrbis Ierusalem, quæ dicebatur Arx Sion. De cælorum autem decore pronuntiauit idem Dauid : *Beati, qui habitant in domo tua Domine, in sæcula sæculorū laudabunt te.* Pſal. 83.

Cū igitur decora sit laudatio Dei tam in Templis terræ quàm in Templo cælesti, idè laudes nostrorum Templorum dici iure poterunt initia laudum cælestium; & qui in Templo terreno fideliter & rectè Hymnos Deo cantauerit, spem habet transeundi ad cælestes laudes sine cessatione continuandas in cælis. Ad quam rem expendebat D. Augustinus illam temporis particulam, quam adhibet Dauid hortans ad Hymnodixæ vsum : *Ecce nunc benedicite Dominum omnes serui Domini.* Expendit illud *nunc*, & ait per illud significari, quòd laudantes hoc tempore Dominum transaturi sint ad æternitatis continuationem in cælis; & *nunc* huius vitæ respondere vult *tunc* æternitatis, dicens : *Qui tunc benedicturi sunt sine defectu, hic incipiunt benedicere Dominum.* Laudes nostrorum Templorū initia sunt laudum cælestium.

Hæc spes futuræ gloriæ magis item excreſcere conspicitur ex altero capite, nempe ex qualitate Hymnorum qui hîc à ministris vsurpantur, & decantantur frequentiores. Clarum est, quòd omnes ferè Dauidici Hymni, vt haud semel visum est à nobis, copiosis scatent diuinis laudibus, Deum nimirum celebrantes, Deiq; attributa exaltantes. Clarum item est, quòd in futura cælesti patria Beati, vnà cum Angelicis spiritibus, perpetuò immorabuntur in diuinis concinendis laudibus & Hymnis, vt Ecclesiæ prædixit Isaïas illis verbis : *Gaudium & latitia inuenietur in ea, gratiarum actio, & vox laudis.* Huic prædictioni concinunt ea, quæ post sæcula multa ab Apostolo D. Aug. in Pſal. 133.

H

Ioanne

Ioanne visa sunt in sua Apocalypsi; ibi namq; audiuntur Beati cantu Hymnorum honorem & gloriam deferre Deo & Agno. Quemadmodum itaque Psalter, dum maiori arderet feruore celebrandi Deum, prædixit sibi & alijs iustis, quòd esset in patria beata perpetuò decantaturus Psalmos & Hymnos: *Sic Psalmum dicam nomini tuo in sæculum sæculi.* Consideratione digna est illa particula *sic*, quam rectè expèdit Incognitus nunc cognitus, nam refertur ad priùs dicta de hereditate æterna iustis concessa per merita Christi; ita animus eorum, qui eorundem Hymnorum libenter vsurpant cantum in hac vita, debet erigere spem aliquando perueniendi vnà cum ipso Hymnorum auctore ad prædictam æternam hereditatem, ibiq; prosequendi in sæculum sæculi eundem cantum Hymnorum in hac vita frequentatum.

*Cithara v-
sus frequẽs
erat. Dau-
id in psal-
lendo.*

Psal. 42.

Psal 70.

Psal. 56. &
107.

Psal 32.

Psal. 97.

Nec forsan incongruum erit reflectere animũ ad qualitatem instrumenti, quod frequentius adhibebatur à Psalte, dum Hymnos Deo cantaret. Video sæpè sæpius citharã exigere, imò & alijs suadere: *Cõfitebor tibi in cithara Deus Deus meus.* *Psallam tibi in cithara, sanctus Israel.* Aliquando citharam alloquebatur quasi intellectu præditam, vt ab otio excitaretur ad vsum, illam appellans nominibus amoris: *Exurge gloria mea, exurge psalterium & cithara.* suadens alijs etiam citharæ vsum, tamquam opportunum ad hoc munus diuinarum laudum: *Cõfitemini Domino in cithara.* eandem aliàs vrgens hortationem: *Psallite Domino in cithara, in cithara & voce Psalmi.* Ad quid potiùs citharæ vsus & prædicatio frequentior, quàm aliorum instrumentorum, quæ etiam aliquando

aliquando in eodem munere adhibebantur? For-
 san ad declarandum, quòd ijdem Hymni erunt
 in patria beata decantandi, qui in hac vita mor-
 tali erunt frequentiores, sicut citharæ frequen-
 tior erat vsus. Ratio huius argumèti inde nasci-
 tur, quia in Apocalypsi, quando S. Ioannes de-
 scribit felicitatem & occupationes Beatorum in *Beatis in*
 cælis, sicut illis continuos Hymnorum cantus *patria ci-*
 adscribit, ut mox dicebamus; ita non alia instru- *thara vsus*
 menta recenset à se visa in manibus Beatorum, *est proprium.*
 nisi citharas suauissimè pulsatas. Capite 5. vidit *Apoc. 5.*
 quatuor animalia, & viginti quatuor seniores co-
 ram Agno prostratos cum citharis in manu. Item
 capite 14. audiēs symphoniam quadraginta qua *Ibid. 14.*
 tuor millium Electorum, ait fuisse *sicut citharado-*
rum citharizantium in citharis suis. Iterum capi- *Ibid. 15.*
 te 15. vidit triumphantes de magna bestia, *haben-*
tes citharas Dei, & cantantes Hymnos. Ex quibus
 deducere libet, quòd sicut ex hac nostra terra
 conspiciamus transferri Hymnos & citharas ad
 terram Beatorum; ita vrget argumentum ad fa-
 uorem cantantium, quòd sint ipsi transferendi
 ad eandem terram. Hinc Hymnographus signa *Signa ho-*
 hominis iusti, seu beati, enumerans, illud in pri- *minis iustū*
 mis recensuit, quòd esset frequentaturus die no- *sunt laudes*
 & æque vsum Hymnorum: *Et in lege eius medi-* *frequentes.*
tabitur die ac nocte. quod idem est ac si diceret, *Psal. 1.*
 Beatum fore qui frequēs est in Hymnorum exer-
 citio; nam nomine legis allatus à Christo Domi- *Liber Psal-*
 no fuit liber Psalmorum in testimonium: *Ut ad-* *morum no-*
impleatur sermo, qui in lege eorum scriptus est; Quia *mine legis*
odio habuerunt me gratis. Dicitur lex liber Psal- *appellatur.*
 morum, quia in hoc libro strictim tota lex con- *Ioan. 15.*
 tinetur. Beatus asseritur à Psalte animus ille, qui
 frequens

frequens est ad huius libri exercitationem assiduam, ut legi posse ostendit Suidas; seu cantum, ut vertunt alij, quia in Scripturis *meditari* sæpè idem est ac *canere*, ut Isaia 38. videmus coniungi cantum cum meditatione: *Sicut pullus hirundinis sic clamabo, meditabor ut columba.* sicut etiam in libro Prouerbiorum dicitur: *Veritatem meditabitur guttur meum.* Beatus, inquam, Hymnodia studiosus asseritur, quia ad beatitudinem cælestis vitæ est transferendus. Et ob hanc fortassis rationem, non sine Dei altissimo consilio, hic Psalmus beati viri signa describens collocatus est primus in ordine omnium Hymnorum Dauidicorum, ut excitetur animus ad hoc præclarum studium, quod potest reddere studium planè beatum.

Laudū diuinarū frequentia est signū prædestinationis.

Blasphemia vsus est signum reprobationis

D. Thom.
2. 2. q. 13.
art. 4.

Psalmodia studiosiores altiorē gloria gradum obtinebunt.

Ego quidem nullum signum externum noui magis efficax, ad dignoscendum quis sperare debeat beatitudinem cælestem, quàm frequentiam Psalmodia. Sicuti ex procliuitate ad blasphemias euomendas, argumentum vehemens ducunt Sapientes æternæ perditionis & reprobationis, cum stigmate reproborum sint notati blasphemi: nam blasphemia est cibus proprius damnatorū, ob peruersam ipsorum, & auersam à Deo & à Sanctis voluntatem; ita ex promptitudine & inclinatione ad diuinas laudes, licet concludere magnum æternæ prædestinationis argumentum, quia laudes diuinæ erunt perpetuus cibus Beatorum in cælo; sicut & ex loquela cuiusque hominis, quamuis in aliena terra viuentis, facile est cognoscere illius nationem, & patriam.

Ausim dicere, quòd huius Hymnodia studiosiores maiori & sublimiori aliquo priuilegio in ipsa

ipsa beata gloria sint à Deo remunerandi; nec putarem id hyperbolicum, aut incongruum, cum testatum omnibus sit, diuinarum laudum studiosos præcipuis alijs fauoribus & gratijs à Deo in hac vita decorari. cuius rei veritatem non in alio, quàm in ipso Hymnographo, conspici possumus. Hic, sicut in Hymnorum decantatione *Davidis felicitates & privilegia singularia, ob studium Hymnodia.* fuit studiosissimus, ita insignes à Deo retulit felicitates, nimirum temporales, gratuita, spirituales, & æternas. Inter temporales connumerandæ sunt victoriæ & triumphus de hostibus pluries reuerti, diuitiæ item immensæ auri & thesaurorum, proles numerosa, Regnumque florentissimum ac gloriosissimum. Inter gratuita adest spiritus prophetiæ insignior præ ceteris Prophetis, quo præcipua nostræ religionis mysteria prædixit, & cecinit, potius quasi Historicus, seu Euangelista, quàm Prophetæ. Inter spirituales recensendus est meritorum sublimium cumulus, quibus meruit esse, quoad carnem, pater Christi Domini; quatenus iste ex illius regio sanguine fuit progenitus. Inter æternas tandem collocanda est anticipata resurrectio ante communem omnium resurrectionem. Censent insignes Ecclesiæ *Davidem re-surrexisse cum Christo censent multi.* Doctores, vnà cum Christo ipso, cuius gloriosam Resurrectionem iam antè verbis apertis, & à sancto Petro in testimonium adductis, præuiderat, & Actor. 2. prædixerat Psalmo 15. Dauidem surrexisse, & præuenisse aliorum resurrectionem. Quod privilegium si verum est, profectò non modicum *D. August. Epist. 99. Sophrō. de Assumpt. Virginis. Val. Episc. in Psal. 5. Pineda in* fuit. De cuius veritate non est hîc à me disputandum, cum locus id non postulet, sed data hac hypothese asserendum est, noluisse Deum, quoddam instrumentum adeò nobile suarum laudum, quale

fuit corpus Davidis, tam diu in terris expectaret vitam perfectam æternam, sed quàm primùm transferri voluit ad easdem laudes continuandas.

Potero saltem asserere liberiùs, quòd in patria beata isti Hymnodia studiosi audientur adhibere Hymnos in terris decantatos, iuxta doctrinam Theologorum dicentium cum S. Thoma, in cælo post resurrectionem canendas esse à Beatis Dei laudes voce corporali, sicut etiam docet Hymnographus dicens: *Exultabunt Sancti in gloria, latibuntur in cubilibus suis, exaltationes Dei in guttore eorum.* Nec dissentiunt visiones aliquando factæ mortalibus à vita functis Beatis. Vnum tantùm asseram exemplum à Guiljelmo Baldefano descriptum in Historia Thebæorum. Quædam nobilis matrona Agauni, vbi celebre monasteriũ & Templum extat S. Mauritio insigni Thebæorum Duci extructum, vnicum filium Monachis tradiderat educandum, & instituendum bonis moribus & doctrina. Puerulus ibi sicut ætate, ita in omni honesta disciplina progressus in dies faciebat magnos; imò & monasticum edoctus cantum, vnà cum illis Religiosis in choro Hymnos & preces canebat suauissimè. Ecce in ipso pueritiæ flore febri correptus obiit. Mater afflicta nesciebat quasi à Templo, vbi defunctus filius iacebat sepultus, auelli; saltem quotidie ad idem Templum veniens, super sepulchrum amarissimè flebat, tempore diuinorum præsertim officiorum vberiores emittebat lacrymas, quia inter cantantes Monachos in choro non ampliùs suauissimam filij vocem sibi audire licebat. Cùm diu perseuerasset in hac fletus frequentatione, victa aliquando magnitudine afflictionis, somno correpta obdormie-

D. Thom.
lococil.

Plal. 149.

Guilielm.
Baldefan.
l. 2. Hist.
Puerorum
institutio
in Mona-
sterijs.

obdormiebat. In eo somno ecce sibi ad stare vider
S. Mauritium, illius Templi patronum, verba
hæc proferentem: Cur affligeris mulier? cur tan-
dem finem lacrymis non imponis? cui illa: A
fletu numquam potero cessare, donec vita su-
pererit, quia vnicum filium meum amisi. Addit
S. Mauritius: Noli flere in posterum, quia filius
tuus licet mortuus mundo sit, viuit tamen in cæ-
lesti patria, & hoc sit tibi signum: Crastina die
studeas conuenire ad Preces matutinas, nam vo-
cem filij inter Monachos cantantes obaudies; eo-
demq; poteris perfrui commodo, quoties ad di-
uina Officia in hac Ecclesia meo nomini dicata
conuenire tibi licebit. His dictis euauit visio, &
excitata mulier domum reuertitur, expectans
magno animi desiderio matutini temporis ho-
ram, sperans effectum hesternæ visionis. Ad pri-
mum campanæ ictum pro Officio matutino mu-
lier veniens ad Ecclesiam, expectat initium Of-
ficij, & ad prima verba Antiphonæ audiens vo-
cem filij suauissimam, reddita est certa de salute
& beatitudine prolis, & ad frequentiore diui-
norum Officiorum assistentiam facta est studiosa,
vt sæpius filij carissimi voce delectaretur. O Fe-
licēs Hymnodix studiosos, quibus parata est bea-
tudo æterna, cuius pignus est cantus huius vitæ!

C A P. XII.

*Dei cognitionem amoremque gignit
augētve Hymnodia.*

EX Hymnorum frequenti vſu plurima bona
nobis ſpiritualia & temporalia prouenire ſic-

ur. certum est, ita non erit inter postrema collo-
 D. Thom. candum illud quod ab Angelico Aquinate, dum
 2. 2. q. 91. de materia diuinarum laudum copiosè disserit,
 art. 1. offertur, nimirum amor tum Dei tum mandato-
Amor Dei rum ipsius; quia ex frequentatione laudum inar-
ex Hymno- descit animus, & excrefcit affectus in Deum lau-
rum usu datum, iuxta promissionem ab ipso Deo factam
cōparatur. omnibus suarum laudum studiosis per Hymno-

Pfal. 49. graphum: *Sacrificium laudis honorificabit me; &*
illic iter, quo ostendam illi salutare Dei. quasi dixe-
 rit: Quicumq; laudibus suis me honorificare stu-
 duerit, maiorem inde acquireret erga me dilectio-
 nem, quia ego me illi manifestabo, & communi-
 cabo. Ex quo affectu addit D. Thomas oriri e-
 longationem ab exterioribus obiectis, quæ Dei
 amorem impedire conantur; quia eò magis sepa-
 ratur animus à creaturis, quò magis afficitur ad
 Creatorem, iuxta aliam Dei promissionem per
 Prophetā Isaiam suis laudatoribus factam: *Lau-*
Qui Deum *de mea infrenabo te, ne intercas.* Et quod melius
diligunt, e- est, amor iste ex cantu Hymnorum haustus acuit
ius laudes desiderium, & voluntatem magis magisq; lau-
frequentāt. dandi Dilectum suum. Tali sunt ordine compa-
 rata huiusmodi studia, vt cantus Hymnorum ex-
 citet affectum, affectus excitatus prouocet can-
 tum, & alter alterum mutuò gignat, & promo-
 ueat.

Hos affectus & effectus licet cuilibet obserua-
 re, etiam in alijs occupationibus ad vitæ civilis
 informationem directis. Solebant rerum publi-
 carum Moderatores apud Græciam, vt populos
 ad proprias cuiusq; Reipublicæ leges maiori af-
 fectu obseruandas faciliè & suauiter instituerent,
 graui Decreto præcipere, vt à iunioribus sæpè de-
 cantaren-

Leges ciui-
les discebā-
tur cantu.

cantarentur promulgatæ leges, putantes, quòd
 vsu talis melodix tum affectus tum memoria
 magis firmaretur. Insigne Cretensium Decretum
 super hac re describit Ælianus: *Filios, ait, ex li-*
beris parentibus ortos inssos esse addiscere leges cum
melodia & concentu. eò quòd pueri facilius me-
 mориâ complecterentur, propter musicæ volup-
 tatem, ea quæ discebant, & facilius etiam abstine-
 rent ab illarum transgressione. Post leges Prin-
 cipum, tenebantur iidem pueri eodem ritu can-
 tus discere Hymnos tum in honorem Deorum
 factos, tum virorum fortium egregia facta nar-
 rantes. De hoc canendi more testimonium reddit
 Philosophus in Problematibus suis, & Plato in
 libro Legum. Quibus concinit D. Ambrosius in
 ea verba Davidis, *Cantabiles mihi erant iusti-*
ficationes tua in loco peregrinationis mea, dicens:
Quæ benè tenemus, cantare consuevimus; & quæ
melius cantantur, melius nostris adherent sensibus.
 Ex quibus verbis duò elicio ad rem nostram
 apta, nimirum, quòd cantus adiuvat animi af-
 fectum seu sensum, & affectus incitat ad can-
 tum. Alterum est, quòd qui meliùs cantant,
 ostendunt se esse in Deum meliùs affectos; qui
 autem magis diligunt, sæpiùs cantum frequen-
 tant, quali ruminantia animalia, quæ cibum ap-
 prehensum iterùm degustant, pluries ad dentes
 reuocando eundem cibum iam deglutitum. Pra-
 xim horum affectuum attendere possumus in
 Hymnographo, qui sicuti artem callebat musi-
 cam; eamque vsurpans frequentabat ad Deum
 suum celebrandum; ita ex cantus frequentia ma-
 iores in Dei amorem progressus faciebat, & ex
 amoris incremento excitabatur ad cantus eius-

Cantus me-
moriam in-
uat.

Ælianus
 lib. 2. Var.
 Histor.
 cap. 29.

Aristot. in
 Problem.
 Sect. 19.
 Probl. 28.
 Plato lib. 2.
 de Legib.
 apud Eu-
 feb. lib. 12.
 Præp. c. 14.
 D. Ambr. in
 Psal. 118.

Qua dili-
guntur fre-
quentiora
sunt in ore.

dem iterationem, imò perpetuam continuationem: nam Psalmo 103. in medio cantu, quia dilectionis ardor excreuerat, testatur se numquam à cantu isto cessaturum, donec vita esset superstes; & ex cantu sibi promittit varios effectus exultationis & delectationis in Deum dilectum: *Cantabo Domino in vita mea, psallam Deo meo quamdiu sum.* ecce promissio perpetui cantus, licet antea plurimum cecinisset. Tandem sibi promittit alios effectus in corde suo: *Incundum sit ei eloquium meum, ego verò delectabor in Domino.*

Cognitio Ex hac dilectionis acquisitione ortum habet
Dei confert Dei maior cognitio, in qua mortalium beatitudinem mortali-
bus. bus consistit, iuxta illud Domini nostri Saluatoris pronuntiatum; *Hæc est vita æterna, ut cognoscant te Deum verum, & quem misisti Iesum Christum.* cui pronuntiato concinuerat Propheta Ieremias, docens omnem mortalium gloriam sitam esse in Dei cognitione: *Non gloriatur sapiens in sapientia sua, non gloriatur fortis in fortitudine sua, non gloriatur dives in diuitiis suis; sed in hoc gloriatur, qui gloriatur, scire & nosse me.* En quòd in nullo ex illis tribus bonis quæ mundus solet admirari, imò adorare, quasi apta obiecta veræ gloriationi, sapientia, potentia & diuitiis, ex Dei sententia, non consistit vera gloria. Si quis maiori esset præditus sapientia quàm Solon, siue Numa, siue etiam Salomon; si quis maiori pol-
Ioan. 17. leret fortitudine & viribus quàm Iulius Cæsar, siue Alexander, siue Hercules; si quis amplioribus potiretur diuitiis quàm Cræsus, aut Crassus, non idè poterit verè gloriari: nam ista apud Deum nihili fiunt, sed magis æstimatur vpicus diuinæ cognitionis gradus quàm thesaurorum omnium

Ierem. 9. **Dei cogni-** tio præstat omnibus mundi bonis, diuitiis, sapientia & dignitatibus.

omnium coacervatio, quàm potentiaè amplitudo, quàm scientiarum omnium possessio. *In hoc gloriatur, qui gloriatur, nosse me.* Ex Hymnodia igitur vsu tantum nobis bonum tantamque gloriam proficisci testatur non semel David, qui id in se expertus dixit ad Deum suum: *In quacum-* Psal. 55.
que die inuocauero te, ecce cognoui, quoniam Deus meus es. quasi dixerit: Ego quidem licet ex oratione & Psalmis, dum inuoco te, multa semper referam beneficia insignia, quod tamen mihi frequentius experior, quòdve carius reputo, est certissima comparatio noui luminis ad te Deum meum cognoscendum; quòd scilicet verus Deus meus sis, omne bonum meum, Deus, inquam, meus, & omnia, vti postea cognouit & confessus est Seraphicus Franciscus. In hac cognitione iucundabatur cor David, deliciabatur Franciscus.

Si ad colloquendum cum Deo in Hymnis quales decet accederemus, certi sumus, quòd inde *Ex collo-*
 tantas ardoris flammis splendorisque radios re- *quo Dei a-*
 portaremus, vt quasi tot soles populis, qui no- *nimus re-*
 bis cum agunt, videremur. Nouimus aliquando *portat lu-*
 seruum Dei Moysen, qui à Deo constitutus fuit *men & ar-*
 primum Sacerdotum exemplar, postquam è con- *dorem.*
 sortio Dei habito per orationem in monte rediit *Exod. 34.*
 ad populum, emisisse talem radiorum coruscationem à facie, vt Israëlitaè intendere non possent in *illam.*
 Eandem felicitatem lucis & ardoris visam esse in Domino nostro Sernatore narrant Euan- *Matth. 17.*
 gelistaè, dum ab oratione descenderet ad disci- *Luc 9.*
 pulos de monte Thabor, tunc enim resplenduisse dicitur facies eius sicut sol. Quia in Ecclesia nostra viget Hymnodia, quæ ardoris amorem & cognitionis splendorem confert dignè psallentibus,

Apoc. 12.
Ecclesia est
mulier illa
sole vesti-
ta visa à
Ioanne.

Hora Ca-
nonica se-
ptem sunt
mystici Pla-
netæ.

Psalmi sunt
thesaurorū
fodina.

Psal. 118.

Hymnodia
usus est
torcular
diuini a-
moris.

bus, forsan visa est à Ioanne in Apocalypsi ipsa Ecclesia amicta sole, coronata stellis, & calceata luna. His duabus perfectionibus donatur à Deo laudibus celebrato Ecclesia sponsa. Ad quod significandum, non modicum confert ipse ordo & numerus horarum Hymnodia: adscriptus. Nam septem horæ diuino datæ Officio septem comparari possunt cæli Planetis, per quos vniuersus inferior orbis regitur atque disponitur in suis effectibus, maximè ad vitam vegetantem & animalem pertinentibus. Vnde possumus asserere, quòd, siue in Ecclesiam siue in ministros, deriuatur ab his septem mysticis Planetis Horarum Canonicarum lumen & calor, lumen cognitionis & calor amoris, in quibus duobus effectibus vita spiritualis consistit & durat.

Qui cupit in Dei cognitione & amore proficere suauiter, dignè, vel saltem non indignè, frequentet sacram Hymnodiam. Ex hac, quasi ex fodina copiosa, eruet thesaurum non auri aut gemmarum materialium, sed affectuum & cognitionum spiritualium, quæ super omne aurum & super omnem gemmam æstimantur à Dauide:

Dilexi mandata tua, super aurum & topazion. Qui aliquando à Deo donabitur opportunis gratiæ auxiliis, inueniet huiusmodi thesauros cognitionis & ardoris, omnia enim verba Hymnorum valida & efficacia sunt ad Dei cognitionem & delectationem excitandam. Hæc Hymnodia est illud celebre torcular in vinea patrisfamilias erectum ac positum, quò suauissimum diuini amoris mustum exprimitur in corde psallentium. Utque psallentes ad vberiore huius pretiosissimi musti expressionem frequentius excitentur & alliciantur,

liciantur, voluit Deus quosdam Psalmos, insigniores præsertim aptioresque ad huiusmodi amoris actus eliciendos, inscriptum ferre pro titulo proprio nomen *torcularis*, ut conspiciere licet ante Psalmum 8. qui, ut statim dicemus, flammam emittit amoris; item ante 80. qui diuini amoris feruet iubilo; & ante 83. qui eiusdem amoris renouat affectus, suspiria, lacrymas. inscribuntur enim isti Psalmi hoc titulo, *Pro torcularibus*. Nos certè stulti declarabimur coram Deo, cum temporis horas, dies noctesque infumamus in voluminibus versandis, ut diuinarum perfectionum cognitionem assequamur, nec amplectamur, quæ habemus ad manum, media aptiora & faciliora ad hunc finem obtinendum. Experientia docet quotidiana, quod nec à disceptationibus, nec à lucubrationibus, nec à quibuscumque scholasticis exercitationibus obtripeatur ea cognitio (sermo est de effectibus, qui ut plurimum eueniunt in hac re) ad diuinos commouendos ardores opportuna, quam animi virtutis sectatores concupiscunt, & quærunt. Ex scholis, ut plurimum, tum præceptores tum discipuli hauriunt Dei ac diuinorum cognitiones quasdam frigidas, languidas, ieiunas, sistentes in solo intellectu, qui huiusmodi delectatur curiosis illustrationibus, quæ voluntatem non afficiunt: at in cantu Dauidicorum Hymnorum, quasi in ardentissima fornace, inuenit animus pius tot flammam, quot verba ignem amoris spirantia, voluntatem & cor canentium inflammantia. Si quorundam psallentium animus nullum nihilominus sentiat ardorem ex cantu Hymnorum, id non Psalmorum modicæ virtuti, sed sui ipsius ineptæ

ineptæ dispositioni est tribuendum. Sicut neque ligna, quamuis combustioni sint destinata à natura, statim ignis applicati vim experiuntur efficacem, nisi prius sint opportunis preparata qualitatibus. Multi psallentes de se ipsis poterunt liberè vsurpare verba illa quæ diuus Bernardus ex sensu humilitatis de se ipso pronuntiabat: *Collocavit me Deus in loco voluptatis, in domo ubertatis, in paradiso deliciarum; ego verò miser & miserabilis inter mensas epulantium fame pereor, iuxta fontem sitio, ante ignem algeo, & ad neutrum manus extendere volo, tam piger sum & desidiosus.* Vete quot ex religiosioribus Ecclesiasticis culpa sua, pigritia & ignavia sua priuantur variis sublimibusque cognitionibus & illustrationibus, variis item ignitisque animi affectibus, quos faciliè possent obtinere, si Hymnodiam ritè frequentarent. Sæpè dum simpliciores ardent, sapientiores algent; dum illi conuiuantur, isti famescunt & sitiunt. Utinam ad nos ipsos aliquando redeamus, cognoscentes nostras miserias, & tandem ad veros cognitionis & amoris diuini fontes deuenire statuamus.

Fontes diuini amoris viuos, veros iugesque libenter appello Psalmos Dauidicos; quia ab istis obiciuntur menti omnia illa obiecta quæ ad amorem excitandum in voluntate sunt opportuna. Tria docebat diuus Ioannes Chrysostomus esse amoris principia (quæ in re minimè discrepant à duobus principiis, seu fontibus, quæ traduntur à Philosophis, sed eadem continent) pulchritudinem, beneficia & amorem: hæc, inquam, tria sicuti in Deo vnita esse quisque fatebitur, ita à Dauidicis verbis tanta obiciuntur claritate psallentibus

D. Bernardi humilis sensus.

D. Bernardi lib. de Consider. c. 35.

D. Chrysostomi in Psal. 41. Amoris tria principia.

lentibus pijs, vt animus nequeat ab amoris vi
 subtrahere seipsum. Et quidem quod attinet ad
 pulchritudinem, nullus aut Pictor egregius suis
 coloribus, aut insignis Orator sua eloquentia de-
 scribere vnumquam valebit pulcherrimas diuinæ
 naturæ dotes ea felicitate ac facilitate, qua in suis
 Hymnis describit & exhibet Hymnographus.
 Qui probè nouerunt corporum pulchritudinem
 non in vna tantum simplici qualitate, sed in or-
 dinata quadam & concinnè disposita plurimu-
 tum colorum, tum partium, tum lineamento-
 rum aggregatione esse firmam, intelligent quoque
 tum in quibus rebus constituenda sit pulchritu-
 do in re spirituali, præsertim in diuina natura, *Pulchritu-
do diuina
natura
qualis.*
 nimitum in plena omnium perfectionum, quas
 Attributa vocant Theologi, aggregatione, absque
 vlla imperfectionis leuissima macula, siue vim-
 bra; tum etiam vim descriptionum quas Dauid
 oculis obicit psallentium: nunquam enim de
 Deo profert verbum, quin aliquam eius celebret
 perfectionem ab omni imperfectionis suspitione
 liberam atque immunem. Passim, ac ferè in sin-
 gulis Hymnis, modò potentiam extollit nullo
 neque loco, neque tempore neque re circum- *Potentia
Dei quan-
ta.*
 scriptam, nulli obnoxiam labori: nam ipse dixit, *Psal. 148.*
 & facta sunt; ipse mandauit, & creata sunt, om-
 nia faciens quacumque voluit in celo, in terra, in *Psal. 134.*
 mari, & in omnibus abyssis. Modò sapientiam re- *Sapientia
Dei qualis.*
 colit nulli expositam ignorantiae, siue obliuio-
 ni; omnia perlustrantem, etiam corda & renes;
 omnia cognoscentem, nouissima & antiqua; nul-
 lis obrutam tenebris, sed semper in luce, noctes-
 que reputantem sicut clarissimam diem; homi-
 num consilia & cogitationes de longè, & ante-
 quam

*Imperium
Dei quod.*

*Dei æterni-
tas qua.*

Pfal. 44.

*Pulchritu-
dinis vis
magna.*

quam fiant, intelligentem; cuius nondum fuerit nec sit futurus certus numerus, nec determinatus finis. Aliquando imperium ac maiestatem celebrat, cuius magnitudo, latitudo, felicitas absque limite cælum, terras, abyssos & tempora complectatur; cuius gloriam enarrent cæli & firmamentum; cuius sublimitatem loquantur omnia opéra omnesque Sancti; cuius dominatio ad omnia sæcula, & ad omnem generationem sit latissimè diffusa. Aliquando æternitatem proponit, cuius nullum vmquam fuerit initium, & nihilominus ab ipsa originem sumpserint cetera omnia, siue in cælis, siue in terris, siue subtrus terrâ existentia; nec vmquam sit visura finem, sed eadem permansura semper sine vlllo annorum defectu, imò & sine vlla temporis in seipsa successione. Modò sanctitatem purissimam, pietatem suauissimã, misericordiam absolutissimam, veritatem firmissimam, fidelitatem inuariabilem, prouidentiam copiosissimam, bonitatem dulcissimam, nomen tandem, oculos, verba, manus, gressus, cogitationes, affectus, consilia, mandata, opéra perfectissima proponit, & dignis exaltat præconiis, vt inde concipi debeat Deus iste pulcherrimus & maximo dignus amore; cui meritò, ob istam præcipuam causam tam excellentis pulchritudinis, omnes animi generosi seiplos perfectè deuoueant, eiusque suauissimo amorì regendos tradant, dicentes: *Specie tua & pulchritudine tua intende, prospere procede, & regna.* Animus namque pius has expendens perfectiones, vim sibi nouit inferri, vt se tantæ pulchritudini totum resignet. quod corporum pulchritudini nonnulli adscribere dicentes, eam esse humani cordis tyrannidem

rannidem suauem; quia ferè cogat & rapiat ad se intuentium oculos & affectum, id meliùs atque perfectiùs experiuntur pij psallentes in vsu Hymnodia: nec enim cohibere seipsos valent à suspiriis aliisq; vehementioribus affectibus erga hunc cognitum pulcherrimum Deum, quem Hymnorum deuoto cantu concelebrant.

Beneficiorum item ad conciliandum amorem *Beneficiorum valida vis ad amorem.* vim nullus poterit negare. Solent enim, vt omnibus notum est, beneficia, quasi validissimæ carenæ, animum, etiam nolentem, ad amorem pertrahere benefactoris. Quid quæso obtinebunt in animo iam volente? quid in amante? nouerunt omnes, quòd Dauid sibi met præscribebat grauissimo decreto iugem diuinorum beneficiorum recordationem, vt validiùs excitaret animum ad varios amoris actus erga suum benefactorem, dicens: *Benedic anima mea Domino, & noli obliuisci Psal. 102. omnes retributiones eius.* enumerans deinde celebriora sibi ab eo collata beneficia: *Qui propitius* *Ibidem.* *omnibus iniquitatibus tuis; qui sanat omnes infirmitates tuas; qui redimit de interitu vitam tuam; qui coronat te in misericordia & miserationibus; qui replet in bonis desiderium tuum.* Quod magis ostendit hanc veritatem illud est, nempe præcipuos Psalmos, ferè dixerim omnes, continere pro acceptis beneficiis varias benedictiones & laudes Deo benefactori oblatas, quemadmodum alio diximus loco. Recoluntur enim frequentissimè beneficia siue gratiæ, siue naturæ, siue omnibus communia, siue populo Hebræo particularia, siue Synagogæ siue Ecclesiæ præstita, siue Dauidi propria, siue cuiuslibet iusto opportuna, siue antiqua siue recentia. Hæc, inquam, beneficia li-

Psal. 12.

Psal. 58.

bens ac frequens recolit S. David, tum vt beneuolo suo Benefactori rependeret grates, tum vt seipsum magis magisque excitaret ad eum diligendum & colendum. ad quam rem ipse aliquando cecinit: *Exultabit cor meum in salutaribus tuis; cantabo Domino qui bona tribuit mihi, & psallam nomini Domini altissimi.* aliàs autem: *Ego autem cantabo fortitudinem tuam, & exultabo manè misericordiam tuam. Quia factus es susceptor meus, & refugium meum in die tribulationis meae. Adiutor meus tibi psallam, quia Deus susceptor meus es, Deus meus misericordia mea.* Quare psallentium mens cum passim habeat obuiam beneficiorum diuinorum recordationem, verbis opportunis ad amorem eliciendum propositam, quomodo non excitabitur ad actus dilectionis erga talem Benefactorem? neque lapides ipsi, quamuis durissimi, possunt latentem continere ignem, si ferri alicuius validis pulsantur ictibus. Cogitur certè animus quilibet, etiam frigidus (si attentè canit quæ lingua profert) tantorum recordatione beneficiorum quasi validissimis ictibus pulsatus, emittere actus dilectionis ignitos, saltem similes, si quandoque etiam non ardentiores iis quos Psalmus offert decantatus.

Amor parit amorem.

1. Ioan. 4.

Amor tandem amorem & exigit, & elicit. Sicut qui diligunt, diligere utique merentur, & debent; ita qui cognoscit se diligere, cogitur diligentem diligere. Hinc illa Platoniorum regula pro schola amoris: *Si vis amari, ama.* illa item D. Augustini celebris sententia: *Magnes amoris, amor.* Cum itaque certi sumus de diuina erga nos dilectione, quæ semper nos & præuenit & excitat., neque enim, iuxta doctrinam dilecti Apostoli Ioannis, nos

nos

nos diligere Deum, nisi prior ipse diligeret nos; certissime quoque nouimus, hunc diuinum erga nos amorem sæpè sapiùs nobis à Dauidè personam modò propriam; modò Ecclesiæ, aliquando iustorum agente; in suis Hymnis commendari: nam omnes Psalmi describunt Deum tali ac tanto erga nos amore ardentem, vt cogitationes, consilia; affectus, cor; voluntatem, potentiam in eorundem felicitatem defixerit. Hinc voces illæ tenerrimi affectus Deum compellantes benignum, suauem, dulcem, rectum, misericordem, passim vsurpatæ. Hinc aliæ non dissimiles voces, forsàn etiam suauiores, pronominis mei, additi nominibus Dei, *Deus meus, refugium meum, virtus mea, fortitudo mea, pater meus, Rex meus, saluator meus, liberator meus, redemptor meus, susceptor meus, adiutor meus, gloria mea, spes mea, misericordia mea; pars mea, Deus cordis mei.* Hinc illæ lacrymæ ac suspiria anhelantis ad vnionem huius diuini amantis: *Quemadmodum desiderat ceruus ad fontes aquarum; ita desiderat anima mea ad te Deus.* Sitinit anima mea ad Deum fortem vinum, quando veniam & apparebo ante faciem Dei? Fuerunt mihi lacrymæ meæ panes die ac nocte, dum dicitur mihi quotidie, *Vbi est Deus tuus?* Hinc voces illæ admirantis tantam Dei suauitatem erga nostram exaltationem: *Domine Dominus noster quàm admirabile est nomen tuum in vniuersa terra.* Quid est homo, quòd memor es eius, aut filius hominis; quoniam visitas eum? Minuisti eum paulominus ab Angelis, gloria & honore coronasti eum, & constituisti eum super opera manuum tuarum. Quomodo itaque animus deuotus inter tot amo-

ris: diuini voces, inò flammæ constitutus; poterit earum vim minimè experiri? quomodo non eliciet eosdem amoris actus à Dauide exhibitos; sicut profert eadem verba ab ipso prolata? quomodo non excitabitur ignis psallentium ab igne Psalmorum? Nouerunt practicè hos effectus pij illi psallentes, qui alacres chorum frequentant, inuñti ab eodem abstrahuntur. Nouerunt, qui, huiusmodi sanctorum affectuum degustata dulcedine, lambebant labia, quasi colligentes diuini amoris reliquias ex præcedente cantu ori impressas, vti de Seraphico Francisco testatum prodiderunt Scriptores. Nouerunt, qui graui decreto sanciuere, Psalmodiam esse opus Dei ceteris quibuscumque operibus à Religioso viro præferendum, quemadmodum iam diximus fuisse à sancto Patriarcha Benedicto sancitum. Hæc non percipiunt, qui communem in choro Psalmodiam refugiunt, nimis addicti aliis studiis, quæ iactant præferenda huic sanctissimo operi Dei: qui item verbo scriptisque docere haud erubescunt, in vsu Psalmodiæ veros actus dilectionis non exerceri, putantes sibi tantum ac suis occupationibus apertos effluere diuini amoris fontes, psallentibus autem in choro esse clausos atque siccos. Pugnant istæ doctrinæ cum sensu omnium insigniorum Doctorum, qui de re spirituali scribentes, vt animos diuini amoris cupidos informant circa modum faciliorem perueniendi ad aliquem huius sanctæ dilectionis gradum, vel progrediendi in eiusdem acquisitione, vel illum magis magisque augendi in infinitum, suadent vsus selectiorum Dauidis Psalmorum; quamuis priuatum; eum tamen, vti, sumus in tertio

Libro dicturi, publicus cantus rectè expletus Libro III.
 pluribus præster perfectionibus priuatæ recita-
 tionis. Pugnant huiusmodi doctrinæ cum ipsa ve-
 ritate, quæ luce meridiana clarior innotescit ex
 sola cognitione Dauidicorum verborum, quæ-
 que non nisi à maximè cæcutientibus, vel aliqua
 passionis caligine oppressis potest negari. Qui
 nulla premuntur passione, rectè ac sincerè ratio-
 cinantes dicunt, Hymnos Dauidicos esse Canti-
 ca verè amantium Deum, directà ad Dilectum,
 plena suspiriis, accentibus & affectibus, frequen-
 tata nocte, summo manè, meridiè & vespere; ne
 isti erga dilectum Deum sint inferiores amanti-
 bus profanis, qui dilectas creaturas student can-
 ticis honorare, ac salutare musicis.

Huius generis amor ex sacris haustus & nu-
 tritus Hymnis, non semper otiosus later in cor-
 de psallentium piorum, sed viuendus & efficax op-
 portuno se prodit tempore, varia præbens signa
 sui ipsius: quapropter non tantum varios elicit
 actus erga Deum, quem impensè colit; sed pro-
 pter eundem Deum, ad proximi spiritualem
 utilitatem impigrè curandam se conuertit, tra-
 dens quoque, si vrget necessitas, animam suam
 pro eodem proximo. Hic amoris effectus, iuxta
 regulam à Domino nostro Seruatore traditam, est
 supremus sanctæ dilectionis gradus: *Maiorem* Ioan. 15.
hac dilectionem nemo habet, ut animam suam po-
nat quis pro amicis. In quo genere altissimæ dile-
 ctionis resplenderunt omni ætate, & in dies re-
 splendent, Religiosorum ordines, vitam mixtam
 & publicam in choro Hymnodiam profitentes.
 Possumus hoc loco testificari, quæ ab huiusmodi
 Religiosis pro beneficio spirituali proximorum

*Sauissima
pestis Me-
diolani an-
no M. DC.
XX.*

exhibita sunt anno proximè elapso M. DC. XXX.
dum funestissima pestis Mediolani, ac in tota fe-
rè Insubria, ac in aliis proximis ciuitatibus gra-
saretur, quæ plura centena depauit hominum
millia. Cognouerunt ista loca, imò & plura te-
stata sunt caritatem quam viderunt haud medio-
crem in omnibus prædictis Ordinibus: inter
quos, si licet aliquid de nostro Clericorum Re-
gularium Paulinorum dicere particulare, scimus,
præter eos, quos ad hoc pium caritatis officium
erga peste laborantes præstandum elegerant Su-
periores, alios quàm plurimos generosè seipsos
sponte per litteras, & coràm obtulisse admodum
Reuerendo nostro Patri Præposito Generali, ve-
niam postulâtes omnem suam operam præstandi
peste infectis. Quare ipsemet Pater Generalis in
sua epistola, quam hoc tempore ad vniuersam scrip-
psit Religionem, vt omnes nos excitaret ad com-
munes Deo fundendas preces, aliâque pietatis
& pœnitentiæ opera facienda, potuit testari hanc
oblationem sequentibus verbis: *At quid facio?
an mihi nota haud est illa caritas sancta qua in ve-
stris ardet pectoribus? numquid ego conscius non
sum, quàm multi ex vobis, haud sine magna conso-
latione & adificatione mea, postulaueritis à me ve-
niam Sacramenta sancta ministrandi & inserviendi
peste laborantibus? quamobrem ego statui superse-
dere adhortationibus, cum vos videam adeo excita-
tos & feruidos, vt multis potius freno quàm stimulo
sit opus. Qui itaque hanc obtinuerunt veniam (qui
minimè pauci fuere) strenuè in hoc caritatis of-
ficio laborantes, aliorum salutem amoris proptiæ
vitæ prætulerunt. Horum multi, nimirum vltra
viginti, intra caritatis brachia, cuius opus exerce-
bant,*

, intra

bant, ad caelestem, vti piè credimus, vitam sunt translati: alij à contagioso morbo, quem contraxerunt, conualescentes, sunt, ad maiorem meritum comparandam sibi copiam, à Deo reservati. Exigere alicui videbitur hic locus à me, vt explicem, quomodo Hymnorum cantus, qui ad Religionis spectat virtutem, possit adscribi caritari: verùm quia de hac re iterùm redibit sermo Eod. Libro opportunior, cùm à calumniarum falsitate Hym- cap. xxi. nodiam vindicabimus, ad eum differam locum hanc explicationem. In præsenti satis sit ostendisse maximos progressus, quos in cognitione & dilectione Dei acquirenda offert rectus Hymnodia publicæ vsus.

C A P V T XIII.

*Hymnodia est communium calamitatum
validum præsidium.*

TANTA est Hymnodia vis apud Deum, vt illam semper vsurpauerint omnes viri pietatis cultores tempore grassantium calamitatum, siue belli, siue incendiij, siue pestis, siue nimborum, siue quarumcumque malignitatum mortales infestantium; quod nunc à nobis videbitur, nisi in omnibus, saltem in præcipuis calamitatum generibus, quæ aliquando Rempublicam fidelium exagitantia fuere à piis animis Hymnodia vsu penitus ablata. A bellorum exordiar calamitate, quæ semper inter grauiiores humani generis afflictiones primum sibi vsarpauit locum, sed Hymnorum pio vsui coacta est statim cedere. Id vidimus in antiqua Ecclesia. Narrat sacra Histo-

*Bellorum
incommoda
sunt ceteris
grauiora.*

2. Par. 20.

ria, quòd regnante Iosaphat verè pio sanctoque Principe, cùm res Hebræorum in magno esset salutis discrimine posita, ob inopinatum aduentum trium potentissimorum Regum cum suis exercitibus in terras Israëlitarum, tunc graui instituit Decreto piissimus Rex, ne certamini se committerent, nisi præmissa suauis & pia ad Deum Hymnodia, confusus hoc præsidio magis quàm viribus propriis. Decretum expleuit præmittens Cantores & Psaltes, qui ante congressum exercituum laudantes Deum voce consona dicerent Psalmum illum: *Confitemini Domino quoniam bonus, quoniam in saculum misericordia eius.* quo expleto, orta est in exercitibus hostium talis confusio, vt vnusquisque conuerteret gladium, quem contra Israëlitas parauerat, in eadem fœderatorum, non sine magna sancti Regis Iosaphat admiratione: qui, ne tanti beneficij à Deo obtenti deperiret memoria, voluit quòd locus ille, non ab hoste deletò in posterum nomen sumeret, quemadmodum ab aliis Principibus decretum esset, sed ab Hymnodia ibi vsurpata diceretur *Vallis benedictionis*; quia Hymnis Deum benedictes inuocarunt, à quo victoriæ obtinuerunt euentum. Dum in illo populo tunc fidei viguit huius piæ institutionis vsus, omnes bellorum euentus feliciter succedebant: tunc videbatur Deus omnem populi sui assumere sibi causam, & pro ipsis bellum gerere, & ad exitum ipsis felicem perducere, vt proinde euulgatum iam per orbem esset, quòd Dominus de cælo pugnaret pro Hebræis, non sine magno omnium gentium pauore, referente sacra Historia, quòd *irruit pa-*
nor Domini super vniuersa regna terrarum, cum-
audissent

Psal. 105.
Mira vi-
ctoria san-
cti Psalmo-
rum ob-
tenta.

Loci nun-
cupatio non
ab hoste
profligato,
sed ab Hym-
nis dictis.
Bella He-
bræorum à
Deo ipso
conficie-
bantur.

2. Par. 20.

audissent quod pugnasset Dominus contra inimicos *Hebræorum*
 Israël. Hinc liber de Victoriis Hebræorum con- *nomen erat*
 scriptus, nomen illud tam honorificum sibi est *valde ter-*
 adeptus, *Liber bellorum Domini*. Verè bella om- *rificum*
 nia suscitata contra Hebræorum gentem poterant *gentibus.*
 Deo adscribi quoad euentum; quia semper Deus *Num. 21.*
 præcipuam aliquam operam suam, ad eorum di- *Liber bello-*
 rectionem, rogatus benignissimè præstabat. Ad *rum Domi-*
 quam rem facit illa obseruatio Episcopi Abulen- *ni quis.*
 sis super libros Regum, in quibus præclara bel- *Abul. Præf.*
 la ab Hebræis confecta scribuntur, dum in Præ- *in lib. Reg.*
 fatione ait, Deum peculiari prouidentia in bellis
 Hebræos protexisse: nam aut omne eorum bel-
 lum laude dignum prius à Deo fuit de euentu
 præmonitum, aut eius initium suatum, aut in-
 signi aliquo miraculo eius progressus & exitus ad-
 iutus. Deus præstò erat populo illi, quia Hymnis
 & confessionibus supplex rogabatur vt adesset,
 & causam defenderet, & adiuuaret.

Quamuis dubitandum minimè sit, idem Ca-
 tholicis nouæ Iesu Christi Ecclesiæ Principibus
 posse euenire, cum idem verus Deus à nostra co-
 latur Ecclesia, qui antiquæ Hebræorum Rei-
 publicæ præstò erat, iidemque à nobis vsurpen-
 tur Hymni Daudici, qui apud Hebræos erant
 in vsu; nihilominus, ne videamur alienis tan-
 tummodò niti argumentis & exemplis, afferre
 nunc libet ex nostris, quæ de piissimo Theodosio
 Iuniore describit in sua Ecclesiastica Historia So- *Socrat. l. 7.*
 crates his verbis: *Si quando bellum concitabatur, cap. 22.*
Davidis exemplum imitatus, ad Deum confugit
Theodosius, pro certo persuasus, eum bellorum
administratorem esse, precumque subsidio adiutus
ea prospere & feliciter gessit. Et ne anxij essemus

circa qualitatem precum quas Imperator usurpare solitus erat, præmiserat Socrates, cum in deliciis habuisse Hymnorum cantum, quem unâ cum sororibus suis sanctis quotidie primo diluculo singulari explebat deuotione. Quare in progressu addit Auctor, quod non semel cognita est Dei omnipotentis virtus manifestè pugnare pro Theodosio domi orante contra barbaros hostes, & antiqua renouare prodigia, ea præsertim, quæ Moysæ sanctissimo Duce, Hebræis rubrum Mare traicientibus, euenisse sacra describit Historia: nam aperta atque exsiccata est exercitibus ab Imperatore missis via per aquas nemini umquam antea peruias. Quem euenium omnino tribuit Historicus precibus piissimi Imperatoris, dicens:

Ibid. c. 23. Itaque preces piæ Imperatoris illo tempore rursus plurimum momenti habuisse constabat: nam Angelus Dei in habitu & forma Pastoris ducem itineris Aspari se præbuit, & per stagnum Ravenna adiacens copias eius deduxit, qua via nemo umquam iter fecisse commemoratur.

Moyſes primus vsus est Hymnis, ad bella hostium conserenda.

Hanc Hymnorum piam institutionem, ad bella hostium conserenda, si ab origine sua deducere libet, inueniemus traditam fuisse mortalibus à Moysæ, dum iter ex Ægypto faciens, unâ cum populo in libertatem educto, per varios Principum fines pertransiret. Licet tunc nondum essent Daudici Hymni, Moyses tamen, diuino actus instinctu, ordinauit ministros in illis solitudinibus qui diuino vacarent cultui: & sicut Arcam arte composuit, cui Deus præsens aderat, quæ dicta est Testamenti; ita coram illa cultus peragebatur diuinus. Quoties mouenda erat de loco ad locum statio, sicuti omnes istæ mutationes more

Arcæ testamenti vsus in deserto. Hebræi per desertum procedebant instructi more castrorum.

sicbant

ſiebant caſtrorum, quemadmodum ſcilicet ſolet exercitus procedere rectè inſtructus; ita antequam Leuitæ Arcam mouerent, ad cuius motum & grefſus totus exercitus iter ſuum dirigebat, inſtituit Moyſes quendam breuem Hymnum dicendum à Leuitis, quo inuocabatur Deus altiffimi ſuper populum per hoſtiâ territoria incedentem protectio & præſidium: *Surge Domine* (aiebat Num. 10. Moyſes cum Leuitis) *& diſſipentur inimici tui, & fugiant qui oderunt te, à facie tua.* Tantaque erat Iſraëliotarum in hoc Hymno confidentia, vt in ea ſitam poſuiſſent omnem ſuam ſecuritatem ac fortitudinem; vnde & poſtea dicta eſt à Danide Arca fortitudinis: *Conſurge Domine Deus in requiem tuam, in Arca fortitudinis tue.* ſuper quem locum Lyranus ait: *Dicitur hic Arca fortitudinis diuina; quia fortitudo Dei apparuit per ipſam in Iordanis ſiccatione, & in Iericho deſtructione, & in Philſthinorum percuffione.* Hæc Arca itaque, vnâ cum præmiſſa Hymnodia, erat gentis Hebrææ fortitudo, quia & inuicta ab hoſtibus, & de hoſtibus victrix euadebat.

Ex hac pia conſuetudine & inſtitutione Moyſis, credidit Abulenſis deſumpſiſſe noſtram Eccleſiam modum illum verè pium, exordiendi ſuam Hymnodiam ab inuocatione diuinæ ſuper ſe protectionis, uſurpando verba illa Dauidica ad initium cuiuſlibet Horæ Canonice; *Deus in adiutorium meum intende, Domine ad adiuuandum me ſeſtina.* Sic vnaquæque hora ferè dici poſſit vna itatio, ad cuius directionem tutiorem imploratur Deus; vt ſua protectione adſit exorantibus, & laudes canentibus, ne ab hoſte maligno inuiſibili, qui ſemper fuit oſor Dei, impediatur

Num. 10.

2. Paral. 6.

Arca teſtamenti dicitur Arca fortitudinis.

Iof. 3. & 6.

1. Reg. 5.

Horarum Canoniarum initium ab illis verbis, Deus in adiutorium meum intende, vnde deſumptum.

ab

*Chori psal-
lentium
sunt Castra
Ecclesia
validissi-
ma.*

Cantic. 7.

ab officio intento. Certè omnes Ecclesiastica per-
sonæ, siue viri siue feminae, in choro canentes
sunt exercitus validiores militantis Ecclesiæ, in
quibus præcipua Christianæ militiæ nititur vis &
potentia. Si quis choros Hymnodia deputatos
appellaret Castra Dei, non aberraret à modo lo-
quendi Scripturarum sacrarum: nam in Salomo-
nicis Canticis inter laudes nostræ Ecclesiæ, sub
nomine Sponsæ significatæ, illa fuit celebrior,
quam aliàs adduximus: *Quid videbis in Sulami-
te; nisi choros castrorum?* vbi non sine mysterio
vniuntur duæ ferè ex diametro oppositæ qualita-
tes, chori scilicet, & castra. Quid commune, di-
ceret quispiam, habere possunt chori musicorum
cantantium cum castris exercituum? chorus æ-
quidem recipit sonos, concentus & melodias sua-
ues; castra verò tumultus, clamores strepitusque
terribiles. Quomodo ista conciliari & vniri pos-
sunt absque dissonantia? Huic difficultati facil-
limè occurreretur, si dicamus, in nostris choris
Ecclesiasticis positam esse hanc vnionem: Hym-
norum enim cantus dum maiori expletur suauita-
te tum vocis tum animi, bellum grauissimum
vrget contra tartareas potestates nobis semper in-
fensas, & contra hostium visibilium impetum, in
Ecclesiam & fideles irruentium. Preces itaque
Ecclesiæ, quæ cantu expleantur, canendo pu-
gant, & pugnando canunt, & arma sunt ad
quamlibet defensionem opportuna; nam & pro-
tegunt ab ira Dei.

*Oratio pio-
rum mini-
strorum
iram Dei
auertit.*

Quoties Sacerdotes, Religiosi & Moniales
tempore grauiorum calamitatum ad Hymnos de-
uotè confugiunt, Deum exoraturi, vt iram suam
à nobis auerrat, opponunt scutum mirabile di-
uino

nino furori, ne iaculis acutissimis suæ iræ omnes delectat mortales. Scutum esse Ecclesiasticorum ministrorum orationes, ad populorum defensionem & protectionem, declarauit sacra Scriptura, dum nobis refert modum, quo Aaron iram Dei in populum saeuientis mitigasset, quam sibi irritauerat populus tumultuans, & seditionem commouens. incendium enim à Deo immissum deuorauit statim quatuordecim millia & septingentos de populo. Tunc Aaron usus fuit clypeo orationis, & Deum placauit: *Proferens* (ait tex. Sap. 18. tus) *seruitutis suæ scutum orationem, & per incensum deprecationem allegans, restitit ira, & finem imposuit necessitati.*

Si pestis insurgat quæ deuoret populos, nullum efficacius remedium opponi ab homine potest, quàm feruens Ecclesiasticorum Hymnodia & deprecatio. Hæc pestilentia non solum obtundit, sed penitus aufert vim, quasi dixerim, inflexibilem. Hoc remedio usus Hymnographus ipse tempore funestissimæ pestis, qua sublata fuerant è vita septuaginta millia Israëlitarum, Deum placauit: magna enim humilitate pronus in terra, Hymnos arripiens orauit, dicens: *Ego sum qui peccavi, ego inique egi, isti qui oues sunt, quid fecerunt? vertatur, obsecro, manus tua contra me, & contra domum patris mei.* Solitus erat Rex sanctissimus in omni vel sua vel Regni calamitate aliquem Psalmum ordinare, & decantare, vt Dei auxilium imploraret, itemque post euentum felicem, alium in gratiarum actionem concinere, nec vmquam sine Psalmis opus vllum aggrediebatur, aut sine Psalmis ab opere perfecto discedebat, vti ex Psalmis quos habemus aperte colligere

Sophron.
in Prato
spirituali
cap. 50.

*Terramo-
tus non po-
tuit auerti
precibus.*

Hymnos, quibus laudatur & exoratur Deus) & *non obstitas mihi.* Imò nec vult audire preces supplicationesque Sanctorum in cælo. Ad quam rem facit illa visio ab euentu probata, quam refert Sophronius de Abbate Georgio, qui præuidens, in Asia futurum magnum terræmotum, ad orationem confugiens, tentauit placare iram diuinam. Oranti ostensum est, quòd Sancti-tutelares illius Prouinciæ eandem orationem Deo offerrent. Et post omnes etiam beata Virgo Deipara suam addidit intercessionem; sed nec Sanctorum nec Genitricis precibus voluit acquiescere iratus Deus. His visis, piissimus Georgius in lacrymas erumpens deflebat imminentem ruïnā. Postero itaque die euentus visionem probauit: nam factò magno terræmotu, præcipuè Asiæ ciuitates, castella, & terræ submersæ sunt. Tucamur Hymnodia vñ, Deum enixè exoremus, vt eam benigne aspiciat, sicuti hucusque dignatus est, ad communem Ecclesiæ vtilitatem, promptè exaudire.

C A P V T X I V.

*Hymnodia est ciuitatum ac Regno-
rum robur.*

*Firmitas
Regnorum
non diui-
tiis, non mi-
litibus, non
muris, non
legibus mu-
niti solis.*

FIRMITAS illa, qua gaudere cupiunt omnes ciuitates omniaque Regna, ad sui conseruationem, tum etiam maiorem dilatationem, nō ex solis diuitiis auri & argenti, neque ex sola copia rerum, neque etiam ex solo multorum exercituum apparatu, aut murorum aggerumque altitudine, neque ex sola optimarum legum & prudentum Magistratum regimine, neque ex his omnibus præditiis

præfidiis simul iunctis constituitur, sed ab illo vero Deo, per quem Reges regnant, & legum Conditores iusta decernunt, est expectanda & expectenda; alioquin omnia facillimè ruunt, quemadmodum rectè pieque cecinit suis metris diuus Paulinus Episcopus Nolanus:

Ipse intra muros turris tibi, qui sine muris

Murus erit; ———

sicuti contrà, quando Deo non adhærent ciuitatum & Regnorum apparatus, leues omnino sunt & facillè euertibiles. Muri ipsi, quamuis marmorei, aut ænei, vel etiam adamantini, tamquam leuis arena facillimè nutarent deiicerenturque, vti nouimus ex factis Historiis euenisse plurimis urbibus. Ierusalem sub Dei protectione viuebat ad eò secura, vt muris non egeret. Iericho muris altis mœnibusque vallata firmissimis, ad simplicem tubæ sonum deiecta corruit. Harum urbium diuersa sors fuit ab eodem sancto Paulino descripta his versibus:

————— *Perspice qui potiore*

Præsidio fuerint; quos vrbs circumdata magnis

Absque Deo muris, an quos sine mœnibus vrbs

Vallabat socio virtus diuina fauore;

Illam dico urbem, quam perdidit acer Iesus.

Quare plurimum valet pius Hymnodix vsus, ad inuocandum super ciuitates & Regna diuinum præsidium: non ideo tamen excludere intendimus alios belli apparatus, qui à politicis in optimè constituta Republica desiderantur, vt tuta sit, & secura ab omni hostium impetu & aggressu; sed asserendum pro veritate est, quod homines armati, aggeres, muri & custodes tunc aliquid boni sperare possunt circa urbium pro-

D. Paulinus in Carmin.

Deus firmitatem tribuit Regnis & urbibus.

Deus ubi adest sua protectione, ibi securitas.

Piorum preces sustinent vrbes & exercitus.

*Sauissima
pestis Me-
diolani an-
no M.DC.
XX.*

exhibita sunt anno proximè elapso M. DC. XXX. dum funestissima pestis Mediolani, ac in tota fere Insubria, ac in aliis proximis ciuitatibus grassaretur, quæ plura centena depauit hominum millia. Cognouerunt ista loca, imò & plura testata sunt caritatem quam viderunt haud medio-crem in omnibus prædictis Ordinibus: inter quos, si licet aliquid de nostro Clericorum Regularium Paulinorum dicere particulare, scimus, præter eos, quos ad hoc pium caritatis officium erga peste laborantes præstandum elegerant Superiores, alios quàm plurimos generosè seipsos sponte per litteras, & coràm obulisse admodum Reuerendo nostro Patri Præposito Generali, veniam postulâtes omnem suam operam præstandi peste infectis. Quare ipsemet Pater Generalis in sua epistola, quam hoc tempore ad vniuersam scripsit Religionem, vt omnes nos excitaret ad communes Deo fundendas preces, aliæque pietatis & pœnitentiæ opera facienda, potuit testari hanc oblationem sequentibus verbis: *At quid facio? an mihi nota haud est illa caritas sancta quæ in vestris ardet pectoribus? numquid ego conscius non sum, quàm multi ex vobis, haud sine magna consolatione & adificatione mea, postulaueritis à me veniam Sacramenta sancta ministrandi & inserviendi peste laborantibus? quamobrem ego statui super sedere adhortationibus, cum vos videam adeo excitatos & feruidos, vt multis potius freno quàm stimulo sit opus.* Qui itaque hanc obtinuerunt veniam (qui minimè pauci fuere) strenuè in hoc caritatis officio laborantes, aliorum salutem amoris propriæ vitæ prætulerunt. Horum multi, nimirum vltra viginti, intra caritatis brachia, cuius opus exercebant,

bant, ad caelestem, uti piè credimus, vitam sunt translati: alij à contagioso morbo, quem contraxerunt, conualescentes, sunt, ad maiorem meritorum comparandam sibi copiam, à Deo reservati. Exigere alicui videbitur hic locus à me, ut explicem, quomodo Hymnorum cantus, qui ad Religionis spectat virtutem, possit adscribi caritari: verùm quia de hac re iterùm redibit sermo Eod. Libro
 opportunior, cùm à calumniarum falsitate Hym- cap. xxii.
 nodiam vindicabimus, ad eum differam locum hanc explicationem. In præsenti satis sit ostendisse maximos progressus, quos in cognitione & dilectione Dei acquirenda offert rectus Hymnodiaë publicæ usus.

CAPUT XIII.

*Hymnodia est communium calamitatum
 validum presidium.*

TANTA est Hymnodiaë vis apud Deum, ut illam semper usurpauerint omnes viri pietatis cultores tempore grassantium calamitatum, siue belli, siue incendiij, siue pestis, siue nimborum, siue quarumcumque malignitatum mortales infestantium; quod nunc à nobis videbitur, nisi in omnibus, saltem in præcipuis calamitatum generibus, quæ aliquando Rempublicam fidelium exagitantia fuere à piis animis Hymnodiaë usu penitus ablata. A bellorum exordiar calamitate, quæ semper inter grauiiores humani generis afflictiones primum sibi usurpauit locum, sed Hymnorum pio vsui coacta est itatim cedere. Id vidimus in antiqua Ecclesia. Narrat sacra Histo-

*Bellorum
 incommoda
 sunt ceteris
 grauiora.*

2. Par. 20.

ria, quòd regnante Iosaphat verè pio sanctoque Principe, cùm res Hebræorum in magno esset salutis discrimine posita, ob inopinatum aduentum trium potentissimorum Regum cum suis exercitibus in terras Israëlitarum, tunc graui instituit Decreto piissimus Rex, ne certamini se committerent, nisi præmissa suauis & pia ad Deum Hymnodia, confusus hoc præsidio magis quàm viribus propriis. Decretum expleuit præmittens Cantores & Psaltes, qui ante congressum exercituum laudantes Deum voce consona dicerent Psalmum illum: *Confitemini Domino quoniam bonus, quoniam in saculum misericordia eius.* quo expleto, orta est in exercitibus hostium talis confusio, vt vnusquisque conuerteret gladium, quem contra Israëlitas parauerat, in eadem fœderatorum, non sine magna sancti Regis Iosaphat admiratione: qui, ne tanti beneficij à Deo obtenti deperiret memoria, voluit quòd locus ille, non ab hoste deletò in posterum nomen sumeret, quemadmodum ab aliis Principibus decretum esset, sed ab Hymnodia ibi vsurpata diceretur: *Vallis benedictionis*; quia Hymnis Deum benedicentes inuocarunt, à quo victoriæ obtinuerunt euentum. Dum in illo populo tunc fidei viguit huius piæ institutionis vsus, omnes bellorum euentus feliciter succedebant: tunc videbatur Deus omnem populi sui assumere sibi causam, & pro ipsis bellum gerere, & ad exitum ipsis felicem perducere, vt proinde euulgatum iam per orbem esset, quòd Dominus de cælo pugnaret pro Hebræis, non sine magno omnium gentium pauore, referente sacra Historia, quòd irruit *pauor Domini super vniuersa regna terrarum, cum audissent*

*Psalm. 105.
Mira vi-
torias san-
cti Psalmo-
rum ob-
senta.*

*Locis nun-
cupatio non
ab hoste
profligato,
sed ab Hym-
nis dictis.
Bella He-
bræorum à
Deo ipso
conficie-
bantur.*

2. Par. 20.

adissent quòd pugnasset Dominus contra inimicos *Hebræorum*
 Israël. Hinc liber de Victoriis Hebræorum con- *nomen erat*
 scriptus, nomen illud tam honorificum sibi est *valde ter-*
 adeptus, *Liber bellorum Domini*. Verè bella om- *rificum*
 nia suscitata contra Hebræorum gentem poterant *gentibus.*
 Deo adscribi quoad euentum; quia semper Deus *Num. 21.*
 præcipuam aliquam operam suam, ad eorum di- *Liber bello-*
 rectionem, rogatus benignissimè præstabat. Ad *rum Domi-*
 quam rem facit illa obseruatio Episcopi Abulen- *ni quis.*
 sis super libros Regum, in quibus præclara bel- *Abul. Præf.*
 la ab Hebræis confecta scribuntur, dum in Præ- *in lib. Reg.*
 fatione ait, Deum peculiari prouidentia in bellis
 Hebræos protexisse: nam aut omne eorum bel-
 lum laude dignum priùs à Deo fuit de euentu
 præmonitum, aut eius initium suatum, aut in-
 signi aliquo miraculo eius progressus & exitus ad-
 iutus. Deus præstò erat populo illi, quia Hymnis
 & confessionibus supplex rogabatur vt adesset,
 & causam defenderet, & adiuuaret.

Quamuis dubitandum minimè sit, idem Ca-
 tholicis nouæ Iesu Christi Ecclesiæ Principibus
 posse euenire, cum idem verus Deus à nostra co-
 latur Ecclesia, qui antiquæ Hebræorum Rei-
 publicæ præstò erat, iidemque à nobis vsurpen-
 tur Hymni Daudici, qui apud Hebræos erant
 in vsu; nihilominus, ne videamur alienis tan-
 tummodò niti argumentis & exemplis, afferre
 nunc libet ex nostris, quæ de piissimo Theodosio
 Iuniore describit in sua Ecclesiastica Historia So- *Socrat. l. 7.*
 crates his verbis: *cap. 22.* *Si quando bellum concitabatur,*
Davidis exemplum imitatus, ad Deum confugit
Theodosius, pro certo persuasus, eum bellorum
administratorem esse; precumque subsidio adiutus
ea prosperè & feliciter gessit. Et ne anxij essemus

circa qualiter precum quas Imperator usurpare solitus erat, præmiserat Socrates, cum in deliciis habuisse Hymnorum cantum, quem unâ cum sororibus suis sanctis quotidie primo diluculo singulari explebat deuotione. Quare in progressu addit Auctor, quod non semel cognita est Dei omnipotentis virtus manifestè pugnare pro Theodosio domi orante contra barbaros hostes, & antiqua renouare prodigia, ea præsertim, quæ Moysæ sanctissimo Duce, Hebræis rubrum Mare traicientibus, euenisse sacra describit Historia: nam aperta atque exsiccata est exercitibus ab Imperatore missis via per aquas nemini umquam antea peruias. Quem euenum omnino tribuit Historicus precibus piissimi Imperatoris, dicens:

Ibid. c. 23. Itaque preces piæ Imperatoris illo tempore rursus plurimum momenti habuisse constabat: nam Angelus Dei in habitu & forma Pastoris ducem itineris Aspari se præbuit, & per stagnum Ravenna adiacens copias eius deduxit, qua via nemo umquam iter fecisse commemoratur.

Moyſes primus vsus est Hymnis, ad bella hostium con-terenda.

Hanc Hymnorum piam institutionem, ad bella hostium conterenda, si ab origine sua deducere libet, inueniemus traditam fuisse mortalibus à Moysæ, dum iter ex Ægypto faciens unâ cum populo in libertatem educto, per varios Principum fines pertransiret. Licet tunc nondum essent Dauidici Hymni, Moyses tamen, diuino actus instinctu, ordinauit ministros in illis solitudinibus qui diuino vacarent cultui: & sicut Arcam arte composuit, cui Deus præsens aderat, quæ dicta est Testamenti; ita coram illa cultus peragebatur diuinus. Quoties mouenda erat de loco ad locum statio, sicuti omnes istæ mutationes more fiebant

Arca testamenti vsus in deserto. Hebræi per desertum procedebant instructi more castrorum.

ſiebant caſtrorum, quemadmodum ſcilicet ſolet exercitus procedere rectè inſtructus; ita antequam Leuitæ Arcam mouerent, ad cuius motum & grefſus totus exercitus iter ſuum dirigebat, inſtituit Moyſes quendam breuem Hymnum dicendum à Leuitis, quo inuocabatur Deus altiffimi ſuper populum per hoſtium terras incedentem protectio & praſidium: *Surge Domine* (aiebat Num. 10. Moyſes cum Leuitis) *& diſſipentur inimici tui, & fugiant qui oderunt te, à facie tua.* Tantaque erat Iſraëliitarum in hoc Hymno confidentia, vt in ea ſitam poſuiſſent omnem ſuam ſecuritatem ac fortitudinem; vnde & poſtea dicta eſt à Dauide Arca fortitudinis: *Conſurge Domine Deus in requiem tuam, in Arca fortitudinis tua.* ſuper quem lo-
cum Lyranus ait: *Dicitur hic Arca fortitudinis diuina; quia fortitudo Dei apparuit per ipſam in Iordanis ſiccatione, & in Iericho deſtructione, & in Philſthinorum percuffione.* Hæc Arca itaque, vnà cum præmiſſa Hymnodia, erat gentis Hebrææ fortitudo, quia & inuiſta ab hoſtibus, & de hoſtibus victrix euadebat.

Ex hac pia conſuetudine & inſtitutione Moyſis, credidit Abulenſis deſumpſiſſe noſtram Eccleſiam modum illum verè pium, exordiendi ſuam Hymnodiam ab inuocatione diuinæ ſuper ſe protectionis, uſurpando verba illa Davidica ad initium cuiuſlibet Horæ Canonice: *Deus in adiutorium meum intende, Domine ad adiuuandum me ſeſtina.* Sic vnàquæque hora ferè dici po-
teſt vna itatio, ad cuius directionem tutiorem imploratur Deus; vt ſua protectione adſit exorantibus, & laudes canentibus, ne ab hoſte maligno inuiſibili, qui ſemper fuit oſor Dei, impediantur
ab

2. Paral. 6.
Arca teſta-
ments dicitur
Arca
fortitudi-
nis.
Iof. 31 & 6.
1. Reg. 5.

Horarum
Canonica-
rum inſtitu-
tum ab illis ver-
bis, Deus in
adiutorium
meum in-
tende, vnde
deſumptum.

Chori psal- ab officio intento. Certè omnes Ecclesiasticæ per-
lentium sonæ, siue viri siue feminæ, in choro canentes
sunt Castra sunt exercitus validiores militantis Ecclesiæ, in
Ecclesia quibus præcipua Christianæ militiæ nititur vis &
validissi- potentia. Si quis choros Hymnodia deputatos
ma. appellaret Castra Dei, non aberraret à modo lo-
 quendi Scripturarum sacrarum: nam in Salomo-

Cantic. 7. *Quid videbis in Sulami-*
te; nisi choro castrorum? vbi non sine mysterio
 vniuntur duæ ferè ex diametro oppositæ qualita-
 tes, chori scilicet, & castra. Quid commune, di-
 ceret quispiam, habere possunt chori musicorum
 cantantium cum castris exercituum? chorus æ-
 quidem recipit sonos, concentus & melodias sua-
 ues; castra verò tumultus, clamores strepitusque
 terribiles. Quomodo ista conciliari & vniri pos-
 sunt absque dissonantia? Huic difficultati facil-
 limè occurreretur, si dicamus, in nostris choris
 Ecclesiasticis positam esse hanc vnionem: Hym-
 num enim cantus dum maiori expletur suauita-
 te tum vocis tum animi, bellum grauissimum
 vrget contra tartareas potestates nobis semper in-
 fensas, & contra hostium visibilium imperum, in
 Ecclesiam & fideles irruentium. Preces itaque
 Ecclesiæ, quæ cantu expletur, canendo pu-
 gnant, & pugnando canunt, & arma sunt ad
 quamlibet defensionem opportuna; nam & pro-
 tegunt ab ira Dei.

Oratio pio- Quoties Sacerdotes, Religiosi & Moniales
rum mini- tempore grauiorum calamitatum ad Hymnos deu-
strorum otè confugiunt, Deum exoraturi, vt iram suam
iram Dei à nobis auerrat, opponunt scutum mirabile di-
auertit.

uino

uino furori, ne iaculis acutissimis suæ iræ omnes delectat mortales. Scutum esse Ecclesiasticorum ministrorum orationes, ad populorum defensionem & protectionem, declarauit sacra Scriptura, dum nobis refert modum, quo Aaron iram Dei in populum sæuientis mirigasset, quam sibi irritauerat populus tumultuans, & seditionem commouens. incendium enim à Deo immissum deuorauit statim quatuordecim millia & septingentos de populo. Tunc Aaron usus fuit clypeo orationis, & Deum placauit: *Proferens* (ait text. Sap. 18. *seruitutis suæ scutam orationem, & per incensum deprecationem allegans, restitit ira, & finem imposuit necessitati.* *Oratio Aaronis scutum populi fuit.*

Si pestis insurgat quæ deuoret populos, nullum efficacius remedium opponi ab homine potest, quàm feruens Ecclesiasticorum Hymnodia & deprecatio. Hæc pestilentia non solum obtundit, sed penitus aufert vim, quasi dixerim, inflexibilem. Hoc remedio usus Hymnographus ipse tempore funestissimæ pestis, qua sublata fuerant è vita septuaginta millia Israëlitarum, Deum placauit: magna enim humilitate pronus in terra, Hymnos arripiens orauit, dicens: *Ego sum qui peccavi, ego inique egi, isti qui oues sunt, quid fecerunt? vertatur, obsecro, manus tua contra me, & contra domum patris mei.* Solitus erat Rex sanctissimus in omni vel sua vel Regni calamitate aliquem Psalmum ordinare, & decantare, ut Dei auxilium imploraret, itemque post euentum felicem, alium in gratiarum actionem concinere; nec umquam sine Psalmis opus ullum aggrediebatur, aut sine Psalmis ab opere perfecto discedebat, uti ex Psalmis quos habemus aperte colligere

*Angeli san-
cti sunt mi-
nistri ira
Dei.*

*Pestis Ro-
mae preci-
bus iubla-
ta.*

*Canticum,
Regina caeli
latare,
ab Angelis
composi-
tum.*

*Sigon. l. i.
de Regno
Ital.*

*Ecclesia in
suis preci-
bus utitur
Psalms.*

gere licet. Peracta oratione cessauit illicò pesti-
lentiæ strages; nam placatus Deus dicere Angelo
percutienti auditus est: *Sufficit, nunc contine ma-
num.* Idem euenisse in nostra Ecclesia tempore
Magni Gregorij Summi Pontificis testantur Au-
ctores fide digni. Dum enim pestilentia lues Ro-
mæ grassaretur, nec ullum superesse amplius vi-
deretur naturale remedium, cum omnia adhibi-
ta iam fuissent sine effectu; indicta tandem om-
nium Ordinum supplicatio, qua omnes ad Hym-
norum cantum confugientes, Deum, à quo pro-
pter peccata immisi sum erat flagellum, placatum reddiderunt. In cuius veritatis comproba-
tionem mirabilis accidit visio. Ad finem Hym-
nodia, sicuti videbatur ab omnibus aëris infe-
ctio euanescere, ita visus etiam est Angelus è
sublimi aëre gladium, quem exertum portabat,
in vaginam recondere; & auditus est iubilans in-
tonare Hymnum in honorem sanctissimæ Virgi-
nis Deiparae suauissimum: *Regina caeli latare, al-
leluia, quia quem meruisti portare, alleluia.* cui
Pontifex sanctissimus respondit: *Ora pro nobis
Deum, alleluia.* Et quia hæc suauissima visio fa-
cta est super molem Adriani, exinde Castellum
sancti Angeli appellata est illa moles, quæ fuit ad
vsum arcis redacta. Deinceps ille Hymnus vsur-
patus est à tota Ecclesia per tempus Paschale, quia
plenus est iubilo singulari.

Hinc semper Ecclesia ad Hymnorum vsum,
quando exoratur a Deum, confugere studuit,
nec sine Hymnis preces aliquas persolvere nouit,
siue oret ordinariè, siue extraordinariè exoret;
nam Hymnos habet ad quamlibet necessitatem
opportunos. Diuus Athanasius, qui in Oriente
fuit

fuit acerrimus fidei propugnator, varias graues- *Psalmorum*
 que inde passus persecutiones, non ad aliud con- *usus tem-*
 fugere solitus erat armamentarium, vt se firmo *pore perse-*
 prouideret praesidio, nisi ad Dauidis Hymnos, *cutionum.*
 horum vim sapè expertus: imò eos Marcellino
 suadebat tempore calamitatum; vimque præci-
 puam maxime cognoscebat in Psalmo 53. quem
 sancta vsutpat Ecclesia quotidie ad horam diei
 primam: *Deus in nomine tuo saluum me fac, & in* Psal. 53.
virtute tua indica me. Hortabatur Marcellinum,
 vt quando vel ab aliquibus quæreretur ad necem,
 vel alias persecutiones pateretur, Deo confusus,
 ad hunc confugeret Psalmum, qui fuerat à Da-
 uide compositus tempore suarum persecutionum;
 quando à Saule quærebat ad necem, & à Zi-
 phais proditus, in periculo quasi manifesto ver-
 sabatur vitæ; sed eo Hymno dicto, mirabiliter
 euasit saluus. Quando igitur aliqua tribulatione
 premimur, vtile est ad Hymnodiam confugere,
 vt Deus laudatus & exoratus, facilius ad sit pro-
 pitius & adiutor.

Ausim dicere, si vmquam permitteret Deus *si Psalmo-*
 (quod absit omnino) Hymnodia vsus, vel om- *dia vsus*
 nino cessare in tota Ecclesia, vel in aliqua Pro- *cessaret, res*
 uincia aut ciuitate, quòd signum esset non ob- *meret alium*
 scurum futuræ alicuius magnæ calamitatis. Deus, *pericula-*
 vñ pluries visum est, quando voluit aut delere, *rentur.*
 aut plaga aliqua magna populos percutere, soli-
 tus fuit præuenire seruos suos, eosque ab oratio-
 ne diuertere, imò & illis præcipere, ne orationes *Deus puni-*
 funderent. Puniturus Deus Iudæos, præcepit le- *turus popu-*
 remiæ seruo suo, ne omnino orationem adhibe- *los, impedit*
 ret aut Hymnodiam: *Tu noli orare pro populo hoc,* *orationes*
nec assumas pro eis laudem & orationem. (neinpe *ne fiant.*
 Ierem. 7.

Hymnos,

Sophron.
in Prato
spirituali
cap. 50.

*Terramo-
tus non po-
tuit auerti
precibus.*

Hymnos, quibus laudatur & exoratur Deus) & *non obfistas mihi*. Imò nec vult audire preces supplicationesque Sanctorum in cælo. Ad quam rem facit illa visio ab euentu probata, quam refert Sophronius de Abbate Georgio, qui præuidens, in Asia futurum magnum terræmotum, ad orationem confugiens, tentauit placare iram diuinam. Oranti ostensum est, quòd Sancti tutelares illius Prouinciæ eandem orationem Deo offerrent. Et post omnes etiam beata Virgo Deipara suam addidit intercessionem; sed nec Sanctorum nec Genitricis precibus voluit acquiescere iratus Deus. His visis, piissimus Georgius in lacrymas erumpens deslebat imminentem ruitiam. Postero itaque die euentus visionem probauit: nam factò magno terræmotu, præcipuè Asiæ ciuitates, castella, & terræ submersæ sunt. Tueamur Hymnodia vsum, Deum enixè exoremus, vt eam benignè aspiciat, sicuti hucusque dignatus est, ad communem Ecclesiæ vtilitatem, promptè exaudire.

C A P V T X I V.

Hymnodia est ciuitatum ac Regnorum robur.

*Firmitas
Regnorum
non diui-
tiis, non mi-
litibus, non
muris, non
legibus mu-
nitus solis.*

FIRMITAS illa, qua gaudere cupiunt omnes ciuitates omniaque Regna, ad sui conseruationem; tum etiam maiorem dilatationem, nō ex solis diuitiis auri & argenti, neque ex sola copia rerum, neque etiam ex solo multorum exercituum apparatu, aut murorum aggerumque altitudine, neque ex sola optimarum legum & prudentum Magistratuum regimine, neque ex his omnibus præfidiis

præfidiis simul iunctis constituitur, sed ab illo vero Deo, per quem Reges regnant, & legum Conditores iusta decernunt, est expectanda & expectenda; alioquin omnia facillimè ruunt, quemadmodum rectè pieque cecinit suis metris diuus Paulinus Episcopus Nolanus:

Ipse intra muros turris tibi, qui sine muris

Murus erit; ———

sicuti contrà, quando Deo non adhærent ciuitatum & Regnorum apparatus, leues omnino sunt & facillè euertibiles. Muri ipsi, quamuis marmorei, aut ænei, vel etiam adamantini, tamquam leuis arena facillimè nutarent deiicerenturque, vti nouimus ex factis Historiis euenisse plurimis urbibus: Ierusalem sub Dei protectione vivebat ad eò secùra; vt muris non egeret: Iericho muris altis mœnibusque vallata firmissimis, ad simplicem tubæ sonum deiecta corruit. Harum urbium diuersa sors fuit ab eodem sancto Paulino descripta his versibus:

————— *Perspice qui potiore*

Præsidio fuerint, quos vrbs circumdata magnis

Absque Deo muris, an quos sine mœnibus vrbs

Vallabat socio virtus diuina fauore;

Illam dico urbem, quam perdidit acer Iesus.

Quare plurimùm valet pius Hymnodix vsus, ad inuocandum super ciuitates & Regna diuinum præsidium: non idcirco tamen excludere intendimus alios belli apparatus, qui à politicis in optimè constituta Republica desiderantur, vt tuta sit, & secùra ab omni hostium impetu & aggressu; sed asserendum pro veritate est, quòd homines armati, aggeres, muri & custodes tunc aliquid boni sperare possunt circa urbium pro-

D. Paulinus in Carmin.

Deus firmitatem tribuit Regnis & urbibus.

Deus ubi adest sua protectione, ibi securitas.

Piorum preces sustinent urbes & exercitus.

rectionem, quando diuino innitentur auxilio & præsidio. quod præcipuè piorum virorum faciliè obtinetur postulationibus. Tunc *Saluator* ponitur in illis (vt verbis propheticiis loquar) *murus & antemurale*. Hinc illa vox Dei ad populum suum, vt eum certum redderet de perpetua ab omni hostium impetu securitate: *Super muros tuos Ierusalem constitui custodes, tota die & tota nocte non tacebunt*. quasi dixerit: Ceteri Principes, vt suas tueantur vrbes & Regna communiant, non solis muris, vallis aggeribusque ea circumdant, sed in ipsis muris custodes armatos vigilesque constituunt; ego autem non milites clypeo & hasta fidentes, sed Religiosos inermes, Religiosasque imbelles, laudibus meis decantandis intentos, psalterium loco gladij, meditationes loco hastæ, orationesque & Hymnos loco armorum adhibentes constitui. Hos eligit Deus ad muniendas ciuitates, vt meliùs eluceat eius virtus & potentia; quæ tunc magis cognoscitur, quando non media ab hominibus excogitata, sed alia humanæ sapientiæ parum apta vsurpat, & adhibet. Nec dubium esse debet de sensu illius Prophetiæ, num ad Ecclesiasticas personas respiciat, quæ nimirum à Deo electæ sunt, ad vigilandum pro custodia & securitate ciuitatum: nam omnis dubitatio prorsus tollitur à D. Hieronymo, qui explicans illum textum ait, verba illa ad Ecclesiam nostram dirigi, in qua Sacerdotes constituti sunt custodes. Huic sensui concinit diuus Bernardus declarans ea verba Cantorum, *Inuenerunt me vigiles qui custodiunt ciuitatem*. Vbi ait, vigiles istos esse Ecclesiasticas personas, quæ in orationibus pernoctantes orant pro populo,

Isaia 26.

Isaia 62.

Religiosi
psallentes
sunt custo-
des urbium.

D. Hieron.
in Isaia.

D. Bern.
Serm. 76.
in Cantic.
Cantic. 3.

populo, hostium insidias sagaciter explorant, anticipant consilia malignantium, & machinamenta frustrantur.

Quod ut cognosceretur verum in nostra Ec-^{D. Clara}lesia, dignatus est omnipotens Deus hanc rem ^{virginis}miro euentu illustrare, qui omnibus sæculis erit ^{precibus}tantæ veritatis præclarum testimonium; præser-^{fugantur}tim quia non virorum electorū, sed fragilissimæ ^{Saraceni.}imbecillissimæque virginis opera successit. Recolamus hoc loco euentum illum verè horribilem, quando, Saracenis Italiam inuadentibus, fuerat domus sanctissimæ virginis Claræ Affisinatis à Barbaris illis obfessa, vbi ipsa cum aliis sanctis virginibus Deo altissimum præstabat famulatum. Credebant Barbari, in illa domo sitim se expleturos suarum libidinum, at euentus eos fefellit, Domino pugnante pro suis seruis. Dum domui inferebant vim Barbari, alij scalas, ut tecta ascenderent, admouentes, alij portas & fenestras aggredientes, generosa virgo virili se opposuit fortitudine, non materialibus armis, clypeo, hasta, ense, bombardis armata, sed virginibus suis associata templum ingrediens, quasi armamentarium munitissimum, illicque cantato Psalmo, sumptoque in manibus sanctissimo Eucharistiæ Sacramento, Hymnos prosequens animosa procedebat aduersus armatos hostes: & ad ea verba Hymni, *Ne tradas bestiis animas confitentes tibi*, Psal. 73. illicò diuina affulsit protectio. Verbis illis quasi diuino ictu perculsi Saraceni, alij præcipites è muro capti oculis ceciderunt, alij turpissimè fugientes, numquam ampliùs se conuertere sunt ausi. En igitur declaratum à Deo, quòd virgines ^{Puellula in}illæ innocentes, quæ sæculi fastu & pompis reli-^{Monaste-}riis incluse,

*& Religio-
si pauperes
tuentur ci-
uitates.* Etis Deum sequuntur in Claustris occlusæ, & pauperes illi Religiosi, qui mundi gloriæ renuntiantes, pannosas vestes amant, & vitam eligunt abiectam in domo Dei, ciuitates, Prouincias & Regna sustentant, & portant humeris suis.

*Politici ho-
mines pre-
cum vim
non asti-
mans.* Tantum hoc bonum licet à sæculi amatoribus & à politicæ sapientiæ professoribus non cognoscatur, cognoscitur saltem à viris sanctis, sed etiam quandoque à Principibus summis, quando cælesti illustrari lumine digni effecti sunt. Rex Israël Ieroboam, filius Regis Ioas, id cognoscere dignus fuit, videns Regni sui firmitatem in

*Eliseus erat
præsidium
Israelitici
Regni.* vno Eliseo Propheta, magnæ pietatis viro, sitam esse, vt proinde illum appellauerit Currum & Aurigam totius Regni sui Israël, dum cum fleret ægrotantem, timebat enim, ne mors tantum suæ coronæ præsidium eriperet; flens itaque coram eo dicebat: *Pater mi, pater mi, Currus Israël, & Auriga eius.* Hinc Philo Hebræus, expendens

4. Reg. 13. Philo Hebræus libro de Migrat. Abrah. verba illa Dei ad seruum suum fidelem Abraham Patriarcham, *In semine tuo benedicentur omnes gentes*, concludit: *Fulcrum generis humani iustus est.* Deinde docet orandum pro incolumitate iustorum: *Oremus, vt, cœu columna in domo, in humano genere homo iustus permaneat ad calamitatum remedium; nam hoc incolumi, de publica salute desperandum non est.*

Idem cognoscere dignatus est in nostra Ecclesia summus Ecclesiasticæ Hierarchiæ Princeps Innocentius huius nominis Tertius, dum anceps esset, an noui Religiosorum Ordines propositi à duobus viris, qui tunc quasi noua Ecclesiæ Sidera resplendebant, à D. Dominico & D. Francisco, essent admittendi, & approbandi: cum Pontifex

Pontifex repellere statueret oblatam petitionem horum virorum, ostendit illi Deus in somnis eodem viros sustinentes propriis humeris collabentem Lateranensem Basilicam, quæ est totius orbis insignior & dignior Ecclesia. Hæc visione intellexit Vicarius Christi, magnum Ecclesiæ præsidium prouenturum ex horum sanctorum virorum propositis Ordinibus, qui verè sustentarunt & sustentant Ecclesiam exemplo, doctrina, oratione, Hymnodia & sanguine. Sicut hi duo Ordines Hymnodiaæ vsus in choro magno tuentur studio; ita ex illis prodire, & in dies prodeunt, viri in doctrina, sanctitate & dignitate præcipui, sancti Confessores, Virgines, Martyres, Doctores, ad Ecclesiæ sanctæ non solum decus, sed & præsidium & robur.

Consuetudo inuiolabilis sanctorum piorum- *Religiosiores persona*
rumque Ecclesiasticorum, vt muneri suo respon- *ad Deum*
deant, semper extitit confugiendi tempore neces- *confugiunt*
sitatum ad Psalmos & orationes. Huius rei illu- *calamita-*
stre exemplum posteris reliquit, Religiosis præ- *tum tem-*
sertim & Ecclesiasticis personis, sanctus vir *pore.*
Ceadda Anglus, qui, referente Beda, quoties vel *Beda lib. 4.*
venti insurgerent violenti aut nimbi grauiore, *Histor. An-*
depositis illicò libris, quos fortè legebat, genua *gl. c. cap. 3.*
flectens implorabat Dei misericordiam, ne ciuitati vllum damnum accideret. Si procella auge-
scebat, tunc, relicta domo, ad Ecclesiam proce-
debat, maioriq; sollicitudine in Hymnis & ora-
tionibus perseuerabat, donec aëris serenitas redi-
ret. Interrogatus à domesticis quare id faceret,
respondit: Nonne legistis, quia *intonuit de calo* *Psal. 17.*
Dominus, & Altissimus dedit vocem suam, gran-
do, & carbones ignis. Et misit sagittas suas, & dissi-

pauid eos; fulgura multiplicauit, & conturbauit eos?
 Hinc inferebat, quòd cum Deus huiusmodi commotiones excitat, uellet terrigenas ad timorem assurgere, idcirco, sicut oporteret omnes mortales huic cælesti admonitioni & intentioni respondere; ita deberent Dei ministri Hymnis & orationibus diuinam implorare misericordiam, ne, crescentibus procellis, tandem ab ira eius sagittis percutiamur. Hinc etiam cognoscere licet, quàm diuersas cogitationes & affectus ex Meteoris, quæ accidunt in dies, nouerint elicere viri sancti, ab illis cogitationibus & affectibus quos communiter eliciunt mortales. Communiter ad causas naturales omnis euentus refertur, illi uerò ad auctorem ascendunt naturæ, eiusque penetrare student consilia & iustas intentiones. Munus profectò dignum imitatione, præsertim apud viros Ecclesiasticos, qui dum ex animo suæ electioni respondere satagunt, poterunt dicere vnà cum anima Canticorum electa: *Ego murus, & uera mea sicut turris, ex quo facta sum coram eo pacem reperiens.* Nam sancti viri orantes & psallentes sunt muri, sunt valla, sunt turres populorum, sunt arces & munitiones urbium. Nouimus Deum exaudisse Moysem, Ieremiam, Daniele, Mardocheum & alios iustos viros, pro populi salute & incolumitate deprecantes: nunc etiam videmus eum exaudire seruorum suorum orationes, gemitus & deprecationes pro bono publico factas. Populi feliciores beatioresque se victuros sperabunt, dum in eis vigeat oratio & deprecatio seruorum Dei.

Ex Meteoris acci-
dentibus
sancti
ascendunt
ad Dei con-
silia & in-
entiones.

Cantic. 8.

Populorum
incolumi-
tas ex ora-
tionibus
piorum
pendet.

CAPVT XV.

Hymnodia beneficia obtinet temporalia.

QVI Deum omnium bonorum, tum spiri-
 tualium tum corporalium, vnicum verum
 auctorem & fontem agnoscunt, dicentes cum
 sancto Apostolo Iacobo, *Omne datum optimum*, Iacob. 1.
& omne donum perfectum, desursum est, descendens
à Patre luminum, studiosi maximè fuerunt & fa-
 miliares Hymnodia; qua omnem suam spem in *Sperantes*
 Deo sitam esse testâtes, Dei opem ardentius inuo- *in Deo ora-*
 cāt, in omni quæ vrget necessitate Dauidem ini- *tionem fre-*
 tantes: qui sicut omnem spem suam in Deo po- *quentant.*
 sitam habebat, & supplex ad ipsum confugere
 satagebat, nihil vmquam à casu, nil à fortuna
 aut expectans, aut cognoscens, ita plurimos de
 hac re composuit Hymnos, diuinam erga iustos
 commendans prouidentiam & protectionem, ef-
 fectusque reipsa cuilibet postulanti præstitos de-
 scribens, spem suam ad Deum erigit, nutrit, & *Spes in Deo*
 auget. Nil est in quo sit magis frequens sanctus *nutritur*
 Dauid, quàm in hac spe in Deum rememoran- *Dauidica*
 da; hanc sibi suggerit, ad hanc alios hortatur, *Psalmis.*
 hanc semper in ore habet quasi dulcissimum mel,
 ad condiendos suos affectus. Qui hanc sequun-
 tur, erigunt animum inter aduersitates, & exci-
 tantur ad fortiter tum operandum tum sustinen-
 dum; & per hanc expectant à Deo salutem, opes,
 auxilium, robur, vnico verbo dicam, omne bo-
 num, imò huius spei suauis recordatione dele-
 ctantur. Dionysius Carthusianus, vir in contem- *Dionysius*
 platione & studio Hymnorum Dauidicorum in- *Carthos. in*
 signis, *Psal. 61.*

signis, dum scriberet super Psalmum 61. qui totus ferè est in huius sanctissimæ spei commendationem, dicebat verba illa, *In Deo salutare meum, & gloria mea: Deus auxilij mei, & spes mea in Deo est*, esse omni menti deuotæ suauissima super mel & fauum.

Spem in Deo numquam abiicit David, etiam in a-
peritis peri-
culis.

Hanc spem exercebat Dauid in omni euentu, nec vngue quidem ab illa discedens, etiam si manifestè ipsius periclitaretur vita: imò tunc salutem magis à Deo expectabat, ac postulabat, postulataque obtinebat, quia se totum illi committebat. Quam veritatem si libet in aliquo euentu considerare, ad periculum illud vitæ, quasi inuitabile, conuertamus mentem, quando fugiens Dauid iram Saulis, contulerat se ad Curiam Achis Regis incognitus, vt tutior ibi manere liceret. Dum ibi moraretur, non defuerunt, qui ipsum cognoscentes statim ad Regem deferrent, dicentes, hunc virum fuisse valdè infestum Regno, plurimis contra ipsum Regem confectis bellis; suadebantque Regi, vt à tanto bellatore caueret, imò hortantes, vt eum è vita tolleret, quo sibi suoque Regno consuleret, & Regi Sauli pergratam rem faceret. Hæc consilia cum ad aures peruenissent Dauidis, & illicò se videret captum & adductum ad Regem, vt examinaretur, cognouit, nullum sibi efficacius ad salutem superesse remedium, nisi ad Deum suum adiutorem confugeret, à quo omnia bona semper expectabat. Composuit Hymnum 55. *Miserere mei Deus, quoniam conculcauit me homo*, vti ex titulo appposito conspici potest, qui dicit, *Dauid, cum tenuerunt eum Allophyli in Geth*. Finita hac oratione, dum à Rege variis tentaretur interrogationibus,

A vita periculo grani quomodo euaseris Dauid.

Psal. 55.

gationibus, ipse prudentia utens, simulauit in-
 saniam, nullum respondens consonum verbum:
 quapropter Rex, cum suis Consiliariis, statuit
 cum liberum dimittere absque damno. Hanc
 gratiam Deo suo acceptam referens, minimè au-
 tem propriæ tribuens prudentiæ, statim alium
 Hymnum composuit Dauid in libertatem egres-
 sus; laudansque Deum tanti beneficii operato-
 rem, dixit: *Benedicam Dominum in omni tempo-*
re, semper laus eius in ore meo. Nec attendere quis-
 quam debet ordinem huius Psalmi, quia sit 33.
 in libro Psalmorum: euentus enim in hoc Psalmo
 decantatus fuit verè posterior alio iam cantato in
 Psalmo 55. Causa autem huius præposterii ordi-
 nis est in promptu, tradita à sancto Chrysostomo;
 quia scilicet Psalmi dispositi sunt in libro quem
 habemus non iuxta seriem rerum gestarum, sed
 temporum quibus reperiebantur & colligeban-
 tur. Cum liber Psalmorum deperditus esset in
 Babylonica captiuitate, paulatimque Psalmi re-
 perirentur, modò nempe vnus, modò alius, &
 ab Esdra tandem sint collecti in vnum librum;
 hinc est, quòd priùs reperti sint qui posteriores
 erant in euentibus narratis. Psalmus itaque 33, fuit
 à Dauide compositus in gratiarum actionem ob
 salutis vitæque conseruationem, dum in pericu-
 lo versaretur coram Rege Achis, quemadmo-
 dum ostendit titulus affixus; qui sic habet: *Da-*
nidi, cum immutauit vultum suum coram Ach-
imelech. Achis autem & Achimelech, ex diuini Ba-
 silij sententia, sunt idem Rex. Achis nomen erat
 proprium, Achimelech verò nomen commune
 Regum Palæstinæ; sicut Pharao Regum Ægypti.
 Hymnos itaque canebat Dauid opem imploratu-
 rus,

Psal. 33.

Psalmorum
 ordinem,
 non seriem
 rerum ge-
 starum se-
 quitur.

S. Chryf.
 Proem. 2,
 in Psal.

Psalmi Da-
 uidis amissi
 in captiui-
 tate, paul-
 latim in-
 uenti.

D. Basilij
 Homil. in
 Psal. 33.

rus, & beneficium aliquod temporale à Deo obtenturus; Hymnis etiam utebatur gratias redditurus, quia Deum omnium bonorum & donorum auctorem cognoscebat.

*Spes in Deo
quomodo
firmanda.
Psal. 54.*

Eandem spem aliis suadere non destitit Dauid, ut in omni necessitate & pressura ad Deum Hymnis inuocandum incitet. hinc illæ voces:

Iacta super Dominum curam tuam, & ipse te eruet; non dabit in æternū fluctuationem iusto. Voluisset vir sanctus, quod in solum Deum omnes mortales omnino prolicerent suam de rebus temporalibus sollicitudinem, certi, quod ab ipso non solum ad sufficientiam, sed ad copiam usque iuuabuntur: quia si irrationabilibus tanta Deus tribuit ad sustentationem vitæ, imò ad delicias adiumenta, quantò maiora daturus erit liberalissimus Deus iis, qui ad illius imaginem facti cum diligere, & roto corde inuocare nouerunt? *Iacta igitur super Dominum curam tuam, & ipse te eruet;* vel, ut alij legunt, *Iacta super Dominum co-*

*A Deo omnia bona
expectanda
tam animæ
quàm corporis.*

*S. Anaclet.
Epist. 2.*

gitatum tuum omnem, nimirum tum circa salutem animæ spiritualem, quæ à Deo est expectanda; tum circa res temporales huius vitæ mortalis, quæ à Deo sunt explendæ. Quid etiam maius innuitur per hunc textum, iuxta lectionem sancti Anacleti dicentis, *Proiice super Dominum caritatem tuam.* Non solas cogitationes, sed etiam affectum expedit ad Deum dirigere, ipsi ex corde fidentes, & ab ipso expectantes tanta certitudine bona temporalia quæ expedire iudicabuntur, ut facienda pro factis habeantur: quemadmodum Dauid in angustia positus tanta animi fiducia Deum Hymnis exorabat, quanta si pro obtentis beneficiis gratias ageret. Id videre licet

Psalmo

Psalmo 60. vbi post prima petitionis verba, *Exaudi Deus deprecationem meam, intende orationi meae*, statim in gratiarum erumpit actiones, ac si esset factum quod adhuc futurum erat: *Quoniam tu Deus meus exaudisti orationem meam, dedisti hereditatem timentibus nomen tuum*. Si mundus postulare ausus fuerit, vt ad ipsum confugas in necessitatibus, promittens effectus optatos, caue illum audias, sed, iuxta Dauidicum consilium, *iacta super Dominum curam tuam*; & responde mundo inuitanti cum diuo Augustino in hunc locum: *Portum quero, non saxum*. nam à Deo bona perfecta expectanda sunt, non à mundo; à Creatore, non à creatura. Nec vñquam spes in Deo posita aliquem confundi passa est, vti discretè ostendit diuus Augustinus ad ea verba eiusdem Hymnographi: *Non confundentur in tempore malo, & in diebus famis saturabuntur*. In die tribulationis & angustiarum non confundentur, sicut confunditur quem fallit spes posita in mendacio. *Omnis autem homo mendax. Spes in Deo non confundit*, quia ille, in quo spem posuisti, falli non potest.

Nusquam sæpiùs prædicatur diuinæ misericordiæ erga sperantes in ipso Deo facilitas, benignitas suauitasque eiusdem Dei, præsertim erga destitutos ab omni creaturarum auxilio, quàm in Dauidicis Hymnis. Quare si quis diceret, Dauidis Hymnos esse verè sperantium in Deo cibum quotidianum, escam opportunam, & certissimum fulcrum; nihil aberraret à veritate. Multus nimiusque essem, si hoc loco suggerere vellem omnes sententias in ipsis Psalmis contentas, spem iustorum erigentes, confortantes; vnicam

Perfecta
spes in Deū
nullam habet formidinem.

Mundi promissiones non audienda.

Psal. 54.

Spes in Deo non confunditur.

D. August. in Psal. 36.

Rom. 3.
Rom. 5.

Spes iustorum nutritur Psal. 130.

Psal. 9.

cam penitus non omittam, ex qua animus psal-
 lentium consurgere discet ad alias quæ passim of-
 feruntur à Psalmis. De Deo igitur loquens ali-
 quando David, eum inuocauit his verbis: *Adiu-*
tor in opportunitatibus, in tribulatione. O mirificè
 suauem appellationem pro sperantibus in Deo!
 nam certi redduntur, quòd sibi numquam sit de-
 futura, sed opportunè affutura diuina misericor-
 dia, ne animo cadant, nève tribulationibus suc-
 cumbant. Verè adiutor noster est opportunus in
 tribulatione misericors Deus iis qui in eo sperant:
 quare statim subdit Hymnographus hortationem
 congruam omnibus fidelibus, *Et sperent in te qui*
nouerunt nomen tuum, quoniam non dereliquisti
quærentes te. Certissimè hos non derelinquit be-
 nignissimus Deus, qui numquam passus est suos
 confundi seruos; quemadmodum post sæcula
 multa Bethulienfis Magistratibus & ciuibus
 suis, insigniorum sanctorum propositis exem-
 plis, prædicauit, paucisque post diebus, expe-
 rientia secuti euentus approbante, cōfirmavit ge-
 nerosissima ac sanctissima illa vidua, quæ iurè
 fuit à populis acclamātibus dicta *Gloria Ierusalem,*
latitia Israël, honorificentia populi, nempe cele-
 bris omniq; veneratione digna Iudith: quia sicut
 animo virili suaserat viam in Deo spem, dicens,
 Ibidem 8. *Expectemus humiles consolationem eius, & exquiret*
sanguinem nostrum de afflictionibus inimicorum;
 ita viriliter operam suam diuinæ à se speratæ fau-
 trici virtuti exhibens, victrix, de numerosissimo
 multisque victoriis insolente hoste reuexit trium-
 phum. Adest igitur misericors Deus noster *adiu-*
tor in opportunitatibus, in tribulatione (quod va-
 riis aliis modis sæpè sæpiùs replicant Dauidici
 Hymni,

Psal. 9.

Hymni, illi præsertim qui Feria secunda ad Matutinas preces leguntur, & decantantur;) neminem ipse necessitatibus afflictum penitus derelinquit, sed quemlibet ab amicis, à fratribus, à genitoribus, à Magistratibus, à Principibus derelictum suscipit ac protegit: *Tibi derelictus est pauper, orphano tu eris adiutor. Pater meus & mater mea dereliquerunt me, Dominus autem assumpsit me.* Istæ autem similesque sententiæ, quæ psallentibus frequenter obiciuntur, mirificè animum tum canentium tum audientium exhilarant, erigunt, confortant. Et quod aliis prædicabat sanctus David, id in se ipso re & effectu exercebat, omnem suam spem in diuina collocans misericordia.

Propter excellentem hanc spem in Deo, numquam David euentus suos expectauit, aut postulauit ab alio quàm à Deo, numquam ad casum vel fortunam se conuertens; quemadmodum ceteri politici soliti sunt frequenter se conuerrere, præsertim quibusdam euentibus, qui à solo casu videntur ortum habere. Vnum hîc referā ceteris insigniorem, qui aliis exemplum offeret ad infortnationem. Fugiebat David ad montes præruptos, vt se incolumem seruaret à nece, quam illi Saul inferre tentabat, cum persequens cum magna militum copia. Tandem deuenit David in desertum Maon, quò perueniente Saule, vidit se in maximis angustiis positum; nam à militibus Regis vndique cingebatur, absque vlla spe fugæ: *Saul & viri eius in modum coronæ cingebant David.* Quid consilij arripies, ô David, in hac angustia? Vir egregius Deo soli fidens, illicò, flexis genibus, ad Deum suum cor & vocem conuertens,

*Politici casus sui & fortune tri-
buunt
euentus.*

1. Reg. 23.

- Cap. xii. uertens, cecinit Hymnum illum § 3. de quò paulò
 Psal. 53. antè memoratum est, *Deus in nomine tuo saluum
 me fac, & in virtute tua iudica me*; quo non-
 dum expleto, mirum affuit auxilium, nam an-
 xius apparuit nuntius, ad Saulem perferens,
 Philisthæorum agmina in terras Israël erupisse,
 & ab iis, nisi illicò occurreret, Regnum totum
 i. Reg. 23. occupatum iri: *Festina, & veni, quoniam insude-
 runt se Philisthim super terram*. Hoc audito nun-
 tio, Saul coactus est conuertere consilia & gen-
 tem ad sui regni defensionem, vnde Dauid à
 periculo extitit liber. Qui politico oculo & sen-
 su humano hunc euentum expenderet, sicuti so-
 las causas proximas consideraret, ita ad casum
 confugeret, & ad bonam felicemque Dauidis
 fortunam. At Dauid diuini regiminis conscius,
 non casui non fortunæ adscripsit euentum, sed
 Dei supremæ ordinationi & prouidentia, à quo
 omnem suam fortunam semper pendere profes-
 sus est; ideò Hymnum suum conclusit tum gra-
 tiarum actionibus, tum etiam sponsonibus per-
 petuorum Sacrificiorum: *Voluntariè sacrificabo
 tibi, & confitebor nomini tuo Domine, quoniam bo-
 num est; quoniam ex omni tribulatione eripuisti me,
 & super inimicos meos despexit oculus meus.*

*Deus om-
 nis fortuna
 auctor.*

Eandem consuetudinem omnes viri iusti te-
 nuerunt, & obseruarunt, ad Deum confugientes
 tempore suarum necessitarum, Hymnos adhi-
 bentes vel derepentè compositos, acti diuino spi-
 ritu, vel à Dauide acceptos; quem vsum saltem
 numquam omittebant post accepta beneficia, vt
 declararent se illa à Deo auctore accepisse: hinc
 ortum duxere tot nobiles Hymni, à præcipuis He-
 roibus tum prisca tum nouæ Ecclesiæ decantari
 in

in laudem Dei omnium donorum Auctoris, de quibus suprà egimus, cum de gratiarum actio-
 Cap.vii.
 nibus fuit sermo. Ut autem de his, qui ad Dau-
 dis Hymnos confugientes, suam spem in Deo
 positam declarabant, eum inuocantes tempore
 necessitatum, aliquid videamus, vnicum hîc
 profero Paulum Apostolum, qui dum in carce-
 re vinctus maneret vnâ cum Sila, & peregrina-
 tionis & prædicationis socio; sicut rem suam,
 Deo fidens, orationibus commendare non desi-
 stebat, ita Hymnos alta voce Deo lætus canebat: à vinculis
 ex quo cantu (res mira) catenæ & vincula resolu-
 ta sunt, & ostia carcerum reſerata, ita vt potuiſ-
 sent exire, si placuiſſet. Post Apostolos etiam
 diuus Athanasius, vir Apostolicus, fideique Ca-
 tholicæ acerrimus defensor, in suis persecutioni-
 bus, quas passus est grauissimas, semper ad Da-
 uidicos Hymnos magna fiducia confugiebat. Ali-
 quando accidit, quòd dum conuenissent Ariani,
 qui eum ad necem quærebant, impetu facto in
 Ecclesiam, vbi sanctus Episcopus cum suis Cle-
 ricis diuina obibat Officia, vt eum inde raptum
 occiderent; ipse nihilo timidior effectus in tam
 aperto vitæ discrimine, iussit Diaconum suum al-
 ta voce concinere Hymnum Davidis: *Quoniam* Psal. 135.
in æternum misericordia eius. quo expleto, vnâ
 cum aliis ministris & sociis suis, absque vllò
 Arianorum impedimento, egressus Ecclesiam, Socrat. l. 1.
 mirabiliter euasit. Hunc celeberrimum casum te-
 Hist cap. 8.
 stantur omnes Ecclesiastici Scriptores, propter
 magnitudinem miraculi. Et sicut horum Hym-
 norum ipse fuerat in semetipso expertus vim, ita
 Theodo-
 ret. lib. 2.
 cap. 13.
 aliis eosdem consulebat tempore alicuius necessi-
 lib. 3 cap. 3.
 tatis, quemadmodum scribit Marcellino, cum
 Nicephor.
 lib. 2 cap. 6.
 exhortans,

exhortans, vt in omni necessitate & euentu ad aliquem ex Psalmis piè recitatis confugeret; imò & illi ostendere & declarare studet cuiuslibet Psalmi virtutem & intentionem, vt opportunè illos valeat vsurpare.

Pia Psalmorum recitatio prodest in necessitatibus.

Nostra Ecclesia solet in suis orationibus & precibus, pro quocumque beneficio obtinendo à Deo, siue pacis siue vbertatis, siue serenitatis siue sanitatis, Psalmos vsurpare, eligens ex eis aliquem ad rem magis opportunum. Eamdem precum & orationis formam amplectuntur omnes viri pietate insignes in suis propriis & in aliorum necessitatibus. Modò absit superstitio, Psalmodia vsus valet ad omnia beneficia temporalia ob-

Psalmorum vsus superstitiosus reprehendendus.

tinenda. Dixi, *Modò absit superstitio*: quia non desunt profani homines qui Psalmis abutuntur non sine graui culpa, ad effectus obtinendos ex vi verborum alicuius Psalmi, prout talia verba sunt. Quidam ad se ipsos vel alios sanandos legunt, aut legendos curant Psalmos Pœnitentiales, vnà cum orationibus ad Deum vel ad Sanctos directis, simul cum quibusdam illicitis exorcismis. Alij gestant aliquem Psalmum è collopendentem, vel in aliqua corporis parte alligatum, in eo spem ponentes vel sanitatis à febris, à dolore dentium, capitis & stomachi, vel securitatis à periculis ignis, aquæ, ferri, vulnerum, & casuum; tantamque in hac scriptura spem collocant, vt temerè aggredi & ingredi audeant quancumque periculi occasionem, dum tali sunt Psalmo muniti: verùm isti infelices non agnoscunt se à dæmone deceptos. Hic astutus sub nomine horum Psalmorum qui fuerunt à Deo dictati, quasi sub dulcedine mellis, propinat animis venenum;

nenum ; ipse operatur illos effectus expectatos, vt infelix peccator illi Psalmo fidens alia pericula aggrediatur, donec tandem in aliquo istorum pereat, non solum quoad corpus, sed etiam quoad vitam æternam. Diabolus, qui ei astiterat pluribus vicibus, quando aduertit hunc esse in statu peiori suæ damnationis, deserit. & sinit eum periclitari ad mortem. Signum, quod superstitio adsit, est, si in sola scriptura Psalmi spem quis ponat, nihil cogitans de Deo, ad quem Psalmus ille dirigitur : si item putet Psalmum esse scribendum hoc vel illo genere characteris vel signi, in hac vel illa membrana, non in alia : si item adhibear Psalmos ad effectus obtinendos qui sint contra bonos mores ; si item recitet, aut recitandum curet Psalmum, non seruatō ordine versiculorum in Bibliis sacris posito, sed iuxta quamdam distributionem à dæmone iam traditam. Amota itaque omni superstitione, si vsurpentur Psalmi piè & religiosè, vt à Deo concedantur postulata, quemadmodum vsurpantur in choro & in priuatis recitationibus à ministris deputatis, qui nomine Ecclesiæ orant & psallunt, optimi sunt & efficaces ad omnem fauorem obtinendum. Psalmi igitur Dauidici exorant & impetrant ; Psalmi Dauidici gratias referunt ; Psalmi Dauidici laudem & honorem Deo omnium bonorum auctori tribuunt.

*Diaboli astutia plures decipit sub nomine & vtu psal-
morum.*

CAPVT XVI.

Hymnodia demonibus odiosa.

*Diabolus
odit rectum
Psalmorum
usum.*

*D. Hier. in
Psal. 115.
Diabolus
torquetur
acrius ex
inuidia in
homines
quàm ex
igne.*

HOSTIS humani generis nostri diabolus maximo ardore odisse Hymnodiam compellitur; quia videt per eam expleri à mortalibus in terris id munus, quod ipse in cælis maxima sua felicitate explere potuisset, imò debuisset, sed ex propria puerilitate turpissimè amisit. Electus erat ad illum gloriosum Hymnum, à Græcis Trisagion appellatum, *Sanctus, sanctus, sanctus Dominus Deus*, cum perpetuo ineffabili gaudio vnà cum aliis Angelis in æternum decantandum: nunc videt ex vna parte se eiectum ab illo felicissimo munere, & ad perpetuas euomendas impiissimas blasphemias deductum; ex alia verò hominem, gradu & natura inferiorem, conspicit eleuatum ad idem altissimum munus. Nam quod faciunt Angeli in cælis (verbis vtor D. Hieronymi) hoc Monachi faciunt in terris. Tanta hinc torquetur inuidia, vt ausim dicere, magis hac inuidia quàm gehennalibus torqueri cruciatibus. Id mihi licebit affirmare maior & libertate, quia ducem sequar securum & sanctum Doctorem. Melissus Bernardus, considerans diaboli miseram infelicitatem infelicemque miseriam, ait, quòd durissimè torquetur ex inuidia; obseruatque, quòd ideò multi ex dæmonibus in aëre medio inter cælum & terram suos referunt cruciatus, vt inuidiæ tormentum magis magisque augeatur ex visione triumphantium Beatorum in cælis, & iustorum peregrinantium in terris, explicans de diabolo

diabolo illa verba Pfaltis, *Peccator videbit, & irascetur, dentibus suis fremet, & tabescet.* Eiusdem sancti Patris verba profero, ut melius cognoscatur tanti hostis grauissimus cruciatus: *In D. Bernard. pœnam si quidem suam, locum in aëre isto medio inter calum & terram de calo cadens sortitus est, ut videat & inuideat, ipsaque inuidia torqueatur, Scriptura dicente: Peccator videbit, & irascetur, dentibus suis fremet, & tabescet. Quam miser cum suspicit calos, in quibus innumeros montes intuetur diuina claritate fulgentes, diuinis laudibus exultantes, sublimes in gloria, abundantes in gratia; quam miserior cum respicit terram, montes nihilo minus quam plurimos de populo acquisitionis habentem, fide solidos, spe excelsos, caritate spatiofos, cultos virtutibus, bonorum operum fructibus refertos, de rore cali, tamquam de saltu sponsi, quotidianam capientes benedictionem. Vsurpat sanctus Doctor nomina montium, quia tunc in eo Ser-mone explicabat verba Canticorum cap. 2. Ecce iste venit saliens in montibus. vbi nomine montium intelligit sanctos Angelos & iustos fideles, atque, ex horum feliciū montium visione, quam diabolus vitare non potest, cum sit in medio aëre collocatus, oriri inuidiam magis vrentem quam gehennæ ignem. Maxima itaque ardet inuidia diabolus, videns homines mortales in Hymnodia assiduos, quia ab illius usu se cognoscit iuste expulsū. Tanta torquetur pœna ex hoc sancto mortalium studio, ut etiam campanæ euocantis ad chorum oderit ipsum sonum. Hoc audito, omnem aliam dimittens occupationem, quam summa tunc expleret voluptate inter mortales, velocissimè fugiens, se recipere cogitur ad*

Serm. 34.
in Cantic.

Psal 111.

Cantic. 2.

Inuidia
magis vrit
quam in-
ferni ignis.

tererrima pœnarum loca , faciliùs sustinens hor-
 rorem carceris quàm huiusmodi sonum ad lau-
 des excitantem diuinas. Huius insignis effectus
 innotuit nobis veritas ex iuridica confessione sa-
 garum à ludis & conuenticulis suis impiis re-
 deuntium , quæ deportatæ ab amaliis dæmoni-
 bus , si in huiusmodi reditu contigisset pulsari a-
 licuius Ecclesiæ , siue virorum siue mulierum,
 campanam pro Matutino Officio, illico à dæmo-
 ne vectore fugam arripiente derelictæ , reperie-
 bantur nudæ in agris, plateis aliisve locis vbi cam-
 panæ audiebatur ictus. Huic rei fidem præbent
 luculentissimam graues Scriptores , qui munere
 fungentes Inquisitorum eam ab ore proprio sa-
 garum acceperunt. Nobilis iste euentus sicut est
 certus , ita valdè commendat præstantiam publi-
 cæ Hymnodicæ ; cùm non solum ipsemet actualis
 Hymnorum cantus , sed ea etiam , quæ ad ipsum
 præparant psallentes , odio habeantur à dæmoni-
 bus , qui ea tantùm odissè coguntur quæ meliora
 sunt & pretiosiora. Quòd si non omnes dæmones
 fugiant sonum campanæ euocantis , imò aliqui
 ex tali excitentur sono ad proprium tentandi mu-
 nus siue resumendum siue acriùs exercendum,
 chorum etiam, vbi ipsa expletur Hymnodia, in-
 gredientes admixti psallentibus, id euenire scien-
 dum est , quia isti sunt huic muneri destinati aut
 ex imperio Dei , cuius ipsi sunt deputati satellit-
 es seu scribæ , ad excipiendum in codice tepido-
 rum psallentium defectus in Psalmodia commis-
 sos , pœnis debitis suo tempore luendos ; aut ex
 dæmonum principis imperio , qui eis iniungit,
 vt à psallentibus studeant quoscumque possunt
 defectus, siue leues siue graues, obtinere, vt Hym-
 nodia

Paul. Gril-
 land. lib. 2.
 de Sortil.
 quæst. 7.
 Martin. del
 Rio lib. 2.
 Ditq. q. 16.
 & lib. 6. c. 2.
 Sect. 3. q. 3.

nodia reddatur aut omnino vitiosa, aut saltem minus grata Deo, ad quem dirigitur.

Deinde etiam torquetur dæmon, quia pluri- *Ex Psalmis*
quos fructus hau-
riantur.
mos inde nouit fructus quotidie deriuari, tum conuersionis à peccato ad gratiam, à uia sæculi ad uiam Dei; tum etiam quia progressus inde maiores ad uitam perfectiorem in multis uidet non semel fieri.

De diuo Fulgentio prodant Auctores, ex sola lectione Commentarij à diuo Augustino conscripti & editi in Psalmum 36. *Noli amulari* Psal. 36.

in malignatibus, neque Zelaueris facientes iniquitatem (qui totus est in cōmendationem veræ virtutis & diuinæ prouidentię erga virtutis studiosos & iustitię sectatores, quibus tandem, post varios casus, omnia cedunt prospera & felicia) conuersum esse ad pietatem & uirtutem tanto ardore, ut deinceps egregios in omni pietatis actione progressus fecerit.

De aliis multis testimonium reddit D. Augustinus, quod audientes in Templis suauissimum sonum illius dulcissimi Psalmi, *Ecce quàm bonum & quàm iucundum, habitare fratres in unum*, auxilio gratiæ cælestis adiuti, relicto sæculo ad habitum & uitam Monasticā se conuerterint; ideo vocare non dubitat huius Psalmi initium Tubam *D. Aug. in*
Psal. 132.
Plurimi ad
uitam Mo-
nasticam
conuersi ex
Psalmorum
verbis.

hunc Religiosorum & Monasteriorum Patrem: *Ista enim uerba Psalterij, iste dulcis sonus, ista suavis melodia tam in cantico quàm in intellectu Monasteria peperit. Ad hunc sonum excitati sunt fratres, qui habitare in unum concupierunt. Iste uersus fuit tuba ipsorum, sonuit per orbem terrarum; & qui diuisi erant, congregati sunt in unum.* Cum tot bona ex Psalmorum usu deriuari conspiciat hostis crudelis nostri generis, variis artibus & astubus studet ab Hymnodia homines retrahere.

*Variis arti-
bus studet
diabolus à
chori usu
auertere.*

Alios nititur impedire, ne chorum adæant sub prætextu occupationum aut studiorum, quæ ad proximi maius beneficium diriguntur; aut aduersæ valetudinis, qua premuntur, siue capitis siue stomachi; alios sub specie dignitatis quam obtinent, quasi non deceat constitutos in dignitate frequentia chori. Si artes & astutiæ istæ non proficiunt, quia non pauci inveniuntur generosi animi, qui tentatoris non audiunt suggestiones, hominum opera vitur diabolus, eliciens aliquando ex ore virorum alioqui grauium opportuno tempore passionis verba, chori dignitatem ac præstantiam minuentia, vt illorum testimonio fortius oppugnet, imò expugnet delicatiores conscientias. Si neque hac arte obtinet intentum, audacior effectus, vt paullò antè dicebamus, chorum ingredi non veretur, miscet se cum Angelis bonis qui orantibus adsunt: vt sicut isti consilio & opera Hymnodiam tuentur; ita ille omni studio conetur ab Hymnodia extrahere, suggerens causas exeundi opportunas siue necessitatis siue commoditatis, aut alterius apparentis utilitatis. hoc modo non paucos decipere solet. Quod vt aliquando omnibus notum esset, voluit misericors Deus tempore sancti Patris Benedicti, ad nostram informationem, miro exemplo euulgari. Accidit quòd Monachus quidam nomine Iustus à dæmone deciperetur hac arte: nam semper, quoties sub finem Hymnodix vacandum erat orationi, statim arrepta aliqua occasione, exhibet è choro; quòd iterùm ac sæpè frequentabat, nec admonitus à Prælato desistere valuit. Accessit tandem etiam admonitio sancti Patris Benedicti, sed ea nihil profuit. Quadam tandem die, dum iste Monachus

*Diaboli ars
aliquando
detecta.*

Monachus exiret, aperuit Deus oculos sancti Benedicti, qui vidit quemdam puerulum sub *Diabolus extrahit e choro psallentes.* Æthiopis forma nigrum, qui per extremitatem cuculli Monachum trahens, è choro educebat. Communicauit rem hanc diuus Benedictus Monasterij Præfecto & discipulo suo Mauro, qui simul oratione facta, à Deo postulabant se quoque dignos reddi hac visione, vt deinde Monacho tentationem possent aperire. Post biduum Maurus vnà cum Patre suo Benedicto eandem visionem habuerunt, dum Monachus ille è choro exire studeret. Ad illum accedens Benedictus virga eum percussit, ea intentione, vt diabolum percuteret, & ex illa die, ait sanctus Gregorius, *S. Gregor. l. 2. Dialog. cap. 4.* qui historiam describit, nil persuasionis vltèrius à nigro iam puerulo pertulit, sed ad orationis studium immobilis permansit. Quoties inuisibilis dæmon osor Hymnodia extrahit Religiosos & Religiosas, & Canonicos & Capellanos, è choro sub titulo aliquo honesto necessitatis aut vtilitatis, aut etiam, quod peius est, curiositatis; qui si videretur à nobis, vti videbatur à sanctis viris, nihil obtineret. Quos nequit malignus è choro euocare, studet variis cogitationibus & euagationibus à rebus cantatis diuertere; ab istis risum, ab illis confabulationes, à multis tædium, ab aliis circumspectiendi leuitatem obtinere, quemadmodum in Operis istius progressu detegere non omittemus.

Qui ista nouerunt, nituntur feruentius colere Hymnodia vsum, vt diabolus magis contristent; nam, vt verè & scitè assererat Abbas Marcellus, *Abb. Marcell. in Prato spir. c. 151.* Nihil ita utile est nobis, nilque magis demones contristat quàm Psalmodia. cui concinit do-

D. Basilij
Proem. in
Psal.

Psalmodia
usus con-
tristat dia-
bolum.

Psal. 69.

Cassianus
Collat. 10.
cap. 16.

Virtutes
versicali,
Deus in
adiutorium
meum in-
tende.

Et trina sancti Basilij dicentis: *Psalmus est profligandis demonibus & depellendis quoddam amuletum, Angelica tutela conciliator.* Imò studebant viri perfectiores eligere ex Psalmis versiculos aliquos, qui ad contristandos demones viderentur aptiores, eosque frequentabant. Celebris erat apud Egyptios Monachos versiculus ille David, *Deus in adiutorium meum intende, Domine ad adiuuandum me festina.* Qui versiculus celebrior redditus est ex vehementi hortatione Abbatiss Cassiani, qui ex instituto illum prædicabat, & suadebat tamquam validissimum remedium ad omnem necessitatem, & præcipuum aduersus diaboli tentationes & insidias præsidium. *Hic namque versiculus, ait Cassianus, non immerito de toto est excerptus instrumento; recepit enim omnes affectus quicumque inferri possunt humana natura, & ad omnem statum atque uniuersos incursus proprios satis & competenter aptatur. Habet siquidem aduersus uniuersa discrimina inuocationem Dei, habet humilitatem pia confessionis, habet sollicitudinis ac timoris perpetui vigilantiam, habet considerationem fragilitatis suae, exauditionis fiduciam, confidentiam presentis semperque adstantis praesidij; qui enim iugiter suum inuocat protectorem, certus est eum esse semper presentem. Habet timoris & caritatis ardorem, habet insidiarum contemplationem inimicorumque formidinem; quibus prospiciens semetipsum die noctaque vallatum, confiretur se non posse sine sui defensoris auxilio liberari. Hic versiculus omnibus infestatione demonum laborantibus inexpugnabilis murus est, & impenetrabilis larica ac munitissimus clypeus. Plura alia, tum pia tum utilia, addit Cassianus in laudem & com-
menda-*

mendationem huius versiculi, ut suadeat illius frequentationem continuā in omni loco, opere, tempore, occasione, donec, ob eius continuam exercitationem, etiam dormientes eum cantare & recitare consueverimus, afferens eam rationem, quia omnes in quolibet statu, non tantum in rebus duris & aduersis, sed etiam in lætis & secundis Deo egemus adiutore.

*Omnes
egent diuino
auxilio.*

Sanctus Antonius Abbas, qui in iisdem Ægypti desertis vitam Angelicam ducebat, quique dæmonibus factus est terribilis, maxime colebat & frequens in ore habebat versiculum illum ex

*Psalmorum
versus fami-
liaris
S. Antonio.*

Psalmo 67. *Exurgat Deus; & dissipentur inimici eius; & fugiant qui oderunt eum à facie eius:* & in huius usu plurimum confidebat, quia nouerat magnam ex illo confustationem dæmonibus resultare, imò & damnum; non enim, ut pluries fateri coacti sunt dæmones, ferre horum verborum vim valent. Elegans historia ad hanc rem

*Diabolus
quosdam
versiculos
valde ti-
met.*

describitur à sancto Petro Damiani de quadam Sanctimoniali, quæ antea fuit Leonis Papæ IX. (à quo hoc factum se accepisse fatetur Petrus.)

*D. Petrus
Damianus
lib. 6. Epist.*

Hæc Religiosa quadam nocte surgens ad Hymnodiam, comitem suam gravi oppressam somno excitare nequibat; post binam aut ternam vocationem, siue ex ira siue ex loco, saltem minus cuncta dixit: *Surge diabole, & veni.* Mira res, statim adfuit dæmon, sub forma sociæ vocatæ sequens Monialem ad locum Oratorii, & una cum illa psallens reddebat versiculos mutuos. Cum ventum esset ad Psalmi 67. recitationem, tunc eimentita sociæ, quæ erat verus diabolus, nunquam potuit illa verba proferre. Quamobrem cognitus falsus hostis, signoque Crucis à vera

*Monialis
casus in-
signis cum
diabolo.*

Moniali pulsus euanuit. Credidit fortassis ille diabolus hac sua apparitione tantum iniicere timorem Moniali, imò & ceteris, quæ euentum postea rescuissent, vt numquam in posterum anderent ad nocturnas assurgere laudes; sed misericors Deus, qui, vt puniret incautum modum loquendi illius Monialis, permisit hoc terribile factum: disposuit tandem, vt vis Psalmorum dignosceretur, & diabolus, qui alios illudere putabat, illusus discederet atque confusus, videns se à timida muliere effugatum. Quicumque desiderat contristare, imò & torquere dæmones, Hymnodiam studiosus frequentet, diligat, atque exerceat, nec ab illa se auocare vño vnquam prætextu, nisi necessitate vera ac magna impellente, patiatur. Sicut dæmones contristabit, ita Angelos sanctos & Deum lætitia cumulabit, iuxta illam D. Augustini sententiam: *Psalmus dæmones fugat, Angelos ad adiutorium inuitat.*

D. August.
Prolog. in
Psal.

CAPVT XVII.

*Hymnodia audientium animum variis
piis recreat affectibus.*

NEMO perfecte cognoscere ac comprehendere potest omnes pios affectus, qui ex Hymnodia vsu ritè in Ecclesia expleto gignuntur in animis audientium: illi aliquid nouerunt, qui digni aliquando effecti sunt eos experiri, à quibus aliqua ad nostram informationem tradita sunt. Referam hoc loco præcipuos affectus à sanctis viris euulgatos. In primis ab Angelico Aquinate audiemus magnam ex Hymnodia vsu gigni
in

in audientibus reuerentiā & amorem erga Deum; differens enim de causis, cur Deus sit ab homi-^{2.2.q.91.} ne ore laudandus, ostendit non idē adhibendas^{art.1.} esse laudes, vt aperiāmus Deo nostram erga illum intentionem & studium; quasi ille nequeat aliter nos cognoscere, nec nostram mentem penetrare, cū sit inspector cordium, & scrutator^{Deus scrutator est cordium.} renū, & profunda hominis penetret. Qui aliter sentiret, idololatricā saperet falsitatem, nihilo dissimilem ab illorum sacerdotum seu sacrilegorum sensu, qui à sancto Elia, vero Dei Propheta, irridebantur, dum de vero Deo adorando esset contentio, quibus aiebat sanctus Propheta: *Clamate voce maiore, Deus enim est, & forsitan*^{3.Reg.18.} *loquitur, aut in diuersorio est, aut in itinere, aut certe dormit, ut excitetur.* Hisce clamoribus non eget Deus, vt cognoscat humani cordis studia & voluntates, omnia enim nuda sunt & aperta oculis Dei; sed adhibendas esse laudes vocales ait diuus Thomas, vt nos ipsos & alios audientes ad Dei reuerentiā, amorem timoremque excitemus. Ea est humani animi conditio, vt alicui^{Deus cur sit ore laudandus.} Herois insignia audiens gesta & virtutes, excitetur ad eum colendum & suspiciendum, & magis diligendum. Hinc Psaltes inter alios effectus, quos ex suorum Hymnorum vsu sibi pronittit, recenset audientium excitationem & proocationem ad lætitiā, & æmulationem laudationis: *Benedicam Dominum in omni tempore; semper laus eius in ore meo: audiant mansueti, & lætentur. Magnificate Dominum mecum, & exaltemus nomen eius in idipsum.*

Hæc affectuum prouocatio maiore expletur *Psalmorum* auitate propter *Psalmorum* metricam compositionem.^{forma est metrica.}

sitionem. Nouimus experientia, humanos affectus magis moueri ex lectione Poëtarum & carminum quàm solutæ orationis, quàmuis eloquentissimæ: nam metri suauitas magnam obtinet vim in occupandis humanis affectibus. Quod autem Psalmi fuerint metro compositi à Dauide, concors iam est omnium Doctorum sententia. Vnde

D. Hieron.
Epist. 103.

diuus Hieronymus scribens ad Paulinum, non dubitat appellare Dauidem Ecclesiæ nostræ Flaccum; Pindarum, Alcaum, Catullum, Serenum, & Simonidem: *David Simonides noster, Pindarus; Alcaeus, Flaccus quoque, Catullus & Serenus Christum lyra personat.* Ea est Dei suauitas, ut omnia velit suauitate speciali expleri, quod præcipue disposuit in ordinatione Psalmorum, qui

*Psalmorum
lectio ad
hominum
est utilita-
tem & in-
cunditatem
instituta.*

sunt directi; ita sub metrica forma voluit nobis illos exhiberi, ut eorum sensus, siue ad Dei laudationem siue ad morum obliuionem apti, maiori suauitate in animis audientium instillerentur. Id nouerunt etiam fidei nostræ insensibilissimi hostes, à quibus libet testimonium accipere, ut etiam ipsi huius veritatis sunt iudices. Recolamus

*Psalmodia
nostra à
paganis u-
surpata.*

itaque Decretum illud Iuliani Apostatæ, quo cauit inter alia, precationum alternatim, canendarum formam transferendam ad suum paganismum, ut Deorum cultus magis magisque in animis populorum augetur. Viderat veri Dei impiissimus hostis, quantam ex Christiana Hymnodia haurirent populi reuerentiam erga Deum; idèd quam non poterat abolere, saltem nifus est æmulari, veriùs dixerim profanare. Ex quo Decreto iustam desumit occasionem Cardinalis Baronius, rerum Ecclesiasticarum luculentissimus

Baronius
anno 362.

Scriptor,

Scriptor, inferendi hoc insigne corollarium:
Hinc perspicitur potest, quam deteriores Iuliano Apo-
stata exhibeant se recentiores Apostata (addamus
 nos, & quicumque communis Psalmodiæ im-
 pugnatores) *dum antiquos Ecclesiæ mores contem-*
nunt, & subannare audent ea, quæ invidi oculis
hostis visa sunt pulcherrima, atque omni acceptione
dignissima. Huius Decreti meminere quotquot
 sunt in Ecclesia Dei Scriptores. Sed quid Iulia-
 num profero, qui minister & servus erat diaboli
 protoapostatæ? cum ipsemet dux impiorum dia-
 bolus non solum nouerit, sed coactus declara-
 uerit miram Hymnodicæ virtutem, dum Hymno-
 rum statuit usurpare testimonia, ut maiori aucto-
 ritate posset flectere ad suam intentionem animos
 à se tentatos. Expendere hoc loco non pigeat
 grauem illam tentationem, quam, putans om-
 nium iam antè adhibitarum vehementissimam ac
 validissimam, obtulit Christo Domino in deser-
 to. Cum malignus ac versutus hostis vidisset se
 nihil obtinuisse primis tentationibus, statuit tan-
 dem experiri Hymnorum Dauidicorum auctori-
 tatem & vim, quam nouerat quasi omnipotentem
 ad flectendos animos humanos, præsertim pie-
 tatis studiosos. Aggressus itaque Dominum no-
 strum, ut in præsumptionis culpam pertraheret,
 proposuit Psalmum 90. qui cum totus sit in de-
 scribenda Dei erga suos cura, & in declaranda se-
 ueritate mirabili qua gaudent degentes sub diui-
 na fiducia, & in enarrandis benedictionibus qui-
 bus cumulantur omnes Deo fidentes; tandem
 concludit, omne bonum esse à Deo sperandum
 in protectionis tum felicitatis. Ex hoc Psalmo
 ntator astutus protulit versiculum illum: *An-*
gelis

Sozomen

lib. 5. c. 15.

Trip. lib. 6.

cap. 29.

Nicephor.

l. 10. c. 21.

Diabolus

usurpat

Psalms in

suis tenta-

tionibus.

Christus

Dominus

tentatus

in deserto

Psalmorum

auctorita-

te.

An- Psal. 90.

gelis suis Deus mandavit de te, ut custodiant te in omnibus viis tuis. Hic modus tentandi sicut erat validior omnibus iam antea usurpatis ad oppugnandum, ita facillimè expugnasset animi arcem, nisi Deus fuisset qui oppugnabatur.

Verùm omittamus hostium testimonia, quamvis validissima & opportuna ad rem, cum non desint argumenta planiora, imò clariora, ex nostris, quæ magis suadebunt quod intendimus. Habemus Patres, qui prioribus sæculis, habemus sanctos viros, qui non longè à diebus nostris præcesserunt, ab iis audiemus vberes fructus ex Hymnodia in eorum animis productos. Primus

Lib. 9. Cō-
fess. cap. 4.

audiatur diuus Augustinus, qui variis tum erroribus circa fidem, tum vitiis circa mores per multos annos innexus, sicut ope diuina ab utrisque feliciter euasit; ita vitæ suæ cursum describens, & modum suæ conuersionis orbi toti declarans,

Ex Psalmo-
rum usu
quanta hau-
serit bona
D. Augu-
stinus.

ostendit quanta ex Hymnodia hauserit bona, quantosque fructus & commotiones senserit. Pauca eius selectiora verba ad hanc rem subiiciam, ne longus nimis in te tam aperta sim. Testatur in primis, se ex Psalmorum recitatione & cantu in diuinum exarsisse amorem tanta vehementia, ut etiam conciperet spem videndi eisdem affectus in aliis hominibus, si totum orbem potuisset habere auditorem dum recitaret: *Quas tibi voces dabam in Psalmis illis, & quomodo in te inflammabar ex eis, & accendebar eos recitare, si possem, toto orbe terrarum aduersus typhum generis humani? & tamen toto orbe cantantur, & non est qui se abscondit à calore tuo.* Addit deinde alios miros effectus in se commotos tum timoris, tum spei, tum exultationis in Deum ex auditione

vnius

vnus versiculi in Psalmo 4. recitati: *Filij hominum usquequo gravi corde? ut quid diligitis vanitatem, & queritis mendacium?* Confidit etiam, quod iidem affectus in aliis gignerentur, si huic dulcissimo Davidis seu Dei proloquio attenderent: *Ego tamidm nesciens vanitatem dilexi, & mendacium quafui; & ideo audini, & contremui, quoniam talibus dicitur, qualem me fuisse reminiscebar. In phantasmatibus enim, quas pro veritate tenebam, vanitas erat & mendacium, & insonui multa graniter & fortiter in dolore recordationis mea. Que utinam audissent, qui adhuc diligunt vanitatem, & quarunt mendacium, forte conturbarentur, & euomissent illud.* Quos affectus in se experiebatur Augustinus, & quos, ad nostram eruditionem & sui ipsius meritum, voluit omnibus confiteri, liberè asserit posse ab omni humano corde sentiri. A cuius sensu non discrepat Cassiodorus, pronuntians, in Psalmorum usu Cassiodor. lib. 2. Var. Epist. 40. adesse medicinam opportunè paratam ad omnes animi languores curandos & affectus promouendos: *Loquamur, ait, de illo è calo psalterio, quod vir toto orbe cantabilis ita modulatum pro anima sospitate composuit, ut his Hymnis & mentis vulnera sanarentur, & diuinitatis singularis gratia conquiratur.*

De sancto Ludouico Francorum Rege referunt D. Ludouici Historiæ quod sicut assiduus erat in diuinis Officiis quæ in Ecclesia explebantur à ministris Ecclesiasticis, ita varios in se experiebatur pios affectus, hauriens ex illis opportuna documenta ad rectam sui regni administrationem; quemadmodum non semel ostendit dum interesset Psalmodia. Quadam die audiens verba illa, *Beati, qui* Psalm. 105. *custodiunt*

custodiunt iudicium, & faciunt iustitiam in omni tempore, statim iussit accersiri quemdam facinorosum insignem, quem licet morte dignum, ad preces tamen Magnatum à mortis pœna absoluerat; tunc liberationis sententiam reuocauit, ut Davidis pronuntiatum obseruaret, faciens iudicium & iustitiam: nam audiens hæc verba cognouit, quod prius, ut morem gereret hominibus, iustitiam violasset & iudicium. Iterum dum iisdem Psalmis præsens adesset quidam familiaris ipsius Regis, putans opportunitatem loci & temporis fauere, animatus est ad veniam postulandam pro homicida qui de proximo erat morti adiudicandus; at sanctus vir sicut attentè verba Hymnorum audiebat, verborumq; sensum & doctrinã pretiosam studebat exequi, negare volens gratiam, usurpauit eadem verba quæ tunc canebantur in Ecclesia, *Feci iudicium & iustitiam*, declarans animi sui tum in Deum pietatem tum in sanctam iustitiam affectum. Dignum profectò sancto Principe responsum & studium.

Psal. 118.

Ut autem nostræ ætati propiùs accedamus, sicuti eadem est Hymnodia in Ecclesia, ita iidem semper fructus & effectus ex ea oriri conspiciuntur in animis rectè dispositis. Virum præfero præsentis sæculo notum, qui non multis antè annis mortuus est, nempe Philippum Nerium, omni virtutum & sanctitatis genere conspicuum, cuius memoria in benedictione semper erit. Hic certè sanctus vir, quia insignes illustrationes & pios affectus ex Hymnodia referebat, omni studio adesse conabatur Diuinorum recitationi in Templo sanctæ Mariæ supra Mineruam Romæ, nullum vmquam diem passus vacuum ab hoc studio,

D. Philippi Nerij ad Psalmendam frequentia.

studio, ex quo magnum spiritualis incrementi auxilium sibi prouenire cognoscebat, per multos prosequens annos absque intermissione, donec tandem à Deo vocatus est ad alios homines in sanctitate erudiendos, & dirigendos. Aliqui enim à Deo eliguntur ad plurimorum vtilitatem; quemadmodum Hymnographus destinatus à Deo videtur, ut ferè omnium mortalium suis Hymnis sit præcipuus dux ad virtutem & sanctitatem.

Multi eliguntur à Deo ad aliorum vtilitatem.

Hinc dicebat aliquando de se ipso: *Immisit in os meum canticum novum, carmen Deo nostro.* ecce

Psal. 39.

hic narrat electionem suam felicem ad psallendum in Dei honorem. Deinde describit fructum in alios deriuandum ex suo cantu: *Videbunt multi, & timebunt, & sperabunt in Domino.* quasi dicat: Audientes cantum meum in Hymnis excitabuntur ad varios pios affectus; timoris præsertim & spei.

Nec debet minui horum verborum sensus propter verbum *videbunt*, quia non dicitur *audient*: nam verbum *videndi* in sacris Scripturis, ex Regula diui Augustini, pro omnibus sensationibus usurpari consuevit, uti disertè tradit super illa verba Domini nostri, *Quia vidisti me Thoma, credidisti.*

Cantus ad Scripturam intelligentiam opportunus.

Generalis quodammodo (ait Augustinus) *sensus est visus; nam & per alios quatuor sensus nominari solet, veluti cum dicimus, Audi, & vide quàm benè sonet; olfac, & vide quàm benè oleat; gusta, & vide quàm benè sapiat; tange, & vide quàm benè caleat.*

Ioan. 20.

Quam regulam, appositis Scripturæ sacre sententiis, comprobat Augustinus Torniellus in suis Annalibus. Nam Exodi 20. dicitur, *Cunctus populus videbat voces; ubi certè dicendum erat; audiebat.* Et Marci 15. dicitur, *Vide in quantis te accusant; quod idem*

Augustinus Torniellus anno 4084. num 45.

- significat ac si diceret, *Audi*. Imò hoc loquendi genere vsus est Dominus noster ad discipulos suos dicens: *Palpate, & videte; quia spiritus carnem & ossa non habet, sicut me videtis habere.* vbi verbum *videndi* non potest aptius explicari quàm *palpando sentite*. Quando igitur dicit Hymnographus, *Videbunt multi, & timebunt*, potest intelligi, quòd dum auditur in Ecclesiis, vbi ipsius decantantur Hymni, affectus plurimi semper, timoris saltem & spei, qui sunt veræ sanctitatis præcipua fundamenta & adiumenta, commouebuntur. Ad hanc rem afferebat D. Thomas loco nuper citato alia Dauidis verba his similia: *Semper laus eius in ore meo.* en cantus sibi præscriptus. *Audiant mansueti, & latentur.* *Magnificate Dominum mecum.* en effectus secuturi in piis auditoribus. Hos præuiderat sanctus Rex spiritu cælesti, eisdemque nos re ipsa quotidie videmus: nam Laicos conspiciamus frequentiores ad eas Ecclesias, in quibus diuina pertoluuntur Officia in choro tum ante tum post conciones, siue manè siue à meridie habendas Festis diebus, quàm ad eas in quibus conciones tantùm habentur sine vlla Psalmodia. Id puto ob hanc euenire præcipuam causam, nempe ob varios pietatis erga Deum affectus, quos ex Psalmorum cantu hauriunt laici. Verè namque cantus Hymnorum disponit ac præparat animum ad verbum Dei audiendū; sicut verbum Dei excitat eundem animum ad laudes Dei nouas tum decantandas tum audiendas: mutuis enim officiis sibi deferuiunt duo ista munera, Hymnodia & concionis. Hinc omnes Regulares & sæculares Ecclesiæ concionem habentes à meridie Festorum dierū, Vesperarum

*Cantus
Psalmorum
præparat
animum ad
verbum
Dei au-
diendum.*

rarum saltem admittunt cantum, quamuis aliis diebus nullam cum publica Hymnodia habeant consuetudinem. Præter iam enumeratos effectus & affectus, eliciuntur quoque ab Hymnorum cantu pio amor Dei & compunctio cordis, uti mox dicturi sumus in sequenti Capite.

CAPUT XVIII.

*Compunctionis amorisque lacrymas
prouocat Hymnodia.*

MAGNAM continent vim Daudici Hymni ad lacrymas, tum audientium tum cantantium, modò ex compunctione modò ex amore commouendas & ciendas, propter vtriusque obiecti vehementia argumenta in Psalmis contenta. Nam si ad prouocandos mortalium animos ad opera quælibet, siue bona siue mala, magnam ^{vis exem-} semper obtinuit vim exemplum, præsertim He- ^{pli, præ-} roum & Principum, quemadmodum omnes tum ^{sertim in} sacræ tum profanæ litteræ docuerunt; ^{Principe,} ^{quanta.}

Scilicet in vulgus manant exempla regentum, Lucanus.
ait ille.

— *Non sic inflectere sensus*

Humanos edicta valent quàm vita regentis,
dixit alter Poëta. Et qualis est rector ciuitatis, ta- ^{Ecclesi. 10.}
les & inhabitantes in ea, docuit Auctor Ecelesiastici. Mirum nulli videbitur, si Hymnodicæ re-
ctum vsum, validissimam dicamus obtinere vim
lacrymas ciendi & compunctionem à quolibet la-
pideo corde, cum verba omnium Hymnorum
dictata noscamus à Rege maximo, qui peccata
sua deflens, misericordiam Dei exorabat. Si de

Esdra, qui erat in populo maximæ auctoritatis vir, proditum est à sacra Historia, quodd solis suis lacrymis à populo visis, quamuis nullum adiecisset verbum, potuit tantum commouere fletum in omnibus adstantibus, vt ij simul cum illo peccata deflentes pœnitentiam egerint. (primò enim

1. Esdræ 9.

describitur fletus & mœror Esdræ, postquam audiuit grauiâ peccata à populo fidei perpetrata: *Cumq̃ue audissem sermonem istum, scidi pallium meum & tunicam, & euelli capillos capitis mei & barbam, & sedi mœrens.* deinde describitur conuentus omnium Principum & popularium, qui vi-

Ibid. 10.

dentès Esdram sic amarè deflentem, pariter fleuerunt, & delicta abiurarunt. vbi Glossa ordina-

*Lacryman-
tis visi ex-
emplum la-
crymas ciet.*

ria appositè admonet: *Nota quantum exempla Doctorum inuenit; nihil scribitur Esdras locutus esse, sed tantum audito scelere lacrymasse, & turbam ad se fidelium non vociferando sed lacrymando traxisse;* quis audiens videntque tantum Regem in suis Hymnis ferè iugiter deflentem ob delicta semel ex fragilitate commissa, poterit cohibere lacrymas, & siccis oculis aut audire aut canere lacrymas istas? Tanta (testatur ipse) lacrymarum copia perfundebatur Dauid, vt lectus, in quo iacens Hymnos sæpè decantabat, natâre posse videretur, saltem dilutus conspiceretur: *Lauabo per singulas noctes lectum meum, lacrymis meis stratum meum rigabo;* seu, vt ex Hebræo fonte legi potest, *Natare faciam lectum meum, stratum meum liquefaciam.* Tanto exarserat Dauid odio in peccata, vt lacrymis vellet ea delere, quæ æstu concupiscentiæ & passionis feruore perpetrarat.

*Effusio la-
crymarum
quanta in
Dauid.
Psal. 6.*

Solent alij potentissimi Principes, ad propriæ munificentiae ostentationem, siue etiam ad orna-
tum

tum & commoditatem urbis ubi resident, maximis impensis deducere per cuniculos subterraneos, siue etiam per arcus eminentes, à collibus & montibus amplos fontes potabilium aquarum: at pius Rex David omne studium & operam posuit, ut à proprio corde per oculos, quasi aptos canales, deduceret iuges fontes lacrymarum, qui numquam per dies nec per noctes deficere possent, ad utilitatem & salutem animæ propriæ. *Davidis studium circa lacrymarum pronocationem.* quod de se ipso testatur dicens: *Exitus aquarum* Psal. 118. *deduxerunt oculi mei, quia non custodierunt legem tuam.* Sicut lacrymarum vim nouerat & expertus non semel fuerat David, ita iugem earum exitum exoptabat, & omni studio educere conabatur: quod ut facilius assequeretur, aliquando sibi ipsi lacrymarum eximia apud Deum merita proponebat, earumque celebrabat insignia encomia. dixit loquens cum Deo: *Posuisti lacrymas meas in conspectu tuo.* quibus verbis nil pretiosius dicere poterat in commendationem lacrymarum. Ex his verbis intelligentes mortales vim lacrymarum, spem concipiunt veniæ; quia vident peccatorum pœnitentium lacrymas ibi positas à Deo, ubi prius positiæ erant iniquitates. Ponit Deus lacrymas pœnitentium in conspectu suo, ait sanctus vir Macarius, quia in illis valdè complacet & delectatur, quasi tot margaritis pretiosis ex viscerum ardore progenitis: imò, si licet dicere, illis Deus tamquam gemmis seipsum exornat, more mulierum curiosarum caput & cincinnos exornantium. Licebit certè dicere, quia duces habemus sacrum Canticorum Textum dicentem nomine Dei placidè alloquentis peccatorem compunctum: *Caput meum plenum est ro-* Cantic. 5.

re, & cincinni mei guttis noctium. vbi Paraphrastes exponit hoc modo: *Capilli capitis mei pleni sunt lacrymis tuis, sicut vir, cuius capilli capitis tinguntur de rore cali; & cincinnus casariei mea repletus est guttis oculorum tuorum, sicut vir, cuius cincinnus casariei plenus est guttis pluvia qua descendit in nocte.* Certi redduntur pœnitentes ex Davidicis verbis, quòd Deus excipit lacrymas eorum quasi gemmas & margaritas, quas semper conspectui suo vult præsentes, vt in eis voluptatum cordis expleat. cui assertioni concinit Christi Domini

Angeli pœnitentium lacrymis delectantur.

Lucæ 17.

assertum, quando docuit, Angelos in cælo existentes lætitia perfundi eximia ex lacrymis peccatorum deflentium: *Dico vobis, gaudium erit in cælo super vno peccatore pœnitentiam agente.* Hoc gaudium Angelorum ortum ducit ex eodem fonte, nimirum ex lacrymis positis à Deo in conspectu suo. Sicut exoptant spiritus Angelici mortaliū æternam salutem; ita videntes horum lacrymas à Deo æstimari, lætantur & exultant. Certi sunt Angeli sancti, quòd videns Deus pœnitentium lacrymas, citissimè commouebitur ad misericordiam. Non videri possunt lacrymæ deflentium absque Dei videntis commiseratione. Magna est vis lacrymarum ad miserationem commouendam, sicut & acutè dixit Poëta:

Lacryma vim habent vocis.

Thren. 2.

Interdum lacryma pondera vocis habent. quod & grauius dictum fuerat à Propheta Ieremia, dum ad fletum compunctionis hortaretur populum Israëlitarum: *Deduc quasi torrentem lacrymas per diem & noctem; non des requiem tibi, neque taceat pupilla oculi tui.* Per quæ verba vltima, dum tribuitur vox pupillæ quæ lacrymatur, ostenditur earum vis ad animum commouendum,

dum, ac si maxima declamarent eloquentia. Magnam lacrymarum felicitatem cecinit David, cum dixit: *Posuisti lacrymas meas in conspectu tuo.* Psal. 55. Cum igitur in suis Psalmis modò videatur David iugiter deflere, exitusque aquarum deducere, & lectum suum lacrymis conspergere, imò abluerre, modò lacrymarum viam celebrare; qui ex animo ista attendunt, cohibere non valent cursum fletus. Testem produco omni exceptione maiorem, qui non de aliis, sed de se ipso proloquatur. Constat diuus Augustinus qualem in se ipso esset expertus effectum Psalmorum, quando in initiis suæ ad Deum conuersionis Hymnodicæ attentus adstabat in Templis, dicens vberetum ex corde tum ex oculis se emisisse lacrymas, ortas ex Psalmorum cantu audito. *Quantum fleui in Hymnis & canticis tuis, suauisonantis Ecclesiæ tuæ vocibus commotus? acriter voces illæ influebant auribus meis, & eliquabatur veritas tua in cor meum, & ex ea astuabatur inde affectus pietatis, & currebant lacrymæ, & benè mihi erat cum eis.* Benè fuit Augustino cum lacrymis suis; quia felicitas cordis humani ex lacrymis & compunctione ortum suum ducit. Sicut qui peccator flere non nouit peccata sua, timoris vehementem habet causam, ne in peccatis moriatur. Nam inter seueriores minas cuidam populo per Prophetam Ezechielem à Deo immissas, illa reputari debet acerbior, qua Deus protestatur eos non plancturos, sed in peccatis morituros: *Non plangetis, neque flebitis, sed tabescetis in iniquitatibus vestris.* Ezech. 24.

Lacrymatur D. Augustinus in Psalmis.

D. August. Confess. lib. 9. c. 6.

Peccata non flere, est indicium reprobationis.

Ezech. 24.

Ratio, cur multi in Hymnodiis aut audiendis aut etiam exercendis compunctionis lacrymas non sentiant, optimè detegitur à diuo Bernardo

*Lacryma
compun-
tionis non
ab omnibus
haberi pos-
sunt.*

in propria persona nostras miseras euulgâte: *Sæpè, ait, ad sacrum mysterium vocem meam fregi, ut dulcius cantarem, & magis delectabar in vocis modulatione quàm in cordis compunctione; Deus vero, cui non absconditur quidquid illicitum perpetratur, non quarit vocis lenitatem, sed cordis puritatem.*

En causa nostræ insensibilitatis, nimirum inaduerterentia ad ea quæ audimus aut cantamus; non enim cor afficitur iis quæ os pronuntiat. Culpa nostra priuamur eo bono, quod posset reddere animas nostras felices, imò terque quaterque fe-

*Lacryma
extinguunt
ignem Pur-
gatorij.
D. Bernar.
Sermon. in
verba Iob.
In sex tri-
bulat.*

lices: nam si compunctionis lacrymas sentiremus, nullus post hanc vitam foret necessarius ignis expiatorius, quemadmodum testatur idem diuus Bernardus dicens: *Fortè enim non reperiret ignis exurens, quod interim fluens lacryma diluisset.* Verùm cheu! nos miseros flere nescimus,

quando flenda commisimus, etiamsi verba & exempla ad lacrymas prouocantia habeamus; cùm tamen lacrymas paratas vnusquisque habeat

*Lacryma
facile cien-
sur ob ia-
cturas tem-
porales.*

ob temporalium rerum aduersum euentum. Si filius eripiat parentibus; si dolor vehemens capitis, dentium, aut alterius membri vrgeat aliquem; si honoris iactura immineat alteri, nullus fletum valet cohibere. De multis dici verè pote-

*Plutarch. in
Annibale.*

rit, quod aliquando de suis ciuibus Carthaginensibus Annibal pronuntiauit. Postquam enim Carthago à Romanis deuicta variis fuerat tributis subiecta, dies primæ solutionis faciendæ venit, magnusque tunc fletus factus est omnium ciuium, quia vnusquisque ad ratam tenebatur pensionis. Non potuit Annibal risum effusum continere, licet adessent Primarij viri ciuitatis, quorum vnus eum reprehendit, quasi de re loco, causa

causæ & tempori parum opportuna: at ille subridens respondit, se non ridere ex lætitia, sed potius ex irrisione, quia videret lacrymas hominum importunas; plorabant enim leuissimum damnum priuatum, cum antea nullus lacrymarum sensum ostenderit, quando mala grauissima publica ingruerant, quando scilicet publicæ classes deiectæ, quando exercitus trucidati, quando arma capta spoliaque amplissima detracta audiebantur, & cernebantur. Multò maiori fundamento irridebimus nos à Cælicolis, quando videbunt in oculis nostris lacrymarum copiam ob temporales iacturas, & siccis oculis in peccatis iacentes audire Regem maximum flentem, lacrymarum vim celebrantem, & ad lacrymas prouocantem.

Qui nouerunt compunctionis lacrymas educere, paullatim eleuantur à Deo ad dulcissimas lacrymas amantium Deum. Non enim ob peccata tantummodò emittuntur lacrymæ de corde hominum, sed dulces etiam lacrymæ inueniuntur diligentium Deum. Amanti Deum ex corde omnis Dei sui recordatio commouet viscera, & præ dulcedine liquefacta anima in lacrymas erumpit, iuxta illud pronuntiatum animæ diligentis Deum in Canticis: *Anima mea liquefacta est, ut dilectus meus locutus est.* Veri amantes vix aut legunt aut audiunt ex Psalmis celebrari siue misericordiam, siue amorem, siue benignitatem, siue suauitatem, siue prouidentiam, siue etiam nomen solum Dei, quin statim in lacrymas resoluantur. De Iuliano Anachoreta refert sanctus Ephræm, quòd tantam acquisierit facilitatem ad lacrymas ob eximium amorem in Deum, ut ad solius nominis Dei siue visi, siue lecti siue auditi recordationem,

*Lacryma
diligen-
tium Deum
dulces.*

Cantic. 5.

*Lacryma
Iuliani A-
nachoreta
quanta.*

maxima statim copia lacrymarum perfunderetur, Cum quadam die incidisset sanctus Ephræm in Codicem sacrum & in librum Psalterij, quos adhibebat Iulianus, vidissetque nominum omnium Dei, Domini, Iesu, Christi, Saluatoris lituras, accersito Iuliano sciscitatus est, quis ea corrupisset nomina. Respondit Iulianus, sicut fornicatrix mulier ad Dominum Salvatorem accedens lacrymis pedes eius rigabat; sic ego ubicumque nomen Dei mei scriptum reperio, lacrymis rigare cogor, ut aliquando merear ab eius voce audire, Vade in pace. O dulces lacrymas omni gaudio

*Lacryma
diligentium
Deum æ-
mulantur
martyrij
meritum.*
D. Chryf.
Homil. 2.
in Psal. 50.

seculari cariores & gratiores! de istis vera sunt illa encomia à diuo Chrysostomo pronuntiata, quod martyrij meritum adæquant; ut enim cumulant animam cælestibus meritis, ita martyrij eminentiam æmulantur. *Quid valeant lacryma* (ait D. Chrysostomus) *attende diligentius. Quid Martyribus maius, qui animam suam ponunt pro amico suo? grandis gloria Martyrum. Martyres effundunt sanguinem, peccatores effundunt lacrymas; meretrix illa non fudit sanguinem, sed fontem lacrymarum profudit, & deleuit peccata sua.* O miram lacrymarum vim! Felices qui flere digni sunt sicut flere solebat Dauid; nam tales lacrymæ ipsum gehennæ incendium extinguere nouerunt, imò & flammam amoris accendere & nutrire dignæ sunt, vnde audita est vox illa in laudem amantis deflentis; *Quoniam dilexit multum.* Qui multum diligit, multas lacrymas emittere valet, qui nihil diligit, saltem compunctionis fletum studeat acquirere, ne de nobis illud dici queat, quod de quibusdam asseruit Hymnographus, *Errauerunt in solitudine in iniquoso; eo quod ha-*
beamus

Lucæ 7.

Psal. 106.

Seamus cor verè aridum & oculos prorsus siccos sine aqua. Quàto quisque sanctior est, verbis concludam diui Augustini, & sancti desiderij plenior, tantò sit eius in orando fletus vberior; dulciores siquidem erunt hæ lacrymæ quàm gaudia maiora theatrorum. Oremus Deum nostrum, vt psallentibus nobis & audientibus omnibus, veniam lacrymarum per suam immensam benignitatem aliquando aperire dignetur; vt tandem mereamur inter veros amantes, vel saltem pœnitentes, annumerari.

CAPUT XIX.

Hymnodia misericordiam Dei conciliat.

TANTA est apud Deum Hymnodia ritè expletæ vis & auctoritas, vt eius voluntatem, quamuis iustè auersam, ad se trahat atque conuertat, iram illius placatam reddens, misericordiam amoremque sibi concilians. Non potest Deus audire voces clamantium & inuocantium se, Deum suauem, benignum, misericordem & piû, vt in Psalmis inuocatur, quin statim exerceat effectus & signa beneuolentiæ, suauitatis, benignitatis, misericordiæ & pietatis. Insignior Dei *Misericordia* conditio, qua magis præ ceteris attributis suis *diâ gloria* gloriatur, est misericordia; & Paulus eam in se *tur Deus.* ipso largissimè expertus, dum loqueretur de illius necessitate ad peccatorum salutem, nominare potius voluit titulo gloriæ quàm gratiæ aut misericordiæ, dicens: *Omnes peccauerunt, & egent gloria Dei.* Rom. 3. vbi pro gloria Dei intelligere voluit gratiam & misericordiam Dei, aiunt omnes sancti

D Hieron.
lib. 6. in
Isaiam.
D. August.
lib. 1. de
Pec. merit.

Sap. 11.

Misericor-
dia diuina
beneficia in
peccatores.

Misericor-
dia diuina
valde præ-
dicatur à
Dauid.

sancti Patres; quorum aliqui, sensum potiùs at-
tendentes quàm verba, legunt, *gratia Dei*. Verè
gloria est misericordia & gratia ob multas ratio-
nes, tum quia per hanc misericordiam & gratiam
multi peccatores consequuntur gloriam; tum et-
iam quia per hanc magis gloriosus ostenditur
Deus erga peccatores quàm in ceteris aliis suæ
potentiæ operationibus, quamuis infinitis, quem-
admodum læta canit & celebrat Ecclesia dicens;
*Deus qui omnipotentiam tuam parcendo maximè
& miserando manifestas.* Quod elogium didicit
Ecclesia ab Auctore Sapientiæ, qui coniungit po-
tentiam cum misericordia, & vtriusque recenset
effectus: *Misereris omnium Domine, quia omnia
potes*, en potentiæ & misericordiæ connexio; &
disimulas peccata hominum propter pœnitentiam,
ecce effectus huius omnipotentis misericordiæ:
quia per hanc sustinetur peccator, ne à peccati
pondere demergatur in æternam perditionem; &
toleratur, vt tempus & spatium possideat pœni-
tentiæ. Hæc misericordia dulciter præuenit pec-
catores, inuitans & adiuuans ad pœnitentiam.
Sicut Deus gloriosior ostenditur per hanc mise-
ricordiam; ita facilis eam concedit indulgentissi-
mus Deus, quando Hymnis ad rem opportunis
inuocatur & colitur, quemadmodum Dauidicis
Hymnis perfectè expletur. Nusquam magnifi-
centior est sermo de diuina misericordia; nullibi
tam frequenter aut nominatur aut celebratur hæc
misericordia; nullibi tanta fiducia inuocatur hæc
misericordia quàm in Dauidicis Hymnis: in his
appellatur sæpissimè Deus suavis, benignus, mi-
sericors, miserator, patiens, longanimis, imò
multùm misericors, siue multæ misericordiæ, si-
ue

ue etiam magnæ misericordiæ; in his prædicantur opera misericordiæ, & extolluntur super omnia opera Dei. Aliquando audet David, & pronuntiat tantam esse magnitudinem misericordiæ, vt nequeat à maxima ira impediri aut limitibus circumscribi: *Numquid obliuiscetur misereri Deus*, Psal. 76. *aut continebit in ira sua misericordias suas?* Vbi, si *Misericordia vis præuatet ira.* libet expendere modum loquendi, non vacare mysterio comperiemus vocem illam in numero multitudinis, *miser cordias*, cum *ira* in numero singulari proferatur; quasi non solum viribus præualeat misericordia iræ, sed etiam numero & multitudine. Quæ consideratio vera est quantum ad effectus; multò enim plures sunt misericordiæ effectus quàm iræ. Ideo illa non potest ab ista *Misericordia Dei etiam in inferno elucet.* aut impediri aut penitus absorberi, cum etiam in inferno, à quo misericordia videtur prorsus elongata, & vbi ira videtur suam exercere auctoritatem, non excludatur nihilominus omnis misericordiæ effectus; nam pœnæ ipsæ infliguntur citra condignum, vti asserunt omnes Theologi. At ira non semel à misericordia penitus resoluitur, quemadmodum celebravit David dicens: *Mitigasti omnem iram tuam, auertisti ab ira indignationis tue.* Psal. 84. Ad quam rem facit elegans meditatio diui Ambrosij super verba Davidis, *Misericors Dominus, & iustus, & Deus noster miseretur,* D. Ambrosius Orat. de Obitu Theodos. Psal. 114. considerans bis nominari misericordiam, & semel tantum iustitiam, & hanc in medio esse positam vtriusque nominationis; quasi ira remaneat inclusa & circumscripta intra septa misericordiæ. Magna sunt quæ David suis Hymnis celebrat & prædicat in laudem diuinæ misericordiæ, vt ob hanc rem, quasi dixerim, cogatur Deus suam exercere

exercere misericordiam erga implorantes illam huiuscemodi Hymnis.

*Misericordia Dei facilius obtinetur Psal-
mis quam
Sacrificiis.
Psal. 50.*

David ipse potius Hymnis quam vitulorum Sacrificiis & victimis sibi ipsi misericordiam hanc Dei magnam non solum postulauit, sed acquisiuit & obtinuit. Celebris est Psalmus 50. *Misere-
re mei Deus secundum magnam misericordiam
tuam, & secundum multitudinem miserationum
tuarum dele iniquitatem meam.* qui ab initio usque ad finem totus est in imploranda hac misericordia super se, postquam admonitus à Nathan Propheta cognouit delictorum suorum, adulterij & homicidij, non sine magno totius sui Regni scandalo, grauitatem. Quo Hymno sicut obtinuit veniam peccatorum, & gratiæ dona amissa; ita misericordiam magnam Dei exaltat, spondens se illam in æternum laudibus celebraturum. Isti Hymni sunt apud Deum omnibus electis vitulis pretiosiores & cariores; vituli idcirco appellantur tam à Prophetis antiquis quam ab Apostolis nouæ Ecclesiæ. Oseas ex priscis Prophetis Dominum exorans, ut veniam peccatorum misericors concedat, spondens Hymnos, vocat eos vitulos labiorum: *Omnem aufer iniquitatem, accipe bonum, & reddemus vitulos labiorum nostrorum.* Paulus magnus nouæ Ecclesiæ Apostolus, ut doceret Hebræos modum conciliandi misericordiam & gratiam Dei, hortatur usum Hymnorum loco hostiæ quæ ex vitulis offerebatur; & appellat fructum labiorum confitentium Deo: *Offeramus hostiam laudis semper Deo, id est fructum labiorum confitentium nomini eius.*

*Orare an
debeant
peccatores.*

Hos Hymnos qui nouit usurpare loco holocaustorum pinguis simorum, & victimarum electissi-

Diffimarum Sacrificiorumq; perfectissimorum,
 facillimè tum sibi tum aliis poterit conciliare
 Deum propitium; sibi inquam, si nimirum pec-
 catorum pondere pressus egeat gratia Dei. Nec
 quisquam debet abstinere ab Hymnodia, quia
 existat in peccato mortali, nec dignus sit exau-
 diri. Nam licet pronuntiauerit aliquando cæcus
 à natiuitate illam propositionem, *Scimus quia pec-* Ioan. 9.
catores non exaudit Deus; quæ propositio multos
 deterret ab vsu orationis & Hymnodia, quan-
 do se graui culpæ obnoxios sciunt: nihilominus
 neque peccatores ab orationis debito excusantur,
 quia absolutè sumpta hæc propositio cæci non est
 vera, imò vti absolutè falsa reiicitur à diuo Au- D. August.
 gustino & ab Origene, qui admonent excusan- Tract. 44.
 dum cæcum, quia illam protulit nondum in fide in Ioan.
 illuminatus. Potest tantum admitti illa propo- Origen. in
 sitio quoad meritum; nulla enim oratio aut alia Isaiam Ho-
 virtutis actio peccatoris est meritoria, cum meri- mil. 5.
 tum supponat statum gratiæ præexistentis. Itaque.
 peccator ex merito non est dignus à Deo exaudi- Peccatores
 ri; oret tamen peccator & Hymnos dicat Deo, orantes an
 quando voluntatem deponit peccandi, cupitque à Deo ex-
 morum emendationem & mutationem, sicut audiantur.
 oraue-
 ant, & impetrauerunt Magdalena, Publi-
 canus, & latro. Veniam iste obtinebit non ex vi
 meriti sui, sed ex benignitate & misericordia di-
 uina, quæ Hymnis celebrata & exorata libenter
 audit & exaudit precantes, quemadmodum do-
 cent omnes sacri Theologi cum D. Thoma. Hinc D. Thom.
 à Christo Domino nostro docemur dicere & ora- 2. 2. q. 83,
 re: *Dimitte nobis debita nostra.* Quæ oratio si esset art. 16.
 minimè exaudienda, vtique non iuberetur, & ta- Matth. 6.
 men supponit adesse debita culparum ignoscen-
 da.

*Oratio ab
Ecclesia or-
dinata ma-
iorem possi-
det vim im-
petrationis.
Libro II.
cap. VIII.
& lib. III.
cap. II.*

da. Addamus, quòd Hymnorum vsus in Horis Canonicis maiori pollet auctoritate ad impetrandum, quia præsriptus est ab Ecclesia, cuius persona induitur ab orante & psallente deputato siue ratione Ordinis, siue ratione beneficii, siue ratione status Religiosi, vti postea latius dicemus.

Varios diuinæ misericordiæ effectus ex Hymnodia vsu ortos nouimus ex sacris Scripturis: Vnum hoc loco satis sit referre, qui ceteris illustrior videtur; quem omnis populus Israëlitis videre dignus fuit in solemnissima Templi Salomonici dedicatione, magna omnium ordinum frequentia celebrata. Tunc canentes Sacerdotes & Leuitæ singulari lætitiæ affectu concinebant Hymnum illum celebrem in laudem omnium

2. Paral. 7.

operum diuinæ misericordiæ, qui incipit, *Confitemini Domino quoniam bonus, quoniam in seculum misericordia eius*, cum aliis Daudicis Hym-

*Insignis mi-
sericordia
diuina ef-
fectus super
psallentes
in Templo
Salomonis.*

nis; cum ecce ignis descendens de cælo deuorauit holocausta & victimas, deinde Maiestas Domini impleuit totum illud Templum. Omnia ista conspiciebantur ab omni populo, qui lætitia plenus laudabat Dominum, repetens ac dicens:

Quoniam bonus, quoniam in seculum misericordia eius. Has easdem misericordias saltem inuisibiles experitur nostra Ecclesia propter vsu Hymnodia, quæ dum ritè exercebitur, misericordias copiosas semper obtinebit & augebit.

Sicut itaque vnicuique Ecclesiastico facilis est vsus Hymnorum, vt idcirco non sit opus præparare impensas, sed possint à quolibet offerri omni loco & tempore, ita par est vt illis frequenter vtamur ad nostram vtilitatem. Tanta hæc facilitas

cilitas nequit reperiri in aliis Sacrificiis externis *Psalmorum*
 siue rerum siue victimarum, quæ non omni lo- *Sacrificia*
 co, nec omni tempore, neque ab omni homine *possunt ab*
 possunt haberi: at Hymnos potest quilibet, siue *omnibus*
 pauper siue diues, siue in terra siue in mari, of- *offerri om-*
 ferre & cantare, & misericordiam diuinam super *ni loco &*
 se implorare. Hinc cùm sanctus Hymnographus *tempore.*
 prætulisset hilarem ac deuotum cantum Hymno-
 rum cuilibet electissimorum animalium Sacrifi-
 cio dicens, *Laudabo nomen Dei cum cantico, & Psal. 68.*
magnificabo eum in laude. Et placebit Deo super vi-
tulum novellum, cornua producentem & ungulas;
 tandem ad quoscumque siue necessitate siue vo-
 luntate pauperes conuertit sermonem, eisque gra-
 tulatur ob huiusmodi facilem opportunitatem,
 quã habent gratissimas immolandi victimas Deo,
 absque molestia quærendi sumptus: *Videant pau-*
pères, & latentur; quarite Deum, & viuet anima
vestra, quoniam exaudiuit pauperes Dominus. Ex-
 pendere hoc loco possumus luauem ac nobilem
 Historiam, quam scriptam reliquit ad nostram
 vtilitatem & consolationem sanctus Propheta Io-
 nas initio suæ Scripturæ dicens, quòd naufragan-
 tes socij, post incolumitatis obtentæ mirabile be-
 neficium, *immolauerunt hostias Domino.* Quas *Ionæ i.*
 hostias, quæso, potuerunt illi homines immola-
 re Domino, quærit diuus Hieronymus, cùm cer-
 tum sit, in illa naui nullas fuisse victimas immo-
 landas: nam etiam si antea forsân adfuissent ani-
 malia, postea dum periclitaretur naui, vtique
 fuissent in mare proiecta, cùm proiecta fuerint
 omnia vasa quæ nauem aliquo modo aggraua-
 bant: imò res eò deuenit ob periculum, vt de-
 cretum esset proiicere aliquos homines, vt ma-

gis alleuiaretur nauis, vti re ipsa proiectus fuit Ionas sorte extractus. qui nisi à cete ex diuina dispositione fuisset seruatus illæsus, demersus à fluctibus interiisset. Quid igitur potuerunt immolare, quando victimas non habebant? Resoluit dubium diuus Hieronymus dicens, nullo aptiori sensu intelligi posse hanc immolationem, nisi dicamus immolasse hostias labiorum, laudes nimirum & Hymnos, quales obtulit etiam

*Naufragantes pos-
sunt Deo
offerre vi-
ctimas ora-
tionis.*

Ionæ 2.

Ionas in ventre ceti existens; nam dicitur ibi orasse Dominum suum illis verbis: *Ego autem in voce laudis immolabo tibi.* O verè nobiles ho-

stias Deo caras, nobis faciles, imò & viles, quæ numquam nobis deesse possunt! Has sæpè immolabat Hymnographus, vt sibi diuinam promereretur misericordiam: *Immolauit in tabernaculo eius hostiam vociferationis; cantabo, & psalmum dicam.*

Psal. 26.

*Psalmorum
preces Ec-
clesiam sus-
tentant.*

Nisi huiusmodi hostiæ institutæ essent in Ecclesia fidelium opportuno tempore vsurpandæ, actum iam esset de re Christiana, propter grafsantium delictorum frequentiam, quæ iram Dei maximè exacuunt & armant. Verùm flectitur Deus à piis psallentibus, qui quasi mystici luctatores, oratione & precibus Deum flectunt ad postulata, æmulatores effecti Patriarchæ Iacob, qui luctans obtinuit benedictionem postulatam. Imò ausim dicere, quòd Deum cogant nostræ Hymnodix, vt iram deponat, & misericordiam exhibeat; quasi non possit aliter resistere. Hinc

Gen. 32.

postulata, æmulatores effecti Patriarchæ Iacob, qui luctans obtinuit benedictionem postulatam. Imò ausim dicere, quòd Deum cogant nostræ Hymnodix, vt iram deponat, & misericordiam exhibeat; quasi non possit aliter resistere. Hinc illa vox ad Moysen pro populo orantem, *Dimitte me;* vbi Chaldæus legit, *Intermitte precatorem,* vt irascatur furor meus: quia precatio tanti viri, iram & furorem iustum Dei impediēbat, ne

Exod. 32.
*Psalmodia
impedit di-
uinum su-
rorem.*

ultionem

ultionem sumeret de populo contumaci, Hanc misericordiam ne omittamus enixè postulare, ô Ecclesiastici, & pro nobis & pro aliis, ut aliquando valeamus ad ipsum Deum benignum pervenire, qui coronat dona sua in misericordia & in miserationibus, si fideliter expleamus officium Hymnodicæ nobis iniunctæ.

CAPUT XX.

Hymnorum usus morientibus ac mortuis proficiuus.

LICET Hymnorum usus nullam mortalibus utilitatem adferret aliam, nisi alteram ex iis quas hoc Capite probare intendimus, nempe magnum aduersus diaboli insidias præsidium tempore mortis, magnum item vita functis suffragium, esset nihilominus valdè æstimandus ac diligendus. Sola prior utilitas maxima esset, & Hymnodicæ æstimationem extolleret, quia illam necessitatem subleuat, in qua de summa agitur rerum; agitur, inquam, de summa illa felicitate, qua amissa, ad summam pertransitur infelicitatem. Concors est omnium Doctorum sensus, vnicuique morienti adstare & instare dæmones, ut variis insidiis & astutibus animas lucrentur & pertrahant ad perditionem. Non sanctitati, non merito, nec virtuti morientium attendit diabolus aut parcit, sed totus, ut suo muneri tentandi faciat satis, intentus est, siue speret effectum siue desperet. Ea est diaboli conditio, semper ut velit suis exercere tentationibus homines. Ille quidem ligatus habet vires, nec potest quidquid vellet ob-

Dæmones morientibus adstant & instant insidiis.

Diaboli vires sunt ligatæ.

- tinere, vti disertè nobis testatum reliquit diuus
 Apoc 10. Ioannes in sua Apocalypsi dicens, apprehensum
 fuisse ab Angelo, hoc est Christo per Angelum
 figurato, *draconem, serpentem antiquum, qui est*
diabolus & satanas, & ligatum per annos mille, &
missum in abyssum, & signatum super illum. Ca-
 nis est diabolus, aiebat diuus Augustinus, in ca-
 D. August. tena positus, latrare potest, aggredi potest, mor-
 Serm. 197. dere omnino non potest nisi volentem. Leo est,
 de Temp. & circuit quærens quem deuoret, rugire potest,
 aiebat diuus Bernardus, sed ferire non potest.
 D. Bernar. Vult nihilominus experiri suas vires & conatus
 in Psalm. suos, quidquid tandem euenturum sit non cu-
 Qui habit. rans; sitim enim illam, quam habet tentandi, sibi
 Serm. 13. explere videtur.

Iusti cur Ne quisquam miretur, cur Deus permittat
permittan- iustos suos ab hoc tentatore exerceri, voluit mi-
tur tentari sericors Deus quadam nobili visione aliquando
à diabolo causas declarare per Angelum suum, cuiusdam
sub mortis sancti Monasterij custodem. Angelus iste obuiam
sempit. habuit quadam die diabolum, qui venerat solli-
 citus, vt à viris illis virtutum actionibus intentis
 prædam aliquam obrineret; cui Angelus dixit:

Surius 15. *Habebis hic ministerium Monachis quidem fru-*
 Septembr. *ctuosum; sed non tibi proficuum; illis ad expiatio-*
 in Vita san- *nem, tibi ad confusionem. Illico respondit diabolus:*
 cti Aicardi, *Nūquid ego his aut ullis Christicolis debitor sum*
 Diaboli *ad salutem? Angelus subdit: In hoc his debitor es;*
 tentationes *quia si quid in eis est quod rescat, debeat, horrore*
 purgant iu- *visionis tue purgabitur. Ex quo colloquio inter*
 storum ma- *Angelum beatum & angelum damnatum, do-*
 culas. *cuit sanctus Angelus, Deum permittere iustos ex*
 diaboli præsentia tentari; vt talis visio & præsen-
 tia illis proficiat ad expiationem quarundam le-
 uiorum

uorum macularum, quas etiam in iustis perfectis remanere contingit. Hinc est, quod idem Angelus conuersus ad sanctum Aicardum, qui Monasterij illius erat Abbas, dixit: *Ne verearis à facie diaboli, nulla ei in hac Christi familia ad nandum data potestas est, præterquam quod animabus è corpore exituris visio illius expiabilem terrorem incutiet, ut si in eis aliquid est quod refecari debeat, horrenda illius visionis terrore expietur.*

Ob hanc causam insigniores quique sancti vi-
ri sicut non fuerunt immunes ab hac experienda
dæmonis conditione, ita opportuno armorum
præsidio se armare volentes, ad Psalmorum ar-
mamentarium confugerunt, magnam in illorum
recitatione vim constituentes; ita ut ferè omnes
sub mortem Hymnum aliquem, aut saltem ali-
cuius Psalmi vnum vel plures versiculos, ad ne-
cessitatem opportunos, arripere & usurpare stu-
duerint. Ratio principalis, cur tanta virtus ad-
uersus tartareas potestates in Psalmorum usu sit
posita, ea est; quia Dauidis præcipua intentio in
suis Hymnis est ad Deum directa, & ad illius
prædicandam magnitudinem, sanctitatem, po-
tentiam, sapientiam, bonitatem, prouidentiam,
ceterasque perfectiones, seu attributa, quibus fi-
dei nostræ solemniter continetur professio. Nihil
autem magis propulsare dæmonis siue artes siue
conatus, quàm fidei actus, quasi tot validissima
armorum munimenta, docent Apostolorum Prin-
cipes Petrus & Paulus. Ille dicens, *Aduersarius*
vester diabolus tamquam lea rugiens circumit, qua-
rens quem deuoret, cui resistite fortes in fide, hanc
suadet, quæ plurimum valeat ad effugandum
leonem rugientem. Hic etiam asserens, *In omni-*

*Actus fidei
magnam
possidet
virtutem
contra dæ-
mones.*

1. Petr. 5.

Ephel. 6.

Origenes
Homil. de
Elcana.

bus sumentes scutum fidei, in quo possitis omnia tela nequissimi ignea extinguere, fidem suadet, quæ validissimi scuti munus exercens, retorquet omnia diabolica tela, quamuis ignita & ardentia, hoc est valdè efficacia & acuta. Ad quam rem expensens Origenes Davidicum illud pronuntiatum Psalmi 10. vbi de dæmonibus videtur esse sermo sub nomine peccatorum, qui intento arcu parauerant sagittas suas in pharetra, vt sagittent in obscuro rectos corde, ait: Tu si indutus sis armis Dei, si scuto fidei munitus; & galea salutis obiectus; & lorica caritatis & gladio spiritus accinctus, arcus contra te potentium pro munimentis talibus infirmabitur.

Diaboli
tentationes
circa fidem
quomodo
facile superentur.

Magna vis actuum fidei in Deum, præsertim tempore mortis, quando pertinaciores sunt dæmones circa eandem fidem, tentantes illam aliquo modo euertere, sed nihil obtinere valent ab his qui familiares habent Davidicos Hymnos & sententias. Sicut eo tempore non disputationibus differendum est cum astutissimo & doctissimo hoste, ita Davidis Hymnos usurpare frequenter, maximum affert animæ præsidium. Obtinet effectum diabolus facillimè ab his quos reperit hoc præsidio spoliatos & inermes. Est diabolus, ait sanctus Chrysostomus, quasi quispiam ex latronibus qui obsident vias, ad spoliandos iter facientes. Si tunc transiens sit armis munitus, non audet latro exire & aggredi; at inermes si transeant, aggreditur, imò spoliat & occidit. Idcirco inter preces magis opportunas, ad iuvandos morti proximos ab Ecclesia institutas, recitandas ab adstantibus, potiore partem possident Psalmi Davidici; vt sin minùs ipse moriens

D. Chrys.
Homil. 8.
in Epist. ad
Romanos.

non

non valeat vel nesciat vsurpare scutum Psalmo-
rum, saltem adhibeatur ab his qui assistunt in
auxilium. Piorum itaque hominum rectè insti-
tutæ Congregationes sicuti student morientibus
fratribus omni opportuno adesse auxilio, ita post
sanctorum Sacramentorum opportunam obla-
tionem Psalmorum etiam offerunt afferuntve
efficacissimam opem. Non erit abs re hoc loco
afferre quæ in nostro Paulinorum Ordine ex præ-
scripto ritu omnino seruamus, ad fratrum nostro-
rum morientium copiosius auxilium & solatium.
Conuenire omnes Religiosi debent, audito do-
mesticæ campanulæ signo, ad ægroti morientis
cubiculum; & dum huic à Superiore datur sacra
Vnctio, isti alternatim recitant Psalmos de Pœni-
tentia. Qui pius mos si à laicis vsurparetur circa
propriis consanguineos atque amicos morientes,
opportuniorem suggererent opem quàm lacry-
mis & eiulatibus.

Recensere hoc loco libet præcipuos Ecclesiæ
sanctos viros, sanctasque mulieres in Hymnorum
recitatione expirantes. In primis aderit Dominus *Psalmis*
noster Saluator, qui, ad nostram informationem *usus est*
& solatium, sicut viuens & sanus diabolicis vo- *Christus*
luit subiici tentationibus post ieiunium expletum *Dominus*
quadraginta dierum & totidem noctium in de- *tempore*
serto, ita etiam moriens iisdem insidiis passus est *mortis.*
Euseb. Cæ-
se. impeti. Nam proditum est ab Eusebio Cæsa-
riensi, quod morienti Domino, dum esset in cru-
ce grauissimis affectus & afflictus vulneribus, af-
fuit integer exercitus spirituum malignorum il-
lum obsidens, vel saltem circumdans, non quia *Euseb. Cæ-*
putarent se posse ei aliquid afferre nocumenti, sed *far. lib. 1.*
conati sunt illum, quo acriori liceret modo, af- *Demonst.*
figere *cap. vlt.*
Christus
Dominus
in cruce ex-
sistens passus
est diaboli
visiones.

fligere adstantes, aspectibus toruis & hiantes circumspicientes in illum. De qua obsidione, seu afflictione, videtur locutus David nomine ipsius

Psal 21. Christi dicens: *Ne discefferis à me, quoniam tribulatio proxima est, quoniam non est qui adiuvet. Circumdederunt me vituli multi, tauri pingues obfoderunt me, aperuerunt super me os suum.* Quibus Propheticiis verbis videtur respondisse effectus re ipsa in cruce secutus, quando idem Dominus

Math. 27. quasi coactus fuerit clamare ad Patrem, *Deus meus, Deus meus, ut quid dereliquisti me?* quemadmodum ab Evangelistis proditum est: quasi tunc conquestus sit de proprio Patre, quòd. in tanta angustia ab hostibus tartareis illata non præstiterit auxilium. Nullum autem opportunius arripuit remedium benignissimus Dominus quàm verba Psalmorum, dicens: *In manus tuas commendo spiritum meum.* quæ ex Psalmo 30. desumpta esse vnusquisque nouit. A capite nostro nunc ad membra electiora facillimè erit transitus.

Psalmodium De diuo Augustino scripsit Possidonius, quòd **sententiis** sicut viuens Psalmorum lectioni & studio fuerat **usi sunt** maximè addictus, ita sub mortem coluerit maxima frequentia, & recitauerit Psalmos illos qui dicuntur de Pœnitentia, seu Pœnitentiales. **precipui** Diuus Basilii etiam sub mortem recitare aggressus est Psalmum 30. & ad illa verba quæ Dominus noster in cruce pronuntiauerat *In manus tuas Domine commendo spiritum meum*, dicitur expirasse; quemadmodum scripsit diuus Gregorius Nazianzenus eius intimus amicus & socius. **sancti vi-** In eiusdem quoque Psalmi & eorundem verborum **ri mortis** prolatione expirasse diuum Nicolaum Myræ Episcopum, & D. Ludouicum Regem maximam,

ximum, narrant historiæ. De beatissimo Patriarcha Francisco Assisinate narratur, quòd moriens cygneo cantu inceperit Psalmum 141. quem ad Psal. 141. finem vsque profecutus absoluerè commodè potuit; & in suavi prolatione vltimi versiculi, *Me expectant iusti, donec retribuas mihi*, animam Deo creatori reddiderit, vt eam iustorum retributionem re & effectu perciperet, quam Dauidicis verbis nuperrimè decantatis sibi ipse prædixerat. De sancta Paula illa Romana tam celebri, quæ, relicta patria & nobilissimis parentibus, vt soli Deo feruentius vacaret, Ierosolymam commigravit, scripsit diuus Hieronymus, eius in vita spirituali Pater & Doctor, quòd sub mortem ex Dauidicis Hymnis sententias varias vsurpabat, eas præsertim quæ affectum in Deum mouere aptius valerent; vt illa: *Heu mihi! quia incolatus meus prolongatus est.* item alia: *Quem admodum desiderat cervus ad fontes aquarum, ita desiderat anima mea ad te Deus.* Ex nuperrimis afferre possumus, quæ videre & audire licuit Mediolani tribus ab hinc annis, dum ad Comitia nostræ Congregationis generalia conuenissemus. Inuenimus tunc Hieronymum Boërium, qui vnus erat ex primis assessoribus supremi regiminis, quiq; non semel totam Congregationem prudentissimè sanctissimeq; rexerat, graui morbo laborantem, quò tandem nobis ereptus, ad vitam, vti credimus, meliorem transiit. Hunc Religiosum sub mortem in Dauidicis verbis valde assiduū mirabamur; quia præsertim suavi quadam modulatione, apud nos inusitata, Psalmos proferebat. Dum in hoc studio frequens esset, accidit res mira. Nam paulò ante vltimos spiritus,

tus, quando totus calor vitalis ad solum pectus recessisse videbatur, ab astante Sacerdote interrogatus Hieronymus, si Dei memor tunc esset, ipse voce modulata, quæ longissimè è distanti

Psal. 112. loco videbatur exire, clarè cecinit: *Laudate pueri Dominum, laudate nomen Domini. Letatus sum in his quæ dicta mihi: In domum Domini ibimus.*

Mortis tempore frequentiora proferuntur verba, quæ in vita sana habentur magis familiaria. & ferè in illis verbis expirauit. Quales nos contingit esse viuentes, tales quoque tempore mortis perseverantes vt plurimum reperimur. Verba illa quæ familiaria habere solent sancti viri tempore vegetis vitæ, etiam sub mortem repetere consueverunt.

Martyres in tormentis Psalmos canebant. Ipsi sancti Martyres tempore tormentorum nullum iucundius præsidium, ad animi sui leuamen, adhibere nouerant; quàm ex Dauidicis Hymnis aliquem saltem versiculum; vt de sancto Theodoro illustrissimo martyre proditum est, qui inter carnificum manus, dum tormenta subiret maiora, lætus canere auditus est, non sine adstantium admiratione, Psalmum 33. *Benedicam Dominum in omni tempore; semper laus eius in ore meo.* Quæ usurpatio Psalmorum indicium erat non obicuum, quòd in eius vsu morientes erant statim euocandi ad canendas laudes diuinas cum Angelis in perpetuas æternitates. Imò, ad maiorem huius indicij probationem, voluit Deus aliquando huiusmodi viros, etiam post mortem, au-

Psal. 33. diiri prosequentes Hymnum, quem mors adueniens præcidere ausa erat. De Nicasio Episcopo Rhemenfi narratur, quòd ad martyrium ductus canebat Psalmum 118. & ad ea verba, *Adhæsit pavimento anima mea*, fuerit capite plexus; nihilominus non destiterit abscissum caput à pro-

Vincent. Bellouac. lib. 21. Histor. c. 37. Psal. 118. *Abscisso capite audi-* secutione

secutione incepti iam versus, & distinctè auditum est pronuntiare verba sequentia: *Vinifica me secundum verbum tuum.* En quantum Deo placeat hæc verborum Dauidicorū frequentia tempore mortis, dum voluit tantò comprobare miraculo & prodigio hunc vsum. Signum profectò vehemens hoc est ad fauorem studioforum sacræ Hymnodix, quòd sint etiam post hanc vitam destinati ad eorundem Hymnorum continuationem; quam gratiam dignetur Dominus noster ex sua pietate nobis largiri, sicut donauit vocationem ad Hymnodix vsum & frequentiam in hac vita.

Nunc ad vitam functos transeamus, ad quos asserimus se extendere pium Hymnorum cantum ab Ecclesiasticis ministris vsurpatum, & ad ipsorum opem directum tum ex intentione Ecclesiæ, quæ Psalmorum Officiū præscripsit pro defunctis iuuandis; tum ex intentione siue propinquorum siue amicorum viuentium, qui huiusmodi officium ab Ecclesiasticis ministris persoluendum exigunt, & curant; tum ex intentione ipsorum defunctorum, quam, dum essent in humanis, testatam reliquerunt. Hymnorum igitur cantus Deo oblati pro iam vita functis hoc præstat beneficium, quòd ad satisfaciendū aptus est diuinæ iustitiæ pro debitis, cum quibus decedunt animæ iustorum, siue ob maculas venialium culparum, siue ob reatus ex remissione grauiorum culparum à Sacramentis percepta nondum purgatos. Cùm enim in cantu Hymnorum duplex esse queat utilis ratio, labor nempe psallentium & vis deprecatiua, vtrique ista ratio ad auxilium mortuis iustis præstandum est apta.

Quatenus

*tus est diuus
Nicasius
prosequi
Psalmi
versum
inceptum.*

*Hymnorum
cantus pius
valet ad iuu-
uandos de-
functos.*

Quatenus laboriosus est cantus, satisfactionem exhibere potest; quatenus est oratio, potest à Deo impetrare absolutionem. Hinc in Ecclesia fidelium Hymnodia vsus fuit maximè frequens atq; præcipuus, imò videtur omnium rituum antiquissimus, ad mortuos iuuandos: nam ab Apostolis fuisse vsurpatum asserit D. Dionysius Areopagita, ipsorum Apostolorum discipulus egregius. Eundem ritum deinceps ab omnibus Catholicis laudatum Doctoribus, & ab Ecclesia vniuersali approbatum, magni semper fecere quorquor pij fideles exhibere erga defunctos aliquod veri amoris aut gratitudinis signum voluerunt.

D. Dionys.
de Ecclef.
Hierarchia
cap. 7.

Verùm sicuti defunctorum tria possunt genera constitui diuersa, ita diuersos operari effectus Psalmodia vsus statuendum est. Primum genus est eorum, qui decedentes perfectè boni, statim ad vitam euolant beatam. Tunc quia istis defunctis nullum est necessarium suffragium, Psalmodia à viuentibus oblata vices agit gratiarum actionis; gaudium tamen aliquod, quod Theologi dicunt accidentale, augere dicenda est animæ illi beatæ. Alterum genus est eorum, qui decedentes grauib; onusti culpis, transeunt statim ad æternam damnationem. Istis nullum omnino præstare potest auxilium siue suffragium oblata Hymnodia, sed tantummodò potest deseruire viuorum consolationi: cùm enim isti ignorent defuncti consanguinei aut amici exitum infelicem, spem fructus ab Hymnodia percipiendi minimè amittunt, nisi aliquo signo diuinitus dato, de æterna secuta damnatione defuncti reddantur certiores; quemadmodum aliquando, diuina sic disponente sapientia, inter ipsum Psalmorum cantum

cantum manifestatum est. Insigne spectaculum *Spectacu-*
ad hanc rem amplissima Regiaque Parisiorum *lum horri-*
ciuitas digna fuit videre, quod paucis verbis per- *bile cuius-*
strictum libenter subiicio, quia haud modicam *dam defun-*
continet doctrinam ad nostram informationem, *cti.*
sicuti alias etiam peperit tunc præclaras vtilitates.
Anno octogesimo secundo supra millesimum,
dum essent persoluenda cuidam magni nominis
Magistro nuper defuncto in Parisiensi Academia
publica suffragia trium dierum spatio, conuene-
rat tota ferè ciuitas ad Templum vbi cadauer ex-
positum manebat, vt funus tanti viri maiore ho-
nestarent honore & pluribus suffragiis. Ministri
Ecclesiastici stata Psalmorum & precum decanta-
bant Officia: expletis autem Psalmis secundi No-
cturni, cum ad ea verba Læctionis ex libro Iob,
Responde mihi, ventum esset, en defunctus caput Iob 13.
erigens, exclamauit vocè alta se accusatum. Hu-
ius euentus nouitas omnes repleuit timore ac de-
siderio iterum conueniendi sequentibus diebus,
vt viderent exitum rei. Altera die ad eadem ver-
ba psallentium iterum exurgens defunctus, ex-
clamauit se iudicatum. Hic euentus magis deter-
ruit Parisienses, qui sollicitiores conuenere po-
strema die, qua ad eadem psallentium verba au-
ditus est ab omnibus exclamare defunctus se con-
demnatum. Hoc spectaculum nullam certè attu-
lit consanguineis consolationem, sed maximam
tristitiam, aliis tamen admirationem atque timo-
rem, nonnullis verò insignem vitæ mutationem,
præsertim Brunoni Colonienſi, Philosophiæ & *Mira diui*
Theologiæ Magistro, & Canonico Rhemenſi; *Brunoni*
qui statim cautior effectus, mundo renuntians, *vita mu-*
Deo se totum deuouit, secedens vnà cum aliis *latio.*
eiusdem

eiusdem consilij sociis ad montium Carthusianorum asperrimam solitudinem, ubi in summa vitæ austeritate diuinorum contemplationi & miræ sanctitati vacabat: ibique felix dedit initium nouo Religiosorum eremitarum Ordini, qui virtutum insigniorum, sanctitatis præsertim copiosissimis fructibus, Catholicam Ecclesiam exornauit. Tertium genus est eorum defunctorum, qui decedunt nec perfectè boni, nec extremè mali, sed aliquibus culpis leuioribus aut etiam pœnarum reatibus obnoxij, iusti tamen & in gratia Dei existentes. Huius generis defunctis sæpè sæpius profunt Psalmodiæ suffragia, obtinendo vel plenam à pœnis absolutionem, vel saltem earum imminutionem. Verùm non erit abs re nostra hoc loco admonere, quòd forsitan neque omnes defuncti huiusce tertij generis digni efficiuntur fructu suffragiorum. Si namque vera essent quæ tradita sunt ad hoc institutum à Cardinali

Calet. lib. 1. Caetano, multos putò excludendos à fructu isto: qui dum in hac degerent vita, ait hic egregius

Opuscul. Doctor, nullum soliti erant offerre suffragium a-

Tract. 16. liis defunctis, non merentur post mortem gau-

quæst. 1. dere auxiliis & suffragiis viuorum; vel quia Deo sic disponente tradentur obliuioni, vel quia oblata pro ipsis suffragia non accipientur à Deo, sed aliis dignioribus concedentur, in pœnam omissi pij studij erga alios prædefunctos. Hæc sententia ab aliis Theologis communiter non recipitur, sed reiicitur, ob nimium quem præ se fert rigorem: & quamuis neque ego absolute accedere eidem intendo, si nihilominus expendatur ad trutinam æquitatis, non carebit valida ac firma ratione, à pijs fidelibus haud spernenda. Fundatur in regulis

lis æquitatis generalibus, præsertim in illa omnibus notissima, à Domino nostro Scruatore tradita : *Eadem mensura, qua mensi fueritis, remetetur vobis.* Si hæc regula aliquid valoris habere debeat erga defunctos, caueant sibi, qui viuentes nullum aliis prædefunctis exhibere nouerunt suffragium, licet commodè possent haud raro exhibere, iustam isti habent timoris occasionem, ne eadem mensuræ proportio ex iusto Dei iudicio secum adhibeatur. Id aduertant ac vereantur illi Ecclesiastici, qui ab Officiis defunctorum, quæ vel ratione Regulæ vel aliqua alia obligatione tenentur persolvere, quamlibet ob causam, siue iustam siue fictam, libenter se subtrahunt. Debent ipsi è viuis excedere, aliorum exoptabunt suffragia, quæ tamen vel non dabuntur, vel aliis maioris meriti à diuina adscribentur iustitia, vt regula tradita de mensura retributionum suum obtineat effectum. Tandem resumere licebit, quod communiter asseritur absque controuersia sententiarum, nempe pium Hymnorum cantum esse valdè opportunum & efficacem tum ad satisfaciendum, tum ad impetrandum pro defunctis, præsertim quando expletur nomine Ecclesiæ, quæ, vt sæpè dicimus in hoc Opere, est Deo apprimè grata. Valent itaque publicæ Hymnodix pro defunctis ad obtinendum à Deo vel statim plenam, vel citiùs anticipatam à loco Purgatorij liberationem : qui certè valor valdè commendat Hymnodix dignitatem, exigitque à ministris deputatis impentiozem frequentiam illam vsurpandi ad beneficium tot iustorum digno aliquo titulo, siue iustitiæ siue caritatis, expectantium, imò expetentium opportuna suffragia.

CAPVT

CAPUT XXI.

Hymnodia dignitas à calumniis vindicata illustratur.

CONATI sumus diuinarum laudum, quas Ecclesia iugi tuetur frequentatione, excellentiam demonstrare, demonstratamque comprobare, variis aptisque à sacrarum Scripturarum sanctorumque Patrum doctrina argumentis deductis, ut tanti operis ac muneris cognita merita animum piorum suauiter prouocarent, pigrorum autem validè excitarent, ad illius numquam aut omittendam aut remittendam, sed magis magisque in dies augendam deuotam feruidamque executionem. Nouit Deus, cuius oculis & scribentis finis & legentium occulti affectus nudi sunt & aperti, nouit, inquam, effectus proximo elapso triennio à prima Operis editione secutos, qui nobis significati sunt haud pauci, quosque in dies speramus, eiusdem Dei fauente gratia, futuros maiores. Nos quidem putantes, præter disposita in præcedentibus capitibus argumenta, nihil fore vltèriùs necessarium ad Hymnodia dignitatem tuendam penes virtutis pietatisque asseclas, priori huic Libro finem imposueramus. Verùm cum necessitas iterum cudendi Operis vrgeret, ne huius exempla multis deessent flagitantibus, statui, inter alia auctaria, hoc ac sequens Caput ad istius Libri perfectionem instituere, ut variis calumniis, Hymnodia dignitati immeritò oppositis, opportunam offerrem defensionem. Quia Psalmodia publicæ vsus quorundam ingenio

genio ac studiis videbatur contrarius, aut saltem minus aptus; quia item cognoscebatur futurus quam maximè acceptus omnibus animis diuino succensis ardore, diuinamque gloriam cupientibus, vnde amor & honor debebat proficisci, inde ortum habuerunt variae calumniae typis euulgatae, vt, si fieri posset, huius proficui vltus dignitatem aut minuerent, aut in dubium reuocarent, plurimorumque hominum, simpliciorum saltem, qui doctrinas non examinant, animi affectum ab eo aut penitus auerterent, aut ad minimum temperarent. Contra istorum conatus cogor ego scutum opponere iustae defensionis, ne susceptum à me Opus illustrandum iniustae expositum dimitterem offensioni tenebrarum, quas humana offundere non omittit passio.

Scripserant iam nonnulli Theologi, munus pfallendi in choro fuisse institutum, vt inutilibus ac otiosis Religiosis daretur horarum vtilis occupatio. Huius pronuntiati tenor quot contineat iniuriosas calumnias in Deum, in Ecclesiam, & in Psalmos, manifestè potest dignosci ex iis quae sparsim per totum hoc Opusculum opportunis afferuntur locis, magisq; ostendetur ex iis quae mox subiicio. Si namque in primis scopus attendatur institutionis publicae Hymnodiae in choro expletæ, efficacissimum præstò erit argumentum desumptum à fine, qui in morali materia exhibere potest demonstrationem ad detegendam illius pronuntiati iniuriosam prauitatem. Scopus huius *Hymnodiae publicae* non est aliud, nisi solemnis *publica* laus Altissimi Dei, quam Ecclesia sponsa sanctissimo suo sponso Deo intendit iugem perfectamque publicè offerre, vt imitetur, quantum hu-

mana fragilitas patitur, laudes solemnes, perfectasiugelq; à triumphante in cælis sorore publico cantu oblatas eidem Deo. Nec de veritate huius asserti finis quis potest iustè ambigere, si vim solius nominis *solemnis Hymnodia* expendere noverit: nam laudationem Dei conditionibus quibusdam coniunctâ significare eam omnes sciunt. Quod namque Græci dicunt Hymnum, Latini explicant laudem Dei; solemnitatem autem exigere plurium canentium in Templo vnionem nemo negat. At rogo, quis potest absque graui iniuria tum Dei, tum Ecclesiæ, tum Hymnorum excludere ab hoc insigni publico munere solemnisi laudationis diuinæ sapientes, egregios vilesque viros, assumere volens otiosos inutilesque tantum?

Offenditur Deus, à cuius famulatu in opere tam sublimi, quod est exterioris cultus publici, eidem Deo à mortalibus exhibiti, non mediocre instrumentum, subtrahuntur magnæ notæ ministri, relictis illi tantum inutilibus & otiosis; cum tamen ipse Deus, qui primus sibi instituit iuge exercitium harum solemnium laudum in cælis, ad chori formam versibus alternis explendarum, deputarit tanto muneri insigniores naturas à se factas, Angelos nempe omnes constituens præcipuos suarum laudum præcones ac perpetuos cantores. Si Deus sibi eligit meliores perfectioresque substantias ad publicam solemnemque suarum laudum celebrationem, quare homines volunt eidem Deo adscribere viliores, ineptiores imperfectioresque cantores? Ecclesia offenditur, dum ipsi imputatur, quod numquam cogitatione apprehendit, imò quod alienum maxime

ximè est ab ipsius mente : nam sicut ipsa veller
 sponsum suum omni qua decet laudatum reue-
 rentia non tantùm priuatè , sed publicè coram
 omnibus hominibus ; ita huic præclaro muneri
 laudandi Deum addicere studet insigniores vtriuf-
 que Cleri , Regularis & sæcularis , ministros. Si
 quis consulere voluerit veritatem , cognoscet fa-
 tebiturque , Capitula Ecclesiarum præcipuarum
 ferè constare viris ingenio , nobilitatè ac virtute
 insignioribus. ex iis deinde vniuersalis Ecclesiæ
 Præsules eliguntur. At Capitula ista non aliam
 respiciunt maiorem grauioremque obligationem,
 quàm Ecclesiæ seruitium , chori præsertim assi-
 duam frequentationem , vt Hymnis & Canticis
 (ait Concilium Tridentinum) Dei nomen reue-
 renter , distinctè deuoteque studeant laudare.
 Non igitur institutus est chorus ad occupandos
 inutiles & otiosos tantùm. Quòd item cæterus Re-
 ligiosorum chorum ex instituto habentium sem-
 per fuerint , hodieque sint florentissimæ Acade-
 miæ virorum in omni virtutis genere excellen-
 tium , ingenio scilicet , doctrina , prudentia , no-
 bilitate , sanctitate , est adeò notum orbi , vt nulla
 sit opus peculiari probatione , ne tempus frustra
 in re tam aperta conteratur. Recolantur tantum-
 modò insigniora sanctæ Ecclesiæ lumina ex quo-
 libet huiusmodi Religiosorum Ordine educta ,
 nempe Episcopi , Cardinales , Pontifices summi ,
 sancti Martyres , Confessores & Virgines , qui
 eandem Ecclesiam doctrina , operationibus , vir-
 tutibus , sanguine , laboribus exornarunt aux-
 runtque , tunc ipsis quoque cæcis patebit tantæ
 veritatis fulgor insignis. Si dicat quis , non sem-
 per omnes Religiosos esse melioris notæ & con-
 ditio-

*Canonico-
rum Capi-
tula viris
constans
egregiis.*

*Concilium
Trident.
Sess. 24.
cap. 12. de
Reform.*

ditionis insignis; huic respondebitur, neque omnes, neque semper plures esse otiosos & inutiles, sæpè autem vel omnes vel plurimos esse ad Regularis Reipublicæ munera, quibus vtilissimè distinentur, aptos. Status Religiosus is est, ut propter altitudinem suam admittat viros non inutiles, sed ad res præclaras aptos, non otij amicos, sed otij hostes virtutumque cupidos, & nihilo minus chorum semper habuit & coluit. Offenditur præterea Hymnodia præclara conditio, quæ dum Dei iudicio digna habita est Angelorum beatorum consortio & familiaritate, ab hominibus vix digna censetur ministris inutilibus & otiosis, indigna omnino viris ad Præfulatus, Cathedras & suggestus aptis; quasi omnes diei horas regimini tantum, tantum doctrinæ & concionibus tribuere liberum sit, nullis præterea muneribus aliis, siue naturæ siue voluntatis, siue pietatis siue consuetudinis, possit quis eorum inferuire; vel quasi omnes diei horæ in choro & cantu sint absolvendæ. *Omnia tempus habent*, asseruit Sapientissimus hominum. Addamus nos tempus esse regiminis, tempus doctrinarum, tempus concionum, tempus diuinarum laudum, nec semper vnum idemque tempus duobus muneribus vnà obeundis esse destinatum. Quod si aliquando duplex occupatio grauis foret eodem temporis spatio explenda, vtrique muneri magis necessario esset parendum, altero omisso, ut graduum diuersitas tribuatur ordini actionum: nec idcirco licebit inde regulam desumere communem agendi eodem modo in quocumque ordinario euentu. Huic Hymnodiae offensioni coniungitur necessariò offensio non leuis Davidis

Auctoris.

Eccle. 3.

*Dignitatis
ordo ser-
uandus in
operatio-
nibus.*

Auctoris Hymnorum : nam iste nullum egregiorum hominum genus excludit à cantu suorum Hymnorum, imò grauiiores doctioresque, Reges quoque & Principes maximos veller, atque enixè inuitat ad hunc cantum. Illustrem huiusmodi supremorum graduum compellationem ad laudes Deo concinendas habemus Psalmo 148. qui totus est ad hanc compellationem perficiendam, inuitans Angelos, cælos, elementa, omnia denique creata ad hoc sublime munus solemnis Hymnodix: at quando descendit ad hominum compellationem, à dignioribus sumit exordium, dicens, *Reges terra & omnes populi, Principes & omnes Iudices terra*; deinde pertransit ad alios ordines quoscumque, *Iuuenes & virgines, senes cum iunioribus laudent nomen Domini*. Vtus itaque Hymnorum non censetur à Dauide indignus sceptrò & corona vtentibus, quamuis, ratione gradus & status, isti sint grauissimis maximisque regiminis publicæque rei distenti curis: imò istis ante omnes indicitur cantus Hymnorum; quia, sicut proximiores sunt Deo ratione gradus, ita arctioris obligationis vinculo tenentur cum laudare ac celebrare, vt illius excelsam magnitudinem non solum corde sed etiam ore confiteantur, & profiteantur, se ab illa, tamquam ab vnico verò fonte, cuiuscumque exaltationis cognoscere acceptum, quidquid ipsi obtinent eminentiæ & dignitatis. quòd paucis quidem, sed aptis verbis concludere voluit sanctus Hymnographus sequentibus verbis: *Quia exaltatum est nomen eius solius*. Nec quisquam dicere hoc loco potest, Davidicæ inuitationis propositum satis superque adimpletum iri quacumque adhibita

O 3

lau-

laudatione, siue propria siue impropria, siue voce siue moribus, siue priuata siue solemni. Huic occurrit ipse Dauid, qui (vt suæ intentionis manifestam afferret declarationem, quantum ad homines à se inuitatos, ne quis erraret, putans eos accersiri ad diuinas laudes eodem modo explendas, quo ceteræ res inanimæ & ratione carentes inuitantur) exprimit se exigere cantum proprium; vt homo laudet Deum suum eo perfectiori quo potest modo. Nec satisfaceret Deo homo vsum habens vocis, si absque voce Deum laudaret. Quare Dauid incipit Psalmum proxime sequentem his verbis, *Cantate Domino cantum nouum; laus eius in Ecclesia sanctorum.* imò, augens eandem animi sui declarationem, annectit tertium alium Psalmum duobus præcedentibus, in quo mandat, præter vocem & cantum oris, varia assumi instrumenta musica, scilicet tubæ, psalterij, citharæ, tympani, organi & cymbali. Nec istorum trium Psalmorum diuersitas minuit auctoritatem prædictis declarationibus: nam præterquam quod omnes huiusmodi Hymni ab vno eodemque proficiscuntur spiritu, nouimus hosce tres Psalmos singulari quadam gaudere connexionem & vnione, cum fuerint à Davide vnus post alium ad eundem finem compositi & directi, vt appositè obseruauit Cardinalis Bellarminus in suis Commentariis, & sensus Ecclesiæ vniuersalis voluit comprobare, dum in Officio Horarum Canoniarum quotidie eodem cantat quasi vnicum Psalmum, vnum cum alio continuans. Et ne in posterum vllus hac in re superesset ambigendi scrupulus, testatam voluit sanctus Dauid eandem animi sui declarationem

Psal. 149.

Bellarmin. in
Psal. 148.

tionem solemnī alia confessione loquens cum Deo ac dicens : *Confiteantur tibi Domine omnes* Psal. 137. *Reges terra, quia audierunt omnia verba oris tui: & cantent in viis Domini, quoniam magna est gloria Domini. Quoniam excelsus Dominus, & humilia respicit, & alta à longè cognoscit.* En à Davide videmus expressis verbis indictum Regibus cantum proprium & materiam cantus, nempe Dei magnitudinem, gloriam, maiestatem, potentiam, sapientiam. Rex erat, & quidem potentissimus, Ezechias ille in sacra celeberrimus Historia, propter egregias cū in bellicis rebus & 19. tum in diuino cultu procurando dotes, tamquam verus Dauidicæ non solum coronæ, sed & virtutis & probitatis heres; is nihilominus libens ac volens omnipotenti Deo, à quo supplex poscebat sanitatem, aliquando spondit magnificis verbis Psalmorum cantum, non breuem vnus tantum aut alterius diei, sed quotidianum vsque ad mortem; non priuatum intra palatij ædes, sed publicum, in Templo Sacrificiis ac Hymnodicæ dicato, dicens: *Domine saluum me fac, & Psalmos nostros cantabimus cunctis diebus vite nostre in domo Domini.* Tandem, ad pleniorē dictorum confirmationem, mentem conuertamus ad Reges illos aurea corona redimitos, quos vidit & descripsit in sua Apocalypsi beatus Ioannes Apoc. 4. stolus: Reges enim illi erant, seniores item erant, & 5. & coram ipso Rege Regum, propter venerandam dignitatem, sedere permittēbantur, & coronas depositas resumere; plures quoque, non vnus tantummodò, scilicet viginti quatuor erant, & nihilominus tum citharis tum voce sonora cantabant canticum nouum. Quòd itaque decet Re-

ges caelesti iam gloria ornatos, quis dicere audebit, minimè decere homines perfectionis studiosos in gradu aliquo constitutos inter mortales? Tanta est huius sacri muneris cantandi Hymnos Deo sublimitas, ut insigniores ac nobiliores hominum gradus debeant se censere maximè honoratos, quando ad illud assumuntur. Huius muneris sublimitatem cognoscere digni effecti sunt in Catholica Ecclesia multi præclari ac summi orbis Monarchæ, qui sponte se opulentissimis florentissimisque Regnis abdicarunt, ut inter Monachos deuotos, non turpis otij gratiâ, sed ut in choro die noctuque canentes, Dauidisque consilium explentes, Deo optimo maximo in Psalmis & Hymnis darent gloriam.

Apud Baronium annis 644.
672. 680.
704. 726.
747. 750.
803. 813.
855. 927.
945. 1034.
1131.

Ex hæcenus adductis colligi item potest, prædictas offensiones ad varios summos Pontifices, Cardinales, Episcopos, piissimosque Reges & Principes Catholicos pertransire: nam ab iis nouimus varias in Ecclesia Dei omni tempora & ætate fuisse institutas egregias foundationes Monasteriorum, Conuentuum, Capitulorum, assignatis pinguiissimis redditibus ad eum præcipuum finem alendi non otiosos inutilesque, sed præclaros egregiosque viros, qui dies noctesque frequentarent cantum Hymnorum in choro, ut publicus Dei cultus dilatetur, ac magis magisque augeatur. Insigniores foundationes præcipuorum Monasteriorum & Capitulorum, quas videt Germania, Gallia, Hispania, Polonia, Italia apud varias Ecclesias, & apud varios Religiosos Ordines, Canonicorum Regularium, Præmonstratensium, Cisterciensium, Carthusianorum, Benedictinorum, Hieronymianorum, sicuti ortum habuerunt

habuerunt ex pia liberalitate summorum Pontificum, Episcoporum, Cæsarum, Regum, aliorumque Principum & Vniuersitatum, ita in eum finem sunt directæ, vt diuinus cultus, præsertim publicus in choro cantus, exerceretur tum diurnus tum nocturnus. In cuius veritatis amplior confirmationem reddere quoque voluit nostra ætate luculentissimum testimonium Philippus II. prudentissimus maximusque Hispaniarum Rex fundacione celeberrimi Templi ac Monasterij, Escuriale nuncupati, quod maximis thesaurorum sumptibus ita vndequaue absolutum reliquit, vt non solum omnium insigniorum Europæ ædificiorum, quæ hætenus extant, superet artem ac pulchritudinem, sed venientibus quoque sæculis sit semper futurum admirationi. Censuit potentissimus Monarcha, insignem istam molem immensamque ferè thesaurorum summam rectè collocatam esse in numero egregio Eremitarum Monachorum, qui Hieronymiani dicuntur, alendo, vt in eodem magnificentissimo Templo sanctaque domo die nocteque laudes peragantur diuinæ ea grauitate ac pietate, quæ ab illis Religiosis impensè obseruatur. Sunt, non negarim, in omnibus Congregationibus viri inutiles, at non pro iis tantummodò institutæ sunt huiusmodi fundaciones, sed præcipuè pro generosis qui otium oderunt. Dolendum est, quòd posterioribus hisce temporibus prodierint, & in dies prodire haud cessent non pauci ex Catholicis arctiorem disciplinam Ecclesiasticam profitentibus, qui ab Ecclesia Dei auertere non erubescant præcipuam hanc ipsius Ecclesiæ erga Deum suum cultus oblationem, dum docent ac

*Escurialis
in Hispania
celebris
extructio.*

dicunt, cantum Hymnorum otiosis inutilibusque solummodò hominibus conuenire. Si quis Hymnorum cantum nec amat nec recipit penes se, cum minimè debet conuitiis lædere: lædit enim antiquissimum, frequentatissimum sanctissimumque Ecclesiæ ritum à Deo institutum & approbatum, quemadmodù pluribus argumentis & locis in hoc Opere demonstramus. Præstat hoc

Rom. 14. loco ad imitationem beati Apostoli Pauli aientis, *Is qui manducat, non manducantem non spernat: & qui non manducat, manducantem non iudicet*, præstat, inquam, dicere, qui Psalmorum cantum non recipit, canentes in choro ac iugi cantu psallentes non irrideat: qui item cantum istum frequentat, non canentes minimè spernat. Hoc suadet Christi caritas, quæ magis vrget in re præsentì ad cantum Hymnorum spectante, cum agatur non de re adiaphora, sed de re ad Religionem ex genere suo directà; agatur de opere præcipuo ad publicum diuinum cultum tum peragendum tum augendum instituto, à quo abstinere nefas omnino foret. Plura, quæ adhuc possent contra hanc calumniam afferri, libens prætermitto, quia de eadem materia iterùm sermo redibit in tertio Operis libro, vbi præcipuè demonstrare conabimur, chori cantum nulla impedire egregia facinora. Interim ad aliam nouam refellendam calumniam accedamus.

Libro III.
cap. XVII.

CAPVT XXII.

Calumnia alia contra Hymnodia præstantiam edita refellitur.

CALUMNIA alia Hymnodia præstantiam acriter oppugnans prodiit ab obscuro, sed astuto, nupero scriptore pietatis speciem habente, sed reipsa pietatem abnegante. Paulò antiquior est ista calumnia Opere meo, sed nuper tantum, anno videlicet M. DC. XXX. dum essem Cracouia in Polonia, vbi illa primùm prodiit, mihi innotuit. Hanc haud sine graui animi sensu legi, videns siue à Religioso viro (Religiosum esse scripturæ contextus, vt multi putant, conuincit) siue saltem à Theologo (hoc namque solum nomen sibi præscripsit Auctor) criminationes renouari contra munus præcipuum Religionis, quæ inter *Religionis* morales virtutes supremum tenere locum, communis adstruitur Theologorum calculo. Prodiit in lucem noua ista calumnia, contra publicæ in choro Hymnodia meritum, in epistola cuiusdam Theologi ad quemdam Magnatem, scire cupientem, quomodo posset distribuere bona sua temporalia ad pios vsus cum vtilitate quammaxima animæ suæ, & cui Ordini Regulari vnum è nepotibus suis, vitæ Religiosæ desiderio captum, deberet addicere. Hoc titulo prænotatur epistola scriptoris huius, qui noluit ex nomine cognosci. Quicumque sanè is sit, certum est, omnes eius conatus dirigi, ad piissimi Magnatis animum ab Ordinibus Regularibus, vel sacræ Psalmodiæ studiosis vel vitæ seueritatem profitentibus, auertendum,

dum, tamquam ineptis ad consecutionem eius quammaximæ gloriæ Dei à Magnate intentæ. Hanc suam epistolam voluit Auctor typis impressam, ut eam commendaret æternitati, & pluribus communicaret Magnatibus. Pro vitæ seuerioris iusta defensione nulla mihi in hoc Opere incumbit cura, cum de Psalmodiæ meritis sit finis & scopus. Quare alteri isti parti libens supersedebo, tum ne extra limites egrediar mihi ipsi præfixos; tum maximè quia falsa omnia eiusdem epistolæ dogmata reiecta copiosè iam sunt à dōcto Auctore, item Religioso, itemque Polono, Psalmodiæ publicæ & vitæ seuerioris professore & cultore, qui veri zeli arma aurea indutus, Apologeticum pro aliis Ordinibus Religiosis instruxit & opposuit propugnaculum. Ad Psalmodiæ igitur præstantiam tuendam cogor, ne muneris desim meo, quando huius præclara merita mihi assumpsisti ostendenda. Ego itaque à cæpto stylo minimè discedens, examinabo vim rationum istius scriptoris, ut cognita earum falsitate, clarior elucescat Hymnodiæ nostræ pulchritudo & splendor.

Ut Magnatem suum iste Auctor doceat perfectioris Religionis electionem, cui & bona & nepotem tradere sine errore queat, nititur ei persuadere, non esse magnificiendos illos Ordines qui Psalmodiæ præstant operam, ob sequentes rationes; quia scilicet non ita glorificatur Deus, nec anima ditatur per Psalmodiam, sicut per opera dilectionis Dei & proximi. & quia magis est æstimandus orationis usus quàm Psalmodiæ. Item quia nobilior modus prouocandi homines ad deuotionem est per doctrinam & prædicationem quàm

R. P. Fr.
Nicol. à
Iesu Maria
Carmelit.
Discalc.

quàm per cantum. Insuper quia, propter faciendas eleëmofynas corporales, expedit omittere Psalmodiam; igitur multò magis expedit eandem omittere propter eleëmofynas spirituales, docendo nempe, scribendo, corrigendo, & huiusmodi opera faciendo. Rationes istæ egrediuntur in publicum, indutæ aureum diuinæ dilectionis paludamentum chlamydemque purpuream honoris erga aliarum virtutum officia: nihilominus, quod maximè dolendum est, nituntur caritatem ceterasque euertere virtutes; at, quod maximè consolatur, omni probandi vi sunt prorsus destitutæ. Omnes istæ rationes falsa nituntur suppositione, quam tamen opus erat validè adstruere, vt propositæ intentioni robur possent communicare. Suponunt tamquam certum, quòd vbi studium viget publicæ Hymnodia, ad eò vigeat hoc studium, vt cetera opera, tum caritatis erga Deum & proximum, tum orationis & eleëmofynarum spiritualium, ibi iaceant; vel quia voluntariè sint à Psalmodicis derelicta, vel quia nequeant ob cantus occupationem ab istis exerceri. Hac data hypothefi, vim vtique aliquam haberent rationes & argumenta à Theologo disposita; at sine huiusmodi hypothefi corruunt penitus omnes illationes. Libenter ac sponte concedimus, opera caritatis erga Deum & proximum præstare ceteris aliarum virtutum, etiam Religionis operibus, quemadmodum caritas ipsa præstat dignitate & merito virtutibus quibuscumque, ex Apostolica beati Pauli Theologia: *Major autem horum est caritas.* At 2-1. Cor. 13. quum, imò necessarium est negare illationem, quam inde elicere contendit scriptor, scilicet: Er-

go ubi Psalmodia viget, non potest esse tanta dignitas ac perfectio, quanta adest ubi caritas floret. Vnusquisque probè cognoscit, huiusmodi illationem non consequi exposito principio. Si quid roboris haberet hoc genus argumentationis, vrgeret quoque ad excludendum à perfectioribus Religiosis Ordinibus studium præcipuarum virtutum, quæ tamen necessariae omnino censentur. Aliquis, vt excluderet orationis studium; sine quo nullus consistere potest Ordo Religiosus; posset procedere hoc eodem argumento: Oratio est merito & gradu inferior dilectione Dei & proximi; igitur Ordo ille, ubi orationis assiduum studium reperitur, est dignitate inferior aliis Ordinibus dilectioni Dei & proximi intentis. Hæc illatio profectò nec à Theologo ullo, nec à Philosopho aut Logico admittetur ob hanc apertam rationem; quia non consequitur ex illa antecedente propositione, cum studium orationis minimè excludat studium perfectissimæ dilectionis Dei & proximi, nec studium istius dilectionis pugnet cum illo studio orationis, imò utrumque inuicem se complectatur. Quapropter vt argumentationes Theologi istius vim possideant, debet ipse descendere ad prosecutionem syllogismi, & probare, Ordines Psalmodiæ studiosos numquam posse æquè admitti ad consecutionem eius dilectionis Dei & proximi, ad quam nituntur alij Ordines, Dei gloriam & proximi utilitatem quærentes absque publicæ Psalmodiæ vsu. Si non descendatur ad hanc probationem, omnis vis argumentorū, vt dixi, penitus corrui, & huiusmodi argumentandi modus à rectè sentientibus reputabitur Sophistica astutiā, ad decipiendos
idiotas

idiotas parata ac disposita. Verùm ad hanc necessariam assumptæ suæ, intentionis probationem noluit descendere Auctor, sed eam sub velo speciosæ à se factæ propositionis contestam reliquit, ut incauti Lectores ab illa apparenti specie seducti in eam inciderent, falsitatemque reciperent pro veritate. Constituamus itaque esse indubitatum ac certum apud Catholicos Theologos, minimè pugnare inter se hæc studia Psalmodiæ & dilectionis Dei & proximi, sed esse maximè affinia atque conformia. Caritatem fouet Psalmodia deuota, Psalmodiæ deuotionem excitat caritas, mutuoque altera alteram auget & illustrat, ut haud semel ostendimus hoc eodem ac sequenti- Libro I. cap. XII. libro II. cap. XII. libro III. cap. XVII. D. August. lib. 9. Confess. cap. 4.

bus Libris. Huius inter sanctam dilectionem & Psalmodiam connexionis amplissimum orbi reddidit testimonium diuus Augustinus aliàs à nobis allatus, quem non pigebit, ob rei grauitatem simul & iucunditatem, iterùm asserre: *Quas tibi voces dabam in Psalmis illis, & quomodo in te inflammabar ex eis, & accendebar eos recitare, si possem, toto orbe terrarum aduersus typhum generis humani? & tamen toto orbe cantantur, & non est qui se abscondit à calore tuo.* Huic illustri confessioni ratio non repugnat, sed suffragatur Theologica. Nam quamuis Psalmodia minimè sit ex genere suo actus caritatis, sed Religionis, non idcirco Theologis est nouum asserere, eam à caritate aliquando proficisci, tuncque esse opus caritatis. Caritas namque, ratione suæ regię dignitatis, inter omnes virtutes hanc possidet prerogatiuam extendendi suum imperium ad opera quæcumque ceterarum virtutum, iuxta suauissimam doctrinam Ecclesiæ traditam ab Apostolo Paulo

Caritas inter virtutes regiam habet dignitatem.

1. Cor. 13: Paulo opera caritatis celebrante: *Caritas patiens est, benigna est, omnia suffert, omnia credit, omnia sperat, omnia sustinet.* Qua doctrina innixi omnes Theologi tradunt, distinctionem illam actuum caritatis, nempe vel elicitorum vel impetratorum, omnibus notam. Imò nec defuere ex Theologis qui caritati vim concedant immediatè eliciendi actum exteriorem siue Religionis siue alterius virtutis, nullo habito respectu vel ad Dei cultum religiosum, vel ad illam virtutem, à qua poterat huiusmodi elici actus: At, quæso, quo possent modo in hac mortali vita dissidere inter se duo præclara illa dilectionis & cantus munera, quæ ita cum intellectuali natura, siue Angelica ea sit siue humana, sunt erga Deum coniuncta, ut numquam ab inuicem esse separanda in patria beata constanter assenerent sacre Doctrinæ? Eua- cuabuntur Prophetiæ, linguæ cessabunt, destruentur scientiæ, nec aliquando opus erit lectionibus, scriptionibus, concionibus vacare, numquam tamen aut caritas aut cantus omittetur, imò Dei dilectio semper ardebit, & diuinæ laudes sine intermissione resonabunt in cælis. Cum itaque minimè pugnent inter se caritas & Hymnodia, quomodo quis potest iustè inferre, Ordines Hymnodia cultores non esse tanti faciendos, quanti debent fieri Ordines caritatis studiosi, cum etiam illi profiteantur vnà cum Hymnodia vsu idem caritatis studium? Nouerunt omnes Catholici, à præcipuis Religiosis Ordinibus mixtam vitam profitentibus perfectè expleri vtramque sanctæ dilectionis partem tam erga Deum quàm erga proximum, tum gloriam Dei quam maximè promouendo, tum eleëmofynarum spiritualium frequen-

Suarez de
Act. carit.
disput. 1.
sect. 1.
num. 7.

quentissimis largitionibus, doctrinas scilicet tradendo, libros scribendo, conciones habendo, Sacramenta ministrando, contra hæreses pugnando. Nec Psalmodiæ publicæ vsus has aut impedit aut retardat caritatis operationes, quamuis multas & magnas. Si aptè distribuantur diei horarum diurnarum tum nocturnarum, varia ac diuersa possunt etiam ab eodem vno homine peragi ministeria, quantò magis ab vno integro corpore, ex variis electis membris constante, nempe ab integro Ordine, Monasterio, aut Collegio virorum electorum, multa poterunt expleri? Vni tantum rei vacare eundem hominem nec vsus comprobatur, nec ratio suadet, sed varia opera ex necessitate, iuxta varietatem horarum, sunt implenda. Si necessitas urgeat aliquando implere eodem temporis spatio duo munera diuersa, tunc graduum diuersitas à Theologo allata in sua epistola, & à nobis etiam in præcedenti Capite confirmata, locum habere debet, munusque ordinis inferioris omitti aut poterit aut debebit, vt locus & tempus deferuiat muneri altiori & vtiliori: tunc qui erit huiusmodi muneri addictus, poterit, absque vlla Regularis obseruantie iactura, ab vsu chori se subtrahere. Nec ista immunitas communi illi ac strictissimæ disciplinæ, quæ nullam exemptionem aut in cibis, aut in vestibus aut in obedientia permittit, cuiquam Religioso, quamuis præstantissimo, poterit dici noxia. Nam in quolibet Religiosorum arctissimo statu plurima alia, propter causas necessarias, circa disciplinæ rigorem conceduntur ad tempus determinatum, verbi gratiâ indigentibus ægrotis vel carniui comestio, vbi illa ratione Regulæ prohibetur;

D. Bernar.
dePræcept.
& dispens.
cap. 3. 4. &
sequent.

tur; vel lini aut lanæ, aut molliorum etiam pel-
lium vestes tempore morbi, quæ nihilominus
non sunt hæcenus cognita Regularibus Statutis
noxia, quia huiusmodi Statuta minimè censentur
comprehendere iusta necessitate impeditos:
tuncque intelliguntur cedere pro tempore caritati,
quam omnia respiciunt sancta Statuta. Ad
quam rem sanctus Bernardus in aureo suo Tractatu,
quem de Præcepto & dispensatione scripsit,
vbi egregiè agit de Regularium Statutorum
dispensationibus, intermissionibus mutationibusque
ad tempus, tradit etiam alia, licitè innoxieque
qualibet huiusmodi Statuta posse pro causis,
personis, locis & temporibus dispensari,
studiosè adhibens illa verba, *licitè innoxieque*,
vt intelligeremus, nullum damnum ipsis Statutis
inferri, quando in eis ad tempus ex causa dispensatur:
causa tamen debet esse minimè levis, sed grauis,
nec pro libito aut dispensantis aut petentis
dispensationem, sed vera & realis. Quod si in
aliquo Ordine nullæ (quàmuis iusta necessitas
id exigat) concederentur discretæ dispensationes
sub specie maioris perfectionis, id dubio procul
futurum dicerem valdè noxium caritati in qua
perfectio consistit; & tunc, quæ caritatem debent
in primis respicere, contra caritatem pugnarent.
Quare ad rem nostram absolute puto, melius esse
chorum habere vnà cum immunitatis alicuius
necessariæ singularibus personis ad tempus
permissione, quàm illo omnino carere ob eam
rationem, ne locus pateat exemptionibus huiusmodi
quærendis; licet neotericus alius scriptor docere
conetur contrarium, dum potiùs auferendum
censet chorum ab integro Ordine,

ne

ne particularis aliquorum exemptio, quamvis ad tempus, admittatur, quàm illum amplecti cum huiusmodi limitata exemptione temporis, personarum & muneris, etiam si multi alij possent eidem choro commodè vacare, absque detrimento altiorum vtiliorumve negotiorum quæ accidere solent ab aliis expedienda. Extra veræ necessitatis angustias, quæ admodum frequentes esse minimè solent, sunt cuilibet muneri apud Religionem rectè instructas assignata horarum spatia opportuna singulis muneribus, ut omnia queant perfectè peragi à viris generosis. Ad cuius rei pleniorē fidem subtexo testimonium celebris Carthusianorum Ordinis, licet non mixtam, sed eremiticam monasticamque profitentis vitam, qui inter alios resplendet non tantum ob vitæ austerioris severam disciplinam, sed etiam ob singularem nocturni diurnique cantus in choro assiduam prolixitatem. Hic quidem Ordo variis temporibus viros peperit præclaros, qui libris scribendis, ad dilatandam Dei gloriam maximè aptis, insudarunt. Istorum Scriptorum vnicum sit nobis exemplum Laurentius Surius, qui nul- *Laurentij Suriij assiduitas ad studia & ad chorum.* lam licet immunitatem nec ab Hymnorum cantu, nec à ieiuniorum macerationumve, quæ in illo Ordine plura sunt & perpetua, observationibus petiisset, plurima tamen egregia potuit conscribere Volumina, quæ summi Dei, sanctorumque virorum ac militantis Ecclesiæ auxerunt gloriam. Quod si plures Religiosi, cuiuscumque sint Ordinis, nec librorum scriptioni, nec disciplinis tradendis in scholis, nec concionibus habendis, nec aliis muniis præclaris, ad quæ apti essent, vacare nouerunt, id non Hymnodicæ prolixitati aut

labori à vitis tribuetur prudentibus ; cùm in ple-
 risque Ordinibus vitæ mixtæ professoribus ea sit
 minimè tanta , quanta apud Carthusianos alios-
 que tantùm contemplatiuos , qui magnam dici
 partem in cantu absumunt Ecclesiastico , sed sit
 admodum temperata ac suavis , quæ à multis
 censetur animi potiùs pia relaxatio quàm onus
 molestum , aut graue impedimentum. Tribua-
 tur turpis ista vacatio aut infirmitati , aut negli-
 gentiæ aut alteri vitio ipsorum psallentium , qui
 nesciant nolintve talenta Domini sui exercere. Si
 item nonnulli extra veram necessitatis causam
 quærunt petuntve immunitatem à choro , id ne-
 que studij neque occupationis cuiuscumque con-
 ditioni , neque item chori aut cantus naturæ , sed
 ipsorum petentium adscribatur libertati. Has ex-
 emptiones minimè quærunt alacres feruidique
 Religiosi , imò etiam sponte-oblatas , aut alio iu-
 sto titulo à Superioribus concessas sæpè recusant.
 Nec iactantia foret, asserere, in Ordinibus Hym-
 nodiæ studiosis adeò floruisse litterarũ omnis ge-
 neris studia, haud sine diuinæ gloriæ incremento,
 vt per ipsos, quæ iam dici poterant in Christiana
 Republica pænè extincta, fuerint ad vitam reuo-
 cata ; nam res ipsa de se loquitur , & ab omnibus
 est asserta historiis. Nec item iactantiæ esset tri-
 buendum , si dicerentur ex iisdem Ordinibus
 semper prodiisse in diesque prodire viri diuina
 adeò æstuantes caritate , vt mundus dubitare de
 ipsis potuerit , num homines essent spirituales,
 an spiritus Seraphici in humano corpore viu-
 entes , vel saltem essent Apostolici homines. In-
 nuere sit satis in præsentī aliquos ex notioribus
 duorum tantùm præcipuorum Ordinum, nempe

pe D. Thomam Aquinatem, D. Vincentium Fer-
 reriū, D. Raymundum à Pennafort, D. Hyacinthum Polonum, ex Ordine sancti Dominici;
 D. Bonauenturam Balneoregiensem, D. Antonium Lusitanum seu Patauinum, D. Bernardinum Senensem, B. Ioannem à Capistrano, ex

*Viri caritate astutia-
 tes ex Ordini-
 bus Psalmodiam
 habentibus.*

Ordine sancti Francisci, de quibus Ecclesia iure potest dicere: En nouos Seraphinos, en Apostolicos viros, ob vehementissimum flagrantissimumque amoris in Deum & in proximum incendium, qui verbo, scriptis & operationibus, pro Dei gloria & proximorum vtilitate, se ipsos diu noctuque exercuerunt, numquam tamen chori frequentiam omiserunt. Plurimis eiusdem conditionis viris ex aliis antiquis & recentioribus Ordinibus chori Psalmodiæ addictis supersedeo, quia catalogum non contexo virorum illustrium. Notiores significasse, ad fidem dictis adstruendam & calumnias propulsandas, sit satis circa actus caritatis, quos ab Ordinibus Hymnodiae studiosis extorres volebat hic Auctor. Iam satis conuicta remanet falsitas illationis à Theologo isto intentæ, non solum ob defectum syllogisticæ ratiocinationis iam detectæ, sed insuper ob praxim, eiusdem dictis ex diametro contrariam, ab omnibus cognitam, & à nobis significatam.

Nec adhuc assequi potui, quo fundamento bonæ doctrinæ idem Theologus separare nitatur orationis studium à Psalmodia in illa sua ad Magnatē aduertentia, vt illas Religiones pluris faciat, in quibus maius est orationis studium quam Psalmodiæ; quasi vnius studium aut impediatur aut euertatur aliud, cum tamen vnum sint & idem, seu, vt loquar distinctius, vnum inclu-

*Psalmodia
spectat ad
orationem.*

dat aliud tamquam species suum genus. Quamvis non omnis oratio in sua latitudine sumpta sit Psalmodia, Psalmodia tamen ritè ac rectè expleta est vera oratio, oratio, inquam, vocalis, quia vocis prolatione exercetur, ut superius vidimus; oratio item mentalis, quia cordis attentionem, ut sequente Libro ostendetur, exigit coniunctam; & oratio coniuncta melodiæ & cantui: quæ conditio nihil detrahit perfectioni orationis, sed eam potius reddit perfectiorem, cum cantus ortum habeat ex vehementia internæ motionis in voces sonoras erumpere gestientis, erga Dei cognitæ perfectiones in contemplatione mentis. Tantus ac talis inter duo ista munera mentalis orationis & Psalmodiæ, etiam separatim sumpta, intercedit nexus, ut apud præcipuos Religiosos Ordines alterum alteri seruiat aut subsequendo, aut præcedendo: nam Religiosi huiusmodi vel ab oratione mentali ad Psalmodiam, vel à Psalmodia ad mentalem se conferunt orationem. Quapropter licebit versùs dicere, quòd maius orationis studium reperiatur ubi studium viget Psalmodiæ, quàm ubi sola exercetur per vnam alteramve horam orationis mentalis praxis; cum, præter Psalmodiæ plures horas, horæ etiam adsint mentalis orationis. Ad quam rem possumus testari quod in nostro Paulinorum Ordine omnino seruatur ad præscriptum nostrarum Constitutionum, nempe quotidie, post Matutinum Officium in choro expletum, omnes Religiosos statim ibidem tacitè menteque diuinarum rerum contemplationi per dimidiæ horæ spatium, item post vespertinum, per aliam dimidiam horam eodem loco vacare. Theologus iste inde sumpsit, meo iudicio,

cio, argumenta ad depressionem Ordinum Psalmodiæ publicæ addictorum, vnde rectè sentientes argumenta elicere nouerunt validiora ad celebrationem & exaltationem eorundem Ordinum; quia diei horas ita distribuere satagunt, vt non solum illis erga Deum & proximum muneribus, orandi scilicet, legendi, scribendi, docendi, concionandi, quæ vni tantum Ordini esse propria significare veller Theologus, satis abundeque faciant, vt fusiùs ostendimus tertio huius Operis libro, sed insuper sacram chori Hymnodiam strenuè retineant & colant. O sanctam temporis horarumque distributionem vtilemque occupationem! Hæc non tam facilem relinquit Religiosis viris occasionem cursitandi per vrbs vias & per plateas, nec permittit frequentare laicorum domos, negotiaque in foro & Aulis agere sæcularia, sed eosdem domi propriæ continet in diuinis concinendis Hymnis sanctè distentos, non sine populorum vtilitate ac ædificatione. Ista sacri cantus occupatio propriè decet Religiosum virum nitentem ad quammaximam Dei gloriam. Nam etiam si sæcularium negotiorum expeditiones queant ad Dei gloriam referri, minimè tamen ex se ipsis nec immediatè Deum aut bonum spirituale animæ respiciunt, sed debent ad hos pios fines dirigi ab operante: at Psalmorum cantus gloriam Dei ex se ipso & immediatè celebrat atque auget, animosque tum cantantium tum audientium spiritualiter afficit, nempe ad actus sanctos eliciendos.

Auctorem tantæ calumniæ contra Psalmodiæ meritum prolatae nec tempus, nec mens mihi est insimulandi, cum adhuc ignorem, Catholicusne

fit, an hæreticus. Si etiam Catholicum dicamus, imò, cum aliis, Religiosum alicuius Ordinis, cum tamen ipse noluerit se ipsum prodere, sed obscurus voluerit sub solo Theologi nomine prodire, fortassis ne iustum sibi aut alicui Ordini pararet præcipuarum Religionum odium, quod noverat ex necessitate iustæ defensionis ab istis profecturum, nec ego debeo de ignoto quidquam acrius addere, sed potius ipsum dignum censere si minùs excusatione, saltem compassione, ob inordinatas animi sui passiones quas orbi euulgavit in hac sua artificiosa machinatione deprimendi Ordines sacre Psalmodiæ in choro studiosos, & vitæ severioris cultores, vt, iis depressis, concludere facile posset nobilis ille vir electionem Ordinis, cuius fortè gratiam Theologus captare intendebat. Bone Iesu! si quis mercator, vt copiosiores alliceret propriarum mercium emptores, non contineret se in celebranda earumdem bonitate, ad aliorum mercatorum declinans extenuandas merces, earum defectus non tam recensens quàm falsò fingens, illum iustissimè corriperent Theologi tamquam iniquum negotiatorem, nihilominùs iidem Theologi, quod in aliis reprehendunt, sæpè omni æmulantur studio in re spiritali, non sine graui populorum offensione. Si ex animo proximorum saluti animarumque lucro intenderemus, ad imitationem beati Pauli Apostoli, veri animarum zelatoris, dicentis,

2. COR. 12. *Non quaro quæ vestra sunt, sed vos*, vnus Ordo alterius dignitati ac perfectioni minimè detraberet, vt suum aliis præferret; sed æmulantes

1. COR. 12. *charismata meliora*, omnes vnanimiter contenderent in promouenda diuina gloria, gaudentes, quando

Hæc fuit acerbissima pœna, quia Principissa ista prolem maximo exoptabat ardore, tum ne ludibrio, iuxta illorum temporum & Hebrææ gentis morem, exposita maneret; tum ut nomen & genus suum futuris commendaret temporibus. En quid sibi spondere, meliùs dixerim, timere debeant irridentes publicæ Psalmodiæ vsum. Si in irridentes Deus tanta animaduertit seueritate, quid in calumniatores erit executurus? torquebit illos iisdem rebus, quibus illi delectantur magis atque validiùs confidunt.

Ibidem.

1. Cor. 4.

Nos, ô Regulares, quotquot sacram in choro profitemur Psalmodiam non irrisiones, non indignationes, non conuitia, non calumnias aut imitantium Michol aut quorumcumque detractorum pertimescamus. Si cunlgent isti, munus nostrum potiùs ad scurras quàm ad ingenuos spectare viros; nos, qui eius nouimus dignitatem & experimur virtutes, respondeamus cum egregio Hymnorum Auctore ac strenuo cantore: *Ludam, & vilior fiam plusquam factus sum, & ero humilis in oculis meis.* Nobis pro minimo sit à detractoribus aut ab humano die iudicari, Dominus namque, qui nostris gaudet Hymnodiis, qui que est futurus omnium Ordinum Iudex æquissimus, opportuno declarabit tempore, ubinam amplioris, feruentioris ac perfectioris caritatis vigerint actus, num scilicet apud Ordines Psalmodia publica carentes, aut penes Ordines eiusdem publicæ studiosos Hymnodiæ. Et quò acriores in nos maledicentium hominum calumniæ & irrisiones insurrexerint, eò feruidiùs sacram frequentemus chori Psalmodiam; imò verbo, & exemplo, & clamore omnes gentes, omnia

nia Regna ad eandem excolendam Hymnodiam
prouocare studeamus, verè & ex animo dicentes
cum Hymnographo: *Omnes gentes plaudite ma-* Psal. 46.
nibus, iubilate Deo in voce exultationis. Psallite
Regi nostro, psallite, psallite sapienter. Regna ter- Psal. 67.
ra cantate Deo, psallite Domino. Hic tandem esto
honor, gloria, triumphus noster, magnalia sci-
licet Dei cantu deuoto annuntiare populis, vt
omnes ad illum celebrandum ac diligendum ex-
citantur.



D E
ECCLESIASTICA
HYMNODIA
LIBER SECVNDVS:
De conditionibus ritè ac rectè
psallendi.

C A P V T I.

*Cordis attentio est necessaria in vsu
Hymnodia.*



COGNITA præstantia Hymnodia
Ecclesiasticæ ex dignitate & effe-
ctibus Libro primo declaratis, ac-
cedendum nunc est ad cognitio-
nem earum conditionū quæ huic
altissimo muneri possunt siue ad

*Operis bo-
nitas at-
tenditur
ex condi-
tionibus.
Aristot. l. 2.
Ethic. c. 4.*

formam siue ad perfectionem deferuire. Vt enim
aliquod opus non solùm Deo sit placitum, sed
etiam, iuxta Philosophiæ regulas, bonum dici
queat, non sola attenditur operis substantia, sed
modus etiam expendi debet, quemadmodum
docuit Philosophus dicens, quòd ea quæ à virtu-
tibus fiunt, nisi iustè & temperatè agantur, non
censenda iusta aut temperata; indeque occasio-
nem

nem sumit tradendi, quas circumstantias seu conditiones requirat opus, ut dici possit bonum. Verum, omissis doctrinis Philosophorum, qui solam bonitatem respiciunt moralem, ad sacras Philosophias nostrarum diuinarum Scripturarum conuertamur, quæ solæ possunt reddere animum planè beatum circa cognitionem veritatum. Istæ docent, nullum opus, quantumuis sublime ratione materiæ seu subiecti, nisi debitis expleatur conditionibus, placiturum esse, imò ingratum futurum ac odiosum altissimo Deo, qui magis respicit modum operis quàm opus ipsum. Quid iustitiæ operibus dici aut excogitari potest inter mortales illustrius aut utilius? cùm Iustitia, ex omnium Sapientum sententia, sit ciuitatum & omnis tum publici tum priuati boni fulcrum, Imperiorum & regiminum sol, qui nisi illucescat, omnia tenebras fieri, nimbos ac tempestates est necesse. Nihilominus si Iustitia non exerceatur modo iusto, non Iustitia reputabitur coram Deo, sed iniustitia. Hinc illud graue monitum ad Moysen à Deo Monarcha datum circa modum regendi populi: *Iuste quod iustum est persequeris*. vbi aduertunt sacri Doctores, non solam Iustitiam, sed modum præcipuè esse commendatum, nimirum iustè. Ad quam doctrinam respiciens diuus Dionysius Areopagita pronuntiavit: *Nefas itaque est, ut diuina testantur Eloquia, ea etiam quæ iusta sunt, non secundum dignitatem meritaque exequi*. Huic concinens Philo Hebræus, eiusdem diui Dionysij synchro-
Iustitia est fulcrum & sol Imperiorum. Plato l. 2. de Legib. Iustus Lips. Polit. c. 10. Deut. 16. D. Dionys. Epist. 8. ad Demophil. Modus operis maxime attenditur à Deo.

nos, statuit eandem conclusionem dicens: *Quod fieri debet, sæpè fit non ut debet, & quod est officium, interdum fit non officiosè, uti cum depositum redditur*

redditur non bono animo ; sed aut in detrimentum accipientis aut insidiosè , ut comparata semel fide occasio capteretur abnegandi maius depositum , tunc officium non officiosè fit. Ad eandem doctrinam fidelibus persuadendam censet diuus Cyprianus , vel quicumque fuerit Auctor libri de Singularitate Clericorum , diuum Paulum locutum esse tum ad Corinthios illis verbis , Omnia vestra honestè fiant ; tum ad Thessalonicenses per alia verba similia , Præcipimus vobis , ut honestè ambuletis , vim faciens in illis vocibus aduerbialibus honestè , quæ modum faciendi præscribunt , concludens : Non benè succedit quidquid agitur passim , nec sanctum est quod geritur sanctum , nisi sanctè quod sanctum est peragatur , sicut Salomon asserit dicens : Qui custodierint iustè iusta , iustificabuntur. Hinc prodiit illa tam vera quàm vulgata doctrina , quam retulit Gerson , Deum esse remuneratorem aduerbiorum , non nominum , nimirum Deum non tam actionis substantiam attendere quàm modum , qui positus est in circumstantiis , & vocibus declaratur aduerbialibus.

Deus est remunerator aduerbiorum , non nominum.

Gerson
Dialog.
Franci &
Angli.
t. 1.

Hoc fundamento cognoscimus Hymnodiaè usum , quamuis ex se bonum & sublime sit opus , esse nihilominus suis conditionibus ornandum , ut Deo sit placitus , & effectus suos consequi valeat. Numquam poterunt recitari & offerri pro dignitate Hymni & preces , nisi adsint illæ conditiones animi , loci , temporis , integritatis , ordinis , quæ modum perfectum constituunt. Quare etiam Hymnographus quoties ad Psalmodiam hortatur , toties modum tradit rectè psallendi. Id præcipuè videmus Psalmo 46. ubi de hac re differens ait : *Psallite Deo nostro , psallite sapienter.*

Psal. 46.

sapienter. vbi attendenda est illa dictio *sapienter*, quæ modum præscribit, v; Deo placita sit oblata Hymnodia. Huic hortationi similis est alia in Psalmo 32. vbi proponens Dauid Psalmorum cantum magnificis illis verbis, *Confitemini Domino in cithara; in psalterio decem chordarum, psallite illi, cantate ei canticum novum*, statim vocis adhibendæ conditionem præscribit dicens: *Bene psallite ei in vociferatione*. Quapropter studendum est nobis rectæ compositioni, vt tales accedamus ad psallendum quales decet esse bonos psallentes. Quia autem conditiones istas contingit esse duplicis generis, aliæ namque ad formam pertinent, quæ dicuntur Essentiales; aliæ ad ornamentum & complementum perfectionis, quæ appellari possunt Accidentales, nos de vtrisque agemus, vt omnes conditiones, quæ perfectam Hymnodicæ rationem reddere possunt, declaremus.

Ab essentialibus initium sumpturi, priorem locum attentioni assignamus. Nisi cor adsit & *Cor præcians*, nullæ hominis actiones placere Deo possunt; qui non res nec verba nostra attendit, sed *puè exigitur à Deo in humanis actionibus.* cordis affectum expendit. Cetera externa, siue *Res externas.* opes siue substantiæ, siue corpus siue membra, absque corde nihili semper facta sunt à Deo, quia *na potius sunt aliorum quam nostra.* non sunt verè nostra, sed aliorum, præsertim Dei illa concedentis. Hinc illa præclara hortatio diui Hieronymi ad Iulianum nobilissimum Romanum, qui de suis copiosissimis substantiis liberalis erga Deum existerat. *Nolo, inquit diuus Hieronymus, ea tantum offeras Domino quæ potest fur rapere, hostis invadere, præscriptio tollere, quæ etiam accedere possunt & recedere, & instar undatum*

Cor &
mens verè
dici possunt
nostra res.

rum ac fluctuum à succedentibus sibi dominis occupantur; atque, ut uno cuncta sermone comprehendam, qua, velis nolis, in morte dimissurus es: illud offer, quod nullus possit hostis auferre, nullus eripere tyrannus, quod tecum pergat ad inferos, imò ad regna calorum, ad paradisi delicias. Hoc monitum præcipuè obseruandum est in Hymnis & precibus quæ offeruntur Domino. Cùm enim tot sint cum Deo altissimo colloquia, quot Hymni & orationes, nisi adsit cor, nec Hymni, nec laudes, nec preces, sed irrisiones declarabuntur; quemadmodum non semel declaratum fuit ab ipso Deo, non sine magno animi sui sensu. Grauitèr conqueritur Dens per Isaiam Prophetam de iis qui ore & verbis eum celebrare student, cùm tamen corde non attendant ad verba prolata: *Appropinquat populus iste ore suo, & labiis suis glorificat me, cor autem eius longè est à me.* Eadem querela deinde vsus est Dominus noster Seruator ad pungendos Phariseos, qui videbantur exterius esse magni laudatores Dei, cùm tamen potiùs essent Deo maxime inuisi, quos idcirco appellauit hypocritas: *Hypocrita, benè prophetauit de vobis Isaias dicens: Populus hic labiis me honorat, cor autem eorum longè est à me.* Id cognoscentes prisca Ægyptij, qui licet superstitiosè, diuinum tamen cultum profitebantur, Isidi suæ, quam inter Numina colebant pro Sapientia, dicauerunt arborem Persicam; cuius fructus cordis refert figuram, folia autem oblonga linguæ figuram præbent. Quo hieroglyphico forsan voluerunt docere, quòd sicut Persica non ex solis foliis æstimatur à vero Sapiente, sed ex fructu; sic homines à diuina Sapientia æstimabuntur, quando Persicis arboribus similes

Isaia 29.

Matth. 23.

Pierius
lib. 54.

Persica
symbolum
operantis
hominis ex
corde.

similes erunt, habentes & folia quæ linguæ figuram referunt, & fructus qui cordis imaginem reddunt. Deus noster, aiebat antiquissimus Ter-
tullianus, non vocis sed cordis auditor est. Cuius viri gravem sententiam ad verbum deinde transscripsit in suo quem edidit Tractatu de Oratione Dominica sanctus Cyprianus. Hymnographus ut non solum doctrina tradita in Hymnis conscripta, sed exemplo declararet hanc veritatem, quando Hymnos suos Deo spondebat, simul spondebat cordis affectum socium. Ne quis putaret, quod sola oris confessione perfunctoria esset contentus, *Confitebor tibi Domine*, ait, *in toto corde meo, in consilio iustorum & congregatione.* eandem iterum ac iterum afferens sponsonem in ipso Hymni ingressu: *Confitebor tibi Domine in toto corde meo, quoniam audisti verba oris mei.* sicuti antea aliàs dixerat: *Confitebor tibi Domine in toto corde meo, narrabo omnia mirabilia tua.* Sicuti inter omnes mortales præcipuus meruit esse diuinarum laudum cantor, plures componens Hymnos solus quam composuerint unquam ceteri omnes serui Dei, siue Patriarchæ siue Prophetæ, siue iusti simul iuncti (quos Hymnos, nisi temporum iniuria contigisset deperire, haberemus ad tria millia, sicuti erant, teste diuo Athanasio, ante Babylonicam captiuitatem;) ita D. Athan. illos cecinit tanta cordis attentione, ut inter multa elogia quæ ipsi sunt ab Auctore Ecclesiastici adscripta, illud sit singulare, quod toto corde & animo illos obtulerit Deo suo. Verba elogij sunt ista: *In omni opere dedit confessionem Sancto & excelsi in verbo gloria. De omni corde suo laudauit Dominum, & dilexit Deum, qui fecit illum.* Per-

Deus non vocis, sed cordis est auditor.
D. Cypri.
Domin.

Psal. 110.

Psal. 137.

Psal. 9.

D. Athan.

in Synopsi.

Attentio

Davidis

in Psalmis

quanta.

Eccli. 47.

fectio

Q

*Animus
confert vi-
tam ver-
bi.*

fectio itaque laudis oblata Deo consistit in ad-
uertentia cordis & animi ; hac deficiente reman-
ent sola verba, quæ dici possunt mortua, quia
animus abest, qui solus vitam confert verbis, &
est anima verborum. Nec Deus noster est similis
hominibus, qui solis verbis auditis intentus pas-
catur, licet laudator proferens verba, aliud cor-
de & animo sentiat, vel saltem ea non dicat ex a-
nimo. Deus noster sicut inspicit corda, ita magis
attendit cordium qualitatem quam verba.

1. Cor. 14.

Æmulari præstat Paulum Apostolum, qui
Hymnodiam frequentabat tam ore quam corde,
ipso testante: *Orabo spiritu, orabo & mente; psal-
lam spiritu, psallam & mente.* & quod alios do-
cebat, in seipso exequebatur. Nouerat vim Psal-
modiæ & orationis non in sola verborum prola-
tione, sed in cordis attentione sitam esse, idèd
paulò antè pronuntiauerat, quòd si orasset sine
mentis attentione integros dies, omni fructu ca-
ruisset: *Nam si orem lingua, spiritus meus orat,*
mens autem mea sine fructu est. In quo textu ad-
uertendum est in illis verbis, *Spiritus meus orat,*
non esse sensum de spiritu intellectuali, sed vitali,
qui ore profertur, quemadmodum explicant
Theophylactus & Primasius. quasi dixerit Apo-
stolus: Quando oro lingua & halitu solo, tunc

*Preces sine
attentione
nec à Deo
respiciun-
tur, nec à
dæmone ti-
mentur.*

D. Chrys. in
Homil. 10.
in Genes.

mens mea sine fructu est; quia non attendens ea
quæ profero, omnem vim & fructum orationis
amitto. Amittitur omnis Psalmodiæ vis tū respec-
tu Dei tum respectu dæmonū. Deus nihil nostri
accipit aut respicit, non res, non verba, quando cor
nō adest: neque dæmones timent nostras orationes
quæ sola voce proferuntur, non corde. Hinc diuus
Chrysostomus describens vim orationum nostra-

rum,

rum, eamque comparans validissimis armis tam ad offensionem quam ad defensionem opportunis, pronuntiat hanc vim ex cordis attentione pendere: *Magna sunt arma preces, modo sobrii & undequaque mente nostra collecti Dominum adeamus, totique nitamur ita loqui, ut non solum verba, sed & mens verborum comes ad Deum accedat.*

Tunc perfectæ sunt orationes & laudes nostræ, quando lingua profert quod suggerit cor, & cor attendit ad ea quæ profert lingua. Si quis sponte distraheretur, licuti non verè oraret ad Deum, quia oratio nequit consistere sine cordis attentione, ita neque obligationi faceret satis; tenereturque ad iterationem Officij cum debita attentione, ut obseruetur graue præceptum quod habent Ecclesiæ ministri circa diuini Officij recitationem, promulgatum ab Innocentio Papa in Concilio Lateranensi per hæc verba: *Districte præcipientes in virtute obedientiæ, ut diuinum Officium, noturnum pariter & diurnum, quantum eis dederit Deus, studiosè celebrent pariter & deuotè.* Quod Decretum obligare sub præcepto, nemo est qui neget, omnes quotquot sunt sacro Ordine insigniti, qui etiam gaudent beneficio Ecclesiastico quo sustentantur, quia beneficia instituta & data sunt propter officium. Insuper ex vi consuetudinis dilatata est obligatio ad Religiosos choro ex ipsorum instituto deputatos.

Oratione nequit esse vera oratio sine attentione.

C. Dolentes. de Celer. Mis.

Beneficium datur propter officium.

In hoc Decreto, quod præcipuè respicit publicam chori Hymnodiam, vti ex contextu cognosci libet, non sola præcipitur prolationis integritas, nec sola item exterior attentio, vti quibusdam placuit asserere, quasi veniam concedentes orantibus, impunè & absque reatu culpæ Deum

irridendi: dum enim asserunt solam exteriorem deuotionem præcipi ad rectam Canonicarum precum persolutionem, vtiq̃ue concedunt posse orantes liberè vagari. Quod repugnat recto fini Ecclesiæ, quæ sicut Deum exorare intendit omni quo potest perfectiori modo, ita cauere Decreto voluit omnibus abusibus. Nec hoc Decretum dici potest merè humanum, sed potiùs declaratorium Iuris naturalis & diuini: nam & natura & Scriptura ostendunt orandum & cantandum Deo non ore, sed corde; quemadmodum postea declaratum fuit expressiùs à diuo Hieronymo relato in corpore Iuris Canonici. Præcipitur itaque etiam interior attentio, quæ nimirum est de substantia orationis, scilicet vel actualis vel virtualis. Nam etiamsi actus interior directè & per se nequeat Ecclesiastica lege præcipi, cum Ecclesia non iudicet de internis, potest tamen præcipi, quatenus iste actus internus cum actu externo omnino coniungitur, quemadmodum euenit in precibus & orationibus, quæ nequeunt esse nec preces, nec orationes sine cordis attentione, sed essent irrisiones; vt haud semel comprobabimus infra tum hoc tum sequente Libro.

Quæ autem & quanta debeat esse attentio, vt præcepto satisfiat, quid item sibi velint illæ conditiones à Decreto requisitæ, studiositas scilicet & deuotio, paullatim declarabitur in sequentibus Capitibus. Non idcirco hoc loco agemus de mentis euagationibus, quæ attentionem excludunt, quia proprius earum locus ad tertium Librum reiiicietur, vbi de omnibus defectibus fusè erit sermo. Statuisse in præsentì sufficiat, attentionem esse præcipuam Hymnodicæ partem, tum

D. Hieron.
in cap. 5. ad
Ephes. cap.
Cantantes
Dist. 92.
Attentio
interior est
de præcepto.

vt præceptum adimpleatur quod Ecclesia habet;
tum etiam vt nostra oratio à Deo acceptetur; tum
vt meritum, impetratio & satisfactio, quæ rectum
Hymnodix vsus comitari solent, nisi impedi-
mentum adsit, suum obtineant effectum. (hæc
omnia corruere & deperire asserit communior
Doctorum sensus, quando voluntariè & culpa-
biliter distrahitur animus ad aliena; quemad-
modum traditur à D. Thoma Aquinate 2. 2. q. 83. D. Thom.
art. 13. vbi de hac attentione vocalibus orationi-
bus necessaria disertè agit;) tum denique ne fru-
strà laboremus in re tam vtili & sancta; & ne
culpam contrahamus ex opere, quod ad culpas
diluendas & delendas plurimum valet, & de no-
bis aliquando dicatur, *Et oratio eius fiat in pec-* Psal. 108.
catum; & inde venenum hauriamus, vnde anti-
dorum erat sumendum. Quod sæpè euenire so-
let socordibus, qui tanti muneris non aduertunt
obligationem; quemadmodum lugebat aliquan-
do diuus Bernardus sibi accidisse dicens: *Aliud* D. Bernar.
canto, aliud cogito; Psalmodia verba profero, & lib. de Con-
Psalmodia sensum non attendo, sed mente vagus, sider. c. 33.
habitu dissolutus, oculis attonitus, huc & illuc pro-
spiciens, quacumque ibi geruntur perlustro & per-
spicio: va mihi, quia ibi pecco, vbi peccata emenda-
re debeo. Lugebat hic sanctus vir in se ipso, in a-
liis lugenda, vt non vereamur confiteri, erube-
scere in nobis ipsis, quæ Sanctus insignis de se
confitetur, vt in posterum ab illis caueamus.

CAPVT II.

Quæ & quanta attentio requiratur.

*Attentio-
nis gradus
tres.*

PRÆSTAT expendere attentionis qualitates, vt vnusquisque cognoscere valeat, quæ attentio ad præcepti necessitatem conferat; quæ item ad eiusdem perfectionem deferuiat. Varij attentionis gradus à D. Thoma cognoscuntur reperiri in huiusmodi orationibus vocalibus. Primus gradus attentionis est circa verborum prolationem & cantum, quando quis attendit, vt integrè & rectè sine aliquò errore pronuntiet. Qui gradus est omnium inîmus, & omnibus iis potest competere qui linguam callent Latinam, vel saltem legere nouerunt. Secundus gradus attentionis est circa sensum verborum quæ cantantur, quando quis attendit & obseruat, quid dicant Psalmi, Lectiones & orationes recitatæ. Qui gradus est altior, doctioribus tantùm ac Theologis aptus. Tertius gradus attentionis est ad Deum, ad quem directa est Hymnodia, quando animus attentus in Deum considerat vel eius præsentiam, vel potentiam, vel magnitudinem, vnico verbo dicam, aliquod Dei attributum ac perfectionem. Qui gradus est omnibus tam doctis quàm idiotis communis, & omnibus est fructuosior, ac etiam fortassis faciliior. Quilibet horum graduum est ad præcepti necessitatem sufficiens; hoc tamen obseruato ordine inter se, vt primus gradus attentionis ad prolationem verborum numquam excludatur, quia hic est omnino necessarius, vt præceptum recitandi impleatur, quod exigit integram

tegram recitationem sine defectu. Nullus tamen debet primo solo gradu ita esse contentus, vt penitus excludat ceteros gradus; sed debet, quantum in se est, eniti ad aliquam aliam attentionem, saltem ad tertiam, quæ omnibus est communis: saltem non debet positiuè obicem ponere ad hanc obtinendam. Quemadmodum eueniret illi, qui statueret liberè vagari tum mente tum imaginatione ad quascumque alias res, siue bonas siue malas, siue indifferentes, contentus sola verborum integra pronuntiatione, is non adimpleret præceptum: quia cum agatur de re ad orationem spectante, sicut non potest dari oratio sine aliqua ad Deum eleuatione seu ascensione, vti concors est omnium Theologorum sententia, qui communi calculo approbant traditam à sancto Ioanne Damasceno definitionem orationis, *Oratio est eleuatio seu ascensus mentis in Deum*; ita qui volens & studens diuerteret omnino mentem à Deo, & pro libito vagaretur, is certè non diceretur orare, sed captus huiusmodi Psalmorum non esset dissimilis ab eo cantu, quem aliquando artifices & operarij, dum actu exercent suas artes, siue ad animi leuamen, siue ad socios exhilarandos, adhibere solent. Debent itaque verba proferri cum aliqua saltem intentione ad Deum ipsum, sicuti decet eum qui alloquitur Deum, & ipsum exorat. Quilibet idiota potest respicere in Deum aliquo ex his modis, nimirum vel ad eius gloriam & honorem referens, & offerens omnia verba quæ profert; vel intendens à Deo petere & obtinere quæ ab Ecclesia tunc desiderantur, siue etiam quæ illis verbis, præsertim in oratione, petuntur. Optimum consilium est, quod qui-

*Mentis
euectio
voluntaria
orationis
tollit sub-
stantiam.*

*Oratio est
mentis ele-
uatio in
Deum.*

*Mens idio-
ta quo pos-
sit modo ad
Deum as-
cendere.*

*Attentio**ad mysteria
humanita-
tis Christi
est suavis ac
sufficiens.**Libro 1.
cap. ix.**Humani-
tatis Chri-
sti mysteria
mentem ad
diuinis a-
tem eleuant
facile.**Caictan. in
1. 2. q. 83.
art. 13.*

libet idiota studeat proponere sibi aliquod my-
sterium Christi Domini, & in illud mentem in-
tendere: nam mysteria humanitatis Christi cum
sint circa res & actiones corporeas, facile etiam
possunt à rudioribus concipi, maioriq̃ suavi-
tate inter psallendum considerari, quemadmo-
dum Libro superiore dictum est. Nec ulli du-
bium debet esse, an hæc circa humanitatis Chri-
sti Domini mysteria mentis occupatio satis queat
facere præcepto in Deum eleuandi mentem; quia
opera illius sanctissimæ humanitatis peculiari mo-
do coniunctum habent aliquid ad diuinitatem
spectans, cum fuerint opera hominis Dei. Et
sunt media omnium aptissima ad eleuandum cor
in opera diuinitatis, quemadmodum docere vo-
luit Ecclesia in quadam Præfatione Missæ, di-
cens: *Vt dum visibiliter Deum cognoscimus, per
hunc in inuisibilem amorem rapiamur.* Admonet
autem opportunè ad hanc rem Cardinalis Caie-
tanus, quod mens orans circa hæc humanitatis
Domini nostri mysteria ita se præparare debet, vt
locus relinquatur, si Deus concedat, ascenden-
di ad ea quæ ad diuinitatem spectât. Semper igi-
tur, qui cupit satisfacere debito officij diuini,
credens suæ imbecillitati aptiorem fore primum
attentionis gradum in prolatione verborum fi-
tum, debet studere duabus conditionibus. Vna
est, vt mens ad Deum aliquo modo referatur,
quæ saltem debet esse orandi Deum, & sic debet
psallere quasi oraturus. Altera est, ne excludat
penitus alias meliores attentionis qualitates, sed
paratus debet esse ad illas suscipiendas, si à Deo
concedantur.

Sicut etiam qui sublimiores attentionis quali-
tates

tates nouit adhibere siue ex secundo siue ex tertio gradu, occupans mentem vel circa argumentum Psalmorum quos canit, vel circa diuinas perfectiones ad quas eleuatur, debet ita se præparare, vt suauiter attendat ad verborum prolationem vt integrè dicantur. Si quis ita in Deum raperetur per contemplationem, vt sensibus alienatus verba non proferret, is non impleret præceptum orandi vocaliter, quia præceptum est recitandi Officium, non autem orandi mentaliter. Quod intelligendum est procedere, quando contemplatio & sensuum alienatio esset diuturna, ita vt vel totum Officium vel eius pars notabilis non recitaretur: quando modica esset tam sublimis contemplatio per aliqua tantum verba, non idè vitiaretur integritas recitationis; satis tunc esset, quòd, aduertens se raptum, rediret statim ad verborum attentionem continuandam suauiter. Dixi *suauiter*, quia non debet ea animi anxietate exquiri verborum attentio, qua timidiores quidam affliguntur: nam tanta vehementia verborum prolationi sunt intenti, vt nequeant attendere sensui verborum, nec locum relinquunt spiritui, vt possit eleuari in Deum. Quamuis ratum ac firmum sit inter Theologos, quemlibet gradum triplicis iam positæ attentionis sufficere ad rectum Hymnodicæ vsum, nec quemlibet aut doctum aut idiotam teneri ad optimam attentionem; nullus tamen debet aut positiuè excludere à se ipso, aut aliquo obice impedire perfectissimam attentionem, quam si Deus veller, posset cuiuslibet cōcedere sine differentia docti aut idiotæ, quemadmodum superius ostensum est, Libro I. cum de contemplatione ageremus. Vnusquisque

*Qui raptus
in contem-
platione
non profer-
ret verba,
an satisfaci-*

*Attentioni
perfectissi-
ma non est
ponendus
obex.*

faciat quod in se est, vt rectè attendat, relinquat autem diuinæ misericordiæ, vt pro qualitate dispositionis, vel etiam pro arbitrij sui voluntate concedat quod magis expedire iudicabit.

Nec sunt audiendi quidam, putantes se excusatos ab illis præparationibus, quas piæ personæ solent adhibere antequam ad chorum accedant, vt maiori animi dispositione valeant attendere, & digni à Deo efficiantur aliqua in psallendo cælesti visitatione; quia non intelligunt vim & sensum Psalmorum. Non, inquam, sunt audiendi, nec ignorantia eos excusat, sicut neque hæc ignorantia impedire potest diuinas illustrationes & communicationes: nam apud Deum, qui verba intelligit, & corda cantantium expendit, eandem vim & valorem habent orationes idiotæ & docti. Nec inepta est similitudo, quam aliqui solent afferre ad hoc institutum declarandum, de adeuntibus Principem cum supplici libello, vt aliquam obtineant gratiam, quod tantumdem impetrabit, imò forsan facilius & liberalius obtinebit libellus oblatus à rustico & idiota, quantum impetrare posset alius à viro docto datus. Dæmones etiam plus habent timoris ex oratione idiotæ, qui eam explet ex corde, quàm ex oratione docti, qui voluntariè euagatur. Ad quam rem narratur in Vitæ Patrum insignis euentus inter duos Religiosos, vnum iuniorem idiotam, alterum seniore doctum, & in vita spiritali apprimè versatum, inter magistrum & discipulum. Ad illum, qui erat Abbas Pastor, accedens iste iunior, diffidens se posse peruenire ad gustandas eas consolationes spiritus, quas alij Monachi doctiores assequebantur in oratione & Hymno-

dia,

*Orationes
tam docti
quàm idio-
ta sunt a-
pud Deum
eiusdem
valoris.*

dia, ait: Ecce oro, & non est compunctio in corde meo, quia nescio virtutem verbi. Ad quem respondit Pastor: Tu tamen orare perge, quoniam sicut incantator licet virtutem verborum quæ dicit nesciat, serpens tamen audit & intelligit ea, iisque subiicitur, & incantanti humiliatur; sic & nos quamvis ignoremus virtutem eorum quæ loquimur, demones tamen audientes ea intelligunt, terrentur, atque discedunt. Addamus nos, sicut dæmones discedunt à recitantibus attentè & piè Psalmos, ita Deus benignus accedit, & exaudit.

Damones
attiment
Psalmodia
vim.

Hæc attentio, quæcumque illa sit, siue primi gradus, siue secundi, siue tertij, non debet esse ex vi præcepti tam diuturna, vt durare debeat actu per totum Officium, & ad singula verba: nam præceptum latum de attenta recitatione intelligi debet accommodatum ad humanam imbecillitatem. Nullus mortalium potest viribus propriis ita attendere mentem ad vnam rem, quin inuitus & nolens ad alia distrahatur; quia infirmitas humana suo quasi pondere trahit animum ad inferiora; dum ipse per orationem conatur ascendere ad superiora. Quod experiri coguntur etiam insigniores sancti viri, qui deplorantes suam imbecillitatem & miseriam dicunt ad Deum, *Et cor meum dereliquit me*; vti fusiùs dicemus ad Librum tertium, quando de euagationibus mentis agemus. Vix vnum *Pater noster* potest homo dicere, aiebat diuus Thomas, quin mens ad alia feratur. Præceptum Ecclesiæ potius est de proposito & voluntate firma attendendi, quàm de ipsa actuali attentione. Satis est ad Hymnodiam accedere cum proposito isto & voluntate attendendi ad orationem; si deinde contingat

Mentis humana imbecillitas quantà.

Psal. 39.
D. Thom.
in 1. Co-
rinth. 14.
Lect. 3.
Attenden-
di proposi-
tum potius
quàm at-
tentio a-
ctualis præ-
cipitur.

tingat animum diuertere nobis inuitis, aut saltem non aduertentibus, nihil vitatur executio præcepti, quia durat adhuc propositum ab initio elicium, manet, inquam, si minùs actuale, saltem virtuale: nec dici poterit, quòd inuoluntaria euagatio sit culpæ obnoxia coram Deo. Curandum tamen est, statim ac aduertitur euagatio, ad se ipsum redire, & renouare attentionem, nec est negligentia, quod erat inuoluntarium fiat voluntarium & culpabile: nam euagatio ex negligentia æquiparatur euagationi voluntariæ. Quando aduertens distractionem negligit attendere, tunc est voluntaria illa negligentia, quæ venialis erit vel mortalis, iuxta quantitatem euagationis.

Euagationes inuoluntariae immunes sunt à culpa.

D. Thom.
Lect. 3.
cit.

Omnis euagatio ex fragilitate procedens excusatur, quia non ex voluntate sed ex impotentia oritur: & sicut excusatur coram Deo, etiam si duraret per totum Officium, ita non amittitur nec meritum, nec satisfactio, nec impetratio, sed tantum impeditur spiritalis refectio & mentis consolatio, quæ dicitur deuotio sensibilis. Quam rem optimè docuit diuus Thomas ad illa verba Pauli: *Si orem lingua, spiritus meus orat, mens autem mea sine fructu est.* Proponit ibi sanctus Doctor quæstionem, Num quandocumque quis orat, & non attendit quæ dicit, amittat omnem fructum suæ orationis. Pro responsione affert distinctionem de duplici fructu orationis, meritum nempe & spiritualem consolationem seu deuotionem ex oratione conceptam. hic secundus fructus amittitur ab eo qui non attendit orationi. Fructus primus, scilicet meritum, nisi aliunde impediatur, permanet in suo robore ab eam rationem; quia in omnibus actibus meritoriis, qui ordinantur

Euagatio mentis impedit consolationes spirituales.

tur ad finem rectum, non requiritur, quòd intentio agentis coniungatur fini secundum quemlibet actum, sed vis prima, quæ mouet intentionem, manet in toto opere, etiam si aliquando in aliquo particulari diuertat; & prima illa vis facit totum opus meritorium, nisi interrumpatur per contrariam affectionem, quæ diuertat à fine prædicto ad finem contrarium. Quæ doctrina tanti

*Attentio
virtualis
est suffi-
ciens ad
meritum.*

Doctoris valdè est aduertenda non solum ab iis qui ex obligatione, sed etiam ab iis qui sponte & liberè Hymnodiam frequentant. Etiam in his locum habet, suo proportionis modo, omnis ratio euagationis & attentionis: nam orans spontaneè tenetur attentè orare, non quidem tanto obligationis rigore, quanto tenentur qui ex præcepto orant; hi enim mortali se possunt incipere culpa, illi veniali tantummodò ob irreuerentiam

*Attentio-
nem ad
Deum de-
bent habe-
re orantes
spontaneè.*

Deo. Supposito quòd orandi sit mens, ait Cardinalis Caietanus, debet homo se præparare ad illum actum illis conditionibus & circumstantiis,

*Caiet. lo-
cocitato.*

quæ actum talem comitari solent. Affert exemplum illius qui non tenetur admittere hospitem in domum suam; supposito tamen quòd statuatur illum recipere, tenetur ea præparare quæ decet inter personas ciuiles: quòd si non præpararet, utique reprehensione dignus esset. Dixi, quando sit mens orandi, quia si quis adhibere vellet Psalmos pietatis gratia, ut mentem ab aliis cogitationibus diuerteret; tunc nulla esset culpa psallere sine attentione, ut quando quis orationibus utitur se vestiens, uti suadetur à diuo Basilio, & obseruatur à multis tum Religiosis tum piis personis, quæ certas preces & versiculos Psalmorum habent præscriptos ad vnumquodque opus ex-

*Orationes
ex sola pie-
tate possunt
absque cul-
pa expleri
sine atten-
tione.*

*D Basilius
Oratione
in Martyr.
Iulit.*

ternum,

ternum, dum è lecto surgunt, dum vestes ponunt, dum manus lauant, dum pedem efferunt domo, dum Ecclesiam aut vident aut ingrediuntur, & similia faciunt.

*Mysteria
humanita-
tis Christi
cuiuslibet
Hora Ca-
nonica as-
signata.*

Obligatio maior est quoad culpam in habentibus præceptum: idcirco enitendum est, quantum humana patitur imbecillitas, vt vnum ex gradibus attentionis iam enarratis semper habeamus; vnusquisque sibi eam deligenis, quæ captui suo erit facilior ac promptior. Aliqui maiorem facilitatem experientur, proponentes sibi in ipso Hymnodia principio aliquod mysterium nostræ redemptionis (præsertim cum iam ex vsu Ecclesiæ vniciquæ Horæ Canonicae suum sit assignatum mysterium, vt in quibusdam versibus ab antiquis notatum erat, ad faciliorem memoriæ vsu; quos versus refert Glossa in cap. 1. de Ce- lebr. Missarum.

*Hac sunt septenis propter quæ psallimus horis:
Matutina ligat Christum qui crimina purgat,
Prima replet spūis, causam dat Tertia mortis,
Sexta cruci nectit, latus eius Nona bipertit,
Vespera deponit, tumulto Completa reponit.)*

& in contemplatione illius mysterij suauissimè explent integram horam. Alij in perfectiones & attributa Dei assurgunt, in quibus, dulcissimè quasi dormientes, conquiescunt per totum illud Officij tempus. Alij sensui verborum attendentes illum prosequuntur, degustantes mysteria ab illis verbis oblata. Quicumque modus eligatur, aptus est ad rem nostram, maximaq; eget orantis humilitate, quia perfecta attentio sine euagatione non est volentis, neque currentis, sed miserationis est donum præclarissimum Dei, quod non nisi maximè

*Rom. 9.
Attentio
perfecta est
donū Dei.*

maximè humilibus conceditur. Vt vnusquisque adiuuetur ad hanc attentionem tum acquirendam tum cōseruandam, mox subijciam duo apta & efficacia argumenta & adiumenta, quæ possunt ab vnoquoque facillimè exerceri & obtineri.

CAPVT III.

*Dei præsentis cogitatio attentionem
Hymnodicæ adiuuat.*

ATTENTIONIS acquisitio tanti est in hoc studio Hymnodicæ momenti, vt quemadmodum in ea consistit substantia & perfectio totius ferè diuini Officij, ita omni diligentia curandum sit media omnia adhibere opportuna, ad illam obtinendam. Inter hæc media supremum locum tenere cogitationem diuinæ præsentia, adstruunt omnes Scripturæ, ob eam rationem præcipuam; quia sicut omnis Hymnodicæ ratio ad Deum colendum & exorandum dirigitur, ita qui verè cupit suum officium rectè explere, eniti debet circa acquisitionem huius diuinæ præsentia. Qui familiarem sibi illam obtinere nouerunt, maxima facilitate eleuantur in Deum, & cum illo colloquuntur sine vlla mentis euagatione. Noster Hymnographus hanc Dei præsentiam adeò sibi familiarem conciliauerat, vt Deum oculis propriis cernere, & tamquam amicum al loqui sibi videretur, idq; non solum tempore quietis, quando solus in remotiori aliquo domus vel palatij loco vacabat orationi ac meditationi, sed, quod difficillimum alijs valdè esset, etiam tempore & locis maximarum occupationum, quando vix, ac ne vix quidem licitum est homini cogitationem

Attentio est substantia diuini Officij.

Dei præsentis cogitatio familiaris
Danidi.

&

& animum sibi ipsi, suæ salutis & incolumitati intendere; nimirum quando profugus migrabat de vno ad alium locum, modò ad prærupta montium, modò ad desertà & solitudines siluarum, modò ad infidelium ciuitates, vt vitam seruaret illatam. Mirum certè est, quòd licet in ijs locis tanti viri vita maximè periclitaretur, ob Regis persecutoris potentiam, tanta nihilominus animi quiete, ac si in loco tutissimo ac libero ab omni genere periculi existeret, in diuinas laudes erumpebat, Deum suum alloquens, celebrans & benedicens.

Multi extant insignes Psalmi Deum alloquentes, in ijs locis maioris discriminis compositi & decantati, quos percensere longum esset, quorum aliquos iam sparsim in Opere inuimus. Satis hoc loco sit significare, tantam fuisse huius præclari viri cogitationem erga Deum præsentem, vt de hisce suis fugis & migrationibus agens, non dubitauerit pronuntiare, se Deum ita præsentem attendisse, ac si vidisset aut audisset enumerantem gressus & animi angustias obseruantem. Psalmus 55. qui vnus est ex compositis tempore fugæ,

Deus enumerat gressus afflictorum.

Davidis fuge duodecim.

a 1. Reg. 21

b 1. Reg. 22

c 1. Reg. 23

d Ibid.

e Ibid.

f 1. Reg. 24

g 1. Reg. 25

h 1. Reg. 27

i 1. Reg. 19

k 1. Reg. 20

l 1. Reg. 19

m 2. Reg. 15

ait ad Deum: *Deus, vitam meam annuntians tibi, posuisti lacrymas meas in conspectu tuo.* quæ verba, si attendantur iuxta vim Hebraicæ phrasæ, dicere volunt: *Migrations meas enumerasti, & lacrymas meas posuisti in conspectu tuo.* Hinc est, quòd in medijs fugis, licet ad duodecim enumerentur in sacris Libris, nempe ad *a* Regem Achis, ad *b* Regem Moab, ad *c* Ceilam urbem, in *d* desertum Ziph, in *e* desertum Maon, in *f* desertum Engaddi, in *g* desertum Pharan, ad *h* Philisthæos, ad *i* domum propriam, ad *k* consanguineos, ad *l* Samuelem in Ramatha, per agros tandem *m* à facie

facie Absalonis filij, numquam tamen visus est tristis, sed semper lætus, semperque Deum suum, quem præsentem existimabat & cogitabat, celebrans Hymnis & Psalmis, ei semper fidens, illum inuocans & colens.

Magna vis huius diuinæ præsentiae ab homine pio cogitæ, hæc sola sufficit ad animi feruorem in oratione retinendum. Hac eadem cogitatione sanctus Iob, qui tot antè sæculis præcelsa *Diuina præsentia cogitatio confortat Iobum.* Dauidem, vir à Deo multis varijsq; calamitatibus probatus, dies suos explebat mira animi tranquillitate, semper de Deo maxima cum reuerentia loquens, semper laudans, eiq; gratias agens, non sine maxima admiratione eorum qui hanc illius cum Deo initam familiaritatem non nouerant; ipse autem notam omnibus facit dicens: *Nonne ipse considerat vias meas, & cunctos gressus meos dinumerat?* Sed ut iterum redeamus ad Dauidem nostrum, obseruabimus, quod diuinæ Maiestatis præsentiam sibi semper propositam, vocat sui cordis unicam firmitatem: *Prouidebam Dominum in conspectu meo* Psal. 15. *semper, quoniam à dextris est mihi, ne commovear.* Imò eidem diuinæ præsentiae cogitæ non dubitat acceptam referre diuinorum mandatorum perfectam obseruationem & exactam reuerentiam, quam, post obtentam à Deo vitæ melioris nouitatem, tenuit vsq; ad mortem: *Seruavi mandata tua & testimonia tua, quia omnes via mea in conspectu tuo.* quasi dixerit: Ided potui esse tibi Deo meo fidelis in omnibus mandatis & testimonijs tuis, quia te semper in omnibus actionibus meis cogitabam præsentem ac conspicientem.

R

Modus

Modus autem cogitandi hanc diuinam præsenti-
 am varius extitit, iuxta varietatem ingenio-
 rum. Potest Deus proponi præsens maxima cum
 Maiestate inter medios exercitus Spirituum cæ-
 lestium, qui modus est conditioni Dei maximè
 aptus, & ab omni hominum genere potest facillimè
 concipi.

Plato.

Aug. Eu-
 gub. in
 Psal. 67.

Isaia 6.

D. Ber. lib.
 de Confid.
 cap. 48.
 Dei Maie-
 stas cogita-
 ta feruorẽ
 tribuit o-
 ranti.

Plato vir Ethnicus, licet doctissimus
 in humana sapientia, docebat, summum Iouem
 obambulare cælum in curru & quadriga, comi-
 tantibus eum diuis, qui illius laudes celebrarent.

De quo Platonico sensu testatur Augustinus Eu-
 gubinus in Psalmum 67. Hanc eandem formam
 maiestatis conspiciere dignus effectus est, & nobis

descriptam tradidit Isaia, videns Dominum in
 throno gloriæ sublimi sedentem, vndiq; Seraphi-
 cis spiritibus stipatum. Hanc Maiestatis formam

suadebat virtutum cultoribus pijsissimus Bernar-
 dus, vti maximè opportunam ad attentionem

mentis: *Sic ora, cum oraueris, quasi sis assumptus
 ante faciem Maiestatis in excelsò throno, ubi mil-
 lia millium ministrant, & decies centena millia as-
 sistunt ei.* Ad hanc eandem exhortabatur diuus

Chrysostomus, expendens euentum illum quem
 describit Isaia, dicens, *Vidi Deminum sedentem
 super excelsum solium & eleuatum, & plena erat
 omnis terra Maiestate eius.* ait D. Chrysostomus:

*Quòd si omnis oraturus hanc sibi proponeret Ma-
 iestatem, orationes suas attentius, feruentius &
 rectius funderet. Quis enim tam audax & teme-
 rarius, Deum presentem cogitationis oculis prospi-
 ciens, alias cogitationes admitteret quàm bonas &
 opportunas? tandem concludit: Qui coram Rege
 terreno loquitur, de ijs tantum verba facit, de qui-
 bus voluerit ille audire. & post pauca addit: Tu*

verò

verò cum Rege Regum colloquens, cui cum horrore
serviunt Angeli, omisso cum illo sermone, de luto, de
pulvere, de telis aranearum loqueris? Impossibile
quasi dixerim futurum cordi sic disposito tunc
mente euagari.

Potest Deus etiam concipi præsens tamquam *Dei Iudicis*
Iudex pro tribunali sedens, ut sententiam de no- *cogitatio*
bis, præsertim de hac re, quam nunc præ manibus *timorem*
habemus orantes, proferat. Hic modus esset ma- *fouet.*
ximæ utilitatis, & facilis redderetur cogitationi.

Utilis esset, quia Iudicis præsentia timorē gignere
valet. Quis facinorosus tam impudens esse po-
test, ut coram Iudice, à quo necessariò debet exa-
minari, & potest seuerè plecti, audeat delicta
committere? Facilis est, quia mens ea facilè con-
cipit quæ phantasmatibus sunt aptiora & fami-
liaria, cuiusmodi sunt Iudicum auctoritas & se-
ueritas. Qui modus faciliior redditur ex argu-
mento Psalmorum qui recitantur & cantantur:

nam passim sermo incidit de Iudicijs Dei, de Iu- *Dei Iudicis*
stitiis, de Præceptis, & de Legibus; quæ recorda- *figura fre-*
tio singulari quodam modo frequētissima est in *quenter de-*
illo Psalmo omni veneratione colendo, qui quo- *scribitur in*
tidie frequentatur ad horas diei à psallentibus, *Psalmis.*

nimirum 118. totus enim est in renouandis illis
vocibus, iudiciorum, legis, mandatorum, testi-
moniorum, & similium, quæ ad causam iudicia-
riam spectare possunt. Ad quam rem narratur à
D. Petro Damiani quædam apta meditatio cuius-
dam deuoti, sed miræ simplicitatis, viri. Is ali-
quando expleto Officio diuino, dum à discipulis
interrogaretur, quid ea die vidisset in Ecclesia;
respondit se vidisse in quatuor versiculis sex per-
sonas necessarias ad beneficium animæ suæ, ni-

D. Petr.
Dam. Ser.
12. de Re-
surrect.

mirum Legem, Testimonium, Iustitiam, Præceptum, Timorem, Iudicia. In Lege aiebat sibi ostensam personam Iudicis, qui secundum legem iudicaturus est; in Testimonio aduertisse testes examinandos; in Iustitia cognouisse munia actoris & rei; in Præcepto attendisse Iudicis sententiam; in Timore atq; Iudicio obseruasse accusatorem & executorem. Hic pius vir nouerat elicere ex argumento Psalmorum præsentiam Dei sub forma Iudicis pro tribunali sedentis, & hac sancta cogitatione vtili canebat suos Hymnos Deo. Qui modus proponitur vsurpandus à psallentibus, dum Ecclesia in quodam Hymno dicit:

Hymn.
Laud.
Fer. 5.

*Speculator adstat desuper,
Qui nos diebus omnibus,
Actusq;ue nostros prospicit
A luce prima in vespertum.*

Vtro horum modorum concipiatur Deus præfens, mens cantantis & psallentis Deo attentè poterit munus suum explere. Nullam admittere poterit cor videns his modis Deum alienam cogitationem; & poterit faciliùs ad eam purissimam attentionem peruenire, quam à suis Religiosis exquirebat D. Bernardus. Non patiebatur hic sanctus vir Monachos suos cogitationes admittere, etiam bonas, quæ non essent conformes argumento Psalmorum. Si inter psallendum occurrisset menti nobilis aliqua Theologiæ doctrina paulò antè in cubiculo lecta; si etiam occurrisset menti alta aliqua doctrina ex ore ipsius sancti Magistri & Antistitis concionantis audita, expellendas docebat has cogitationes, quamuis bonas, quamuis pias, ob eam rationem; quia etiam si salubres sint, minimè tamen salubriter inter psallendum

Cogitationes etiam bonas debet aliquando excludi ab orantibus.

D. Bern.
Serm. 47.
in Cant.

lendum reuoluuntur: Spiritus enim sanctus illa hora gratum non existimat quidquid aliud offerimus, quàm id quod debemus in opere Dei. Opus Dei vocabatur à D. Bernardo Hymnodia opus, citans regulam D. Benedicti asserentis: *Nihil operi Dei praponere licet.* quo titulo arguebat, quanta attentione dignum esset diuinis vacare laudibus.

Qui non studet hanc familiaritatem diuinæ præsentia obtinere, sicut facilis erit ad euagationes cogitationum, cum careat freno potentissimo ad illas cohibendas & continendas, ita non modicam potest irrogare iniuriam officio quo fungitur: nam evertit sensum omnem tum orationum quæ recitantur, tum Psalmorum qui concinuntur, tum verborum quæ proferuntur. Quidquid adhibetur in diuino Officio, significat Deum præsentem, quem alloquimur, inuocamus, laudamus, exoramus; & tamen illi mens nihilo magis aduertit, ac si non adesset, nec de illo sermonem & verba faceret. Facinus certè indignum, & acri pœna aliquando luendum. Peiores sumus agentes cum Deo immortali & omnipotente, quàm cum Principe aut Prætorè mortali, quos alloqui studemus omni reuerentia & timore.

Hæc Dei præsentis cogitatio eò faciliùs poterit obtineri ab vnaqua; Religiosa & pia persona, si eiusdem Dei nobis proponere curabimus non tantùm naturalem præsentiam per illam immensitatem naturæ, qua rebus omnibus intimum esse Deum docuit Apostolus Paulus, vti rem ipsis Philosophis Atheniensibus lumine naturæ cognitam & comprobata, quia non longè abest ab unoquoque nostrum, & in ipso viuimus, mouemur, & sumus; sed etiã modum supernaturalem exi-

Mente alieni à Deo dum orant, iram sibi prouocant.

Christi Domini præsentia sacramentalis in Eucharistia attentionē excitare debet. Act. 17.

stentia Verbi incarnati in Eucharistia Sacramento, quod in Templis asseruatur, & cuius venerabili ac formidabili adstamus presentia reali, dum in choro psallentes canimus. Inde stimulum elicere possumus ad nos ipsos excitandos, ne coram tanta Maiestate alias cogitationes admittamus quam pias & sanctas. Deus sub illis speciebus panis latens, quasi sub tot cancellis respicit & considerat corda & animum, licet ipse non videatur à nobis. de quo possumus vsurpare verba illa piissimi Bernardi: *Videor, & non video; vereor ad-*
serm. 55. in spectum illius exploratoris qui post parietem stat,
Cantica. quem pro acumine visus caprea assimilauit Scri-
Cant. 2. ptura. Expendebat tunc sanctus Doctor illa ver-
ba Canticorum, En ipse stat post parietem nostrum,
respiciens per fenestras, prospiciens per cancellos; &
 Deo omnia intuenti & cordium cogitationes consideranti accommodat, ut cautior inde fiat ad proprii cordis custodiam, sicuti Sponsa, ex eadem consideratione sui Sponsi presentis & aspicientis, argumentum maioris dilectionis ad sui excitationem eliciebat. Quæ rectè possunt à nobis accommodari ad presentiam incarnati Verbi in Eucharistia Sacramento, quasi sub cancellis accidentium existentis, ut videat & obseruet fideles psallentes. Si huius acutissimi videntis oculos super nos presentes cogitabimus, magnum inde nobis ad attentionem tenendam & desidiâ expellendam comparabimus adiumentum, magnūque timorem & reuerentiam erga Deum concipiemus. Ipse tandem Deus, oculorum suorum benignissimos radios, tamquam Sponsus, erga nos emittens, maioribus semper largioribusque gratijs animas nostras cumulabit.

CAPUT IV.

*Angolorum præsentia cogitata eandem
attentionem promouet.*

SANCTORVM Angelorum præsentia aliquibus Angelorum
forſan, ijs præſertim qui nondum aſſueſcere præſentia fa-
aut peruenire potuerunt ad diuinam præſentiam cile potest
concupiendam, facilius adiuumentum ad attentio- concipi ab
nem poterit afferre: ſicut etiam facilius eſt ho- homine.
mini ipſorum Angelorum concipere conditionē,
cū ſæpè ſæpiùs ſub humana forma viſi ſint in-
ter homines deſcendere, præſertim cū omnium
ſanctorum Doctorem & Patrum communis ſit
ſenſus, ſanctos Angelos adſtare in noſtris Tem-
plis, præcipuè tempore diuinorum Officiorum.
Qui ſenſus auctoritate ſacræ Scripturæ maximè
comprobat. Cuius rei, ad maiorem pſallentiū
ſtimulum, illuſtriora proferam teſtimonia, tam
ex Scripturis quàm ex Patribus deſumpta.

In primis nobilis Pauli Apoſtoli locus hanc vr-
get veritatem, dum ſanctus Apoſtolus docere
vellet mulieres Chriſtianas Corinthias, quanta *Mulieres*
modestia & reuerentia ad Tempſa Dei deceret ac- *velum in*
cedere, præſertim circa uſum veli ſupra caput, *Eccleſijs ge-*
quo numquam licitum eſt carere mulieres ho- *rere debent.*
neſtiores dum in publicum exeunt, maximè Ec-
cleſiam adeuntes; adhibet reuerentiam Angelis
debitam, qui in Eccleſijs ſanctis reperiuntur: *Ideo* 1. Cor. II.
debet mulier poteſtatem habere ſupra caput propter
Angelos. Illa dictio *poteſtatem* ſignificat velamē,
de quo paulò antè apertius fuerat locutus docens,
quòd ſi qua mulier libertatis cupida eo noller uti,

in pœnam suæ libertatis, turpiter deberet tonderi: *Si non velatur mulier, tondeatur.* Hoc velum tanto cùm rigore suadebat Paulus, propter honorem & reuerentiam Angelorum, ait S. Hieronymus, qui Ecclesiæ assistere perhibentur. Licet nonnulli Doctores interpretentur Angelos, id est Sacerdotes, qui Angelicam debent profiteri puritatem, sicut Angelorum exercent munia erga mortales, ne aspectu mulieris aliquo modo offenderentur: nihilominus germanior & communior omnium sensus est de Angelis sanctis, qui cœsentur Tempia oberrare, & quasi testes à Deo positos obseruare & explorari fideiū gestus, vota, vestes

Angelorū nomine Sacerdotes intelligi aliquando possunt.

D. Chryf. & modestiam. Ita S. Chrysostomus, quem secuti Hom. 26. in sunt alij sancti Expositores, Theodoretus, Anselmus, Thomas, Hieronymus, Theophylactus, declarantes hanc Pauli epistolam.

Huic Pauli doctrinæ inhærentes sancti Patres, pro comperto habent hanc veritatem, eamq; supponunt tamquam infallibilem. Diuus Dionysius Arcopagita, præcipuus Pauli discipulus, sæpè mentionem facit de Angelis vltimi ordinis, tamquam præsidentibus Ecclesiasticæ Hierarchiæ & Sacrorum ministerio. Hinc aiebat D. Chrysostomus: *Per id tempus & Angeli Sacerdoti assidēt, & celestium Potestatum vniuersus ordo, clamores excitat, & chorus altari vicinus, in illius honorem qui immolatur, Angelorū choris plenus est, id quod credere abundè licet vel ex tanto Sacrificio quod tunc peragitur.* Multus est hic sanctus Doctor in hac doctrina sæpè inculcāda, quod vbi adest sanctissimum Eucharistiæ Sacramētum, adsint semper plurimi Angeli, qui tamquam milites adstant supremo Imperatori. Loquebatur D. Chrysostomus

D. Dion. de Cælesti Hier. c. 5. & 9.

D. Chryf. l. 6. de Sacer. Angeli adsunt Missæ Sacrificio.

mus non solum quia sic sentiebat, ob Pauli doctrinam; sed etiam quia non semel Angelos videre tempore diuinissimi Sacrificij dignus fuit, ut de ipso narrat luculentissimus scriptor B. Nilus in quadam Epistola ad Anastasium Episcopum his verbis æterna memoria dignis: *Ioannes Sacerdos admirandus, Ecclesia Constantinopolitana, imò vero totius orbis spendor, vir animi perspicacis, omni fere tempore videbat Domum Domini repletam Angelorum cœtu, & tunc in primis, cum diuinum & incruentum Sacrificium offerebatur; quo quidem tempore, stupore & latitia plenus, rem præcipuis amicis spiritualibus priuatim enarravit.* Deinde pergit describere qualitatem & gestus Angelorum adstantium, & ministerium præbentium huic Sacrificio dicens, eos visos esse splendidissimas stolas indutos, nudis pedibus, intentis oculis, pronos altari, magno cum silentio & reuerentia circumstantes diuinum mysterium. Sæpe hic vir sanctus urgebat hanc Angelorum præsentiam, ut suis Antiochenis & Constantinopolitanis suaderet modestiam, reuerentiam, attentionem & silentium in Ecclesijs. *Contemplare obsecro* (dicebat aliquando) *adstat mensa Regis, adsunt Angeli mensa huius ministri, adest Rex ipse, & tu oscitans stas?* Iterum alibi ait: *Scio quia non vides, audi tamē, quia Angeli presentes sunt ubique, maxime in Domo Dei, ubi astant Regi, & omnia sunt plena incorporeis illis Virtutibus.* Si tantam reuerentiam & compositionem totius hominis requirebat hic sanctus Episcopus à laicis, quando in Ecclesia adesse contingeret coram sanctissimo Eucharistiæ Sacramento, quid par est nos Ecclesiasticos exequi, quando eidem augustissimo Sacramento

B. Nilus
Epist. ad
Anastaf.

Angelorum
reuerentia
in Ecclesijs

D. Chrys.
Hom. 3. in
Epist. ad
Ephes.
Homil. 15.
in Epist. ad
Heb.

cramento adstamus oraturi Psalmis & Hymnis? nos, inquam, deputati ad munus & seruitium tam proximum Deo. Ad nos spectare possunt verba illa verè ignita eiusdem sancti viri, ut nos incitet propter hanc Angelorum in Ecclesiis assistentiam: *Nescis quod cum Angelis stas, cum illis cantas, cum illis Hymnos dicis?* sicut itaque magnos hos habemus auditores & spectatores nostri cantus, ita magna nobis opus est reuerentia erga illos. Nemo tamen sibi persuadeat, Angelos sanctos solummodò adstare in Templis, ubi asseruatur aut conficitur Eucharistiæ mysterium, non verò in Oratoriis aut extra tempus Sacrificij; nam statim ac in Ecclesias seu Oratoria conuenimus Hymnos dicturi, aut alio modo oraturi, præsertim quando agitur de precibus istis publica causa faciendis, adsunt Angeli, ut orent nobiscum, & testes sint nostrorum votorum.

*Angeli
tempore
precum ad-
molant o-
ramus.*

Beda lib. 6.
in Lucam.

Huius etiam veritatis luculentissimos proferram testes ad nostram doctrinam. Quorum primum produco Venerabilem Bedam disertè scribentem de hac re: *Maximè tamen; ait, Angelici nobis spiritus adesse censendi sunt cum diuinis specialiter mancipamur obsequiis, id est, cum Ecclesiam ingressi, vel Lectionibus sacris aurem accommodamus, vel Psalmodia operam damus, vel orationi incumbimus.* Sed ante omnes nostræ Ecclesiæ Doctores pronuntiauerat Psalter ipse, quòd quando ad psallendum accedebat, tunc sibi certissimè persuadebat, ad Angelorum conspectum & consortium transire: *In conspectu Angelorum psallam tibi, adorabo ad templum sanctum tuum, & confitebor nomini tuo.* Quo loco aduertit diuus

Psal. 137.

Chry-

Chryſoſtomus ab aliis legi, *Coram Diis modulator tibi*; nomine Deorum Angelos appellans, vt maiorem in ſe reuerentiam erga eos concipiat, tamquam res diuinas. Deinde vtitur verbo *coram*, quod ſignificat præſentiam realem & actua-lem; quia illos concipiebat ſibi præſentes, quaſi eos propriis oculis cernens. Qua pia cogitatione munitus ſanctus vir, præſtandi munus aggrediebatur ea attentione & reuerentia, quæ maiestatem & auctoritatem decet talium auditorum & ſpectatorum.

Hæc Angelorum præſentia plures in nobis gignit bonos effectus valdè etiam vtilis. In primis, aiebat Origenes, adſtantes Angeli obſervant noſtras preces; & ſi eas attentas & pias cognofcunt, itatim ad Deum deferunt, & offerunt exaudiendas & donis cæleſtibus cumulandas. *Nec Angelorum officia*, ait Origenes, *ab huiusmodi officiis deſunt: Angeli enim Dei aſcendunt, & deſcendunt ad Filium hominis, perquirunt, & curioſè agunt, quid in vnoquoque noſtrum inueniant, quod offerant Deo; vident, & perſcrutantur vniuſcuſque noſtrum mentem, ſi habeat aliquid, aut cogitet, quod Deo mereatur offerri.* Non modicum profeſſò beneficium eſt nobis hoc ab Angelorum præſentia exhibitum; acquirunt enim orationes noſtræ maiorem vim & auctoritatem apud Deum: non quia egeat Deus hoc Angelorum miniſterio ſiue ad audiendas, ſiue ad videndas, ſiue ad cognofcendas noſtras preces & Hymnodias, ſed quia Angeli, adiungentes ſuas commendationes, reddunt noſtra vota Deo magis accepta. Hinc orationes & lacrymæ ſancti viri Tobię per manus Angeli Raphaëlis narrantur oblatæ

Orig. Homil. 9. in Leuit.

Ex Angelorum præſentia quot nobis deriuent bona.

Angeli offerunt preces noſtras Deo.

Tob. 12. oblata Deo: *Ego obtuli orationem tuam Domine.*
Et in Apocalypsi visi sunt Angeli ad Deum per-

Apocal. 8. ferre orationes piorum: *Et ascendit fumus incen-*
sorum de orationibus Sanctorum de manu Angeli
coram Deo. Hoc, inquam, beneficium inde no-
bis prouenit, quando ea oramus psallimusque
attentione qua par est; sin minùs, nulla de no-
stris Hymnodiis aut orationibus habetur ratio.

Angeli di-
ligunt at-
tentiones
in oratione.

Imò si tristitiæ capaces essent Angeli sancti, ma-
ximè tristarèntur, videntes nos mente alienos à
Deo; sicut hilares & iucundos se exhibent, quan-
do Hymnodia attentam obseruant; executionem.
Diligentes sunt & studiosi in hoc observa-
tionis munere circa verba, modum, gestus &
compositionem, vt pronuntiare non dubitaue-
rit magnus Basiliius, dum ea verba expenderet

Psal. 138. Hymnographi, *Et in templo eius omnes dicent*
gloriam, assistere Angelos verba describentes. Ad
quam rem proditum est, D. Bernardum fuisse a-
liquando à Deo dignatum mira visione, quam
mox subiiciam, quia multis referta est documen-
tis opportunis. Cùm D. Bernardus interesset no-
cturnis vigiliis ea puritate ac deuotione qua so-
lebat, ecce benignitate Domini vidit singulos

Lib de Vi-
ris illustr.
Ord. Cis-
ter.

Angelo-
rum mira
visio facta
sancto Ber-
nardo.

Angeli
scribunt
verba o-
rantium.

Angelos iuxta Monachos stantes, & quod quis-
que eorum psallebat in schedulis, instar Nota-
riorum, tam diligenter excipientes, vt nec mi-
nimam syllabam, quamquam negligenter pro-
latam, omitterent. Scribebant diuerso modo:
quidam eorum scribebant auro, alij argento,
nonnulli atramento, aliqui etiam aqua, quidam
nihil penitus scribebant. Admirabundus Bernar-
dus nesciebat causam diuersitatis, tunc Spiritus
Domini eum interiùs docebat intelligentiam.

Qui

Qui auro scribebant, feruorem psallentium & attentionem significabant. Qui argento, minorem quidem feruorem, puram tamen fuisse psallentium intentionem declarabant. Qui atramento, continuum quorundam bonæ voluntatis usum in Hymnodia, licet non cum multa deuotione, notabant. Qui aqua scribebant, exprimebant eos, qui, somnolentia & acedia pressi, vel variis abducti cogitationibus, videntur quidem; aliquid signare, sed cor eorum prorsus abstractum non concordare cum voce ostendebant. Nam sicut qui aqua pingit, etsi veros characteres describat, nihil tamen reuera ex eis manet; ita quando cor non concordat cum lingua, tunc huius oratio nullius est apud Deum momenti. Qui tandem nil scribebant, deplorabilem eorum sortem redarguere volebant, qui proprii status & obligationis obliti, ex proposito & voluntariè diuagantur. Tunc diuus Bernardus, recolens illam diui Pauli sententiam, *Omnes sunt administratores spiritus, in ministerium missi propter eos qui hereditatem capient salutis*, sicut proficientium gratulabatur feruori, sic paterno pietatis affectu deficientium miserebatur tepiditati. Huic euentui attendant dicentes, Deo placitas esse Hymnodias etiam cum voluntaria mentis euagatione expletas. Quomodo placitæ, si ab Angelis, fidelissimis Dei ministris, nihili omnino fiunt, nec dignæ, imò indignæ reputantur Codice Dei? Multa à nobis approbantur tamquam bona, quæ à Deo & ab Angelis esse reprobata tandem cognoscemus. Si dicas visionem esse, non rationem, neque argumentum, quibus niri debent assertiones doctrinarum; visionem certe

*Euagantes
voluntariè
in oratione
ab Angelis
negliguntur.
Hebr. I.*

certè haud nego, dico tamen tam non repugnare rectæ rationi: visionemque dico sancti viri, Theologi sapientissimi, nec nouum esse Theologis in re morali, argumenta & rationes ex huiusmodi elicere visionibus. Istæ visiones maiorem tunc obtinent vim, quando minimè dissentiunt à sensu priscorum Ecclesiæ Patrum, sicut de hac præsentī constat visione, quam videmus consonam allatis sancti Chrysostomi, venerabilis Bedæ & Origenis auctoritatibus.

*Angeli
sunt sam-
quam pæ-
dagogi ani-
marum.*

Galat. 3.

Si vnusquisque nostrum oculos Bernardi sancti haberet; & Angelos conspiceret præsentēs quando persoluimus diuinum Officiū; saltem si vnusquisque mentis & fidei oculis sibi repræsentaret hoc spectaculum Angelorum adstantium & omni diligentia obseruantium, an verba nostra valeant describere siue auro, siue argento, siue saltem atramento, magnum inde stimulum ad attentionem sentiret. Hæc cogitatio tanti esset momenti, vt, instar pædagogi, animum dirigeret ad omnem pium affectum, nec posset animus in ea cogitatione defixus huc illucque liberè vagari; sicut puer coram pædagogo non audet motum aliquem reddere incompolitum. Nec dedecet pædagogi nomen in re spiritali; nam etiam Paulus Apostolus tradidit Galatis, legem Moysaïcam pædagogi munus egisse cum populo, quasi ducens ad altiorē doctrinam legis nouæ: *Itaque lex pædagogus noster fuit in Christo, vt ex fide iustificemur. At vbi venit fides, iam non sumus sub pædagogo.* Imò si libet aliquid ad hanc rem ex profano Auctore mutuare, dicere possumus, quòd hoc munus pædagogi maximè Angelo conuenit qui nobis à Deo datus est ad custodiam,

*Angeli custodiu-
m.*

diam, qui nobiscum semper conuenit, siue ad negotia, siue ad orationem, siue ad Ecclesiam. Seneca, agens de modo benè viuendi absque morum errore, tradidit, vnicuique nostrum assignatum fuisse à Deo in pædagogum deum inferioris ordinis; forsan secutus Platonis doctrinam, qui sicut Deorum nomine Angelos intelligebat, ita de Angelis ad nostram custodiam datis videtur aliquid olfecisse. Magnam vim obtineret Angeli præsentia cogitata in animum nostrum: nam, *Cogitatio experientia teste, cognoscimus, quod grauis alius cuius viri talis præsentia tantummodò cogitata, potest quemlibet animum componere, & in officio virtutis continere. Quemadmodum aliquando docuit diuus Bernardus, ut instrueret, quo modo anima in quolibet loco viuere absque cogitationibus indecentibus posset: Elige tibi, ait, tu ipse hominem consilio meo, cuius vita exemplar sic cordi tuo infuderit, reuerentia inhereret, ut quoties eius recordatus fueris, ad reuerentiam cogitati assurgas, & temetipsum ordines, & componas.* & inter cetera ab hac cogitatione, seu recordatione, beneficia reportanda, ait esse propriarum cogitationum puritatem: *Nam omnes cogitationes tuas cum ab eo videri cogitabis, ac si videat, ac si arguat, emendare cogeris.* Quid operari nobiscum poterit Angeli tam sublimis cogitata præsentia, si hominis mortalis præsentia tantam habet auctoritatem, quantam scribit diuus Bernardus, imò quantam vnusquisque potuit in se ipso experiri? Quotquot in Ecclesia Dei nouerunt sibi hanc Angelorum præsentiam habere familiarem, magnos in omni genere pietatis fecerunt progressus. De sancta Francisca Romana, quæ

Seneca
Epist. 19.
& 110.

*Cogitatio
præsentia
viri grauis
ad animi
compositionem con-
fert.*

D. Bernar.
lib. de Vita
solit.

*Magna er-
ga Angelos
in sancta
Francisca
deuotio.*

quæ singulari erat pietate erga Angelos affecta, illos sæpè cogitans & inuocans, tradunt Scriptores, quòd non semel fuerit à Deo digna reddita eisdem Angelos, quos præsentes cogitabat, oculis corporis cernere, & quandoque ab ipsis admoneri de leuioribus culpis, ex inaduertentia vel lingua vel mente admissis. Insuper ad ipsius sanctæ mulieris vberiore consolationem & profectû, concessit Deus vnum ex Archangelis qui ei semper assisteret, quemadmodum vigintiquatuor annorum spatio integro semper astitit ab illa visus; donec tandem, amoto isto, Deus adscribere ei voluit alium Angelum altioris ordinis & gradus, nimirum ex sublimioribus secundæ Hierarchiæ, qui eam dirigeret & illuminaret, præsertim circa bonum regimen Virginum ac mulierû secum in Monasterio à se instituto viuentium. Magnum ad sanctitatem adiumentum hausit beata Francisca ex hoc pio ad Angelos sanctos affectu. Potuit inde faciliùs ac feliciùs eam virtutis seruare formam, quam in triplici suæ vitæ statu, nempe coniugij, viduitatis & claustrî, semper tenuit & excoluit. Nos quoque, licet non cuiuslibet concedatur gratia Angelos videndi corporeis oculis, sicut certi sumus de ipsorum reali præsentia in opere Hymnodiæ, si tamen nouerimus oculos mentis & cogitationem cordis eisdem addicere, magnos vtilitatis fructus experiemur. Hæc namque præsents Angeli cogitatio profectò cogitationes attentas ad rem, quam agimus, coget nos habere, ne ab illo reprehendamus, vel, vt meliùs dicam, vt ab illo diligamur, & semper ad meliora incitemur; vel etiam, ne hostis malignus satanas ansam habeat nostras irridendi Hymnodias

dias & orationes, & implendi codicem suum verbis nostris sine attentione prolatis. Adstare dæmones psallentibus experientia conuincit, & *Dæmones* in Operis progressu videbimus, obseruantes, si *adstant* valeant aliquid à nobis obtinere, vel extraneas, *orantibus,* vel terrenas, vel turpes etiam suggerendo cogitationes. Nos, qui in medio tum bonorum tum malorum constituti sumus Angelorum, studeamus, ex cogitatione vtriusque obiecti tam diversi, eandem in nobis augere attentionem, vt Angelis bonis lætitiā, malis autem tristitiā, nobis denique vtilitatem adferamus & consolationem. *& scribunt verba.*

CAPUT V.

*Animi deuotio pars est Hymnodia
præcipua.*

ENIXE commendatur à sacris Conciliis animi deuotio ad diuinum Officiū ritè persol- *Deuotio*
uendum, eamque eodem verborum contextu *attentionis*
cum attentione coniungunt, quia altera ab altera nescit dissidere. Vbi vna reperitur adesse, ibi altera magna facilitate præstò esse contendit; sicut illa deficiente, hæc vllò modo consistere nequit. Quasi dixerim duas sorores attentionem & deuotionem, ambas Hymnodia vtilēs, ambas inuicem se iuuantes & fouentes. Attentio iuuat deuotionem, deuotio fouet attentionem. Cùm iam de attentione, nisi pro dignitate, saltem pro necessitate sit abundè dictum, nunc postulat locus, vt de deuotione fiat sermo; qualis nimirum illa sit, quibus item modis queat obtineri. Deuotionis
S duæ

*Deuotio-
nis species
duæ.*

*Deuotio te-
nera quæ.*

*Deuotio-
nis ratio in quo
sita.*

2.2. q. 82.
art. 1.

duæ sunt species siue rationes: vna quæ in vo-
luntate & corde existit; altera, quæ potiùs in sen-
su, dependens tamen à voluntate & corde, in-
uenitur. illa est magis necessaria & substantialis,
hæc magis affectiua & tenera. Præcipua deuotio-
nis ratio, quæ denominationem deuoti commu-
nicat subiecto, & facit aliquem dici verè posse
deuotum, & quæ exigitur ab Ecclesiasticis in Iu-
re, vt deuotè diuinum expleant Officium, con-
sistit in animi promptitudine voluntaria, vltro-
nea & liberali, qua quis se offerat & tradat ad al-
iquid opus Deo maximè carum. Hanc ani-
mi dispositionem propriè importat vera deuotio;
quemadmodum rectè docuit sanctus Pro-
sper libro 2. de Vita contemplatiua, & post ip-
sum tradidere omnes Theologi cum D. Tho-
ma Aquinate dicente: *Deuotio nihil aliud esse vi-
detur, quàm voluntas quadam promptè tradendi
se ad ea quæ pertinent ad Dei famulatum.* Qui bo-
num opus voluntariè facit, is meritò deuotus di-
ci meretur, quia non inuitus rem facit quam of-
fert. Hoc sensu sumpta est deuotio etiam à pro-
fanis Auctoribus. Hinc illud Poëtæ hortantis ni-
mirum ad orationem:

*Aeneid. 8. Communemque vocate Deum, & date vina vo-
lentes.*

& iterùm:

Aeneid. 10. ——— Volens vos Turnus adoro.

Hinc Deus noster sicut oblationes primitiarum
pergratas habebat in veteri Testamento, quia
tantùm ab vltroneis & spontaneis (verbis vtor
Exod. 25. sacri Textus) offerebantur, nullo extante de illis
aut mandato aut præcepto, sed sola aliqua signi-
ficatione; ita verbis magnificis illas primitias of-
ferentes

ferentes voluit in sacra Historia nominari deuotos: *Obtulerunt mente promptissima atque deuota* Exod. 35. *primitias Domino, ad faciendum opus tabernaculi testimonij.*

Gaudet Deus hominum hac voluntaria & *Animide-* prompta oblatione, cuius vim & dignitatem cog-^{notio Deo} noscens noster Hymnographus, studebat om-^{grata.} ni diligentia illius acquisitioni, eamque libenter modò spondebat, modò à Deo exorabat. Spondit hanc vltroneam oblationem quando dixit: *Voluntariè sacrificabo tibi.* & quando illius in Psal. 53. se experiebat præsentiam, statim illam Deo offerebat: *Voluntaria oris mei beneplacita fac Do-* Psal. 112. *mine.* & quasi gloriabundus illam iactabat: *Ego* Psal. 51. *autem sicut oliua fructifera in domo Dei.* quæ verba non ab omnibus possunt vsurpari. Multi in domo Dei habitant, quos mundus crederet arbores omni fructu bono onustas, sed verè tamen virentibus tantùm ornantur foliis, nullum intrinsecus habentes succum deuotionis. Non omnes sunt oliuæ, quæ solæ oleum habent & producant: multi namque nullum sentiunt deuotionis affectum in voluntate. At noster Dauid oliua erat, & oliua fructifera, oleum ferens deuotionis & promptitudinis ad diuinas laudes concinendas. Vt autem promptiùs alacriusque *Animi de-* ad harum laudum incenderetur continuationem, ^{notio à} exorare à Deo deuotionem non omittebat; cu- ^{Deo postu-} ius insigniorem orationem habemus Psalmo 62. ^{landa.}

Sicut adipe & pinguedine repleatur anima mea, Psal. 62. *& labiis exultationis laudabit os meum.* Vbi attendenda est connexio quam adhibet Dauid, vt primò infusionem postulet Spiritus diuini, qui voluntatem accendens deuotionem gignat; spon-

D. Bernar.
Serm. 18.
in Cantic.

Deuotio-
nis origo
Deus.
D. Thom.
loco cit.
art. 3.

Psal. 62.

Cantic. 1.

det deinde laudum effusionem cum præcipua cordis lætitia. Urgebat D. Bernardus hanc Dauidis piam exemplaremque orationis formam ad nostram eruditionem, quia prius infundi postulauerit, postea effusionem promiserit, *Infundi prius nimirum volens, & sic effundere; nec solum infundi prius, sed & impleri, quatenus de plenitudine eructaret, non oscitaret de inanitate.* Quo exemplo reprehendit eos, qui inanis gloriæ cupiditate moti gestiunt docere, cum nondum didicerint; & esse prius canales velint, quam fuerint conchæ. Nos hinc discamus, quod à Deo enixè postulanda sit vera cordis deuotio. Nam à Deo, ait D. Thomas testimonio D. Ambrosij in Lucam, tamquam à causa principali, expectanda & expetenda est deuotio vera. Nisi donauerit Deus deuotionem, nullus inueniri poterit animus deuotus; proinde in Decreto Concilij posita sunt illa verba, *Quantum Deus dederit.* Sed antequam discedamus à prædicta Dauidis oratione & postulatione, *Sicut adipe & pinguedine repleatur anima mea, & labijs exultationis laudabit os meum,* præstat aduertere opportunam comparisonem, quam considerat diuus Bernardus inter hæc verba Dauidis; & aliam orationem, seu postulationem aliquando factam à Sponsa in ipso initio suorum cum Sponso colloquiorum, dum dixit: *Osculetur me osculo oris sui.* Aduertit diuus Bernardus, quod licet in verbis dissimiles sint istæ orationes, in re tamen pares & eadem prorsus existant. Quod postulabat Sponsa per osculum Dei, idem orabat Dauid per illam Spiritus plenitudinem, vt ex plenitudine gratiæ, quasi ex osculo diuino, recreatus animus, promptior &

& alacrior cantaret gloriam & magnitudinem
Sponsi diuini.

Quotquot fuere hac Spiritus pinguedine re-
pleti, statim eruperunt in laudes exultationis,
quarum multas, præter illas à Dauide euulgatas,
habemus & vsurpamus in Ecclesia, ad altiore
& perfectiorem nostrarum laudum prosecutio-
nem. Si de priscis loquamur, qui in antiqua Syn-
agoga illustres fuerunt, celebris est in primis An-
na mater Prophetæ Samuelis, quæ omnium san-
ctorum Patrum eloquentia & scriptis celebratur,
tamquam præcipuus Ecclesiæ nostræ typus & fi-
gura, propter virtutum excellentissimas actio-
nes quas ipsa persecuta est, præsertim propter
mira exempla, ad Deum tum exorandum stre-
nuè, tum laudibus colendum, nobis tradita;
tum denique propter virum in omni genere pro-
bitatis & virtutis maximè insignem, quem sibi
& mundo toti precibus obtentum peperit. Hæc
mulier eructauit Canticum magnis laudibus co-
piofum, in signum animi grati ob tantam à Deo
impetratam prolein. Hoc Cantico, quia myste-
riis altis abundat, vtitur nostra Ecclesia in suis
persoluendis altissimo Deo laudibus: eructauit,
inquam, cum prius plena esset deuotionis, ple-
na spiritus gratiæ. Obseruauit D. Gregorius hu-
ius mulieris plenitudinem ex conditionibus re-
rum, quas ante Cantici prolationem præmisit in
honorem Dei. Primò dicitur, quodd ad Heli Sa-
cerdotem se contulit in Silo, vt filij oblationem,
quam sponderat, exequeretur. Deinde secum
detulit quasdam res ad Sacrificium, quas diuus
Gregorius admiratur ob mysteriorum sublimi-
tatem; in quibus præcipuè obseruat elucere

*Deuotio
laudes ex-
citatur diuini-
tas.*

*Anna ma-
ter Samue-
lis magna
deuotionis
mulier.*

*D. Gregor.
in cap. i.
Regum.*

Anna Canticum deuotionis laetitiae abundat.

1. Reg. 2.

Osee 14.

magnam altamque animi deuotionem. Obtulit tres vitulos, & farinæ modios totidem, & amphoram vini. Post hæc erupit in Canticum lætitiæ plenum, dicens; *Exultauit cor meum in Domino, & exaltatum est cornu meum in Deo meo, dilatatum est os meum.* Sicut hæc verba satis ostendunt deuotionis plenitudinem; ita oblationis conditio eandem melius confirmat, ex sententia diui Gregorij. Vituli, ex vsu sacre Scripturæ, Hymnos & laudes significant, iuxta Osee pronuntiatum: *Accipe bonum, & reddemus vitulos labiorum nostrorum.* qui vituli numero tres fuisse, quia gratias referre debemus summæ Trinitati. Vitulis adiunguntur modij farinæ itidem tres, ad significandam adfuisse mentis attentionem in hac laudum oblatione & prolatione. *Nam sine farina,* ait Gregorius, *vitulum offert, qui Dei laudibus verba quidem edit, sed mente vaga, ad ea quæ loquitur non intendit.* Tandem coniunxit pia mulier etiam amphoram vini, quia tunc perfectiores sunt nostræ laudes attentè prolatae, si adsit vinum exultationis in voluntate deuota. *Igitur vitulus, farina & vinum,* concludit D. Gregorius, *laus est Dei, intellectus laudis, & lætitia deuota mentis.*

Lucæ 1: Sanctissima Deipara Canticum miram eructat deuotionem.

Si Cantorum nouæ legis attendere velimus originem, reperiemus ea venisse à plenitudine deuotionis & gratiæ. Nobilius Canticum profero ad confirmationem, nimirum illud à sanctissima Deipara Virgine prolatum, quod in nostris quotidianis Hymnodiis læti vsurpamus: *Magnificat anima mea Dominum, & exultauit spiritus meus in Deo salutari meo.* cuius prima verba, media & vltima deuotionem cordis internam ex se declarant;

declarant ; quia ex corde non solum spiritu & gratia pleno, sed diuinitate ipsa superpleno processit. Canticum quoque à Simeone, sanctissimo D. Simeonis Canticum singulari latitia spiritus copiosum.
 sene , prolatum originem cognoscit ex interni Saluatoris Dei. Tanta tunc superabundauit sanctus senex interna consolatione , vt , omnia huius visibilis mundi spreta magnitudine, exardescens in Deum , se totum ei deuouerit dicens : *Nunc dimittis seruum tuum Domine , secundum* Lucæ 2:
verbum tuum in pace. Offero tandem Canticum aliud maximæ celebritatis in Ecclesia nostra, quod in festiuioribus tantummodò solemnitatibus, ob singularem quam præ se fert lætitiā, adhibemus, *Te Deum laudamus , te Dominū confitemur* , à sanctis Ambrosio & Augustino compositum, & decantatum derepentē, diuino motis instinctu. Cū Episcopus Ambrosius tradidisset sanctum Baptisma cathecumeno Augustino, præ exultatione dixit cantans, *Te Deum laudamus , te Dominum confitemur* ; cui statim, eodem Spiritu diuino impellente, concinuit Augustinus baptizatus : *Te æternum Patrem omnis terra veneratur.* & alternis procedentes versibus , Hymnum illum festiuissimum composuerunt ; quem admodum testatur D. Ambrosius Sermone 92. si tamen ipse est illius sermonis Auctor , vbi ait : *Triumphare visus est Augustinus illa præsertim hora, in qua nouum hominem sacro Baptismate induimus , in quo vnā nobiscum , diuino quodam instinctu , Hymnum cantauimus de Christi fide.* A Deo itaque postulanda est hæc spiritus plenitudo, quæ impinguans voluntatem , illam reddat alacriorem ad diuinas laudes concinendas. Quan-

Canticum,
 Te Deum
 laudamus,
 quando, &
 à quibus
 compositum.

Deuotio est
 medulla Sa-
 crificio-
 rum.

Psal. 65.

do hæc deuotio adest, habent holocausta Hymnorum illam medullam, qua maximè delectari dicitur Deus, iuxta Dauidis sensum: *Holocausta medullata offeram tibi cum incenso arietum. Quæ deuotione si careant Hymni, tunc arida prorsus sunt holocausta nostra.*

Animi deuotio à Spiritu sancto nascitur.

Inter signa certiora, saltem vehementia ad cognoscendam Spiritus sancti præsentiam, qui verè inhabitet in corde & mente psallentis, dicerem esse hanc voluntatis deuotionem: quia Spiritus sancti munus proprium est, afflare hilaritatem & gaudium mentibus à se repletis, quibus nil triste nilque difficile videtur, sed omnia, etiam ardua, redduntur suauia. Hinc Paulus Apostolus Hymnorum vsum suadens fidelibus, præmittit Spiritus sancti dona esse postulanda & quærenda: *Implemini Spiritu sancto, cantantes & psallentes in cordibus vestris Domino.* Hoc diuino Spiritu præsentem, etiam inter acerbiora tormenta, Hymnodia hilariter & promptè exercetur. Inuietissimus Martyr Laurentius, dum in mediis flammis vreretur & torreretur, Hymnos lætitiæ plenos decantans dicebat: *Gratias tibi ago Domine, quia ianuas tuas ingredi merui.* Sanctus Iob in mediis tribulationibus lætus hilarisque deuotè dicebat: *Sit nomen Domini benedictum.*

Ephes. 5.

Implemini Spiritu sancto, cantantes & psallentes in cordibus vestris Domino. Hoc diuino Spiritu præsentem, etiam inter acerbiora tormenta, Hymnodia hilariter & promptè exercetur. Inuietissimus Martyr Laurentius, dum in mediis flammis vreretur & torreretur, Hymnos lætitiæ plenos decantans dicebat: *Gratias tibi ago Domine, quia ianuas tuas ingredi merui.* Sanctus Iob in mediis tribulationibus lætus hilarisque deuotè dicebat: *Sit nomen Domini benedictum.*

Spiritus sancti præsentia confert lætitiæ.

Inuietissimus Martyr Laurentius, dum in mediis flammis vreretur & torreretur, Hymnos lætitiæ plenos decantans dicebat: *Gratias tibi ago Domine, quia ianuas tuas ingredi merui.* Sanctus Iob in mediis tribulationibus lætus hilarisque deuotè dicebat: *Sit nomen Domini benedictum.*

Iob 1.

Deuotionis acquirenda adiumenta.

Ad hanc voluntatis promptam alacritatem acquirendam, cum sit donum Dei, præcipuum in oratione fundamentum constituendum est, quemadmodum nouimus factum à Dauide, vti diximus superius. Deinde maximè conducit, sibi ipsi proponere exempla, siue antiqua, siue recentia & præsentia, aliorum qui sunt Hymnodicæ studio-

studiosiores & alacriores. Deuotio in aliis obseruata, gignere solet deuotionem etiam in tepidis.

Recolamus, quæso, mente deuotionem prisco-
rum Christianorum, qui aded alacres & prompti
Hymnos decantare solebant, vt aratores ipsi, vi-
nitores, mellores, pastores, in agrorum cultura,

*Deuotio
priscorum
Christianorum.*

in vinearum supputatione, in segetum collectio-
ne, in ouium pascuis, mira animi alacritate & hi-
laritate inuicem se prouocarent ad diuinas con-
cinnendas laudes, se inuicem inuitantes illo He-
braico verbo *alleluia*, quod idem est ac *laudate*

Deum: deinde ad Psalmorum recitationem de-
uenientes, læti concinebant integros Hymnos,
De qua pia consuetudine testatur diuus Hiero-
nymus, cuius verba ad nostram æmulationem
referre non pigebit: *Quocumque te verteris, ara-*

*D. Hieron.
Epist. 17.
ad Mar-
cellam.*

*tor stinam tenens alleluia decantat, sudans messor
Psalmis se auocat; & curua attondens vitem falce
vinitor aliquid Danidicum canit; hac sunt in pro-*

*vincia carmina, hæc, vt vulgò dicitur, amatorie can-
tilena, hic pastorum sibilus, hac arma culture.*
Quis ex nobis hos affectus recogitans, posset ani-
mo tristi ad Hymnodiam accedere? Pudeat vi-
rum Religiosum aliquando esse inferiorem, ne
dicam deteriorem, ipsis laicis, qui aliquando ala-
criores sunt ad Dei laudes in mediis occupatio-
nibus, quàm nos in medio otio & commoditati-
bus. Qui ad Hymnodiam accedunt inuiti quasi
ad grauissimum onus, illamque explent ob so-
lum timorem vel culpæ cui subderentur, vel
pœnæ quam expectarent, eiusque optent exi-
tum quàm citissimum, magnam irrogant iniu-
riam proprio statui; quia cum sint à Deo electi
ad tam altum munus, quale est munus laudandi

*Deuotiores
frequentius
eborum.*

*Prælatorū
exemplum
vim ma-
gnā habet.*

*D. Greg. in
Pastor. p. 2.
cap. 1.*

*Psal. 67.
Deuotiores
esse debent
qui alios
honoris gra-
du præce-
dunt.*

*Augustini
Tornielli
humilitas
& deuotio.*

Deum, munus tamen oderunt & fugiunt. Qui verè deuotus est, tanta animi promptitudine ad chorum progreditur, vt licet de hac re nullum extaret præceptum, nullaque absentibus esset proposita pœna, nihilominus accederet, vt Deum suum laudare dignus esset.

Ad suscitandam hanc alacritatem & deuotionem erga Hymnodia frequentiam in subditis, valdè conducet Superiorum exemplum; si nimirum hi subditis suis præire nouerint alacriores & deuotiores. Hinc D. Gregorius de Episcopo loquens dixit, *Quòd sicut alios superat honore ordinis, ita omnibus deuotior esse debet.* Optimorum Principum & Prælatorum forma erat illa, quam describit Hymnographus dicens: *Præueniunt Principes coniuncti psallentibus.* En isti sicut erant dignitate maiores, ita pietate ceteris præibant, & tempore præueniebant Hymnodia accessum. Quanta polleat auctoritate hoc exemplum in subditis, vnusquisq; nostrum reddere poterit aliquod testimonium ex his, quæ sibi contingere aliquando cognouit. Ingenuè fatebor, quòd in me expertus non semel cognoui, conspiciens meorum Prælatorum hanc alacrem præuentionem. Et licet de multis suppetere dicenda, vnum tamen hoc loco referam solum, cuius memoria in benedictione semper erit, ob præclaras animi dotes, quas in eo elucere ad nostram communemq; vidimus utilitatem. Hic fuit Augustinus Torniellus, vir Christianæ humilitatis amator singularis, vt in primis declarauit, quando tiaram Episcopalem, sibi à magno Principe oblatam, constantissimè recusauit, omnibus item celebrioribus doctorinis apprimè excultus, in sacra præsertim & profana

profana temporum ratione diligentissimè indaganda, , vt verè dici queat illam affecutus, viam posterioribus Chronologis aperiens, inoffenso pede per omnia tempora excurrendi. Hic vir licet maximos exantlarit labores in Opere Annalium sacrorum conficiendo, eodem tempore regens, tamquam supremus Præpositus, nostram Congregationem, eidemq; post præfecturam, alijs distentus grauioribus occupationibus & officijs, deseruiens; numquam tamen vsq; ad extremam senectam à communi in choro Hymnodia abesse voluit, omnem, adueniente diuinorum Officiorum tempore, occupationem, siue studiorum siue regiminis, deponens, vt cum psallentibus conueniret, sæpè etiam præueniret. Tanta huius insignis viri alacritas vrgebat cogebarq; aliorum animos ad piam æmulationem. Deuotio *Deuotio vnus alijs excitat deuotionem.* vnus solet alterius deuotionem suscitare, præsertim quando illa in Prælatis à subdito conspicitur, & obseruatur. Hanc deuotionem non dedignantur ostendere optimi vigilantesq; Pastores Ecclesiarum, vt eandem reuocent in subditis suis; & vtriq; valeant præmium & meritum deuotionis aliquando obtinere.

CAPUT VI.

Vocis cordisq; feruor ex deuotione oritur.

QVIA ex bonâ arbore bonos produci fructus experientia comprobat, & Dominus noster in Euangelio tradit, mirum idèd non erit, si ex deuotione, de qua fuit sermo in præcedente Capite, tamquam ex bonâ arbore, ortum ducant fructus

*Deuotiores
frequentius
chorum.*

Deum, munus tamen oderunt & fugiunt. Qui verè deuotus est, tanta animi promptitudine ad chorum progreditur, vt licet de hac re nullum extaret præceptum, nullaque absentibus esset proposita pœna, nihilominus accederet, vt Deum suum laudare dignus esset.

*Prælatorum
exemplum
viri ma-
gnæ habet.*

Ad suscitandam hanc alacritatem & deuotionem erga Hymnodiam frequentiam, in subditis, valdè conducet Superiorum exemplum; si nimirum hi subditis suis præire nouerint alacriores

*D. Greg. in
Pastor. p. 2.
cap. 1.*

& deuotiores. Hinc D. Gregorius de Episcopo loquens dixit, *Quòd sicut alios superat honore ordinis, ita omnibus deuotior esse debet.* Optimorum

Psal. 67.

*Deuotiores
esse debent
qui alios
honori gra-
du præce-
dunt.*

Præueniunt Principes coniuncti psallentibus. En isti sicut erant dignitate maiores, ita pietate ceteris præibant, & tempore præueniebant Hymnodiam accessum.

Quanta polleat auctoritate hoc exemplum in subditis, vnusquisq; nostrum reddere poterit aliquod testimonium ex his, quæ sibi contingere aliquando cognouit. Ingenuè fatebor, quòd in me expertus non semel cognoui, conspiciens meorum Prælatorum hanc alacrem præuentionem. Et licet de multis suppeterent dicenda, vnum tamen hoc loco referam solum, citius memoria in benedictione semper erit, ob præclaras animi dotes, quas in eo elucere ad nostram communemq; vidimus utilitatem. Hic fuit Augustinus Torniel-
lus, vir Christianæ humilitatis amator singularis, vt in primis declarauit, quando tiaram Episcopalem, sibi à magno Principe oblatam, constantissimè recusauit, omnibus item celebrioribus doctrinis apprimè excultus, in sacra præsertim & profana

*Augustini
Tornielli
humilitas
& deuotio.*

profana temporum ratione diligentissimè indaganda, , vt verè dici queat illam affecutus, viam posterioribus Chronologis aperiens, inoffenso pede per omnia tempora excurrendi. Hic vir licet maximos exantlarit labores in Opere Annalium sacrorum conficiendo, eodem tempore regens, tamquam supremus Præpositus, nostram Congregationem, eidemq; post præfecturam, alijs distentus grauioribus occupationibus & officijs, deseruiens; numquam tamen vsq; ad extremam senectam à communi in choro Hymnodia abesse voluit, omnem, adueniente diuinorum Officiorum tempore, occupationem, siue studiorum siue regiminis, deponens, vt cum psallentibus conueniret, sæpè etiam præueniret. Tanta huius insignis viri alacritas vrgebat cogebarq; aliorum animos ad piam amulationem. Deuotio *Deuotio vnus alij excitat deuotionem.* vnus solet alterius deuotionem suscitare, præsertim quando illa in Prælati à subdito conspicitur, & obseruatur. Hanc deuotionem non dedignentur ostendere optimi vigilantesq; Pastores Ecclesiarum, vt eandem reuocent in subditis suis; & viriq; valeant præmium & meritum deuotionis aliquando obtinere.

CAPUT VI.

Vocis cordisq; feruor ex deuotione oritur.

QVIA ex bona arbore bonos produci fructus experientia comprobat, & Dominus noster in Euangelio tradit, mirum idè non erit, si ex deuotione, de qua fuit sermo in præcedente Capite, tamquam ex bona arbore, ortum ducant fructus

*Deuotus
psallit ma-
gno seruo-
re.*

Etus verè boni, imò optimi, & maximè opportuni ad Hymnodiaè rectum vsum; quorum alter est feruor cordis & vocis. Nec vllus vmquam deuotus repertus est, qui maximo animi vocisque feruore Hymnos Deo suo non decantauit. Er, iuxta gradum maioris minorisve deuotionis, crescit quoq; & decrescit feruor vtriusque, sicuti ad illius extinctionem, omnis etiam extingui dignoscitur feruor. Qui feruor præcipuum est Hymnodiaè ornamentum, vt hæc expleatur absq; fastidio, imò magna cum psallentis voluptate: & quod magis est, vt Hymnodia magis placita sit Deo, ad cuius deferretur honorem. Delectari namque Deum hoc feruore, varijs Scripturæ testimonijs compertum est.

*Deus libe-
rer respicit
psallentes
deuotos ac
seruidos.*

In primis David, vt hanc veritatem mundo notam faceret, pronuntiauit Deum oculos suæ benignitatis in huiusmodi feruidas orationes defixos conuertere, & aures suæ pietatis ad eas aperire. Textus insignis extat Psalmo 101. illis verbis magnificis: *Respexit Dominus in orationem humilium, & non spreuit precem eorum. Scribantur hæc in generatione altera, & populus qui creabitur laudabit Dominum.* Quo loco, quemadmodum

Lib. I. c. III

aliàs diximus, agebat Hymnographus de Ecclesiasticis pensum Horarum Canonicarum perfoluentibus Deo ex officio, quasi ad hoc munus solum explendum creatis & electis. Nunc expendere liber illam felicem conditionem, quam de his prædicat personis: *Respexit Dominus in orationem humilium.* Vbi ex fonte Hebræo aduertit Genebrardus legi posse, *in orationem cicadarum*, quæ lectio maximè fauet nostro instituto. Sicut in ira conspicitur consensus in nominibus Hebraicis

braicis inter humilem & cicadam, vt eodem verbo exprimi queant; ita apud Deum humiles psal-
 lentes habentur tamquam cicadæ, quæ tantum in
 maximo solis æstu canere solent. Super harum
 cicadarum feruido cantu delectari dicitur Deus,
 oculosq; & aures illi intentas tenere. Illud quod
 fortassis politicis videri posset strepitus ingratus
 & inutilis auri, Dei censetur suauissimum melos,
 quia ipse diligit feruorem cantantium. Quibus
 poterit non ineleganter tribui illud pronuntiatum,
 quod cicadæ in Emblemate à quodam fuit assi-
 gnatum: *Non silent, dum ardent.* Verè quando
 feruore animus ardet, tunc Deo suo laudes canit,
 nec potest eas cohibere quasi cicada nō sæculi, sed
 Dei. Hinc Dauid quando cordis sentiebat fer-
 uorem vehementiorem, tunc in vocem laudum
 profilire cogeatur: *Latatum est cor meum, & Psal. 15.*
exultauit lingua mea. Et sicut cicada communis
 ad incrementum æstus intendit cātum & vocem,
 ita mysticæ cicadæ, ad interni feruoris incremen-
 tum, vocem etiam exteriorem suauiter intendunt,
 atq; emittunt feruidiorem; vt proponere Deo nō
 dubitauerit Hymnographus hanc suæ vocis in-
 tensionem: *Voce mea ad Dominum clamavi, voce Psal. 141.*
mea ad Dominum deprecatus sum. quæ verba non
 semel profert, vt declaret interni affectus vehe-
 mentiam magnam, quæ, tamquam ex signo op-
 portuno, cognoscitur ex vigore vocis, quæ in can-
 tu clamabat.

Hanc Dei delectationem & complacentiam in
 nostris precibus, magno feruore cordis & vocis
 vehementia expressis, declaratam maximè vide-
 mus ab Euangelio in illo euentu, qui inter mulie-
 rem quamdam Chananæam & Christum Domi-
 num

*Cicada pro-
 prietas psal-
 lensibus cō-
 uenit fer-
 uidis.*

*Chananæa
 mulieris or-
 ratio forni-
 da.
 Matth. 15.*

*Deus dele-
ctatur vo-
cis feruore.*

num accidisse narratur. Illa afflictâ priùs semel orauit, petens quod cupiebat; sed quia reiecta est, iterùm clamans inualuit oratione maiori. At quia nec exaudiebatùr, multò magis ingeminauit clamores, ita vt Apostoli, fastidio pertæsi, pro ea intercedere decernerent, allegantes clamorem importunum huius mulieris: *Clamat post nos. Qui* huius facti superficiem attenderet, iudicaret profectò, importunam ac molestam huius scemodi orationem; at qui exitum considerabit, cogetur fateri, importunitatem illam fuisse Verbo diuino maximè acceptam, quia & mulierem laudauit:

Matth. 15. *O mulier, magna est fides tua. & gratiam postulatam concessit: Fiat tibi sicut vis.* Aliud item in-

Luc. 12. *signe factum describitur à S. Luca de quodam*

*Caci cuius-
dam oratio
valida &
clamorosa
Deo grata.* cæco clamante altissima voce: *Iesu fili David mi-
serere mei.* tanta autem & importunitate & exaltatione voces extollebat, vt turbis transeuntibus molestus increparetur ab illis, imposito ei silentio: *Increpabant eum, vt taceret.* Et cæcus, imò cicada, nihili faciens increpationes, magis exaltabat clamores, replicans: *Iesu fili David misere-*

re mei. Quæ vocis exaltatio tantæ fuit virtutis apud incarnatum Deum, vt eum potuerit in media via detinere ac sistere, & ab eo postulatam oculorum sanitatem obtinere.

Numquid delectatur Deus nostris eiulatibus & conatibus? Non delectatur Deus eiulatibus, sed delectatur animi affectu & cordis feruore, vnde ortum habet eiulatus & conatus. Clamant magno conatu, qui necessitatem cognoscunt, & quotquot sunt graui aliqua miseria afflictì, qui item intimo feruent ardore: nam affectus animi internus cogit ad huiusmodi clamores externos.

Deus,

*Clamor
vocis ortum
habet ex
cordis affe-
ctu.*

Deus, qui delectatur magno animi fervore, delectatur etiam vocibus ab ipso fervore alto conatu emissis. Hinc sancti viri considerantes dilationes Dei in exaudiendis orationibus fervorū suorum, cum tamen posset statim absque vlla mora concedere petita beneficia, pronuntiare non dubitant, Deum sæpè differre sua dona, vt orationes & clamores multiplicemus. Quod videtur aliquando ipse Deus declarare voluisse animæ Cantorum electæ dicens : *Sonet vox tua in auribus meis, vox enim tua dulcis.* Deus cur differas postulata.

Dulcem sibi appellat illam vocem, quæ tanta est, vt resonet in auribus illius. David conscius diuinæ huius conditionis, sicut ad orationem accedere studebat magna animi deuotione, ita voce alta preces suas Deo offerebat, imò, vt citiùs obtineret postulata, clamoris exaltationem pro causa exponebat : *Clamani in toto corde meo, exaudi me Domine.* Cant. 2. quasi dixerit: Idcirco me exaudire statim debes, nec trahere ampliùs moras, quia iam omni conatu clamaui. Hinc aliquando postulaturus nonnullas gratias, quas maximo cupiebat ardore, vt citiùs exaudiretur, afferre voluit eundem hunc cantum, magna altaque voce à se expletum, pro vnica causa, cur deberet audiri, & statim exaudiri : *Domine clamani ad te, exaudi me : intende voci meæ, cum clamanero ad te.* Psal. 118. Si nihilominus à Deo ob occultos suos fines differebantur postulata, David tamen minimè remittebat inceptum clamorem, sed potiùs cantum producebat ad plures horas, & clamorem ingeminabat, orans quasi integros dies & noctes sine vlla requie, vt in alio Psalmo notum fecit : *Domine Deus salutis meæ, in die clamani & nocte coram te.* Psal. 87. *Intrès in conspectu tuo ora-*

ti mea, inclina aurem tuam ad precem meam: quia repleta est malis anima mea. Et paulò pòst ingeminans adhuc clamores dixit: *Clamavi ad te Domine tota die, expandi ad te manus meas.* Non remittebat sanctus Rex propter dilationes cantus & clamoris energiam, quia clamor erat effectus feruoris in corde existentis.

*Orationis
valor ex
cordis qua-
litate pro-
cedit.*

Pfal. 54.

Luc. 8.

*Mentalis
orationis
feruor Deū
mouet.*

*Hæmor-
rhoïssa ora-
tionis va-
lor.*

Vocis itaque feruor ex cordis feruore conce-
ptus, Deo nostro maximè placitus est, nō quidem
inconcinuus & inconditus, qualis solet ex vanæ
lætitiæ gestienti corde prodire, sed decēs ac com-
positus, qualis ex animo feruenti solet venire.
Omnium precum valor ex qualitate cordis atten-
ditur. Si cor fernet, omnis oratio gratissima est
Deo; etiam si sola expleatur mente in silentio sine
vlla voce. Quod vt declararet Dominus noster,
voluit aliquando celebri euentu significare. Ex-
pendebat D. Hilarius ad ea verba Psalms, *Et ne
despexeris deprecationem meam*, illud insigne fa-
ctum, descriptum à D. Luca, de quadam Hæ-
morrhœïssa, quæ plena fide, humilis, silens, &
verecunda accessit ad Dominum nostrum, & ab
eius vestis fimbria sanitatem expertam reporta-
uit, nihil prorsus dicens, nullum amicum mo-
uens, imò tam secretè accedens, vt neque à tur-
bis comitantibus, neque ab Apostolis circum-
stantibus fuerit obseruata. Volens autem Domi-
nus noster factum tam egregium omnibus notum
esse, exquisiuit ab Apostolis quasi querulus: *Quis
me tetigit?* Apostoli factum ignorantes, respon-
dent admirabundi: *Turba te compriment, & af-
fligunt, & discis, Quis me tetigit?* prosecutus est
Dominus querelam suam: *Tetigit me aliquis; nam
ego noui virtutem de me exisse.* donec mulier ipsa
mani-

manifestaret sanitatem quasi furtivè, sed volente, imò gaudente Deo, obtentam. cui respondit Dominus : *Filia, fides tua salvam te fecit.* Ad quid Dominus voluit manifestari hanc sanitatē? ut notum esset omnibus, orationem plenam fidei & fervoris, quocumque tandem modo ea fiat, siue mente sola, siue etiam voce, semper à Deo exaudiri. Adsit fervor in oratione, quia si oratio erit mentalis, obtinebit; si item erit vocalis, placebit, quia à fervore omne orationis pendet bonum apud Deum.

Ad tam utilem fervorem concipiendum, qui non solum bonæ orationis, sed omnis præclari operis spiritualis est animus & vita, sicuti plurimum valent humiles orationes, quia non nisi ab uno trinoq; Deo expectandus est, ut dicebamus; ita orationes fervidiores tunc redduntur, quando illis mortificationis adiungitur studium, quia huiusmodi studio animus orantis ritè præparatur ad similes à Deo obtinendas gratias singulāres. Quæ omnia exactè docentur ac traduntur à nostro venerabili Zacaria, in suis aureis Aphorismis spiritualibus dicente : *Verus sanctusque fervor ignis est Patris, splendor Filij, ardor Spiritus sancti. Absque fervoris magnitudine nullus apud Deum magnus esse potest, idcirco donum Dei est.* Bonus fervor stimulus est perfectionis, bonæ augmentum voluntatis, firmitas votorum, perseverantia stabilitas. Veros fervidos valde timet diabolus, quia cogitur inuitus istis nonas semper asferre coronas. Qui de Deo conqueritur, quia sibi non concedat hunc fervorem, blasphemiam addit suæ perversæ dispositioni. Auferas à te quæ sunt contraria fervori, mentis nimirum enagatones sensuumque delectationes, tunc

Ant. Maria
Zac. in Aph
v. Fervor. n.
1. 2. 4. 8. 14.
15.

T

Deum

Deus in te excitabit optatum feruorem. Hæc documenta præcipua tradebat feruidus Dei feruus, veri feruoris vim & dignitatem cognoscens, ut aliis eandem suaderet, quam in seipso experiebatur.

Hic feruor in Hymnodia non aliundè potest dignosci, nisi ex vocis alacritate & cantus energia, iuxta vires psallentium. Verus cordis feruor nullum sentit laborem, nec refugit fatigationem, quæ cantum comitatur Hymnorum. Qui

Amor propria salutis impedit psallentium fructum.

immunitatem quærunt cantus ob faucium laborem, aut capitis aut stomachi afflictionem, isti profectò laborare videntur eo morbi genere, qui à rerum spiritualium Scriptoribus Amor sui nuncupatur. Nimis amant seipsos, qui nullum velent sentire laborem in cantu Hymnorum. contra

Ioan. 12.

hos regit illa Domini nostri comminatio: *Qui amat animam suam, perdet eam.* vbi pro anima non intelligitur spiritus quo viuimus, sed ipsa vita quam habemus. Nam verè isti, qui nimio diligunt affectu vitam & sanitatem, tantùm abest, ut vitam longiorem saniolemque sint obtenturi, ut potiùs, iusto Dei iudicio, futuri sint aliis infirmiores, ac semper imbecilles; nec ad vllum egregium facinus apti censebuntur, cum in omni genere status, tam spiritali quàm politico, necessarius sit quidam sui ipsius discretus contemptus, qui odium appellatur à Christo Domino dicente: *Qui odit animam suam in hoc mundo, inueniet eam.*

Sanitatem propriam diligentes sunt ceteris infirmiores.

Contemptus sui ipsius est necessarius virtutis studiosis.

Ioan. 12.

Matth. 16.

Hymnographus noster, idcirco tam egregius Psalter fuit, & Domino Deo maximè placuit, quia labori non parcebat; nec sui ipsius adeò erat anxius, ut sibi timeret ex labore cantus. Imò tanto feruore prosequabatur Hymnodia-

usum,

usum, ut omni vocis conatu frequenter decantaret, tamque prolixum cantum tueretur, donec pænè deficerent vires, fauces saltem raucescerent; sicuti aliquando declarauit dicens: *Labor rani clamans, rauca facta sunt fauces mea.* Vbi attendo positum esse laborem, clamorem, raucedinem; ne putaremus leniter tantum decantasse. O nos delicatos! dum timeamus nobis, cum tantus Rex non timeret sibi, sed ad raucedinem usque decantare solitus esset. Feruor in hoc viro reperiebatur in summo gradu perfectus. Et ne quis posset aliquando ad sui excusationem respondere, Dauidem semel tantum tanta vocis energia usum fuisse in suis cantibus, quia nondum expertus fuerat huiusce laboris afflictionem, ipsemet Dauid frequentissimè repetit suos clamores, ut vidimus paulò superius; & tandem voluit non solum eandem, quam expertus non semel fuerat, sed maiorem, imò etiam nimiam cantus vehementiam spondere in fine vnius prolixi Psalmi iam magna cum energia decantati: *Confitebor Domino nimis in ore meo.* vbi Glossa Cardinalis Bellarmini expendens vim aduerbij *nimis*, explicat de magnitudine vocis ac clamoris.

Addere non omitam, quòd si adest labor in cantu diuinarum laudum, maius etiam inde nobis meritum acquireretur, maiorque gloriæ corona dabitur propter hunc laborem in futura vita. Hoc audientes animi strenui magis excitari deberent ad laborem, quam si eadem gloriæ corona absque laboribus promitteretur. Hæc semper fuit Heroum conditio, ut sibi putarent gloriosior omnem rem, quam proprio labore & sudore acquirere deberent, quam aliam eiusdem qualitatis *Laboribus acquisita cariora sunt quam dono accetatis præ.*

*Alexander
Magnus
coronas la-
bore proprio
parcas assti-
mabat.*

tatis & perfectionis vel dono, vel hereditate, vel alio facili titulo obtentam. Ad quod institutum maximè confert quod de Alexandro Macedone proditum est. Nimirum quòd cùm adhuc puer in paterna existeret domo, patrisq; Philippi egregia facinora audiret, narrante nuntio, quòd genitor hostem profligasset, urbem hanc vel illam occupasset, nullum vñquam lætitiæ signum edidisse fertur. Interrogatus aliquando, cur non lætaretur hisce felicibus nuntijs, respondit: Quia si genitor omnes prouincias expugnasset, nullum sibi reliquum futurum ad gloriam adipiscendam locum. Omnes hoc audito responso mirabantur egregium pueri animum, qui potiùs labore & sudore Orbis Monarchiam, quàm eandem sola hereditate ad se deuolutam voluisset. Magna quæ de illo puero præfagiebant Sapientes parentibus, patriæ, orbi beneficia & facinora; cùm tamen omnis mundi magnitudo & gloria nihil tandè sit, nisi vanitas inanis ac pertransiens. Nos autem modico labore perterritos pigebit Hymnodiam adire, ex qua non Regni terreni, non breuis Imperij, non leuis coronæ acquisitio speratur, sed gloriæ æternæ status certò dependet, vbi cantus continuus sine fastidio, vbi corona sine periculo, vbi Regnum sine limite, vbi Imperium sine fine conceditur ritè psallentibus.

*Angeli fer-
uentibus
psallētibz
adstant.*

Tueamur itaque alacrem cantum, feruoremq; tum cordis tum vocis, viribusque omnibus diligere studeamus Hymnodia rectam frequentiam, certi quòd, præter nostrum meritum, Angelos sanctos quoque lætitia singulari cumulabimus, dæmonesque contristabimus. Huius rei luculentissimum testimoniū pro coronide huius Capi-

tis profero D. Bernardum, qui tum Daudidis au-
 thoritati, tum experientiae propriae innixus do-
 cebat Monachos suos, quòd dum Hymnodiae
 feruor perdurat, psallentibus lætantes adsint
 Angeli sancti; sicut tepescente feruore paullatim
 Angeli discedant ad Deum reuersuri, dæmones ^{Dæmones}
 accedant tentaturi. Illi discedunt, quia cordis ^{tepiditatis}
 abominantur tepiditatem; isti accedunt, quia spe- ^{amatores.}
 rant omnimodam mentis obtinere euagationem. ^{Angeli te-}
Vereor, ait D. Bernardus, *ne vestram desidiam* ^{piditatem}
quandoque abominantes, cum indignatione rece- ^{oderunt.}
dant Angeli sancti. Vsurpabat sanctus Doctor ^{D. Bern.}
 ad hoc comprobandum illos Daudidis textus, qui ^{Serm. 7. in}
 de hac re videntur ad literam locuti. Nam semel ^{Cant.}
 ad Deum conuersus pronuntiauit ingemiscens,
 siue in propria persona siue in persona aliorum,
 quos spiritu Prophetico prauidebat: *Longè se-* ^{Psal. 87.}
cisti notos meos à me; posuerunt me abominationem
sibi. Iterum subdens: *Elongasti à me amicum, &*
proximum, & notos meos. Alio item Psalmo de-
 scribit lugens non solum Angelorum sanctorum
 discessum, sed etiam accessum dæmonum: *Qui* ^{Psal. 37.}
iuxta me erant, de longè steterunt; & vim faciebant
qui querebant animam meam. Ex his textibus oc-
 casionem sumit D. Bernardus incitandi suos Mo-
 nachos ad feruorem dicens: *Pro certo enim si se à*
nobis boni spiritus elongauerint, impetus maligno-
rum quis sustinebit? Dico ergo his qui huiusmodi
sunt: Maledictus qui opus Dei facit negligenter.
Dicit quoque non ego, sed Dominus: Vtinam te ca- ^{Angelorum}
lidum aut frigidum inuenissem; sed quia tepidum ^{praesentia}
inueni, incipiam te euomere ex ore meo. Ea propter ^{psal-}
attendite Principes vestros, cum statis ad orandum ^{lentes ad}
vel psallendum; & statè cum reuerentia & disciplina, ^{denotionem}
& feruore.

& gloriamini, quia Angeli vestri quotidie vident faciem Patris, nimirum missi in ministerium propter nos qui hereditatem capimus salutis, deuotionem nostram in superna ferunt, referunt gratiam. Huic opportuna conclusioni nihil in presenti prorsus addendum à nobis est, cum maximè urgeat hæc doctrina ad feruorem persuadendum; & quia de eadem materia incidet sermo, cum de accidia in tertio Libro agemus, ad aliam deuotionis comitem describendam accedamus.

CAPVT VII.

Iubilatio cantus alter est deuotionis effectus.

*Iubilatio
comes Psal-
modia.
Psal. 46.
Psal. 94.
Psal. 99.*

SICVT ad ritè psallendum præcepta opportuna nullus tradere potest, nisi ipse Psalmorum Auctor, qui rectè nouit qua forma, dispositione, attentione & conditione egeant, vt ea qua par est dignitate pertractentur, ita ipse frequens est in persuadenda quadam conditione præcipua, quæ digna est consideratione, ob mysteria quæ continet. Exigit iubilationem cordis, oris, & vultus: *Iubilate Deo in voce exultationis. In Psalmis iubilemus ei. Iubilate Deo omnis terra. & sexcentis aliis locis, quos sicut enumerare longum, ita innuere est satis, quia omnibus studiosis Hymnorum sunt noti.*

*Iubilus est
deuotionis
effectus.*

Hic iubilus non sine magna aliqua causa à nobis exposci est dicendus, & meo quidem iudicio, alter est deuotionis effectus, alteraue proles. In hoc iubilo videtur Dauid constituere magnam Hymnodia perfectionem, imò & psallentium beatitu-

beatitudinem; nam de psallentibus cum hac soci-
 etate iubilatione pronuntiavit Psalter dicendos es-
 se Beatos: *Beatus populus qui scit iubilationem.* Psal. 88.
 Nam licet nota sit Deo vniuscuiusque psallentis
 conditio & status, quia scrutatur renes & corda;
 tamen iubilatio declarat aptius, quis non ex tri-
 stitia, nec ex necessitate, aut animo seruili seu co-
 acto Deum suum laudat & colit, sed prompto
 hilarique corde, & ideo sit tamquam hilaris da-
 tor plurimum à Deo diligendus, iuxta celebre
 pronuntiatum diui Pauli: *Non ex tristitia, aut* I. Cor. 9.
ex necessitate; hilarem enim datorem diligit Deus.
 Hac eadem iubilatione maxime torquetur dia-
 bolus, qui vires amittit, vbi nouit adesse hanc
 iubilationem.

Nisi psallentes hac sancta exornentur iubila-
 tione, carent præcipua parte perfecti laudatoris;
 hæc enim semper fuit conditio insignior chori
 verè Deo cari. Hanc iubilationem quasi vestem *Iubilatio*
 nuptialem indutus animus religiosus, ingredi-
 tur conuiuium Hymnodicæ, vt paratis deliciis *est vestis*
 perfruatur. Qui hac veste caret, non meretur re-
 cipi, nec admitti à celesti Rege ad bona sui con-
 iuij. David eam exigebat à psallentibus in ipso
 ingressu, monens vnumquemque vt eam sibi
 præpararet: *Introire in conspectu eius in exultatio-* Psal. 99.
ne. Imò si nomen ipsum loci, quod conuenimus
 ad Hymnodiam, rectè attendamus, iubilatio-
 nem cognoscemus exigere. Chorus dicitur hic *Chorus*
 locus; quæ vox siue ducatur à chorea, quia non *unde su-*
 multum discrepant in effectibus hæc nomina, iu-
 bilationem innuit; (nam sicut choreæ plenæ sunt *mas notia-*
 iubilo chorizantium, in quibus modò is modò ille *nem.*
 saltat ordine suo, sedentibus aliis & adspicientibus;

ita iubilare debent psallentes, dum pulcherrime ordine modò hæc pars canit, modò alia, obseruat-
tis alternis vicibus;) siue deriuetur à significa-
tione Musicorum qui in choris harmoniam exer-
cent, iubilationem sibi propriam vendicat, cùm
ratio musices ad exhilarandum animum sit di-
recta.

*Trium-
phantium
iubilus.*

*Iubilus
proprius
pastorum.*

Quia autem non qualiscumque exultatio de-
beret adesse in psallente, sed ingens & singula-
ris, ideò obseruant Doctores vsurpari à Dauide
nomen iubilationis, quæ propriè, ex vi nominis;
significat ingentem lætitiā exultantis cordis ob
aliquod ingens bonum obtentum; & ex proprie-
tate vocabuli significat lætitiā victoriam &
triumphalem, quam nempe sentiunt, & osten-
dunt Duces & milites tempore triumphī, pro-
pter victoriā de hoste insigni reuectam. Nisi
velimus dicere, significari eū lætitiæ affectum,
quem solent pastores præ se ferre, dum conci-
nunt simplices & agrestes cantinelas: videre
enim licet illos iubilatione exundantes per cam-
pos, per prata, per siluas, per montes, suam
extendere iubilationem. Tales deceret esse psal-
lentes, si veri & perfecti laudatores esse concu-
piscunt.

*Beata Vir-
ginis Dei-
para exul-
tatio.
Lucæ i.*

Quotquot fuere Deo pleni, & spiritu abunda-
runt cælesti, ad Hymnodiam exultantes & hila-
res soliti sunt accedere; nam spiritus Dei, qui
hac iubilatione maximè delectatur, eam com-
municat & largitur, tamquam proprium fru-
ctum. Hinc est, quòd sanctissima Deipara, quan-
do Dei gratia & Deo ipso, omnis gratiæ fonte,
fuit plena, eructauit verbum illud & Canticum
bonum, imò optimum; *Magnificat anima mea
Dominum,*

Dominum, & exultauit spiritus meus in Deo salutari meo. Cuius prima verba significant hanc suam exultationem; vbi fortassis posset dici, quòd illa particula coniunctiua & stat pro causali *quia*, more sacrarum Scripturarum, quasi dixerit: Idcirco anima mea magnificat Dominum, quia exultauit spiritus meus in Deo salutari meo.

Posterioribus etiam sæculis Religiosus ille verè pius vereque deuotus, ex sanctissimà diui Benedicti familia, nomine Hermannus, dictus ex membrorum stupore Contractus, generis claritate nobilis, doctrinæ & sanctitatis ornamento nobilior, qui circa annum floruit millesimum, sicuti beatissimæ Virgini Deiparæ erat singularissimè addictus; ita aliquando erga eam maiori æstuans piæ deuotionis affectu, actus diuino spiritu erupit in suauissimum illud religiosissimumque Canticum, cuius initium est, *Salue Regina, mater misericordia*, à sancta matre Ecclesia approbatum, & vsurpatum: quod mira iubilatione exundans, ipsos cantantes, imò & audientes, iubilanti cumulat hilaritate variisque consolationibus eximiis, quemadmodum alibi sumus mox dicturi. In huius exultantis Cantici laudem plura tum pia cum vtilia perorauit diuus Bernardus, præclarissimus beatæ Virginis Deiparæ deuotus, habitis de eo ad Monachos suos aliquot concionibus. Inter cetera eius præconia quæ spiritum commendant auctoris, & formam nobis illud dignè vsurpandi tradunt, vt eiusdem iubilum fructuosum sentire valeamus, hæc proloquitur: *Dulce Canticum, nobilissimum melos, à summis la-
biis Canticum istud effusum venit, à Sanctis com-*

Trithem,
l. de Script.
Eccles.

Canticum
Salue Re-
gina quan-
do, & à
quo compe-
ssum.

D. Bernar.
Serm. 1. de
Salue Re-
gina.

Cantici
Salve Re-
gina suavi-
tas & uti-
litas à qui-
bus sentia-
tur.

positum, à Sanctis institutum, dignè frequentabi-
tur etiam à Sanctis. Et verè nisi à Religiosis, & af-
fectione sancta feruentibus, nec subtiliter intelligi,
nec efficaciter poterit decantari. Est enim tam suave
ad gratiam, tam secundum ad sensum, tam profun-
dum ad mysteria. Tale est, quod à nobis conside-
rari & discuti, prout dignum est, non valeat. Ex
eo autem quod suauiter sonat mulcet affectum, &
de sensuum ubertate mentem impinguat, & in San-
ctam Sanctorum, Aduocatā scilicet nostram, dum
eam quasi presentem salutatur, omnia interiora no-
stra medullitus inflamat. Oportet enim ut nobis
presentem esse dicamus, quam presentem saluta-
mus, & totam animam nostrā trinitatem in eam di-
rigamus, quam tam deuotis precibus exoramus.
Agnoscat certè, & diligit diligentes se, & propè
est in veritate inuocantibus se. Imò dum aliquan-
do Canticum istud in sancti viri gratiam decan-
taretur, ipse, interna actus iubilatione, addidit
pro conclusione pauca illa suauissima verba, O
clemens, ô pia, ô dulcis virgo Maria, ab vniuer-
sali deinde Ecclesia recepta, & deinceps vsur-
pata. Huius additionis euentus fuit huiusmodi.
Spiram, quæ Germaniæ Imperialis est ciuitas,
peruenerat diuus Bernardus tamquam Apostoli-
cæ Sedis Legatus, à Clero & populo exceptus in-
genti lætitia, & ad primariam Ædem Deiparæ
sacram deductus. Quia autem ab omnibus cog-
nitus erat singularis cultor beatæ Virginis Deipa-
ræ, & Cantico *Salve Regina* apprimè addictus, in
ipso Templi ingressu exceptus fuit Bernardus ab
hilari Clero cū huius sacri Cantici suauissima mo-
dulatione. Substitit sanctus Legatus ad audiendū
Canticum; quo expleto, in genua procumbens,
tribus

Io. Nauck.
Volum. 1.
Chronol.
Gen. 89.

tribus in locis alta exclamauit voce prædicta verba; in primo quidem, *O clemens*, in altero, *O pia*, in tertio, *O dulcis virgo Maria*. In cuius rei memoriam, hæc ipsa verba tribus æneis incisa laminis, iisdem locis humi positis quibus sanctus vir cecinit, etiamnum Spiræ videri, asserunt Scriptores. En igitur quanta iubilatione sancti viri Cantica recitent ac meditentur, quando vera sunt deuotione intus affecti siue erga Deum, siue erga Deiparam Virginem.

Ipse Psalmographus, quando voluit prouocare alios ad psallendum, studuit in eis suscitare exultationem cordis, illam suadens grauibz verbis: *Venite, exultemus Domino, iubilemus Deo salutari nostro. Præoccupemus faciem eius in confessione, & in Psalmis iubilemus ei.* quibus verbis ^{Cordis exultatione ingrediendum est ad Psalmidiam.} *Psalm. 94.* vvimur, quando ad psallendum ingredimur, & Officium diuinum aggredimur in ipso exordio Precum nocturnarum. Vinam quemadmodum verbis pronuntiamus, ita re & opere exequamur Dauidicam hortationem; certi essemus placitas tunc futuras & caras Deo nostras Hymnodias. Notauit in his verbis D. Augustinus, quòd non inuitamur simpliciter ad exultandum & iubilandum, cum inueniatur exultatio & iubilatio carnis, sensus & sæculi, quæ spiritum destruunt, ^{Exultatio sæculi non est bona.} non autem adiuuant, sed dixit exultandum Domino, & iubilandum Deo. *Inuitat*; ait Augustinus, *ad magnas epulas exultandi non sæculo, sed Domino. Nisi enim esset in hoc sæculo exultatio mala, qua distinguenda est ab exultatione bona, sufficeret dicere: Venite exultemus. Ergo exultatio mala est, exultare sæculo; exultatio bona est, exultare Deo. Pie debes Domino exultare, si vis securus mundo*

mundo insultare. Ex hac exultatione erga Deum
 oritur iubilatio erga ipsum Deum.

*Cordis iu-
 bilatio un-
 de habenda.*

Hic iubilus sicut à paucis forsitan obtinetur, ita
 donum Dei est, & ortum suum ducit ex studio
 Deo placendi, & ex corde verè Deum diligente,
 quemadmodum magis apertè declarauit Dauid
 Psalmo 39. *Exultent & latentur super te omnes
 querentes te; & dicant semper, Magnificetur Do-
 minus, qui diligunt salutare tuum.* Quod pro-
 nuntiatum, quia altam continet doctrinam, re-
 petitur iisdem verbis in alio Psalmo, vt magis

Psal. 69.

cognoscatur vera causa & origo exultationis &
 iubilationis; quæ nimirum est tum inquisitio,
 tum dilectio Dei: omnes enim quærentes & di-
 ligentes Deum exultant, & lætantur magnifi-
 cantes eum. Hanc habentes exultationem num-
 quam Hymnodiam aut fastidiunt, aut omittunt,
 sed hilares & volentes eam explere student ac sa-
 tagunt. Huius effectum conspicerere nobis licuit
 in Religioso ex nostris, non sine magna om-
 nium consolatione; cuius grata recordatio nunc

*Petri Ma-
 ria Sessa
 pietas, &
 iubilatio.*

etiam delectabit. Is fuit Petrus Maria Sessa, Sa-
 cerdos non infimæ doctrinæ, qui humilitatis
 Christianæ amore supplex obtinuit à nostris Su-
 perioribus Ianitoris officium, quod non nisi
 Conuersis solet adscribi, idque expleuit per an-
 nos vigintiquinque, & ultra, magno ædifica-
 tionis exemplo apud omnes qui eum nouerant
 in vrbe Mediolani. Omnes sæculares aduentan-
 tes ad nostrum Collegium hilari semper placi-
 doque excipiebat vultu, eis iniungens, vt, dum
 se conferret ad Sacerdotes vocatos perquirendos,
 vel aliquam ex piis imaginibus prope ianuam ap-
 pensis conspicerent; vel librum, quem offere-
 bat,

bat, rerum spiritualium legerent. Quòd si forte, ob aliquam occupationem, vocatus Sacerdos esset aliquantulum expectandus, hic humilis ianitor sæculari illi se iungebat, vel colloquia spiritualia trahens, vel in vicinam nostram Ecclesiam cum eo ingrediens, docebat aut orandi, aut peccata ritè confitendi modum, aut capita doctrinæ Christianæ præcipua, iuxta captum aduentantium se accommodans. Quando itaque statæ horæ psallendi in choro adueniebant, ad primum campanæ ictum, quasi ad Angelicam siue cælestem vocem assurgens, hilaris properabat quærens socium à Superiore subrogatum, cui ianuæ clauem renuntiaret, vt ad alterum campanæ signum expeditus, nulla interposita mora, posset ad chorum accedere. Mira conspiciebatur in hoc Religioso iubilatio in ingressu chori; iubilans canebat in progressu; iubilans quoque visebatur in egressu. Numquam vidimus tristem; numquam remissum, sed exultantem, quasi dixerim exsiliantem, dum caneret. Et sicut Deus ab hoc seruo suo dum viueret tanta cum hilaritate & iubilo fuit laudatus, ita eidem ipse voluit rependere honorem, illud Dauidicum explens, *Nimis honorificati sunt amici tui, Deus.* Psal. 138. nam tempore mortis Psalmorum versiculos frequentans hilaris visus est expirare. Audita eius morte per urbem, conuenerunt ad Ecclesiam nostram diui Alexandri, vbi eius cadauer de more expositum iacebat, quotquot omnis sexus, omnis ordinis eum antè nouerant, præsertim qui tunc erat Mediolanensis Status supremus Cancellarius, lacrymis eius mortem deplorantes dicebant: *Sanctus mortuus est.* (hoc nomine eum dum

dum viueret appellabant.) Vnusquisque certatim manu & calculis precatoriis tangere eius cadauer studebat, frustula vestium, capillos, barbam, ex pia deuotione præcidebat. Huius viri iubilatione sicut nos oblectat sola recordatione, ita etiam confundit, & pungit, & ad sanctam inuitat æmulationem. Iubilus iste non deberet quidem signis externis à psallentibus prodi, propter pericula quæ huiusmodi exteriores actus secum afferre consueuerunt. Verumtamen sicut iubilus potest diuina fauente gratia ad tantam excrefcere vim, vt nequeat angusti cordis contineri aut comprimi cancellis; ita foras erumpere tunc permitti potest sine vlllo periculo, imò haud sine sociorum cantantium consolatione & ædificatione. De venerabili fratre Ioanne à Cruce, strenuo sanctæ Teresiæ commilitone, in Opere reparationis Carmeliticæ pristinæ perfectionis narratur, quòd valdè excelluerit hac gratia iubili circa diuina mysteria, quæ per annum ab Ecclesia in sacrorum Officiorum solemnitate recoluntur, præsertim circa mysteria ipsantia Domini nostri seruitoris, circa beatissimam Virginem, eiusdem incarnati Dei Genitricem, & circa augustissimum Eucharistiæ sacramentum. Aliquando, huius cælestis iubili actus vi, non poterat vir egregius se à variis lætitiæ exterioris gestibus reprimere, quibus fratres suos exhilarabat, & excitabat, & psallens cum ipsis in choro ad deuotionem prouocabat.

Si nobiscum minùs valeant huiusmodi exempla eorum qui nostri generis, status & ætatis fuerunt, valeant saltem exempla auum ratione expertum, & pudeat aliquando Religiosos non exequi

Fr. Ioseph.
à Iesu Maria
lib. 1.
Hist. c. 39.
& seq.

exequi maiori alacriorique spiritu, quod facere nouerunt aues discursu rationeque carentes. Has videmus tum volatu tum cantu implere aërem exultatione, quasi Deum factorem laudantes. Hoc exemplum ad nostram æmulationem urgebat diuus Ambrosius. Quis hominis sensum gerens non erubescat sine Psalmorum celebritate diem claudere & adoriri, cum etiam aues solemni iubilatione & dulci carmine ortus dierum ac noctium prosequi non cessent? Vtuli hac exultatione carent profecto illi psallentes, qui vocem vel à ductore chori, vel à cantoribus Hymnodiam incipientibus prolata minimè prosequentes, sed aliam submissiorem sumentes, canunt ita languide, ut legere potius quam canere videantur. Idque euenire frequentius potest apud eos qui voce tantummodo vnisona psallunt, inter quos vel aliqui, vel omnes, sequi nescientes aut nolentes præcipientium vocem, ducere potius quam duci volunt. Quod nec loci, in quo psallitur, conuenit dignitati, nec sine magna audientium, imò & sociorum offensione, & non sine graui diuini cultus, qui hilaris esse deberet, iniuria potest accidere. Qui hac canendi vtuntur ratione, manifestè declarant proprii cordis mœsticiam atque repiditatem, qua ad chorum accedunt, & inuiti Angelico adstant muneri. Ad hanc cordis iubilationem acquirendam non mediocriter iuuare poterit compositio animi in primo ingressu. Qualis vnusquisque se componit in ingressu Hymnodie, talis ut plurimum prosequi solitus est vsque ad finem. Qui tepidus vel remissus aggreditur Hymnodiam, tepidè remisseque ad finem vsque progreditur, imò

*Animum
volatus hi-
laris &
cantus ala-
cris æmu-
landus.
D. Ambr.
lib. 5. He-
xaem.*

*Initij qua-
litas pro-
gressum de-
clarat.*

- imò semper potiùs vergit in deterius, iuxta nostræ naturæ corruptæ conditionem. Hinc illud Daudicum consilium ad omnes pias personas, Deû exorare & laudibus celebrare cupientes: *Introite in conspectu eius in exultatione.* Cognoscens sanctus Rex vim initij operum humanorum, illud suadet tamquam fundamentum præcipuum omnis perfectionis in Hymnodia. Qui studebunt illi munditiei cordis, de qua in sequenti Capite agemus, faciliùs hanc iubilationem in ipso ingressu obtinebunt, & in progressu tum sustinebunt, tum etiam augebunt. Iubilatio comes videtur puritatis & munditiei. Quò pertinet illud Ecclesiastæ pronuntiatum verè aureum: *Custodi pedem tuum ingrediens domum Dei.* Quem locum Salonius ad animæ custodiã applicat, quando ad Deum laudandum quis accedit ut munda preces effundat; & est sensus: Custodi gressum mentis tuæ, ne offendas in malis cogitationibus, ut oratio tua pura dirigatur ad Deum. Expendere possumus etiam verbum illud *ingrediens*, quo significatur, maximi esse ponderis, in huiusmodi cum Deo conuersationibus, qualitatem primi ingressus, ex quo pendeat qualitas progressus.
- Ingressus ad diuinas laudes qualis esse debet.*
- Psal. 99.**
- Eccle. 4.**
- Salonius
Tom. I. Biblioth.

CAP V T VIII.

Qua cordis puritate ad Hymnodiam accedendum.

ELEGANTEM habuit Homiliam diuus Chrysostomus circa munus altissimum laudum diuinarum, dum præ manibus haberet illam Dapidis vniuersalem omnium populorum inuitationem

tionem ad hoc explendum munus: *Laudate De-* Psal. 118.
minum omnes Gentes, laudate eum omnes populi.
 quam Homiliam refert Sixtus Senensis in sua Sixtus Se-
 Bibliotheca. In ea sanctus Doctor validissimis nepf. lib. 3.
 comprobatur argumentis, præcipuam laudatio- Biblioth.
 num vim in animi puritate sitam esse. Urget in sanctæ.
 primis exemplum similitum laudum à Deo mor-
 talibus commonstratum, quando auditi sunt ab
 Isaia Prøpheta Angeli sublimiores Deum Hym- Isaia 6.
 nis celebrantes; tunc enim cognoscens Prophe- Angelo-
 ta, quantum humana conditio distet ab Angelica rum puri-
 puritate, dixit: *Va mihi, quia tacui, quia vir pol-* tus nobis
lutus labiis ego sum, & in medio populi polluta la- proponen-
bia habentis ego habito. Ex quo euentu statuit con- da.
 clusionem hanc diuus Chrysostomus: *Oportet*
itaque Angelum fieri, & ita laudare Deum, ut gloria
eius per rectam nostræ vitæ institutionem illustretur.
 Et sicut tanta hæc puritas cordis, ut Angelorum Deum lau-
 puritatem assequatur, est admodum rara; ita ma- dare vitæ
 gis difficile redditur munus laudationis, licet a- est diffi-
 liquis crederet maximè facile. *Non ergo hanc Dei* cile.
laudem, ait Chrysostomus, rem esse leuem existi-
memus, sed nitamur, ut ante os nostrum vitæ nostræ
ipsum laudet.

Hymni itaque nostri tunc Deo gratiores offe-
 rentur, quando à laudatis viris, nimirum à viris
 iustis & sanctis, saltem sanctitatis & iustitiæ stu-
 diosis, exhibebuntur. Sicut non censetur spe- Eccli. 15.
 ciosa laus in ore peccatoris, ex Auctore Ecclesia-
 stici; ita rectos decere laudationem Dei, &
 gratissimam laudem prodire ab Ecclesia sancto-
 rum docuit & prædicauit Hymnographus, inter Psal. 32.
 alias rationes afferens istam: quia ita in lauda- & 149.
 toribus necessaria videtur puritas & sanctitas,

*Cordis
mundities
est necessa-
ria in psal-
lente per-
fecto.*

*Psal. 32.
D. Aug. in
Psal. 148.*

*Mundities
vestium &
nitor requi-
ritur in Dei
ministris.*

sicut pura & sancta est materia Hymnorum, ni-
mirum eloquia Dei, & opera ipsius, quæ purissi-
ma sunt & sanctissima: *Quia rectum est verbum
Domini, & omnia opera eius in fide.* Vbi non adest
hæc totius hominis rectitudo & sanctitas, sola
vox nihil obtinere potest. D. Augustinus horta-
batur psallentes his verbis: *Cum laudatis Deum,
toti laudate: cantet vox, cantet vita, cantent fa-
cta.* Si ipsi idololatræ exigebant à suis Sacerdo-
tibus, ad Sacrificiorum oblationem deputatis,
munditiem & nitorem vestimentorum, alioquin
arcebant eos ab hoc sacrificandi munere, vt de il-
lis pronuntiauerit Poëta,

——— *Puraque in veste Sacerdos:*

quantò magis requiri decet in nostris ministris,
ad cultum Dei deputatis, tum animi tum corpo-
ris munditiem & puritatem, qui Deum verum
laudare debent cordium inspectorem, & ama-
torem?

Quando Principibus magnis volumus offerre
aut tributum aut donum, solemus exponere vasa
quæ possidemus insigniora & pretiosiora, vel au-
rea vel argentea, vt ablatis appareat gratior in
ipso ingressu. Laudes quoque, Hymni & preces,
quas Deo altissimo offerre decernimus, quam-
uis sint ex sua conditione insignes, perfectiores
tamen apparebunt & gratiores, si vas opportu-
num aureum aut argenteum, non ligneum, nec
etiam vilius aut turpius aderit; si nimirum cor
psallentium ea puritate & candore nitere studeat,
quemadmodum decet ministrum Dei. Hanc va-
sis similitudinem Hugo Cardinalis fuisse à Da-
uide significatam & requisitam putat in illis ver-
bis, *Confitebor tibi in vasis Psalmi veritatem tuam;*
intelligens

Psal. 70.

intelligens in sensu allegorico pro vasis Clericos, siue Ministros in choro psallentes, aduertitque, ex doctrina Apostoli Pauli, vasorum my- 2. Tim. 2.
sticorum alia esse in honorem, alia in contumeli-
am. Nouimus ex Scripturis illos fuisse vasa ini- *Mundi cor-*
qua & contumeliosa, qui à sanctissimo Patriar- *de vasa*
cha inter alios filios, ob morum prauitatem, di- *sunt electa.*
cti sunt *Vasa iniquitatis*; contra verò nouimus Genes. 49.
Paulum, ob nouitatem mundissimæ vitæ, ap-
pellatum fuisse à Deo *Vas electionis*. Studere Actor. 9.
vnusquisque debet munditiei & puritati cordis,
vt vas electionis & honoris redditus, offerre va-
leat Deo dignos & gratos Hymnos; certus, quòd
sicut Dei conspectui gratiores exhibebit preces,
ita à Deo citius exaudietur.

Expendere ad hanc rem non erit inutile san- *Columba*
cti Hymnographi pium votum, vt suas preces *ala expe-*
acceptiores Deo valeret offerre, illud, inquam, *suntur à*
votum obtinendi alas columbæ, quod magno *Dauid*
ardore emisit Psalmo 54. *Quis dabit mihi pennas* *orante.*
sicut columba? Non enim vacare mysterio pu- *Psalm. 54.*
tanda sunt hæc verba quasi prolata more Poëta-
rum, qui carminibus & verbis suis auium alas
aliquando exoptare audiuntur, vt suos affectus
citius ad destinatum mittant scopum. Myste-
rium agnoscendum est ad rem nostram oppor-
tunum. De precibus & Hymnis sicut est sermo, *Columba*
ita columbæ conditiones sunt aptæ. In primis co- *conditio-*
lumba cognoscitur animal gemitui deditum, & *nes apta*
ideò in sacris Litteris symbolum fuit meditan- *oransibus,*
tium cum gemitu, iuxta pronuntiatum Ezechiae
Regis Israël: *Meditabor vt columba*. Huius ge- *Isaia 38.*
mitus & meditatio sunt tam placita Deo, vt ani-
ma, huiusmodi exercitio meditationis intenta,

Cantic. 6. dicta sit columba electa Dei : *Vna est columba mea.* Siue etiam dicere possumus, quod sicut columba, ob nitorem quem diligit in se, est puritatis symbolum & munditiæ, ita aptissimum est

*Columba
perferunt
litteras col-
lo alliga-
tas.*

**Plin. l. 10.
cap. 37.**

**Acian. l. 9.
cap. 2.**

**Varro de
Re rust.**

**cap. 27.
Sabellic.**

**Acnead 9.
lib 9.**

**Aldrouad.
lib. 15. Or-
nith.**

**D. Ambr.
in Psal. 118
Serm. 22.**

animal ad perferenda vota orantium Deo. No-
uerunt militaris rei periti, cuiusmodi erat sanctus
Dauid, ab inclusis & obsessis intra mœnia adhi-
bitam fuisse columbarum operam, ad monen-
dum amicos, per litteras auium istarum collo al-
ligatas, de rerum statu, & de necessitatibus ob-
fessorum. Hac arte vsi Hirtius deinceps & Bru-
tus, in obsidione Mutinensi litteras miserunt ad
auxiliares amicos, dum eorum res maximè peri-
clitaretur, & auxilia opportuna obtinuerent; quem-
admodum ab iis quoque, ob alias causas, facti-
tatum esse prodiderunt Historiæ omnibus obuiz.

Dauid sui periculi conscius, dum in hac vita de-
geret variis periculis obnoxia, sicuti Hymnos &
Psalmos vsurpare non omittebat, quasi litteras
missurus ad Deum, columbæ alas exoptabat,
hoc est puritatem, munditiem nitoremque co-
lumbinam, confidens quod citiùs exaudiretur:

*Quis dabit mihi pennas sicut columba? O veræ
columbæ quotquot estis animi puritate nitentes,
Psalmodiæ studiosi, vos cantu volatis & medita-
tione, auxilium vobis aliisque imploratis, libe-
rationem à multis periculis postulatis, & obtine-
tis. Bona vita, aiebat diuus Ambrosius, volare
facit orationem, & dat alas precibus spirituales.*

Nisi velimus dicere cum eodem diuo Ambrosio,
quod bona vita dirigit orationem ad Deum, sicut
dirigitur nauis ad portum omni instructa appa-
ratu; cuius vela sint iustitia, flamina, sapientia,
remigia, deuotio & fides, subsidia, innocentia &
puritas.

puritas. His virtutibus ornatī sunt illi recti, qui ad Hymnodia possunt animo fidentiori accedere, & de quibus dicitur: *Rectos decet collaudatio*; seu, ut Psal. 32. Aquila legit, *Rectis speciosa sit Hymnorum decantatio*.

Nullō autem modo placere possunt Deo Hym- ^{Peccato-}
ni ore peccatoris oblātī. Dominus noster & san- ^{rum laudes}
cti Apostoli, si aliquando à dæmonibus lauda- ^{Deo ingra-}
bantur, illas respuebant laudes, increpantes im- ^{ta.}
mundos spiritus, eisque silentium imponentes. Omissis dæmonibus, constat fuisse acerbissimè increpatos quosdam iniquos per Hymnographū, quia usurpare auderent diuinas laudes: *Quare tu* Psal. 49.

enarras iustitias meas, & assumis testamentum meum per os tuum? Nos homunciones respui- ^{Improbo-}
mus aliquando sententias etiam viles ab impro- ^{rum dicta}
bis pronuntiatas, nec illis fidem præstamus aut ^{nullius sunt}
auctoritatem; quia apud nos illa improbitas au- ^{auctorita-}
fert prorsus, vel saltem minuit auctoritatem & ^{tis apud vi-}
fidem dictorum. Vnde & proditum est de Lace- ^{ros graues.}
dæmoniis, quòd adeò odissent improbitatem in ^{Plutarch,}
suis ciuibz, ut si quis vitio aliquo infectus con- ^{de Audit.}
silio publico interesset, pronuntians sententiam ^{Laced. &}
Reipublicæ vtilem, nollent eam prius recipere, ^{de Ciuil,}
aut approbare, quàm ab aliquo viro cognitæ pro- ^{instit.}
bitatis iterum proponeretur. Quomodo non cre-

demus idem multò firmiori fundamento nobis ^{Aul. Gell.}
eueniendum apud diuinam Maiestatem, cui odio ^{lib. 18. c. 3.}
sunt impius & impietas eius? Numquam ac- ^{Impij Deo}
ceptæ erunt Deo improborum laudes, quamuis ^{inuisi.}
sint natura sua altæ & sublimes, iuxta illud Da-
uidis celebre pronuntiatum: *Iniquitatem si aspe-* Psal. 65.
xi in corde meo, non exaudiet Dominus. Vbi con-
sultò dixit Propheta, *si aspexi.* quod tunc euenit,
quando quis videns & attendens se aliqua ini-

quitate detentum, non deponit voluntatem peccandi, sed voluntariè persenerat in illa; tunc certum est, non exaudiendum esse à Deo. Quia si de graui agitur peccato, quod dicitur lethale, constat, quòd meritum nullum, nullumve gratiæ augmentum obtinetur per illas preces in peccato expletas, cùm meritum supponat gratiam. Si agatur de peccato leui, seu quod dicitur veniale, etiam istud, quia est voluntarium, impedit spirituales mentis refectiones, quas sentiunt & experiuntur amatores puritatis.

*Psallentes
ex officio,
etiã in pec-
cato existi-
tes, possunt
alijs impe-
trare uti
ministri
Ecclesiæ.*

Lib. III.
cap. II.

Lib. I. cap.
XIX.

Non ideo excusari debent ab Officij diuini recitatione, nec à chori frequentia, qui peccati mortalis labe se vident infectos, nam per peccatum non impeditur debiti satisfactio: & licet peccatores nullum inde meriti fructum pro se reportent, possunt tamen alijs obtinere quod postulant; præsertim quia in persolutione Hymnodix induunt Ecclesiæ personam, eiusque vtuntur orationibus & precibus. Ecclesiam constat semper esse Deo gratissimam & dilectissimam, tamquam sponsam sponso, licet odio habeatur minister indignus, qui polluto corde profert Hymnos & preces; quemadmodum dicitur Libro sequenti. Verùm expediret ante Hymnodix ingressum mutare voluntatem, imò & concipere actum aliquem contritionis, quando copia non suppetere Confessionis Sacramentalis; ne labor & opus tantæ dignitatis omnino amittatur quoad fructus. Diximus aliàs, quòd etiam peccatores (si voluntatem deponant peccandi) à Deo exaudiantur ad propriam vtilitatem. Qui etiam vitioso aliquo habitu nouerunt se affectos, nec antea emendare studuerunt, deberent ante accessum ad Hymnodiam

diam idem elicere propositum emendationis, ne à Deo despiciantur, & reprobentur in hoc ministerio, quod exigit puritatem non solum à vitiis, sed etiam ab habitibus vitiosis.

Ferventiores, qui sedulam navant operam perfectioni, licet sibi consciij non sint de peccato, quia tamen cum Paulo Apostolo dicere possunt, *Non in hoc iustificatus sum*, timentes accedere cum aliqua macula, orationes particulares adhibendas sibi præscribere student opportunas, ut cordis munditiem à Deo valeant obtinere. Vnusquisque sibi eligere potest illam precum formulam, quam sibi magis congruere cognoscit. Nos aliquando vti sumus illa breui, sed apposita ad rem orationis, unico verbo mutato, quam ante Euangelij recitationem in Missæ quotidiano Sacrificio usurpat omnis Sacerdos: *Munda cor meum ac labia mea, omnipotens Deus, qui labia Isaia Propheta calculo mundasse ignito: ita me tua grata miseratione dignare mundare, ut dignè ac competenter laudes tuas valeam ennuntiare.* Multum valebit hæc oratio, si ritè ex animo exerceatur; forsan exaudietur, sicuti exauditum est votum illius Prophetæ qui in hac oratione recolitur. Huic, quia excruciabatur, videns suam impuritatem, collatam præsertim cum Seraphinorum quos audierat puritate, adfuit statim Angelus, purgans & linguam, & cor, & mentem: *Ecce tetigit hoc labia tua, & auferetur iniquitas tua, & peccatum tuum mundabitur.* Sicut idem est Deus, ad eadem quoque nobis præstanda paratus est dona aliis aliquando facta, imò & maiora, si, quantum est ex nobis, præparationem opportuniorem exquiremus.

Preces adhibende ante diuinum Officium.
1. Cor. 4.

Oratio ante diuinum Officium opportuna.

Isaia 6.

Opportuna etiam esse potest illa Davidis precatio, qua sibi postulabat restitui pristinam cordis tum puritatem tum rectitudinem, quam aliquando delinquens in legem Dei amiserat, ut mereretur dignè prosequi inceptum munus celebrandi laudes diuinas; *Cor mundum crea in me Deus, & spiritum rectum in noua in visceribus meis.* Hæc oratiuncula sicuti breuior, ita forsan efficacior erit ad finem quem intendimus. Non omitamus nos quas possumus diligentias & præparationes opportunas, Deus quoque non obliuiscetur misericordias super seruos suos; ipse diriget cor, diriget mentem, diriget verba, &, si opus erit, nouum cor, nouam mentem, nouos conferet affectus, sicuti felici Catharinæ Senensi, hunc versiculum frequenter ex animo recitanti, euenisse scripserunt Historiæ.

Psal. 50.

Corda mittat Deus.

C A P V T IX.

Cordis tranquillitas gratiorem Deo reddit Hymnodiam.

*Passiones
nubes sunt
animi.*

D. Tho. 2.
2. q. 17, ar. 1

Vt perfectiùs expleantur diuinæ laudes, sicut animi conditio est præcipuè attendenda, ita deceret animum esse ab omni molesta passione, ab ira præsertim, liberum, ut capax esse queat diuinarum illustrationum & illuminationum. Cor, aliqua inordinata affectum passione, incapax est omnis boni motus tam in intellectu quàm in voluntate; affectu enim illo, quasi nube aliqua aut caligine, & impeditur, & obscuratur, ne diuinarum rerum lux & calor ad animum penetret. Diuus Thomas, agens de donis Spiritus sancti

sancti qui animum hominis perficiunt, & affi-
ciunt ad diuina; cum docuisset, cæcitatem men-
tis oppositam esse illi dono Spiritus sancti, quod
dicitur Intellectus, tradit, hanc cæcitatem ex du-
plici præcipuè capite oriri, nimirum vel directè,
quando quis voluntariè & spontaneè mentem à
consideratione diuinorum auertit, quia nolit in-
telligere vt benè agat; vel indirectè, quando ani-
mus variis distrahitur & occupatur affectibus
terrenis ac passionibus inordinatis. Inde ema-
nauit commune proloquium circa passionem iræ:
Impedit ira animum, ne possit cernere verum.

Et sicut non habitat sapientia in corpore subdito
peccatis & passionibus; ita animi tranquillitas
maximè confert ad rerum diuinarum intelligen-
tiam & gustum; quemadmodum rectè docuit
Abbas Theodorus apud Cassianum. Hic verus
Religiosus sicut, ob studium purgandi cor à pas-
sionis, mirabiles circa diuina illustrationes re-
cepit in oratione, ita grauitè hortabatur, animi
puritatem ab omni passionis inordinatæ affectu
esse omni studio quærendam, ob hanc rationem;
quia his passionibus expulsis, cordis oculi, quasi
sublato velamine, Sacramenta percipere poterunt
Scripturarum; quæ antea, vitio nostræ quasi ve-
lamine oculos obnubente, reddebantur obscura.

Cor turbatum passionibus est sicut aqua turba-
ta, in qua degentes pisces respicere non valent
nec aëris claritatem, nec retium insidias. Diabo-
lus, quando faciliè impedit intendit fructum
Hymnodæ, quasi astutus piscator turbare con-
atur psallentium corda aliqua passione, præsertim
iræ, quæ frequentior in homine, & facilius susci-
tatur; certus, quòd inde plurimos obtinebit ef-
fectus

*Irati cordis*fectus peiores. Obtinet saltem hoc, quòd ingra-
*damna.*ta redditur Deo melodia, ob cordis dissonan-
 tiam ex iracundia ortam. Tunc tantummodò
 vera à nobis profertur vocis & cantus melodia,
 quando cor existit in suis affectibus consonum.
 Id exigere volebat David à nobis in illa sua hor-
 tatione : *Cantate, & exultate, & psallite. Psallite*
Psal. 97. *Domino in cithara, in cithara & voce Psalmi.* Hæc
Morum & verba si rectè attendantur, omnem à nobis ex-
*affectuum*cludunt inordinationem passionis : nam in ver-
*consonantia*bo *cantate* vocis modulatio ostenditur; in verbo
*gratiorem**reddunt* *psallite* materia offertur occupationis; in verbo
Psalmodiâ. *exultate* lætitia exprimitur. cantantis; in verbo
psallite materia offertur occupationis; in verbo
cithara morum & passionum perfecta declara-
 tur consonantia. Sicut cithara pluribus constans
 chordis tunc gratum suauemque reddit sonum,
 quando chordæ sunt inter se consonæ & concor-
 des; ita animus humanus tunc gratum edit sonum
 in suis operationibus, quando omnibus virtuti-
 bus ornatus, sedatas & ad virtutis regulam con-
 formes tenet passiones. Hanc virtutum animique
 consonantiam intellexit in hac cithara à Davide
 proposita D. Hieronymus, vel quicumque alius
P. Hieron. *in Psal. 97.* sit sub nomine Hieronymi Commentator, super
 hunc Psalmum. Possumus etiam aduertere aliud
 mysterium ad hanc rem opportunum in gemina-
 tione huius verbi *cithara*, quod usurpat David
 dicens; *In cithara, in cithara* : quia scilicet talis
 debet adesse consonantia in laudante Deum, ut
 utraque cithara hominis, seu utraque portio ho-
 minis, interior & exterior, sit rectè consona, nec
 ullam chordam affectus aut motus discordem
 habeat.

Huius

Huius animi tranquillitatis sicut extitit egregius doctor David, illam suadens aptis allegorijis, ita præcipuus fuit studiosus assëcla, ne eius Hymni à Deo despicerentur. Mira profectò fuit huius bellicosissimi viri cum omnibus mansuetudo, quæ abire quasi in prouerbiū visa sit inter homines, & appellari ipse meruerit vir omnis mansuetudinis; quasi dicatur in ea altiori sublimiori quæ mansuetudine resplenduisse, quæ maior potest repetiri. Nisi velimus dicere, quòd dictus sit vir omnis mansuetudinis, quia in se vnitos habuerit omnes gradus mansuetudinis perfectiores in alijs viris insignibus dispersos, quos omnes altè superauit. Ideò dicitur Psalmo 131. *Memento Domine David, & omnis mansuetudinis eius.* Hanc virtutem non semel ostendit David erga hostes, quos habuit plurimos; sibi verbis & opere insidiantes, Saulem infestissimum Regem, Absalonem ingratisimum filium, & Semei contumeliosissimum seruum; omnibus, tamen capitales iniurijs; quas facili negotio poterat vlcisci, liberalissimè condonauit.

Mansuetudo cordis mira in Davide bellicosissimo.

Mansuetissimus hic vir, dum alium Psalmum esset inscripturus, in quò de suis persecutionibus, quas patiebatur, agere intendebat, posuit hæc verba; *Pro columba muta*: sic enim legitur titulus à D. Hieronymo; vbi vulgatus legit, *Pro populo*. Verè columba David innocentia studiofus, columba mansueta absque amaritudinis felle, columba muta in aduersis silens, mansuetudini studens. Silens & eloquens David erat. Silens in aduersis æquo animo ferendis: obmutescēbat enim, cum consisteret peccator aduersum se. Eloquens autem in Hymnis Deo suo decantandis.

Psalm. 131.

Psalm. 55.

Psalm. 38.

Cognosce-

*Manfueto-
rum oratio
Deo grata.*

Cognoscebat Dauid huius virtutis vim miram cum Deo, qui humilium & mansuetorum libenter audit preces. Sicut huius virtutis fuit studiosissimus amator, ita hac sola confisus, postulare ausus est Templi ædificationem, quam maximè cupiebat, vt meliùs vacare posset suis Hymnodiis. Totus est in illo Psalmo, vt postulet hanc gratiam, non proponens merita præcedentium Patrum, non stirpem ex procreatione Sanctorum deductam, non promissiones à Deo habitas de nascituro Messia; non denique titulum aliquem speciosiore, sed tantùm eminentiam propria mansuetudinis: *Memento Domine Dauid, & omnis mansuetudinis eius.* Et ob huius virtutis remunerationem, ait S. Chrysostomus, petiit Templi constructionem, vt Dei cultus maximè propagaretur, putans Dauid faciliùs hoc medio obtinere effectum postulatum; quia nouerat Deum libenter respicere mansuetos, & eorum beneuolentiùs audire laudes & orationes.

*Manfueto-
rum preces
citiùs exau-
diuntur.*

Nec solùm faciliùs & citiùs exaudiuntur preces mansuetorum, sed aliis etiam cumulantur mansueti maioribus bonis, licet non postulatis. Sicut qui hanc virtutem profitentur faciliè omnibus cedunt, potiùs sibi ipsis damnum aliquando eligentes, vt concordia conseruetur; ita Deus hos largiùs varijs cumulare solet beneficiis singularibus. Expendebat ad hanc rem D. Chrysostomus illustre illud mansueti cordis exemplum, quod prioribus mundi sæculis à sanctissimo Patriarcha Abrahamo fuit mundo traditum, quando, ne orta dissensio inter pastores ipsius Abrahami & pastores Lot consobrini, pascuorum causa, ne, inquam, à seruis ad dominos dissensio mi-
graret,

D. Chryf.
Hom. 34.
in Gen.

Gen. 13.

graret, sanctus Abraham statuit potiore pa-
 scuorum terram cedere alteri, & ad huius arbi-
 trium omnem eligendi facultatem referre, modò
 omnis discordia tolleretur. *Ne quaſo*, ait Abra-
 ham, *ſit iurgium inter me & te, & inter pastores*
meos & pastores tuos: fratres enim ſumus. Ecce
univerſa terra coram te eſt: recede à me, obſecro: ſi
ad ſiniſtram ieris, ego dexteram tenebo: ſi in
dexteram elegeris, ego ad ſiniſtram pergam. Tantæ
 fuit vis apud Deum hæc manſuetudinis declara-
 tio, ut ſtatim res Abrahami cœperint feliciffimos
 habere progreſſus, & in dies magis magiſque ex-
 creſcere in meliùs.

Quicumque hac manſuetudine ornatur, poteſt
 verus dici diſcipulus Chriſti; hac enim, quaſi
 proprio ſigno, ſuos inurit & diſtinguit ab alijs
 Deus, quemadmodum declaratur ab ipſo Chri-
 ſto dicente: *In hoc cognoscent omnes quia diſcipuli*
mei eſtis, ſi dilectionem habueritis ad inuicē. Tunc
 elucet vera manſuetudo, quando offertur occa-
 ſio tolerandi à fratre aliquod probrum, aut con-
 ſuetudinis perfectio, quando offenſa patitur ſilens,
 & lata. Hac vigente manſuetudine inter pſallen-
 tes mortales, chori militantis Eccleſiæ nihilo diſ-
 ſimiles redduntur chori cæleſtium Angelorum,
 in Eccleſia triumphante iugiter Deum laudan-
 tium. Si enim integri Ordines Religioſorum,
 chori Pſalmodiam haud habentes, iure glorian-
 tur ob hanc manſuetudinis egregiam prærogati-
 uam, non recantandi ſcilicet ad opprobria fre-
 quentiſſima, ſed orandi pro inimicis, ad imitatio-
 nem Chriſti Domini & diui Stephani, ut idcirco
 hanc manſuetudinis virtutem ſibi choralis Hym-
 nodiæ

*Manſuetu-
rum apud
Deum me-
rita præ-
claræ.*

*Manſuetu-
do eſt nota
diſcipula-
tus Chriſti.*

Ioan. 13.

*Manſuetu-
dinis perfe-
ctio in quo
ſita.*

nodia loco propriam asserant; multò maiori ratione ac iure gloriari debent ceteri Ordines, quàm chori Psalmodiam exercent vnà cum ipsa mansuetudinis virtute coniunctam: quia & Christi Domini & diui Stephani æmulantur sublimem conditionem, & insuper sanctorum Angelorum assumunt & frequentat præclarum munus. Hanc studet dæmon omni conatu & arte auferre omnino, vel aliquo modo saltem turbare; quia cum non valeat omnes ab Hymnodia frequentia auertere, saltem conatur reddere Hymnodiam Deo odiosam, cuiusmodi est illa quæ animo ira turbato expletur. Nouit hostis malignus, respui à Deo omnes iracundorum oblationes, sicut in ipso mundi ortu se obtinuisse gloriatus est in Sacrificiis oblati à Caino, quæ à Deo negligebantur, imò reiciebantur: *Ad Cain & ad munera illius non respexit.* quia is oderat fratrem Abelem, iramq; aduersus eum retinebat. Hæc causa innuitur ab ipso sacro Textu. Interrogans enim Dominus Cainum, cur ipse vultus concidisset, statim addit, iuxta lectionem Septuaginta, *Nonne si rectè offeras, non rectè autem diuidas, peccasti?* verba ista innuunt, Cainum iam meditatum esse contra fratrem Abelem malas diuisiones seu discordias, & peccati iam fuisse reum. Hæc autem culpa oblationes à Caino factas reddebat Deo odiosas, quāuis aliàs illæ essent rectè expletæ. Hinc scripsit

Iracundorum preces à Deo respiciuntur.

Geh. 4.

D. Paschal. diuus Paschasius in hæc verba: *Recordari con-*
 l. 4. in Mat. *uenit Cain & munerum eius, ad quem cum offerret non respexit Dominus, neque ad munera eius; profecto quia indignationem in animo contra fratrem gerebat, unde dicitur: Si rectè offers, & non rectè diuidis, peccasti.*

Hinc

Hinc præclara illa diui Bernardi sententia & D. Bernar.
 admonitio ad Religiosos viros : *Duobus modis* l. de Conf.
oratio impeditur, ne impetrare quis valeat postu- cap. 52.
lata; hoc est, si aut mala quisquam committit, aut
si delinquenti in se debita non dimittit. En quod Ira impa-
 diuus Bernardus paria facit hæc duo, committe- dis oratio-
 re malum, & non dimittere. Ante Bernardum nis fru-
 agebat Paulus Apostolus hanc hortationem suis ctum.
 discipulis, ne vmquam accederent ad Deum ex-
 orandum cum aliquo motu iræ, aut cum discor-
 dia & turbatione : *Lenantes puras manus sine ira* 1. Tim. 2.
& disceptatione. Ibi sermo erat de oratione ad
 Deum, à qua excludendam iubet omnem iram
 atque disceptationem. Iram dicit, quæ coniun-
 gitur cum desiderio vindictæ; disceptationem
 addit, vt tollat omnem illum cogitationum con-
 flictum, quæ ex ira concepta solent oriri in ani-
 mo, dum secum quasi disceptat iratus de modo
 vindictæ faciendæ. Hæc omnia deponenda iu-
 bet Paulus antequam ad orationem quis accedat
Volo vinctos orare sine ira & disceptatione. Huic
 Pauli Apostoli doctrinæ concinit Aphorismus
 duplex Apostolici affectu, Venerabilis nostri Za- Ant. Ma-
 cariae, docentis, & dicentis : *Iratus nequit Deum* ria Zacaria
perfectè orare, quamuis voce exteriori inuocet illum. verbo Ira.
Sicuti homo pace fruitur in Spiritu sancto, ita ab n. 2. & 16.
iracundo discedit Spiritus sanctus.

Consulendi sunt psallentes, si quando ex in-
 firmitate aliquam iræ turbationem incurrant, vt
 ante Hymnodia ingressum studeant reconcilia-
 ti omnem deponere iram, & si opus est, prius
 sanctificent cor ab illa passione medio aliquo
 opportuno pietatis remedio. Simile aliquan-
 do remedium consuluit Deus populo suo di-
 lecto,

lecto, & Moyſi, antequam oraturus & ſacrificaturus in montem aſcenderent. nam lege cauuit, vt populum ipſum prius ſanctificaret, & expiraret
Exod. 19. *Moyſes: Vade ad populum, & ſanctifica illos hodie & cras, lauantiq̃ue veſtimenta ſua.* Hanc legem conſiderans D. Gregorius Nyſſenus, colligit, à nobis exigi cordis ab omni paſſione & vicio purificationem, vt noſtræ orationes ſint Deo acceptæ. Sed ne veteribus tantum remediis inhærere videamur, offero recentiora nobis Eccleſiæ Chriſti filiis tradita ab ipſomet Chriſto Domino.

D. Gregor.
 Nyſſen.
 Homil. I.
 in Cantic.

Ante orationem deponenda ira.

Marth. 5.

Conſulebat Dominus ſacrificaturis, vt licet iam ad Altare acceſſiſſent, ſi ibi quoque occurreret memoriæ aliquis indignationis iam præteritæ, nondum tamen reconciliatione extinctus motus iræ, licet manum & operam iam haberent ad Sacrificium admotam, potiùs tamen ab ipſo Altari prius recederent, ad reconciliationem obtinendam à fratre, quàm Sacrificium perficerent: *Vade prius reconciliari fratri tuo, & tunc veniens offeres munus tuum.* Niſi ſtudeant pſallentes huic Euangelicæ obtemperare doctrinæ, ſe inuicem reconcilians ante chori ingreſſum, tempus amitteſt & operam; animus iræ feruore præoccupatus nequibit debitam attentionem Hymnis decantandis præſtare, ſed totus pugna nuper commiſſæ ruminationi vacabit, expendens qualitatem tum dictorum, tum reſponſionum quæ hinc inde ſunt allata, & poterant afferri. Quoties alter alterum videbit ſibi præſentem, aut audiet cantantem, toties varij in ipſo renouabuntur & cogitationum fluctus, & inordinati motus ſanguinem turbantes, iramq̃ue foventes conceptam. Quare nec Deo placebunt
 Hymni

Hymni & preces oblatae, nec forsan pfallentes propriae obligationi facient satis; cum non studuerint animum à passionibus purgare iis facilissimis aptisque remediis, quæ nobis benignissimus Dominus noster tradere dignatus est. Qui tenaciores in sua ira minimè verentur perseverare, & venienti fratri ad reconciliationem se exhibere audent aut duros, aut asperos, caueant, ne sibi met iram diuinam thesaurizent acriorem. Quo namque debitam diutius differunt reconciliationem, & acerbiores sibi à Deo vindice parant, siue in hac siue in futura vita, infligendas pœnas. Consultius itaque est, facilem se præbere oblatae reconciliationi, ne quod initio fuit fragilitatis miseria, temporis dilatione fiat malignitas grauis.

Ingrata omnino, imò odiosa esse omnia iracundorum Sacrificia Deo oblata, omnibus satis iam constare debet; uti tandem apertè declaratum est ab Auctore Ecclesiastici dicente, frustra querere misericordiam à Deo, qui proximo suo denegat amorem, ei reseruans iram. Profero hoc loco exemplum sanctissimi piissimique Doctoris Ecclesiæ Hieronymi, qui non audebat, imò verebatur Templum Dei ingredi, quando aliquo iræ motu pulsaretur; &, quod magis est, etiam quando nocturnam phantasmatis illusionem passus esset. Audiamus eiusdem sancti Doctoris verba, quæ nobis timorem & pietatem iniicient; *Ego confiteor timorem meum, ne forsitan de superstitione descendat; quando iratus fuero, & aliquid mali in animo meo cogitauero, & me nocturnum phantasma deluserit, Basilicas Martyrum intrare non audeo, ita totus & corpore & animo pertremisco.*

Iracundorum Sacrificia Deo odiosa.
Eccli. 23.

D. Hieron.
lib. Contra
Vigil.

*Ira à cho-
ro exulare
debet.*

Deponenda itaque est ira à psallentibus, imò debet omnino à choro & Hymnodia exulare, tum vt gratiores reddantur preces, tum etiam ne admittatur ea conditio, quæ ex diametro aduersa est Hymnis & choro. Chorus dicit plurium cantantium societatem concordem, qui eodem animo & consonantia, licet vocibus diuersis, & sonis differentibus, eundem vnum laudent, concelebrent, & exorent Deum in Hymnis & confessionibus. Hymni ipsi concórdiam suadent: vna enim ex præcipuis causis, cur voluerit Deus suas laudes esse metro compositas, non sine melodix ratione, fuit, vt intelligeremus nos debere nobis ipsis & aliis esse consonos; numquam verò nec à nobis, nec ab aliis dissidentes, alioquin boni aptique cantores dici non poterimus.

*Animi con-
cordiam
exquirunt
Hymni &
chorus.*

*Angeli di-
ligunt con-
cordes ani-
mo.*

*D. Bernar.
Serm 7. in
Cantica.*

*D. Aug. in
Psal. 132.*

*Concordia
fratrum
merita a-
ppud Deum.*

Concludamus, quòd si psallentes, deposita omni ira, Deum exorabunt, & benedicent, sicuti ab Angelis sanctis visitabuntur, ita perfecti erunt laudatores. Vbi concordia viget animorum, aiebat diuus Bernardus, ibi adsunt Angeli sancti effecti socij psallentium. (*Credimus* (ait sanctus vir) *Angelos sanctos afflare orantibus, offerre Deo preces: & vota hominum, vbi tamen sine ira & disceptatione leuari puras manus perspexerint.* Vbi concordia animorum viget, ibi, ait diuus Augustinus, existit vera ratio benedicendi & laudandi Deum, assertque verba Dauidis ex Psalmo 132. qui totus est in recensendis virtutibus sanctæ concordix inter fratres. vbi pro conclusione dicitur: *Quoniam ibi mandauit Dominus benedictionem.* Super quæ verba exquirat Augustinus, *Vbi mandauit?* & sibi respondens ait: *In fratribus qui habitant in unum. Ibi præcepit benedictionem; ibi benedicunt*

benedicunt Dominum qui habitant concorditer. Ibi *Irati nec* prosequitur Augustinus ostendere, quòd in dis- *Deum be-*
cordia nulla profertur nec offertur vera bene- *dicunt,*
dictio Deo: *Nam in discordia non benedicis Do-* *nec à Deo*
minum: dicere volens, quòd cor ira infectum *benedicunt-*
non valeat benedicere Dominum, licet ore pro-
ferat verba benedictionis. Et qui non rectè offert
benedictionem Deo, non erit dignus benedictione,
quam Deus offert concorditer habitantibus
in vnum, nempe æternam etiam vitam in sæcu-
lum: *Quoniam illic mandavit Dominus benedictionem & vitam usque in seculum.* Deum itaque a-
nimo puro ac rectè benedicamus, vt ab eo reci-
piamus vitam & benedictionem æternam.

CAPUT X.

*Cordis humilitas est Hymnodie præ-
cipua virtus.*

INTER plurimas quæ de sancta humilitate cele-
brari possunt insignes conditiones, ea censenda
mihi videtur magis præcipua, quam possidet
erga preces & laudes Deo oblatas. Quicumq; ex *Humilitas*
vero humilitatis sensu confiteri nouerunt propria *vim con-*
vilitatem & necessitatem, quam habent diuinæ *fert preci-*
gratiæ & auxilij ad opera omnia, sicut prompti *bis.*
sunt & frequentes ad Deum inuocandum & lau-
dandum, vt gratiæ auxilia obtineant; ita facilius
ad Dei admittuntur ingressum, aures illius pe-
netrant, & postulata obtinent. Hanc humilitatis
insignem conditionem & prærogatiuam declara-
uit Hymnographus dicens: *Ne auertatur humi-* Psal. 73.
lis factus confusus: pauper & inops laudabunt no-

*Humiles
sunt veri
cantores di-
uinatum
laudum.*

*Cassianus
Coll. 10.
cap. 10.*

Matth. 5.

Psal. 39.

men tuum. quasi dixerit : Humiles numquam à Deo recedunt confusi quando offerunt preces, quia isti sunt veri & perfecti cantores diuinatum laudum. Vbi ad rem nostram rectè ait Cassiodorus, hinc cognosci felicem dicendam inopiam & paupertatem humilium; quoniam declaratur apta ad Deum laudandum & celebrandum. Mutus est si psallat superbus, pauper autem & inops laudant Dominum, etiam cum videntur filere. Hunc eundem Daudicum textum expendens sanctus Abbas Isaac, sicuti eum confert cum illa Evangelica beatitudine à Domino nostro seruatore asserta, quæ inter ceteras beatitudines primatum tenet, *Beati pauperes spiritu, quoniam, ipsorum est Regnum calorum*; ita de humilibus cum intelligit dicens: *Quæ maior aut sanctior potest esse paupertas, quàm illius qui nihil in se præsidiij nihil virium habere cognoscens, de aliena largitate quotidianum poscit auxilium, & vitam suam, atque substantiam singulis quibusque momentis diuina ope intelligens sustentari, veram semendicum Domini non immeritò profitetur, suppliciter ad Deum quotidie clamans: Ego autem mendicus sum & pauper, Deus adiuua me; & sic ad illam quoque multiformem scientiam Dei ipso illuminante conscendens, incipiat deinceps sublimioribus ac sacratoribus mysteriis saginari.* Hæc docebat præclarus Doctor, vt ostenderet, quod humiles aptiores sunt ceteris ad diuina mysteria & illustrationes. Magna profectò humilium prærogatiua est ista, quod nimirum libenter ac beneuolenter à Deo audiantur, & exaudiantur.

Si quis sublimem Angeli intellectum possideret, & Angelica esset sapientia præditus, ideoque

que sciret altissimas proferre laudes; si tamen ^{Superbi à}superbia aliqua esset infectus, respueretur reiice- ^{diuinis de-} returque à Deo. Non attendit cælum in psallen- ^{cantandis} tibus intellectus sublimitatem, sed animi humi- ^{laudibus} litatem. Causam hoc loco libeat expendere, cur, ^{reiciun-} cum Deus omnipotens Angelorum creationem ^{tur.} decreuisset ad hunc præcipuum finem, vt essent isti suarum laudum perpetui cantores, alios tamen eiecerit & loco, & officio; alios verò retinuerit, & confirmauerit. Causa fuit, quia illi, ^{Angelo-} cum suo duce Lucifero, superbia pleni tum sa- ^{rum repro-} pientiam, tum cetera dona sibi ipsis tribuebant, ^{borum ca-} non Deo auctori; alij verò humillima submissio- ^{sus propter} ne auctorem Deum coluerunt, & celebrarunt. ^{superbiam.} Hanc causam detegit, & pulchrè describit sanctus Propheta Ezechiel, loquens de isto Angelorum casu infelici sub typo & nomine Regis Tyri: *Elevatum est cor tuum in decore tuo, perdidisti* Ezech. 28. *sapientiam tuam in decore tuo, in terram proieci te.* Quem casum considerans diuus Bernardus, D. Bernar. declamat contra hanc elationem animi, quando ^{Serm. 70.} quis sibi tribuere audet quæ ad Deum sunt re- ^{in Cantic.} ferenda, aitque: *Perdidit sapientiam, cum fecit suam. Proprietas in causa est, quòd sibi sapiens fuit, quòd non dedit gloriam Deo, quòd non retulit gratiam pro gratia, quòd non secundum veritatem ambulavit in ea, sed ad suam eam retorfit voluntatem; istud est, cur eam perdidit, etenim sic habere, perdere est.* En elationis & superbix præmium, amissio cæli, iactura felicitatis, eiectio à munere laudandi. Si Deus, aiebat D. Petrus, ^{1. Petr. 2.} Angelis peccantibus non pepercit; quantò minùs attendet psallentibus superbis, & elatis animo? certè respuentur, eiicientur, & punientur. Angeli humiles per-

*Humilitas
in Angelis
bonis re-
splendet.*

Iudith 9.

seuerant in officio, audiunturque omni tempore sine requie glorias altissimi Conditoris celebrare, & decantare; homines item humiles libenter audiuntur à Deo psallentes, vti verè & prudenter pronuntiauit sancta Iudith dicens: *Nec superbi ab initio placuerunt tibi, sed humilium & mansuetorum semper tibi placuit deprecatio.*

D. Bernar.
Serm. de
SS. Innoc.

Matth. 21.
Plal. 8.

*Humilium
laudes præ-
ferenda
sunt aliquo
modo An-
gelicis lau-
dibus.*

Humilium oratio penetrat nubes, ad Dei thronum conscendens, oculos & aures Altissimi ad se pertrahit, nec discedere nouit sine gratiæ postulatæ concessione. Quasi dixerim, quod humilium mortalium Hymni & preces maiori respiciantur beneuolentia & amore à Deo, quàm sublimiorum Angelorum eadem laudes & preces. Verùm ne humilitatis pulchritudine captus audere hîc videar nimis, proferam diui Bernardi sensum, cui acquiescere facilius poterit vnusquisque. Hic sanctus vir, sacrorum euentuum profundissimus scrutator, expendens eam mirabilem Christi Domini responsionem, quam dedit Sacerdotibus & Scribis, mirantibus cur acclamationes puerorum admisisset dum Ierusalem ingrederetur; (clamantes enim pueri dicebant: *Hosanna Filio David.* dixit tunc Dominus: *Numquam legistis; Quia ex ore infantium & lactentium perfecisti laudem?* desumens citata verba ex Dauidicis Psalmis, vt comprobaret, non fuisse respuendas laudes has pueriles) hanc inquã responsionem expendens D. Bernardus, vim faciens in illo verbo *perfecisti*, declarare non veretur, laudes humilium præferendas aliquo modo laudibus ipsorum sublimium Angelorum, ex ea ratione; quia asseruerit Dominus, perfectionem laudum omnium sitam esse in laudibus paru-

paruulorum & infantium. Conferens itaque sanctus Bernardus laudes ab Angelis Deo incarnato & nato oblatas, quando dixerunt, *Gloria in excelsis Deo*, cum laudibus à pueris & infantibus oblatas Christo Domino Ierosolymā ingredienti circa vitæ finem, concludit has fuisse perfectiores illis, quia hoc afficiuntur honore ab ipso Domino dicente: *Numquam legistis; Quia ex ore infantium & lactentium perfecisti laudem?* Magnas confitetur sanctus Doctor & altas esse dicendas laudes illas Angelorum, sed has pueriles esse dicendas altiores & maiores: *Magna quidem*, ait (nimirum laus Angelorum) *sed audeo dicere necdum perfecta laus, donec veniat qui dixit: Sinite paruulos venire ad me, quia talium est regnum caelorum.* Licet autem nomine infantium & lactentium intelligi commodè ad litteram queant, qui verè sunt tales ætate: nihilominus scitum est, nomine paruulorum intelligi præcipuè veros humiles, propter morum similitudinem. Sicuti infantes matribus nutricibusq; omnino adhærent, nec se patiuntur ab iis modicum temporis separari, alioquin in lacrymas statim erumpunt; ita veri humiles, conscij propriæ imbecillitatis, Deo in omnibus fidunt, nihil sibi tribuentes, & ob hanc fiduciam à Deo nequeunt auelli, & à Deo vicissim diliguntur.

Lucæ 2.

Math. 21.

Humilitatis cum infantibus similitudo.

Humiles itaque ij verè dicendi sunt, qui sibi viles videntur: nam vera humilitas contemptum sui in primis operatur, iuxta humilitatis definitionem à diuo Bernardo traditam, dicente, humilitatem esse virtutem, qua homo verissima sui agnitione sibi ipsi vilescit. Quemadmodum de se ipsis humiliter sentiunt, ita etiam numquam

Humilitas parit contemptum sui.

*Humiles
de se ipsis
demisse lo-
quuntur.*

de se magnificè aut loquuntur, aut iactant; & hi propter hanc causam Deo placuerunt, siue pro se siue pro aliis deprecantes. Danielelem recolamus, qui magnus fuit altissimi Dei seruus, quique meruit non semel maximis cumulari gratiis & beneficiis, tam pro se quàm pro populo suo postulatis. Si quis percunctetur, quam ob causam meruerit apud Deum tantam auctoritatem; responderem, ob hanc in loquendo de se de què suis rebus humilitatem. Is beatus vir, cùm sibi oblata esset occasio declarandi suam Regiam stirpem, ex qua ortum ducebat, mira sobrietate & modestia declinauit. Describebat Historiam de rebus quæ sibi aliisque Hebræis apud Regem Chaldæorum acciderant, præmittens ordinationem à Rege factam Præposito domus, vt eligeret ex filiis Israël & de semine Regio pueros, qui possent stare in palatio Regis; cùm deuenisset narratio ad nomina puerorum istorum electorum, quia ipse vnus erat ex illis, dixit, *Fuerunt ergo inter eos de filiis Iuda, Daniel, Ananias, Misael & Azarias*, tacens semen Regium, ne iactaret sanguinis clarissimi stirpem. Hanc humilitatis modestiam obseruauit sanctus Theodoretus, & luculenter descripsit his verbis: *Licet mentis illius intueri modestiam; cùm enim supra dixerit imperasse Regem, vt eligerentur è stirpe Regia iuuenes forma conspicui & magnitudine decori, & hic personarum nomina posuerit, tribus Iuda simpliciter mentionem fecit, & Regiam cognationem occultauit.* Istius generis humiles faciliùs à Deo exaudiuntur; quia quò viliùs de se ipsis loquuntur, eò magnificentiùs de Deo verba faciunt.

Daniel. i.

Hæc eadem causa, nimirum humilitas cordis
vera,

vera, fuit origo primaria, cur Dauid euaserit præcipuus diuinarum laudum cantor inter homines mortales, imò doctor, & dux omnium excellentiorum laudantium Deum: verus namque humilis fuit, quemadmodum variis declarauit temporibus; sed præsertim dum, à pueritia edoctus omnia opera bona Deo soli accepta referre, numquam autem sibi, canebat, post vnamquamque actionem felicemque euentum, aliquem Hymnum ad Dei honorem. Imò ipsos Hymnos decantatos ne quis illi adscriberet, Deo soli acceptos retulit solemnè & publica protestatione: *Lingua mea calamus scriba velociter scribentis.* Psal. 44. quasi dicere volens: Sicut prudens sermo non est tribuendus linguæ, sed menti, à qua omnis sermo ortum habet, & characterum elegantiâ non calamo pingenti, sed manui est adscribenda; ita quæ ego vmquam aut dixi ore aut calamo descripsi, Deo soli auctori refero. Hanc Dauidis humilem submissionem videtur obseruare diuus Bernardus dicens super eadem verba citata: *Laudatur de bona littera tornatura manus, non calamus, fateor; ut multum tribuam mihi, lingua mea calamus scriba velociter scribentis.* Iuuenis quando strenuè occurrens vrsis & leonibus, qui in suas oues inuadebant, eos mira facilitate Dauid occidebat, numquam propriæ fortitudini adscribere potuit facinora, sed Deo soli referebat. Quinimò hac eadem fiducia fretus, propter præteritas à Deo receptas vires, subire non dubitauit monomachiam cum Golia, inuocato prius Dei nomine: *Tu venis ad me cum gladio, & hasta, & clypeo, ego autem venio ad te in nomine Domini exercituum.* Vt rationem tantæ fiduciæ traderet,

*Dauidis
humilitas
mira.*

*Humiles
Deo omnia
referunt.*

*D. Bernar.
Epist. 135.*

*Humilis
nihil sibi
tribuit.*

1. Reg. 17.

attulit præteritas à Deo acceptas gratias contra
 vrsos & leones, atrocissimas feras: *Dominus qui
 eripuit me de manu leonis, & de manu vrsi, ipse
 me liberabit de manu Philisthai huius.* Huius suæ
 consuetudinis tenacissimus obseruator, statim
 post victoriam de gigante reuectam, gladium,
 quo Philisthæum obruncauit, ad Dei Taberna-
 culum suspendit, quemadmodum tradidit Io-
 sephus lib. 6. Antiquitatum cap. 11. & colligi et-
 iam videtur ex sacra Historia Regum dum dici-
 tur, quodd gladius iste fuisset vnà cum Ephod
 apud Tabernaculum, quando dixit Sacerdos Da-
 uidi: *Ecce hic gladius Goliath Philisthai, quem
 percussisti in Valle Terebinthi, est inuolutus pallio
 post Ephod.* ob tantam igitur humilitatem, egre-
 gius exstitit Dei laudator.

Ioſephus
lib. 6. An-
tiq. cap. 11.

1. Reg. 21.

*Humilitas
est diuina-
rum gra-
tiarum re-
ceptacu-
lum.*

Pſal. 103.

D. Gregor.
in lib. 1.
Reg. c. 6.

Pſal. 129.

Ad huiusmodi humiles facillimè omnes cæ-
 lestes confluunt gratiæ. Si quæ vmquam à Deo
 sunt hominibus conferendæ gratiæ, hæ ad hu-
 miles decurrunt, sicut aquæ solent defluere facili
 negotio ad conualles, montes siccos relinquen-
 tes, testante Hymnographo: *Qui emittis fontes
 in conuallibus.* Quem locum de humilibus intel-
 ligit diuus Gregorius: *Vallis*, ait, *in sacro Eloquentio.*
æstimationem designat humilium. vbi pergit doce-
 re, quodd aquæ cælestium gratiarum mentibus
 per humilitatem dispositis infunduntur. Hinc
 Dauid, quando postulabat aliquam gratiam à
 Deo, solitus erat humilitatis actum præmittere,
 confidens, quodd certius & citius foret exau-
 diendus. Nota est & familiaris illa deprecatio ad
 veniam peccatorum obtinendam: *De profundis
 clamavi ad te Domine, Domine exaudi vocem
 meam.* Cuius orationis prima verba sunt humi-
 liantis

liantis se ad vallium profunditatem; vbi enim dicitur in nostra vulgata lectione, *De profundis*, legi appositè potest cum aliquibus, *De vallibus*. Si nos à Deo non audimur, nec nostræ laudes sunt Deo acceptæ, causa aderit in corde nostro, nempe elatio aliqua ac superbia, quæ semper fuit Deo odiosa. Deum superbis resistere, humilibus dare gratiam, tradunt omnes Scripturæ. Conuenit psallentes esse humilitatis studiosos, vt gratiores offerre valeant Deo preces & laudes; arque etiam vt valeant degustare mysteria in Psalmis contenta. Memores omnes psallentes sint illius Pharisei in Templo orâtis sublimibus gratiarum actionibus, *Deus gratias ago tibi, quia non sum sicut ceteri hominum*, qui ob superbix elationem fuit reprobatus; & humilis Publicani, qui pro suis peccatis mira animi submissione deprecabatur, paucis quidem, sed efficacibus verbis: *Deus propitius esto mihi peccatori*. Hic meruit iustificari; & huius potiùs humillimam demissionem in vultu, oculis & verbis studeamus æmulari, quàm inflati Pharisei gloriosam phaleratamque orationis elationem, ne cum hoc reprobemur, sed cum illo approbemur. Veta semper erit illa doctrina insignis, quam tradebat venerabilis Pater noster Zacaria in suis Spiritualibus Aphorismis, dum de sancta humilitate præclare diceret, dicens: *Si dari posset peccator humilis & iustus superbus, potiùs Deo placitus esset peccator quàm iustus*. Tanta est vis humilitatis, vt sicut vnà cum peccato nequit conuenire, ita posset peccatorem reddere gratum.

Animi elatio Deo odiosa.

Iacob. 4. 1. Petr. 5.

Lucæ 18.

Humilis peccator approbatur; iustus superbus reprobat.

Ant. Maria Zacaria in Aphor. verbo Humilitas. num. 44.

CAPVT XI.

Cantus musicus Hymnodiam non dedecet.

*Musicus
concentus
in Templis
pius est &
utilis.*

3. Reg. 8.

2. Par. 5.

*Deus mu-
sicam mo-
dulationem
comprobat.*

Tob. Coro-
na Part. 1.
cap. 21. de
Sacr. Tem-
plis.

ERRANT grauissimè, qui musicos cantus ad diuinum cultum importunos asserentes, eos ab Ecclesia explodere nituntur. Isti vel aliquo sunt errore decepti, vel graui passione sunt infecti. Ratio & auctoritas musicam melodiam comprobant tamquam opportunam, imò & piam & utilem. Pietas in primis suaderi facillè potest ex diuina approbatione tam aperta, vt nequeat in dubium reuocari à cordatis viris. Deus in primo Templo, quod sibi construendum in terris decreuit, non solum concentus admisit musicos, sed signis beneuolentiæ singularibus comprobauit. Illud præcipuè offero testimonium, quod, tamquam ceteris illustrius, describitur à sacro Historico singulari quadam diligentia; quando nimirum à gloriosissimo Salomone dedicatio primi Templi iam erecti & perfecti celebrabatur. Sicut ea die facta est Arcæ Testamenti ex arce Sion ad Templum solemnissima translatio, ita talis magnificentia & maiestas intercessit, vt similis numquam nec antea nec postea visa sit (quam luculenter descriptam tradidit Tobias Corona in suis sacris Templis) tum propter Regis Salomonis augustissimam maiestatem, qui præsens cum omnibus sui Regni Proceribus & Principibus voluit adesse; tum propter populi concursus pænè innumerabilem ex omni Regni parte coactum; tum propter Sacrificiorum pro-
pè

pè infinitorum oblationem (*Immolabant oves & 3. Reg. 8. boves absque æstimatione & numero;*) tum propter pretiosissimum operimentum ferè inæstimabilis valoris positum super Arcam. In hac solemnissima translatione adfuerunt musici cantores, qui voce, organis, citharis, & aliis instrumentis concinebant Dauidis Hymnos, taliq̃ue suauitate Templum replebant; vt cùm animos adstantium afficerent maxima admiratione, tum Deum ipsum, quem laudabant, mirificè oblectarent. Ad cuius rei euidentius testimoniũ, *Deus in nube apparere solitus.* voluit Deus sensibili signo hanc suam comprobare complacentiam, implens illud Templum nube, seu caligine quadam leui, quæ erat indubitatum diuinæ præsentia signum, iuxta promissionem ab ipso Deo factam Moysi, veniendi ad *Exod. 19.* ipsum in caligine nubis, & descendendi in nube *Leuit. 16.* super Oraculum. Quis reprehendere audebit Ecclesiasticos musicæ concentus in vsu Hymnodia, quando Deus ipse sibi eos placuisse declarauit? Imò ob hanc causam voluit Deus Dauidem, insigniorem Hymnorum Auctorem, artem callere *Musica peritus erat Dauid.* musicam, & metro & numero Hymnos componere. Addam, quòd ob eandem causam voluit primum omnium Hymnorum, quem nouimus scriptum ad Dei gloriam, musica decantari modulatione, quando vtriusque sexus ordinati chori decantauert: *Cantemus Domino, gloriose* *Exod. 15.* *enim magnificatus est.* vt nimirum inde prouocarentur ceteri ad eandem canendi formam prosequendam.

Quam formam vti verè piam non solùm amplexa est, sed diligenter imitata nostra noua Ecclesia, cantum admittens, siue quem dicunt figuratum, *Psalmorum cantus varius in Ecclesia.*

ratum, siue firmum, siue etiam vnisonum, qualein nos Clerici Regulares Paulini obseruamus in nostris Hymnodiis. Sicut ex Hebræis primi desumpti sunt fundatores Christianæ Ecclesiæ, ita Hebræorum pium vsum retinuerunt & frequentarunt; quemadmodum testatum reliquit de primis Christianis Philo Iudæus dicens: *Non solum subtilius intelligunt Hymnos veterum, sed ipsi faciunt novos in Deum, omnibus eos & metris & sonis honesta satis & suauis compage modulantes.* Quem vsum, tamquam pium, non dedignati sunt Religiosiores priui Imperatores non solum sua præsentia assistentes in Templis comprobare, sed etiam in propria persona exercere. De Theodosio iuniore, piissimo Imperatore, scriptum reliquit Socrates grauissimus Auctor, quod primo diluculo, vnâ cum sororibus suis, surgeret ad Hymnos alternatim concinendos. Verba Scriptoris ponam ad nostram æmulationem: *Eius Regia non dissimilis fuit Monasterio; nam primo diluculo ipse cum sororibus suis Hymnos alternatim decantatos recitauit.* Sororum istarum nomina fuere, Pulcheria maior natu, virgo Deo dicata (quam sibi in Imperij consortium assumpsit, Augustamque creauit Theodosius) Placilla, Arcadia, Marina, quæ pari pietate, suasu Pulcheriæ, virginitatem Deo dicantes, vitam in Palatio quasi Monasticam duxerunt. Quam ob causam Deus, Auctor est Sozomenus, vt etiam diximus suprâ, rebus Imperij se præbuit manifestè propitiû.

Qui virtutes cantus non intelligeret, admirandus consideraret, quam ob causam, cum possint Hymni & laudes offerri Deo sine cantu sola simplici recitatione quæ ex animo fiat, nihilominus

Sozomen.
lib.9.cap.1.
& 3.
Socrat.1.7.
cap.22.

nus suadeatur ab ipso Psalte non semel eos cantu
 expleri : *Cantate Domino Canticum novum.* iund Psal. 95.
 cantu alacri & iucundo : *Cantate , & exultate,* Psal. 97.
 & *psallite* . Sed omnis statim dubitatio cessat,
 cum inde dignoscitur , quod multiplices sint
 modulati cantus utilitates , uti testantur sancti
 Ecclesiæ Doctores. Profero D. Iustinum Marty-
 rem, qui, de Ecclesiasticis differens concentibus,
 sermonem extendit ad utilitates eorum enarran-
 das dicens : *Excitat hac cum voluptate quadam Musices*
animum ad flagrans eius quod carmine celebratur vis & uti-
desiderium ; affectiones & concupiscentias carnis se-
dat ; cogitationes malas inimicorum , quos cernere
non est , amolitur ; mentem ad fructificationem di-
vinorum bonorum rigat ; pietatis decertatores ge-
nerosos & fortes per constantiam in rebus adversis
efficit ; omnium rerum , quæ in vita tristes & lu-
etnosa accidunt , piis affert medicinam. Hic sanctus
 vir pietatem vsus istius simul cum utilitate eius-
 dem coniungens, vtrumque celebrat.

Sed utilitates cantus Ecclesiastici melius cog- *Cantus Ec-*
 nosci poterunt ab vnoquoque , si attendantur *clesiastici*
 ea, vel quæ in nobis ipsis experimur euenire, vel *quanta*
 quæ ab aliis fide dignis sunt descripta. Primò ex *utilitates*
 cantu incitantur fideles ad huiusmodi laudes
 tum explendas promptius, tum auidius audien-
 das, & ad alios pios affectus sentiendos. Pul-
 chrè ad hanc rem aiebat diuus Chrysostomus, D. Chryf.
 Deum ideò voluisse Psalmos esse compositos in Psal. 41.
 metro, & modulatione suaui decantari, ut ani-
 mi deliciores ad diuinas laudes tum audiendas
 ab aliis, tum ore proprio reddendas excitarentur.
 Nihil in rebus humanis reperiri potest aptius ad
 leniendum laborem actionum, quàm modulatio
 vocis

Cantus mu-
sicus labo-
res lenis.

vocis opportunè adhibita. Imò nihil (ait Chrysostomus) animam aequè erigit, & alatam quodam modo efficit, & à terra liberat, & exoluit à vinculis corporis, & amore sapientiæ afficit, & ut res omnes ad hanc vitam pertinentes irrideat, perficit, ut versus modulatus, & diuinum canticum numero compositum. Inde paullatim progreditur sanctus Doctor ad comprobandum, quòd omnis labor facilè vincitur modulatione carminum:

*Musici
cantus om-
nem duri-
tiam emol-
lis.*

Nam etiam infantes ab vberibus pendentes si fleant, & afflicentur; hoc cantu sopiuntur; viatores quoque ingalia animalia ducentes cantu aliquo itineris & meridiei molestias consolantur; agricola quoque & vindemiatores hoc cantu duros labores hilariter superant; nauta etiam remos impellentes eodem cantu suum explent suauiter opus; mulieres quoque texentes, & confusa stamina radio discurrentes sapè quidem & per se singula, sapè etiam omnes concorditer laboris molestiam canendo eludunt Si labor omnis in actionibus corporis externis superatur per cantum, idem etiam labor superabitur medio cantu in diuinarum laudum munere explendo.

*Cantus pro-
fanus exi-
tiosus.*

Idcirco volens Deus gratiorem suauioremq̃ue hunc reddere laborem mortalibus, coniunxit melodiam Prophetiæ, ut omnes numero versus delectati cum magna animi alacritate sacros ei Hymnos emittant. Si laboris obtinent victoriam cantica profana, quæ sapè damnum & exitium possunt animæ afferre, sicut & afferunt, eandem certè victoriam obtinere non erit dubitandum Cantica diuina, quæ à Deo fuere hominibus concessa, ut ex eis simul caperetur voluptas & utilitas. Per hæc tollitur omnis labor tum con-
templat.

remplationis tum actionis, & spiritus animique progressus maximè adiuuatur. In primis mens eam faciliùs obtinet ac diutiùs tenet attentionem, quam asserimus omnino necessariam rectè psallentibus: nam tarditas pronuntiationis, quæ deuoto coniungitur cantui, hoc præstat beneficium menti, ut ipsa queat suauità attendere ad ea quæ lingua profert. Hoc beneficium fuit ab Angelico Thoma qua solet breuitate & claritate traditum his verbis: *Si aliquis cantet propter deuotionem, attentius considerat quæ dicuntur, tum quia diutiùs moratur super eodem; tum quia, ut Augustinus dicit libro decimo Confessionum, omnes affectus spiritus nostri, pro sua diuersitate, habent proprios modos in voce atque cantu, quorum occulta familiaritate excitantur.* Ex Psalmorum cantu putat B. Chrysostomus oriri tum sanctificationem cantantium, tum etiam veræ Philosophiæ occasionem; quia verba animum purgent, & Spiritus sanctus in canentium animas descendat faciliùs, præsertim quando psallentes intelligentiam possident Hymnorum. Ad suam comprobendam sententiam adducit sanctus Doctor illa Pauli Apostoli verba: *Nolite inebriari vino, in quo est luxuria, sed implemini Spiritu sancto.* Quomodo obtineri queat hæc Spiritus sancti plenitudo, subditur his verbis: *Loquentes vobismetipsis in Psalmis, & Hymnis, & canticis spiritualibus, cantantes & psallentes in cordibus vestris Domino, horando nimirum ad Psalmorù modulationem.* Expendens autem D. Chrysostomus verba illa, in cordibus vestris, quid sibi velint, ait idem esse ac cum intelligentia; ut non os verba loquatur, & mens extra versetur maximè diuagans, sed ut lingua ab anima

D. Thom.

2. 2. q 91.

art. 2. ad 5.

Ephes. 5.

Psalmorum intel-

ligentia

magnam

vim pos-

sides.

Y

anima

*anima audiat*ur. Non ideò tamen hoc priuari fructu dicendi sunt idiotæ canentes, quia sensum non percipiunt; sed dicendum est, quòd licet non tanta digni fortassis sint Spiritus gratia, tamen sanctificabitur etiam in eis lingua per verba illa sancta, si dicantur prompto attentoque animo.

*Cantus
Psalmorum
audientes al-
licit.*

Adest etiam utilitas audientium, qui cantu illo, quasi quadam sancta illecebra, alliciuntur ad Templà, ut horas diei sanctè expendant. Multi ad Templà non accederent, nisi hanc piam modulationem essent audituri; & dum musicis concentibus attendunt, quot tunc mala deuitant? quoties multi ad meliorem frugem còuersi sunt? quoties multi pij ad maiores virtutis progressus excitati sunt? Non malè scripsit quidam, quòd huiusmodi pius concentus motus diuinos & admirabiles animis hominum incutiat, eosdemque ad studium pietatis ac deuotionis accendat, curis rerum mortalium & caducarum omnino liberet, in obliuionem mundi pellat, ad contemplationem denique cæli rapiat. Hinc alius musicam modulationem, non sine fundamento, sic de se loquentem introduxit:

*Melodia
miri effe-
ctus in ani-
mis mortali-
um.*

*Vinco, flecto, rego, cantu, dulcedine, plectro,
Dira, cruenta, feros, tartara, monstra, viros;
Languentes releno, morituros excito, mæstos
Erigo, psallentes munio, vinco deos.*

Et quotquot vmquam aut ficti aut veri descripti sunt effectus, ad animi mores componendos, visi inter mortales, possunt simplici veritate transferri ad pium concentum in nostris Templis expletum; quia similes, imò etiam maiores effectus ex Psalmorum cantu in animis mortalium aliquando deriuati sunt.

Prodi-

Prodiderunt antiquæ Ethnicorum Historiæ, *Musice a-*
 Empedoclem modulationis vsu repressisse iuue- *nimi affe-*
 nem ruentem in cædem; Pythagoram iuuenem *ctus com-*
 vino calidum amoris æstu percitum, iam iam in *meset.*
 libidinum voraginem ruiturum, præmisso ci-
 tharista tranquillasse, & ad mentem sanio-
 rem reduxisse; Antigenidem Alexandrinum remouisse
 Alexandrum Magnum ab epulis, & ad arma ca-
 pienda commouisse, quasi coëgis-
 se sola modulatione; Timotheum eundem Alexandrum,
 quando ira diriori agebatur, adhibito concen-
 tu reddidisse agno mitiorem; Achillem effrenes
 iras, tamquam in animo debacchantes, vnius
 cantus suauitate compescere solitum fuisse; Aga-
 memnonem Troiam profectum, vxori suæ mu-
 sicum excellentem tradidisse, vt eius modula-
 tione delectata adulteris non aduerteret. Bestias
 tradunt esse concentu vel mitigatas, vel incitatas;
 vt cum delphinis ab Arione actum esse scribi-
 tur, qui eos sibi conciliauit. De equo ad tubæ so-
 nitum commoto proditur à sancto Iob cap. 39.
 Caium etiam & Gracchum hac modulationis arte
 Romanum populum sapissimè ad suam volun-
 tatem flexisse. Verùm alios longè maiores effe- *Musica v-*
 ctus quotidie in Ecclesia nostra ex Psalmorum *expulsus*
 cantu euenire ad animorum vtilitatem, licebit *dæmon.*
 facile cognoscere tum ex iis quæ de psallente
 Dauide describit sacra Historia, nam quoties
 Rex Saül à dæmone arreptus vexaretur, à Dau- *1. Reg. 16.*
 dis Psalmodia liberabatur; tum ex iis quæ de se
 ipso scribit & confitetur diuus Augustinus: *Cum D. August.*
reminiscor, inquit, *lacrymas meas, quas fudi ad* *lib. 10. C6-*
cantus Ecclesie tue in primordiis recuperata fidei *fest. c. 33.*
mea, & nunc ipso commoneor non cantu, sed re-
bis

bus qua cantantur; cūm liquida voce & conuenientissima modulatione cantantur, magnam instituti huius utilitatem agnosco.

Hinc non minus scitè quàm verè asseruit grauis Auctor ex nostri Ordinis Religiosis, quòd
 Christoph. Giarda in sua Ape Relig. l. 2. cap. 7.
Psalmodia si sapienter, si attentè, si feruenter, si deuotè exerceatur, non tigres, sed efferatas mentes permulcet, non quidem saxa, verum corda, ipsi enimuero lapidibus duriora, motu & vita donat; non siluarum robora, sed pectora mortalium animo potiùs quàm loco mouet: non inferos recludit, sed calos verissimè patefacit; delet crimina, non vincit monstra.

Si tollantur abusus qui in Ecclesiastico possunt irripere cantu, sicuti, cūm de defectibus Libro sequenti agemus, admonebitur, nihil erit in modulationibus Psalmorum reprehendendum, sed vberissimi inde fructus & vtilitates percipiuntur à mortalibus. Quando cantus est grauis & pius, ac laudibus Dei accommodatus, ita vt verba suauiter audiantur, & sensus queat ab intelligentibus percipi, quemadmodum à viris sanctis desideratur, qualisque graui Synodali Decreto à sancto Carolo præscribitur suæ Ecclesiæ Mediolanensi, varias spirituales operatur vtilitates in animis tum canentium, tum audientium. Nonne & Angeli ipsi, ad animos hominum in Deum excitandum, modulatione cantus, tamquam medio aptiori, vsi aliquando sunt? Testem profero illam suauem modulationem altissimi Hymni, *Gloria in excelsis Deo*, quam læti expleuerunt super natum Christum Dominum, descriptam ab Euangelista Luca, quæ potuit etiam rudes pastores excitare, imò & compellere, vt ad visendum Christum

D. Carolus
 in Synodo
 anni M. D.
 LXV. cap.
 De musica.
*Musicam
 Angeli ad
 bibent.*

Lucæ 2.

Christum se conferrent, & laudantes reuerterentur ad greges: *Reuersi sunt laudantes Deum.* Si musicum cantum adhibuere ad Dei laudes celebrandas sancti viri, mulieres, Patriarchæ & Angeli sublimes, cur nos quoque eundem non amplectemur & comprobabimus? Ascendentes igitur Templum Domini, laudemus Deum nostrum *in psalterio & cithara, in tympano & choro, in chordis & organo, in cymbalis benesonantibus, in cymbalis iubilationis, cantemus, exultemus, & psallamus, Omnis spiritus laudet Dominum.* Psal. 150.

CAPUT XII.

*Amor Dei ad Hymnodia excitat
cantum.*

VBI cor amat, lingua clamat, dixit Antiquitas. *Amor musicam docet, acuit, & sustinet.* Hinc illud in schola Platonis proloquium, Amor musicam docet. Nec umquam ullus cantus potuit sine amoris aliquo impulsu aut produci, aut productus diu durare. Quis excitare potest matrem ad cantum, ut lactentem prolem ac vagientem placet, nisi amor? quis philomelas lusciniasque suauiter replere cantibus & modulationibus aërem docuit verno tempore, dum fecunditati operam præstant, nisi amor? Amor musicam docet. Sicut verum est hoc pronuntiatum in omnibus naturæ operibus, quod longum esset variis adductis exemplis comprobare, ita verissimum est in munere diuinarum laudum. Vbi amor Dei vigeat, vigere cognoscetur frequentia & impulsus ad Hymnorum cantum. Vbi

vehementior aderit amor, vehementior reperietur impulsus ad Hymnodiaz vsum.

Qui Deum diligunt, honorem & cultum eius querunt.

D. Augustini affectus in Deum dilectum.

Quicumque semper vero in Deum ferentur affectu, sicut cupient Dilecto suo omnem laudem & honorem, ita studebunt pro viribus Hymnis illum colere & celebrare, ut eius honor lausque publicè ab omnibus colatur, & dilatetur magis in animis mortalium: imò si possent, quod vellet animus, cuperent maiorem facere ipsum maximum infinitumque Deum. Circumfertur ad hanc rem emphaticus quidam diui Augustini erga Deum affectus, dum maximo æstuaret in Deum amore. Quòd si ipse Augustinus Deus esse potuisset, nihilominus ad eò gaudebat Dei perfectissimis attributis, ut paratus esset libens volens ad seipsum spoliandum tanta dignitate, ut Deo suo illam concederet. Ego fateor veritatem, hunc affectum, qui tam vulgaris est apud Scriptores, nondum potui reperire inter scripta Augustini. Magni similes affectus erga Deum, quoad laudationum vsum, visi à nobis sunt in sancto Hymnographo, qui licet sciret Deum esse magnitudine infinitum, cui nulla potest fieri magnitudinis accessio; tamen quando amore ardebat vehementiori in Deum, non solum statim ad Hymnos concinendos se recipiebat, quos ut plurimum exorditur à laudatione, vnde & nomen traxerunt Hymni, sed etiam verba eligebat apta, quæ, si fieri posset, maiorem redderent Deum amatum ac dilectum, usurpans præsertim verba magnificandi Deum; *Laudabo nomen Dei cum cantico, & magnificabo eum in laude.* & alibi: *Magnificetur Dominus.* quod verbum innuit desiderium augendi magnitudinem

Psal. 68.

Psal. 39.

nem

nem Dei. Non quia possit aliqua Deo fieri accessio siue quoad substantiam, siue quoad perfectiones, alioquin non esset Deus, nec infinitus, nec quidquid est in Deo Deus esset, contra omnem veram Theologiam; sed verba sunt eximij affectus in Deum, qui cupit etiam quod fieri nequit. Valdè sunt Deo gratæ huiusmodi animi declarationes, nam Deus potius animum pendit quam censum.

Deus potius animum pendit quam censum.

Eundem amoris affectum visi sunt exhibere omnes animi spiritu & fervore pleni, &, iuxta fervoris plenitudinem, plenior quoque affectus declaratio visa est in illis. Hinc præcipua verba ex ore Virginis Deiparæ audita statim post Incarnationis mysterium in eius utero peractum, fuisse in Dei magnificationem declarandam: *Magnificat anima mea Dominum.* ubi licet etiam advertere sensum illius verbi *magnificat*, in quo latet

Beata Virginis Deiparæ affectus singularis in Deum.
Lucæ 1.

etiam specialis prærogatiua animi illius amore feruentis. Non dixit, Magnifica anima mea Dominum, quasi excitans animum ad laudes Dei, quemadmodum ceteris Sanctis dicere opus esset (quia non semper actu poterant omni tempore laudare Deum; sed colligere prius cogitationes, & animum ad seipsum reuocare ab aliis occupationibus necesse erat, inuitando spiritum proprium, & dicendo cum Dauide: *Benedic anima mea Domino, & omnia que intra me sunt nomini sancto eius;*) sed ipsa semper tam in itinere quam in Oratorio, tam vigilans quam dormiens, ait D. Ambrosius, actu Deum suum Hymnis laudabat & magnificabat; proinde sola dicebat: *Magnificat anima mea Dominum.*

Psalm. 102.
Animi beata Virginis Deiparæ prærogatiua.
Lucæ 1.

Nec solum ipsi, qui ex animo Deum diligunt, sunt

*Diligentes
Deum cu-
piunt auxi-
lium socio-
rum ad Dei
laudes.*

Daniel. 3.

Pfal. 148.

Pfal 33.

*Cordis af-
fectus erga
res dilectas.*

sunt laudibus illius frequentes & solliciti, sed exoptant alias creaturas sibi associatas ad eandem explendam laudationem, imò eas inuitant & accersunt. Tres pueri in Babylonica fornace constituti, ad nostrum exemplum, prouocare studebant omnes creaturas à Deo factas, vt secum Deum, communem omnium conditorem, celebrare non recularent, *Benedicite omnia opera Domini Domino, laudate & superexaltate eum in secula*; quasi impares se declararent operi tanto, cum Deus infinitis modis maior sit omni laude. Eundem inuitandi socias creaturas modum ante hos præclarissimos iuuenes exercuerat sanctus Rex David, præsertim vltimis suis Hymnis, prouocans omnes creaturas existentes in cælis, in aëre, in terra, & subtus terram: *Laudate Dominum de cælis, laudate eum in excelsis*. aliàs etiam voluisset omnes amicos & notos sibi vnitos, & socios ad hoc munus Hymnodia, dicens: *Magnificate Dominum mecum, & exaltemus nomen eius in idipsum*. Eundem affectum videmus obseruatum etiam à profanis amatoribus, qui, vt amoris sui vehementiam testentur, implent chartas suspiriis, & prosopopœis etiam ad inanيماتa, inuitantes omnia ad laudes dilectæ creaturæ prosequendas. Imò apud omnes homines argumentum præcipuum veræ dilectionis & æstimationis habitum fuit desiderium & ardor circa laudes rei dilectæ & æstimatæ. Quò magis quis æstimare ac diligere alium cognitus est, tantò vehementius quærere visus est ab aliis auxilium ad eundem celebrandum & laudandum. Huius affectus insigne exemplum proposuit nobis Christus Dominus in illa muliere, quæ, ob inuentam à se

à se drachmam quam priùs amiserat, conuocauit vicinas & amicas, vt omnibus communicaret rei carissimæ deperditæ recuperationem, & ab omnibus exigeret ostensionem lætitiæ maioris:

Congratulamini mihi, quia inueni drachmam, Lucæ 15.
quam perdideram. Et in illo pastore, qui, ob in-

uentam à se dilectissimam ouem, conuocare studuit omnes pastores regionis illius, vt omnibus communicaret proprium gaudium, & ab omnibus reciperet maioris lætitiæ ostensionem: *Congratulamini mihi, quia inueni ouem, qua perierat.*

Ob hunc communem omnium hominum affectum & desiderium acquirendi socios ad laudandum Deum, asserere non dubitauit sanctus Augustinus ad ea verba citata Dauidis, *Magnificate Dominum mecum;* quòd si veriamantes Dei

reperirentur, adessent illis multi alij laudatores Dei ipsius, eorum exemplo & prouocatione excitati. *Si amatis Deum, rapite omnes ad amorem Dei qui vobis iunguntur, & omnes qui in domo sunt vestra.* & iterum subdit: *Excitate in vobis amorem, fratres, & clamate unicuique vestrum, & dicite: Magnificate Dominum mecum; sit in vobis iste feruor.* Veri amantes Dei se ipsos aliosq; student ad diuinum amorem excitare.

Ego asserere non dubitarim, quòd si aderit feruor amoris in Deum, aderit & desiderium & studium diuinarum laudum; &, ad mensuram dilectionis & feruoris, procedet studium laudationis tum in se, tum in aliis. Tantum aberit, vt Hymnodia in choro studiosos quis possit appellare inutiles, vt debeat potiùs eos celebrare veros Dei amatores. S. Augustinus, expendens illam Dauidis locutionem ad omnes gentes, vt Deo Cantica semper noua decantare & adhibere stu-

Pfal. 95.

deant, *Cantate Domino Canticum nouum, cantate Domino omnis terra*, acutè concludit, hunc cantum à feruenti amore originem trahere suam dicens: *Cantare amantis est. Vox huius cantoris, feruor est sancti amoris. Amemus, gratis amemus: Dominum enim amamus, quo nihil melius inuenimus; ipsum amemus propter ipsum, & nos in ipso, tamen propter ipsum.* Quare sicut amor est causa cantus Hymnorum; ita Hymnorum cantus nutrit amorem, & alter alterum inuicem promouet. Ideò Daudidici Hymni variis scatent affectibus amoris tum in Deum laudatum, tum in mandata & legem eius, tum in virtutes omnes; quibus auditis aut decantatis incitatur animus ad huiusmodi affectus eliciendos.

Amor gignit cantum, cantus nutrit amorem.

Pfal. 118.

Dauid vt Deo suo, imò potiùs mundo quàm Deo, declararet sui amoris magnitudinem, quia mundus penetrare non valet cordis affectum, dicebat se cantasse Hymnos omni conatu cordis: *Clamani in toto corde meo.* vbi dignum est consideratione illud adiunctum *toto*: non enim vacare mysterio putandum est, alioquin satis fuisset dicere *in corde*. Totum cor dicit, vt ostendat se cantare consueuisse omni cordis sui portione. Sunt ex psallentibus, qui altera tantum cordis parte, nimirum subtilibus & altis speculationibus, psallunt, sed abest pars melior ipsius cordis, nempe amor & affectus. Qui acuto pollent intellectu, faciles sunt ad pulchras speculationes exercendas super Hymnis quos concinunt; sed si ardore amoris & affectus carent, dicere non poterunt se clamasse in toto corde. Meliùs explicabo hanc doctrinam præclara diui Bernardi consideratione, dum inuehitur in Luciferum; quia cum subtilissimo

Cordis humani portiones dua.

D. Bernar.
Serm. 3. de
Verb. Isaie

tilissimo & sublimissimo ornatus esset intellectu, frigidissimo tamen iacuiisset affectu, idèd reprobatus à Deo, & à cælo eiectus fuit: *Tu habuisti miser lucem, sed ardorem non habuisti; bonum erat tibi, si ignifer magis esses quàm Lucifer, ne tam immoderato appetitu lucendi, ut eras frigidus, ipse frigidam quoque eligeres regionem* (nempe Aquilonarem intelligere volebat sanctus Doctor) quia frigidissima est, nam dixerat Lucifer: *Sedebo in lateribus Aquilonis.* Si itaque Angelo tam sublimi nihil profuit fulgor sine ardore, neque in nobis Deo placebit acumen ingenij alta speculantis, si desit ardor voluntatis. Totum cor adhibent feruentes laudatores; uti adhibebat David dicens: *Clamavi in toto corde meo.* quod videtur innuere voluisse diuus Ambrosius super hæc verba, dicens *toto corde* idem esse ac, cogitationum sublimitate concentuque virtutum. Isaia 14. Ingenij acumen sine voluntatis ardore nullius est apud Deum meriti. Psal. 118.

Horum amantium cantus numquam languet, semper feruet, nec vlllo aut studiorum aut occupationum impedimento minui potest; in mediis etiã tormentis exercetur, & tenetur, etiam si Deus se aduersum & iratum semper ostenderet. De felici illo Propheta, qui, ob claram mysteriorum nostræ fidei locutionem, nomen Evangelici à diuo Hieronymo est adeptus, nimirum Isaia, qui tanta claritate loquitur de mysteriis ad Christum Dominum & ad Ecclesiam spectantibus, ut potius præterita describere quàm futura prædicere videatur; quique moribus & vita fuit talis, qualis in Christi affeclis desideratur. Sciturum est quòd fuerit constans in laudibus Deo concinendis omni tempore, etiam dum sibi cognosceret Deum iratum atque aduersum; is enim

Hymnum

Hymnum celeberrimum illi decantauit dicens:

Isaia 12. *Confitebor tibi Domine, quoniam iratus es mihi.*

*Tepidi cantum Hymnorum de-
streciant.* Soli frigidi & remissi cantum aut reprehendunt,
aut fastidiunt, aut fugere etiam & declinare stu-
dent. Veri diligentes Deum Hymnodia cantum
tuentur & frequentant, sicut etiam à Deo carius
audiuntur, & citius exaudiuntur; non enim apud
Deum solus attenditur vocis clamor, sed amor
cordis, quemadmodum eleganti rhythmoprodi-
dit Antiquitas:

*Non vox, sed votum, non chordula musica, sed cor,
Non cantans, sed amans cantat in aure Dei.*

Dist. 92. *Qui* rhythmus ob elegantiam translatus est à
Glossa super cap. *Cantantes.* ubi agitur de condi-
tionibus ad psallendum opportunis. *Qui* dili-
gunt Deum, ab ipso diliguntur Deo. *Qui* amore

*Amantis
lingua per-
cipitur à
Deo.* ardentes cantant, isti vtuntur apta lingua, quæ
sola apud Deum intelligitur. Si quis à Deo eam
gratiam, quam habuisse scribitur S. Ephræm,
obtinere dignus esset, conspiceret haud semel ex
ore psallentium diuinum egredi ignem. Narrat

Surius in Vita S. Ba-
siliij Tom. I. mens. Ia-
nuar. Surius, quòd dum hic sanctus vir relictæ patria se
in Capadociam contulisset, vt sanctum Basilium,
de quo præclara audierat, inuideret, Ecclesiam in
primis adiuit, sibi certò persuadens, quòd ibi
Episcopum posset videre. Nec spes fefellit, imò
in ipso primo aspectu miram rem conspiceret in
eo fuit dignus. Sicut enim hunc beatum Episco-
pum reperit tunc cum alijs Clericis diuina per-
soluentem, ita in eius ore, dum promeret verba
sacra, vidit igneam linguam. Hoc spiritali diui-
noque igne gaudere existimandi sunt, quotquot
Deum ex animo diligenter canunt in choro. Si
amor non adsit, etiam si Angelorum linguam &
cantum

cantum quis habeat, non magis à Deo percipitur, quàm æs tinniens ab homine percipitur, iuxta doctrinam Pauli Apostoli dicentis: *Si linguis hominum loquar & Angelorum, caritatem autem non habeam, factus sum velut æs sonans, aut cymbalum tinniens.* Imò inter Angelos ipsos qui feruentiores sunt in Dei amore, frequentiores ^{proximiores sunt Deo.} auditi sunt ab hominibus ad Dei laudes concinendas, & proximiores Deo existunt, & nomen ab amoris ardore obtinuerunt. Seraphim dicuntur, & Seraphim fuere, qui auditi sunt ab Isaia decantantes: *Sanctus, sanctus, sanctus.* Isaia 6.

Quomodo autem Hymnorum cantus debeat adscribi amoris Dei, qui est actus caritatis, iam explicauimus ad calcem Libri superioris, vt non sit opus nunc eadem repetere, sed supponere tamquam vera atque conformia iis quæ hoc asserimus loco, amorem nempe semper fuisse præcipuum musicæ doctorem; nec vllum vmquam fuisse verum amantem sine aliquo musico cantu; Cantica item esse Dauidicos Hymnos, Cantica scilicet animi verè diligentis Deum. Ad istorum Canticorum frequentationem ed auidius incitatur animus amantium Deum, quò certiùs vnusquisque nouit, per illa reddi dilecto Deo eum honorem, qui à nebulonibus & impiis publicè eidem detrahitur Deo. Multi namque peruersi ^{Hymnodia.} homines in ludis, in viis, in plateis, in hospitiiis ^{usus reddit Deo} Dei nomini ac honori detrahere minimè verentur; aut illi tribuentes quæ non decent, aut denegantes quæ debentur; vel maledicentes, vel ^{blasphemis} ludentes, vel alio quouis modo blasphemantes. ^{aufertur illi.} Nisi essent in militate Ecclesia veri amatores Dei, qui publicè illius laudes purissimas, à Dauidicis Psalmis

Psalmis oblatas, cantarent; cum hac etiam expressa intentione restituendi dilecto Deo cum honorem, quem alij in publico conculcant iniustissime, cultus Dei exterior magno careret sibi necessario ac debito ornamento. Sollicitiores essent ministri impietatis ad conuitia in Deum euomenda, quàm Dei amatores ad eiusdem Dei tuendum cultum, & promouendum honorem, quod repugnaret naturæ veri amoris.

*Veri amatores Dei
nequeunt
abstinere
à choro.
Surius
6. Martij.*

Feruidi amatores Dei numquam à diuinis laudibus possunt se subtrahere, sed prompti & alacres ad illarum frequentiam accedunt. Huius rei illustre exemplum nobis reliquit beata virgo Collera, magni in Deum feruoris Religiosa. Hæc tanto in Deum ardebat amore, vt licet non mediocri laboraret morbo, numquam tamen voluerit à diuinis laudibus & à choro abstinere, neque, propter Sororum paucitatem, de illis aliquid minuere; sed, etiam si adessent cum ipsa duæ tantum vel tres aliæ Sorores, preces Canonicas omnes solemniter explere volebat. Numquam item, quod est mirabile, in diuinis persoluedis Officiis vllum vel tedium vel laborem sensit, imò quantò ea prolixiora essent, tantò ipsi gratiora videbantur. Quòd si aliquando experiretur aliquam desolationem, mox inchoato Officio, confortata psallebat maximo spiritus feruore, perinde ac si ante oculos suos summi Dei conspiceret gloriosissimam faciem. En feruoris effectus in corde Deum diligente. Possideat aliquando hic amor omnium psallentium corda; quia tunc tota Ecclesia in terris viuens imitabitur Ecclesiam triumphantem in cælis: vbi sicut ardet amor, ita viget Hymnorum feruidus cantus

fine

sine vlla requie aut labore, ad gloriam altissimi Dei, qui sit benedictus in sæcula.

CAPVT XIII.

Ministrorum canentium sanctitas maiorem tribuit vim Hymnodie.

LICET omnes ministri Ecclesiæ, ad Hymnodiam in choro deputati, sint ad id munus explendum apti, & dum orant nomine Ecclesiæ, semper sint Deo accepti; dignitatem tamen maiorem ministrorum, in quocumque isti sint gradu, vim augere Hymnodie pro comperto supponunt omnes Catholici Doctores. Qui digniores erunt, siue inter Sacerdotes siue inter Leuitas, siue inter Clericos simplices siue inter quoslibet alios ministros ad hoc psallendi munus institutos, facilius ac promptius à Deo exaudientur. Digniores appello non gradu, sed ratione caritatis & gratiæ quæ in anima resident, & reddunt aliam animam alia digniorem coram Deo, iuxta illud Apostoli Iacobi pronuntiatum: *Multum valet deprecatio iusti assidua.* Quo testimonio innixus Summus Pontifex Alexander scripsit de Sacerdotibus, quòd quantò digniores fuerint, tantò facilius pro necessitatibus, pro quibus clamant, exaudiuntur. Quam Pontificis doctrinam insulsè reprehendunt hæretici; quia sicut odierunt veram Iustitiæ & gratiæ sanctitatem, ita eiusdem vim negare non erubescunt. Verùm, quidquid blaterent isti sanctæ Ecclesiæ hostes, inhæreamus nos non solum scripturis Apostolicis, sed etiam ipsi rationi euidenti: nam, etiam apud politicos,

*Justorum
preces gra-
tiores sunt
Deo.*

Iacob. 5.

Alex. II.

Epist. 2.

*1. q. 1. ipsi
Sacerdotes.*

*Principum
nuntij a-
ptiores ob
eloquen-
tiam.*

*Psallentes
munere
funguntur
Legatorum
apud Deū.
2. Cor. 5.*

*Parif. de
Rhetorica
diu. c. 38.*

*Redditus
Ecclesiasti-
ci instituti
sunt à lai-
cis, ut diui-
na obean-
tur Officia.*

liticos, discrimen agnoscitur inter virum & vi-
rum, etiam si ab eodem Principe ad idem munus
eligatur. Nouimus omnes, quòd inter nuntios
seu Oratores à Regibus missos, illi censentur ad
munus legationis aptiores, qui eloquentiæ dono
præditi, sciunt negotia prudenter & appositè age-
re, & Principis sui sensum aptè proferre, & ex-
plicare; si insuper peculiari valeant gratia apud
alium Principem ad quem sunt missi, & apud
eius primarios ministros: huiusmodi enim Ora-
tores & nuntij solent felicius expedire assumpta
negotia. Eodem omnino modo philosophandum
est à nobis circa ministros ad Deum exorandum
deputatos: licet enim omnes sint veri ministri,
& omnes eodem legationis fungantur munere
pro populis ad Deum (nam hoc nomine Legato-
rum vocantur ab Apostolo Paulo ministri Ec-
clesiæ;) qui tamen maiori apud Deum pollebunt
gratia, quia iustiores & sanctiores sint aliis, isti
sine dubio facilius exaudientur. Hæc similitudo
nuntij eloquentis exprimit aptissimè munus no-
stræ orationis Deo oblatae, uti disertè demonstra-
re studet Parisiensis in sua Rhetorica diuina, dum
differit de oratione & virtutibus illius.

Huic vitæ sanctitati & gratiæ acquisitioni stu-
dere deberent, quotquot sunt in Ecclesia Dei mi-
nistri; quia sicut ex laicorum facultatibus viuunt
ad hunc præcipuum finem relictis, ut institue-
rentur perpetui ministri diuinarum laudum, qui,
dum laici suis distinentur negotiis, dum ludunt,
dum rident, dum dormiunt, pro ipsorum inco-
lunitate Deum exorent, ita debent sanctiori vi-
tæ disciplina se disponere, ut à Deo facile &
promptè exaudiantur. Non mediocris culpæ
fiunt

fiunt rei, pœnas aliquando debitas subituri, qui suæ obligationis obliti, aut cum magna morum relaxatione viuunt, aut omnino ab Hymnodia se subducunt.

Vrgebat sanctus Anastasius, quem refert beatus Theodoretus in dubiis Scripturæ, illa verba Osee ad ministros Templi, vbi peccata populi comedere dicuntur, *Peccata populi mei comedent*, Osee 4. & dicebat: *Hinc docemur, quod nos vespentes iis qua offeruntur à populo, & pro eis preces non diligenter offerentes Deo, pœnas dabimus.* Huc spectat illud commune Canonistarum proloquium: *Beneficium datur propter Officiū.* vnde qui non persoluit Officiū, priuandus etiam censetur beneficio; nam magna est relatio Officij ad beneficium, & beneficij ad Officiū. Quod maximè fundatur in sacris Litteris, in quibus constat, quod omni ætate, & apud omnes nationes constituti fuere à laicis redditus pingues ministris Templorum, vt liberè sine molestia possent isti orationi & Sacrificiis vacare. Legitur de sancto Rege Ezechia, quod post constitutos ministros, qui in officiis suis Domino deferuirent canentes & confitentes, constituit eodem tempore, & decreuit dari eis à populo redditus ad victum, vt possent vacare Domino. Idem reperiemus factitatum etiam apud Barbaras nationes à primis mundi sæculis, quando adhuc nullum in mundo extabat vero Deo Templum erectum. Sicut tunc aderant ministri diis colendis deputati, ita ij fuere ex redditibus populorum pia ac liberali munificencia prouisi, vt rebus sacris, meliùs dixerim superstitiosis, falsorum deorum vacare liberiorius possent. Hanc exemplarem pietatem ob-

Beneficium datur propter Officiū. cap. Si quis Sacerdotum. & cap. Eos etiam. quæst. 11. dist. 12.

Sacerdotes idololatra laicorum redditibus sustentantur.

Torniellus
anno mun-
di 232.

seruauit Torniellus in Pharaone Rege Ægypti, qui sicuti erat veræ expers Religionis, non ita ab omni pietate, saltem apparenti, fuit alienus, tempore præsertim illius famis vniuersalis, quæ omnem afflixit terram per annos septem, cum omnes confugerent ad Ægyptum (vbi solum, ex prouidentia sanctissimi Iosephi, qui penuriam prædixerat, venalia dispensabantur frumenta) se ipsos & terras proprias vendentes Regi in seruitutem, vt vitæ alimenta obtinerent. Non potuit Genes. 47. Rex ille, quamuis Barbarus, tunc pati terram Sacerdotum venundari, imò statuit illis alimenta gratis ex horreis publicis.

*Psallen-
tium error
quando
cordis san-
ctitatis non
student.*

Dum igitur populi benefici & liberales existunt in Ecclesiasticos, vt isti pro ipsis Deum exorent, pudere deberet eos, qui, tantæ obligationis oblit, torpescunt in munere tam stricti iuris; nec student se componere, vt & muneri suo faciant satis, & citius à Deo exaudiantur. Offenditur ab istis non solum ipse Deus, si non persoluitur illi debitum tributum; sed etiam ipse læditur proximus, pro quo ex iustitia debetur orationis oblatio. Multis timeo grauem illam comminationem à dino Bernardo prolatam: *Vae tibi clerie, mors in olla; quia populi constat esse peccata quæ comedis, sumptus Ecclesiasticos gratis habere reputas.* Caueant sibi, qui maiores pinguioreque possident redditus, si negligenter munus suum explere inueniuntur. Si enim onus maius excrefcit, vbi maius existit emolumentum, non erit forsan coram Deo à veritate alienum illud quorundam Doctorum non mediocris gradus pronuntiatum; quod nimirum plura beneficia possidentes, pluries quoque teneantur recitare Canonicas

nonicas preces. Hoc tamen nos non asserimus, sed tantummodò recolimus, vt inde arguatur, magnam esse impositam ministris Ecclesiasticis obligationem, etiam ex hoc solo titulo reddituū, ad sanctitatem vitæ procurandam, & ad muneris sui perfectam absolutionem.

Huic autem sanctitatis studio impensius tenentur operam dare illi ministri, qui ratione status ad maiorem vitæ perfectionem sunt à Deo vocati, nimirum Regulares personæ à sæculo eductæ, & ad Religionis felicem statum adductæ. Hi sicut ex peculiari Dei gratia ad sortem *Regula-* Sanctorum sunt vocati, nulla ipsis imposita cu-*rium per-* ra nec de nundinis, nec de negotiis, non de vi-*sonatum* ctu, non de vestitu, non de liberis, nec de vxori-*maior ad* bus, non de sanguine, nec de carne, ita etiam *sanctita-* maioribus donantur redditibus & possessioni-*tem obli-* gatio.

bus; copiosiusque in Monasteriis aluntur, vt cunctis sollicitudinibus liberi, exactiori cultui diuino possint sedulò vacare, atque strictiori obseruatione, tum diuinorum præceptorum tum sui Ordinis institutorum, sanctiorem vitam profiteri, & orationes perfectiores pro populis offerre Deo valeant. Quasi dixerim, quòd inter alias *Impij cur à* causas, ob quas Deus optimus permittit viuere *Deo per-* improbos & malos in mundo, hæc forsan sit non *mittantur* postrema, vt isti suis bonis temporalibus adi-*vinere.* mento sint personis Religiosis, quæ diuino incumbunt cultui, vt expeditius possint suo muneri facere satis. Nam ipsi improbi, cognoscentes vias suas malas, timentesque sibi aliquod malum à Deo vindice iusto, quærunt sibi amicos de mammona iniquitatis; & ad orationes & vitam bonam illorum confugiunt, vt à Deo tum susti-

*Iustorum
precibus
sustinentur
impij.*

Genes. 12. Deo recipere meruerunt, iuxta illud: *Benedicentur in semine tuo omnes gentes.* & quemadmodum vnus Eliseus dictus fuit *Currus Israël & Auriga eius*; quia suis precibus & meritis totum Israëlitarum Regnum sustentabat, ne à vindice Deo puniretur.

*Religiosa
persona fre-
quentiori
orationi
studere te-
nentur.*

Dum Deus liberalior erga Religiosas personas suæ providentiæ benignitatem præbet; dumque populi ipsi, consilia Dei exequentes, suas facultates Religiosis personis largissimè communicant, maior inde Religiosis consurgit obligatio vitam sanctiorem exercendi, & orationes fundendi frequentiores, ut Dei & populorum respondere valeant intentioni. Ad Religiosos omnes ego nunc omnium Religiosorum minimus offeram adhortationem huic rei opportunam, quam confidentiùs vsurpabo, quia ne minimum quidem apicem proferam ex me, non enim tantum mihi licentiæ assumere auderem, sed verba sanctorum virorum, quos scimus Deo apprime gratos, possum adhibere.

Illam hoc loco recolamus grauem cohortationem, quam sanctissimus Dux populi Hebræi Iosue habuit ad totum populum, ne cum in terras & regiones, omnium benedictionum plenas, aliorum populorum essent Dei benigno favore introducti, vbi tot tantisque bonis abique labore per-

perfruebantur ; ne , inquam , Dei obliuiscerentur benefactoris , sed eum colentes corde magno timerent atque diligerent , eiꝛue ex animo seruirent : *Dedi vobis* , ait , *terram , in qua non labora-* Ios. 24.
stis , & vrbes quas non edificastis , vt habitaretis in
eis , vineas & oliueta , qua non plantastis . Nunc er-
go timete Dominum , & seruite ei perfecto corde
atque verissimo . Vnusquisque nostrũm sibi ipsi Religionis
suggerat , quod verẽ in terram lacte & melle ma- status si-
nantem introductus à diuina misericordia , alie- milis terra
na bona possideret absque labore ; inde cognosceret , lacte &
se teneri ad sanctitatem & perfectionem vitæ im- melle ma-
pensiori cura obtinendam & acquirendam , ne
ingratus sit Deo tam liberali . De nobis altiori
sensu dicta sunt illa verba Dauidica : *Dedit illis* Psal. 104.
regiones Gentium ; & labores populorum possede-
runt , vt custodiant iustificationes eius , & legem eius
requirant . Vbi aduertenda illa causalis particu-
la *vt* , quæ ostendit & declarat finem ac intentionem
Dei donantis hæc bona . Hoc textu Dauidico
inhærens diuus Gregorius admonebat , quod D. Gregor.
si quis Deum tot bona largientem non recognosceret
bonorum operum executione & studio , 3. Par. Pa-
timere iustè possit , ne vnde nutritus piè creditur , stor. admo-
inde iustiùs damnetur . nir. 27.

Qui Religiosi respondere non satagunt obli- Religioso-
gationi sanctitatis , nec proprii instituti obserua- rum negli-
tiones & Regulas custodire curant , sicut gra- gentiorum
uiùs quàm laici Deo suo ingrati peccant , ita pœna acris-
iram eius sibi acriorem prouocare non desinunt ; ris.
vt timere valdè sibi debeant magnum aliquod
iudicium . Quos Deus videt abuti acceptis com-
moditatibus ad alium finem quàm ipse concessit ,
iratus iustè punit , priuans eos bonis iam da-

- tis. Caueant Religiosi minas illas ab eodem sancto Duce Iosue factas populo legem Dei non custodienti, nimirum fore, vt Deus eos auferret de regione illa, quam concesserat, pingui atque electa: *Sicut ergo Deus impleuit opere quod promissit, & prospera cuncta venerunt; sic adducet super vos quidquid malorum comminatus est, donec vos auferat atque disperdat de terra hac optima, quam tradidit vobis, eo quod praterieritis pactum Domini Dei.* Verè pactum transgrediuntur Religiosi, qui vitam professioni emissæ non conformant, Nam Deus videtur tradidisse nobis statum Religionis eo pacto, vt perfectioni vitæ & morum studeamus, & orationi feruentiori & frequentiori pro populis incumbamus. Si inuenierit Deus aliquos huic obligationi non respondere, poterit iustè illos punire aliqua dispersione, quemadmodum comminatus est per Iosue, & re ipsa videmus expletum in populo Hebræo. Saltem multi Religiosi audituri sunt opportuno tempore obiurgationem illam acrem, quam protulit Ieremias nomine Dei ad populum electum & ad Sacerdotes illius gentis: *Induxi vos in terram Carmeli, vt comederetis fructum eius, & optima illius; & ingressi contaminastis terram meam, & hereditatem meam posuistis in abominationem. Sacerdotes non dixerunt: Vbi est Dominus? & tenentes legem nescierunt me, & pastores prauaricati sunt in me; & propheta prophetauerunt in Baal, & idola secuti sunt, propterea adhuc iudicio contendam vobiscum.* Ne; quæso, absurdescamus vocibus istis, quæ si attendantur, in Religiosos tepidos ac negligentes appositè vrgent. Memoria nisi pro-
- uior

*Dei mina
ad malos
Sacerdotes.*

Ierem. 2.

*Maior gra-
tia nisi pro-*

uior adesse debeat pœna, si gratia non proſit ad salutem. Concedere dignetur Dominus noster unicuique Religioſo, vt quod ore quotidie profert, dum canit vel recitat, *Legem pone mihi Domine viam iuſtificationum tuarum, & exquirā eam ſemper*, opere ipſo aliquando expleat, & vita, exemplo, precibus & hortationibus populos ad meliora prouocet. Tunc ſicut vita reſpondebit ſtatui, ita preces maiorem apud Deum vim poſſidebunt.

CAP. V. T. XIV.

*Plurium cantantium ſocietas conſert
Hymnodia varias vtilitates.*

CVM ratio chori, in quo diuinæ perſoluuntur laudes, exigat plurium ſocietatem concordem, qui eodem animo & conſonantia, licet diuerſis vocibus, alternis verſibus & vicibus, eundem celebrent & precentur Deum Hymnis & Canticis, præſtat videre ac conſiderare, quanta ex hac concordia plurium ſocietate proficiſcantur bona atque vtilitates. Hæc cognitio plurimum conferet ad chori amorem & frequentiam fouendam. Triâ præcipua bona ex hac vniõne orta poſſumus attendere, nimirum uſum cantus faciliorem, inſuper Dei maiorem delectationem, tandem precum vim efficaciorẽ.

Cantus uſus redditur facilior ex alternatione verſuum, qui modò ab vnâ chori parte modò ab alia dicuntur: dum enim alij cantant, quieſcunt alij, & hi ſtatim feruentiores redeunt ad cantum dum illi quieſcunt. Hæc alterna canendi forma

ad nostram informationem, vti superiori diximus Libro, vtebantur Seraphini, ab Isaia in antiqua Ecclesia, & à D. Ignatio Episcopo & martyre in noua Ecclesia auditi, canentes alter ad alterum Hymnos Deo altissimo. Hac forma expletur suauius illud onus, quod aliàs esset & laboriosum & graue, propter prolixitatem Psalmorum & precum, quando semper ab iisdem vocibus sine vlla quietis interpolatione concinerentur.

*Cervorum
industria
in fretis
transuadenda.*

Hómil. 2. 1.
de Verbis
Apost. &
lib. 83. qq.
q. 71. & in
Psal. 41.

Hac eadem alternationis seu vicissitudinis forma in onerum deportatione nouerunt vti ipsa animalia rationis expertia, ab ipsa natura edocta, vt suauiora reddantur onera portanda. De ceruis prodiderunt graues Scriptores, quemadmodum refertur à D. Augustino, quòd dum pascua mutare volentes, fretum aliquòd transare opus habent, quia onere cornuum valde premuntur, à quo possent ex latitudine tractus maris facillimè tandem demergi, ita se ordinare nouerunt, vt vnus post alium positus collocet caput suum prae graue super anteriorem sibi socium. Et ne qui prior alios antecedit onere pressus demergatur, quia nulli praecedenti caput suum potest imponere, solent vicibus alternis officium ducis subire, ac praecedere; ita vt qui prior antecessit per aliquod freti spatium, iam sui capitis onere lassatus, post omnes se recipiat, vt caput suum reclinet super vltimum ceruum, interim alius ducis fungitur munere, donèc lassatus recedat post omnes ad quiescendum: hac alterna mirabili vicissitudine suauissimè perueniunt ad litus intentum. Quod itaque nouerunt explere cerui in fretorum & fluminum transnatione, idem obseruant

nant Ecclesiastici in Officij diuini & cantus exercitatione ; alternis enim versibus explent suum munus mira suauitate , ob interpositam quietis vicissitudinem.

Secundo loco, ista pluralitas & varietas cantantium maiorem Deo exhibere dignoscitur delectationem, ob eam rationem, quia exhibent musicæ modulationis, qua Deū summoperè delectari tradunt sacri Libri, perfectū exemplar. Sicut musica *Plurium psallentiū concordia* modulatio ex plurium vocum concordia *Deo est gratior.* coalescit, in ea enim adesse debent voces graues, acutæ, altæ & variæ, omnes tamen reddunt suauem concentum; ita dum in choro Ecclesiastico plures conueniunt psallentes, qui sunt varij tum temperamenti, tum ætatis, tum gradus, tum aliquando etiam patriæ, nihilominus reddunt eosdem Hymnos, easdemque preces; orationes, & sonum: Quando præsertim omnes sunt vera caritate coniuncti, dici poterunt suauissimam modulationis & musicæ formam referre Deum valdè delectantem. hoc sensu dixit sanctus Augustinus, *D. August. Quod multi homines caritatis vinculo colligati vnus* *Præfat. in Psal. 69.* *sint homo, & ipsorum vnus hominis vox in Psal-* *msis plerumque auditur; & sic clamat vnus tam-* *quam omnes, quia omnes in vno vnus sunt.*

Quantum delectetur Deus hac cantantium diuersa conditione & qualitate in vnum conspirante, possumus rectè colligere ex variis sacri Evangelij & Apocalypsis locis. Nouimus ex Euange- *Varia gratiarum promissiones orantibus in vnum facta.* lio magnas mirasque promissiones factas à Deo fuisse pluribus orantibus in vnum coactis. Semel promisit Christus Dominus, se concessurum quamlibet petitionem emissam à pluribus concordibus in fundenda oratione: *Dico vobis, quia* *Matth. 18.*

si duo ex vobis consenserint super terram, de omni re, quamcumque petierint, fiet illis. tunc autem sermonem fuisse de petitoria precatione ab hominibus ad Deum offerenda, docet Caietanus ad eum locum. Addidit statim Christus Dominus aliam promissionem, nimirum promisit suam diuinam præsentiam iis, qui simul vniti ad orationem conuenissent: *Vbi sunt duo vel tres congregati in nomine meo, ibi sum in medio eorum.*

Exod. 40.

In cuius præsentia & assistentia figuram possumus recolere sicut ex diuina ordinatione Altari incensorum designatum, nempe coram Arca Domini. dixerat enim Deus: *Altare aureum, in quo adoletur incensum, coram Arca testimonij.* Non sine mysterio voluit Deus collocandum Altare incensorum coram Arca, in qua Deus aderat præfens. Figura ista fuit diuinæ præsentia promissa

Altare incensorum typus est orationis caritate feruentis.

orantibus in vnum collectis. Quis modò nesciat Altare incensorum, quod aureum erat, designare orationem caritati coniunctam? nam aurum est symbolum caritatis, incensum autem orationis. Si oratio, ex diui Dionysij doctrina, dicitur eleuatio mentis in Deum, etiam incensum in Deum dirigitur, vnde vtrumque simul in Psalmis à Dauide copulatur: *Dirigatur Domine oratio mea sicut incensum in conspectu tuo.* Cum igitur Deus promittat & exhibeat suam præsentiam hisce orationibus coniunctim à pluribus oblatis, concludere nouit animus, magnam ex hisce orationibus delectationem in Deum deriuari.

Psal. 140.

Laudes cariores Deo in calis à creaturis diuersis offeruntur.

Quinimò si dicamus, delectationem istam non esse valdè dissimilem ab ea, quam in Empyreo cælo haurit Deus ex Hymnodiis Beatorum; forsitan non dicetur quidquam hyperbolicum, sed simpliciter

simpliciter verum : nam prodidit diuus Ioannes, Apoc. 4. quòd solemniores & gratiores Hymnodix Deo oblatae in cælis expleantur à quatuor animalibus simul vnitis, sed diuersæ naturæ, conditionis & formæ, nimirum à leone, vitulo, homine & aquila; quæ animalia requiem non habebant die ac nocte dicentia Hymnum trisagion : *Sanctus, sanctus, sanctus, Dominus Deus omnipotens, qui erat, & qui est, & qui venturus est.* Qua voce emissâ, quia gratissima est Deo, statim applaudunt viginti quatuor alij seniores, illis animalibus se iungentes, exclamantes : *Dignus es Domine Deus noster accipere gloriam, & honorem, & virtutem; quia tu creasti omnia, & propter voluntatem tuam erant, & creata sunt.* En quomodo delectatur Deus laudibus oblaris à creaturis diuersæ speciei & conditionis, vt cognoscantur ex hisce narrationibus, quòd tunc gratiores redduntur laudes, quando à pluribus in vnum coactis expleantur, & offeruntur. hinc illa Tertulliani sententia : *Coimus in cætum & congregationem, vt ad Deum, quasi facta manu, ambiamus orantes.*

Tertiò, ex hac plurium canentium in choro vnione prouenit precum vis efficacior. Tanta pol-
 lent apud Deum auctoritate preces vnitæ plu-
 rium personarum, vt si quod petitur sit hone-
 stum, obtineatur citiùs & certiùs ab istis. Licet
 omnes preces, quæ puro fiunt corde à singulis
 priuatim orantibus, esse possint sæpeque sint Deo
 gratæ; nihilominùs faciliùs respiciuntur à Deo
 quàm orationes multorum simul precantium.
 Expendere solebat ad hoc institutum Origenes
 illam petitionem tanti ponderis oblatam à Spon-
 sa in Canticis, cùm dixit : *Osculetur me osculo* Cantic. i.
 oris

*Multorum
 simul orā-
 tium pre-
 ces non re-
 spiciuntur.*

oris sui. Magna certè petitio, quæ nimiam redoleret familiaritatem; quia tamen fiebat à Sponsa, id est ab Ecclesia, quæ plurium fidelium dicit congregationem, fuit illicò exaudita: præsentem enim habuit Sponsum desideratum, cum eo colloquia trahens suauis. *Meliora sunt uera tua uino.* Ex quibus verbis acutè colligit Origenes præsentiam Sponsi, cùm non ampliùs per modum optantis, sed præsentis cum alloquatur. vnde constat promissionem illam fuisse expletam, quam Dominus per Isaïam pronuntiauit: *Adhuc te loquente dicam, Ecce adsum.*

Origenes
Homil. in
Cantic. 1.

Isaïæ 58.

S. Chryf.
Hom. 3. de
Incompr.
Dei nat.

Loci sanctitas & unio orantium vim auget precibus.

Act. 12.
Preces Ecclesia liberant Petrũ
e carcere.

Ad eandem rem confirmandam elegantes rationes congerit beatus Chrysostomus Homilia de Incomprehensibili Dei natura. Postquam enim pronuntiauit, preces in Templis factas esse Deo gratiores ratione sanctitatis loci, affert etiam vnionem plurium orantium: *Vbi, inquit, tot Patres, ubi clamor felici societate excitus ad Deum, immortalẽ refertur.* In hac societate vult diuus Chrysostomus esse efficaciam maiorem propter illam vnionem: *Est enim in hoc plus aliquid, videlicet concordia, conspiratio, copula amoris & caritatis.* Expendere solebat Doctor egregius orationem illam factam à fidelibus simul vnitis in prima nascente Ecclesia pro incolumitate Petri, qui erat ad supplicium, ex Regis Herodis Decreto, euocandus die postera: cùm enim oratio fieret *sine intermissione ab Ecclesia ad Deum pro eo,* ecce Angelus Domini adstitit soluens catenas, & carceres aperiens, sospitemque educens Petrum in libertatem. Ex hoc euentu appositè concludit diuus Chrysostomus magnam vim & efficaciam precum à communi aliquo Ecclesiæ conuentu factarum:

factarum : *Quòd si Petro Ecclesia oratio profuit, & columnam illam ac firmamentum nostræ Religionis carcere liberavit, cur eius vim tu contemnis?*

Quando videt Deus plurium affectus simul vnitos, quasi videtur coactus exaudire, quem- ^{*Precum vnio cogit Deum.*} admodum aliquando euenire conspiciamus inter nos mortales. Sæpè clamor populorum deprecantium gratiam pro reo ad mortem addicto extorquere solet. Euentum præcedentibus similem libet aduertere in destructione Ierichuntis. non enim sine mysterio voluit Deus, quòd non priùs corruerent illius vrbs muri, nisi post clamorem simul vnitum totius populi. Tunc statim muri demoliti iacuerunt. *Igitur omni populo vociferante, & clangentibus tubis, muri illicò corruerunt.* ^{*Ios. 6. Iericho destruitur clamore.*} qui effectus non acciderat nec prima, nec secunda, nec tertia die vsque ad septimam; quia totus populus non vociferauerat, sicuti tandem vociferauit in vltima præscripta die. Hunc euentum considerans Origenes, concludit, maiorem ^{*Origenes Homil. 7. in Iosue.*} inde cognosci vim communium orationum.

Quia res ista est maximè iucunda, libet diffusius eam comprobare aliis euentibus præclaris, quos vidit nostra Ecclesia Catholica. Recolamus hoc loco orationem illam Apostolorum & fidelium simul congregatorum vnà cum sanctissima Virgine Deipara, dum prima ipsius Ecclesiæ iacerentur fundamenta: nam orantibus omnibus vnanimiter in cœnaculo Sion, adfuit repente de cælo Spiritus sanctus igneis flammis, qui illos felices orantes accendit, & incendit, imò suauissimè adussit. Hic euentus non ea tantummodò accidit vice, sed iterùm ac sæpè, quando ^{*Spiritus sanctus precibus obtinetur.*} primi

Actor. 4.

primi illi pij fideles vniti orabant. Insigniorem quemdam alium enentum describunt sacræ Historiæ, quando, fidelibus quibusdam simul cum Apostolis in oratione coniunctis, dum vnanimis dicerent, *Domine, tu es qui fecisti calum, & terram, mare, & omnia quæ in eis sunt, qui Spiritu sancto per os patris nostri David, pueri tui, dixisti, &c. Nunc Domine respice in minas eorum, & da seruis tuis cum omni fiducia loqui verbum tuum*, vix peracta oratione, motus factus est in illo loco verè beato, adfuitque super illos orantes Spiritus sanctus, qui illos repleuit.

Vmbertus
lib. 1.
Ferdinand.
Castil. p. 1.
lib. 1. c. 61.

*Spiritus
sanctus de-
scendit su-
per psallen-
tes pios.*

*Beata Vir-
go Deipara
ostendit se
orantibus
vnitis.*

D. Anton.
3. p. Histor.
tit. 23. c. 3.
§. 1.

Nec posterioribus temporibus similes euentus denegati sunt aliis orantibus simul iunctis non tam loco, quàm animo & affectibus. Anno M. CC. XLVII. in Conuentu Montispeffulani in Gallia, dum ad generalia Comitia ex omnibus orbis partibus frequentiores conuenissent Religiosi Ordinis Prædicatorum, & in choro die sanctissimæ Pentecostes essent vnanimiter expleturi Horam Tertiam, ad Hymnum, *Veni creator Spiritus*, ecce visus est Spiritus sanctus descendere in ignea claritate super psallentium chorum, implens eorum corda diuino ardore. Et vt maioribus cumularentur donis veri illi pij Religiosi, visa deinde etiam est beata Virgo Deipara benignè respiciens eos. Dum enim congregati in Ecclesia cantarent deuotissimum Hymnum, seu Canticum, *Salve Regina*, adfuit sanctissima Deipara Filium Deum gestans inter brachia; positaque ante Fratres, ad illa verba, *Et Iesum benedictum fructum ventris tui*, ostendebat singulis Fratribus eundem Filiolum: cùm ad ea verba peruentum fuit, *O dulcis virgo Maria*, quando isti caput

caput profundè inclinabant, ipsa resalutans Fratres se inclinabat. Quod illis tunc contigit visibiliter, contingere sæpè inuisibiliter credendum est animis rectè dispositis ac præparatis inter orandum & psallendum. Quòd si fortassis non semper concedatur huiusmodi gratia, non idcirco virtus Spiritus sancti credi debet imminuta, vel diuina misericordia super psallentes abbreviata, sed id nostris euagationibus aut aliis prædominantibus in corde passionibus est adscribendum. Melius itaque semper est orare cum aliis coniunctim quàm solum, etiam ob eam causam; quia quod aliquando, imò sæpè, non auderet quis petere suæ vilitatis conscius, id obtinere merebitur ex petitione facta ab aliis sociis, qui fortassis gratiores Deo sunt, & magis accepti. Nam dum singuli orant pro omnibus, aiebat D. Ambr. brosius, sequitur vt omnes orent pro singulis. lib. de Cain & Abel, cap. 9. Hinc fit, quòd cognoscentes tot tantaq; bona ex societate psallentium orta, omni seposita alia cura, studeant interesse choro ad diuinas persoluendas laudes vnà cum aliis; vel si in itinere necessario reperiantur, solent in ipsis locis hospitij socios adhibere ad recitationem Officij. quemadmodum à nostro Episcopo Dossenio obseruauimus factum, dum, visitationis gratia, siue ad nostros Religiosos, siue ad Religiosos Fullienses proficisceretur. Quemadmodum etiam obseruare solitum scribunt D. Dominicum in suis itineribus. Idem hodie obseruatur à multis piis Religiosis, qui nouerunt fructus magnos ex hac societate prouenientes.

*Pia persona
studeat re-
citare Of-
ficium vnà
cum sociis.*

CAPVT XV.

*Vigilia nocturna ab Hymnodia studiosis
obseruandæ.*

*Tempus
nocturnum
aptissimum
orationi.*

*Cantic. 3.
& 5.*

Isaia 26.

Thren. 2.

*D. Ambr. in
Psal. 118.*

*Nocturna
preces Deo
gratiores.*

QVIA Ecclesia nostra Hymnodia & orationibus, nocturno tempore Deum præueniens, illique clamans, diligentissimè vacare numquam destitit, idcirco semper carissima fuit Deo, qui summoperè delectatur huiusmodi obsequiis; quemadmodum ex variis Scripturæ sanctæ locis licet colligere, & cognoscere. Sponsa Canticorum quærebat per noctem maximo studio Dilectum suum, & hic ad eam aduenire satagebat eodem tempore noctis, plenum ferens caput rore, & cincinnos guttis noctium. Hinc Isaia ad Deum confugiebat nocturnis horis: *Anima mea desiderauit te in nocte.* & Ieremias incitabat se ipsum & alios fideles ad noctis vigilias custodiendas, vt Deus meliùs laudaretur: *Consurge, lauda in nocte, in principio vigiliarum.* Hæc præuentio indicium est animi vehementer solliciti & anxij erga diuinâs laudes. Explicabat ad hanc rem appositissimè diuus Ambrosius verba illa Hymnographi, *Memor fui Dei, & delectatus sum.* Quo loco loquebatur sanctus Rex de nocturnis precibus ad Deum suum directis. Confert autem sanctus Ambrosius hoc studium Dauidis cum studio Sponsæ in Canticis quærentis per noctem Dilectum; & vtriusque sollicitudinem nostræ accommodat Ecclesiæ, dicens: *Audi Ecclesia vocem quærentis etiam in noctibus Christum.*

Hæc sollicita præuentio fidelium ad nocturnas

nas

nas vigiliis tanto ardore vigeat in primitiua no- *Nocturnis*
 stra Ecclesia, vt omnes omnino ad eas conueni- *vigiliis pri-*
 rent. Huius veritatis testes luculentissimos ha- *sci Chri-*
 bemus ipsos nostræ Religionis hostes præcipuos. *stiani fre-*
 Plinij Iunioris extat Epistola ad Traianum de *quentes.*
 moribus Christianorum agens, in qua testatur, *Plinius Se-*
 se in Christianis nihil obseruasse culpa dignum, *cundus*
 nisi quod suo Christo antelucanos canerent *Epist. ad*
 Hymnos. Huius Epistolæ meminerunt Tertul- *Traian.*
 lianus, Eusebius, Nicephorus, & alij Ecclesia- *Tertul. in*
 stici Scriptores. Vigeat tunc in Ecclesia Dei fi- *Apol. c. 2.*
 des & meditatio futuri iudicii vniuersalis, quod, *Euseb. l. 3.*
 sicut creditur, peragendum circa mediani no- *cap. 26.*
 ctem, propter verba Sibyllæ à Lactantio Firmia- *Nicephor.*
 no in huiusce rei confirmationem allata, eoque *lib. 3. c. 17.*
 tempore omnibus fidelibus obuia; ac præsertim *Lactant.*
 propter illa verba Domini nostri ad discipulos *Firmian.*
 suos in parabola decem virginum: *l. 7. Instit.*
Media nocte *Matth. 25.*
clamor factus est: Ecce sponsus venit, exite obuiam
ei. Ita incitabat feruidos piosque illos fideles ad
 huiusmodi sanctam landabilemque vigiliarum
 obseruationem, vt à veniente iudice inuehiren-
 tur paratiores, iuxta eiusdem Domini nostri con-
 silium & monitum: *Vigilate ergo, & estote pa-* *Matth. 14.*
rati, quia qua nescitis hora filius hominis ventu-
rus est.

En quantæ semper habitæ sint existimationis iu
 Ecclesia nostra à viris Apostolici feruoris no-
 cturnæ Hymnodia. Qui feruor non solum Apo-
 stolorum tempore, sed etiam per multa poste-
 riora sæcula feliciter perdurauit. Diui Hierony-
 mi ætate aded florebant nocturnæ Hymnodia, vt
 nefas putarent, sine causa necessaria abesse, &
 tanta animorum consensione ac deuotione Hym-

D. Hieron.
Epist. 48.
ad Sabin.

Nocturna-
rum vigi-
liarum ho-
stes hære-
sici.

ni Deo persoluebantur ab illis fidelibus, ut di-
cere licuërit diuo Hieronymo, nocturnarum vi-
giliarum insigni defensori : *Tota Ecclesia no-
cturnis vigiliis personabat Christum Dominum, &
in diuersarum gentium linguis unus in laudibus
Dei spiritus concinebat.* Tuetur sanctus Doctor
harum vigiliarum sanctam institutionem aduer-
sus maledicta cuiusdam hæretici, qui licet nomi-
naretur Vigilantius, potiùs dici deberet per an-
tithesim Dormitantius, qui eas & vanas & in
Deum iniuriosas appellabat, & improbabat.
Contra hoc monstrum validissimis pugnavit ra-
tionibus & argumentis diuus Hieronymus, vin-
dicans factas nocturnas vigiliis à calumniis im-
piiissimi hæretici. In eandem sententiam plura
scribit sanctus Augustinus Ecclesiæ columen, ut
non solùm collaudaret hoc pium institutum suis
diœcesanis, sed etiam animaret ad frequentatio-
nem vigiliarum. Verùm in his longiùs immora-
ri non est huius loci, cùm de iis iterùm debeant
quædam alia haud inutilia dici Libro sequenti in
earum commendationem.

Vigiliarum
nocturna-
rum obser-
uatores Re-
gulares.

Illud ad nos, qui Religiosiores ratione status
esse deberemus, spectat, ut vigiliarum noctur-
narum obseruantiam sartam tectamque tueamur.
Nam sicut in ceteris fidelibus laicis sola pietatis
frigescentis causa, non autem ob aliquod Eccle-
siæ Decretum, abiit in defuerudinem hæc pia ob-
seruantia; ita nos ad cultum Dei tuendum desti-
nati, deuotè, promptè ac studiosè somnum ocu-
lis præripientes hanc retineamus, alioquin si in
nobis etiam deficiet, prorsus extincta iacebit in
Ecclesia. Etiam ipse Hymnographus, qui noctur-
narum vigiliarum fuit custos solertissimus, me-
dia

dia semper nocte surgens ad confitendum Domino, voluisset tanto operi addictas præcipue Religiosas personas, quæ nullis distentæ sæculi negotiis, domum inhabitant Domini in Claustris degentes. quare aliquando integrum efficacis hortationis cecinit Psalmum, eas accersens & excitans ad operis istius studium perdiligens, dicens: *Ecce nunc benedicite Dominum omnes servi Domini.* Muneri namque diuinarum laudum maiori cenlebat David vinculo obstrictos eos, qui diuino, ratione status, sunt obsequio mancipati. *Qui statis in domo Domini, in atriis domus Dei nostri.* Ij enim sicuti habitatione gaudent à tumultibus remotiori Deoque proximiori, ita tenentur impensius laudes persequi diuinas. *In noctibus extollite manus vestras in sancta, & benedicite Dominum.* Nocturnum tempus potissimum suadet, tamquam omnium aptissimum ad benedicendum Deo in Hymnis & confessionibus, tum propter communem omnium rerum quietem & silentium, quæ psallentibus maximè fauent; tum propter temporis opportunitatem, quæ magis est placita Deo. *Benedicat se Dominus ex Sion, qui fecit calum & terram.* Benedictiones tandem pro coronide à Deo super istis vigilantibus & psallentibus exoptat ex animo, & precatur enixè. Qui enim in Hymnis Deo concinendis horas quietis impendit, diuinis meretur repleri benedictionibus. Daudicam istam hortationem libenti audiunt animo omnes Hymnodicæ cultores, eamque student diligenti persequi studio. Hanc quotidie mater vsurpat Ecclesia, nec sine alto consilio eam pro vltimo completorij Psalmo proponit canendam psallentibus, vt scilicet ab illa excitati

animi pij, ad proximas sequentis noctis resumendas vigilias reddantur promptiores & alacriores. Illud nobis sit curæ, ô Religiosi quotquot estis, siue viri siue feminæ, quod dicebat Apostolus Paulus ad fideles Corinthios, dum illos adhortatur, vt se Dei dignos ministros ostenderent, dicens: *In omnibus exhibeamus nosmetipsos sicut Dei ministros.* inter alia opportuna media enumerat ac suadet vigiliarum obseruationem. *In vigiliis.*

1. Cor. 6.

Ex quibus verbis ansam desumit Turrecremata dicendi, quodd non sit verus Dei minister, qui refugit sacras vigilias: sicut contrà, qui laudibus Dei nocturnis vigiles adesse student, sicut Angelorum cælestium assumunt officium, ita eorundem nomina sibi promerentur. Inter Angelorum sanctorum nomina, à Propheta Daniele vsurpata & tradita, insigne fuit nomen vigilis: *Et ecce*

Daniel. 4.

D. Hieron.

vigil & sanctus de calo descendit. Vbi diuus Hieronymus admonet eo nomine fuisse à Daniele appellatum Angelum sibi amicum, quia Angeli semper vigilant, & ad Dei imperata exequenda sunt semper parati. Deinde subdit eandem nominis sortiri felicitatem, qui nocturnis Dei laudibus adesse student ex mortalibus, vnde & nos, ait, crebris pernoctationibus imitamur Angelorum officia. Hinc apud sanctiores Religiosos huiusmodi vigiliarum obseruatio tantæ extitit venerationis, vt neque aduersæ valetudinis causa potuerint nonnulli à nocturnis vigiliis seipsos subtrahere. Insignem in hoc genere historiam refert Surius, dum obiter egregias cuiusdam Monachi, nomine Zachæi, qui sub disciplina Magni Pachomij vitam agebat cælestem, recenset virtutes; in primis scribit, quodd hic Religiosus tanta

*Angeli
semper vi-
gilant.*

Surius in
Vita sancti
Pachomij,
Tom. 3.
mens. Maij

colectabat

colebat alacritate monasticos omnes conuentus, vt numquam ab eis abesse cognitus fuerit. Deinde quòd variis licet affligeretur corporis doloribus, imbecillimæque semper esset valetudinis, numquam tamen à nocturnis abfuerit vigiliis, quæ semper à media nocte vsque ad manè peragebantur in cantu Hymnorum; nec tamen ad somnum redibat, sed reliquum diei tempus in operibus manuum transigebat.

Has vigilias obseruare maximè decet Ecclesi- Cantic. 6.
 siam, quæ, veluti castrorum acies ordinata, ho- Ecclesia
 stibus terribilis esse describitur; idcirco more Dei more
 militiarum conuenit vigilias & excubias obser- militiarum
 uare, non quidem vt corpora vel res externas cu- excubat ad
 stodiat, quemadmodum armis custodiunt mili- animarum
 tes stipendiarij à Principe positi, sed vt Hymnis custodiam.
 & orationibus paratas hostis communis insidias
 excludat. Ad nos Ecclesiasticos spectat imitari
 militum sæcularium vigilias, vt expleatur id,
 quod non semel à Christo Domino pronuntia-
 rum est de vigiliis huiuscemodi militaribus.
 Sicut notæ sunt quatuor noctis vigilæ in castris Militum
 exercituum ab antiquis diligentissimè obserua- vigilia no-
 tæ, quarum vnaquæque ternis horarum spatiis turna
 explebatur, de quibus agunt Scriptores de re mili- quatuor.
 tari agentes; ita Dominus noster meminit secun- Veget. l. 3.
 dæ & tertiæ vigilæ apud D. Lucam, & quartæ vi- de Re mi-
 gilæ apud D. Marcum, vt nos inuitaret ad vigilā- lit. cap. 8.
 tiam. Pudere nos deberet, aiebat D. Chryso- Lucæ 12.
 stus, quando patimur nos Christi militiæ initia- Marci 6.
 tos negligentiores tardioresque vigiliis spiritua- D. Chrys.
 libus adesse, quàm sint milites laici suis vigiliis Homil. 26.
 à Principe politico decretis. Hi nec labori par- in Acta
 cunt, neque ob pluuias, aut gelu, haud sine vitæ Apost.

*Nocturna
preces sepa-
ratim ex-
plebantur
in antiqua
Ecclesia.*

discrimine , abstinent ab officio circumeundi
muros , propter loci & ciuium incolumitatem.
Eò magis erubescere deberemus , quia faciliores
nobis sunt indultæ huiusmodi vigiliæ , respectu
earum vigiliarum quas obseruabant prisce Reli-
giosi. Illi pluries surgebant ad Hymnos qualibet
nocte , quater nimirum , iuxta quatuor vigilias ;
quarum unicuique vnum ex Nocturnis diuini
Officij assignabant , primum Nocturnum primæ
vigiliæ , secundum Nocturnum secundæ vigiliæ ,
tertium Nocturnum tertiæ vigiliæ , Laudes au-
tem quartæ vigiliæ. Nostris temporibus indul-
gens Ecclesia nostræ humanæ imbecillitati , quæ
videtur deterior effecta , ad unicam tantum no-
ctis vigiliam , siue media nocte , siue post mediam
noctem , siue ante auroram , reduxit hanc noctur-
nam vigiliarum custodiam ; qua , vnica vice om-
nes Nocturnos canere simul cum Laudibus , iam
est communis vsus , quemadmodum testatur ex-
perientia.

*D. Chrys.
Homil. 26.
in Acta.*

In eos , qui , somni quietisq[ue] amantes , inuiti
surgunt ad nocturnas Hymnodias , eam ratio-
nem adducentes , quòd nox ad quietem & som-
num sit à Deo facta , validissimis argumentis &
exemplis inuehitur diuus Chrysostomus. Pri-
mò vrget exemplum operariorum manualium &
mercatorum , qui mediis consurgunt noctibus
ad opera artis & ad negotia exercenda ; vt pro-
inde non sit admittenda excusatio eorum qui af-
ferunt labores & occupationes præcedentis diei.

*Argumen-
ta ad vigi-
liarum cu-
stodiã sua-
dendam.*

*Nam quantumcumque laboraueris , ait sanctus
Doctor , non laborabis quantum ararius , malleum
tam grauem ex tanta demittens altitudine , scin-
tillas & fumum toto suscipiens corpore , laborat , &
tamen*

tamen maiorem partem noctis in hoc opere absumit.

Suggestit deinde Regis potentissimi consuetudinem, qui media nocte surgebat ad confitendum Deo, & lauabat per singulas noctes lectum suum.

Licet tantus Rex per diem esset in Regni administratione, in publicis negotiis expediendis, in subditorum litibus audiendis, in Principum aliorum Legatis excipiendis occupatus; nihilominus, post aliquas somni horas, surgere ad vigilias noctis non grauabatur. Et sicut aliquando se facturum sponpondit Deo dicens, *Si memor fui tui super stratum meum*, in matutinis meditabor in te (quod idem est in sensu Hebræorum ac si dixisset, *Per singulas vigilias meditabor in te*, vti obseruat diuus Hieronymus Hebraicæ phrasidis peritissimus) ita ad vnguem obseruare studebat; *Medita nocte surgebam ad confitendum nomini tuo.*

Vigiliarum nocturnarum sollicitus observator David.

Psal. 62.

Quantumcumque sis delicatus, non es profecto delicatior illo Rege: quantumcumque sis diues, non es ditior illo. Surgere igitur debet vnusquisque libenter, & oculos præuenire in confessione, Deumque sibi acquirere propitium; quoniam Deus plus nocturnis placatur orationibus ob hanc rationem, quia videt nos nobis ipsis arripere tempus quietis, vt illi vacemus. Et quia animus tunc est purior, leuior ac subtilior; tum etiam quia tenebræ ipsæ, & silentium omnium rerum, compunctioni fauere cognoscitur. Si item cælum suspiciamus, videbimus stellarum choros, seu choreas, Deum scintillantibus radiis celebrare, & laudare.

Psal. 118.

Psal. 141.

Nocturnis precibus delectatur Deus.

Nec desunt insignia mysteria diuinitus peracta, quæ si considerationi obiciantur, poterunt animum ad vigilias promptiores excitare. Noctis

Mysteria à Deo peracta nocturnis horis.

Exod. II. tempore ab Angelo exterminatore percussa est Ægyptus somno sepulta. Noctis tempore virgines prudentes in Euangelio cum Sponso ingrediuntur ad nuptias, & fatuæ reiiciuntur. Noctis tempore creditur ab Ecclesia Verbum incarnatum ex sinu Virginis matris, post nouem decursos à conceptione menses, prodiisse, iuxta illud Sap. 18. Sapientiæ : *Cum quietum silentium contineret omnia, & nox in suo cursu medium iter haberet, omnipotens sermo tuus Domine de calo à regalibus sedibus venit.* Noctis tempore, siue circa primum gallicinium, siue circa auroram, constans est omnium Doctorum sententia, fuisse gloriosam Domini nostri peractam Resurrectionem. Ad damus denique, eundem Christum Dominum pernoctasse non semel in oratione, non quidem necessitate aut indigentia compulsus, sed vt formam imitationis præscriberet suis.

Diligentia
quanta in
vigiliis no-
cturnis ob-
seruandis.
Psal. 76.

Quanta diligentia sint obseruandæ huiusmodi vigiliæ docuit Hymnographus illis verbis, *Anticipauerant vigilias oculi mei.* Quæ verba innuunt sollicitudinem & diligentiam præcipuam; ita vt non deceat virum feruidum dormire, vt aiunt, in vtramque aurem, imò ferè nec deceret expectare ictum campanæ vocâtis, sed potius præuenire. idèd alia versio legit : *Sollicitè stetit oculus meus in vigilia.* Hinc diuus Hieronymus, vel quicumque alius sit Auctor nomine Hieronymi, in hunc Psalmum facit hanc illationem : *Ergo Monachus, qui non vigilat, non potest hunc versum dicere.* Noster Cosmas Dossenius adèd alacris aduolabat ad nocturnas vigiliæ, quas nos obseruamus in nostro Ordine ante auroram per duas circiter horas, vt studeret sæpè præuenire sonum

sonum campanæ: quod ut facilius exequi posset, culcitram è cubili amouit, ne lanæ molliæ de-
tentus pigrior confurgeret, & solius palææ duritiæ
impulsus expeditior esset.

Qui nouerunt expeditiores alacrioresque esse *Nocturna-
rum vigi-
liarum ma-
rita ma-
gna.*
ad harum vigiliarum frequentiam, magnam si-
bi comparant copiam meritorum, tum propter
operis excellentiam, tum etiam propter maio-
rem, quam sibi inferunt, vim ad vincendam na-
turæ & sensus repugnantiam. Hæc aduertant te-
pidi illi psallentes, qui sicut inuiti surgunt ad no-
cturnas vigilias, nihil de meritorum apud Deum *Tepidorum
misera con-
ditio.*
lucro curantes, ita opus tam egregium reddunt
sibimetipsis difficilius, cogitantes apud se, & cen-
sentes, nullum reperiri tempus propriæ incolumi-
tati magis noxium, quàm istud nocturnum
in suo Ordine obseruatum; inuident aliis Ordini-
bus, qui ad easdem surgunt vigilias tempore,
ut ab ipsis creditur, magis opportuno. Hinc qui
media nocte ad diuina se conferunt Officia, dum
respiciunt ad eos qui post mediam noctem pro-
ximiùsque ad auroram surgunt, torquentur do-
lore, putantes illis rem feliciùs succedere, quia
somnia quietem diutiùs continuant. Qui post me-
diam noctem surgunt versus auroram, dicunt
huiusmodi tempus esse ceteris molestius, tum
propter horæ conditionem, quam dicunt som-
no conciliando magis conformem; tum propter
stomachi concoctionem, quam credunt tunc im-
pediri. Aptius idcirco prædicant mediæ noctis
tempus, quod minimè experiuntur. Et hac dæ-
monis astutia in sua fouentur tepiditate; & vnde
feruidi sumunt stimulum excitationis, isti hau-
riunt materiam acediæ. Vnusquisque Religiosus

Psal. 72.

Nocturna-
rum vigi-
liarum me-
ritum.

Psal 41.

statuat tamquam certum apud se, quamlibet in-
tempestæ noctis horam, siue in media siue in po-
strema nocte, semper futuram carni molestam
ac duram; quia rem ipsi carni apprimè acceptam,
somnum scilicet, aufert. Ad quod institutum
possumus haud incongruè vsurpare illud Davi-
dicum pronuntiatum: *Et castigatio mea in ma-
tutinis*. Verè castigatio carnis quotidiana volun-
tariè assumpta incipit in ipso momento surgendi
ad matutinas laudes, quando generosus vir non
laborem, sed sublimitatem expendens operis,
vim facit appetitui carnis, & superat omnem sen-
sus difficultatem. Ob hanc præcipuam causam
puto, coram Deo pluris fieri nocturnas quàm
diurnas Hymnodias. Omnes, siue nocturnæ
siue diurnæ laudes, sunt Deo acceptæ, at di-
co acceptiores nocturnas: quia mortales surgen-
tes ad huiusmodi vigiliās, tempus somni & quie-
tis, quo alij, tum laici tum Ecclesiastici, maxi-
ma fruuntur delectatione, consecrant Deo; cu-
ius laudes suis præferunt commodis. Hymno-
graphus non dubitauit asserere, quòd has vigi-
lias commendauerit Deus ipse animis certè ge-
nerosis, qui Dei gloriam audiùs sitientes quàm
cerui aquam, nouerunt, quasi dixerim anatomi-
ca subtilitate, vitæ tempus & horas diei, ad eius-
dem Dei gloriam celebrandam, & ad proximi
promouendam vtilitatem, distribuere. *In die
mandauit Dominus misericordiam suam*, ait Pro-
pheta, *& nocte Canticum eius*. Hoc diuinum man-
datum obseruant ad vnguem illi Regulares, qui
sicut diei horas variis misericordiæ erga proxi-
mum operibus, nempe docendo, concionando,
scribendo, Sacramenta ministrando, ad proximo-
rum

rum dirigendam salutem expendunt ; ita noctis horas , deuota Canticorum modulatione , celebrandis Dei sui , quem impensè diligunt , attributis & virtutibus libenter tribuunt. feruidi itaque harum vigiliarum cultores augeāt animum, sperentque à Deo , cui tam impensè seruiunt , insignem alicuius gratiæ opportuno tempore dignationem : hos enim solet benignissimus Deus singularibus prosequi fauoribus ac gratiis super ceteros homines.

Libeat hoc loco recolere eximiam illam dignationem , quæ omnibus sæculis erit admirabilis, quando benignissimus Deus , statuens mundo manifestare mysteriū illud omnium, quotquot in æternitate ipse pro salute nostra est operatus, maximum, nempe Verbi sui in carne natiuitatem, eligere voluit rudiores vilioreſque homines, relictis tot aliis altioris conditionis & gradus, qui eodem tempore in iisdem regionibus vivebant. Vnusquisque nouit, nullum ferè hominum genus reperiri aut vilius aut rudius pastoribus ad custodiam gregum addiſtis, qui potius induiſſe mores pecudum, quibuscum diu noctuque conuersantur, quàm eſſe homines aliis ſimiles videntur : ad hos nihilominus primos miſit Deus per Angelos ſuos ſublimiores nati Verbi in carne lætiſſimum nuntium. Quare non Principes, non ſapientes, non diuites, non Sacerdotes, non alij magnæ notæ viri, quibus Iudæorum abundabat regio, eliguntur? Inter huius diuini cōſilij rationes eam haud cenſeo poſtremam, quia vigilabant iſti pastores ſingulari ſtudio ſuper gregibus ſuis eodem tempore & hora, quibus hoc ſublime diuinum peractum eſt myſterium. Hæc ratio

*Mira Dei
gratia er-
ga vigilan-
tes.
Lucæ 2.*

ratio videtur innui à sancto Euangelista narrante hanc suauissimam historiam. describit enim fuisse in his pastoribus singularem vigilandi solertiam, dum ait: *Et pastores erant in regione eadem vigilantes, & custodientes vigilias.* Si communem vigilandi modum tenuissent pastores, satis fuisset illa narratio, *erant vigilantes*: at quia exactiorem impensiolemque vigilandi formam seruabant, augere Euangelista voluit orationem illis verbis maximè emphaticis, *& custodientes vigilias.* O felicem vigilantiam horum pastorum! hæc meruit à Deo, qui vigiliarum diligit cultores, singularissima visitari dignatione. Meruerunt isti vigiles pastores primi omnium audire lætissimum illud nuntium, ab Angelis sublimioribus miro coruscantibus lumine è cælis allatum: *Euangelizo vobis gaudium magnum, quia natus est vobis hodie Salvator.* Meruerunt, post felicissimam Genitricem & sanctissimum eius Sponsum, primi videre, cognoscere, adorare, laudare natum in carne mortali vnigenitum æterni Patris. Si vigilatibus Iura succurrere asserunt sapientes, vigilantibus diuinas esse paratas visitationes prædicat sacri Codices. Si dormientes in stratis vacui donis relinquuntur cælestibus, vigilantes copiosis abundant donis eximiis. Id etiam videre nobis licebit in psallentibus, si Ecclesiasticas recollere historias minimè pigebit. Referam hoc loco miram visionem, quam Deus optimus maximus tempore B. Dorothei concedere dignatus est cuidam Religioso sacrarum vigiliarum studioso, nomine Dioratico. Is quadam nocte, dum ad sacras laudes surrexisset, & in Ecclesia adesset, vidit circa Hymnodicæ initium exeuntem è Sacrario quemdam

Ex B. Dorothei. Bibl. Patrum Tom. 2.

quemdam senem veste splendida indutum , & paruum calicem in manu tenentem cum sua Hostia. Hic senex, tincta priùs Hostia in calice, *Vigiliarum nocturnarum studiosè ab Angelo Dei signo celesti decorantur.* chorum obambulans, Fratres omnes ibi existentes obsignabat ; sedes autem eorum qui aberant alias obsignauit , alias pertransiit absque vlllo signo ; deinde rediit in Sacrarium. Ex quo iterum circa finem Hymnodia exiens , eandem signorum formam tum Fratrum præsentium tum aliquarum sedium repetiit. Mirabatur Dioraticus hoc factum , non intelligens quid sibi vellet. Ecce senex, dum rediret ad Sacrarium, pertransibat prope Religiosum admirabundum : qui audax effectus , genibus flexis humiliter obsecrauit senem, vt horum signorum declararet mysteria. Senex respondit : Ego sum Angelus Dei delegatus ad obsignandos Fratres diligentes & feruidos, quos à principio vsque ad finem Psalmodia reperio. Interrogatus, cur aliquorum absentium sedes obsignasset, aliorum verò minimè; respondit, quòd signasset sedes eorum absentium, qui promptissimi & paratissimi erant ad Hymnodia vigilias, sed alij erant vel necessitate impediti, vel ex obedientia obdormiebant ; hi enim animi proposito aderant, proinde à Deo benedictionis signo dignabantur. At qui potuissent adesse, sed desidiosa & torpore victi non conuenerant, tamquam indigni tali signo cælesti omittebantur. Contemplamini, ait Auctor, quale nobis donum ministret & offerat, qui nos ad vigilias & laudes Dei excitat. Curate Fratres Angelicum signum non amittere ; at si contigerit aliquem ex vobis dormire, fueritque ab altero excitatus, ne molestè feratis, sed potius gratias agite

Desides ad nocturnas vigilias signum benedictionis Angelica amittunt.

*Regula-
rium Ordi-
nes noctur-
nas vigi-
lias custo-
dientes
multi.*

*De Imitat.
Christi l. 1
cap. 25.*

agite ei, quicumque ille sit. Magnam tandem obtinebit vim, ad hanc vigiliarum frequentiam, exemplum aliorum consurgentium ad eandem vigiliam, tum in suo tum in aliis Ordinibus: multos enim habemus in Ecclesia Religiosorum Ordines, qui nocturnas tuentur omni studio sacras vigiliam; cuiusmodi est Ordo Carthusianorum, qui eandem surgendi legem ab initio fundationis susceptam retinere inuiolatam; item ex Ordine sancti Francisci, tum qui dicuntur Capucini; tum qui sunt strictioris Observantiae; tum Moniales eorundem Ordinum; item Carmelitarum discalceatorum à sancta Teresa institutus, seu potius ad pristinam Carmeli disciplinam restitutus; & alios plures, quos recensere longum esset. Expedit hos sibi proponere ad sui ipsius excitationem. Quod alij exequi nouerunt, tu non poteris exequi? Hunc stimulum ex aliorum exemplo sibi adhibitum vrgebat Auctor ille verè pius, verè deuotus, ac semper vtilis, quicumque ille sit, siue Thomas à Kempis, siue Ioannes Gerson, siue Gessen, qui aureum scripsit libellum de Imitatione Christi, omnibus viris veræ virtutis studiosis valdè familiarem, dicens: *Attende Carthusianos, Cistercienses, & diuersa religionis Monachos & Moniales, qualiter omni nocte ad psallendum Domino assurgunt; & ideò turpe esset, ut tu debeas in tam sancto opere pigritare, ubi tanta multitudo Religiosorum incipit Deo inbillare.*

CAPVT XVI.

Vigilias matutinas colunt Hymnodia studiosi.

AGENDV M nunc est de alia specie vigiliarum, quæ sicut proximè sequuntur ad vigilias nocturnas, ita communiores sunt, tum iis qui media nocte non surgunt (nam saltem plurimi circa auroram, prius tamen quàm hæc nascatur, conueniunt ad diuinum explendum Officium) tum etiam iis qui iterùm surgunt ad continuandum Officium iam media nocte inceptum: omnes isti alacres esse debent ad has vigilias colendas, & exercendas. De iustis pronuntiauit *Alacritas* Sapiens, quòd soliti sint studere orationi sum- *ad vigilias* mo manè: *Cor suum tradet ad vigilandum di-* *anticipan-* *das est si-* *gnum iu-* *storum.* *luculo ad Dominum, qui fecit illum, & in conspe-* *ctu Altissimi deprecabitur.* quasi dixerit, quòd iustorum oculi præuenire student lucem diei, vt Eccli. 39. prius aspiciant Deum quàm diem. Sicut vigilia matutina est precibus ac contemplationi opportunior omnibus aliis diei horis; ita est valdè grata Deo, & in Scripturis summoperè commendatur. Aptius assero orationi tempus matutinum *Matutinum tempus contemplationibus opportunum.* ob varias rationes. Animus tunc existit ab omni impedimento magis liber, cùm nec ciborum *pup con-* *templationibus op-* *portunum.* pondere, nec negotiorum phantasmatibus aut grauetur, aut offendatur; sed (verbis vtat diui Bernardi) tunc sumus à curis exterioribus ieiunij, & spiritus noster sobrius inuenitur. vnde à diuo Chrysostomo dicuntur homines eo tempore integri, sobrij, vigilantes; quia nec grauedo *D. Bernar. lib. de Vita solit. D. Chrys. Hom 69. capitis, in Matthe*

capitis, nec rerum cura, nec quidquam huiusmodi eos, quasi Angelos in cælis versantes, perturbat.

*Matutina
preces à
Deo ordi-
nata.*

*Hefychius
in Lcuit. 6.*

Pfal. 118.

*Primitia
cordis Deo
cariore.*

Hinc est, quòd hoc tempus matutinum Deo sit ceteris gratius, in cuius rei figuram tradiderat Deus p̃sulis Templorum ministris hanc legem circa nutrimentum ignis perpetui: *Ignis autem in altari semper ardebit, quem nutriet Sacerdos subiiciens ligna manè per singulos dies.* Super quem locum scribens Hefychius, postquam cōsiderauit hanc legem accommodatam cordi nostro, in quo, tamquam in altari, ardere semper debeat amor Dei, vt ostendat, quænam ligna sint aptiora ad escam, & quo præsertim tempore sint adhibenda, ait; quòd sicut materia ignis sunt ligna, quæ manè sunt componenda, ita nobis sunt materia subministrationis spiritus diuinæ legis testimonia, & sacrorum Eloquiorum meditatio. Ergo hæc manè in lumine componere debemus, id est in vigilia & sobrietate animæ. Manè Deus exquirat à nobis lignorum compositionem, vt ignis nutriatur in cordibus nostris. quæ enim manè offeruntur, sunt illi gratiora. Ad quam rem Hymnographus opportunè dicebat: *Præuenerunt oculi mei ad te diluculo, vt meditarer eloquia tua.* Ex quibus verbis desumit cohortationem diuus Ambrosius, dicens: *An nescis, ô homo, quòd primitias tui cordis ac vocis quotidie debeas?* & postquam ostendit, quòd Dauid duo præcipua tempora colebat, nocturnum scilicet & antelucanum, ad suos Hymnos Deo fundendos, tandem hortatur ad colendum tempus matutinum dicens: *Grane est, si te otiosum in stratis radius solis orientis inuerecundo pudore conueniat, & lux clara feriat oculos*

Los somnolento adhuc torpore depresso. Multas ibi sanctus Doctor congerit rationes opportunas ad animi religiosioris incitationem, ut præuenire studeat ortum lucis; quia gratissimum sit tempus illud antelucanum ad Deum laudandum in Hymnis & confessionibus: nam præuenientes diem, merentur inuenire Deum sibi propitium. Cui sententiæ concinit ipsius Dei pronuntiatum: *Ego Prou. 8. diligentes me diligo; & qui manè vigilauerint ad me, inuenient me.* Quo textu D. Bernardus vrgebat suos Religiosos, ut Deo studerent vigilare; *Serm. 69. in Cant.* quia quò solertiores erunt Deo, Deum sibi benigniorem inuenient, nam hanc in nobis ipse diligit solertiam: *Vides quomodo non solum de amore* *Deus miris suo certum te reddat, si quidem tu ames illum, sed prosequitur etiam de sollicitudine sua, quam pro te gerit, si te fauoribus senserit sollicitum sui. Vigilas tu? vigilat & ille. vigilantium Consurge in nocte in principio vigilantium tuarum. studiosos.* *Accelera; quantum vis, etiam ipsas anticipare vigilas; inuenies eum, non præuenies.* Hanc Dei clementiam & dilectionem erga animos vigilantium studiosos mirabatur S. Iob, & verbis magnificis Iob 7. celebrabat: *Quid est homo, quia magnificas eum? aut quid apponis erga eum cor tuum? Visitas eum diluculo, & subito probas illum.* Qui rectè cognosceret hanc Dei clementiam erga alacres ad consurgendum, numquam omitteret vigilas matutinas, imò eas præuenire studeret, certus quòd Deum benigniorem erga se acquireret.

Angeli ipsi, qui omni tempore sunt diuinarum laudum studiosi, videntur circa tempus auroræ *Aurora tempus etiam ab Angelis obseruatum.* studiosiores. De quo studio ardentior videtur Deus locutus ad suum Iob illis verbis: *Cum me Iob 38. laudarent simul astra matutina, & iubilarent omnes*

nes filij Dei. Vbi pro filiis Dei iam aduertimus intelligi Angelos, quorum laudes iunguntur laudibus, quas dicunt Deo cæli & astra tempore matutino; quasi hæ gratiores sint Deo quàm aliæ per diem oblatae. Hinc forsân accidit, quòd Angelus ille, qui per integram noctem fuerat luctatus cum Patriarcha Iacob, cum aduertisset vicinam esse auroram, clamare cœpit: *Dimitte me, iam enim ascendit aurora.* Si quis percunctetur, quam ob causam, appropinquante aurora, instare cœperit Angelus iste discessum, respondet Lyranus, quia tempus illud ab Angelis mæxima diligentia obseruatur, ad Dei laudes intensius peragendas. Quasi dicere voluerit Angelus: Ne me ampliùs detineas, & impediās ab hoc opere, quia tempus est vt cantem laudes Dei cum aliis Angelis sociis. Qui ex mortalibus alacriores erunt ad Hymnodiam summo manè explendam, similes erunt Angelis sanctis, qui eodem tempore alacriores sunt ad eiusdem operis exercitium. Hoc argumentum attendant præcipuè nostri Ordinis Religiosi: debet enim nos maximè prouocare, qui ante auroram surgere solemus ad preces explendas Matutinas in choro. Si alacres fuerimus ad opus, chorum faciemus vnà cum Angelis sanctis. *Eequid igitur, ait D. Basilius, beatus, quàm hominem in terra concentum Angelorum imitari? ineunte statim die in orationes ire? in Hymnis & Canticis Creatorem venerari?* S. Iob, qui hoc Angelorum officium nouerat, ex Dei instructione modò citata, Sacrificia sua solebat summo manè Deo offerre pro incolumitate filiorum spirituali: *Consurgensque diluculo offerebat holocausta pro singulis.*

Gen. 32.

D. Basilius
Epist. ad
Gregor.
Nazian.

Iob 1.

Ex

Ex apum ardore, quæ sollicitè relinquunt al- *Apum vi-*
 uearia matutina luce ad gemini aut triplicis bom- *gilantia*
 bi sonum, vt opera mellis conficiant, ducit argu- *nos excitat.*
 mentum opportunum ad Religiosos excutiendos
 à somno; & excitandos, vt alacres surgant ad vi-
 gilias Matutinas, Christophorus Giarda in sua *l. 3. cap. 1.*
 Ape religiosa; ne homines vincantur solertia ab
 animalculis vilibus.

Non spernendum profectò hoc priuilegium, *Diei ini-*
 quo gaudent viri Religiosi Hymnorum cantum *tium offe-*
 habentes, qui à Deo sumunt diei & operationum *runt Reli-*
 felix initium. Primi enim gressus sunt ad Tem- *giros Deo*
 plum; primæ voces sunt in Dei laudes; primæ co- *suo.*
 gitationes ad Deum diriguntur. Felices prorsus
 Religiosi; inde sibi futura possunt promittere fe-
 licia & fausta. Feliciores expectent progressus
 diei, qui primordia tam sancta auspicantur. Hanc *A Deo ca-*
 felicitatem nouerunt, licet consequi non potue- *pienda a-*
 rint, Gentiles, & Ethnici. Libuit scribere Marco *ctionum*
 Tullio, quod à Ioue & à ceteris diis immortalibus *humana-*
 sunt nobis agendi capienda primordia: idem *rum initia.*
 ante ipsum docuerat Plato in suo Timæo dicens,
 quod omnium magnarum rerum à diis immor-
 talibus sint ducenda initia. Quod isti cognoue-
 runt & docuerunt, nos tenemus & exequimur
 maxima cum vtilitate. quod luculenter tradebat
 Religiosis B. Laurentius Iustinianus dicens: *B. Laur.*
nes Christi serui, & cuncti Deo placere cupientes, *Iust. de Di-*
primordia diei & actionum conentur consecrare Al- *scip. c. 10.*
tissimo, quatenus cetera secutura opera à suo non
declinent principio, unde mox, vt à somno euigilant,
semper cor sursum erigere contendunt; prima vox,
prima cogitatio, primus affectus diuinam resonet
landem, ignitam ad Deum dirigat supplicationem.

Fer. 2. ad
Matutin.

Hinc in vno Hymnorum matutinalium clama-
mus Deo:

*Te lingua primùm concinat,
Te mentis ardor ambiat,
Vt actuum sequentium
Tu, sancte, sis exordium.*

*Ciborum
nimietas
vigilias
impedit.*

D. Hieron.
Epist. 22.

*Ciborum
indigestio
contraria
vigilia.*

Cauendum maximè erit ab omnibus quæ pos-
sunt ab Hymnodia matutina auertere; multa enim
sunt, quæ illam queunt impedire. Primò adest
victus nimietas, si nimirum vespertina refectione
fuerit largior quàm par sit. Ciborum enim in-
digestio non permittit vigilantia alacritatem, sed
impedit ac distrahit. Hinc D. Hieronymus, vt
confirmaret Eustochium in antelucanis Hymno-
diis & precibus, quibus iam diligentissima erat,
vt idcirco eam appellaret Cicadam noctiũ, hor-
tabatur sobrietatem vespertinae refectionis: *Ad
orationem tibi de nocte surgenti non indigestio ructũ
faciat, sed inanitas.* En sanctorum Patrum dili-
gens cura in tradendis opportunis præceptis ad
vitam religiosè transigendam, nec dedignantur
scribere, vt caueamus ab onere ciborum, ne ob
indigestionem fiant molestissimi ructus, non sine
Dei offensione, & concinentium sociorum fasti-
dio ac stomacho.

*Ciborum
fumus mens
obruitur.
Sobrietas
religiosa
qualis.*

Non idcirco continuum indicitur ieiunium
Religiosis qui ad vigilias consurgere tenentur, sed
cauendum dicimus ab onere ciborum, quibus
grauetur stomachus, & mens obruatur ab ascen-
dentibus fumis. Eam victus temperantiam dece-
ret religiosum animum obseruare, quæ statim,
etiam post cibi sumptionem, relinqueret spa-
tium & commoditatem orandi. Errant illi Re-
ligiosi, qui animi relaxandi gratia ita cibis gra-
uantur,

uantur, ut animus oppressus iaceat, & ad Hymnodiam reddantur difficiles, imò inepti. Præclarum sobrietatis exemplum nobis offert sacra Historia in Anna Samuelis matre; quæ sicut fuit in oratione frequens, ita erat tam ad orandum parata post cibi sumptionem quàm in aurora. Imò obseruat Scriptura, quòd huius oratio feruentior fuerit facta post expletum prandium in Silo, ubi erat Arca Domini. & tunc obtinuit à Deo peroptatam & diu postulatam prolem. Nec solùm feruentior fuit huiusmodi oratio, sed etiam prolixior; nam à prandio expleto durauit vsque ad aduentum Heli, qui eam obseruans, prius reprehendit, putans ebriam, postea consolatus est dicens: *Vade in pace, & Deus Israël det tibi petitionem tuam, quam rogasti eum.* Quæ Sacerdotis precatio fuit prophetia cum effectu secuto. Admiratur D. Chrysostomus sobrietatem & temperantiam Annæ, dum potuerit facillimè à prandio statim orare, imò orationem prolixam, coniunctam lacrymis & affectibus non vulgaribus, eamque vrget nobis in exemplum: *Quod omnes faciunt tempus relaxationis, illa fecit tempus deprecationis; post epulas adeò intentè orauit, ut donum acciperet supra naturam; post conuiuium accurrens ad orationem, mentem præ se tulit sobriam ac vigilantem.* Prosequitur idem sanctus Doctor amplificare hoc factum ea orationis dignitate quam exigebat tam illustre exemplum. pauca tantùm illius verba hîc subijciam ad nostram incitationem & utilitatem: *Mihi videtur etiam, cùm ad mensam sederet leuiter refecta, nec ullis cibis grauata fuisse; non enim tot alioqui lacrymas emisisset. Si enim nos sobrii existentes & ieiunii ita difficiles oramus, mul-*

1. Reg. i.

D. Chryf.

Hom. i. de

Anna.

Anna matris Samuelis sobrietas mira.

to minus illa post mensam sic orasset, nisi etiam in mensa ieiunijs assuenuisset. Non itaque reprehenduntur iustæ quædam ad animum relaxandum refectiones, etiam religiosioribus personis concessæ quibusdam anni temporibus, sed reprehensione non carent, qui in huiusmodi refectionibus se plus iusto onerant; ita ut ad Matutinas vigiliæ & ad alia mentis opera difficultatem sentiant & repugnantiam, imò & apertam alienationem.

*Ciborum
repletionem
multa gi-
gnuntur
mala.*

Sicut magnoperè conducit ad Hymnodiam maiori cum attentione & affectu explendam sobrietas victus, ita repletio maximum affert impedimentum & damnum; quia ab onere ciborum mens offusatur. Hanc cognouerunt veritatem illustriores Philosophi, qui inter Ethnicos nomen Sapientum sunt sortiti. De Apollonio Philosopho, qui semper à vino per totam abstinuisse vitam dicitur, refert Volaterranus, quod soleret pronuntiare, ut qui vellet cum Deo habere commercium, haberet à vino diuortium. Sed audiamus nostros sacros Doctores, qui diuino collustrati lumine sunt locuti, inhærentes diuinis sa-

D. Ambr. l. 1.
de Elia.
Isaia 5.

cræ Scripturæ doctrinis. D. Ambrosius expendens verba Isaia, *Va qui consurgitis manè ad ebrietatem sectandam, vinum in conuiuijs vestris, & opus Domini non respicitis, nec opera manuum eius consideratis*, ait: *Non immerito va illis qui manè ebrietatis potum requirunt, quos conueniebat Deo laudes referre, præuenire lucem, & vacare orationi.* Idem sanctus Doctor considerans illud Apostoli Pauli monitum ad Episcopos, *Ne sint vinolenti*, ait, non tam vetare voluisse inebriationem quam vini delectationem. Verebatur Apostolus, ne amara fieret oratio cui vinum dulce esset.

Ora-
tiones,

tiones, quæ vinum sapiunt, Deo placere nequaquam possunt, cum neque nos homines libenter admittimus ad colloquium viros vino aut ple-
nos, aut redolentes. *Vini usus immoderatus orationi obest.*

Cauendum item ab astutia & insidijs diaboli, qui varia suggerere impedimenta non omittit: *Diaboli astutia sua* nam aliquando infirmitatem fingere nouit, ubi *des aliquibus infirmitatem.* verè illa non reperitur; scit enim astutus hostis aliquibus proponere periculum proximum salutis, si ad Hymnodiam ea hora consurgeret. Quam suggestionem facilè credendam suadet ijs qui nimio prosequuntur amore hanc vitam. Hac arte multos ab Hymnodia retrahit; qui si aliquam sibi ipsis inferrent vim, hostem superarent. Hanc veritatem possumus ex euentibus aliorum discere, & cognoscere, & cautiore effecti nobis ipsis consulere. *Infirmis imaginaria desenti Religiosi in lecto.* Recolamus euentum illum qui Cisterciensi Monacho accidisse narratur, quo voluit Deus notum fieri omnibus pfallentibus, quod multorum infirmitates potius sint imaginariæ quàm veræ, artificio tamen diaboli ad vinum representatæ tamquam veræ & reales. Reddiderat diabolus quemdam Monachum ad eò suæ salutis amantem, ut quoties esset ad vigilias Matutinas surgendum, statim ex timore vigiliarum perfunderetur magno sudore; quem sicut credebat ex infirmitate prouenire, ita curare eum studebat diligentiori operimento, conuertens se ad alteram lecti partem, *sicut ostium*, ait Sapiens, *Pro. 16.* *peritur in cardine suo.* Nocte quadam ad signum campanæ, quando alij surgunt, ac festinant ad diuinum Officiū, desiderio surgendi actus, coepit se erigere super lectum, sed statim se iterum, ob timorem soliti sudoris, reclinabat. Dumque

sic pugnaret inter desiderium surgendi & voluntatem quiescendi, ecce vox de sub lecto clarè dicens: Noli surgere, noli tuum interrompere sudorem, quia tibi nocebit. Intellexit tunc Monachus, se deceptum ad id vsque tempus fuisse à diabolo, excutiensque se ab illo imaginario sudore, numquam in posterum timori vano consensit. En quoties decipimur à diabolo sub sanitatis prætextu, vel sub infirmitatis timore, qui verus non existit. Nisi iste diabolus, qui Monachum deceptum tamdiu tenuerat, se ex Dei iussione manifestasset, miser Religiosus in sua perseuerasset imaginatione & errore. Discamus aliquando fallacias hostis astuti, nec patiamur nos spoliari ab eo tantis meritis, quæ ceteri alacriores adipiscuntur; qui etiam quoad sanitatem fiunt validiores, confortante eos Deo, cui colendo se deuouerunt.

*Ad vigilias
alacres
enadunt
validiores.*

C A P V T XVII.

Corporis motus opportunè seruandi in Hymnodia.

QUÆ ad Hymnodia rectum vsus sunt instituta quamuis in seipsis minutiora, vti inclinationes; genuflexiones, pectoris tunctiones, signi Crucis vsus, & huiusmodi alia, non sunt tamen spernenda tamquam leuia; nam omnia ista, respectu finis ad quem diriguntur, alta sunt & sublimia. Ad quod institutum habemus à D. Augustino præclaram doctrinam circa effectum similitum motuum. Probat sanctus Doctor motus corporis opportunos in orationibus miro modo iuuare

*Spiritus
rantis in-
natur à
corporis
motibus.
D. Aug. l.
de Cura
pro mort.
cap. 5.*

iuuare spiritus orantis commotionem, nimirum ad orandum feruentius: Deus quidem non indiget illis motibus aut signis, ut ipsi pandatur animus orantis, nota est enim Deo omnis nostræ voluntatis inuisibilis affectio & intentio; sed spiritus noster interior ex illis motibus exterioribus assurgit ad varios viles affectus feruoris, attentionis & perfectionis in oratione. Ait tandem S. Augustinus: *Nescio quo modo, cum hi motus corporis fieri, nisi animi motu precedente, non possint, eisdem rursus exterius visibiliter factis, ille interior inuisibilis, qui eos fecit, augetur; ac per hoc cordis affectus, qui, ut fierent ista, precessit, quia facta sunt, crescit.* Addere libet, quod vicissim hi motus externi, crescente intus spiritu, fiunt humiliores, reuerentiores ac feruentiores. Hæc enim intercedit inter corporis sensus & animi potentias connexio, ut se mutuo iuuent, & augeant opportunè; sicut etiam iidem exteriores motus à populo visi, ad eiusdem populi augendam reuerentiam conducunt. Ob quem fructum aiebat alibi idem D. Augustinus, se approbare Ecclesiæ consuetudinem canendi Hymnos in publicis Templis coram omni populo, ut per oblectamenta aurium animus infirmior in affectum pietatis assurgere studeat.

*Corporis
& animi
consensio in
affectibus.*

*Idem l. 10;
Conf. c. 33.*

Hanc sacrorum rituum nostræ Ecclesiæ præstantiam ac vim fateri coacti sunt eiusdem Ecclesiæ hostes infensores. Iulianus Imperator sicuti cognouerat, non sine animi liuore ac mœrore, Christianam Religionem, quam deseruerat, & ad mortem oderat, apud omnes nationes præcipuam consequi venerationem & exultationem, tum ex probitate ministrorum Ecclesiæ, tum ex

*Iuliani
Apostata
studium er-
ga idolola-
triam.*

grauitate rituum qui in rebus ad Dei cultum spectantibus adhibentur, ita ad suorum idolorum cultum, quem videbat ex progressu Christianæ Religionis in dies deficere, omnibus viribus restituendum, conatus est eosdem Ecclesiæ nostræ mores ac ritus, quos in nostris ministris veluti impios detestabatur, seridè æmulari, atque præcipuo studio in suum Ethnicismum transferre.

Sozom.

lib. 5. c. 15.

Baron. an.

362.

Graues litteras mittebat Iulianus ad Pontifices Prouinciarum, indicens eis, vt omni studio in mores inducerent in templis idolorum eos ornatus & ritus, quos à Christianis nouerant in suis Templis adhiberi, vrgens, ad maiorem energiam, exemplum mirabilis progressus Galilæorū (hoc nomine sæpissimè vocabat irrisiōnis causa Christianos, quemadmodum etiam Christum tantummodò nominabat Galilæum) quorum Religio quotidie augebatur. En miram nostrorum rituum virtutem, cū ea non solū profanos animos afficere possit, & allicere ad verum Deū, sed etiam ab hostibus ipsis potuerit extorquere sui ipsius testimonium. Transtulit quidem impijssimus Apostata ad suum paganismum nostros ritus, at eorum haud transtulit virtutem: quia sicuti sacri sunt, vimque possident diuinam nostri ritus, dum ad vnius veri Dei diriguntur cultum, ita profani fiunt, inditamque amittunt vim, statim ac in vsus conuertuntur profanos & impios, seu saltem supersticiosos. Hoc scitè obseruauit ac descripsit in eleganti Oratione contra Iulianum sanctus Gregorius Nazianzenus, vbi sanctus Theologus expendens causam, quare cū Iulianus tanta pertentasset cura imitari ad vnguem nostræ Ecclesiæ ritus in cultu suorum idolorum,

S. Greg.

Naz. Orat.

1. in Iulia.

lorum, ut Gentilium propagaret superstitionem, fuerit tamen sua spe & proposito frustratus, asseruit causam fuisse; quia ritus traditionesque Christianæ Religionis Deum habeant auctorem, & idcirco à nemine alio, nisi à Christi cultoribus, possint rectè expleri. Id eleganti simiarum comprobatur similitudine. Simiæ student humanorum motuum imitationi, ad eorum tamen minimè pertingunt perfectam assecutionem; quia huiusmodi bestię discrepant valdè ab humanæ naturæ sublimi conditione. Cum itaque à diuina potentia vim hauriant sacri ritus Ecclesiæ, decet ministros Ecclesiasticos in eorundem obseruatione esse maximè studiosos, ut auctoris intentioni, rituumque ipsorum maiestati ac sanctitati meliùs respondeant.

Si de priuata vniuscuiusque oratione sermo esset, *Priuata orationes* nil referret de motibus corporis agere; quia nullus priuata orationi præscriptus est modus quoad *nullum certum exigens corpus situm.* corporis gestus, siue stans, siue pronus, siue sedens quis priuatim oret, parum aut nil refert, modò huiusmodi motus non sint indecentes; nam varios adhibitos fuisse tum à Domino, tum ab Apostolis & sanctis viris nouimus modos orandi ex Euangelio. Christus Dominus aliquando subleuatis orauit oculis versus cælum *Ioan 17.* ad Patrem; aliàs procidens in terram orauit eundem Patrem; aliquando poplite flexo & positis *Marci 14.* genibus orauit in horto, quemadmodum etiam *Luc. 22.* factum deinde est à D. Stephano dum lapidaretur, & à S. Petro Apostolorum Principe, dum *Act. 7.* orans reuocare vellent ad vitam Tabitham; & à *Act. 9.* S. Paulo coapostolo, dum exoraret pro nouis *Ephes. 3.* Christianis Spiritus sancti plenitudinē. Quemadmodum

Loci qualibet conditio est priuatis orationibus opportuna. modum omnis locus priuatæ orationi est opportunus, & omnis etiam temporis & horarum qualitas. Sanctos vbique priuatim orasse, iuxta temporis occasiones, narrant Scripturæ. Iudith in domo propria suas explebat orationes induta cilicium. In fornace ignis orauerunt tres pueri Hebræi. In ventre piscis orauit Jonas magno affectu. In priuatis orationibus, modò adsit pietas & attentio, quilibet orandi modus aptus censetur, siue voce, siue mente, siue hæ verborum formæ siue aliæ adhibeantur, siue vno siue alio tempore, siue hoc siue illo loco, siue isto siue diuerso corporis situ. At quia agimus de publica oratione & Hymnodia, obseruanda sunt & loca, & tempus, & gestus, & verba opportuna, ne rei fiamus aliquius culpæ, siue superstitionis siue irreuerentiæ, non sine nostrarum animarum iactura.

Oratio publica loca, tempus, gestus & verba obseruare debet opportuna. Quia itaq; Deus à nobis coli debet non solum affectibus animi, sed etiã actibus externis corporis; vt quemadmodum corpore & anima constamus, ita cor & caro nostra in Deo exultantia eum colant: idcirco veri Dei cultores maxima diligentia student omnibus ritibus obseruandis, tunctioni pectoris, genuflexionibus & inclinationibus. Vnusquisque horum rituum peculiare aliquod mysterium continet ad honorem Dei. Tunctio pectoris exempli gratia, quæ modica res esse videtur, est graue indicium quod pulsetur cor interiorius; & homo hoc actu testatur se intus pungere cor, vt defleat sua errata, & lacrymis ea deleat, iuxta illud Ecclesiastici: *Pungens oculum deducit lacrymas; & qui pungit cor, profert sensum.* Hinc D. Cyprianus, expendens illum actum Publicani, qui in Euangelio percutiebat pectus suum dicens,

Rituum Ecclesiasticorum obseruansia custodienda.

Eccli. 22.

D. Cypr. de Ora. Dom.

dicens, *Deus propitius esto mihi peccatori*, asserere Luc. 18. non dubitat, quòd illo actu percussisset peccata in corde inclusa, vnde meruit veniam.

De genuflexionibus proditum est à Tertullia-
no, quod in maxima haberetur veneratione apud
antiquos Christi cultores : nam describens sta-
tiones, quæ frequentissimæ erant apud fideles il-
lius temporis, præsertim qualibet Feria quarta &
sexta, ad quas conueniebant non soli Ecclesia-
stici, sed etiam omnes laici, tandem ait, quòd
Psalmi & Hymni concinebantur de geniculis,
nisi aliud suaderet ratio temporis ; quia nimirum
à die Paschæ ad Pentecosten, quod tempus læti-
tiæ & exultationi ob Domini Resurrectionem
consecratur, à geniculationibus abstinebāt. quod
etiam die Solis, siue Dominica, quæ eidem Re-
surrectioni est sacra, per totum annum observa-
batur. Ideò scripsit idem Tertullianus : *Die Do-*
minica nefas ducimus de geniculis adorare, eadem
immunitate à die Paschæ in Pentecosten gaudemus.
Non grauabantur illi fideles feruidi genuflexio-
nibus, quas cognoscebant opportunas ad maio-
rem humilitatem ostendendam, ad misericordiã
Dei facilius obtinendam, & reuerentiolem illi
honorem præstandum.

Capitis quoque inclinationes sicuti eundem
finem respiciunt, ita sunt magna diligentia ob-
seruandæ à piis psallentibus, quando verba pro-
lata id exigunt ; quia testantur magnam cordis
reuerentiam erga Deum laudatum. Eas præfer-
tim par est obseruare omni studio, quæ in fine cu-
iuslibet Hymni præscribuntur, ad doxologiam
maiori humilitate qua possumus dicendam : *Glo-*
ria Patri, & Filio, & Spiritui sancto. In his præ-
clari

Tertull. l.
de Orat.
Genufle-
xiones esti-
manda.

Idem l. de
Corona
mil.

Capitis in-
clinationes
ad doxolo-
giam quan-
ti facienda.

*Deus cog-
noscentis om-
nis nostri
boni origo.*

2. Reg. 12.

*Gloria hu-
mana est
morbis
communis
& diffici-
lis.*

*Cassian. lib.
11. Instit.*

clari latent fructus tum ad Dei nostri honorem,
tum ad inclinantium utilitatem. Si quod voce &
ore proferimus, ex animo dicimus, Primò red-
dimus Deo quod ipsi soli verè debetur; honor
nimirum & gloria, & testamur ipsum esse fontem
ac originem omnis nostri boni, nil boni nobis
adscribentes. Imitamur tunc insigne facinus Ioab
Ducis exercituum Davidis Regis, qui noluit in-
gredi urbem Aquarum, quam obsidione strinxer-
at usque ad certissimam euerisionem, sed mittens
ad Regem suum monuit, ut veniens caperet ur-
bem, & gloriam victoriæ sibi assumeret: *Ne, cum
à me vastata fuerit urbs* (ait fidelissimus Dux)
nomini meo ascribatur victoria. Huius qualitatis
pij fideles, qui Deo altissimo omnem gloriam &
honore student in suis actionibus deferre, repræ-
sentantur in illis animalibus, quæ antiquitus à Deo
& lege concedebantur ad usum & cibum populi
Hebræi, quia ungulam findunt; nam etiam hi
nouerunt ungulam findere, dum sibi utilitatem,
Deo autem gloriam in suis intendunt actionibus.
Ex hac eadem gloria, si ex animo tribuatur Deo,
præsidium nobis & remedium acquirimus ad-
uersus communem illum mortalium morbum,
qui dicitur Gloria humana; quæ nulli parcat sta-
tui, nullum horret locum, numquam penitus ia-
cet, sed in victores acrius insurgere conspicitur,
viti luculenter asseritur & ostenditur à Cassiano.
Huic communi morbo depellendo validissimum
remedium habent, adhibentes hanc humilem in-
clinationem ex animo: *Gloria Patri, & Filio, &
Spiritus sancto.* quodcumq; aliud remediū videtur
leue ac exile. Si pugnare volueris bonis operibus,
ex illis inualefcit acrior hostis ad luctam. Nam
sicur

sicut cetera vitia ex malo ducunt originem, ita hoc humanæ gloriæ vitium ex bonis maximè procedit, imò nutritur augeturque actionibus. Hinc est quòd peccatores & malè viucentes vix hoc cenodoxiæ vitio tenentur, nisi isti de numero eorum sint, *qui gloriantur cum malefecerint*, Prou. 2. & *exultant in rebus pessimis*, quod indicium non obscurum existit vltimæ reprobationis. Facile ac validum remedium est, frequens & deuota repetitio huius conclusionis Psalmorum: *Gloria Patri, & Filio, & Spiritui sancto, &c.*

Possset item quis deuota frequentatione huius *Animi fodoxologiæ* ad eam peruenire felicitatem, vt glori- *licitas sit a* riam Dei tam ardentè amaret & coleret, vt se- *in sui ipsius* ipsum omnino despiceret; quæ despicientia re- *despicientia.* ctè dici possset vera animi felicitas: quia, ex diuini Bernardi sensu, summum virtutis culmen obtinet, qui sanctus, seipsum non nouit sanctum; qui magna operans, seipsum magnum ignorat; qui honoratus, seipsum contemptibilem reputat. *Magna & rara virtus profecto est*, exclamat diuinus Bernardus in eo Sermone, qui totus est de gloria D. Bernar. & laude semper Deo tribuenda, ad imitationem *Serm. 13. in Cantica.* Angelorum, qui distinguere nouerunt; quid Deo, quid hominibus sit tribuendum; Deo namque gloriam dixerunt, hominibus pacem: *Gloria in excelsis Deo, & in terra pax hominibus bonæ voluntatis.* Lucæ 2.

Insuper hac eadem inclinatione supplere possumus multos defectus in ipsa Hymnodia admissos. Si quis in fine Psalmi aduerteret se fuisse per totum Psalmum mente distractum, & resipiscens, studeret ea verba peculiari affectu proferre, *Gloria Patri, & Filio, &c.* hæc esset quedam *Defectus multi sup- plentur deuota recitatione doxologia.*

dam praxis valdè proficua referendi in Dei trini & vnius gloriam & honorem, quidquid in Psalmo expleto recitauit, & cecinit. Si item defumus aliquando obligationi laudandi Deum, tunc per ista verba, si hac proferantur intentione, aliquo modo supplemus, dum Deo optamus gloriam & honorem non per vnum aut duos, vel tres vel plures annos, in recompensationem omissionum, sed in perpetuas æternitates, imò *in æternum, & ultra*, vti dicere solebat Moyses; quod etiam dicitur à nobis ea phrasi, *Sicut erat in principio, & nunc, & semper, & in sacula saculorum*: non quia plura æterna inueniantur, quorum vnum sit altero longius, sed quia animi affectus non potest se aptius explicare, nisi optet maiora quàm re ipsa possint obtineri. Huiusmodi vota sicuti sunt propria eorum qui verè diligunt Deum, ita frequentia erant Dauidi, cuius vnicum proferam testimonium, quando dixit: *Benedictus Dominus Deus Israël à saculo & vsque in saculum*. vbi sanctus Hieronymus legit, *Ab æterno vsque in æternum*. Si quando gloriam, quam Deo totam debemus, nobis saltem ex parte vsurpamus, fraudantes Deum nostrum, quod vitium erat Pharisei illius, qui seipsum & opera sua iactabat, & aliquando ad nos etiam pertransit, vti obseruat diuus Bernardus, nunc videmur restituere quod impiè abstulimus, si dicamus ex animo: *Gloria Patri, & Filio, &c.* caput inclinantes magna cum reuerentia.

Tandem, hac sancta inclinatione, & honoris oblatione in canenda doxologia compensamus impiorum hominum, imò & infidelium hæreticorumque

Exod. 15.

Psal. 105.

Gloria Deo debita aliquando ab homine vsurpatur.

D. Bernar. loco cit.

corumque blasphemias, contra veri Dei gloriam & honorem prolatas. Quare à piis deuotisque animis deberet hæc doxologia cum maiore reuerentiæ signo decantari, & cum expressa mentis intentione, quantum nempe humana conari potest fragilitas, dirigi ad prædictos omnes effectus, ut Deus à nobis se censeat perfectiùs honoratum & glorificatum, quàm à nebulonibus & impiis iniuria affectum.

Pudeat nos aliquando conspici irreuerentiores cum Deo loquentes quàm simus cum hominibus. Si homini mortali, quia Princeps sit, imò & ministro huius, quia constitutus est in dignitate cum aliqua iurisdictione, quæ nos resque nostras queat attingere, solemus tantam reuerentiam exhibere, ut in terram usque aliquando prosternamur, quid par est præstare Deo ipsi, qui omnium Monarcha & Princeps existit, quando alloquimur eum? Memoria recolere expedit, quid Ægyptij erga Iosephum Hebræum, filium Patriarchæ Iacob, obseruabant, quia liberauerat totam Ægyptum à periculo famis, & quia post Regem primus in auctoritate & iurisdictione fuerat declaratus. Narrat Scriptura, quòd omnes, cuiuscumque gradus, honore singulari prosequerantur Iosephum, assurgentes, caput profundè inclinantes, imò ad terram usque procidentes. Qua igitur reuerentia par esset creaturæ se Deo creatori omnipotenti sistere, quando eum alloqui, colere & adorare intendit? Vel non nouit, qui irreuerenter coram Deo suo cantat, quanta sit eius maiestas, potentia, magnitudo, vel reprobus est, & maledictus.

Ægyptiorum reuerentia erga Iosephum.

Veri cultores Dei tempore Hymnodicæ decla-

Cc

rant

*Religiosi
compositio
tempore di-
uini Officij
quanta esse
debet.*

rant & gestu & modo corporis, se Deum præ-
sentem alloqui & exorare, componentes vultum,
oculos, vestes, totum denique hominem. Debe-
ret nos Clericos Regulares Paulinos valdè pro-
uocare, imò vrgerè ad hanc compositionem
vium exemplar, quod sæpè videre & contem-
plari licuit in nostro Ludouico Merlino, quem
superioribus annis credimus transisse ad claram
Dei fruitionem, ob miram tum vitæ innocen-
tiam tum Regularis disciplinæ obseruantiam,
quam vsque ad extremum spiritum tenuit. Hic
feruidus vir, sicut omnium virtutum fuerat sin-
gularis amator; ita in his, quæ ad diuinum per-
tinent cultum, omni studio nitebatur fastigium
supremum assequi, vt Deum suum perfectissi-
mè coleret, tanta præcipuè vultus, oculorum &
totius corporis compositione ad chorum accede-
bat Hymnodix vacans, vt aspicientes in eum se-
ipsum componere cogerentur inuiti. Qualitas vul-
tus ostendebat, quali reuerentia & attentione in
Deum præsentem suas referret laudationes. Au-
diamus omnes aliquando, & re ipsa exequamur
Dauidis inuitationem ad nos clamantem: *Veni-
te adoremus, & procidamus, & ploremus ante Do-
minum, qui fecit nos; quia ipse est Dominus Deus
noster, & nos populus pascua eius, & oves manus
eius.* ipse enim respiciet nos, & exaudiet, & con-
solabitur in æternum.

Psal. 94.

CAPUT XVIII.

Virginum Hymnodia est valdè cara Deo.

PSALLENDI opus quò magis Deo Cælitibusque acceptum & carum existit, eò magis satanæ & inferno est molestum; quia sicut in Psalmis diuinæ concinuntur laudes quæ Deo sunt apprimè gratæ, ita dæmones, & omnes inferni habitatores, qui blasphemias in Deum euomūt ex rabie, laudes execrantur diuinas. Torquentur dæmones Religiosorum virorum & piarum feminarum deuota Hymnodia. Hinc tot satanæ conatus ortum habent ad retrahendos mortales à chori frequentia, ingressu, assistentia, saltem ad prouocandum vel ad tædium, vel mentis euagationem. Hinc illæ inuectiue per homines malos in libris euulgatæ contra puellas & Sanctimoniales in choro psallentes, quia non sint ad tantum munus aptæ, cùm non intelligant quid recitent, & varios admittant errores in pronuntiatione, verba mutantes, quæ sensum absonum ac contrarium reddunt. Verùm, quidquid effutiant isti satanæ ministri aduersus hanc piam consuetudinem, quam nos Catholici retinemus tamquam venerabilem ac sanctam, asseramus nos, Hymnodiam, etiam à puellis & virginibus ignaris oblatam, esse Deo apprimè gratam & acceptam: nam sequimur sanctorum Doctorem irrefragabilem auctoritatem, imò & sacre Scripturæ, præsertim Christi Domini seruatoris, à quo probationes exordiemur.

Christus Dominus, vt mundo declararet, quàm sint sibi & cælo gratæ laudes simplicium animorum puritate integritatis nitentium, solemniter approbare voluit laudes illas à Ierosolymitanis pueris prolatas, dum canerent: *Hosanna filio David; benedictus, qui venit in nomine Domini.* quas superius, cum de humilitate esset sermo, expendimus. Hoc loco considerandi sunt ad rem nostram gradus proferentiũ laudes, quos Deus approbat allatis illis à se Dauidicis verbis:

Matth. 21. *Ex ore infantium & lactentium perfecisti laudem.*

Psal. 8. Primò infantes nominati sunt, in quo gradu comprehenduntur ij quibus potest adesse libera & expedita locutio, saltem circa ea quæ didicerunt à domesticis ad vsum magis necessarium: nam infantia ætas comprehendit primum septennium, in quo locutio expedita obtinetur. In secundo gradu constituti sunt lactentes, qui vix nouerunt proferre quasdam voces inarticulatas; vt intelligeremus, quodd Deo gratæ sint omnes laudes ex corde puro exeuntes absque vllò discrimine, an illæ proferantur cum intelligentia, vel sine intelligentia: nam sibi acceptas declarat etiam eas primas voces, quas lactentes, à matribus & nutricibus haustas cum lacte, reddere discunt, *Iesus, Maria.* Si has non aspernatur laudes Deus, imò eas reputat, vt alibi dicebamus, complementum & perfectionem suæ laudis, attendens magis ad innocentiam vitæ, & ad puritatem integritatemq; corporis; quantò acceptiores erunt dicendæ Virginum adularum laudes, quæ licet sensum nō assequantur verborũ, nouerunt tamen laudes esse Dei altissimas à Spiritu sancto dictatas, & integritatem immaculatam corporis animique

seruare

In suis laudatoribus attendit Deus magis innocentiam vitæ quàm scientiam.

seruare student? Hæretici impugnantes harum Sanctimonialiū laudes dæmonis lequuntur suggestiones; nos Catholici sequimur Dei approbationes & commendationes. Oderūt hæretici Virginiū laudes, easque persequi student, quia oſores sunt puritatis, & turpitudinis amatores, diabolum magistrum imitati, qui virginitatis semper fuit acerrimus hostis; quemadmodum aliquando declarauit beato Vincentio Ferrerio, cuius euentum strictim perstringam. Hic sanctus vir quadam die legens librum sancti Hieronymi de Virginitate beatæ Mariæ, orabat sanctissimam Deiparam, vt sibi esset auxilio & præsidio ad propriam custodiendam virginitatem. Oranti facta est illic vox clara: Non omnes possumus esse virgines; & licet tu hucusque virgo permanseris, in posterum tamen tam honorato nomine non gaudebis.

Virginitatis oſor diabolus.

Ad hæc verba miratus Vincentius, cogitabat, quomodo ab ore beatæ Mariæ Virginis potuissent proferri. Non poterat sibi persuadere talem vocem à Deipara venisse; quia ipsa soleret amare, custodire, confortare, animare virginitatis custodes. Genua igitur flectens beatissimam Virginem Mariam exorabat, vt dignaretur aliquomodò declarare, quid sibi vellet hæc terrificæ vox. Ecce illicò Deipara, lumine collustrans celum huius sancti Religiosi, eum sic alloquens: Verba ad te paulò antè facta diaboli fuerunt; qui tibi proponit bonorum operum difficultatem, vt territus ab incepta virtute desistas; tu autem cautus esto, & constanti animo perseueres. Et quamquam tibi crebras parabit infidias, ac frequenter conabitur diabolus, vt periclitetur virginitas tua, vtque ceteræ virtutes, quæ in te sunt, cor-

Petrus Nauar. in Vita lib. 2. c. 11.

Beata Virgo Deipara diligit Virgines.

ruant, tamen ne diffidas, spera semper in Domino; quoniam ipse erit clypeus tuus, quo non solum arma diaboli poteris facile contemnere, sed etiam ipsum cunctasque artes & versutias eius magno animo superabis. His dictis disparuit visio gloriosa, & in animo Vincentij tantus exortus est inde feruor, ut non terrestris homo, sed cælestis Angelus esse videretur. Mirum non sit, si hæretici virginum Catholicarum puritatem & laudes oderint, cum patrem ac præceptorem sequantur diabolum turpitudinis amatorem, & stimulatorem. Audiamus nos, & dicamus vnà cum Hymnographo inuitante ad Hymnodiam explendam omnis generis homines, non tantum sapientes, sed & pueros simplices & virgines ignaras: *Iuuenes & virgines, senes cum iunioribus laudent nomen Domini.*

Psal. 148.

*Virginum
laudes à
Deo præce-
teris dili-
guntur.*

Tantum abest, ut virginum laudes sint Deo haud gratæ, ut imò ausim dicere eas gratiores quam sapientum & Theologorum, qui virginitatis non gaudeant prærogatiua. idque non asserimus gratis, sed sacrarum Scripturarum, quæ certissimæ sunt, præsidio fundati. Docent Canonica Scripturæ, quod laudes virginum certis insignioribus solemnitatibus à Deo eligantur præ ceteris & diligantur, ita ut nemo ad huiusmodi laudes concinendas admittatur, nisi is fuerit virgo. Profero Ioannis Apostoli luculentissimum testimonium, qui sicut virgo fuit à Deo electus, & præ ceteris magis dilectus, ita eorum præcipuè quæ ad Dei gloriam spectant, & in cælo exercentur, ubi perpetuæ laudes concinuntur, singularem obtinuit ex priuilegio cognitionem. Is refert, quod Virginum voces canentes Canticum quoddam

Apoc. 14.

quoddam adeò validæ & potentes existant in cæ-
 lis, vt tonare videantur; talem nihilominùs me-
 lodia suauitatem reddentes, vt videantur esse sic-
 ut citharædorum citharizantium in citharis suis.
 Præterea, quòd tale Canticum coram sede Agni
 diuini, quatuor animalibus & vîngtiquatuor se-
 nioribus persolueretur. Et, quod nobilius est, ne-
 mo alius Sanctorum omnium poterat illud pro-
 ferre aut vsûrpare Canticum, nisi tantùm virgi-
 nes. Tandem, quòd isti felices cantores num-
 quam à latere Agni discedant, sed semper comi-
 tentur, quocumque eum pergere contingat; non
 ob aliam causam, nisi quia virginitatem colue-
 runt: *Virgines enim sunt.* En quot singularia pri-
 uilegia sanctam sequantur virginitatem. Oderint
 itaque diabolus & ministri eius Virginum Hym-
 nodias quantum velint, satis erit Virginibus se
 certas esse, Deo maximè placere, & ab ipso ap-
 probari, & ab Hymnodia terrestri ad cælestem in
 perpetuas æternitates esse transferendas.

Approbant & commendant Virginum sacra-
 rum Hymnodias sancti Patres, Augustinus &
 Hieronymus, qui præcipua Ecclesiæ lumina fue-
 re. Celebrantur à diuo Augustino feminæ illæ
 Africanæ, quæ in Victoriana villa non longè ab
 vrbe Hippone conuenire solebant ad Hymno-
 diam, dicens: *Ad vespertinos illuc Hymnos &*
orationes cum ancillis suis & quibusdam Sanctimo-
nialibus, ex more, Domina possessionis intravit, at-
que Hymnos cantare cæperunt. Easdem commen-
 dat diuus Hieronymus variis in locis, sed præ-
 sertim dum sermonem habet de Virginibus à
 sancta Paula fundatis & institutis, quia in Mo-
 nasterio viuentes manè, hora tertia, sexta, nona,

*Virginita-
 tis priuile-
 gia præci-
 pua apud
 Deum.*

*Virginum
 Psalmodia
 à sanctis
 Patribus
 laudata.*

*D. Hieron.
 in Epitaph.*

D. Hieron.
Epist. 7. ad
Lætam.

vesperi, noctis medio Psalmos concinerent, nec
liceret cuiquam Sororum ignorare Psalmos. Imò
aliquando suadebatur Hymnorum vsus Virgini-
bus ab hoc sancto Doctore; nam agens de insti-
tutione filix, scribens ad Lætam, inter alia hor-
tatur ad Psalmodiæ vsus frequentem non so-
lùm per diem, sed etiam per noctem: *Præpona-
tur ei, ait, proba fidei ac morum pudicitia virgo
veterana, qua illam doceat, & assuescat exemplo
ad orationes & Psalmos nocte consurgere, manè
Hymnos canere, tertia, sexta, nona hora stare in
acie, quasi bellatricem Christi, accensaque lucerna
reddere sacrificium vespertinum.*

Lombard.
Dist. 18.
quæst. 2.

Virginum
Sanctimo-
nialium
Dux & In-
stitutrix
beata Virgo
Deipara.

Nec solùm ætate istorum sanctorum Patrum
aderant iam in Ecclesia Dei Virginum Cœnobia
ad Dei cultum destinata, sed in ipsis initiis na-
scentis Ecclesiæ testantur Scriptores fuisse à san-
ctissima Deipara institutum Collegium centum
viginti Virginum, quæ ab eadem Deipara instru-
ctæ, ad Dei cultum augendum regebantur. Glo-
rientur Virgines Sanctimoniales, ortum sui in-
stituti cognoscentes à sanctissima Dei Genitrice,
quam non solùm habent exemplum & specu-
lum, sed & Ducem & Magistram; æmularique
studeant eius probitatem, feruorem, disciplinam,
ac diligentiam præsertim in diuinis consecrandis
laudibus.

Huius generis feruor, quem in sacris opta-
mus Virginibus, numquam in Ecclesia Dei de-
fuit. Imò aliquando tantus ardor repertus est in
quibusdam Virginibus, ut à Psalmorum cantu
minimè potuerint, ob vllas siue pœnarum siue
ignominix indictas seuerissimas minas, remo-
ueri, sed, ita exigente diuinæ gloriæ zelo, inde

ad

ad illius vsum magis magisque frequentandum sint excitatæ. In hoc genere studij præclarum orbi præbuit exemplum Virginum, quæ perpetuam professæ erant castimoniam, electus chorus, qui sub regimine vivebat Publiæ, nobilissimæ Antiochenæ Matronæ. Hisce Virginibus accidit aliquando insignis occasio declarandi tum patriæ tum orbi præclarum animi feruorem, ac miram constantiam in diuinis concinendis Hymnis.

Dum Antiochiæ moraretur Iulianus Imperator, qui, ob turpem à Christi fide ad paganismum transitum, dictus est Apostata, quoties ante domum Publiæ prætergrederetur, generosissima Matrona, diuino æstuans zelo, vnâ cum Virginum suarum deuoto cœtu, Daudicos Psalmos, eos præsertim, quibus simulacrorum infirmitas ac vanitas scitè deridetur, illicò arripiens, eos suaui decantabat modulatione, vt vnus veri Dei celebraret attributa, & pertranseunti impio idolatræ exprobraret turpissimam defectionem. Alta itaque & clara venerandi istius chori exaudiebatur vox dicens: *Simulacra gentium argentum, & aurum, opera manuum hominum. Os habent, & non loquentur; oculos habent, & non videbunt, &c. Similes illis fiant qui faciunt ea, & omnes qui confidunt in eis.* Id iniquè ferens impiissimus Apostata, iussit per ministros, sub seuerissimis infligendis pœnis, indici silentium. Hoc audito edicto, virilem constantiam indutæ Virgines piæ, eundem cantum frequentare gestiebant. Redeunte itaque per eandem viam Imperatore, consuetam Psalmorum assumentes modulationem, Hymnum 67. in auribus illius decantarunt: *Exurgat Deus, & dissipentur inimici eius; & su-*

Theodore-
tus lib. 3.

Hist. c. 19.

Martyrol.

Rom die 9.

Octobr.

Virginum

zelus in-

signis.

Psal. 113.

& 134.

Psal. 67.

giant qui oderunt eum à facie eius. Sicut deficiit fumus, deficiant, &c. Excandescens Imperator, ad reprimendam, quam reputabat, imbecillium feminarum siue leuitatem siue audaciam, accersitam sacri cœtus Rectricem Publiam imperat per satellitem acriter in vtraque gena verberari, vt indictæ olim pœnæ seuerus effectus in seniore veneranda compesceret in iunioribus spiritus ardorem. Verùm tum Publia, maximi in honoris loco accipiens contumeliam, tum Virgines, spem concipientes adipiscendi aliquando æqualem cum Magistra honorem, ad Hymnodia assumptum munus auidius explendum redditæ sunt alacriores. Transitum itaque Imperatoris audientes, ad consuetum alicuius Daudici Hymni cantum hilares se conferebant. Hac canendi constantia vicerunt ac represserunt irati Apostatæ spiritum liuoris, quemadmodum Psalmodum Auëtor Daud eorumdem cantu reprimere solitus erat malum spiritum, qui Saùli Regi erat molestus.

*Virginum
preces Re-
gna tue-
runt.*

*D. Gregor.
lib. 6. Epist.
indic. 15.
cap. 187.*

Nouimus ex Historiis fide dignis, quòd Virginum gratia tanti apud Deum æstimetur, vt ciuitates, imò Prouinciæ & amplissima Regna fuerint à multis cladibus præseruata propter Virginum preces. Huius rei luculentissimus est testis diuus Gregorius Magnus, qui scripsit, se certò credere, urbem Romam remansisse integram ab impiorum Longobardorum gladio propter orationes, lacrymas & abstinentioniam Monialium, quæ ad numerum trium millium tunc in ea Vrbe censebantur. Nec dubitat sanctus Pontifex asserere, quòd si ipsæ Virgines non fuissent, nullus iam in Vrbe per tot annos Longobardorum gladio

gladio potuisset superesse. Nouimus etiam, quòd Magnus Constantinus tanta coleret veneratione Virgines, quia in illis arbitrabatur Deum habitare, cui illæ se deuouerant, vt si quando eas obuiam haberet, adoraret magna reuerentia. Euseb. l. 4. de Vita Constantini.

Quod adducunt Sectarij contra Monialium Hymnodiam, quia Latinam linguam non calleant istæ, nullius est momenti; quia possunt in Horis recitandis habere deuotionem & attentionem ad Deum, qui illis Hymnis & precibus adoratur, & colitur. De sensu autem verborum satis est, si, vt aliàs monuimus, personæ idiotæ cum intendant quem docti nouerunt: nec enim ab idiotis alia maior attentio requiritur, & exigitur. Imò plus aliquando merentur & impetrant huius generis idiotarum preces quàm doctiorum, si eas maiori expleant deuotione & pietate. Hinc rogatus beatus Iordanes, an Deo placitæ essent idiotarum preces, respondisse fertur dignâ sancto viro similitudinem: Sicut lapis pretiosus tantum valet in manu eius qui ignorat virtutem illius, quantum in manu aurificis ac gemmarij qui pretium nouit; sic & preces tantum valent in ore indocti qui eas non intelligit, quantum in ore docti qui intelligit. Preces sunt eiusdem valoris in ore idiota & docti. D. Anton. 3. p. Histor. tit. 23. c. 9. §. 1.

Operæ pretium hoc loco me facturum existimo, si, ad vberiore sacrarum Virginum consolationem, breuiter perstringam ac significem, quomodo ipsæ valeant debitæ attentioni facere satis, & Deo placere, sibi que acquirere meritum in hoc psallendi munere, quamuis Latinæ linguæ minimè possideant intelligentiam. Cùm itaque sint, vt suprâ hoc eodem diximus Libro, tres attentionis gradus in vocali oratione. Vnus, qui

qui in verbis sistit prolatis, ne vllum ex istis omittatur. Alter, qui sensum verborum, siue literalem siue spiritualem, respicit, quem tantum docti possunt habere. Tertius, qui ad finem propter quem psallimus spectat, nempe ad Dei gloriam, ad nostram item proximique vtilitatem.

*Psalmodia
fructus
triplex.*

Cum item tres sint Psalmodiæ fructus, nempe meritum, impetratio & spiritualis refectio mentis, nouerint sacræ Virgines, ad hos tres fructus obtinendos non esse necessarios coniunctim prædictos tres attentionis gradus. Nam secundus non exigitur necessario à quolibet psallente; quia Psalmorum lingua (Latina scilicet, quam Ecclesia adhibet) non est omnibus nota: quando tamen is etiam gradus posset haberi, esset quoque valde vtilis. Primus & postremus sunt magis necessarii, hoc tamen ordine seruato. Primus absolute & simpliciter est necessarius tam ad prædictos tres fructus obtinendos, quam ad rectam diuini Officij persolutionem. Et ista attentio sita est potius in voluntate quam in actu. Deus enim, vt sæpè dicimus, non exigit à nobis actualem attentionem, quæ est viribus naturæ peccato vitiatæ nimis onerosa. Sufficit itaque voluntas attendendi initio Hymnodicæ elicitæ: quæ voluntas intelligitur semper durare virtute primi actus elicitæ, quamuis actu mens ad alia distrahatur, donec vel retractetur, vel voluntariè ad alia diuertendo interrumpatur; nec cessare intelligitur ex qualibet mentis inuoluntaria euagatione. Tertius item attentionis gradus est necessarius, & ab omnibus, tam doctis quam idiotis, potest haberi: imò aliquando fuit in quibusdam idiotis magis perfectus quam in doctis; ita

vt

vt illi , rerum omnium caducarum obliti , in Deum , quem laudabant , maximo raperentur ardore , & suauissima mentis iucundarentur refectione. Verùm hæc mentis resectio , quæ & dulcedo dicitur , non semper conceditur cuilibet psallenti , etiam perfectè attendenti , quemadmodum ostensum est cùm ageremus de delectationibus. Quamuis dulcedo , seu resectio ista mentis vel cesset , vel non concedatur , non idcirco statim impediuntur alij duo effectus meriti & impetrationis , nisi nouus aliquis accedat obex. Cùm itaque huius tertij gradus attentio possit *Idiotarum* contingere etiam idiotis , debent sacræ Virgines *attentio* omni studio , quando ad chorum euocantur , pro *qualis esse possit.* ponere sibi Dei gloriam celebrandam , & decantandam : nam licet ignorent sensum verborum quæ proferunt , nouerunt tamen (quod certo certius sibi debent persuadere) verba illa esse à Spiritu sancto dictata , & à sanctissimis viris ac feminis , tum in veteri tum in nouo Testamento , esse , inspirante Deo , nobis tradita , imò etiam fuisse ab iisdem vsurpata , ad Dei gloriam , & Maiestatem & attributa celebranda. Nouerunt etiam in his Psalmis & Hymnis , quos frequentant , contineri altissimas Dei laudes , & nostræ Christianæ Religionis præcipua mysteria , vt primus huius Operis liber ostendit. Quicumque animus , hoc pio in Deum affectu dispositus , accedet ad psallendum , munus suum perfectissimè , quantum in hac misera vita licet , poterit explere.

Qui vellent omni rigore à psallentibus exigere intelligentiam eorum quæ cantant , omnem pænè ab Ecclesiastica Hierarchia auferrent vsum iugiter

iugiter frequentandi diuinas laudes. Nam, etiam inter eos qui linguam callent Latinam, paucissimi nouerunt sensum perfectum, siue literalem siue mysticum, diuinorum verborum. Et in

*Psalmodum
intelligen-
tia diffici-
lis.*

Dauidicis Hymnis, nisi quis sacrarum Literarum profiteatur quamdiligers studium, multa reperit obscura, difficilia, implexa, quæ animum à Deo distrahunt, si quis velit illis insistere. Coguntur confiteri ipsi sacrarum Literarum Professores, non omnia Psalmodum mysteria posse penetrari, nisi diuinum adsit lumen supernaturale.

Psal. 118.

Mirabilia esse diuini verbi arcana asseruit Hymnographus, spondens idcirco studium perdiligens in illis perscrutandis: *Mirabilia testimonia tua, idcirco scrutata est ea anima mea.* Imò cognoscens se imparem illorum assecutioni, magna postulare solitus erat humilitate lumen & gratiam à Deo assequendi intelligentiam tantæ legis:

Ibidem.

Reuela oculos meos, & considerabo mirabilia de lege tua. quam postulationem non semel, sed sæpè iterabat: *Da mihi intellectum, & scrutabor legem tuam.* Quare igitur exigenda est ab omnibus psallentibus perfecta Psalmodum intelligentia? satis erit, deuotè, attentè & sanctè canere verba Psalmodum respiciendo in Deum, ad quem diriguntur huiusmodi sancta verba, De-

Ibidem.

fectum intelligentiæ supplere satis superque potest pius psallentium affectus erga Deum, quem Hymnis laudant & celebrant. Si respectu psallentium non est necessaria Psalmodum intelligentia, minùs illa requiretur ex parte Dei, qui non vocem & linguam, sed mentis cordisque expendit affectum, approbans etiam paruulorum & loqui nescientium acclamationes, quia ex simplici

simplici proficiscebantur affectu. Nec attendit Deus errata prolationis & vocis, quia ista hominum aurem, non Deum offendunt. Quamvis erret sonus verborum, rectus tamen esse potest mentis affectus, imò deuotior in idiotis reperiri potest animus quàm in doctis. Deuotio licet ab intelligentia possit haurire adiumentum, nihilominus non pendet necessariò ab illa. Ad quam rem scitè & verè tradidit diuus Thomas, dum D. Thom. 2.2. q. 91. art. 2. ad 5. de cantibus disserit in Ecclesia adhibitis, ad quos conueniunt frequentiores populi idiotæ, tradidit, inquam, ad ipsorum consolationem; quòd etiam si non intelligant quæ cantantur, intelligunt tamen propter quid cantantur, nempe ad laudem Dei, quæ cognitio sufficit ad deuotionem excitandam. Si cognitio solius finis, ad quem diriguntur Psalmi decantati, sufficit, ex sententia tanti Doctoris, ad deuotionem excitandam in idiotis audientibus, utique eadem sufficere asserenda est in idiotis canentibus tum ad satisfaciendum obligationi, tum ad meritum obtinendum; quod meritum adesse cognoscetur maius, ubi non acutioris intellectus donum, sed voluntatis affectio aderit recta & feruens. Imò si in hac re quid sentiam liberè velim aperire, potero utique asserere, quòd simpliciter melius sit diuinas laudes ab idiotis vsurpari Latino sermone, quem non callent, conscriptas, quàm vulgari idioma te, quod percipiunt. Arcanorum namque ea fuit conditio penes omnes Gentes, ut peregrino exhiberentur sermone, ut maiorem haberent venerationem & admirationem: ne præterea idiotæ, vim videntes vulgariū verborum haud semel vel contrarietatem vel absonum aliquid præ se ferrentium,

rentium, solutionemque eorum minimè assequentes, inde aut erroris, aut inquietudinis, aut alterius inordinatæ passionis hauriant occasionem, prout non rarò accidere vidimus in Germania, Bohemia & Polonia, vbi Psalmorum & Lectionum sacræ Scripturæ libri tam in Horis beatissimæ Virginis Deiparæ, vnà cum reliquis eiusdem pij libelli statis precibus, quàm in Bibliis, vulgari ipsarum regionum passim vsurpantur idiomate. Inde namque frequentiores in iisdem regionibus de fidei rebus controuersiarum & dubitationes. Inde forsàn ad errores varios, qui adhuc vigent, facilior ac planior via. Satiùs itaque puto venerari & admirari quod non assequimur, certò tamen nouimus à Spiritu sancto ordinatum, quàm perperàm intelligere quæ sexus ingeniiq; superant imbecillitatem & conditionem. Studeant sacræ Virgines illi cogitationi firmiter adhærere, quòd omnia verba, in nostris Hymnodiis vsurpata, sint à Deo & à sanctis viris tradita, & ad Deum altè pureque colendum directæ. Huius namque sanctæ cogitationis præsidio munitæ, munus diuinarum laudum explebunt tutiùs, vtiliùs, atque perfectiùs.

Apud Paulum Polum in suo Rationali Horarum Canoniarum cap. 8.

Miram visionem referunt Annales Germaniæ, ad comprobendam meriti dignitatem quam habent Virginum laudes & Hymnodia apud Deum. In quodam Monasterio Virginum apud Saxoniam, vbi plures Religiosæ sanctè viuebant, quædam virgo, ob vigilias, abstinentias, & disciplinas viribus attenuata, variis afflictabatur infirmitatibus, numquam tamen abstinebat à chori frequentia tam diurna quàm nocturna. Hæc Monialis cum ad diuinum nocte quadam conuenisset

set Officium, circa tertij Nocturni finem ferè
 passa est, ob virium debilitatem, animi deli-
 quium. Iussa fuit ab Abbatissa è choro exire itur-
 ra ad lectum. At hæc ægrè ferens discessum, po-
 stulabat dilationem saltem vsque ad finem Can-
 tici, *Te Deum laudamus*, mox decantandi. Non *Canticum,*
 acquieuit Abbatissa: imò institit, vt omnino dis- *Te Deum*
 cederet. Tunc absque mora egressa est Monialis, *laudamus,*
 vt iussioni pareret, versus cellam pergens; sub- *quanti me-*
 stitit autem in Claustro, vt audiret cantari ab a- *riti sit.*
 liis sociis Canticum *Te Deum*, quod ipsi nega-
 tum erat. Quando itaque audiuit prima huius
 Cantici verba enuntiari in choro, oculos in sub-
 lime eleuauit, vt spiritu Deum laudaret vnà cum
 ceteris Sororibus canentibus. Ecce super cho-
 rum Monialium vidit cælos aperiri; & ad ea ver-
 ba, *Tibi omnes Angeli, tibi cali, & uniuersa po-*
restates, tibi Cherubim & Seraphim incessabili
voce proclamant, vidit omnes Angelorum cho-
 ros ante thronum diuinæ Maiestatis prostratos
 adorare Deum trinum & vnum, & Agnum ad
 dexteram Patris sedentem, dicentes clara voce:
Sanctus, sanctus, sanctus, Dominus Deus sabaoth.
Pleni sunt cali & terra Maiestatis gloria tue. Ad
 ea verba Monialium canentium, *Te gloriosus*
Apostolorum chorus, conspexit sanctos Aposto-
 los & Euangelistas coram sanctissima Trinitate
 prostratos eandem explere adorationem, eadem-
 que verba dicere ab Angelorum choris recitata:
Sanctus, sanctus, sanctus, Dominus Deus sabaoth.
Pleni sunt cali & terra, &c. Ad verba, *Te Pro-*
phetarum laudabilis numerus, vidit omnes Pa-
 triarchas & Prophetas eadem, qua ceteros præ-
 cedentes Sanctos, prostratione adorare infini-

tam Dei trini & vnius Maiestatem, dicentes: *Sanctus, sanctus, sanctus, Dominus, &c.* Ad verba, *Te Martyrum candidatus laudas exercitus*, vidit innumeram multitudinem Martyrum, Confessorum, Virginum eandem prorsus adorationem, prostrationem & cantum explere, quam alij iam Sanctorum chori expleuerant. Ad ea autem verba, *Te per orbem terrarum sancta confiteetur Ecclesia*, vidit chorum suarum Monialium assumptum in cælum, & vnà, admixtum choris Sanctorum & Sanctarum triumphantium, adorare Deum trinum & vnum variis exultationis & lætitiæ signis vsque ad finem Cantici. quo expleto vidit claudi cælum. Putans autem illic permanfisse suas Sorores assumptas, gressum recepit versus chorum, vt videret, quid factum esset de Monialibus; quas audiens prosequi, *Deus in adiutorium meum intende*, vt Laudes cantarent, intellexit eam sibi ostensam visionem, vt cognosceret, quanti essent meriti illarum Virginum Hymnodia, dum eorum voces, pia deuotione prolata, vnirentur cum vocibus cælestium Spirituum & Sanctorum regnantium in cælis.

Studeant Virgines omnes in Claustris degentes se componere & præparare ad Hymnodiâ maiori qua poterunt deuotione & attentione exercendam, iungentes suas preces Sacerdotum precibus, qui eodem psallunt tempore per Ecclesias orbis, intentionemque dirigentes ad eum finem, quem Ecclesia, cuius nomine psallunt, sibi præscribit; placitæ namque erunt & acceptæ Deo, meritumque inde consequentur ac reportabunt.

CAPUT XIX.

*Animum à curis externis liberum san-
ctioribus anni temporibus vellet
Hymnodicæ vsus.*

DILECTVS Canticorum Sponsus, vt declara-
ret quo animorum genere præ ceteris de-
lectetur, & quibus magis se coniungere solitus
sit, concedens suas visitationes, sub consuetis
metaphoris differens pronuntiavit: *Vadam ad* Cantic. 4.
montem myrrha, & ad collem thuris. Super quo
textu appositè diuus Gregorius Magnus scripsit,
per *montem myrrha* & *collem thuris* intelligendos
esse animos, qui, præmisso studio mortificatio-
nis, ascendere nouerunt ad studium sanctæ ora-
tionis; myrrha namque ob suam amaritudinem
est symbolum mortificationis; thus fuit sem-
per ob suum odorem symbolum orationis. Mortifica-
tio sensuum
prauis de-
bet esse per-
fecta ora-
tioni.
Ad montem ergo myrrha (ait diuus Gregorius)
*& ad collem thuris sponsus vadit, quia eos fa-
miliariter visitat, quos per mortificationem vi-
tiorum ad alta proficere, & per mundas & hu-
miles orationes suauiter redolere perspicit.* Ex hoc
textu post vnusquisque Hymnodicæ studiosus
cognoscere causam, cur aliqui hauriant plures
ex Hymnorum vsu delectationes & fructus, qui-
dam autem modicas, vel nullas, alij potius sen-
tiant fastidium. In promptu aderit causa ex hoc
textu Canticorum. Dominus noster, à quo &
fructus & delectationes sunt expectandæ, suas
non concedit visitationes, nisi iis qui prius no-
uerunt ad collem myrrhæ se recipere; nisi nimi-

rum sciant aliquando præmittere quemdam se-
cessum quasi ad montem, in quo mortificationis
studium exercentes myrrham dabunt. Vbi plus
myrrhæ reperietur, ibi frequentior communica-
bitur visitatio Dei in colle thuris. Ad quam rem

Ant. Maria
Zacaria in
Aphor. ver-
bo Oratio.
num. 4.

venerabilis noster Pater Zacaria, dum de oratio-
ne, in qua ipse valde excellebat, disserteret, appo-
sité tradebat Aphorismum verè pretiosum: *Si
vis recte orare, prius debes à seculi curis elongari,
& à propriis expurgari passionibus, quæ ab anima
fiduciam auferunt orationis.*

*Mortifica-
tionis stu-
dio cor dis-
ponitur ad
Dei visita-
tiones.*

Si mortificationis studio cor nostrum à curis
externis aliquando saltem nouerimus ad Deum
colligere, tunc Dominus noster visitabit cor no-
strum in Hymnodlis, & precibus, quasi mon-
tem myrrhæ & collem thuris. Nam sicut mortifi-
cationis studium purgat cor à curis externis, ita
Hymnodia inuitat Domini aduentum, & præ-
parat in corde psallentis dignam Deo habitatio-
nem, quemadmodum tradidit idem sanctus Gre-

D. Gregor.
Hom. I. in
Ezech.

gorius alibi dicens: *Vox etenim Psalmodia cum
per intentionem cordis agitur, per hanc omnipoten-
ti Domino ad cor iter paratur, ut intenta menti vel
prophetia mysteria vel compunctionis gratiam in-
fundat.* Quod propuntiatum comprobare niti-
tur sanctus Doctor testimonio Dei per Hymno-

Psal. 49.

graphum dicentis, *Sacrificium laudis honorifica-
bit me; & illic iter, quo ostendam illi salutare Dei;*

*Psalmodia
rectus vsus
preparat
animum
disquis con-
solationi-
bus.*

explicans, quod in Psalmodia, quasi in Sacrificio
laudis, aperiatur & patetur via in corde ad salu-
tare Dei, hoc est ad Iesum, qui est salus nostra,
quia in Hebræa phrasi idem sit Iesus ac salutare;
cui dum cantamus, iter facimus ut ad cor no-
strum veniat, & sui amoris gratia nos accendat.

En

En quot bona & dona docet sanctus Gregorius ex recto Hymnodie vsu ad corda psallentium defluere, nimirum prophetie, compunctionis, & amoris.

Addamus nos, & dicamus inde prouenire dona omnium virtutum, quæ tantæ esse possunt, vt in admirationem trahant etiam Spiritus cælestes; quemadmodum nouimus eos admiratos animam Canticorum, quæ, ob frequentes visitationes Sponsi in monte myrrhæ & colle thuris receptas, ad eod excelluit in omni virtutum genere, vt dicere auditi sint: *Que est ista, qua ascendit per de-* Cantic. 3.
sertum sicut virgula fumi ex aromatibus myrrhæ & thuris, & vniuersi pulueris pigmentarij? quibus verbis ostendunt Angeli cælestes admirationem nō modicam ob insigniorum virtutum congregationem, quam obseruauerunt in ea anima ex myrrhæ & thuris vsu. Quæ duo aromata tantummodò nominantur proprio vocabulo, dum cetera sub generaliiori voce comprehenduntur, *Et vniuersi pulueris pigmentarij*; quia ceteræ virtutes ex mortificatione & oratione ortum habent.

Nec vacare mysterio dicendum est illud verbum, *de deserto*; quod Angeli vsurpant in suo elogio. Per illud namque declaratur, quanta debeat esse animi ad hanc virtutum omnium fragrantiam nitentis puritas à curis externis; debet enim tanta esse, quanta in desertis locis obineatur. Ea deberet esse cogitationum omnium intentio in Deum, quæ in solitudine & desertis facillè acquiritur, nullum mundi affectum aut cogitationem admittens, sed omnia visibilia obiecta à corde suo dimittens. Verùm ad hanc solitudinem cordis acquirendam ij tantum poterunt

*Sensuum
libertas
animi at-
tentionem
ad Deum
aufert.*

eniti, ac contendere, qui mortificationis studio sciunt seipfos ab his, quæ necessaria non sunt, quibusdam saltem anni temporibus viriliter auocare, ac subtrahere. Qui sensus suos permittit liberè ad quodlibet obiectum, etiam non necessarium vel muneris, vel itatui, applicare, is, etiam in choro existens corpore, mente versabitur in foro, & in negotiis, nec dici poterit, quod de deserto ascendat.

*Carthusia-
ni solitudi-
nis bona
experimur.*

Nouerunt magnum huius solitudinis bonum, qui in Ecclesia Dei, vt diuinarum rerum contemplationi vacent perfectiùs, se ad eam omni studio colendam non per aliquod anni tempus, sed per totum vitæ spatium, sæculo relicto, tradiderunt. In quo genere excelluerunt Monachorum Ordines vitam profitentes contemplatiuam, inter quos primum censentur obtinere locum Carthusiani Ordinis sectatores generosi, qui sanctæ solitudinis tenacissimi ac rigidissimi custodes, sicuti per eam multis iam sæculis maximè florent in Monasticæ disciplinæ viridi obseruantia, vnde illud sibi encomium sunt promeriti,

Per tria si, sc, vi, Carthusia permanet in vi, nimirum per silentium, solitudinem & visitationes; ita suauitate animorum singulari maiorem dei partem in sacre Hymnodicæ studio & in diuinæ contemplationis dulcedine explent.

*Camaldulensium
Anachoretarum
disciplina.*

Tantum hoc bonum cœperant iam pridem degustare in Ecclesia Dei pij illi Anachoretæ, qui sanctissimi Romualdi Parentis institutum ac disciplinam fideliter seruantes, montium eligunt ac diligunt solitudinem, ibique per Psalmorum deuotum cantum, ac per iuge contemplationis studium

studium ascendere nouerunt, tamquā per mysticam scalam, in Deum, cui seipsos ex animo deuouerunt; quiq; innixus scalæ nihilo dissimili ab ea, quam priscis sæculis à terra cælum pertingentem ostenderat in Mesopotamiæ solitudinibus dilecto suo Patriarchæ Iacob, se præbuit videndum etiam prædicto istorum Anachoretarum optimo Parenti, vt filiorum suorum intelligeret conditionem. Dum enim hic præclarus vir in monte, qui Camaldulus postea dictus est, à quo & nomen Camaldulensium fuit Romualdi filii traditum, thus & myrrham colligeret, nitens ad sublimem cum Deo yunionem per varias præcipuarum virtutum actiones, voluit in illo benignissimus Deus insignem priscæ scalæ ostensionem renouare, tum vt nouus iste Patriarcha magnum suæ solitudinis experiretur fructum; tum vt filiorum, quos instituebat, cognosceret præclara merita apud Deum. Sicut in antiqua scala Iacob visi sunt Angeli Dei ascendentes & descendentes, quia illius Patriarchæ vita & actiones erant ab Angelis sanctis dirigendæ & custodiendæ; ita Romualdus in sua scala vidit homines in candida veste ascendentes & descendentes, quia eius filij, sanctæ solitudinis cultores veri, induturi erant non tam Angelicum in externis vestibus candorem, quàm Angelicam in interiori animo puritatem, imò & æmulaturi Angelorum insigniora munera, dum Angelicè viuentes, fidelem præstare debebant altissimo Deo iugi Hymnorum cantu ac contemplatione famulatum. Euentus visionem comprobauit. Nam ita secundus fuit hic Sanctus in prole sanctorum, vt non solos Italiæ, vbi sui Ordinis primordia felicia felices-

licesque progressus vidit, sed postmodum etiam Germaniæ & Poloniæ sanctis Anachoretis repleuerit montes.

Mortificationis studium magna confert bona.

Nouerunt etiam illi Religiosi viri, qui non solum contemplatiuam, sed etiam simul actiuam exercentes vitam, soliti sunt mortificationis studio solitudinem quamdam imitari, dum refecare à se student quidquid ad sui ipsius aut proximi necessariam non pertinet vtilitatem: licet enim viuant & conuersentur inter homines, sobrietatem tamen animi scientes adhibere, videntur quasi in solitudine vitam agere. Illi præsertim huius generis Religiosi sentiunt huius solitudinis beneficium, qui semel aut bis in anno ab actiuosa & tumultuosa vita seipsos auocare soliti sunt, necessaria etiam dimittentes, vt se totos recipiant ad interiorem proprij animi occupationem. Hi solitudinis quamdam formam sibi constituunt etiam in media vrbiū frequentia, solitudinem autem non loci, sed cordis; omnino abstrincentes à curis omnibus externis, siue aliorum siue etiam propriæ domus, vt Hymnis, orationibus ac meditationibus maiore animi attentione & conatu vacent. Tunc experiuntur, quantum vtilitatis proueniat ex hac cordis solitudine, quantumque facilitatis acquirant ex sensuum collectione ad Deum orandum & contemplandum. Non desunt hodie in Ecclesia Dei Ordines integri Regularium vitam profitentes mixtam, qui sibi annum hunc secessum graui præscribere Decreto obseruandum, à quo nefas putant abstinere; vti Societas Iesu, Carmelitæ discalceati, nos Clerici Regulares Paulini, & alij.

Cordis solitudo ad Deū orandum valde conducit.

Qui huiusmodi sciunt se tradere solitudini, si alicui

alicui viderentur tunc in Christiana Republica otiosi, quia se subduxerint à solitis negotiis proximorum; à cordatis viris censebuntur, & di-^{Orium ne-}centur otium quidem exercere non otiosum, sed ^{gotiosum}otium quidem exercere non otiosum, sed ^{est solitudo.}otium quidem exercere non otiosum, sed omni negotio fructuosius. De ipsis iure poterit asseri, quod olim de Africano Scipione, viro bellicis rebus & regiminis prudentia maximè claro, scriptum reliquit ad eius laudem Plutarchus, ab eiusdem Scipionis ore acceptum; quòd nimirum ^{in Scipione}dicere de se ipso aliquando solitus esset: ^{Maiori.}*Numquam se minus otiosum, quam cum otiosus, nec minus solus, quam cum solus esset.* Hic præclarus vir sicuti pro Reipublicæ beneficio, quando tempus & necessitas exigebat, nouerat omnia tum bellum tum pacis munera obire, ita à cœtu hominum interdum se auocans, in solitudinem concedebat, non idcirco tamen putans tunc temporis minus se prodesse Reipublicæ, quamuis solus & otiosus esset, quàm tempore munerum; quia etiam solus cogitationes eò directas habebat, vt meditaretur modos Romanam rem amplificandi.

Idem melius altiusque de Religiosis & piis vi-^{Religioso-}ris asseri debet, qui cum reliqua anni parte in ^{rum vo-}vtriusque vitæ operationibus se exercent, plus ^{luntarius}actuolæ quàm contemplatiuæ tribuentes, vt pro ^{secessus}proximi salutem foueant, in illo saltem iusto spatio, ^{quanta sit}quod sibi solis eligunt, ac decernunt, vt toti diuinis vacent rebus, sanctum otium assumunt omni negotio magis fructuosum, imò ipsis negotiis mox resumendis fructuosissimum. Sicut tunc animus à curis externis segregatus faciliore suauitate erigitur in Deum, cui soli diuturniore potest attentione & affectu vacare; ita ex hac cum Deo consuetudine plurima reportat beneficia, ad sui

*Solitariū
loquitur
Deus.*

D. Amb.
lib. 3. Of-
fic. cap. I.
*Domini no-
stri fre-
quentes se-
cessus ad
solitudi-
nem.*

ipſius & proximi maiorem vtilitatem. Hoc ge-
nus vtilis operoſique otij oſtenſum nobis eſt ad
imitationem in ſanctiſſimo Moyſe, diuinitus ad
populi fidelis vtilitatem electo. Hic vir, vt onus
regiminis ſibi commiſſi poſſet felicius ſuſtinere
ac proſequi, fuit à Deo ad montem euocatus, re-
liſta prius omni populi externa cura : in eoque
monte moras traxit quadraginta dierum, ſolus
cum Deo agens, vbi quidem verum otium ha-
buit, ſed negotioſum & vtile; quia à Deo, quo
cum colloquia trahebat, hauſit præcepta, docu-
menta & ſcientiam ad maius bonum & vtilitatem
populi commiſſi. Inde reportauit tabulas legis,
diuini item cultus ritus & cærimonias, & tam
cordis quàm capitis illuſtationem : quemadmo-
dum ex alio ſimili ſeceſſu hauſit illas delectatio-
nes & ſuauitates, quas Capite x. prioris libri di-
ximus. Quod otium conſiderans diuus Ambro-
ſius, & cum eo Scipionis Africani conferens,
ſicuti in Moyſis otio declarat antiquitatem ma-
iorem, ita etiam laudat maiorem vtilitatem. *Cuius autem maiora negotia, quàm huius otia* (ait bea-
tus Ambroſius) *qui quadraginta diebus poſitus in
monte totam legem complexus eſt, & in illa ſolitudi-
ne qui cum eo loqueretur non deſuit.* Ipſe Dominus
noſter, vt nos ad hunc vtilem ſanctumque alicu-
ius pij ſeceſſus vſum animaret, ſtatuit in ſe ipſo
eum frequentare, & in ipſius frequentia præ-
ſcribere formam, quam debebant boni diſcipuli
deinceps æmulari, vt virtutum quarumdam ope-
ra poſſet vnusquiſque facilius explere. Dignum
certè obſervatione eſt, quod cognoviſcimus à Do-
mino noſtro ad hanc rem frequentatū. Legimus,
quòd ipſe, quoties opus eſſet aggreſſurus extra-
ordi-

ordinarium, priùs ad solitudinem se recipiebat, ubi moras trahens modò longiores, modò breuiiores, iuxta operis mox sumendi qualitatem, se ipsum præparabat ad pium munus. Id in primis videre nobis nunc licet ab ipso obseruatum ante initium suæ prædicationis & manifestationis, quæ sicut tres continuos annos erat perduratura, ita secessum habuit ceteris longiorem: nam in desertum concedens locum, in asperrimo ieiunio Math. 4. & in assidua oratione quadraginta dierum & totidem noctium integrum expleuit curriculum, non sine communis hostis admiratione & conturbatione. Eosdem deinceps secessus in prædicationis progressu frequentes habuit variis anni temporibus: inter hos, illum præcipuè offero à sancto Euangelista Luca descriptum, antequam Dominus noster aggrediretur electionē Apostolorum, quorum opera uti volebat in orbis restauratione. Quamuis Dominus noster probè cognosceret & qualitatem eligendorum, & euentum electionis, voluit nihilominus se priùs ad montem recipere, ibique, ab omnibus subductus externis tumultibus, Deum Patrem in oratione consulere; ut nobis ostenderet, quid facere nos deceat quibusdam anni temporibus, in quibus vel insigniora recoluntur Sacramenta, vel pietatis extraordinaria opera sunt à nobis arripienda. *In illis diebus*, ait sanctus Euangelista, *exiit in-* Lucæ 6. *montem orare, & erat pernoctans in oratione Dei.* Hoc insigne Domini nostri facinus expendens beatus Ambrosius, vrget illud in exemplum omnibus viris pietate insignibus illis verbis ad rem D. Ambr. lib. 5. in Lucam. nostram opportunis: *Species tibi datur, forma præscribitur quam debeas amulari. Quid enim te*

pro

pro salute tua facere oportet, quando pro te Christus in oratione pernoctat? quid te facere convenit, cum vis aliquod officium pietatis adoriri, quando Christus missurus Apostolos oravit prius, & solus oravit? Hanc à Domino nostro traditam voluntarij secessus formam, tempore præsertim alicuius egregij operis mox assumendi, plures tenuerunt insignes Ecclesiæ sancti viri tum antiqui tum recentes, non sine propria & aliorum utilitate. De

*S. Norberti
amor soli-
tudinis, &
fructus
egregij.*

Apostolico viro sancto Norberto, Ordinis Canonicorum Regularium Præmonstratensium Institutore, scriptum reliquit B. Hugo discipulus & successior, quod post adeptionem Apostolicæ vitæ, quam, relicto curiæ Cæsareæ splendore, cui se tradiderat, & amplissimis facultatibus quibus abundabat, sibi delegerat, sicuti in hæreticorum ad fidem Orthodoxam, & peccatorum ad pœnitentiam conuersionem operam impendebat strenuam, ita solitudinem Præmonstrati habens in deliciis, ad eam frequens se recipiebat, ut ad opera Apostolica feruidius subeunda esset paratus. Quare dignus aliquando fuit in eadem solitudine insignes à Deo recipere internas cordis illustrationes & impulsus ad omnia virtutis opera præstanda, præsertim ad promouendam in Ecclesia Dei Ordinis tam præclari fundationem & propagationem. Post sæcula multa beatissimus

*S. Francisci
de Paula
secessus vo-
luntarij.*

Franciscus, de Paula dictus, in Calabriæ solitudinibus admodum frequens, tantos ibidem hausit diuini spiritus ardores, ut ex solitudine ad fundationem noui Ordinis Religiosorum, quos ex humilitatis studio voluit appellari Minimorum, se contulerit.

Felices, qui nouerunt huius sanctæ segregationis

nis imitationi operam dare; non solus enim Hymnodia rectus usus, sed etiam omnis virtutis progressus magnam hauriret utilitatem. De nostro Alexandro Saulio, cuius vitæ sanctitas non solum apud nostrum Ordinem, sed etiam apud totam Christi Ecclesiam nota est & celebris, ob insignes virtutes; quas, tum in Regulari vita tum in Episcopali dignitate existens, ad publicum bonum exercebat, testatum habemus, quod tamquam alter Moyses, ut animas sibi concreditas posset facilius & securius dirigere ad viam salutis, dum in insula Corsicæ Episcopus esset, cuius etiam dictus est Apostolus, quamvis per totum anni tempus esset sacrae Hymnodia studiosissimus, ita ut non contentus solito Hymnodia usu, quam cum suis Canonicis in choro semper explere conabatur, solus in proprio Oratorio alium præterea Hymnorum numerum recitare quotidie vellet genibus semper positus, & aperto capite, ex quo non semel prodire visi sunt clarissimi lucis radij; tamen ad montem solitudinis se recipiebat semel saltem in anno, nimirum ad Claustra Religiosorum, quibus cum per id temporis, omni regiminis cura in Vicarium reiecta, vitam communem agebat tam in victu quam in disciplina chori, conueniens cum ceteris Religiosis, qui ut plurimum erant vel Capucini, vel Observantia sancti Francisci (nulla existente in ea insula nostri Ordinis domo) ad omnes Horas Canonicas tum diurnas tum nocturnas. Translatus ad Ticinensem Episcopatum, statis anni temporibus se ipsum recipiebat ad nostri Ordinis Collegium, ubi nihil de regulari disciplina remittens, per plures dies Deo diuinisque vacabat rebus, maioriq[ue]

*Alexandri
Saulij an-
nui seces-
sus.*

*Paul. Bell.
Orat. de
Alex. Saul.*

*1700
1701
1702
1703*

maiori긑ue studio virtutibus animi colendis operam dabat. Quem fructum inde sibi compararet ad vitæ perfectioris sanctitatem ostendunt miri effectus, quos omnipotens Deus, ad populorum eius nomen inuocantium vtilitatem, quotidie operari dignatur; quemadmodum testantur innumera ferè tabellæ, tum ex argento tum ex pictura à populis oblatae, quæ in Cathedrali Papæ Ecclesia appensæ conspiciuntur. Utinam qui hæc cognouerunt, studere aliquando decernant vitæ puritati, & sensuum opportuna collectioni, vt progressus in dies maiores mereantur adipisci, & comparare. Et sicuti per anni circulum sanctiora quædam tempora nobis offeruntur, quia tunc sanctiora recoluntur mysteria; ita attentione pietatēq; maiore in Hymnodicæ vsum incumbamus, animum prorsus liberum ab omni alia occupatione colligentes in vnum Deum, quem colimus, & veneramur. Quo præsertim tempore deberent pij psallentes omni studio & opera incumbere, vt eas rectè psallendi condiciones hoc Libro descriptas omni explerent ac exercerent perfectione, & defectus, quos Libro proximè sequenti cauendos monebimus, omnino expurgarent; quæ, vt faciliùs memoriæ commendentur, sequentibus versibus comprehensa subiicio:

Thesaur.
Theolog.
verbo Hora
Canon.

*Cum Domino psallis, psallendo bis tria serues.
Mens sit sublimis, pes iunctus, visus in imo:
Erige cor sursum, profer benè, percipe sensum.
Dum licet, in medio fac pausam, nec trahes finem;
Et non posterior versus prius incipiatur,
Anterior donec perfecto fine sonetur.*

D E

ECCLESIASTICA
HYMNODIA

LIBER TERTIVS:

De defectibus in Hymnodia
cauendis.

CAPVT I.

*Quantum expediat psallentibus ab omni
genere defectus cauere.*

ICVT vera ac perfecta ratio
Hymnodia laudans inuocat Do-
minum, cumque exorat, nec aliud
est Psalmodia quam oratio cum
melodia, vti aduertit Lyranus ad Lyran. in.
ea verba Apostoli Pauli, *Orabo* 1. Cor. 14.
spiritu, orabo & mente; psallam spiritu, psallam &
mente; ita huic canoræ orationi non semel euenire
potest ille infelix exitus, quem alter Apostolus
euenisse scripsit fidelibus quibusdam dicens: Pe- Iacob. 4.
titis, & non accipitis, eò quod malè petatis. Quod
monitum si rectè expendatur, docebit nos con-
ditiones ad rectum Hymnodia vsum spectantes.
Aduertendum est, non dixisse Apostolum istum,
ideò

*In oratione
possunt peti
bona malè.*

ided non fuisse eos Christianos exauditos, quia mala peterent, vti contingit aliquando peti ab improbis, qui vindictam aliàsve turpes satisfactiones petunt, sed quia malè petissent. Possunt peti à Deo bona, sed malè, & tunc orationes & preces nil operantur, quasi non fuissent factæ. Nam illud habemus solemne in Iure proloquium; Paria esse aliquid non facere, aut non facere rectè, seu legitimè quoad substantialia. Ne nostræ Hymnodix fructus & labores deperiant, ob defectus qui in illa admitti possunt, expedit ad complementum nostri instituti Operis ostendere, à quibus defectibus sit præcipuè cauendum, ne malè expleatur Hymnodix exercitium.

*Defectus
Psalmodia
etiam leues
astimandi.*

Defectus cauendi cùm alij ad essentiam seu substantiam pertinere possint, alij autem ad modum seu qualitatem, & ab illis ex necessitate, ab istis ex perfectione sit abstinendum, vtrique sunt à nobis declarandi; quia omnibus psallentibus in choro debitores sumus, non iis tantum qui præcepti rigorem respiciunt, sed etiam illis, qui perfectionis studiosi, ad supremum psallendi gradum nituntur. De omnibus præstat agere, vt omnes queant caneri. Nec vanum aut superfluum censere quisquam debet, si audiet reprehendi etiam leuia & minima errata; quia nec minima, nec leuia reputanda sunt, quæ in choro, siue studiosè siue ex negligentia, siue ex inaduertentia siue ex quacumque alia causa, admittuntur. Quæ

*In operibus
Dei nullum
erratum
leue.*

aliàs essent leuia aut ratione materiæ, aut ratione suæ conditionis, magna & grauiora habenda sunt à cognoscentibus tum sublimitatem operis quod persoluunt, tum loci sanctitatem in quo motan-

tur,

tur, tum dignitatem Dei quem alloquuntur psal-
lentes; crescere namque erratorum grauitatem ex
hisce capitibus, communis est Theologorum sen-
sus. Hinc quæ in sæculi hominibus vel leuia pu-
tarentur, vel etiam nihil, ea in Monasteriis &
personis Deo dicatis grauiora semper fuere asser-
ta à sanctis viris; quemadmodum asserere solita
erat S. Paula Romana. Hinc diuus Bernardus in-
ferebat, otiosa verba, quæ in ceteris sæculi homi-
nibus sunt nugæ, esse in ore eorum qui sunt Deo
initiati blasphemias. *Inter saculares nuga sunt, ait,
in ore Sacerdotis blasphemia.* Imò vult, si vsus ac-
cedat, eorum grauitatem excrefcere ad sacrile-
gium: *Consecrasti os tuum Euangelio, talibus* (otio-
sis verbis) *iam aperire illicitum, assuescere sacrile-
gium est.* Loci item sanctitas auget delicti graui-
tatem; & quod in locis profanis esset simplex pec-
catum, fit propter Ecclesiæ sanctitatem sacrile-
gium. Respectu item Dei, ad quem dirigitur
Hymnodicæ cultus, grauiora censentur coram ipso
(nempe in Ecclesia, vbi Deus modo residet sin-
gulari, & Hymni decantantur) commissa delicta;
sicut grauius quoque puniuntur in foro humano,
quæ in oculis Principum commissa probantur.
Nulla itaque in choro commissa errata dicenda
sunt leuia, nec item leges, ad hos minutiores ca-
uendos defectus traditæ, dicendæ sunt leues, quia
spectant ad Dei cultum perfectum & absolutum.

Hinc prodierunt in Dei Ecclesia tot ordina-
tiones, à Religiosis præsertim viris sanctæ per-
fectionis verè studiosis ad amissim obseruatæ,
circa chori & Hymnodicæ disciplinam, vt diuinæ
expleantur laudes ea pietate quæ tantum munus
decet. Minutiora profectò sunt quæ ad hanc rem

Ex D. Hie-
ron. Ep. 17.
ad Eustoch.

D. Bernar.
lib. 2. de
Confid.
cap. 13.

Delictorum
grauitas ex
quibus au-
geantur ca-
pitibus.

Minutiores
ritus obser-
uandi à
psallenti-
bus.

*Regula de
disciplina
chori apud
Clericos
Regulares
S. Pauli.*

præscripta habemus, & Dei gratia hucusq; obseruamus in nostra Congregatione nos Clerici Regulares Paulini, vti, Qua munditia vestium & crepidarum sit ad chorum conueniendum; Qua modestia in chori ingressu sumenda aqua benedicta; Quo modo, & quando standum, aut sedendum; Quo item modo, & quando manus iungendæ; Quo ordine tum in accendendis tum in extinguendis luminibus ad altare incipiendum (quia nimirum à vicinioribus sanctissimæ Eucharistiæ tabernaculo sit exordiēda illuminatio, à remotioribus verò extinctio;) Quo modo manus tenendæ à Lectoribus in medio chori; item, Quo modo excreatus ipsi, & necessariæ narium purgationes faciendæ, ne quemquam offendant; Qua item aduertentia expuendum, ne aut solum aut subsellia fœdentur. Statutas etiam habemus cuique lapsui pœnas, ab vnoquoque statim explendas. Qui, siue Sacerdos siue Clericus, vel in pronuntiatione, aut in munere aliquo manifestum committit errorem, statim, absque monitione vlla procumbens, terram deosculatur. Qui ad pronuntiandos versiculos Horarum explet munus, si errare contingat, statim in fine Hymnodia in medio chori positus, brachiis extensis in modum crucis tamdiu manet, donec à Superiore fiat ei aliquo signo potestas surgendi. Alia his minutiora, sed non superflua, habemus. Sicut in diuinis numquam satis potest ab homine fieri; ita nullæ diligentia, quamuis minutissimæ, habendæ sunt aut inutiles, aut nimia: nec multò minùs appellandæ erunt Iudaicæ superstitiones, quemadmodum aliquando ex ore negligentiorum excidere cōringit, non sine graui diuini cultus iniuria.

Idcirco

Cultus diuinus diligentiā exigit singularem.

Idcirco sancti viri soliti fuere magna animadu-
uertere seueritate in eos, qui tempore Hymnodiaë
aliquem admitterent lapsum. Hisce nostris tem-
poribus de B. Aloysio Bertrando proditum est, ^{Vincent.}
quod, dum Conuentum regeret, soleret Feria Iustin. in
sexta in Capitulo culparum tanto rigore reprehē- ^{Vita.}

dere & punire errata in choro, sicut alia huius-
modi minutiora circa Regularem disciplinam, vt
dies videretur Iudicij. Superiore item sæculo Ioā-
nes Houhton Anglus, Carthusiani Ordinis fer-
nidissimus alumnus, Prior Londoniensis Car-
thusiæ, qui sanguinem ac vitam maluit tradere,
quàm ab Ecclesiæ Catholicæ recedere vnitatem in
Anglicano Schismate, tanta erat erga perfectum
Psalmodiæ vsum affectus veneratione, vt errata
quælibet, etiam leuissima, existimaret magna &
grauia, ob grauitatem iniuriæ loco, muneri ac
Cælitibus irrogatæ, acriterque in illa inuehebatur
in Capitulis culparum. verba nonnulla ab isto
Religioso verè sancto ad hanc rem aliquando
prolata in Capitulo, quia vna chori pars in cantu
illius Dauidici versiculi, *Dextera Domini fecit*

^{Psal. 117.}

virtutem, errauerat, audire non pigeat ad nostram
eruditionem, & excitationem. O fratres carissi-
mi, ait, *quid fecimus hac nocte? errauimus in Psal-*
modia Dei nostri. clamemus culpas nostras. Valde
malum est, quod nos, qui officium Angelorum exe-
quimur, talia errata in cōspectu Dei & Angelorum
cōmittimus. Illi numquam errant, & nos per nostras
negligentias & incurias errauimus: quod optime fa-
cere debemus, negligenter fecimus. Si serui inutiles
sumus, cū omnia fecerimus, quales sumus ex hoc
defectu nostro? Non fiat amplius hoc inter nos. Si
offerat quis Regi terreno claudum, languidum, sine

<sup>Hist. Mart.
Anghæ c. 4.</sup>

*maculosum, nonne respuet? nonne displicebit illi talis oblatio? reprobatus erat Cain, non quia non obtulit hostiam Deo, sed quia obtulit de peioribus: electus autem erat frater eius de optimis offerens. Quid dicerent carnales domini servis suis incaute se habentibus circa ministerium suum? Illi cum maxima diligentia & perniligi aduertentia omnia fieri circa se volunt, nos autem negligentes fuimus in seruitio Dei nostri, Regis Regum & Domini Dominantium. Timeo quod tales exurgent in iudicio contra nos, & illa eorum exquisita opera nos pro nostris incuriis & negligentijs condemnabunt, ad stipulante eis illa comminatoria voce & terrifica Dei sententia: Maledictus qui facit opus Dei negligenter. quod Deus misericors auertat à nobis. En quanta sermonis seueritate, verborumq; emphasi, & sententiarum grauitate vir diuini cultus zelator vnicum erratum, quod plerique paruifacerent, exaggerauit, ac reprehendit. At, quod magis est, & quod magis conducit, ad cognoscendum hanc in diuino cultu exactam diligentiam, non esse dicendam aut vanam, aut nimiam, Deus ipse variis ac grauissimis pœnis voluit aliquando in rituum sacrorum transgressores animaduertere. Terribile est quod narratur de quodam Monacho, dum, cum aliis in choro existens ad solemnem Missam decantandam, caput non inclinauit ad ea verba Symboli, *Et incarnatus est de Spiritu sancto ex Maria Virgine, & homo factus est*: nam statim ex diuina ordinatione adfuit demon, Iustitiæ diuinæ satelles, illi Monacho alapam grauissimam impingens; & clara voce dicens: Monache ingrate, quomodo sic stas erecto collo, cur non inclinas cum ceteris Monachis? Nonne audis, quod*

Ierem. 48.

*Rituum
negligentia
à Deo pu-
niuntur.*

Speculum.
Exemp.
Dist. 9. c. 75

quod cantatur factum pro te? si propter me miserum id fecisset Deus, ego illi perpetuò me inclinarem. Mitior tamen est hæc pœna, duriores seuerioresque sunt illæ, quæ infliguntur post hæc vitam mortalem Religiosis negligentioribus in iis quæ ad Hymnodiam pertinent.

Euentum describunt Historiæ S. Francisci de quodam Religioso, qui à duobus amicis visus est post mortem inter compedes ignis constrictus maximo torqueri ardore. Interrogatus ob quam

Chron.

S. Franc. 4.

P. c. 59.

causam tali pœnæ esset addictus, respondit, Ob negligentias in diuini recitatione Officij commissas in eodem loco, vbi apparitio ista fiebat, nimirum in choro. En quanti sunt faciendæ diligentia in ritibus, etiam minutioribus, obseruandis, dum agitur de cultu diuino. Non igitur dicenda erunt leuia errata, propter quæ Deus tam duras infligit pœnas, quales sunt pœnæ ignis Purgatorij.

Simili argumento D. Bernardus aliquando ostendebat Monachis suis grauitatem errorum circa cuiuslibet exterioris disciplinæ obseruantiam in Monasteriis, & circa negligentias leuiiores, dicens: Scitote, quia post hanc vitam in Purgatorij

D. Ber. Ser.

in obitu

Humberti.

purgabilibus locis ceterupliciter, quæ fuerint hic neglecta, redduntur vsque ad nouissimum quadrante.

grauitas
pœnatum.

Scio ego quia durum est homini dissoluto, apprehendere disciplinam; verboso, silentium pati; vagari solitum, permanere; sed durius & multò durius erit, futuras illas molestias tolerare.

Hanc ob causam non dedignati sunt summi viri omnem operam nauare tradendis præceptis, ad minutiores quosque ritus in hoc munere diuinarum laudum obseruandos, spectantibus. Gloriosissimus Dauid, Hymnorum præcipuorum

L. I. C. III.

*Sanctorum
virorum
diligentia
in rituum
observa-
tione.*

D. Bern.
Serm. 47.
in Cant.

auctor, non recusauit hanc humilem curam, docens in vltima senectute, vti superius diximus, Leuitas decantare Psalmos à se compositos. Sanctissimus Doctor Bernardus, sacre Hymnodie studiosissimus, non solum Monachos suos ad perfectionem ceterarum virtutum excitabat, sed etiam ad huius sancti muneris exactissimum studium vrgebat, descendens ad minutiores quasdam qualitates, vt admirationem non modicam relinquat legentibus; nam descendit ad modum pronuntiandi verba, imò etiam ad modum soni, qui in pronuntiatione cōtingere posset molestus. Huius sanctissimi Patris verba afferam ad nostrā æmulationem: *Vos moneo, dilectissimi, purè semper ac strenuè diuinis interesse laudibus. Strenuè quidem, vt sicut reuerenter, ita & alacriter Domino assistatis, non pigri, non somnolenti, non oscitantes, non parcentes vocibus, non pracidentes verba dimidiata, non integra transilientes, non fractis & remissis vocibus, muliebri quidquam balba de nare sonantes, sed virili, vt dignum est, & sonitu & affectu voces sancti Spiritus depromentes. Si tanta diligentia vigilandum est circa obseruationem eorum rituum qui solam Hymnodie æqualitatem respiciunt, quam diligentiam par est adhibere circa ea quæ vitare possunt substantiam, nimirum vel intentionem, vel attentionem, vel integritatem? Tutius est cauere à minutionibus defectibus, vt grauiores faciliùs euitentur: vt autem omnes caueantur, de omnibus est instituentus sermo opportunus.*

CAPVT II.

De defectibus circa intentionem.

IN ipso Hymnodia ingressu contingere possunt varij defectus circa intentionem, quam vnusquisq; psallētium debet habere rectam, si munus suum explere velit absque culpa. Hæc intentio est actus voluntatis, qui alio nomine dici potest finis psallentium. Nisi adsit intentio, & finis aut orandi Deum, aut propriæ obligationi satisfaciendi, talis recitatio non solum nullius erit valoris apud Deū, sed etiam grauis culpæ fiet rea. est enim omnino necessaria intentio opportuna. Sicut Officium diuinum ab Ecclesia est institutum ad orandum & laudandum Deum, ita eadem intentione debet ab Ecclesiasticis personis expleri. Si quis Psalmos decantaret, vel Breuiarium legeret ad alium finem, videlicet vt tempus in ea lectione consumeret, vel vt Psalmis studeret, vel vt curiositati seruiret, is vtique non diceretur orare, neque præcepto satisfaceret; quia licet verba illa sint directæ ad Deum, tamen cum ad Deum non referantur à legente, non poterit inagis dici, quòd Deum tunc alloquatur, aut exoret, quàm Deum alloquatur, & exoret, quando alios libros de Deo tractantes legit. De huiusmodi legente posset verè dici, quòd Hymnos recitet Deo labiis dolosis, seu lingua mēdaci: nam quod ore profert, cordis intentione non dirigit in Deum; quem existimabat grauem reatum sanctus Hymnographus, & abhorrebat, & detestabatur, idcirco nō dubitauit dicere Deo, se numquā fuisse in eo vitio, quia studuerat semper rectæ intentioni præponendæ: *Auribus per-* Psal. 10.

L. I. C. III.

*Sanctorum
viro-
rum
diligentia
in rituum
obserua-
tione.*

D. Bern.
Serm. 47.
in Cant.

auctor, non recusauit hanc humilem curam, docens in vltima senectute, vti superiùs diximus, Leuitas decantare Psalmos à se compositos. Sanctissimus Doctor Bernardus, sacræ Hymnodia studiosissimus, non solùm Monachos suos ad perfectionem ceterarum virtutum excitabat, sed etiam ad huius sancti muneris exactissimum studium vrgebat, descendens ad minutiores quasdam qualitates, vt admirationem non modicam relinquat legentibus; nam descendit ad modum pronuntiandi verba, imò etiam ad modum soni, qui in pronuntiatione cõtingere posset molestus. Huius sanctissimi Patris verba afferam ad nostrâ æmulationem: *Vos moneo, dilectissimi, purè semper ac strenuè diuinis interesse laudibus. Strenuè quidem, vt sicut reuerenter, ita & alacriter Domino assistatis, non pigri, non somnolenti, non oscitantes, non parcentes vocibus, non pracidentes verba dimidiata, non integra transilientes, non fractis & remissis vocibus, muliebre quidquam balba de nare sonantes, sed virili, vt dignum est, & sonitu & affectu voces sancti Spiritus depromentes. Si tanta diligentia vigilandum est circa obseruationem eorum rituum qui solam Hymnodia æqualitatem respiciunt, quam diligentiam par est adhibere circa ea quæ vitare possunt substantiam, nimirum vel intentionem, vel attentionem, vel integritatem? Tutius est cauere à minutoribus defectibus, vt grauiores faciliùs euitentur: vt autem omnes caueantur, de omnibus est instituentus sermo opportunus.*

CAPVT

CAPUT II.

De defectibus circa intentionem.

IN ipso Hymnodia ingressu contingere possunt
 varij defectus circa intentionem, quam unus-
 quisq; psallērium debet habere rectam, si munus
 suum explere velit absque culpa. Hæc intentio est
 actus voluntatis, qui alio nomine dici potest finis
 psallentium. Nisi adsit intentio, & finis aut orandi
 Deum, aut propriæ obligationi satisfaciendi, talis
 recitatio non solum nullius erit valoris apud Deū,
 sed etiam gravis culpæ fiet rea. est enim omnino
 necessaria intentio opportuna. Sicut Officium di-
 uinum ab Ecclesia est institutum ad orandum &
 laudandum Deum, ita eadem intentione debet ab
 Ecclesiasticis personis expleri. Si quis Psalmos
 decātare, vel Breuiarium legeret ad alium finem,
 videlicet ut tempus in ea lectione consumeret, vel
 ut Psalmis studeret, vel ut curiositati seruiret, is
 utique non diceretur orare, neque præcepto satis-
 faceret; quia licet verba illa sint directæ ad Deum,
 tamen cum ad Deum non referantur à legente,
 non poterit magis dici, quod Deum tunc allo-
 quatur, aut exoret, quam Deum alloquatur, &
 exoret, quando alios libros de Deo tractantes le-
 git. De huiusmodi legente posset verè dici, quod
 Hymnos recitet Deo labiis dolosis, seu lingua mē-
 daci: nam quod ore profert, cordis intentione
 non dirigit in Deum; quem existimabat grauem
 reatum sanctus Hymnographus, & abhorrebat,
 & detestabatur, idcirco nō dubitauit dicere Deo,
 se numquā fuisse in eo vitio, quia studuerat sem-
 per rectæ intentioni præponendæ: *Auribus per-* Psal. 10.

cipe orationem meam, non in labijs dolosis. Necessaria est intentio exorandi aut laudandi Deum, sicuti intendit Ecclesia, quæ præceptum imposuit.

Verùm ne hinc pateat timidioribus aditus afflictionis circa hanc intentionem, aduertendum est, quòd sicut intentio hominis ad huiusmodi actiones duplex esse possit, explicita, aut implicita, ita alterutra istarum censetur sufficiens ad valorem & satisfactionem. Qui nouerunt ad quamlibet Hymnodiaë horam renouare actualem intentionem ad Deum exorandum, isti ab omni defectus periculo longissimè absunt, perfectius item ac vtilius munus suum explent. Sed ad hanc intentionis altissimam perfectionem, quæ etiam viris sanctis est aliquando difficilis, ob naturæ vitiarum conditionem, non tenentur omnes. Satis censetur, si adsit virtualis intentio. Virtualis intentio dicitur illa, quæ ex virtute prioris intentionis depèdet: vt si quis summo manè statuisset ea die explere Officiũ diuinum, is, licet accederet ad singulas horas tempore suo recitandas absq; alia actuali intèntione, virtute illius primi actus dicitur habere virtualem intentionẽ. Actus enim hõminis ab initio dici elicitus dicitur durare, tam ad meritum quàm ad demeritum, per totum diem, nisi actu contrario retractetur. Hæc intentio virtualis reducitur ad positum caput primæ intentionis, nempe ad explicitam, est enim explicita, sed virtualis.

*Intentio
virtualis
quæ.*

*Intentio
implicita
qualis sit.*

Altera tandem datur intentio, quæ dicitur implicita, & hæc ex bona consuetudine ortum habet; vt quando quis solitus esset horas suas recitare ad Dei honorem, licet aliquando ad primam Officij diuini recitationem accederet absque præcedente explicita intentione, & audito signo conueniendi

ueniendi ad chorum, omiſſis omnibus occupa-
tionibus, pergeret ad Eccleſiam, vt cum aliis can-
taret, is diceretur habere implicitam intentionem
ad Deum, & ad ſuam obligationem: nam ſi in-
terrogaretur, cur ad hoc ſignum campanæ, cubi-
culo aut negotio relicto, Eccleſiam verſus pro-
grediatur, vtique reſponderet, Vt meæ ſatisfa-
ciam obligationi. Idem aſſerendum videtur eue-
nire, quando quis Breuiarium in manibus ſu-
mens aperit, vt vel ſolus vel cum aliis recitet, hic
dicitur habere intentionem implicitam: ſi enim
interrogaretur de cauſa talis ſumptionis, reſpon-
deret illicò, Vt ſuæ ſatisfaciat obligationi. Hæc
implicita intentio iudicatur ſufficiens, vt opus
culpa vacet, vt etiam meritum comparetur, &
etiam vt poſtulata in oratione obtineantur: niſi
hi effectus impetrationis & meriti impediuntur
ex ſuperueniente alio defectu.

Nunc ſermo eſt de ſola intentione, quæ eſt ne-
ceſſarium fundamentum bonæ & rectæ Pſalmo-
diæ, & omnis orationis tam ſimplicis quàm modu-
latæ. Hæc intentio eſt ille oculus humani cordis, *Intentio eſt*
de quo Dominus noſter in Euangelio pronuntia-
uit, quod ſi fuerit ſimplex, totum etiam corpus *oculus hu-*
reddit lucidum; ſi nequam fuerit, etiam corpus *mani cor-*
reddit tenebroſum. D. Bernardus de intentione *dis.*
agens, appellare eam non dubitat faciem animi *Lucæ 11.*
humani; quia, ex qualitate intentionis, coram *Eſt etiam*
Deo rectitudo operis, ſicut ex facie pulchritudo *facies a-*
corporis ab homine æſtimatur. Expendebat tunc *nimi.*
ſanctus Doctor illa Canticorum verba, *Pulchra* *D. Bernar.*
sunt genæ tuæ ſicut turturis. Sicut in facie adſunt *Serm. 40. in*
duæ genæ, ita in intentione conſiderantur duæ *Cantica.*
conditiones, res nimirum, & cauſa; id eſt, quid *Cantic. 1.*

intendatur, & propter quid. Ex his duabus conditionibus, vniuscuiusque animæ vel decor, vel deformitas iudicatur. Quæ anima ambas has conditiones rectas possidet, hanc sibi meretur à Deo & ab Angelis laudem: *Pulchra sunt genitura.* Quæ anima caruerit altera harum conditionum, non pulchra, sed deformis censebitur; quæ neutram habebit, multò deformior reputabitur. Ita proloquitur diuus Bernardus, vt suos Religiosos doceret, quanta intentionis puritate deberent ad bona opera facienda se præparare, vt laudem à Deo consequi mererentur.

*Intentio
bona vitia-
tur ex ma-
lo fine su-
peruenien-
te.*

Pergit docere ibi sanctus Bernardus, posse aliquando bonam intentionem reddi deformem ex aliquo malo fine, qui illi superueniat; sicuti in facie pulchra aliquando superuenit nævus aut macula ex accidente aliquo. Inter quas maculas suggerit illam quandoque familiarem etiam viris iustis, quando quis ad Deum intendens, non tamen propter solum Deum explet bona opera sua: *Intendere autem in Deum, sed non propter Deum, hypocrita plane anima est; cuius & si una facies decora videretur, quæ ad Deum qualicumque intentione respiciat, ipsa tamen simulatio omne decorum in ea exterminat.* Ex hac doctrina habemus, posse intentionem principalem boni operis deturpari ex aliis adiunctis finibus & intentionibus. Si quis ad rem nostram adiungeret intentioni orandi finem vtilitatis temporalis, is deprauaret bonitatem perfectam operis, eamque redderet vitiosam. Si Canonicus, vel alius de Clero, accederet ad chorum, præcipuè ob stipendium distributionum, quas consecuturus est ex Officij recitatione, intentionem primariam deprauaret, redderet-

*Fines varij
vitiantes
intentionem.*

redderetque vitiosam, & culpæ non modicæ ream; quia licet verè oret, malè tamen orat ex mala circumstantia adiuncta. Si quispiam chorum adiret, vt Prælati sui effugiat reprehensionem, aut pœnas à Regula vel Superiore statutas, is vtique deprauaret bonam orandi intentionem, eamque redderet vitiosam; quia potius timore pœnæ & respectu humano mouetur, quàm amore Deum laudandi; qui timor dicitur seruilis & vitiosus. Si alius choro frequens adesset, vt bonus haberetur, is etiam deprauaret rectam intentionem, eamque redderet deformem ac vitiosam.

Si alius ad chorum accederet, vt aliorum gratiam sibi conciliaret, is etiam intentionis rectitudinem deprauaret, eamque redderet vitiosam. De his omnibus dici poterit, quod de oculo nequam, qui totum corpus reddit tenebrosum, asseruit Dominus. Nam hæ intentiones prauæ licet non auferant substantiam operis quoad præcepti obseruationem, totum tamen opus reddunt tenebrosum quoad meritum, & quoad alios fructus spirituales; imò & displiceret ipsi Deo propter peccatum ex malo fine adiuncto admistum. Omnia hominis opera cùm

*Hominis
opera ex fine
desumunt
conditionem.*

ex fine desumant naturam & speciem, quamuis ex sui natura essent bona, bonitatem tamen amittunt, si adsit malus finis; hic enim suam illi operi communicat deformitatem. Magna porro hominum quorundam stultitia, qui laborem subeunt non leuem sine villo fructu spirituali, contenti solo temporali lucro distributionum, vel boni nominis, vel inanis gloriolæ, vel humani fauoris. O nos miseros, qui æterna amittimus pro tempo-

temporalibus, spiritualia pro materialibus, pretiosa pro vilibus!

- *Cordis intentio ex quibus dignosci queat indicia.* Non est difficile cuilibet cognoscere proprii cordis intentiones, si rectè discutere velit opera sua: non enim desunt indicia vehementia, ex quibus licet animadvertere proprios affectus. Qui ad chorum alacris procedit, quando nouit adesse Prælatus, vel alium qui eius nomine obseruat absentes, is indicia habet non obscura, quòd ad oculum seruit, non autem ex solo Dei amore & honore mouetur; si præsertim absque legitima causa se subtrahit à choro, quando nec Prælatus, nec alius ab eo substitutus, adest. Si alius promptus adesset, quando nouit se aliorum gratiam vel bonam opinionem consecuturum, alioquin excusationem conueniendi afferret, is indicium habet non obscurum, quòd ex vano fine mouetur. Si Canonicus libentiùs ad chorum accedit, quando nouit distributiones futuras pinguiore, quo tempore non accederet, si essent tenuiores, licet nullam tunc haberet iustam excusationis causam; vel si solitus sit non ingredi chorum nisi inchoata Hora; & vix adesse curet illi Psalmorum numero, iisque muneribus, quæ necessaria sunt vt possit lucrari distributiones; is indicium apertum habet, quòd potiùs lucri causa, quàm Dei amore aut honore conueniat. Maximum itaque studium adhibendum est circa hanc intentionem dirigendam in Deum, ne amittamus maiora & pretiosiora pro vilibus & ludicris bonis; imò ne, laborantes sine fructu & merito, magnam nobis ipsis comparemus pœnarum obligationem pro futura vita.

Non idcirco tamen Ecclesia priuatur fructu impetrationis,

petrationis, quem ipsa intendit decernens horum *Preces psal-*
 Officiorum vsum : nam eius intentio perfectissi- *lentium of-*
 ma est, & perfectissimè dirigitur in Deum, quam- *feruntur*
 uis ministri ipsius ad terram deflectant. Semper *nomine Ec-*
 namque ex parte Ecclesiæ Sponsæ, quæ has iussit *clesiæ.*
 preces, Deus se maximè glorificatum reputat :
 sicut etiam euenit in eleëmofynis quæ mittuntur
 à domino recta intentione ; non enim amittitur
 fructus, quamuis famulus eas deferens mouea-
 tur ab alio fine iniquo.

Quia autem asserimus, Ecclesiam non priua-
 ri suis fructibus spiritualibus ob vitiosam mini-
 stri particularis intentionem, operæ pretium erit
 hoc loco strictim declarare, quo modo Horæ
 Canonice dicantur esse Ecclesiæ, non autem re-
 citantium ; meliùs enim cognoscetur dignitas hu-
 ius Officij diuini. Dicitur Officium diuinum es-
 se Ecclesiæ, non autem recitantium ; quia ordi-
 natum est à publica potestate, & ministri ab Ec-
 clesia deputati recitant non proprio, sed ipsius
 Ecclesiæ nomine. In his duabus conditionibus *Pfallentes*
 sita est ratio publicæ & vniuersalis orationis, quæ *ex Officio*
 dicitur esse oratio Ecclesiæ, non autem ipsius re- *cur dicant-*
 citantis. Hinc est, quòd in hisce precibus re- *tur nomino*
 citantes, etiam si soli recitent, dicunt, *Ecclesiæ.*
Oremus, orate.

Benedicamus Domino; sibi etiam ipsis responden-
 tes, quod responderetur, quando cum aliis ora-
 rent. Hinc fit, vt si laicus persoluat easdem pre-
 ces Canonicas etiam in Templo cum aliis Eccle-
 siasticis, ob deuotionem erga preces ab Ecclesia
 ordinatas, non tamen dici poterit nec minister
 Ecclesiæ, cum non sit ab ea deputatus; nec publi-
 cam persolvere orationem, quia non est de cor-
 pore ministrorum, sed dicetur priuatim orare.

Deinde

Deinde si laicus iste careat debita intentione ad Deum, nec sibi ipsi obtinebit quæ postulantur, nec aliis, quia orat in peccato: at orationes publicæ ministrorum Ecclesiasticorum semper possunt & impetrare, & satisfacere ad beneficium aliorum, quamvis improbi sint & indigni. satis est, quòd Ecclesia, cuius nomine offeruntur, sit Deo grata. Hinc ea præclara verba ad rem nostram opportuna, quæ habentur in quadam Collecta à Sacerdotibus ad sacrum Altare celebrantibus usurpata, mirificè declarantia precum Ecclesiæ dignitatem & meritum apud Deum; quæ sine dubio gratiores censentur, quando à ministro etiam grato offeruntur. Verba Collectæ sunt ista:

In Missa
Feria 5.
Domin. 4.
Quadrag.

Purifica nos misericors Deus, ut Ecclesia tue preces, quæ tibi grata sunt, pia munera deferentes, fiant expiatis mentibus gratiores. En Ecclesiæ & ministrorum opera distincta in munere precum quæ in Sacrificio Altaris adhibentur, præter Sacrificium, quod semper est gratum ratione operis, ut dicitur, operati. In ista Collecta agitur de precibus, quas ante & post diuinissimam sacrificij oblationem adhibendas præscripsit Ecclesia ministris, ad maiorem tum ipsius Sacrificij reuerentiam, tum offerentium adstantium deuotionem & dispositionem. De istis itaque precibus duæ conditiones ad rem nostram opportuna ibi asseruntur. Vna est, quòd semper sint Deo gratæ, quia scilicet sunt preces Ecclesiæ, quæ semper est grata Sponso Deo. Altera est, quòd gratiores redduntur, quando minister, eas deferens & offerens, mente & corde existit purificatus. Studere debet psallens huic puritati intentionis, ut careat omni vitio; ne, ob defectus admissos, dum aliis proderit,

proderit, sibi ipsi noceat, quod esset magna demerita. Cauendi præterea etiam sunt attentionis defectus, quod declarabimus deinceps. Interim supponendum est, illud intercedere inter attentionem & intentionem discrimen; quod intentio pertinet ad voluntatem, & dicitur etiam propositum psallendi, seu precandi. *Intentionis & attentionis discrimen.* Intentio est actus intellectus, quæ propriè est aduertentia mentis suæ ad verba, siue ad sensum verborum, siue ad Deum, de qua præcedenti actum est Libro, nunc autem de eiusdem defectibus est differendum.

CAPUT III.

Attentionis defectus quales.

TANTA est in attentione vis posita ad onus diuini Officij rectè explendum, vt si illa desit voluntariè, corruat omnis labor assumptus à cantantibus & recitantibus Canonicas preces, vt fusè traditum est Libro præcedente, & magis ac magis hoc comprobabitur loco. David huius attentionis acquisitioni maximè studebat, modò illam excitans in principio orationis, modò illam à Deo postulans, modò illam reuocans, si quando abiret. *Davidis studium circa attentionem.* Quantum ad excitationem, noti sunt psallentibus varij affectus huius sancti Prophetæ ad animam propriam, eam interpellans, vt se ad rectè psallendum componeret ac excitaret. Huius generis insignior affectus videtur ille à diuo Gregorio Nysseno obseruatus ad ea verba, *Exurge gloria mea, exurge psalterium & cithara.* *Psal. 56.* vbi David, sicuti agebat de suauis Hymnorum decantatione in Dei honorem & gratiarum actionem,

actionem, ob ingentia ab ipso Deo accepta beneficia, ita exclamabat : *Exurge psalterium & cithara*. Qui textus, si quantum ad litteram attenditur, inuitat per figuram prosopopœiam instrumenta ista inanimata ad psallendum apta : at à

*Attentio
vera exigit
oris & cor-
dis unio-
nem.*

diuo Gregorio ad sensum mysticum transfertur, & in iis duobus instrumentis considerat duplicem hominis portionem, internam nimirum & externam, quam Dauid excitare volebat, ad harmoniam & concentum diuinarum laudum. Nam sicuti in manu Dauidis illa duo instrumenta conueniebant concorditer vnita ad laudandum Deum, ita nisi cor & os concorditer vniantur in Hymnodia, minimè ista poterit Deo esse grata, & placita; quemadmodum grauitè asseruit beatus

B. Laurent.
Iustin. in
Ligno vi-
tæ de Orat.
cap. 6.

Laurentius Iustinianus dum loqueretur de oratione, cuius verba subtexo ad maiorem fidem : *Ipsa est suauissima orationis harmonia, quando vox cognoscitur animo consonare : nam si hæc duæ res discrepabili sibi varietate dissentiant, nequaquam possunt gratam Deo orationis facere cantilenam*. Vt autem posset Dauid quam sibi proponebat attentionem Deo conseruare, quia nouerat omnem humanam diligentiam futuram inutilem, nisi Deus suam præstaret benignam misericordiæ gratiam, Deum humiliter exorabat, vt hanc sibi concederet gratiam orandi sine euagatione mentis, & dicebat : *Dirigatur Domine oratio mea sicut incensum in conspectu tuo*. Directam

*Attentio
animi à
Deo postu-
landa.*

postulabat in Deum suam orationem, non distractam, incensoque similem volebat; quia fumus illius aromati, nisi vi maiori impediatur, in sublimè rectè tendit, nec deorsum flectitur. Si oratio externis deprauetur cogitationibus, ait sanctus

Psal. 140.

Directam

*Oratio at-
tentia simi-
lis incenso.*

postulabat in Deum suam orationem, non distractam, incensoque similem volebat; quia fumus illius aromati, nisi vi maiori impediatur, in sublimè rectè tendit, nec deorsum flectitur. Si oratio externis deprauetur cogitationibus, ait sanctus

D. Hilar. in
Psal. 140.

lime rectè tendit, nec deorsum flectitur. Si oratio externis deprauetur cogitationibus, ait sanctus

ctus

Atus Hilarius, non dirigitur ad Dei conspectum
 tamquam fumus incensi. Rectè autem exposci-
 tur & expectatur à Deo hæc cordis perfecta at-
 tentio, quia solius est Dei donum. Hinc alij san-
 cti viri, vt se ad attentam disponerent oratio-
 nem, Dauidem imitati, hanc attentionem à Deo
 exorabant. De sancto Gregorio Magno refertur,
 quòd numquam se aut ad diuinarum Litterarum
 studium, aut ad orationem conferre solitus es-
 set, nisi præmissa oratione ad Deum, vt compe-
 scere dignaretur vim & insidias diaboli, qui seni-
 per adest paratus orare cupientibus, vt eos pulue-
 re terrenarum cogitationum conspergat. In cuius
 rei figuram describitur in sacra Genesi quorum-
 dam populorum, qui dicebantur Allophyli, ma-
 xima in sanctum Isaac animi peruersitas. Nam
 hic sanctus vir foderat sibi aquæ puteos ad sitim
 explendam, sed Allophyli eosdem puteos terræ
 congerie replebant, vt aquam impedirent inuen-
 tam. Hanc Allophyliorum improbitatem dæmo-
 nibus accommodat idem sanctus Gregorius, dum
 ostendit, quòd à malignis spiritibus soleret im-
 portunis cogitationibus affligi, quando ad diui-
 narum Scripturarum contemplationem se con-
 ferret. Imò tradit, eandem molestiam passum
 esse Dauidem in suis ad Deum precibus, vt ex-
 clamare cogeretur: *Declinate à me maligni, &*
scrutabor mandata Dei mei. Quam orationem
 consulerem his, qui aduertunt in se ipsis cogita-
 tionum externarum importunam vim tempore
 diuini Officij. Sicut enim Dauid illa oratione
 dæmones fugabat, ita eosdem fugabit à nobis
 hæc oratio, si rectè vsurpetur.

Genes. 26.

Diabolus
 attentio-
 nem cordis
 exturbat.
 D. Gregor.
 lib. 7. Mo-
 rah. cap. 8.

Psal. 118.

Qui propriæ obligationis obliti ex proposito

Ff

cua-

*Euagantes
voluntariè
non satis-
faciunt re-
citationis
obligationi.*

euagantur, vel euagationes voluntariè tolerant, cuiusmodi sunt multi, qui ita ad alia distrahūtur suis cogitationibus, vt neque memores sint, an recitauerint, & an fuerint cum aliis in choro (nam mente euoluunt tempore diuini Officij negotia, lites, pecunias, ac si essent in foro & in nundinis) hi omnem fructum impediunt, nec satis præcepto faciunt, imò & peccatum committunt, iuxta doctrinam sancti Thomæ. De quibus poterit dici cum sancto Cypriano: *Quomodo*

D. Thom.
2.2. q. 83.
ait. 13.

te audiri postulas, cum tu ipse non audias? vis esse Deum memorem tui cum rogas, quando tu ipse memor tui non sis? Numquam dici poterunt orare Deum, qui mente à Deo aliena psallunt. Hinc

1. Reg. 1.
D. Chrys.
Hom. 1. de
Anna.

D. Chrysostomus, expendens quod dicitur de Anna matre Samuelis, quòd scilicet orasset in conspectu Domini, ait, quòd nō sit dicendus orare in conspectu Domini, qui cogitationibus inutilibus vagatur per domum & per forum. Tandem concludit: *In conspectu Domini orat, qui orat undique colligens mentem suam, nihil habens cum terra commercij, sed ad ipsum Deum totus commigrans, omni cogitatione humana ab animo depulsa.* Quam doctrinam repetit sanctus Doctor ad ea verba

Ephes. 5.

Apostoli Pauli, *Implemini Spiritu sancto, psallentes in cordibus*, expendens vltimum verbum *in cordibus*, quod explicat idem esse ac, *cum intelligentia, vt non os quidem verbum loquatur, mens autem extra versetur, sed vt lingua ab anima audiatur.* innuere volens, quòd aliqui ita cantant, vt non audiantur ab anima ipsorum psallentium, quia non attendunt nec ad sensum, nec ad verba. Diuus Bernardus de istis agens euagationibus assererat, non solū esse vitandas vanas otiosas-
que

D. Bernar.
Serm. 47.
in Cantic.

que cogitationes ; sed insuper docebat , conandum esse contra eas , quæ psallentibus alicui Officio Monasterij addictis quasi ex necessitate solent circa idem Officium mox arripiendum , siue absoluendum occurrere ; sed etiam contra eas , quamvis ex genere suo bonas & sanctas , ortas ab iis rebus , quas , paulò ante chori ingressum , legentes sacros libros , aut sacram audientes concionem hauserant Religiosi , vti Libro superiore Libro . . monuimus , concludens non minùs piè quàm cap. I . verè hanc auream sententiam iteratione dignam : *Spiritus enim sanctus illa hora gratum non recipit , quidquid aliud quàm debes , neglecto eo quod debes , obtuleris .* Quæ conclusio si rectè expendatur , clarè ostendit , preces ac laudes , Deo sine mentis attentione oblatas , æquè haberi apud Deum , ac si essent minimè oblatæ , & ab Angelis sanctis Dei ministris , vti eodem Libro item aduertimus , ex Libro II . perientia irrefragabili duce , omnino reprobari . cap. IV .

Dum his doctrinis sanctorum Patrum attendo , satis mirari non possum sensum eorum qui concedunt , posse nos obligationi recitationis satisfacere sola integra verborum prolatione , licet mens voluntariè euagetur . Nondum assequi potui , quomodo istorum sensus cohæreat doctrinæ sanctorum Patrum Ecclesiæ . Magis consona Cassianus sacris Scripturis tradebat documenta sanctus Ab- Coll. 10 . bas Isaac , qui , disserens de mentis euagationibus cap. I 3 . dum Psalmi decantantur , conclusit : *Numquam orat , quisquis etiam flexis genibus euagatione cordis qualicumque distrahitur .*

Ridentur à dæmonibus huiusmodi preces voluntariis euagationibus expletæ , quia nouerunt non esse eas veras preces . Usurpare ad Ridentur à diabolo hanc Psalmodia euagationibus expleta .

Thren. I.
D Bernar.
de Interio-
ri domo
cap. 70.

hanc rem solitus erat diuus Bernardus illa verba Ieremiæ, *Viderunt eam hostes, & deriserunt sab-
bata eius*, pro sabbato intelligens quietem psal-
lentium & orantium; nam isti corpore quiescunt,
sed corde animoque vagantur: & censentur co-
ram Deo tamquam absentes etiam corpore, iux-
ta illud celebre Iuristarum proloquium: *Absesse
dicitur, qui licet corporaliter presens sit, abest ta-
men animo & intellectu*. Risus itaque dæmonum
hostium prouocatur.

Voluntaria
euagatio-
nes Deo in-
iuriosa
sunt.

Deo item non modica irrogatur iniuria huius-
modi voluntariis euagationibus. Quemadmo-
dum si quis causam aliquam acturus cum Prin-
cipe viro, statim vel in ipso ingressu, vel in pro-
gressu sermonis auerteret faciem & discursum,
oculos etiam huc illucque diuertens, is profecto
iniuriam censeretur irrogare Principi cui adstat,
& sibi thesaurizaret eius iracundiam: ita qui
acturus cum Deo de rebus altis, de peccatorum
remissione, de gratia obtinenda, diuertit cor &
cogitationes ab ipso Deo, iniuriam censebitur
grauem Deo irrogare, eiusque sibi thesaurizare
iustissimam iram. Videtur homuncio vel irride-
re Deum, sicuti irridebant Iudæi Christum Do-
minum, dum, genua flectentes, Ave dicebant
non honoris, sed ludi gratia; vel saltem, vt mi-
tius loquar, videtur velle cum Deo, cordium
scrutatore, agere eodem modo, quo cum aliis
hominibus suæ conditionis agere soliti sunt ho-
mines versuti & impij, præsertim politici, in au-
lis Principum versantes: qui licet oderint ali-
quem, exteriùs tamen se ostendunt amicos, signa
exhibentes amoris & honoris, aperiendo caput;
manum quoque ad os deductam osculando, ver-
ba

Politici si-
mulant a-
micitiã
quam non
habent.

ba humilia proferendo, intus tamen odio ardent, nullo saltem veri amoris sensu afficiuntur, quemadmodum illis signis ostendere conantur. Hoc nefas censet sibi Deus, quia quasi homo corda non videns, nec scrutans renes tunc declaratur. De quo delicto conquestus est aliquando Deus per Hymnographum: *Dilexerunt eum in ore suo* (vel, Psal. 77. ut legitur in Psalterio Illyrico, *Osculati sunt eum labiis suis*) *cor autem eorum non erat rectum cum eo*. Hæc querela non dirigitur tantummodò ad eos qui cogitationes omnino terrenas admittunt, dum preces persoluunt, sed etiam ad eos, qui cogitationes admittunt bonas quidem ex obiecto, quia sunt de Deo & de rebus diuinis, quales essent illæ, quæ ad materiam concionis vel ad Theologiæ studium possent spectare, ut paulò antè dicebamus cum diuo Bernardo. Si cui inter psallendum occurreret aliqua cogitatio opportuna concioni quam præparat, vel lectioni Scholasticæ Theologiæ quam exercet, & libens ac volens in ea moraretur, quamuis bona sit huiusmodi cogitatio, quia tamen speculatiua est, ad diuini officij rem non pertinens (nec enim ad Deum orandum & alloquendum inseruit, sed potius ad sciendum, & ad studendum) ideò non satisfacit muneri, sed peccati efficitur reus huiusmodi cogitationes admittens; aliquando à Deo puniendus graui pœna, nisi emendetur. Valdè irasci solet Deus euagantibus, & in eos seuerè animaduertit, quando emendationi non student.

*Cogitationes studiorum tempore Psalmodia ar-
cenda.*

*Voluntariè
euagantes
à Deo pu-
niuntur.*

Nota omnibus esse deberet vindicta, quam Deus de quodam Virginum Collegio sumpsit, quia attentè non recitabant diuinas preces. Euentum hoc loco describam ad nostram eruditio-

nem. In Collegio Virginum, quæ sub regimine & custodia sanctæ Lutgardis vivebant, diuinæ preces persoluebantur culpabili mentis euagatione. Quod intelligens Lutgardis, quæ infirma decumbebat, graui admonitione non cessabat reprehendere, vt emendationem suaderet. Verùm

*Moniales
voluntariè
euagantes
in diuini
Officij reci-
tatione se-
uerè à Deo
puniuntur.*

nihil obtinuit sancta Virgo; quare sex ante obitum suum mensibus, vocatis Sororibus, prædixit illis, quia nullam viderat emendationem, mox futuram aliquam diuinæ iræ grauem ultionem, his verbis: *Scio equidem, quod post decesum meum culpam hanc manus Domini in Sororibus vindicabit, & tunc memores verborum meorum, castigata cum multa humilitate se corrigent, & Dominus mox retrahet manum suam, quam iam extenderat ad ultionem.* Exitus prædictionem comprobauit: nam vbi illa excessit è vita, illicò dira pestis inuasit in illud Monasterium, & breuissimo temporis interuallo quatuordecim probatissimæ Sorores extinctæ sunt. Quia autem ceteræ Sorores infirmæ emendationem promiserunt, & opere expleuerunt, recitantes in posterum diuinum Officium qua par est attentione, Dominus manum suam retraxit, & pestis illicò

*Surius Iu-
nij 16.*

*Multi Ec-
clesiastici
morte puniuntur ob
voluntarias euagations.*

euanuit. Quod Deus in illis Virginibus indeuotis exequi statuit, credendum est sæpiùs quoque euenire tum Capitulis, Collegiis, Conuentibus, seu Monasteriis, tum etiam singulis personis sine debita attentione psallentibus; cùm videamus plurimas mortes immaturas aliquando accidere, etiam personis magnæ conditionis, non sine iactura tum publicæ tum priuatae rei, licet tunc ignoremus causam huiusmodi euentuum. Vtinam causa non sit hæc euagatio culpabilis in diui-

ni Officij recitatione, quæ Dei iram concitans, ob grauem quæ ei irrogatur iniuriam à vili creatura, extorquet ab ipso vindictam. Multi psallentium credunt se diuino Officio fecisse satis, quia choro vnà cum aliis aut Canonicis, aut beneficiariis, aut Religiosis interfuerunt, & cantum vnà cum reliquis expleuerunt; qui tamen à Deo, cordium scrutatore acerrimoque iudice, gratissimæ culpæ declarabuntur rei, quia voluntariis se euagationibus à rebus cantatis abduci sunt passi, alij cogitantes vana & indigna; alij librum Breuiarij magna leuitate euoluentes; alij vel Rubricas, vel Martyrologium, vel aliam Scripturam à re cantata alienam percurrentes.

Quæ hucusque dicta sunt, intelliguntur de euagationibus, quæ culpa nostra aut admittuntur aut tolerantur cum aduertentia. Quæ euagationes accidunt nobis præter mentem, & præter consilium, imò contra voluntatem, etiam si per totum Officium durarent, non imputantur ad culpam, nec fructum impediunt orationis, vti rectè docebat sanctus Basilius; quia ex naturæ infirmitate à peccato debilitatæ oriuntur, nec voluntas illis assentitur, sed repugnat. Verba diui Basilij sunt ista: *Si debilitatus à peccato fixè nequis orare, quantumcumque potes te ipsum cohibeas, & Deus ignoscet, eò quòd non ex negligentia, sed ex fragilitate non potes vt oportet assistere coram eo.* In hoc collocandum est studium, vt resistamus quando aduertimus euagationes: si enim permittantur, tunc aliud ore, corde aliud profertur; & dum lingua exoraret Dominum, animus peccato inficeretur, quod Deus auertat ab omnibus.

Euagationes mentis inuoluntaria non auferunt meritum.

CAPVT IV.

*De aliis euagationum defectibus,
& remediis.*

*Sollicitudo
anxia ad
res & stu-
dia fouet
mentis eua-
gationes.*

*Sperātium
in Deo ma-
gna felici-
tas.*

*D. August.
q. 161. in
Exod.*

FREQVENS euagationum origo, ni fallor, dicenda est nimia sollicitudo & anxietas ad res, studia, occupationesque externas quas vnusquisque habet familiares. Hæc, quando quis ad orationem se confert, illicò offert negotia expedienda, modum suggerit consequendi finem intentum, conditiones aperit opportunas rei, cor denique phantasmatis replet, suauis quadam arte mentem à Deo diuertens. Eheu nos miseros! quot negotia, tam publica quàm priuata, eo tempore cordi occurrunt, quæ nos perturbant sine fructu, imò cum iactura animæ nostræ? Nisi studeat vnusquisque occurrere huic anxietati ac sollicitudini, omnem suam in Deum reiiciens cogitationem, siue ad corpus, siue ad domum, siue ad res, siue ad negotia, siue ad studia spectantem, antequam ad diuinum se conferat Officium, ne vnum quidem versiculum poterit recitare absque euagatione. Statuant omnes psallentes apud se hanc certissimam veritatem, quòd si Deo confisi, omnem in ipso sollicitudinem tum nostri tum rerum nostrarum deposuerimus, nil aliud mentis oculis proponere omnino volentes, nisi ipsum Deum, cui intendimus vacare; ipse Deus feliciorum optatiorumque concedet & nobis, & nostris & publicis rebus euentum.

Expendebat ad hanc rem diuus Augustinus illam promissionem suauitatis amorisque plenam, quam

quam Deus dilecto populo suo fecerat, ut eum animaret ad exeundum ter in anno domibus, & eundem ad Tabernaculum orationis gratia. Promisit ei Deus omnimodam securitatem ab omni periculo rei familiaris & publicæ tempore absentia, dicens: *Nullus insidiabitur terra tua, ascende te, & apparen- te in conspectu Domini Dei tui ter in anno.* Magna certè promissio. Exod. 34.

Sed, quæso, ad quid talis promissio securitatis? Respondet diuus Augustinus, eam factam esse à Deo, ne domorum & rei familiaris, imò & publici boni sollicitudo eos à diuino cultu & ab oratione diuerteret, aut exturbaret: nam anxietas propriarum substantiarum, ne aliquod paterentur damnum, & sollicitudo Reipublicæ, ne ab hostibus vicinis inuaderetur, illos à Deo diuertisset. *Hoc vult Deus intelligi* (ait Augustinus) *ut securus quisque ascenderet, nec de terra sua sollicitus esset, Deo promittente custodiam.* Declarare voluit Deus, quam obtineat vim in nostris cordibus sollicitudo & anxietas rerum, & simul ostendere quanta ipse cura custodiat res nostras, si nos de ipso solliciti simus, omnem nostram sollicitudinem ob eius cultum deponentes. En mira Dei prouidentia & cura erga eos, qui corde attento animoque deuoto ad chorum accedunt. Securi sunt ab omnibus insidiis, ab omni violentia, ab omni incurfione, ab omni denique molestia. *Mira Dei prouidentia erga deuotos psallentes.*

Hæc sollicitudo, nisi hoc remedio curetur, nulli parcit, neque Religiosoribus personis. Aggreditur cor psallentium, & à Deo illud diuertens, pertrahit ad res etiam religioso corde indignas. Huius miseriæ euentum insigne referunt

Ferd. Cast. runt Historiæ sacri Ordinis Prædicatorum in vi-
p.1. lib. 3. ta Angelici Thomæ Aquinatis, qui sicut nouerat
cap.27. coniungere literarum occupationes, & diuinorum

*Cogitatio
de cibo su-
mendo cor-
da Religio-
sa aliquan-
do extur-
bas.*

rum Officiorum assiduum studium, ita aliquan-
do in choro existens Neapoli, diuino lumine col-
lustratus penetrauit cor alterius Religiosi psallentis, qui dæmonis astu sollicitus de cibo mox sumendo, mentem ad illum conuerterat, varias super eo cogitationes trahens. Accessit ad huius autem beatus Thomas secretò illi dicens, Ne turberis sollicitudine illius cibi, quia solus eum comedere non debes; ego, expleto Officio diuino, me offero sodalem. Rubore suffusus ille Religiosus, errorem euagationis cognouit, ac resipuit ab illo. Cauendum itaque est ab omni sollicitudine extranea: & si fieri posset, debet homo,

*Deponenda
omnis externa cogitatio ante chori ingressum.*

quando ad chorum accedere parat, priùs deponere non solum omnes occupationes, sed etiam cogitationes ceterarum rerum, vt faciliùs queat in Deum assurgere, illique soli vacare. Quæ cogitationum depositio figurata fuit in ritu, quem

Exod.18.

observabat Aaron accessurus ad Deum exorandum; hic enim ante ingressum, laneis depositis, induebatur lineis. Quem ritum expendens sanctus

S. Isid.1.1.
Epist.45.

Isidorus Pelusiota, credit, voluisse nobis significare, deponendos esse à nobis de memoria tumultus externos, quando ad orandum accedimus. Huius rei nobis insigne præbuit exemplum Monachus ille verus Hymnodia studiosus apud

Io. Clim.
in Stat. spir. grad.4.
& 8.

Climachum, qui à sancto Abbate sæpiùs observatus ceteris Religiosis attentior diuino Officio, & præsertim initio Officij videbatur gestum & vultum componere, quasi alium alloquens. Interrogatus à Prælato, quid significarent illi gestus,

stus,

stus, respondit: Ego semper initio diuini Officij colligere studeo omnes cordis cogitationes, & coram me positus, sic alloquor meas cogitationes & affectus: *Venite adoremus, & procidamus ante Dominum, qui fecit nos, quia ipse est Dominus Deus noster, & nos populus pascuæ eius, & oues manus eius.* Inde hauriebat hic Religiosus singulare auxilium ad prosequendum opus ea attentione, quæ homini mortali conuenire potest. Ad nos pertinet operam nauare, vt sensus omnes colligamus in Deum, ne anxietas nos perturbet, inuitantes, ad imitationem huius Monachi, potentias tam internas quàm externas, rationem, memoriam, oculos, aures, mentem, totam denique substantiam nostram, vt in Deum vniantur ac intendant: tunc misericors Deus sua gratia dignabitur concedere, quod nobis magis expedire iudicabit. Si nihilominus vrgebunt importunæ cogitationes, non idcirco fructus amittetur, vti paullatim dicemus.

Aliud remedium maximè opportunum ad continendas, quantum humanæ licet infirmitati, vagas cordis cogitationes, quæ rectè dicuntur omni volucre velociore, visum est illud, conformandi animum ad ea quæ cantantur & recitantur vel in Psalmo, vel in Lectione, vel in Oratione. Quando diuinum aliquod attributum Hymnus celebrat, tunc illam perfectionem ita animus concipiat, vt approbet tamquam Deo valdè opportunam, eamque cupiat ab omnibus cognosci & celebrari. Si supplicia concinat illata impiis, debet animus timorem concipere atque tremorem. Si humilitatis, caritatis, patientiæ fideique laudes celebret, tunc animus earum virtutum

Cogitationes mentis quomodo colligenda in Deum.

*Mentis continentia ad ea quæ Psalmus recitantur attentionem adiun-
nat.*

tutum in se concipere studeat desiderium. Hinc
 D August. dixit D. Augustinus : *Si orat Psalmus, orate; & si*
 Conc. 3. in *gemit, gemite; & si gratulatur, gaudete; & si spe-*
 Psal. 30. *rat, sperate; & si timet, timete: omnia enim, qua*
hic conscripta sunt, speculum nostrum sunt. Spe-
 culum dixit sanctus Augustinus; quia sicut à spe-
 culo omnes obiecti tum figuræ tum motus red-
 duntur, ita animus noster debet omnes affectus,
 quos legit & canit in diuino Officio, reddere.

Mentis
euagatio-
nibus gene-
rosè resi-
stendum.

Si nihilominus euagationes mentis pulsent a-
 nimum, statim ac aduertimus, studendum est re-
 uocationi animi ad Deum, & ad rem quam agi-
 mus, pugnando cum hoste maligno viriliter &
 strenuè. Neque anima Canticorum potuisset se-
 cure requiescere, nisi habuisset sexaginta viros
 Cantic. 3. fortes ad lecti Salomonis custodiam : *En lectu-*
lum Salomonis sexaginta fortes ambiunt ex fortissi-
mis Israël, omnes tenentes gladios, & ad bella do-
ctissimi. Lectulus Salomonis, in quo anima quie-

Oratio est
quadam a-
nimi dor-
mitio.

scit, est locus orationis; quia oratio est quædam
 animi dormitio, quæ, aiebat diuus Bernardus,
 sensus sopit, non abducit. Nisi adsit fortitudo a-
 nimi ad repellendas euagationes, facile excutie-
 tur somnus; sicuti nisi adfuissent illi fortes ad
 lectulum Salomonis, neque somnus extitisset
 quietus ac placidus. Adsit fortitudo, & omnia in
 pace peragentur: quia licet euagationes non ces-
 sarent, dum tamen non admittuntur, sed viri-
 liter repelluntur, æquè placitæ erunt orationes
 istæ cum pugna, quàm aliæ factæ in pace. Nec

Genes. 15. minùs fuit gratum Deo Sacrificium ab Abraha-
 mo oblatum, quando aues importunas abigebat,
 à quibus molestiam patiebatur, quàm fuerint al-
 lia Sacrificia ab eodem oblata absque vlla mole-
 stia,

stia, imò de illo singularem contexuit memoriam
sacra Historia.

Affliguntur quidam, imò anxie torquentur ob
huiusmodi mentis euagationes, quasi id signum
existat animi à Deo reprobati, quod tamen fal-
sissimum esse, liquet tum ratione, quia non eua-
gatio, sed consensus est culpæ reus; tum exem-
plo euagationum, quas nouimus passos esse præ-
destinatos etiam insignes, qui cogebantur defle-
re miseriam, cui ex naturæ, peccato vitiatæ, ne-
cessitate subiiciebantur. Ipse Hymnorum Auctor
coactus est aliquando dicere: *Et cor meum dereli-* Psal. 39.
quit me. Tanta est cogitationum nostrarum ve-
locitas & agilitas, vt nobis etiam nolentibus ad-
ueniant: nec inueniri possunt aut cancelli, qui-
bus illæ includantur, ne exeant; aut obices, qui-
bus impediuntur, ne aggrediantur. In his euen-
tibus potius patimur quàm agimus; & licet in-
nobis fiant, quia tamen contra voluntatem acci-
dunt, fieri dicuntur sine nobis, nimirum absque
nostro consensu, qui solus est causa, vt aliqua di-
cantur fieri ab homine vt homo est. Hoc in se
ipso deflebat Vas electionis Paulus, dicens multa
in se reperisse, quæ tamen à se non essent facta:
Non enim quod volo bonum, hoc facio, sed quod Rom. 7.
nolo malum, hoc ago. Si autem quod nolo, illud fa-
cio, iam non ego operor illud. De hisce actibus lo-
quentes Theologi nonnulli, dicunt eos esse actus
hominis, quia in homine fiunt; sed non esse actus
humanos, quia carent illo consensu, qui hominis
est proprius actus.

Hanc eandem miseriam deflebat D. Bernar-
dus, qui videbatur ex speciali gratia obtinuisse à
Deo donum illi soli vacandi absque vlla mentis
euagatione,

*Mentis
euagatio-
nes passi
sunt sancti
viri.*

*Psal. 39.
Cordis co-
gitationum
velocitas.*

*Qua in no-
bis fiunt.
contra vo-
luntatem,
fieri dicun-
tur sine
nobis.*

Rom. 7.

Vita cap. 1.

euagatione, ita vt integrum diem iter fecerit secus lacum Mausanenſem, nec tamen, ob mentis cum Deo vnionem, aduerterit aquas vicinas. Cùm enim vespere focij colloquerentur de lacu, interrogauit eos vbi ille eſſet lacus. Iſte nihilominùs

D. Bernar.
de Inter.
domo c. 8.

ait: *Loquitur mihi Deus in Pſalmo, & ego illi; nec tamen cùm Pſalmum dico, attendo cuius Pſalmus ſit. Deum precor, vt meam orationem exaudiat, quam ego qui fundo non audio. Deprecor illum, vt mihi intendar, ego verò nec mihi, nec illi intendo; ſed, quod deterius eſt, immunda & inutilia in corde verſando, fœtorem horribilem eius aſpectibus ingero.* Eamdẽ deplorans deſcribit miſeriam diuus

D. Hieron.
Dial. Ad.
uerſ. Lu-
cifer.

Hieronymus dicens: *Creberrimè in oratione mea aut per porticus deambulo, aut de fœnore computo, aut, abduëtus turpi cogitatione, etiam qua dictu erubescenda ſunt gero.* Eamdẽ mentis ſuæ eu-

Cassianus
Coll. 10.
cap. 12.

gationem deſcribebat deuotus Monachus Ægyptius in Scythica Eremo degens, dum à venerando Abbate Iſaac humiliter expoſceret opportu- num remedium, dicens: *Cùm orat (mens ſcilicet) Pſalmum, aliquam recolit lectionem; cùm decantat, aliud quid meditatur quàm textus ipſius continet Pſalmi; cùm lectionem recitat, faciendũ*

Sancti viri
deſcendebant
mentis eua-
gationem.

Sancti viri aliquid voluit, factũque reminiſcitur. Profectò iſti viri ſancti patiebantur has cordis euagationes & phantaſmatum pugnas contra voluntatis conſenſum, nec liberum erat ab iſtis cauere. Nos igitur, qui ſumus viliffimæ creaturæ à ſanctitate maximè diſtantes, putabimus immunitatem hanc obtinere ab huiusmodi miſeria? Poſſe Deus, ſi velit, concedere hoc donum, quod plu-

Virgil. Ce-
par. in Vita.

ribus aliquando conceſſit, & his nouiſſimis diebus conceſſit animæ felici beati Ludouici Gon-

zagæ,

zagæ, qui nullas vñquam passus est in oratione euagationes. quod certè fuit priuilegium singulare & rarum. Humiliemus animas nostras in conspectu Dei; & quando vrgebunt importunæ cogitationes, dicamus cum Rege sancto: *Domine Isaiæ 38. vim patior, responde pro me.* Si humiliter patiemur hanc pugnam, numquam cõsentientes, magnum meritorum nobis comparabimus cumulum.

Opportunè tradunt rei spiritualis Patres, quòd *Cogitationum importunitas quomodo vincenda.* in quibuscumque molestiæ importunæ euentibus, siue cogitationes sint odiosæ, contra proximi caritatem; siue turpes, contra animi puritatem & honestatem; siue, quod peius esset, & quandoque euenire solet opera diaboli, impiæ & blasphemæ, contra Dei honorem, Fidem, Religionem & Sanctos, nullus debeat omittere aut cantum, aut attentionem eorum quæ concinit vel recitat, vt ad earum cogitationum expugnationem se transferat; sed meliùs esse nihili facere illa phantasmata, quasi essent tot catellorum latratus, qui viam pertranseuntes aggredi solent. Sicuti nemo iter faciens catellis huiusmodi latrantibus vel animum vel operam applicat, vt eos silere cogat, sed iter prosequitur suum; ita debet animus Religiosus se ipsum componere, dum sacræ vacat Hymnodicæ, oculos nimirum & faciem conuertens ad ea quæ concinit, nihil omnino aduertens ad ea quæ suggerit aut naturæ affectio, aut diabolus, qui id conatur, vt animus, perturbatus hac molestia & conflictu, omittat sanctam vtilemque occupationem. Si hostis malignus viderit suas artes & conatus à nobis despicere, quia non desistimus ab opere incepto, victus discedet, & deinceps huiusmodi animos generosos,

rosos, à quibus nil potuit obtinere, vel numquam, vel admodum rarò aggredi audebit iisdem tentationibus. Si importunus hostis nihilo feciùs à suggestionibus desister, animo tamen non cadat deuotus animus, sed opus prosequens patienter sustineat pugnam, inde vberiores meritorum fructus reportaturus.

C A P V T V.

Oculorum curiositas arcenda à choro.

*Oculorum
aspectus
euagatio-
nes fouet.*

Thren. 3.

NOVERVNT omnes Hymnodiaë professores, quanta oriuntur damna ex oculorum & aspectus licentia, quæ sola, nisi reprimatur, sufficit ad cordis euagationem fouendam, ob multitudinem & varietatem obiectorum quæ offeruntur obtutui. Inter omnes humanos sensus, validior, ad animum spoliandum omni pio affectu, semper ab omnibus habitus & cognitus fuit oculus, qui, teste Ieremia Propheta, deprædatur animam etiam Sanctorum. *Oculus meus depradatus est animam meam.* Quò fertur oculi obtutus, ferri quoque, imò rapi, animi intentionem, attentionem affectumque, experientia ostendit. Magna vis oculorum ad diuertendum animum, & ferendum extra seipsum, & auertendum à Deo. Hinc diuus Hieronymus in citatum locum Ieremiæ ait: *Interiorem fructum per exteriorem visum perdidit* (vel Propheta, vel populus nomine Prophetæ significatus) *per oculum corporis pertulit prædam cordis.* deinde hortatur ad custodiam oculorum, ut mens interior conferuetur ab euagationibus: *Quantalibet gravitate mens vigeat,*

vigeat; carnales tamen sensus pueriliter exterius perstreperunt; & nisi interioris grauitatis pondere & quasi iuuenili quodam vigore refrenentur, ad fluxa quæque & lenia mentem enervem trahunt. Sanctus David, dum Hymnos suos diceret Deo, hanc etiam à Domino exposcebat gratiam, vt posset oculos cohibere ab omni exteriori obiecto:

Auerte oculos meos, ne videant vanitatem. Deum Psal. 118.
inuocabat custodem suorum oculorum, vt de- Oculorum
clararet, quòd vix homo sit huic muneri suffi- obiecta ani-
ciens. Tanta est naturæ vitiatæ curiositas & in- um im-
clinatio ad circumspiciendum, vt nequeat quasi plent vani-
homo ex se oculorum impetum continere, nisi tatibus.
Deus speciali concurrat auxilio. Nec mysterio vacat illa dictio *vanitatem*. Non dixit obiecta terrena, sed vanitatem, quia obiecta visus apta sunt implere animum vanitatibus & leuitatibus, quæcum lædunt. Pio huic studio Davidis sancta mater Ecclesia seipsam conformans, quotidie in suis Hymnodijs, quas in ipso diei ingressu aggreditur dum oritur Sol, cuius lux est apta oculorū deferuire curiositati & procliuatati, illustrans obiecta à nocturnis tenebris antea contexta, simplex Deum exorat, vt sibi dignetur adesse, ne à sensibus, ab oculis præsertim propriis, offensionem damnumque hauriat, cantans:

Iam lucis orto fidere

*Hym. ad
Primam.*

Deum precemur supplices,

Vt in diurnis actibus

Nos seruet à nocentibus.

Lingvam refrenans temperet,

Ne litis horror insonet:

Visum fontendo contegat,

Ne vanitates hauriat.

Gg

Oculi

*Oculi ab
Auctore
natura da-
ti ad scien-
tiarum ac-
quisitionem.*

Oculi corporis traditi sunt ab Auctore naturæ, ut mens facilius & citius iuuaretur ad scientiarum acquisitionem, si opportunè adhibeantur, ubi & quando est necesse illos adhibere. Si liberi dimittantur absque recti iudicij regimine, tunc non profunt, sed obsunt menti. Sunt quædam humanæ occupationes etiam ad animum spectantes internum, quæ ab oculorum visione damnum vel saltem impedimentum hauriunt, sicuti oculorum collectio eas mirificè iuuat ac promouet. Omnis contemplatio, siue sit de rebus naturalibus siue de supernaturalibus, melius iuuatur oculorum collectione quàm visione. Hinc studiosiores loca quærunt obscuriora & remotiora, ne diuertantur. Democritus, magni nominis Philosophus, ut certiùs subtiliusque secreta perquireret naturæ, & quàm minimùm animus à cogitationibus abduceretur, sibi ipsi oculos arte quadam sine dolore reddidit cæcos. Cognouerat hic vir cōtemplationi damna ab oculis facta; sed ignorauit, vel potiùs noluit aduertere modum oculos cohibendi absque cæcitatibus violento ac culpabili remedio. Nullus licitè potest, absque maiori aliqua necessitate, priuare seipsum membrum à Deo obtentis in sui formatione. Potest quilibet homo rationis imperio & studio mortificationis vsum oculorum ad libitum cohibere, quādo scilicet cognoscit, sibi melius futurum, si non videat, quàm si videat.

*Nemo est
dominus
suorum
membro-
rum.
Mortifica-
tionis stu-
dium ocu-
lorum fre-
num.*

De sancto Iob notum est, quòd, ut se ostenderet dominum suorum sensuum, oculorum præsertim, sicuti nouerat ex quo obiecto magis posset offendi, ita sibi met præcepto cauit, ne vñquam in illud oculi obtutus ligerent: *Peperigi faciem cum*

Iob 31.

oculis

oculis meis, ut ne cogitarem de virgine. Vbi attendenda est connexio cogitationis cum oculorum *Cogitatio-* visione: oculi enim intuitum sequitur statim co- *nes sequun-* gitatio cordis; nec ista potest ab illa separari. Fa- *tur oculi* ciliusq; est homini cohibere vsum oculi, ne aspi- *aspectum.* ciat, quàm prohibere cogitationem cordis circa obiectum ab oculo visum. D. Hieronymus considerans hanc Iobi determinationem pronuntiavit: *Vt munda mens in cogitatione seruetur, deprimendi sunt oculi quasi quidam raptores ad culpam.* Habemus iudicium & rationem, quæ possunt oculis imponere frenum, eosque dirigere, quando videre & quando non videre expedit.

Sicut omni contemplationi prodest oculorum *Contem-* collectio, ita maximè prodest rerum diuinarum *platiui* meditationi. Vnde illustriores contemplatiui *oculorum* maximo studio & cura vigilant circa oculorum *custodia* curiositatem arcendam, præsertim tempore di- *student.* uinarum precum, ne mens, quæ tota in Deum debet esse intenta, ab obiectis diuertatur ad inutiles cogitationes. Quæ oculis fiunt obuiam sicut species sui emittunt & figuras, ita per oculos, quasi per fenestras, animum ingrediuntur, ut omnis docet Philosophia, eumque occupant tanta vi, ut vix vllus remaneat locus Psalmorum meditationi. Peccat itaq;, qui gyrouagis oculis modò parietes, modò fornicem chori, modò canentes, modò ingredientes & exeuntes adspicit.

Qui, ut excusationem afferant suæ curiositatis, *Oculorum* dicunt, nullum esse peccatum aut culpam in vfu *curiositatis* libero oculorum, cum eos concefferit Deus, ut excusatio videamus obiecta, audiant D. Bernardum, qui, *improbatur* curiositatem oculorum collocans in primo super- *D. Bern. de* biaz gradu, considerat euentum illius stragis, *Gradibus* humil.

*Curiositas
oculo-
rum dam-
na.*

quàm omnes nouerunt in prima nostra parente Heua. Ponit sanctus Pater curiositatis obiectionem ab ipsa Heua factam, deinde respondet dicens suam sententiam: *An non licet oculos quò uolo leuare* (ait Heua) *quos Deus in mea posuit potestate?* (Respondet S. Bernardus:) *Ad quod Apostolus: Omnia mihi licent, sed non omnia expediunt. Et si culpa non est, culpa tamen indicium est; & si culpa non est, culpa tamen occasio est, & indicium commissæ, & causa est committenda. Te enim intenta ad aliud, latenter interim in cor tuum serpens illabitur, blandè alloquitur, blanditijs rationem, mendacijs timorem compefcit; auget curam, dum incitat gulam; acuit curiositatem, dum suggerit cupiditatem: offert tandem prohibitum, & auferit concessum; porrigit pomum, & surripit paradysum.* En quot mala ex libera oculorum curiositate non soli Heuæ, sed omnibus posteris euenisse aduertit S. Bernardus. Non videre præstat magis, quàm videre tempore quarumdam occupationum. Imò forsan aliquando præstaret magis carere omnino videndi facultate, quia talis carentia altiora bona cordi conferret, vel saltem non auferret.

*Cæcitas
oculorum
quandoque
utilior
quàm sani-
tas.*

De S. Lutgarde scribit Surius, quòd cæca ex quadam infirmitate digna reddita est frequentioribus altioribusq; diuinis visionibus quàm antea: & tandem intellexit, se, ob hanc patienter & humiliter toleratam cæcitatem, esse euasuram pœnas Purgatorij post huius vitæ mortalis decessum; tum etiam plura visuram in cælis quàm uidisset, si oculos sanos semper habuisset. S. Hieronymus, qui Didymo cæco vsus erat præceptore in diuinis Litteris, solabatur eum, quia mentis oculos

*Ruffin. l. 2.
Histor.*

oculos clariore haberet ad diuina cognoscenda quàm plures alij Doctores, qui oculorum sanitate & acumine gaudebant, eumque cognominabat suum videntem. Hæc eadem beneficia poterit vnusquisque oculum lumine gaudens obtinere, si nouerit vsum visus opportunè dirigere, quando ad diuinas preces explendas accedere debet.

Maxima grauissimaque experientur damna ij, qui in choro nesciunt mortificationis freno reprimere oculorum pronitatem. Vnica oculorum curiositas, quamuis aliquando minimè studiosa, sed accidentaria, & ex leuitate, sufficit ad animum spoliandum pretiosioribus bonis. Nam occasione vnus incauti obtutus potest amitti cordis attentio, quæ est res tam delicata, vt, omni balsamo pretioso suauior, facili euanescat negotio, ob cuiuslibet leuissimi obiecti occursum. Si casu, dum quis circumspicit, muscæ verbî gratia leuissimus volatus accidat, hic poterit cordis attentionem à diuino Officio ablatam ad se conuertere, occupans cor totum circa aliquam talis volatus circumstantiam, quæ eo tempore, loco & modo videatur singularis. Quod asserimus in musca occurrente, idem euenire potest in aliis obiectis tunc occurrentibus visui. Hinc fortassis ipse David, expertus hanc oculi & cordis affinitatem in apprehendendis leuissimis obiectis, studiosè adhibuit in sua ad Deum oratione illud verbum *vanitatem*; significare volēs leuiora obiecta, quæ, ob suæ substantiæ paruitatem, proxima sunt vanitati. Hæc quamuis leuissima sint, damna tamen hand leuia, sed grauia afferunt. Ablata cordis attentione, præcipui Psalmodiæ fructus, meri-

tum nempe & diuinæ visitationes, facile amittuntur. Nisi statim cognita euagatione studeat psallens ad Deum quem colit redire, actum est de fructibus istis Psalmodiæ. Hoc casu qui circumspexerit, poterit iuste suam deplorare iacturam dicens: *Oculus meus depraedatus est animam meam.*

Thren 3.

Quid credendum est euenire iis qui numquam oculos componunt, sed apertos semper tenent ad omnia obiecta, quæ animum non colligere, sed distrahere sunt apta? isti utique nec Deo, nec verborum sensui erunt intenti. Imò si aliquando istis suggeratur apta consideratio circa verba decantata, eam puto curiosam speculationem etiam diaboli astu propositam, quæ incautum psallentem in errore detinebit circumspiciendi: nam inde inferre is audebit, oculorum libertatem nequaquam impedire cordis considerationes & meditationes. En qua decipimur arte à diabolo hoste & à nostris inordinatis passionibus in opere Dei. Quot psallentes putabunt se ab euagationum, quas tempore patiuntur Hymnodia, excusatos reatu, quia sibi videntur haud assentiri illis, nihilominus ij seuerè condemnabuntur à diuina Iustitia; quia licet huiusmodi euagationes non fuerint forsàn directè volitæ, oculorum tamen libertas fuit in illis volutaria, dū ei nullo mortificationis repugnaretur studio, sed mos gereretur.

Recitantes
ex libro oculorum
arcent curiosi-
tatem.

Modus oculos colligendi, ne diuagentur, multiplex esse potest. Potior est, si recitans oculos fixos tenere studeat in librum Psalmorum, nec patiatur illos amouere ob quamlibet causam, etiam si strepitum audiat: quem modum obseruant omnes attentionis studiosi. De nostro Antonio Pagnio Piscienfi accepi à Sacerdotibus fide di-

gnis,

gnis, quodd, etiam ante nostræ Religionis ingressum, quando Canonicus cum aliis in choro preces persoluebat diuinas, oculos semper in Psalterio defixos teneret, nec umquam dimoueri eos patiebat, ut attentionem ad Deum, quem exorabat & laudabat, tutiorem conseruaret: omnia enim Dei opera pius vir perfectiori quo poterat modo studebat explere, ut virtutum & sanctitatis culmen, ad quod nitebatur summo studio, expeditius obtineret. Magnum adiuuentum ad attentionem affert hæc oculorum intentio ad librum. Hinc summi Pontifices, ut Religiosos ad hoc remedium adhibendum excitarent, nonnullas gratias & Indulgentias concesserunt recitantibus ex libro; præsertim, quia, præter attentionem faciliorem, aliæ etiam inde utilitates deriuantur, nimirum certitudo, quodd nihil sit omis- sum, nihilve deordinatum: quæ certitudo timidi- oribus magnam tribuit quietem.

Compend.
Priu. Men-
dic. verb.
Indulg.

Huic similis est alter modus, quem pij animi obseruant, nimirum oculorum aspectus in aliquam piam imaginem. Quantum possideat vir- tutis, ad animum colligendum in Deum, sacræ imaginis intuitus ratio & vsus comprobare po- test. Ratio suadet, obiecta admota potentia magis eam mouere quàm distantia; & quæ subijci- tur sensui, maiorem obtinere vim quàm inuisibi- lia. Cùm simus corpore circumdati, magis affi- cimur rerum visibilibus obiecto quàm solis spi- ritualibus meditatione cogitatis. Cùm imago vel Christi Domini vel alterius obiecti diuini proponitur oculis, facilius imprimatur menti quod obijcitur & repræsentatur per eam imagi- nem, Vsus etiam piorum suadet eandem rem.

Piarum
imaginum
intuitus
plurimas
confert uti-
litates.

Piæ personæ solent deuotas imagines oculis proponere, & in eas obtutum defigere, vt earum auxilio eleuetur animus in Deum, vel in B. Virginem Deiparam, vel in Christum Dominum illis imaginibus aut sculptum aut depictum, & illis obiectis excitatus attentionem resumat, si eam amiserat, vel ardentius continuet, si iam tenebat.

Pia imaginis gestatio mirum exemplum.

Insigne huius pij vsus exemplum, quod Deus voluit miris signis comprobare, licet aduertere in sancta Hedvige, Ducissa Opulētæ magnæ Poloniæ: quod exemplum maiorem obtinuit vim &

auctoritatem ex canonizatione huius sanctissimæ mulieris à Clemente Papa, huius nominis Quarto, peracta. De hac sancta vereque pia Heroīnā narratur, quod sicut magno deuotionis & amoris ardore afficiebatur ad B. Virginem Deiparam; ita, ne eiusdem memoria & cultus vñquam ex animo excideret, aut ne saltem languesceret, semper inter digitos manus sibi proposuit deferendam paruam eiusdem sanctæ Dei Genitricis imaginem, vt frequenter in eam oculos figens, excitaretur ad eam colendam, adorandam & diligendam vehementius. Voluit Deus hoc Hedvigis pium studium tot tantisque mirabilibus signis comprobare, vt nullus dubitandi locus de eiusdem mulieris pietate nobis relinqueretur. Si aliquando ad Hedvigem infirmi ducebantur, vt

Imago Virginis Deipara sanitatem largitur infirmis.

pro ipsis Deum exoraret, hæc erga eos extendens sanctissimæ Dei matris imaginem, signum benedictionis impertiebatur, & omnes confestim sanabantur. Mirabilius forsan illud censebitur, quod, viginti quinque annis post eiusdem sanctæ mulieris obitum, vitum est. Dum eius sepulchrū inuiferetur, vt de cadaueris statu, post tot annos sepulci

sepulti in terra, cognosceretur conditio, cum reliqua consumpta esset caro, sani & integri reperti sunt tres digiti, qui, dum ipsa viueret, imaginem B. Dei matris deferebant. Ne res posset alicui patere oppositioni, inter eosdem digitos reperta est sana & integra imago, quam viuens portabat, infirma numquam dimisit, moriensque ita perstrinxit, vt nulla potuerit vi diuelli; & cum ipsa fuit necessum sepulturæ mandari, vt ex tam illustri signo cognosceremus, Deo Diuisque cælestibus placitum esse hoc obsequium. Hinc inter nostros Religiosos, quos nouimus multos, *viget* *Piorum v-*
usus ad/pi-
ciendi im-
pias ima-
gines dum
cantans
Officium.
 consuetudo habendi inter librum Breuiarij varias pias imagines, ad cuiusque ingenij & affectus opportunum auxilium, in quibus oculorum intuitus facillimè sistat. Imò intra nostri chori septa, profitemur habere piam aliquam imaginem è loco omnibus conspicuo pendentem, in quam, eleuantes à terra vel à libro oculos, obtrutum facillè conijciant. Nec quisquam hactenus asseruit, se ab huiusmodi piis imaginibus aliquam animi euagationem passum esse, sed omnes fatentur, maxima inde pietatis in Deum & attentionis haurire adiumenta. Posset aliquis, fateor, ex huiusmodi piis imaginibus magnam euagationum segetem haurire, quando scilicet is delineationibus ac coloribus artis animum & oculos addiceret, non autem mysterio in illis figuris proposito: at id non rei visæ vitio, sed videntis est adscribendum aut curiositati, aut leuitati.

Alij verò soliti sunt oculis psallere clausis dum memoria illos iuuat, qui modus etiam est opportunus, ne mens ab obiectis externis dissipetur, nisi *Oculis*
clausis
psallere
utile.
 ex alio capite fiat importunus, quemadmodum

foret in eo qui est ad somnum procliuvis. isti deferuiret potius ad somni indulgentiam quàm ad pios affectus. Vnusquisq; eligat ex prædictis modis sibi aptiorem, vt attentionem foueat & augeat, oculosque in officio contineat, alioquin plurima alia damna ex eadem oculorum libertate oriri conspiciemus, quæ etiam aliquod scandalum gignere possunt; vti quando ex duorum canentium congressu oculorum alter alterum commouet ad risum, vel aliam grauiorem passionem, quæ nec locum, nec tempus, nec inu-
pus decent.

CAPVT VI.

Defectus celeris pronuntiationis.

QUANDO Dauid concinnè & composité Hymnos suos decantauera, lætitia plenus ita exultabat, ac si obtulisset gratissimas electissimasque hostias, quas nouerat apprimè Deo gratas. Imò nomine hostiarum appellabat suam
 Psal. 16. Hymnodiam, dicens: *Circuini, & immolam in tabernaculo eius hostiam vociferationis.* Hostiam vociferationis dixit suos Psalmos, quia eos voce alta proferebat ac decantabat, coniungens voci externæ internam cordis meditationem & con-
 In Dauidis templationem: non enim sola verborum prolalmodia atione contentus canebat, sed quod ore proferebat, corde meditabatur, & quod meditabatur corde, voce canebat, & hac modulata meditatione Deum colebat. Id innuere voluit illo verbo
 Psalmodia cordis meditatio, vobis prolatio coniungebatur. *circuini*, quemadmodum rectè explicat D. Augustinus dicens, circuitum istum non corporis fuisse,

fuisse, sed mentis & cordis, per opera Dei insigniora gradientis consideratione & meditatione. In his operibus dum animus meditatur Conditoris infinitam Maiestatem, Potentiam, Sapientiam, & ob ingens gaudium exultabundus capit Hymnos, immolat Deo *hostiam vociferationis*, seu, ut legit D. Augustinus, *inubilationis*. Coniungebar sanctus Dauid circuitum immolationi; quia meditationem cordis non seiungebat à cantu vocis. Tanta grauitate tarditateque moderata suas modulationes explebat, ut posset mens suauiter prosequi vocem oris absque molestia aut confusione. Imò dixerim quasi, tantam fuisse *Tarditas moderata* sancti Regis tarditatem pronuntiationis, ut lingua ipsa, si ratione fuisset prædita, potuisset *seruit meditationi.* meditari & contemplari verba prolata. Hac hyperbolica vtor locutione, imitatus Dauidem ipsum, qui eandem haud semel adhibuit dicens: *Lingua mea tota die meditabitur iustitiam tuam.* quod Psal. 34. asserere non potuisset, si festinanter verba protulisset. Moderata tarditas adiuuat meditationem, sicut festinata pronuntiatio impedit cordis considerationem, quæ est Hymnodicæ non solum melior pars, sed substantia principalis.

Culpæ non modicæ fiunt rei, qui diuini Officij recitationem accelerant, ob multa grauiorque incommoda inde prouenientia. Iniuria Deo irrogatur, recitantibus item euenit damnum. In primis iniuria irrogatur Deo, qui furripi sibi videt à creatura quod sibi debetur. Duo furripiuntur *Damna ex celeri pronuntiatione.* Deo à recitantibus festinanter, verba nimirum, *Festinare pronuntiantes Deo* & tempus. Verba, quia præcipiti illa festinatione *furripiunt tempus &* multa diglutiuntur verba, alia non proferuntur *verba.* integra, sed dimidiata, alia penitus omittuntur, *confun-*

confunduntur alia, præfertim quando vna chori pars incipit versiculum ante finem alterius. Temporis item partes plurimæ Deo debitæ surripiuntur. Tempus illis verbis deglutitis, omissis & dimidiatis respondens, quod erat Deo destinatum, sicut & verba erant, surripitur. Tempus pausarum, quod tum in medio tum in fine versiculi esset obseruandum, vt decentior & commodior reddatur Psalmorum cantus, quemadmodum decernunt omnia sacra Concilia, impiè surripitur Deo. Ab omnibus Conciliis, & nouissimè ab Oecumenico Tridentino, exigitur à psallentibus in choro, vt Dei nomen laudent reuerenter, distinctè & deuotè. quæ omnes conditiones tolluntur ex nimia festinatione & celeritate pronuntiationis. Qui debebant esse pij cantores, efficiuntur impij cursores, quorum aliqui sunt præcipiti suo cursui adeò intenti, vt nequeant, vel nesciant, vel nolint propriæ vocis cantum voci sociorum attemperare, sed toti sunt ad cursum proprii versiculi inceptum quamprimùm explendum, haud sine cantus dissonantia & offensione. Alij ita confundunt finem versiculi alterius partis chori cum initio proprii versiculi, vt vltima verba alterius chori cum primis verbis istius concurrant absque distinctione temporis, & non sine magna debitæ integritatis violatione.

Trident.
Sess. 24.
cap. 12. de
Reform.

*Festinatè
recitantes
sunt fures
sacrilegi.*

Qui hoc præcipiti modo diuinum explent Officium, dici rectè queunt fures sacrilegi; quia & verba & tempus Dei laudibus destinatum iniuste surripiunt: quæ furta si multa sunt & frequentia, ad lethalem peruenire possunt culpam, quia præceptum in re graui violatur, si autem modica & pauca, saltem ad venialem culpam ascendent; sed

sed siue modica siue multa, furta tamen sunt in rebus ad Deum spectantibus, seuerè aliquando punienda. Deus comminatus est se ea iudicaturum per Isaiam Prophetam dicens: *Ego Dominus diligens iudicium, & odio habens rapinam in holocaustis.* Audiant hæc Dei verba psallentes præcipientes, nouerintque se odio haberi à Deo, quia rapinam committunt in Hymnodia, quam diximus haberi apud Deum loco holocausti, & victimæ medullatæ & electæ. Dum odio habentur, non possunt expectare nisi damna & pœnas grauissimas, & iure, quia Dei honori & cultui præferunt commodum proprium: siue enim accelerent recitationem, ut negotiis, tam publicis quàm priuatis, siue etiam ut studiis, lectionibus concionibusque, siue, quod grauius esset, ut ludicis, utinam etiam non turpibus, operam dare queant, hoc certum est, quod omnes Dei honorem paruipendunt ac spernunt.

Nullus item excusatione esset dignus ob eam rationem, quia aliis explendis orationibus tempus reliquum assignauerit; quas ad suam animi deuotionem elegit: iste enim grauissimè errat sub specie boni, quod tamen verè non est bonum; nullas namque orationes hoc præcipiti modo explet, nec debitas, nec voluntarias. Melius esset, & Deo gratius, si quis obligationi perfectè responderet omittens voluntarias preces, quàm pro voluntariis explendis, si omittat rectam debitæ precis recitationem. Hac arte diabolus plurimos decipit. Hinc dicebat S. Hieronymus: *Non mediocriter errant, qui bona magno præferunt mediocre bonum.* Deinde descendit ad rem nostram de Psalmorum recitatione, asserens: *Melior est quinque Psalmorum declaratio cum cordis puritate, & se-*

Festinata recitatio à Deo seuerè plectenda. Isaiaz 61.

Orationes voluntariae omittenda sunt pro necessariis. D. Hieron. in Reg. Monach. de Contempl. & orat. relatus in Decr. Dist. 5. de Conf. cap. 24.

renitate,

renitate, & spiritali hilaritate, quàm totius psalterij modulatio cum anxietate cordis & tristitia.

Adest etiam scandalum populi, qui audiens hanc præcipitem recitationem, non solum non mouetur ad Dei laudes, nec ad compunctionem, nec ad alios pios affectus, quos primo descripsimus Libro, quemadmodum institutio publicæ Hymnodie requirit; sed potius offenditur, videns Dei honorem spretum ab illis ministris, qui deputati sunt ad Dei honorem tuendum. Cognoscunt etiam laici, quàm indecorum sit, orantes & alloquentes Deum tantam usurpare festinationem, ut nec intelligantur ab audientibus, nec etiam intelligant seipsos qui psallunt. Si graue censeretur crimen illius hominis, qui Regem allocuturus tanta celeritate verba proferret, ut non posset loquentis sensus percipi; quod crimen censebitur apud Deum, alloqui ipsum eadem, imò maiori festinatione? Audiuntur (prò dolor!) quidam psallentes tanta velocitate percurrere diuinum Officium, ut nullum verbum intelligatur ab iis qui eo tempore Ecclesiam ingrediuntur. Isti recitantes satis superque ostendunt, quòd nulla interiori erga Deum afficiantur deuotione. Non minùs grauius quàm verè tradebat venerabilis noster Pater Zacaria illum præclarum Aphorismum: *Quando opus ex vera expletur cordis deuotione, tunc delectationem, diligentiam maturitatemque gignit in operante; quando autem expletur ob solam exteriorem satisfactionem, tunc tadium, incuriam ac tristitiam affert, & magis attenditur exitus celer quàm perfectio operis.* Isti manifestè declarant se Deo nihil attendere, sed tantummodò eò dirigere omnem cogitationem,

Ant. Maria
Zacaria in
Aphorism.
verbo De-
notio. n. 8.

ut quamprimùm, expediti ab onere Horarũ Canonicarum, lucrari queant distributiones. Verè *Dammum* miseros appellarim huiusmodi psallentes. quod *spirituale* enim credunt lucrum, aliquando sentient maxi- *ex celeri* mum fuisse detrimentum grauissimamque iactu- *pronuntia-* ram. Omnis illa celeritas in ipsorum recitantium *tione.* perniciem conuertetur.

Ille Deus, qui odio habet rapinam in holocausto, sicut iustè diligit iudicium, ita opportuno tempore iustitiam exequetur; & lucrum, quod aliquibus lætitiā affert, iisdem conuertendum est in luctum. Quibus posset iustè dici, quod aliquando dixit vir sanctus quibusdam Clericis, qui è choro exeuntes læti, inter se gloriabantur de fine Officij: *Benè quidem cantastis, sed plenum saccus di-* *belli plenus* *verbu ma-* *le prolatis* *in deuino* *Officio.* *Cæsar. l. 4.* *cap. 9.* *sacrum cantastis.* Mirantibus his & interrogantibus cur hoc dixisset, exposuit, quod vidisset dæmonem in loco eminenti stantem dum ipsi canerent in choro, qui saccum magnum & longum manu sinistra tenebat, in quem voces cantantium manu dextera mittebat. Ista verba conseruabant dæmones tamquam ministri Dei iustissimi Iudicis, qui tempore opportuno erat vindictam sumpturus de hac culpa.

Dammum itaque non modicum sibi inferunt festinanter recitantes Horas Canonicas; nocent enim sibi ad futuram æternitatem gloriæ, quia vel omnino illa priuabuntur, si culpa fuit grauis, ob defectum aut necessariæ integritatis aut debitiæ attentionis, quæ necessariò præcipitem consequuntur festinationem: vel saltem ad tempus aliquod differetur eius consecutio, si nempe culpa fuit venialis; tantumque suæ gloriæ adimunt, quantum temporis in vlt. Hymnodia auferunt

Deo.

Deo. Nam si cuilibet operi nostro, in hac vita ad normam virtutis expleto, respondere voluit misericordia diuina proportionatum in futura vita præmium, ut actibus humilitatis gradus exaltationis, passionibus delectationes, mortificationi consolationes, & his similia; ita Hymnis hinc recitatis, & tempori in his recitandis consumpto respondere debebit suauitas Hymnodia & delectatio cantus in futura vita. Iuxta hanc regulam possumus iuste credere, quod iis, qui tempus surripiunt Hymnodia debitum, auferet, vel saltem differet, diuina iustitia tempus beatæ visionis, ut pœna respondeat delicti qualitati. Quamuis sola gloriæ dilatio ad tempus accidar, ea nihilominus ab iis, qui gloriæ sublimitatem cognoscunt, censetur tam magna pœna, ut nulla huic possit æqualis in hac vita reperiri; quemadmodum doctissimus Guilielmus Parisiensis aliquando tradidit, expendens grauitatem pœnæ, quam sibi comparant mortales ob venialium culparum commissionem, dum à Deo ad Purgatorij flammam destinantur, ad purgandâs huiusmodi culpas. Expendit autem solam pœnam, quam Theologi dicunt damni, qua differtur visio beata, & dicit: *Quia melior est dies vna in atris Dei super millia, peccatum veniale, quod per diem unam detinet animam humanam in Purgatorio, aufert ei gloriam vnus diei & gaudium in celesti beatitudine; huic autem damno non est comparabilis vel densitas tenebrarum, vel elongatio maior à visione Dei.* En quantum sibi noceant nimis veloces psallentes, ut citius se expediant à Dei laudibus; tardiùs enim, in pœnam huius velocitatis, transibunt ad gloriæ fruitionem, quæ est maxima pœna maximumque

Pœna Purgatorij grauius ob gloria dilationem.

Guiliel. Paris. Tract. de Vitiis & peccatis.

numq; damnum: Nec dubitare debemus de huius Intititæ seueritate, cum exempla habeamus quotidiana ad nostram eruditionem à viris fide dignis descripta. Mirum hoc loco referam euentum cuiusdam viri & dignitate & sanctitate insignis, qui, ob nimiam festinationem in recitandis Horis Canonis adhibitam, licet causam haberet non leuem, fuit à Deo Purgatorij pœnis addictus. Hic fuit sanctus Seuerinus Colonien-
 sis Episcopus, qui cum Imperatori esset, ob prudentiam & in negotiis agendis dexteritatem, ap-
 primè acceptus, cogebatur quotidie ad Aulam accedere. Quamobrem vt esset expeditior à suis
 cum Deo obligationibus, solebat ante discessum
 è domo omnes diuini Officij Horas summo ma-
 nè explere. Ob hanc festinationem fuit ab ira
 Dei vindice coactus subire acerbissimas pœnas. *Officiu*
 Post mortem, cum quidam Clericus huius Episcopi iter faciens esset transiturus cuiusdam fluminis vadum, vidit coram se proprium Episcopum, nuper mortuum, in eo flumine manentem. Miratus Clericus huius rei, interrogauit, cur ibi maneret. Episcopus ait, Extende manum, cognosces ex effectu statum meum. Extendit ille manum ad Episcopum in aqua iacentem, talemque passus est ab aqua ardorem, ac si ignem validissimum tetigisset, qui, manum cute & carne spoli-
 lians, reliquit tantummodò ossa nuda. Tunc magis & stupens & dolens Clericus interrogauit, quomodo vir tantî nominis apud omnes in loco iaceret tantorum cruciatuum, respondit Episcopus, id esse propter nimiam festinationem diuini Officij, vt Imperatori deseruiret. Nolens Episcopus Clericum istum discedere afflictum ex

S. Petrus
 Damian.
 Epist. ad
 Desid. c. 7.

*Gravis pœ-
 na à Deo
 inflicta fe-
 stinanter
 recitanti
 Officiu*

manu decorticata, subdit : Oremus Dominum, ut manum ad pristinam restituat sanitatem, statimque conualuit Clericus. Cui tandem dixit sanctus Seuerinus : Moncas, quæso, omnes propinquos & pias personas, ut pro me exorent & Sacrificia offerant ad Deum ; his enim orationibus expletis, ascendam ad gloriæ diuinæ fruitionem. En damnum ex nimia acceleratione precum diuinarum, etiam ex causa, quæ apud homines iusta censeretur, factum. Quid sibi spondere poterunt ij, qui ex festinata recitatione & verba & tempus Deo surripiunt, in publica præsertim Hymnodia, in qua adesse potest scandalum laicorum audientium ? Caueant sibi qui præsumunt, nec corrigunt huiusmodi abusus : ipsis grauior imputabitur culpa, grauissimumque ij subibunt Dei iudicium, ut in se ipsis luant debitis cruciatibus, quod in aliis indulgenter tolerant. Vigilare in hac re conuenit Superiores omnes, Episcopos præsertim, Prælatos, Antistites & chori Præfectos, ne in choris suis huiusmodi irreperant abusus ; alioquin ipsis, præsertim coram Deo, imputabitur omnis admissus error, iuxta Summorum Pontificum Decreta, quæ statuunt, socios habendos esse criminum, qui istis non obuiant ; eosque errores approbari, quibus non resistitur ; imò & foueri errantes, quando qui potest impedire, negligit. Sibi proponant Superiores Ecclesiarum Dei honorem, Templi reuerentiam, populorumque ædificationem ac utilitatem, viriliterque studeant abusibus istis repugnare, ne sensim ingrediantur ; & si qui iam sint introducti, omni eos studio auferre conentur, ut moderatam tueantur, religiosam piamque tarditatem.

Episcoporum & Præfectorum chori grauius obligatio.

Dist 83. c. Error. c. Quid enim. c. Consensio.

tatem. Secum aliquando recolant Episcopi & Prælati, Magnum illum Gregorium, qui fuit Ecclesiæ non solum Doct̃or præclarissimus, sed & Pontifex Summus, non solum non reputasse indecorum tantæ dignitati, assistere Clericis diuina Officia in Templo peragentibus, sed insuper operam & studium collocasse, ut cantus ea quæ par est dignitate, forma & grauitate expleretur, docendo, admonendo; imò, si opus erat, corrigendo errantes tum verbis, tum virga, quam, teste Petro Diacono, semper in choro tenebat. Nec poterat sanctissimus Pontifex ab hoc munere impediri à podagra, quæ sæpè laborabat; nam super lectulum, in quo iacebat, delatus, interesse diuinis volebat. Tanta erat huius sanctissimi Doct̃oris & vigilantissimi Pontificis erga diuini cultus Officia sollicitudo & obseruantia. Quod igitur decuit summum Ecclesiæ Hierarcham, cur de decere putabitur alios dignitate, doctrina sanctitateque inferiores?

Qui nouerint esse in hoc munere diligentiores, ij & Deo, cui seruiunt, erunt mirificè accepti, & propriæ obligationi facient satis. Ut ad rem hanc aliquid significetur de iis inferioribus Prælati Episcopis, qui zelare studuerunt cultum diuinum, recolam hoc loco, quod à nostro venerabili Alexandro Saulio nouimus expletum, posteaquam è Religione ad Episcopalem euectus est dignitatem. Hic vir præclarus, qui sibi sum-

B. Alexandri Saulij zelus circa diuinum cultum.

ac difficilem. Inter alia egregia à se instituta opera circa diuini cultus erectionem in sacris Templis

plis Alerienſis Epiſcopatus, illud cenſeo haud poſtremum, quòd ſtatim poſt adeptam Epiſcopalis dignitatis poſſeſſionem, inſtituendum in inſula Corſicæ duxit Seminarium Clericorum, qui ſicut bonis litteris, ita Eccleſiaſticis ritibus ac cærimoniis omni inſtruerentur ſedulitate. Primò duodecim bonæ indolis iuvenes in hoc introduxit Seminarium, quos paullatim ad numerum adauxit vigintiquatuor, omnes ex propriis Epiſcopatus redditibus alens ac veſtiens. Nec contentus opera apti Præceptoris à ſe item conductioni ad linguæ Latinæ ſtudium, ipſemet quotidie litterarias recognoſcebat exercitationes. Et, præter alias prælectiones, Romanum inſuper illis explicabat Catechiſmum, nuper tunc editum ad informationem Eccleſiaſticorum miniſtrorum in præcipuis ritibus. Prætereà eodem Clericos feſtis diebus ſecum ad Matutinas laudes in choro cantandas deducebat, vt diſcerent modum ritè ac rectè pſallendi, errata ſiue in Lectionibus, ſiue in cantu, ſiue in cærimoniis corrigens. Hæc faciebat Apoſtolicus vir, ita exigente tunc temporis neceſſitate Inſulæ, quæ in rebus ad Dei cultum animæque ſalutem ſpectantibus, ob incuriam & penuriam idoneorum miniſtrorum, & ob abſentiam præcedentium Epiſcoporum, ſenſim deficiens eò deuenerat, vt ferè videretur vel numquam, vel parum cognouiſſe Eccleſiaſticas ſanctiones Catholicosque ritus. Huius zelantis Epiſcopi diligentiam comprobare volens benigniſſimus Deus, qui cenſebat huiusmodi opus ſibi apprimè carum, ob præclaras vtilitates inde ad Cleri rectam informationem morumque totius Inſulæ reformationem ſecuturas, conceſſit ſuo

Epifcopo

Episcopo auctoritatem singularem res miras patrandi, ad commune omnium, præsertim Clericorum Seminarij, beneficium. Nam cum isti iu-
 uenes morbo quodam contagioso tunc in Insula In Vita
 grassante, ex quo multi ibidem decedebant, gra- Iconibus
 uissimè laborarent, sicut ab Episcopo inuiseban- impressa.
 tur, opportunisque pietatis hortationibus ad tolerantiam excitabantur; ita non solum, ab eius præsentia recreati, animum augebant, sed quàm primùm ad perfectam restituti sanitatem, quam beatus Episcopus ipsis prædixerat, & promiserat, conualuerunt. Vigilent igitur Superiores circa rectam chori disciplinam aut conseruandam, aut restituendam, ut cantus sit semper grauis & pronuntiatio decora, præmium à Deo huius zeli abundè recepturi.

Non defuerunt Regularium Prælati, qui, ut se suosque subditos ab omni indebitæ celeritatis periculo in psallendo redderent tutiores, pati minimè vellent in choro illud temporum discrimen, quod etiam apud seueriores Religiosos laudabiliter obseruatur, nempe canendi altiore prolixiorèque voce ad diurnas Horas, & in festiuis Officiis, submissiore autem atque breuiore in Horis nocturnis, & in ferialibus diebus. Constantem alti prolixique cantus ynniformitatem, absque temporum distinctione, à Monachis suis postulare solitus erat venerabilis Ioannes Houhton, Londoniensis Garthusiæ Prior, de quo supra mentio facta est, afferens illud argumentum, quòd non liceret nobis aliquid remittere de modo canendi, sicut non licet remittere de diuino amore, *Sicut*, aiebat, *Histor. non est tempus præfinitum à Patre nostro caelesti, quo Matt. An. ab eius amore desistamus, quin omni tempore & mo- Glia, c. 4.*

mento indiuiduo , ac omnibus viribus eum amare iubemur, sic nec velimus per nos à laude eius cessare umquam, sed omnis spiritus noster semper laudet Deum. Rigorem istum vniformitatis exigebat deuotus Prior, quia illum censebat esse maximè proprium Carthusiano instituto. quare dicebat: *Huc venimus Deo seruire, operi igitur & seruitio eius insistamus: super muros enim Ierusalem constituti sumus à Deo, iudice viuorum & mortuorum, custodes, à laude laudabilis nominis sui tota die & nocte in perpetuum non cessaturi.* Imò ad vberiorrem ipsorum Monachorum excitationem urgebat aliquando iustitiæ obligationem dicens: *Si nos, qui viuimus de patrimoniis Christi & eleëmofynis, festinaremus in Dei seruitio, aut occasiones discedendi ab Ecclesia simularemus, existimantes, modicum & breue tempus, quo hic sumus, nimis longum, certè nescio quomodo excusaremus nos ab iniusta receptione, retentione & mala expensione eleëmofynarum benefactorum & fundatorum nostrorum.* Præclarus iste vir sicut nouerat proprii instituti obligationem, ita opportunas monitiones hortationesque necessarias adhibere haud omittebat, ne ipsi ad culpam imputaretur, quod alij culpabiliter committerent, aut omitterent.

Tandem circa eandem celerem pronuntiationem peccare contingit psallentes in choro, quando ea, quæ ratione ritus debent dici secreto, quemadmodum euenit in recitatione orationis Dominicæ, Salutationis Angelicæ Apostolicique Symboli, siue ante Psalmorum cantum, siue in fine Nocturnorum, siue in aliis Officij locis, tanta à nonnullis absoluuntur festinatione, vt, tardioribus non expectatis, cantû celeriores arripiant. Hic defectus

defectus sicut ut plurimum admittitur ab iis, qui onus, siue ordinarium siue extraordinarium aliis præcinendi, officium ducendi habent; ita semper est coniunctus tum confusione cætus, tum offensionem sociorum cantantium, eorum præsertim, qui, dum non expectantur, videntur neglecti. Quare ubi chori disciplina viget exacta, opportuna adhibentur siue leges, siue monitiones, ut iste grauis defectus caueatur. Apud nos Clericos Regulares Paulinos, inter alias graues monitiones pro recta chori disciplina ad Hebdomadariū (qui nempe apud nos munus gerit ducendi Officiū diuinum) directas, extat sequens:

*Animaduertet, ut tantum spatij ad Domini-De Chori
cam orationem & reliqua secreto dicenda relinquat,* disc. lib. 1.
quantum non iis solum qui celeriores sunt, sed aliis cap. 10.

quoque satis esse possit. Hoc monito, aut aliis etiam huiusmodi legibus atque remediis adhibitis in choris rectè instructis, nemo fauere intendit psallentibus nonnullis plus iusto tardis in huiusmodi secretis precationibus absoluendis. Actui namque ex alio extremo, nempe ex nimia mora vicioso, nullus iustè potest annuere. Virtus sola, *Virtus in
quæ ex natura sua ab omnibus abhorret extre-* medio sita
mis, sita in mediocritate commendatur, & coli- est.

tur. Hæc mediocritas præcipuè exigitur in iis actionibus ac muneribus, quæ temporis mensuræ subiecta, publicè, tum ad plurium hominum beneficium & commodum, tum vnà cum aliis sociis peragi debent, ne, ob vnius alteriusve priuatam satisfactionem, fastidium in multis gignatur, aut etiam, quod ab humana haud discrepat fragilitate, iræ motus grauis excitetur.

CAPVT VII.

De violati silentij defectu.

*Silentij ri-
gor in Tem-
plis Paga-
norum.
Arian. l. 4.
cap. 11.*

*Seneca lib.
de Beata vi-
ta cap. 26.*

*Aristæas lib.
de Septua-
ginta duo-
bus Inter-
pret. cap. 7.
Templi te-
rolymita-
ni silentij
ritum.*

SEMPER in Templis Deo dicatis silentij obseruatio fuit inter præcipuas, in homine ad Deum colendum requisitas, conditiones enumerata. In Templis ipsis Paganorum adeò studiosè parcebatur verbis, vt violatæ Religionis censetur delictum, si rumpi silentium aliquo sonitu contigisset, vti luculenter scripsit Arianus super doctrina Epicteti. Quinimò, vt præpararentur ad silentium illi Pagani, edicebatur ante initium Sacrorum per præconem illa vox, *Fauete linguis*; vti notauit, & declarauit Seneca, agens de silentio quo peragebantur Sacra in Templis Romanorum. Sed quidquid fuerit obseruatum ab Ethnicis in suis Templis, quæ potius profana & impia, quàm pia & sacra erant, si ad Tempia verè sanctæque Religionis respiciamus, cognoscemus, tanta veneratione fuisse in eis apud pios Dei cultores obseruatum silentium, quanta decet loci sanctitatem.

De primo Templo, quod sibi Deus inter mortales construi voluit, scribens Aristæas antiquissimus Auctor, prodidit, silentium à Sacerdotibus & ministris cultum fuisse vsque ad stuporem; *Ministerium Sacerdotum*, ait, *robore, decore & silentio cuncta superabat. Silentium tantum inest, ut cum septingenti ferè ministrorum continuo adsint, & offerentium libamina multitudo ingens, ne unum quidem hominem in loco versari putes; summa namque veneratione cuncta & magna Dei pietate*

pietate perficiuntur. Summoperè mirabatur Aristæas in illis fidelibus piis & ministris silentij observationem, eamque celebrare coactus est. Huius silentij imitatio ad nostra Tempia post diuini Verbi in carne aduentum translata est, & per multa sæcula magno vixit rigore; sicut etiam nunc à piis personis retinetur, Nihil à sanctis Patribus magis indicitur fidelibus & ministris ad Tempia accedentibus quàm silentium. *Magna virtus*, ait sanctus Ambrosius, *est tacendi in Ecclesia præsertim.* Nihil tam congruum Ecclesia quàm silentium, ait sanctus Chrysostomus, *Templis omnino silentium debetur*, inquit sanctus Isidorus Pelusiota. Ob hanc silentij virtutem in Templis magno rigore obseruatam laudabat sanctus Gregorius Nazianzenus sanctam Nonnam matrem suam; quia numquam in sacris Templis fuerit illius audita vox, exceptis necessariis & mysticis verbis. Quæ autem essent necessaria & mystica verba, explicat Elias Cretensis, ea quæ à laicis in Templo, ad ea quæ Sacerdotes cantabant, aptè & opportunè accinebantur. Tunc temporis plebs omnis in Templo quædam verba respondebat Sacerdotibus in choro cantantibus, sicuti nunc etiam in quibusdam locis mos seruatur.

Custodiebatur hoc silentium præcipuo cultu à Monachis & Religiosis antiquioribus in Ægypto degentibus, de quibus mira scribit Cassianus, vir omni exceptione maior, præsertim tempore Hymnodicæ. Verba huius Scriptoris proferam, ut maior dictis fides tribuatur. Cum igitur prædictas solemnitates, quas illi Synaxes vocant, celebraturi conveniunt, tantum à cunctis silentium præbetur, ut cum in unum tam numerosa multi-

S. Ambros.
l. 3. de Vir.
S. Chrys.
Hom. 38.
ad Pop.
S. Isidorus
Pelusiot.
Epist. 45.
S. Gregor.
Nazianz.
Orat. 19.
in laudem
patris.

Monachi in
Ægypto si-
lentij custo-
des fuerunt.
Cassianus
lib. 2. c. 10.

tudo Fratrum conueniat, præter illum, qui consurgens Psalmum decantat in medio, nullus hominum penitus adesse credatur. Concilia etiam & Patres non omiserunt providere opportunis Decretis huic obseruationi silentij. Extat hac de re Decretum in Concilio Toletano II. translatum inter Iuris Decreta à Gratiano, quò cauetur, vt in loco

Cap. In loco
co 5. q. 4.

benedictionis silentium custodiatur. Quis intelligatur à Patribus per locum benedictionis, licet ex contextu appareat esse locum Synodi, tamen

Nauar. de
Or. c. 17.
*Silentij custodia actus
est Religionis.*

Martinus Nauarrus extendit ad chorum, vbi Hymnodia exercetur. Eadem rationes in illo Decreto allatæ militant etiam in loco Hymnodia; quia nimirum silentium ad Religionis virtutem colendam est prorsus necessarium, iuxta Apostolicam doctrinam B Iacobi dicentis: *Si quis putat se religiosum esse non refranans linguam suam, huius vana est religio.*

Iacob. I.

*Silentij
violatio in
choro graue
delictum.*

Qui verba inter psallendum miscent sicut Religionis virtutem offendunt, ob silentij violationem, ita magnæ irreuerentiæ fiunt rei apud Deum quem in Psalmis alloquuntur. Magnum profectò irreuerentiæ delictum censerent homines, si quis Principem alloquens de re seria, inter loquendum misceret verba cum seruo aliquo præsentem; quod maius censeretur delictum, si verba essent leuia, ludrica & indecentia. Prò dolor! quot nunc in choro, dum altissimo psallunt Deo, qui Arcopagitis taciturniores esse deberent, audent verba inutilia, ridicula & indecora miscere, quæ non auderent coram viro graui, multò minùs coram Principe, aut Rege magno, aut etiam coram Prælato proferre, pœnas utique graues subituri, iuxta culpæ grauitatem? in istos

inuenitur

inuenitur diuus Basilii ad ea verba Hymnographi, *Et in Templo eius omnes dicent gloriam*, di-Psal. 18.
cens: Audiant hac Psalmi verba, & confusi sub-
pudescant y qui in Templo prolixissima intexunt
colloquia. Quid dicit Psalmus? qui in Dei est Tem-
plo, non maledicentiam, non vanitatem, ac de ob-
scenis rebus disertos sermones pronuntiet, sed in
Templo eius quisque dicet gloriam. Pœnæ omnes, *violati si-*
hiscē silentij violatoribus inflictæ à Deo, licet lenij pœna
non semper sint nobis cognitæ, aliquando ta- à Deo.
men quædam ipsarum fuere à sanctis viris de-
scriptæ, vt non omnino ignorarentur. De quo-
 dam scripsit D. Bonaventura, qui pœnis Putga- D. Bonau.
 torij grauissimis fuit addictus, ob consuetudinem in Spec. di-
 loquendi inter psallendum. Nemo conqueri iu- discipl. c. 10.
 re poterit de nimia pœnarum seueritate; nimis
 enim offenditur diuinæ Maiestatis honor. & de-
 cor à vili creatura.

Tanta debet esse obseruatio silentij in choro, vt
 nec licita sit illa submissa locutio, seu mullatio,
 quam aliqui faciunt, dum altera chori parte di-
 cente versum, isti submissè vel eundem versum,
 vel alium forsan omissum, vel plures etiam re-
 citant. Dedecet hic sonus, quauis submissus:
 sonus enim est & sibilus, qui non modicum per-
 turbat chorum; subtrahitur namque vox per il-
 lud tempus, & propè existentes offenduntur.
 Consultius esset differre huiusmodi versiculo-
 rum, vel malè prolatorum vel omissorum, sup-
 plementum ad finem Officij, ne silentium vio-
 letur. cuius rei opportunum in nostro Ordine ha-
 bemus monitum his verbis: *Nullus priuatim sa-* DeDiscipl.
cras preces recitet, sed quilibet, dum in choro est, chori c. 10.
ceterorum recitationem sequatur.

Mirum

*Mira silen-
tij observa-
tio in Ca-
nonico.
D. Bonau.
ibidem.*

*Carolus à
Bal. Pe-
tri in Vita
S. Caroli
lib 7. c. 13.*

Mirum rigorem in hoc genere silentij obser-
uarunt viri magnæ religionis & sanctitatis, vt to-
ti essent ad agendum quod agebant. Duos hoc lo-
cò referam illustriores euentus, alterum nupe-
rum, antiquiorem alium. Ab isto exordiens, pro-
fero illum Canonicum Parisiensem, ad quem re-
citantem diuinum Officium accessit Episcopus
cum ipso locuturus: at deuotus Canonicus nihil
respondens, profundam tantum fecit reueren-
tiam suo Episcopo, inceptam prosequens Horam
vsque ad finem. Hac peracta, ad Episcopum se
contulit, vt mandata reciperet, præmissa prius
hac excusatione digna pio viro: *Ignoscas, domi-
ne, quòd tibi tunc non attenderim, quia colloquia
trahebam cum altiori maioriq̃ Domino.* Nunc
ad nuperum venio. De sancto Carolo Mediola-
nensi Antistite insigni S. R. E. Cardinali, prodi-
dit alter Carolus eiusdem in disciplina Ecclesia-
stica alumnus, & in morum probitate ac agen-
dorum prudentia illustris imitator, deinde nostri
Ordinis magnus Religiosus, tandem Ecclesiæ
Nouariensis sanctus Episcopus, quòd tanta pie-
tate & attentione diuinis assisteret Officijs, vt
numquam admittere voluerit ad colloquium
quemquam, licet de rebus magni ponderis, imò
etiam desiderio expectatis, qui vellet ipsum al-
loqui: *Quia indecorum iudicabat, rebus sacris in-
terponere, sacròve loco admittere quidquam exter-
num, sed simul etiam voluntate (ait Scriptor) ac
desiderio reprimendo se exercebat. In quo studio, li-
cet de re non magni momenti agatur, magnum ta-
men ad virtutem esse momentum existimatur.*

Hæc obseruare nouerunt viri pietate insignes,
qui Deum colere student, à necessariis etiam
abstinentes

abstinentes verbis, vt tutius sibi possent cauere à verbis non necessariis. Hæc si proferantur vel ex leuitate, vel ex curiositate, vel ex quauis alia causa, semper sunt indecora, quasi dixerim iniuriosa Deo, plus ausim, Dei contemptum præ se ferentia. Quilibet grauis vir se putaret contemptum, quando, qui secum loquitur, in medio sermone verba omnino aliena à re, sine aliqua necessitate, intermiseret; non enim is posset excusari vel de stultitiæ morbo, vel de præsumptionis vitio, sed à colloquio certè eiiciendus censeretur. Quot de Clero (non sine doloris sensu dico) eiici deberent domo Dei & à cœtu psallentium, propter hoc loquacitatis vitium: misceant enim verba non pauca inter psallendum, verba sæcularia, verba leuia, verba curiosa, verba profana, verba ludicra, quid si turpia? Isti, quamuis nunc tolerentur à Deo, qui longanimis est & patiens, dabunt tamen opportuno tempore dignas pœnas; licet non eiiciantur nunc tamquam iniuriosi, eiicientur tamen alio tempore ipsis duriori, non à Templo terreno, sed forsan à cælesti, ad perpetuas euomendas blasphemias in gehenna. *Hoc age*, dicebatur antiquitus, & etiam obseruabatur in Templis profanis Romanorum: nos peiores cum Deo nostro vero sumus, quàm illi Ethnicij essent cum dæmonibus. Pudeat aliquando virum Dei cultorem, Ecclesiasticum, Religiosum, cognoscere se deteriorem Paganis quoad modestiæ & Religionis disciplinam. Aduertant Canonici & Capellani, ne, præter violari silentij & dati scandali culpam, teneantur quoque ad restitutionem, memores doctrinæ à præcipuis Doctoribus traditæ, nimirum psallentes in choro, qui

*Loquacitas
in grauitas
quanta.*

*Pagani in
Templis
silentij custodes.
Ex Plutarco,
in Numæ &
Coriolano.*

qui frequenter & ordinariè confabulantur, teneri restituere distributiones quasi totas.

Dei præsensia loquacitatem continet.

Nè in posterum hoc vitium loquacitatis in choro admittatur, consulerem istis, vt diuinam præsentiā studerent sibi reddere familiarem; hæc enim sola sufficeret ad componendum animum & verba vniuscuiusque psallentis. Si quis cū Principe suo locuturus, vt verba apta proferat, satis est quod ex animo cognoscat se habere Principem suum præsentem, qui potest felicem ac infelicem reddere. Quantò validior, ad continendam cuiuscumque verbosi lubricitatem, erit præsensia Dei cogitata & impressa, qui potest, si vult, perdere & saluare; potest, si vult, illicò in gehennam corpus & animam detrudere; potest, si vult, omnem concedere felicitatem. Huiusmodi sancta cogitatione munitus animus religiosus, omni accedat sanctitate ad Dei sui laudes concinendas & persoluendas.

C A P V T VIII.

De eiusdem silentij violatione aliis modis.

TURBATVR aliquando in Templis & choro silentium aliis modis quàm sermone, nimirum quando strepitus quidam fiunt indecentes, siue rulli, siue excreatibus, siue sede; qui omnes inter defectus connumerari debent, & inter reatus contra loci religiositatem computandi: in quos constat, à Patribus pietate insignibus fuisse animaduersum edictis & pœnis. Vt ad hanc rem à nouissimis exordiar, offero quæ in nostra Clericorum

ricorum Regularium Paulinorum minima Congregatione extant sancita, antiquioribus conformia. Quādo nostris Religiosis præscribitur habitus corporis & modestia seruanda in choro, hæc inter alia cauentur, ne silentiū turbetur: *Excreta & nasi purgatio necessaria erit quā modestissima, & quantum fieri possit, minimè sonora, tum in oratione mentali, tum in diuinorum recitatione; reseruetur etiam, si possit, ad id temporis momentum, quo vox quacumque, qua in choro proferatur, minus impediri queat. Canebunt etiam à quolibet alio strepitus genere, siue in tollendis aut demittendis sedilibus, siue transiendo per subsellia, siue alia quavis ratione.*

Regula de
Discipl.
chori.
Strepitus
quicumque
a choro ar-
cendus.

Si cui hæc videbuntur minutiora, nouerit, quòd ante nos magna obseruabantur religione ab antiquis Monachis Ægyptum incolentibus, quibus luculentissimum præbens testimonium Cassianus scribit, tanta fuisse apud illos veneratione silentium tempore precum, vt in illis non spiritum emitteretur, non excreatio obstreperet, non tussis intersonaret, nulli gemitus, nulla suspiria adstantes impeditura promerentur. Si aliquando vel suspirium vel gemitus ex oris claustro effugeret ab aliquo, excusatur à Cassiano, quòd non nisi magno spiritus impellente feruore, qui non potuisset cohiberi, per surreptionem euenisset.

Cassianus
l. 2. Instit.
cap. 10.
Ægyptio-
rum Mo-
nachorum
vigilantia
circa stre-
pitus can-
uendos.

Dignatus est Deus ipse declarare, quantum Templum deceat silentium ab omni strepitu quamuis necessario. Rem magnam dicam, sed veram, à sacra ipsa Historia traditam. Quando extruebatur Salomonis Templum ita res ad fabricam spectantes erant paratæ, vt maximo silentio omnia peragerentur; & licet plura hominum millia

Silentium
mirabile in
Templi Sa-
lomonici
fabrica.

ad

ad illud conuenient opus, & ex lapidibus dolatis, & ad artis regulam expolitis, & de lignis quadratis & complanatis opus fieret, nihilominus (ait sacer Textus) nullum ibi strepitum fuisse auditum: *Et malleus, & securis, & omne ferramentum, non sunt audita in domo cum edificaretur.* Mira profectò res, quæ omnium Doctorum mouit mentem ad quærendum, quâ fieri potuerit hoc silentium ab omni malleorum securiarumve ictu. Hebræorum Rabbini, vt ab hac se expediant difficultate, varia consingunt arcana soli Salomoni cognita; creditu tamen difficilia. His omiſſis tamquam fictitiis & vanis, verior ratio huius silentij tam admirandi ea est; quam communiter tradunt omnes Catholici Expositores, nimirum, quòd tam lapides quàm ligna non solum ad debitas mensuras secta, sed etiam complanata, expolita, & omnino elaborata ad locum fabricæ deferrebantur. hinc in Templo nullus ferramentorum ictus auditus est, nimirum ad illarum rerum præparationem. En quanta reuerentia censuit sapientissimus Rex Salomon, à Deo utique edoctus, colendam esse Dei domum; dum pati noluit eos in Templo strepitus, qui ad operis extruccionem videntur omnino necessarij; vt cognoscere hinc nobis liceret, maiori diligentia esse cauendum tempore diuinorum à strepitibus qui non videntur necessarij.

*Quies ab
omni stre-
pitu in
Templis
curanda.*

S. Clem.
1.8. Con-
ſtit. c. 11.

Huiusce silentij ab omni strepitu sicut studioſissimi fuerunt omnes sancti & pij viri, ita varia adhibita sunt in Christiana Religione remedia opportuna. In primitiua nascente Ecclesia deputati erant Diaconi, qui per Templum discurrentes attenderent, ne aut à viris aut à mulieribus strepitus

strepitus nutusve tempore diuinorum fierent. Sanctus Ambrosius solebat eodem tempore monere populum, vt à tussi & ab omni inquietudine temperaret. Ad cuius ritus imitationem vide-
 tur in Ecclesia Mediolanensi hodie vigere illa ob-
 seruantià tempore Missæ solemnissimæ, quando vnus
 de Clero ante Euangelij lectionem exiens ad po-
 pulum ex ambone proclamat: *Silentium habete.* Mediola-
nensis Ec-
clesiæ ritus
ad silen-
tium custo-
diendum.
 post quem alius è choro dicit: *Habete silentium.*
 Idem diuus Ambrosius, tradens Virginibus præ-
 cepta ad reuerentiam Deo in Templis exhiben-
 dam, descendit etiam ad hoc particulare præ-
 ceptum de strepitu vitando, vrgens argumenta
 & exempla ex profanis desumpta. Suggestit pri-
 mo loco reuerentiam à Barbaris exhibitam Tem-
 plis Idolorum Sacrificij tempore, describens euen-
 tum admirandum cuiusdam pueri, qui potius
 pati voluit brachij adustionem, quam emittere
 vocem quæ silentium turbaret. *Illud exemplum*,
 proditur (ait beatus Ambrosius) Alexandro sa-
 crificante Macedonum Rege, puerulum Barbarum,
 qui et lumen accenderet, excepisse ignem brachio,
 atque adusto corpore mansisse immobilem, nec dolo-
 rem prodidisse gemitu, nec tacito poenam indicasse
 fletu. Tanta in puero Barbaro fuit disciplina reue-
 rentiæ, vt naturam vinceret. Iure miratur sanctus
 Ambrosius huius silentij & patientiæ eminen-
 tiam non in homine graui, sed in puerulo te-
 nero, non in Christiano viro, sed in idololatra,
 qui neque submissa voce voluerit doloris signum
 emittere, propter reuerentiam siue Deorum siue
 Regis Alexandri; cum multi ex Christianis vim
 sibi non valeant inferre ad cohibendam vel tus-
 sim, vel excreatum tempore diuinorum. Inde vr-
 gebat

gebat sanctus Ambrosius Virgines suas, vt in Dei ministerio abstinere studerent etiam ab his affectibus quos natura exigere vellet: *Et tu*, inquit, *in ministerio Dei, virgo, gemitus, excreatus, tusses, risus abstine.* Abstineremus coram Alexandris, si adessent, cur item coram Deo, quem fide scimus presentem, non abstinemus? Vt deinde validius incitet sanctus Ambrosius animum illarum Virginum, vsurpat quamdam lepidam siue fabulam, siue historiam, quam asserit vulgatam, de ranis quibusdam prope Templum intra paludem viuentibus, quæ à Sacerdote iussæ silere, conticuerunt, ne orantium preces perturbarent. inde concludit: *Silent igitur paludes, non silebunt homines?* Omnia lura clamant, silentium ab omni strepitu in Domo Dei custodiendum; & violatores illius grauibz suppliciis aliquando puniendos, si vel data opera, vel ex graui incuria strepitum committunt.

Audire hoc loco præstat, quanto rigore à priscis Patribz, disciplinæ perfectioris studiosis, animaduertebatur in eos, qui culpam aliquam in hoc genere, etiam minimè voluntariam, sed casu committebant. Quidam Lambertus Episcopus, dimisso Episcopatu se ad Monasticam disciplinam tradidit, vt pœnitentiæ operibus se totum committeret absque impedimento. Huic viro egregio, dum ad omnia ceterorum Monachorum studia conueniret, surgenti quadam nocte ad orationem præmaturo tempore, nescio quo casu sibi è manibus contigit alterum calceum, qui pavementum feriens quietem Fratrum turbauit, & Abbatem excitauit. Hic statim, non exquirens, quânam Fratrum fuerit turbator silentij,

*Fabellæ de
ranis silen-
tibus ad
præceptum
Sacerdotis.*

*Stephanus
Episcopus
Leod. in
Vita sancti
Lamberti.
Silensij ca-
su turbati
grauis pœ-
næ exem-
plum.*

tij, edixit; Quisquis ille fuerit, cuius culpa fraternitas turbata est, pro consuetudine nostra, se conferat ad Crucem (Crux autem erat pœnitentiæ locus sub dio, expositus omni aëris iniuriæ) & frigus tunc erat. Lambertus illicò properauit ad Crucem cilicium tantum indutus, in nocte gelidissima, & multa glacie ac niue asperissima; nec inde discessit, donec ab Abbate reuocatus fuit. Manè factò, cum omnes Fratres ad ignem congregati essent, circumspiciens Abbas, nec videns adesse Episcopum, cognouit turbatorem; cum statim à Cruce accersitum inuitat ad ignem, & reuertentem viderunt facie splendida, à quo Abbas veniam petiit, quia ipsum non putasset. at Lambertus respondit: *Nihil in me peccasti, quod ego vobis condonare debeam.* En quanta seueritate minima culpa violati silentij puniebatur etiam extra chorum admissa. Quid factum esset, si de violato silentio ageretur intra Ecclesiam Dei? Viri illi sanctitati studebant & perfectioni virtutum. Sancti tunc erant illi Prælati, qui nimio zelo custodiebant disciplinam Regularem: sancti erant Religiosi, qui promptè pœnas impositas subibant. Sanctus idcirco insignis effectus est ille Lambertus, & meruit paucis post annis martyrij corona insigniri. Ab istis discenda est & reuerentia diuinis rebus adhibenda, & disciplinæ perfectio in vita Regulari obseruanda.

Perfectionis studio si libenter subeunt pœnas impositas Prælato,

CAPVT IX.

A risu abstinendum in choro.

Risus compositioni & reuerentia Ecclesiarum contrarius.

Risus & passiones permittuntur ad animi utilitatem.

S. Gregor. lib. 3. Dialog. cap. 14.

ALIVS defectus præcedentibus proximus, silentio ac compositioni Ecclesiasticæ valde contrarius ac indecorus, est risus, qui à sanctis Patribus annumeratur inter ea capita quæ in Ecclesiis sunt cauenda, ne silentium, loci sanctitati & muneris obligationi debitum perturbetur. Repetantur hoc loco verba præcedenti Capite allata, quæ ad informationem Virginum scripsit sanctus Ambrosius silentium suadens, *Et tu in ministerio Dei, virgo, gemitus, excreatus, tusses, risus abstine*: nam risum coniungit tussibus atque excreatibus sonoris; quia licet sine sono possit esse risus, maiora tamen & grauiora gignit incommoda quàm ceteri strepitus, de quibus præstat nunc agere, vt caneantur. In primis scio, non semper risum imputandum esse vitio, cum absque omnimoda culpa queat accidere, diuina sic permittente dispositione, ob aliquod beneficium illius qui huiusmodi passioni risus subditus sit, licet animus repugnet; quemadmodum euenire solet in aliis passionibus, quæ à Deo permittuntur. viris magnæ perfectionis ad exercitium humilitatis. Insigne ad rem nostram scribit exemplum sanctus Gregorius Magnus in suis aureis Dialogis, de quodam singularis perfectionis viro nomine Isaac, natione Syro, qui apud Spoleum vitam egit sanctitate & virtutibus admirandam. Elucebat in hoc viro mira abstinencia, contemptus rerum visibilium, orationis altissimæ donum,

donum, prophetiæ gratia, & miraculorum operatio, ita ut Deus cognosceretur esse in eo, & ab omni populo maxima in veneratione haberetur. Nihilominus vir iste tam vehementi risu ac lætitiæ passione arripiebatur, ut sibi ipsi non valeret ullo remedio frenum imponere, & nisi cognitus fuisset tantis virtutibus plenus, numquam potuisset credi iustus & perfectus. Dum hunc euentum narrat sanctus Gregorius, ut audientium & legentium auferat admirationem, docet id accidisse ex alta Dei dispensatione, qui nitentibus ex animo ad virtutum perfectionem aliquando dum maiora largitur bona, denegat quædam minora, ut animus istorum habeat in se ipso & humiliationis obiectum & pugnæ materiam. Humilitas fouetur, dum cognoscunt se vincere non posse modicam passionem: hinc discunt, quod ex se illa maiora quæ obtinent bona non acquisierint. Pugnæ materia adest, dum passionis moribus student se opponere. Suggestit sanctus Doctor ex sacra Historia, continuam molestiæ occasionem populo Israëlitico ad terram promissionis introducto relictam; dum illis Deus reseruasset Philisthæos atque Chananæos, qui eos bellis exercerent; inde concludens, Deum, quibus dona magna tribuit, parua quædam reprehensibilia relinquere, ut semper habeant contra quod bellum gerant, & deuictis magnis hostibus, mentem non erigant, quando eos aduersarij etiam minimi fatigant. Ad quam rem opportunè venerabilis Pater Zacaria, qui in discernendis spiritibus singulari à Deo donatus erat priuilegio, tradebat illum Aphorismum: *Sapè quis tentatur in minutioribus, qui maiora & grauiora*

*Passiones
reliquit vi-
ris perfe-
ctioribus
humilita-
tem con-
seruant.*

Iudic. 3.

*Ant. Maria
Zacaria in
Aphorism.
verbo Ten-
tatio diu.
nump. 12.*

superavit, ut eiusdem humilitas tutior seruetur. Verumtamen licet aliquando ex diuina permissione hæc passio risus exerceat viros insignes, vt plurimum tamen, præsertim in imperfectis, non caret culpa, imò est valdè reprehensibilis; & nisi opportunis vincatur remediis, maxima & grauia incommoda gignet, præsertim quando diuina expleantur Officia in choro.

Risus passio maxima afficit vehementia.

Risus inter vehementiores hominis passionum est connumerandus, quia suscitatus difficillimè potest cohiberi ac comprimi; facilè etiam commouetur, & corporis vires valdè dissipat, & non sine magna irreuerentia, aufert ab homine modestiam ac compositionem, quæ loci sanctitatem & officij sublimitatem maximè decent. In omnibus quidem locis decet viros Ecclesiasticos modestiam seruare ac compositionem, vt omnibus innotescat, eorum animum à Spiritu sancto possideri. Vbi Spiritus Dei viget, ibi modestiam adesse est necesse, tamquam fructum necessariò consequentem ex hac arbore cælesti. Modestia inter fructus Spiritus sancti ab Apostolo Paulo descriptos inuenitur. Si risus abundat, carnalis esse animus dicitur, non spiritualis, quia carnis fructus præcipuus est lætitia vana. Hinc Ecclesiasticus, tradens signa cognoscendi hominum conditiones, risum dentium enumerat: *Amictus corporis, & risus dentium, & ingressus hominis enuntiant de illo.* Quo pronuntiato innitens sanctus Ambrosius tradidit, conditionem cordis cognosci ex corporis statu, dicens: *Habitus mentis in corporis statu cernitur. Vox quadam est animi corporis motus.* Hanc ob causam sicut choro, vbi Hymnodia exercetur, inter sacratiora loca, tamquam

Modestia est à Spiritu sancto.

Galat. 5.

Risus est fructus carnalis.

Eccli. 19.

quam Ecclesiæ pars, connumeratur, ita talem locum maximè dedecet risus & leuitas omnis, quamuis minima; tum quia Domus Dei est, *Psal. 92.* quam decet non solum gestus sanctus, sed ipsa quoque sanctitudo, quemadmodum dicebat Hymnographus; tum etiam ob Angelorum, quos sæpè diximus adesse psallentibus, reuerentiam. Dedecet etiam risus munus Hymnodicæ, quia *Gravitate* Deus non putat se laudatum, sed potius irrisum, *laudatur Deus.* quando ridet psallentes; quia risus aufert gravitatem, quæ est conditio necessaria perfecti laudatoris, quemadmodum dicere voluit Hymnographus illis verbis: *In populo gravi laudabo te. Psal. 34.* quia nouerat Deum non laudari à populo leui, qui chori sanctitatem risus leuitate profanat.

Aliud incommodum, quod grauius censetur, ortum ex risu vnus, est prouocatio aliorum ad *Risus v-* similem risum. *Qui* viciniore adstant risum sentientes, propter naturæ propensionem & humani temperamenti conditionem, facile excitantur *nini pluri-* ad ridendum, licet animus repugnare studeat. *morum risum prouocat.* Leuiore saltem & indeuotiores psallentes facillimè ex alterius risu commouentur ad ridendum. Inde fieri potest, vt multi, eodem tempore ex vnus leuitate prouocati, Hymnorum cantum vel inconcinne explere, vel grauius perturbare, vel etiam penitus omittere cogantur, non sine populi offensione & graui Dei iniuria. Audiant id, quæso, qui studiosè verba, aut signa, aut nutus, aut quidquam aliud leue committunt, vt risum commoueant in aliis; isti sicut potius ministerium diaboli subeunt, quàm Dei ministerium expleant, cum diaboli studium præcipuum eò tendat, vt diuinas impediatur laudes, ita diuinam

Beda Ho-
mil. 7. in
Quadrag.

Dei ultio
seuera in
videntes in
choro.
Cassianus
Coll. 10.
cap. 13.

ultionem sibi metipsis prouocant. non enim Deus abire sinet impunitos huiusmodi excessus. Expendebat ad hoc propositum venerabilis Beda illam Domini nostri seueram ultionem, quando verbis minacibus & duris flagellis eiecit e Templo qui victimas, quæ sibi offerrentur, aut vendebant, aut emebant, inde arguens, quantò magis eiici mereantur, qui risibus & leuitatibus, diuinum cultum profanantibus, vacant, dicens: *Quanta putas animaduersione puniret, si inuenisset ibi aliquos risui vel vaniloquio vacantes?* Experti sunt visibiliter diuinæ iræ ultionem Religiosi quidam sancti Francisci, quibus, dum in choro riderent, visus est Dominus noster in Cruce pendens, qui supra chori ingressum positus erat, oculos suos iratos in eos conuicere, & ex hoc aspectu tantum conceperunt timorem, vt breui tempore vitam cum morte commutarent.

Adiumenta opportuniore ad risum cauendum sunt duo. Alterum est abstinencia ab omni ioco, ludo, verbis ad risum prouocandum apris sub tempus diuini Officij mox futuri. Qui accedit ad chorum iam ad risum paratus, facile poterit solâ recordatione & phantasmatum commotione excitari denuò ad risus continuationem. Studendum itaque est spiritus & cogitationum collectioni in Deum, quem laudare & exorare intendimus, antequam tempus conueniendi adueniat. Hinc sanctus Abbas Isaac, vt Monacho perfectionis Psalmodiæ cupido interroganti, quid ad mentem in Deum colligendam posset conducere, opportunam offerret reipsonem, dixit: *Quales orantes volumus inueniri, tales nos esse oportet ante tempus orandi.* Vbi prosequitur eandem materiam,

teriam, afferens ex necessitate, menti occurrere tempore Psalmodiæ quæ ante ipsam cor penetrauerant. Hinc in nostra Religione habemus Regulam illam opportunam ad hanc cogitationum præparationem: *Primo signo conueniendi in chorum dato, ad sacra quæ ibi præstiturus est Officiarius de Discipulis quamprimum cogitationem suam quisque conuertere debet. Ad secundum signum, relictis statim quæ forte habent præ manibus, præsto erunt omnes, & cum silentio in chorum ibunt. Neque interior solum præparatio adhibenda erit, sed exterior quoque, ut vestibus, birreto, calceisque aut crepidis mundis quisque in chorum se conferat. Hæc nostra Regula si à psallentibus obseruetur, multis risibus ac leuitatibus medebitur. Animus enim in Deum collectus, quamuis aliquod obiectum accadat ad risum prouocans, difficilius mouebitur, quam ille qui est à Deo abstractus.*

Alterum adiumentum est, oculorum collectio dum psallitur. Si vel clausis omnino, vel ad terram demissis, vel in librum coniectis oculis recitabitur Officium diuinum, sicut obiecta ad risum prouocantia non aspicientur, ita firmiter in sua grauitate vnusquisque perseuerabit. Turpe est, cordis & corporis oculos coram Deo & Angelis eius sine freno laxare, ut omnia curiosè circumspiciantur, ingredientia, egredientia, occurrentia; quemadmodum accidere videmus iis, qui gyrouagis oculis psallunt, huc illucque semper adspicientes. Si qui sunt huiusmodi curiosi, risum venantur, & leuitatem animi vocant; contra quos concludam illâ diui Chrysostomi acriter inuectiuâ: *In Aulam regiam intraturus, & habitus, & oculis, & incessu, & in cunctis aliis componis*

Lib. I. c. 10.

de Discip.

Quali dis-

positione

ad psallend-

um sit ac-

cedendum.

Oculorum

demissio &

collectio

cordis gra-

uitatem

sustinet.

D. Chrys.

Hom. 15.

in Epist. ad

Hebr.

& ornas teipsum, huc autem intraturus, ubi verè Aula regia est, ac talis qualis celestis est, rides? & tu quidem, scio, quia non vides; audi tamen, quia Angeli presentes sunt ubique, maxime in Domo Dei, ubi astant Regi, & omnia sunt plena incorporeis illis Virtutibus. Compositioni totius hominis, tam interni quàm externi, studeamus, quando ad Hymnodia officium accedere volumus, ut risus & leuitas arceatur ab Aula Dei, & nemo sit, qui in choro gloriam Dei non tueatur concinna recitatione Hymnorum, iuxta illud Hymnographi: Et in Templo eius omnes dicent gloriam.

Pfal. 28.

Risus aliquando à dæmone.

Diaboli tentationes quomodo à Nouitiis vincenda.

D. Anton. 3. p. Histor. tit. 23. c. 9. §. 5.

Si quando risus commoueretur dæmonis opera, qui aliquando nostris vitur passionibus, ne ipse dignoscatur, ad nos tentandos, quemadmodum præsertim agere solet cum Nouitiis in via & famulatu Dei, quos hac risus passione perturbare solet, tempore præsertim diuinorum Officiorum: tunc non cōatibus pugnandum erit, nil enim facilè obtinebitur, magis enim inualefcet passio, sed humilitate tum orandus Deus, tum Magistri auctoritas imploranda. Prælati auctoritas tanta est aduersus diaboli tentationes, ut aliquando sola earum manifestatio humilis ei facta à Nouitiis, aliquando vnicum verbum illius, valida sint ad omnem prorsus diaboli dissolucendam & auferendam molestiam. Ad quam rem accedit aliquando Magistro Iordani, magni nominis Religioso, D. Dominici præcipuo alumno, quòd dum secum haberet plurimos Nouitios, quos ad habitum Religionis receperat, & ad locum Nouitiatus deducebat, recitaretque vnà cum illis in hospitio Horas Canonicas, ecce quidam ex illis cœpit effusè ridere; ceteri Con-

nquitiij

nouitij videntes, effusiùs profecuti sunt eundem risum, ita vt non possent se continere. Quidam ex sociis grauioribus Magistri Iordanis eos cœpit obiurgare, vt compelleret, sed risus magis augebatur. Peracto Completorio, quod tunc recitabant, Magister Iordanes conuersus ad socium qui Nouitios reprehenderat, eum correxit, quia munus Superioris sibi assumpserat. deinde ad Nouitios ait: *Ridete, filij carissimi, effusè ride- te, ego vobis ridendi facultatem liberè concedo; vos enim decet ridere, quia diabolum & decepistis, & vicistis, mundo valedicentes.* Mira vis huius admonitionis, imò facultatis à Prælato oblata. Cessauit tunc omnis risus; imò deinceps nunquam similem ridendi tentationem passi sunt illi noui Religiosi. Verùm nō semper à dæmone ortum habent huiusmodi passionēs risus, licet in dæmonem sæpè illas reiiciant socordes. *Multi* Ant. Maria (aiebat venerabilis Pater Zacaria) *dæmoni adscri-* Zacar. ver-
bunt ea, quæ ipsimet, ob prauam animi inclinatio- bo Tenta-
nem, operantur. Risum ipsi siue oculis siue verbis *num. 6.* *tio diab.*
 venantur, aduocant & excitant, vti, mox dicebamur, quibus modestia & grauitas est suadenda.

CAPVT X.

*Defectus scrupulorum cauendi, et
 quo remedio.*

SCRUPULORVM materiam placuit inter defe- *Scrupuli ad*
 ctus psallentium annumerare, quia vt pluri- *maiores*
 mùm non sine defectu reperitur in homine. No- *animi san-*
 ui scrupulos aliquando fuisse à Deo permisso- *ctitatem*
 animis sanctitate & doctrina præstantibus, ad vir- *aliquando*
 tutis *dari.*

ritus & sanctitatis augmentum; quemadmodum omnibus testatum est de sancto Augustino, præclarissimo Ecclesiæ Doctore, qui in suis Confessionibus magno animi dolore ac gemitibus accusat seipsum de leuissimis minutioribusque rebus, quas alij, etiam virtutis studiosi, vel nihil vel modicum æstimarent, alij etiam forsan riderent. Veruntamen hoc genus scrupulorum nec iudicium offendit, nec animi tranquillitatem perturbat, sed eum efficit studiosiorem ad virtutum actiones. Nec huius generis scrupuli dicendi forent propriè scrupuli in ea significatione quæ communiter accipitur, quando de scrupulis est sermo; sed potiùs stimuli sunt à Deo concessi, ad maiorem animi puritatem obtinendam.

Scrupulus est animi anxietas ex leuibus causis orta.

Scrupulus in sua propria significatione sumptus, quatenus dicit anxietatem animi ex leuibus & apparentibus causis ortam, inuoluit plurimos defectus, sicut etiam plurima incommoda gignit; & supponit semper vitium aliquod vel naturale, vel acquisitum. Qui laborant conscientia scrupulis agitata, numquam putant se diuino satisfecisse Officio; vel quia debitam intentionem aut attentionem non habuerint; vel quia non recordantur, an omnia recitauerint. Hinc animi anxietas ad nouas iterationes eiusdem Officij, non semel, sed pluries eandem Horam, vel Psalmum, vel Lectionem repetendo. Sibi persuadent isti, quòd meliùs satisfacient posteriori recitatione, cum tamen semper imperfectior videatur posterior priore. Nisi isti scrupulosi studeant ad rectam redire rationem viuendi, in maximas, imò incurabiles incident angustias, peccata multiplicabuntur, iudicio tenebræ offundentur,

Scrupulus est plurimum malorum origo & causa.

dentur, & cordis perpetua inquietudo fouebitur. Hæc præcipua mala ex scrupulis orta vtile est singillatim declarare, vt remedia opportuna valeant vsurpari.

Primum malum est peccatorum multiplicatio; quia scrupulis faciliè coniungitur conscientia erronea, quæ peccatum putat, vbi verè peccatum non est: non tamen hic conscientia error semper cum scrupulis reperitur. Potest scrupulus esse solus absque errore aliquo determinato: nam tradunt Doctores, pugnandum esse contra vim scrupulorum, agendo illud quod scrupulosus nitetur vitare, verbi gratia non iterando Officium, vel Psalmum, vel Horam, quæ scrupulus suadebat iteranda, siue scrupulus deponatur, siue non deponatur. Si adesset conscientia error, hic esset deponendus ante operationem: at etiam si non adsit error conscientia, nihilominus multiplicantur peccata, sicut etiam multiplicantur scrupuli, quando primo scrupulo non obstititur. Ea est huius natura & conditio, vt primus scrupulus admissus alium pariat in animo, hic alium, iste alium semper maiorem; quemadmodum videmus in aqua fluminis aut lacus euenire, si fortè in eam proiciatur lapillus: hic cadens circulum paruulum format in aqua, ille circulus alium maiorem efficit, iste alium, donec tota commota aqua in circulos vsque ad extremitatem litoris resoluatur. En scrupulorum proprius effectus similis effectui lapilli in aquam proiecti. Comparatio scrupuli cum lapillo est opportuna: nam dicitur scrupulus, quia in animo operatur eodem effectus, quos operatur lapillus ingrediens calcem ambulantis, pungit enim ac offendit

*Scrupulo-
rum initium
pugnand-
um.*

fendit pedem. Animus etiam noster rectè comparatur aquæ fluminis aut lacus, quæ omnem figuram circumstantium corporum recipit & reddit; sicuti animus hominis aptus est excipere omnium substantiarum figuras & species. Cum scrupulus animum alicuius possederit, nec impediatur, statim circulationes plurimas commouet ex vna in aliam, donec animus repleatur infinitis molestiis & anxietatibus. Pugnandum itaque viriliter ac resistendum est initium primis, ne mala eueniant maiora ac grauiora.

*Iudicium
scrupuloso-
rum per-
turbatur
variis er-
roribus.*

*Attentio
perfecta si-
ne euaga-
tione neque
sanctis con-
cessa.*

Hinc oritur alterum malum, nempe obtenebratio iudicij. Sicut aqua fluminis, donec illis circulationibus occupatur, perturbata remanet, nec reddere potest rerum species, quas antea reddebat placida quiescens: ita animus scrupulorum agitatione vexatus confunditur, ut nequeat cognoscere ac distinguere, quod recta suadet ratio, imò diuersis obruitur erroribus. Primus iudicij turbati error est circa attentionem nobis impositam. Putant scrupulosi, à nobis exigì eam attentionem, quæ omnem aliam cogitationem excludat, qualem Angeli in cælis habent; quod fieri nequit viribus naturæ solis, sed, uti aliàs significauimus, illa donum Dei est non omnibus concessum, nec & Apostolo Paulo, qui erat Vas electionis & insignis prædestinatus. Hoc errore iudicij aliquando laborauit sanctissima virgo

*Surius 16.
Iunij.*

Lutgardis; & quia non valebat toto animo recitationi Hymnorum adesse absque aliis cogitationibus superuenientibus, more aliorum scrupulorum torquebatur, & singulas horas bis terve repetere volebat, nec ullus amicus poterat eam consolari. Tandem Deus misericors dignatus est

illam

illam sanare, ostendens ei, quòd non deberet ^{A scrupu-}
 perturbari ex cogitationum velocitate ac impor- ^{lis quomo-}
 tunitate; quia illa sit nostræ naturæ imbecillitas, ^{do libera-}
 vt nequeat recitare modicam ac breuem oratiun- ^{ta S. Lut-}
 culam absque aliqua mentis euagatione. Alter iu- ^{gardis.}
 dicij turbati error est circa verborum integram
 prolationem: nam tanta anxietate verbis atten-
 dunt scrupulosi, vt locum non relinquunt iudi-
 cio attendendi vel ad sensum & spiritum verbo-
 rum, vel ad Deum quem exorant, & laudant.
 Misera scrupulorum conditio, qui numquam ^{Scrupulo-}
 possunt acquiescere: nam modò solliciti sunt de ^{forum mi-}
 integritate verborum, modò de attentione ad sen- ^{sera condi-}
 sum, modò de vtrisque. ^{tio.}

Hinc ortum ducit tertium damnum, nimirum
 cordis perpetua anxietas & perturbatio. De his
 verè asseri potest illud Dauidicum: *Trepidauerunt timore, vbi non erat timor.* Psal. 13.
 Pusillanimes sunt
 qui hoc laborant morbo, & semper timent cul-
 pam lethalem, vbi vel nulla, vel, ad summum,
 venialis & leuis est: imò seipsos in eas coniiciunt
 angustias, vt de salute aliquando desperent. Id
 saltem semper euenit, vt corporis salus manife-
 stè periclitetur. Nimia cordis afflictio vires cor- ^{Scrupuli}
 poris paullatim consumens exhaurit, caput præ- ^{vires cor-}
 fertim debilitat, totumque hominem inhabilem ^{poris debi-}
 reddit ad maiora facinora. ^{litant.}

Animaduertere debent scrupulosi, quòd iniu- ^{Scrupulosi}
 riam non leuem altissimo Deo faciunt, putantes ^{Deo irro-}
 cum nobiscum agere quasi Iudicem captiosum, ^{gant iniu-}
 qui apices Iuris à nobis exigere velit, & plura ^{riam.}
 requirat quàm vires patiantur, quasi non Prin-
 cipem benignum, sed tyrannum seuerum, qui
 nos tamquam mancipia vrgeat, contra omnes
 Scripturas,

Scripturas, quæ illum prædicant miræ benignitatis & suauitatis erga homines. *Qui fingis laborem in præcepto*, aiebat Hymnographus de Deo: Psal. 93. *Iugum meum suauis est, & onus meum leue*, dicitur ab ipso Deo. Iniuriam etiam faciunt Sapientix Dei, putantes, quòd ignoret nostram volubilitatem & imbecillitatem, præsertim circa cogitationes cordis, quas optimè nouit esse omni volucre perniciores & velociore, à nobis effugientes, quando bonæ sunt, contra nostram voluntatem; ad nos venientes, si incongruæ sunt, contra nostrum conatum. Quasi Deus non cognoscens hanc nostram conditionem, exigere velit quod non possumus exequi. Nouit optimè Deus suum figmentum, cuius sit conditionis; nouit nostram imbecillitatem, nec à nobis exquirat quod reddere non valeamus. Si noluisse nos enagari cogitationibus, vel homines non fecisset, sed Angelos; vel dona singularia omnibus esset elargitus, quemadmodum aliquibus electis ac prædilectis concedit aliquando.

*Scrumpuli
humilitate
vincendi.*

Hanc nostram imbecillitatem cognoscere & confiteri expedit valdè, vt scrupuli faciliùs abigantur. Sicut species est superbix credere, quòd possit homo mortalis rectè ac perfectè laudare Deum viribus suis solis, quæ superbia prouocat Deum ad iram; ita species est humilis cordis, memorem esse propriæ imbecillitatis & diuini auxilij necessitatis, & sperare, Deum æqui bonique consulturum eam nostram recitationem, quæ mediocris fuerit, licet non exacta.

Scrupulorum remedia valida.

Inter opportuniore remedia scrupulosis offerenda suaderem primo loco illud, quod validissimum censetur ab omnibus rei spiritualis Patribus,

bus, nimirum subiectio omnimoda proprii iudicii circa recitationem iudicio proprii Prælati, siue Confessarii. Nam, sicut dictum est, iudicium scrupulorum cum sit perturbatum, eget directione ac regimine sanioris & recti iudicii, cui se committat ex animo, illique acquiescat. Quæ submissio & subiectio tantæ est virtutis apud Deum, ut multi fuerint à Deo perfectè liberati ab hoc periculoso morbo. Sanatus fuit ille Sacerdos Monachus, qui, ob tantos scrupulorum fluctus, eò deuenerat, ut ne quidem rem Sacram auderet facere. Hic ad sanctum Bernardum accedens, spondit se velle illius consilio acquiescere; cui sanctus Prælatus præcepit, ut ad Sacrificium offerendum se illicò conferreret, nec in posterum dimitteret. Acquieuit Religiosus afflictus, Sacrificium obtulit, & ob hanc obedientiam liberatus est ab hac molestia. Hoc eodem remedio sanatum esse sanctum Ignatium, Societatis Iesu Institutorem egregium, tradunt Scriptores.

Iodoc. Demohodert. in Parænesi.

Petrus Ribad. & Petrus Maff. in Vita.

Hoc subiectionis remedium est tantæ efficacitatis, ut valeat ad quamcunque scrupuli speciem omnino curandam, tam eam quæ ex naturæ temperamento, quam quæ ex diaboli tentatione originem trahit. Hæ duæ sunt præcipuæ origines scrupulorum. Prima est temperamentum melancholicum; quia melancholia frigiditate humorum constat, ideoque timorem fouet, & ad apprehensionem futuri mali disponit imaginationem. Ad quam temperamenti causam reducitur læsio alicuius sensus interni. Alia item est diaboli astutia; quia sicut diabolus osor est humanæ tranquillitatis, ita conatur animum perturbare an-

Scrupulorum causa dua præcipua.

Scrupulos nutrit diabolus.

xietatibus ac timoribus, ne queat Deo servire hilariter. qui præsertim solet hoc vitio detinere & affligere indoctiores & ignaros. Sicut ignorantia est origo omnium ferè errorum, ita eadem ignorantia vititur diabolus ad huiusmodi animos decipiendos, suggerens timorem peccati, ubi non est timor. Quisquis cupit se ab istis afflictionibus expedire, subiiciat se ex animo viro docto, moderatori animæ suæ, cui plenè credat. hoc modo neque melancholia, quæ iudicium occupare solet, nec dæmonis astutia & importunitas, nec ignorantia quidquam obtinebit. Melancholici sunt similes illis, qui aut febris phrenetica aut alio morbo caput infestante laborant. Sicut infirmi isti, ut citiùs sanentur, obediunt, etiam inuiti, Medicis ac familiaribus qui assistunt; ita & illi à scrupulis sanabuntur, si obediunt & acquiescent suo Doctore. Si minùs isti statuunt, aut sponte aut inuiti huic acquiescite remedio, sicuti, ob melancholiæ conditionem, erunt ad proprii sensus, quamuis erronei, firmitatem tenaciùs tenendam paratiores; ita facillimè ad eam animi deuenient obstinationem, quæ istius generis ægritudinis semper fuit comes individua, & ipsam ægritudinem reddit molestiorem atque difficiliorrem. Diabolus etiam subiectionis inimicus longissimè aufugiet, si cognoscet semel aliquem ex animo obedire alterius voluntati. Indocti etiam prudenter se gerunt, dum prudentis sequuntur iudiciū. Qui huiusmodi infirmos curandos suscipiunt, numquam permittere aut concedere debent illis repetere quod asserunt malè pronuntiatum, vel sine attentione expletum: potissima enim aptissimaque huius morbi medicina est oppositio

Scrupulorum Medici quid obseruare debeant.

positio & pugna aduersus scrupulum. Nec sunt audiendi dicentes, se timere vel non recitasse, vel non attendisse, nisi tam certi sint de defectu quem asserunt, ut iuramento possint illum assermare.

Præterea spirituales Medici debent dubia istorum semper per epieikeiam in mitiorem partem interpretari, & illos suauiter inducere ad vsum huius virtutis, quæ propriè est æquitas seu benigna Iuris interpretatio, qua potest homo benigne intelligere ius & præceptum de diuini Officij tum integritate, tum attentione. Vile est scire, quòd quando quis verba legis transgreditur non ex contemptu, sed per epieikeiam, quæ ex circumstantia aliqua mentem Legislatoris interpretetur in partem benigniorem, non peccat, ut ait diuus Thomas, quem sequuntur omnes Iuristæ. Quæ epieikeia extenditur etiam ad euentum illum, quando quis legem non seruaret, ut pro stulto non habeatur, cuiusmodi possunt facile iudicari qui scrupulis assentiuntur: aut quando quis in rebus dubiis secundum communem bonorum vsum seruat legem latam, quemadmodum appositè docet sapientissimus Nauarrus. Has regulas debet optimè callere Medicus scrupulorum, tum ut eos ratione convincat, tum etiam ut securius valeat illis se opponere, non consentiens eorum voluntati, quando facultatem postulant repetendi sub variis, quos asserre solent, prætextibus & rationibus.

*Epieikeia
virtus quid sit.*

*D. Thom.
2. 2. q. 220.
art. 1.
L. Benignus. ff. de
Leg.*

*Nauarrus
cap. 7.
nu. 284.*

CAPV T XI.

*De defectibus in modulatione Ecclesiastica
occurrentibus.*

*Cantus Ec-
clesiasticus
non repre-
hendendus.*

ABVSVS varij & multiplices in Ecclesiasticis modulationibus introducti causam præbuerunt multis querelis à viris sapientibus Deiq; zelum habentibus editis, non vt absolute vituperent musicos cantus in Ecclesia, quemadmodum hæretici aliqui oppugnant, tamquam illicitos, sed vt reprehendant quorundam abusus, qui, Dei timore seposito, miscere non verentur sacris profana. Præcipuos itaque abusus expedit hoc loco commonere, vt caueantur.

*Cantus Ec-
clesiasticus
abusus.*

Grauior abusus est, quando modulationes adhibentur potius theatricæ quàm Ecclesiasticæ, quæ nimirum magis ad choreas & tragædias, quàm ad pietatem & deuotionem, magisque ad scenas quàm ad domum Dei sunt aptæ, propter mollitiem affectuum quos repræsentat. De hisce mollibus modulationibus verum est, quod sicut auditum ad se alliciunt, ita animum quemque leniorem & grauem emolliunt ac enervant, cogitationes affectusque non tantum vanos ac leues, sed turpes quandoque suscitando in animis audientium, quemadmodum & nouerunt & docuerunt etiam ipsi profani Auctores, iuxta illud Sulmonensis Poëtæ:

*Cantus
theatricalis
animum
emolliat.*

Eneruant animos cithara cantusq; lyraque,

Et vox, & numeris brachia mota suis.

*Quid de
Remedio
amoris.*

*Cantus vis
circa animi
affectus.*

Tantam vim inesse musicis concentibus & ratio & experientia docet, ad animos mortalium all-

ciendos

ciendos & commouendos, vt affectus cantui omnino similes in homine suscitent. Si cantus vehemens & concitatus est, concitet animum, & ad bellica inflammet; si lætus, exhilaret atq; demulceat; si mollis, emolliat animum; si etiam femineus, non poterit non femineos reddere etiam viros seueros & graues. Hinc D. Hieronymus ad Furiam scribens, inter alia vtilia monita illud in primis exhibet, vt caueat à feminarum cantu, vocans illum cantum diaboli, & sirenarum mortiferum concentum. Id puto intelligendum, quando à feminis cantantur verba vana & cantica profana; non autem quando in choro cantantur ab istis Psalmi, vel aliæ sacræ grauesque modulationes, quemadmodum à deuotis Sæctimonialibus vsurpantur tempore diuinorum Officiorum, ex antiqua laudabili consuetudine in Ecclesia Catholica vsu recepta. Nam modulationibus mollibus si aliquando adhibentur, profanari diuina Officia nemo negabit, non sine graui culpa tum musicorum, tum etiam musicos aduocantiũ, si scienter hi permittant vanas turpesque compositiones, siue cantu siue sonis, in Ecclesia adhiberi.

Declarat appositè ad hanc rem Cardinalis Caietanus, quot modis peccare contingat in vsu huiusmodi modulationum vanarum. Si adhibeantur, aut permittantur istæ vanæ modulationes in diuinis Officiis cum formali intentione eas adhibendi, culpa grauis committeretur, quæ diceretur peccatum superstitionis; quia istæ vanitates contrariæ sunt directè diuino cultui, cui debetur deuotio, at illæ prouocant saltem ad vanitatem, aliquando etiam ad malum. Deinde, quia huiusmodi cantores dici quodam modo possunt falsarij

D. Hieron.
Ep. ad Furiam.
Feminarum cantus vitandus.

Caiet. ad
2.2.q.91.
art.1.

*Cantantes profana dicuntur
ci possunt
falsarij.*

Leuit. 10.

*In cantan-
tes profana
vltio Dei.*

in diuino cultu, dum miscent diuino cultui no-
mine Ecclesiæ expleto, quod minimè ab Ecclesia
intenditur. quod tamquam grauem culpam Deus
grauissimis pœnis vltus est. Adducit Caietanus
vltionem illam tam seueram contra filios Aaron
immissam, quando, erumpente igne ex Altari di-
uino, consumpti penitus sunt coram ipso Domi-
no; quia ignem profanum & laicum adhibere nō
sunt veriti in adolendo thymiamate. Iis similes
sunt qui cantant vana in diuinis Officijs; adhi-
bent enim ignem alienum & profanum, nimirum
carnis & mundi, in Sacrificio diuino, quod est
maximū nefas. Nam veluti ignis profanus flam-
mas turpis concupiscentiæ accendunt cantus pro-
fani, vel saltem accendere apti sunt in animis au-
dientium.

*Cantorum
excusatio-
nes rej-
ciuntur.*

Nec possunt excusari, qui dicunt, posse adhiberi
vanas modulationes tantummodò ad conso-
nantiam, quam vulgò dicunt aërem, a motis ver-
bis profanis, conformata illa consonantia verbis
diuinis. Nam etiam si ex genere suo hæc confor-
matio nullum possit esse peccatum, quia ex natu-
ra sua talis consonantia est indifferens ad signifi-
canda sacra & profana, & ad vtraque potest re-
ferri & applicari; nihilominus praxis ostendit,
semper coniungi istiusmodi modulationibus
aliquam circumstantiam aut effectum, quæ red-
dunt vitiata actionem. Sæpè tales consonantiæ
sunt prouocatiuæ ad malum, præsertim si ab ali-
quo intelligantur, & credantur à musicis adhi-
bitæ ad hunc finem prouocandi audientes ad va-
nos & profanos affectus; hac namque posita cir-
cumstantia, semper peccatum intercedet lethale,
aut veniale, pro ratione prouocationis.

Alter

Alter defectus est ratione intentionis & finis ad quem diriguntur modulationes, si nimirum solius delectationis gratia quærantur, & adhibeantur, ut concursus & frequentia maior populorum ad Ecclesiam acquiratur. Magnus abusus est iste. Tunc non attenditur pietatis excitatio, & honor Dei, qui debet esse finis omnis cultus ab Ecclesia adhibiti, sed delectatio audientium; qui finis valdè contrarius est cultui diuino. Nam trahuntur laici ad Ecclesiā, non ut melius colant Deum, sed ut concentum audientes, temporis horas cum delectatione fallant, & eludant. Sicut isti laici culpam contrahunt iuxta delectationis quam intendunt qualitatem; ita similes efficiuntur illis Babylonii, qui sibi, id est ad solam delectationem, non verò ad pietatis excitationem, cantari poscebant ab Israëlitis captiuis Hymnos Hebraicos: *Hymnum cantate nobis de Canticis Sion.* Psal. 136.

Ubi obseruat opportunè Lorinus, quòd non dixerint, *Cantate Deo*, sed *nobis*; in qua dictione consistit culpa digna reprehensione. Quod in illis reprehendimus, in nobis etiam aliquando reperitur, quod non sine animi dolore dico. Laici ad Tempła conueniunt magis allekti à musicis concentibus, quàm à desiderio laudandi & colendi Deum, vel audiendi eius laudes. Si vox aliqua concinna, aut sonus peregrinus maximæ suauitatis sit audiendus in aliquo Templo, magnus fit omnium ordinum concursus & occursum: si nulla adsit melodia, licet statio fiat, vel Sermo habeatur, vel grauis & pius adhibeatur cantus, pauci conueniunt. Non erit abs re nostra, antequam à citato nuper Psalmo discedamus, aliam addere obseruationem; nempe, quòd qui profanas ad-

hibent, aut etiam qui admittunt modulationes in Templo Dei, sunt longè dissimiles piis illis Hebræis, qui à prædictis Babyloniiis requisiti, ut Cantica Domini ad ipsorum delectationem vsurparent, strenuè responderunt, *Quomodo cantabimus Canticum Domini in terra aliena?* nolentes Sacros Hymnos gentilibus profanis exhibere. Isti autem, ut carnalium aurium indulgeant voluntati & voluptati, verba sacra profanis modulationibus adulterata quærunt, & exhibent. Sicut auditorum animos non ad sacra verba, sed ad modulationis alliciunt suauitatē, ita in Domum Dei (ait tam verè quàm piè Cardinalis Bellarminus) canticum inferunt Babylonix. Grauius peccate contingit Ecclesiarum Rectores, qui ad hunc finem obsequendi laicorum genio modulationes adhibent opportunas; imò, quod magis deplorandum est, magno studio perquirunt excellentiores peritioresque musicos, nec pecuniæ parcunt, ut eos ex longinquis conducant regionibus.

Bellarm. in
Psalm. 136

Mores mu-
sicorum at-
tendendi.

Guiliel.
Dur. l. 3. de
Rit. c. 21.

Quot hisce temporibus reperiuntur Ecclesiarum Rectores, qui, modò videant Tempia frequentibus populis, maximè nobilibus primariis-que vtriusque sexus personis, plena, se putant aliis diligentiores, intenti tantummodò ad conducendos peritiores suauioresque cantores; nihil autem attendentes, cuiusnam illi sint vitæ & morum conditionis, nec quas modulationes adhibere velint. Non sine causa exclamat in huiusmodi rem eruditissimus piissimusque Guilielmus Durantus his verbis: *Verum hodie, dolenter refero, in Ecclesijs musici, qui cantorum vice funguntur, hominum omnium dissolutissimi sunt, adeò ut adagium populo dederint: Musicè vivere, hoc est dissoluitè & effeminatè.*

minatè. Non idcirco reprehenduntur pij musici, qui vita simul & voce Deum laudant, sed qui in-temperatam traducunt vitam, quos non deberent conducere pij Rectores Ecclesiarum. Utinam non aliquando omitterentur meliores occupationes, cuiusmodi sunt prædicationes verbi Dei, ut explendis modulationibus totus ac liber relin- quatur locus & spatium ad animum auditorum delectandum. Desiebat aliquando D. Augusti-^{Musici cantus so-} nus se præsentem fuisse huius generis modula-^{lam dele-} tionibus, quæ potiùs animum delectarent quàm ^{stationem} commoverent ad pietatem, & magno humilita-^{intendens} tis sensu dicebat: *Cùm mihi accidit, ut me am-*^{canendus.}
plius cantus, quàm res qua cantatur, moveat, præ-^{D. Aug. l.}
naliter me peccare confiteor, & tamen mallet me^{10. Conf.}
non audire cantantem. Qui hæc verba profert, ^{cap. 33.} idem ille est, qui asseruerat, se ex musicis Hym- nodiis commotum aliàs esse ad compunctionem & fletum, ita ut non valeret continere lacrymas; nunc autem luget, quia se abstractum à Deo cognoverit & à pietate. Vnde, quæso, in Augu- stino hæc diuersitas effectuum? non quidem ex diuersitate audientis, qui idem erat non tantùm quoad substantiam, sed etiam quoad voluntatem erga Deum. Tota diuersitas oriebatur ex condi- tione cantus. Cantus graues & pij compunctio-^{Cantus} nem lacrymasque ciebant, cantus verò molles & ^{gravis la-} leues, solam delectationem respicientes, animum ^{crymas} abstrahabant à rebus cantatis. ^{pronocat.}

Quia diximus nonnullos abuti musicis canti- bus, non erit idcirco minùs laudandus musicus cantus in Dei Ecclesia, quamuis inde vel propria ipsorum cantantium aut aliorum, nempe audito- rum, emergat ruina. Hic effectus nec Hymno-
K k 5 dia,

Ephes. 5.

dix, nec musicæ modulationi, nec Ecclesiæ intentioni est tribuendus, sed prauæ cantantium & psallentium conditioni. Appositè ad rem hanc præloquebatur D. Thomas dum illa verba Apostoli Pauli expenderet, *loquentes vobismetipsis in Psalmis, Hymnis, & Canticis spiritualibus, cantantes, &c.* dicens: *Si ex hoc aliquis commoneatur ad dissolutionem, vel in gloriam inanem, hoc est contra intentionem Ecclesiæ.* quasi asserat, id esse adscribendum vitio cantantium, non rei cantatæ, nec menti Ecclesiæ cantum approbantis. Quare omnis affectus, siue bonus siue malus; ex cantu haustus ortum habet vt plurimum ex conditione cantoris. Si quis cantet ad sui ipsius aut aliorum delectationem, is procul dubiò & se ipsum & alios abstrahet ab vtili consideratione eorum quæ cantantur. Qui cantat ex deuotione res deuotas, is attentior erit verbis à se prolatis, meliusque degustabit, ac degustare faciet spiritum in verbis decantatis latentem.

Cantores
vanos pu-
nit Deus.

Magnam sibi parant Dei iram, qui in Ecclesijs vsurpant modulationes profanas, & qui ad finem cantant profanum. Deus vlciscetur hanc grauem iniuriam sibi Domuiq; suæ illatam. Sibi quidem, quia nõ colitur, sed spernitur à vilibus hominibus. Domui itè suæ, quæ domus orationis esse debet & deuotionis, non vanitatis, & leuitatis & profanitatis. Non relinquit Deus impunitos huiusmodi excessus & abusus, siue in hac siue in futura vita eos vindicans opportunè. Euentus duos hoc loco referam, quorum alter ad præsentè vitā, alter ad vtramque spectat. De quodam Monacho Cisterciensis familiæ scribunt Historiæ, quòd cùm esset dono suauissimæ vocis ornatus, nec dignaretur

tur illam vsurpare quotidianis Hymnodiis, quia non Dei cultum, sed propriâ quærebat gloriâ; diebus tantùm solemnioribus statuerat cantare Responsoria & Versiculos ob vanitatem. Deus declarare volens huic decepto Monacho, quòd non sibi, sed diabolo cantaret, hanc visionem ostendit alteri Monacho. Quadam solemnitate cùm Responsorium sibi deputatum cantaret maxima vocis lasciuiâ, putans se valdè placere audientibus, ecce dæmon apparuit in figura pueri nigri & terribilis, qui manibus plaudens, & miro modo cachinnâs dicebat: O, ô, ô, benè cantauit, optimè cantatum est! En ad quem dirigatur suauitas canentium ob solam delectationem, nempe ad diabolum applaudentem.

Specul.
Exempl.
verbo
Cantus.

Acerbior euentus accidit alteri Religioso Ordinis S. Benedicti, qui in monte Cassino degens vocis suæ suauitate valdè gloriabatur. Hic cùm in Sabbato maioris Hebdomadæ, Diaconi vices agens ad Cerei benedictionem, adedò lasciniaret sua voce, vt omnes traheret in admirationem, vix expleto præconio ultio diuina statim affuit; nam inde visibiliter ablatuſ est, sed à quo, & in quem locum fuerit translatus, nescitur. Ex conditione vitæ ipsius timetur, ait Scriptor, quòd raptus fuerit potiùs ad pœnam luendam elationis, quàm ad præmium deuotionis. Supponit tamquam rem notam toti Monasterio, quòd sicut fuerat musicus suauis & blandus, ita mores habuerit molles & irreligiosos, afferens ad confirmationem sui dicti sententiam diui Gregorij dicentis: *Cùm blanda vox queritur, vita sobria deseritur.* Caueant sibi cantores nimis profana amantes, si præsertim Religiosi sint. Caueantur abusus omnes,

Cæsar. 1.4.
cap.8.

Cantantis
vanipœna
seueta.

nes, tunc musica erit opportuna, & grata Deo, & piis personis.

*Musico-
rum condi-
tiones bona
qua.*

Vtinam in Ecclesia Dei renouaretur praxis illius Decreti Aquisgranensis, quo describuntur optimorum musicorum conditiones, qui in Ecclesia Dei apti sint diuinas decantare laudes: *Tales ad cantandum & psallendum in Ecclesiis constituantur, quorum mens cum voce concordet, ut impleatur illud 1. Corinth. 14. Psallam spiritu, psallam & mente. Tales item eligantur, qui non superbi, sed humiliter & sapienter debitas omnino laudes persoluant, & suauitate lectionis ac melodia & doctos demulceant, & minus doctos erudiant; potiusque exoptent in lectione vel cantu populi adificationem, quam popularem vanissimam adulationem.* Hoc modo rectè procederent musicæ modulationes, & Deus valdè illis delectaretur, & populi ad maiorem excitarentur deuotionem, & ab Ecclesiis arceretur omnis vanitas & leuitas, quæ graui Decreto nouissimè à Patribus Concilij Tridentini iubetur eliminanda, illis verbis ad Antistites directis: *Ab Ecclesiis verò musicas eas, ubi, siue organo siue cantu, lasciuum aut impurum aliquid miscetur, arceant.* Quod Decretum non tantum intelligi debet circa Missæ Sacrificium, sed circa diuina quæcumque Officia, seu Hymnodiam, tam in Matutinis quàm in Vespertinis Horis; quia in omnibus militat eadem ratio allata à Patribus Concilij, nimirum, ut *Domus Dei verè Domus orationis esse videatur, ac dici possit.*

*Trident.
Sess. 22.*

Non defunt hac ætate viri diuino æstuantes zelo, qui nullo patiuntur modo in Ecclesiis modulationes vanitatem leuitatemque redolentes. Ad quam rem testari nobis licet, quod nouimus accidisse

cidisse Neapoliono Comitolo Episcopo Perusino, viro miræ grauitatis, doctrinæ, probitatis & zeli. Hic superioribus annis, dum in humanis viueret, ad quorundam Regularium virorum Ecclesiam, vbi publicæ habebantur orationes, accedens, hilari fuit organorum sonantium modulatione exceptus. Dum positis genibus se ad orationem venerabilis vir composuisset, aggressus est qui organa pulsabat festiuam quamdam harmoniam, putans fortè tum adstantibus delectationem, tum sibi met applausum se allaturum. At sanctus Episcopus, qui concentus cognouit theatricam qualitatem, vocans ad se Ecclesiæ Rectorem, opportuna vultus seueritate dixit: *Inuitastis me ad orationem, an ad choreas? silentium indicite organo, aut concentus mutationem; Ecclesiam Dei non decent huiusmodi modulationes.* Noluit Apostolicus vir pati prosecutionem illius iam cœpti concentus, tum ne videretur sua præsentia approbare, quod cognoscebat loci & muneris sanctitatem dedecere; tum vt huius euentus notitia ceteris Ecclesiis suæ Diœcesis, tam subditis quàm exemptis, formam præberet grauitatis Ecclesiasticis concentibus debitæ; iuxta sacri Tridentini Concilij grauia Decreta.

Cauendum est, ne, harum modulationum occasione, integritas diuini violetur Officij; quemadmodum eueniret, si, dum alternatim explentur diuina Officia, hincirum à choro Ecclesiasticorum ex vna parte, & à choro musicorum ex alia, pars aliqua diuini Officij vel voce non exprimeretur, vel in aliam compositionem mutaretur. Accidit non semel, quod Versiculi Psalmorum, qui reddi deberent à choro musicorum,

non

non voce, sed vel organo solo, vel solis aliis instrumentis reddantur. Quo euentu, vt seruetur integritas, debent ij Versiculi per vnum vel duos de choro voce congrua, quæ ab omnibus exaudiri queat, pronuntiari; nam alioquin medietas Psalmorum omitteretur. Contingit quandoque à musicis mutari Hymni cantum in aliam compositionem suauiozem, ad arbitrium. Quo euentu, qui sunt in choro Ecclesiastici debent Hymnum ab Ecclesia præscriptum omnino supplere. A nonnullis denique omittuntur aliquando vnus vel plures Psalmi, ob eandem causam, scilicet inseruiendi festiuioribus aliis aut instrumentorum aut vocum symphoniis. Hoc omnino repugnat formæ diuino Officio ab Ecclesia præstitæ, quam nefas est mutare, vt sumus mox dicturi.

C A P V T XII.

*Dedefectibus circa formam diuini**Officij.*

*Canonica-
rum pre-
cum digni-
tas, & san-
ctitas.*

FORMA diuinarum laudum, quam in Horis adhibemus Canonicis, tantæ est dignitatis ac sanctitatis, vt nefas sit illam aut mutare, aut minuere, aut quoquomodo violare. Dignitas & sanctitas huius facile comprobatur ex omnibus illis Capitibus, quæ primo Libro descripta sunt, circa præstantiam & effectus harum laudum; quia nimirum à Spiritu sancto, qui Sponsus est Ecclesiæ; est dictata: quæ autem à Spiritu sancto sunt, alta sunt & sancta. Deinde, quia sublimia Religionis nostræ mysteria complectitur, vt san-
ctissimæ

etissimæ Trinitatis, Dominicæ incarnationis, vitæ, passionis, mortis, Resurrectionis, & iudiciariæ potestatis. Præterea quia comprehendit religiosissimos actus, quos erga Deum exercere debemus, fidei, spei, caritatis, adorationis, submissionis, laudationis, gratiarum actionis. Insuper, quia offert verba & sententias aptissimas ad omne bonum obtinendum, & ad omne malum auerendum. Vtremque, quia intentio Ecclesiæ, in huius formæ præscriptione & usu, est altissima & sanctissima. Tandem, quia ab eadem Ecclesia graui præcepto iubetur, vt non liceat sine culpa illam violare, præsertim post editam Pij V. constitutionem, quæ ritum præscribit Officio diuino.

Integritas igitur huius formæ seruanda est, ita vt nemo sciens prudensve omittat aut totum Officium, aut aliquam Horam, aut eiusdem partem, ne culpam contrahat vel mortalem, vel venialem, magis minusve grauem pro qualitate tum omissionis, tum omittentis: nam etiam *Recitantis* omittentis conditio sicut augere potest obligationem recitationis, ita etiam poterit aggrauare violationem. Si omittens est in sacris constitutus Ordinibus, & etiam beneficiatus, grauius certè delinquit quàm simplex Clericus tantummodò beneficiatus: ita & Sacerdos Religionem professus magis delinquere censebitur quàm Sacerdos simplex. Qui item plura beneficia possidet, magis peccat quàm vnum tantum possidens. Ad *Horarum & Psalmorum* eiusdem formæ conseruationem spectat ordo *rum ordo* constitutus Horis Canonicis, ita vt nemini liceat, *seruandus* sine causa rationabili, hunc ordinem interuerrere *in recitatione Officij* *aut* diuini.

aut causa coheret ordinem mutare, ita ut posterior Hora dicatur ante expletam priorem; aut quis Psalmum Lectionemque posteriores dicat ante priores, tunc peracto officio debet supplere prætermiffa. Imò si aliquis, ex mala consuetudine contracta, solitus esset hunc ordinem scienter interuerrere absque causa, non excusaretur à lethali noxa, quia graniter derogat ordini ab Ecclesia constituto, & obseruato.

*Syncopatio
uitanda.*

Vitiari contingit huius formæ integritatem variis modis. Primò verborum syncopatione, quando nimirum verba absorbentur, mutilantur, & truncatim proferuntur; quemadmodum, non sine audientium offensione, euenire conspicitur in multis Ecclesiis tam Canonicorū quàm Regularium, ob nimiam recitantium festinationem, qui neque seipfos intelligunt. Huiusmodi syncopatio si est notabilis, quia accedit Officio publico, lethalem noxam habet coniunctam, quia viola-

*C. Dolites.
De celebr.
Missæ.
Studiosè
recitandum
Officium
diuinum.*

tur præceptum in re graui. Quando præscribitur à Iure, ut diuinum celebretur Officium studiosè, explicauit Glossa intelligendum esse absque syncopa, & absque mutilatione. Quæ culpæ grauitas excusaretur, si abusus & excessus non esset magni momenti. Imò omnis culpa excusaretur, si inuoluntaria foret syncopatio, uti accidit linguam habentibus aliquo impedimento detentam, nimirum aut naturali balbutie, aut præcipientia, aut etiam inolita consuetudine, quæ studio corrigi emendarive nequeat. Vitiatur etiam interruptione, dum quis inter recitandum interponit aut actiones, aut sermones ad ipsum Officium nihil spectantes, nec salutem spirituali aut corporali, nec item utilitati aut proximi aut ipsius psallentis

psallentis necessarios. Vnitas vniuscuiusque Horæ sicut pertinet ad solemnem ritum, & ad formam ab Ecclesia præscriptam, ita seruanda est iuxta præscriptionem, alioquin culpa contrahitur maior minörve, iuxta quantitatem interruptionis. Ad quam iudicandam, an magna sit vel modica, expendi debent qualitates Horæ tunc temporis recitatæ. Sicut non omnes Horæ sunt æqualis formæ, sed vna est altera longior, ita maior requiretur interruptio in longiori Hora, veluti in Matutinis, quàm in breuiori, veluti Tertia, Sexta, Nona. Et ne integritas maneat violata, in omnibus hisce casibus supplenda sunt quæ fuerunt interrupta. Non decet tamen statim supplere in ipsa Officij recitatione, nisi tam modica esset omissio, vt posset commodè suppleri absque aliorum offensione, & eius dilatio in finem Officij periculum afferre posset obliuionis. Melius semper censetur, supplere omissiones post Horam expletam, quia omnis sibilatio & mussitatio, quamuis leuis, offendit focios vicinos.

Numquam dicenda erit violata huiusmodi integritas ex modica aliqua omissione siue partis, siue etiam integri versiculi, quando ea euenit ex naturæ aliqua necessaria occasione; qualis esset tussis importuna, aut excreatus, aut sternutatio, quæ nec impediri, nec differri commodè possunt. Expleta naturæ necessitate, melius est inceptum proseguere tantum vnà cum aliis, quàm propriæ consulere satisfactioni, submisere repetendo omissa, non sine circumstantium offensione, quemadmodum quidam plus iusto timidi repetere volunt.

Si interruptiones acciderent ex causa ad ipsum Officium diuinum pertinente, vt quando mini-

*Omissiones
in diuino
Officio
quomodo,
& quando
supplenda.*

*Omissiones
ratione Of-
ficij occur-
rentes an
supplenda.
Molfes.
Tractat. 5.
de Hor.
Can. c. 2.
nu. 21.*

stri celebranti solemniter deferuire debent, vel lumina ab Altari allaturi sunt; vel incensum è sacristia desumpturi, vel ad Altare procedunt, tunc nulla contrahitur culpa ob has interruptiones: imò, secundum aliquos Doctores, isti non tenentur supplere quod omittunt, dum in rebus ad Officium diuinum necessariis occupantur; quia illa occupatio supplet loco Officij non auditi, dum ministrant solemnitati recitantium. Quæ sententia sicut videtur rationi conformis, ita deferuire potest timidioribus, ne abstineant à necessariis muniis ad chorum spectantibus, ob timorem peccati. Nihilominus consultius est, in fine chori supplere quod omissum sit, præsertim si pars omissa sit notabilis, vti appositè monuit Nauarrus, vt integritas formæ seruetur.

*Nauar. de
Orat. c. 10.*

*Interru-
ptiones non
admitten-
da ob quã-
libet cau-
sam.*

Quamuis dari possint causæ legitimæ, quæ excusent à culpa quasdam diuini Officij interruptiones, præsertim non graues, qualis esse potest vtilitas aut spiritalis, aut etiam ciuilis seu corporalis proximi, quemadmodum obseruauimus fieri à viris tum doctrina tum religione insignibus, qui è choro exeunt, vt vocantibus laicis respondeant; hisque dimissis, iterum ad chorum redeunt, prosequentes recitationem cum aliis, supplentes deinde, expleto Officio, quod omiserunt tempore absentia: nihilominus, si necessitas non vrgeat, laudabilius est, Deo in primis vacare, deinde laicis etiam maximè nobilibus respondere. Huius rei insigne exemplum reliquit posteris sanctus Ludgerus Episcopus Monasteriensis, qui accersitus à Carolo Magno Imperatore, ob graua Reipublicæ negotia, dum hic cum suis familiaribus diuinum recitaret Officium, licet

*Surius 26.
Martij.*

ter

ter fuisset per primarios Palatij viros sollicitè vocatus, noluit tamen nisi consummatis Horis adire Imperatorem, diuinum opus cunctis aliis negotiis anteponendum cognoscens. Indignatus Imperator conquestus est de hac mora. Episcopus deuotus hanc obtulit excusationem : *Iustissimum officium discretionis regulam secutus, Deum tibi & cunctis in terra mortalibus præferendum censeo, ideo non ob Imperatorie maiestatis contemptum, uti maiestatis principum leuoli criminantur, sed potius propter tuam salutem, quæ Deo debebam prius exolvere curari, expeditior effectus ad ea quæ mihi à te mandabuntur.*

Hanc responsionem Christianissimus Imperator admirans ait : *Gratias habeo, Episcope, quia qualem te esse credidi semper, talem te nunc esse expertus sum. Tu, ut hætenus fecisti, Dei semper exequere voluntatem, & simul nobis deuotus & fidelis, pro nostri Imperij statu orare memento.* Hic sanctus vir exemplum dignum reliquit omnibus Ecclesiasticis circa modum prosequendi laudes Dei incertas, nec eas facile interrumpendi ob sæcularia negotia, neque propter potentiam aut reuerentiam Magnatum, cum maior sit dignitas Dei, quem tunc alloquuntur, quam omnes terrenæ potestates; nec propter timorem amittendi gratiam siue istorum siue quorumcumque amicorum, qui imò coguntur vehementius amare & æstimare eos, qui Deo tanta seruiunt fidelitate. Audiant hoc exemplum qui libenter è choro discedunt, ut laicorum negotia expédiant. Utinam quidam non reperiantur, qui negotiorum occasiones quærant, vel etiam data opera differant negotiorum expeditionem ad tempus diuini Officij, ut euocentur à choro.

*Communica-
tio Officij
illicita.*

Violatur tandem forma diuini Officij, quando quis commutaret sine iusta causa Horas vnius diei in alias alterius diei. Si quis Officium Ferie quintæ vel Dominicæ commutaret in Officium Ferie tertiæ, quia breuius sit, id est violare legem latam à Pio V. in re graui. Nam si culpa grauis est omittere partem alicuius Horæ notabilem, vt quando quis tertiam aut quartam Matutini partem omitteret; ita etiam culpa grauis dicenda est, quando quis integras Laudes Matutinas commutaret in breuiiores alterius diei, quia non soluit integrum pensum illi diei debitum, sed potius tantummodò partem illius. A qua culpa excusari possunt, qui per obliuionem, aut ignorantiam, aut errorem, aut inaduertentiam in ordinando Officio diei ad hanc deuenirent mutationem. Quemadmodum si non rectè aspicientes Kalendarium, putassent eo die esse aliquam festiuitatem, cùm esset FERIA; vel Feriam crederent, cùm esset festiuitas. In his euentibus bona fides excusat; tuncque valet illud vulgatum proloquium: *Officium pro Officio supplet.* Alias causas à Doctolibus admissas ad tolerandā aliquam Officij mutationem, eam præsertim, quando quis ex deuotione per aliquam tantum vicem mutaret Officium de FERIA in Officium Sancti eo die occurrentis, de quo Ecclesia non celebrat; has, inquam, causas non admitterem in publica recitatione Officij quæ in choro expletur: maior enim extat imposita obligatio communi & publicæ recitationi quàm priuatæ, circa ritum Ecclesiæ obseruationem; sicuti & Decreta Summorum Pontificum, circa tempora, locum & modum psallendi tradita, diriguntur ad psallentes publice

*Nauarrus
cap. 19. de
Orat.*

*De Cōsecr.
Dist. 5. cap.
Conuenit.*

cè in Ecclesia. Nec libertas, quantum ad tempus, locum & modum recitandi concessa priuatis personis, ad publicam in choro recitationem extendi debet: imò in ipsa priuata recitatione locum nequit ampliùs habere ista præcitata doctrina, concedens, deuotionis causa, mutationem Officij, cùm id nuper fuerit graui sacre Rituum Congregationis Decreto, auctoritate summi Pontificis Urbani VIII. edito, omnino prohibitum; sublata etiam Episcopis facultate, quidquam in Romano Breuiario circa Officij qualitatem mutandi ex quacumque causa, inconsulto Romano Pontifice. Quare neque in choro, neque priuatè quis poterit in posterum, siue ex deuotione, siue ex alia simili causa, mutare Officij diuini qualitatem siue formam præscriptam in Romano Breuiario, alioquin recitationis obligationi minimè satisfaceret, vt distinctè cauetur in dicto Decreto.

Illam tamen censent docti & pij viri causam legitimam mutandi, etiam quoad chorum, aliquas diuini Officij horas, quando quis extra chorum recitare incepisset Officium vnius qualitatis, iuxta ritum in Kalendario descriptum, & ad chorum accedens, inueniret, ab aliis tunc fieri Officium siue Dedicationis Templi, siue Reliquiæ in ea Ecclesia existentis; nam eo euentu licitè poterit iste explere reliquum Officium iuxta chori ritum, nec huiusmodi mutatio dicenda esset vitiosa.

Huius formæ conseruationi maximè deseruit studium conformandi se toti Ecclesiæ; ita vt, quantum fieri possit, vbique seruetur eadem forma, nec ob quamlibet causam faciliè mutetur,

sicuti aliquando in multis diœcesibus, ad faciliorem recitantium commoditatem, accidere solet, non sine graui offensione pulchritudinis & decoris Ecclesiasticæ Hierarchiæ. Conspicere nobis contigit apud nonnullas Septemtrionalis regionis vrbes, ab Ecclesiasticis, ex quorundam Prælatorum siue incuria siue culpabili conniuentia, ad indulgendum aut ipforum psallentium, aut laicorum conuenientium, Magnatum præsertim, genio, tum Vesperarum, tum Matutini Officium trium tantummodò Psalmorum cantu absolui, quamuis ibidem Romanum Breuiarium, auctoritate Pij V. summi Pontificis recognitum & approbatum, sit in vsu. Vigilare debent omnes Episcopi, & alij Prælati Ordinarij, vt si qui sunt introducti abusus circa hanc formæ variationem, vel quia mutata sint Officia Feriarum in alia Sanctorum festiua, occasione sumpta ex quolibet Altari vel beneficio in Diœcesi existentibus, vel quia mutilata sint Officia ex pronitate hominum ad libertatem, prorsus tollantur, & ad formæ vnitatem cum tota Ecclesia reuocentur; vt Ecclesiæ vniuersali, quæ est Sponsa Christi, sua reddatur pulchritudo & venustas, quæ maximè elucet in conformitate & vnitate omnium rituum ad Dei cultum spectantium. Ad quam rem deseruire maximè poterit vniuersalis in omnibus Diœcesibus observatio Rubricarum Romani Breuiarij. hoc modo omnes Ecclesiæ particulares erunt Romanæ Ecclesiæ, omnium matri, conformes. Si nihilominus aliqua Ecclesia, aut Regularis Ordo, ex Summi Pontificis indulto, proprios ritus habere permittetur, in eo saltem conformitas vnitatisque elucebit, quod sicut ritus

particulares

*Ecclesia
pulchritu-
do redditur
venustior
ex rituum
vinitate.*

particulares ab eodem vnico fonte (ab Ecclesia Romana) cognoscentur accepti, ita erunt ab omni leuitatis labe immunes. Experientia enim duce, coacti sumus videre haud paucas leuitates, meliùs forsan dixerim profanitates, in Officiis earum Ecclesiarum, quæ proprias sibi, inconsulta Roma, præscribere Rubricas. Vidimus, vt quid peculiare de his leuitatibus significetur, in quibusdam solemnioribus festiuitatibus præscribi psallentibus potum ceruisiæ & vini, aliquando largiori aliquando parciori mensura, iuxta maiorem minorémve Officij solemnitatem, à Prælato tribuendum. Quare par est, vel omnimodam seruare rituum vnitatem, vel ad eam, quammaximè fieri potest, accedere; vt sicut vnus est Deus cui cultus exhibetur, ita vna sit colendi forma apud omnes vbique nationes & regiones, vbi vnus idemque colitur Deus, cui sit semper omnis honor & gloria.

CAP V T XIII.

*Temporum inordinatio caueatur in
diuino Officio.*

PERFECTA ordinis ratio sicut tempora operationibus præscribit, ita eorundem temporum obseruationem maximo studio tuetur, vt ipsæ operationes reddantur perfectiores. Inter *Temporum* conditiones viri iusti ab Hymnographo cognitæ *obseruatio* ac celebratas, illa est præcipua, vt temporum sit *est maximè* custos solertissimus; nam assimilatur arbori *ponderis.* secus decursus aquarum plantatæ, quæ fructus suos reddit temporibus præscriptis: *Et erit tam-* Psal. i.

Hebr. 13.

quam lignum quod plantatum est secus decursus aquarum, quod fructum suum dabit in tempore suo. Quia igitur Officium diuinum est fructus præcipuus eorum qui Deo colendo vacant ex Officio (iuxta illud diui Pauli Apostoli pronuntiatum: Offeramus hostiam laudis semper Deo, id est fructum labiorum consentientium nomini eius. ubi pensum diuinarum laudum fructum labiorum appellat) expedit omnem collocare curam, ut stata tempora cuique Horæ assignata mordicus seruentur, ob multas utilitates inde prouenientes.

*Diaboli
ars circa
temporum
observa-
tionem.*

Primò ex hac temporum obseruata distinctione melius ortum habet illa diuinarum laudum continuatio, quam asseruimus in Operis Præfatione, ita ut in terris nulla ferè temporis hora possit reperiri huiusmodi laudibus omnino vacua, siue per diem, siue per noctem. Præterea dæmonis artes facilius superantur. Ea est hostis nostri intentio astuta, ut, quando non potest ab aliquo faciliè obtinere Officij diuini dimissionem, studeat saltem obtinere dilationem modò ad vnum, modò ad aliud tempus magis commodum, donec ad eas temporis angustias coniiciat, ut vel penitus omittatur recitatio, vel saltem, ob nimiam festinationem, malè expleatur. Huic satanicæ astutiæ faciliè resistunt, qui statis horis ad chorum accedunt, vel eidem tempori se accommodant, omni deposita occupatione, ut suæ satisfaciant obligationi.

*Utilitates
ex Hora-
rum obser-
uatione.*

Qui has temporis ordinatas præscriptiones seruare non studet, potest sibi non mediocre asferre detrimentum; quia iustè priuabitur illis donis, quæ à Deo concedi solent ea qualitate temporis,

poris, propter conditionem myſteriorum quæ
vni magis tempori quàm alteri conueniunt. Ad
huius rei maiorem expreſſionem afferam argu-
mentum illius partis, quæ in Officio diuino dici-
tur Hora tertia, ex qua ad alias Officij partes po-
terit vnusquifque ſimile transferre argumentum,
cùm omnes ſuum contineant peculiare myſte-
rium. Ille ordo Pſalmorum & orationum horæ
diei tertiæ adſcriptus tanta continet myſteria, vt
à præcipuis Eccleſiæ Doctõribus ſemper in ma-
gna habitus fuerit veneratione, ob eam rationem;
quia cognitum eſt, tempus illud orationis eſſe
maximè opportunum ad obtinenda Spiritus ſan-
cti chariſmata: nam eadẽ hora Spiritus ſan-
ctus ſuper naſcentem Eccleſiam in linguis igneis
largiſſimè effuſus descendit, ad corda Apoſto-
lorum & diſcipulorum inflammanda. Hanc ho-
ram ſanctus Baſilius dicebat ab orantibus eſſe
maxima diligentia frequentandam. Par eſt cre-
dere, quòd ſicut Apoſtoli, cum diſcipulis & mu-
lieribus & ſanctiſſima Deipara Virgine in vnum
orantes, fuerunt à Spiritu ſancto repleti, ita pa-
ratus ſit descendere ſuper deuotos pſallentes in
choro eadẽ hora, quæ dicta eſt in Iure *Hora ſa-*
cra. Arbitror ſic dictam eſſe ab effectu conſecra-
tionis Apoſtolorum per Spiritum ſanctum in ip-
ſos effuſum, & paratum etiam aliis effundi. O
felix hora, quæ felices reddere poteſt deuotè
orantes, præſertim in vnum coactos, & vnitos.
De hac aurea hora non dubitauit afferere Rupe-
tus Abbas, quòd adueniens Spiritus ſanctus in
diſcipulos, non ſolùm eam ſanctificauit, ſed vi-
uificis dedicauit myſteriis.

*Spiritus
sanctus ho-
ra tertia
descendit
super Ec-
clesiam.
S. Basilus
in Reg. fu-
ſius diſp.
inter. 37.*

*C. Non li-
ceat. Di-
ſtinct. 44.
Hora ter-
tia oratio-
nis dicitur
aurea, &
ſacra.*

Quod aſſertum eſt de hac particulari hora,

*Tempora
orationi-
bus assi-
gnata ea-
dem sunt.*

idem asseri potest de aliis horis ad publicè oran-
dum deputatis. singulas enim suum mysterium
continere, semper docuit Ecclesia. Nec dubi-
tandum est de mysterij assignatione, an qualitati
precum, an tempori fuerit affixa: nam huic, non
illi facilè conuincitur deberi; quia Hymnorum
& precum tum numerus, tum qualitas singulis
Horis posita non eandem semper habuit for-
mam, sed varias subiit mutationes ad temporum
& ætatum mutationes. At tempora Horarum Ca-
nonicarum ab initio nascentis Ecclesiæ semper
eandem fuerunt, tamquam tempora Hymnodicæ
& orationi destinata. Id non obscurè colligunt
Doctores ex testimonio sancti Lucæ, dum refert
prodigiosum miraculum restitutæ sanitatis clau-
do iacenti ad portam Templi Ierosolymitani, quæ
dicebatur Speciosa, à sanctis Apostolis Petro &
Ioanne. Vt sanctus Historicus describeret tempo-
ris circumstantiã, ait tunc fuisse horam orationis
nonam; quod idem sonat, ac si diceret, fuisse ho-
ram orationis, quæ erat nona. Qua forma dicendi
duo innuuntur, nempe & tempus ipsum fuisse
orationi consecratum, sicut etiam hodie existit;
& alias quoque fuisse horas orationi assignatas, à
quibus hæc discernitur ex nomine proprio.

*Tempora
præuenien-
tes à Deo
puniantur.*

*Abbas. c. r.
de Celebr.
Miss. ex
Io. Andr.*

Qui sine causa has non seruant horas mysteriis
sanctis refertas, peruertunt & confundunt, non
sine graui iniuria, hierarchicum Ecclesiæ sanctæ
ordinem, vt suis vel cupiditatibus vel commodi-
tatibus inseruiant. quod sibi Deus displicere de-
clarauit mira visione facta cuidam Monacho ere-
mum habitanti. Huic, quando alimenta deficie-
bant, prouidebatur cibus ab Angelis, qui de-
ferebant vuas ad eius sustentationem. Contingebat

gebat aliquando vuas esse perfectas, aliquando agrestes, aliquando putridas. Interrogatus Angelus, quæ esset diuersitatis causa, respondit, se portare bonas vuas, quando Officium debitis persoluebat horis; agrestes, quando tempus præueniebat; marcidas, quando ultra tempus differebat. Numquam deberent, nisi graui urgente causa, statæ horæ commutari, ne mysteria in illis contenta confunderentur. Si necessitas aliqua aliud suaderet, tunc minus malum est præuenire, & anticipare, quàm differre, quemadmodum agrestes vuæ cælitus prouisæ ab Angelo declararunt. Nam minus malum erat habere agrestes quàm marcidas vuas.

Satis superque omnibus Ecclesiæ ministris esse deberet illa Ecclesiæ matris benignitas, quæ, humanæ prouidens imbecillitati, tempus Vesperarum & Completorij adaptauit hominum commoditati. Nam à veteribus fidelibus recitabantur Vesperæ post Solis occasum, quando sidus illud, quod Vesper nuncupatur, in cælo apparere conspicitur, vti nomen ipsum Vesperarum demonstrat; & fuit obseruatum à sancto Isidoro: Completorium autem explebatur prima noctis vigilia à mox ituris cubitum. Idcirco in Ordine sancti Benedicti tenentur Monachi, ex Regula, post peractum Completorium custodire silentium usque ad sequentem lucem diei. Nos Clerici Regulares Paulini in nostro Ordine idem seruamus silentium à benedictione Prælati data vnà cum asperzione aquæ benedictæ, post conscientie examen, & statas preces ad Deum, ad beatam Virginem Deiparam, & ad sanctum Paulum in communi conuentu factas sub tempus mox futuri

Ecclesiæ benignitas circa temporum commoditatem.

S. Isidorus l. 6. Etym. c. ult. & de Eccl. Officio cap. 22.

*Vesperarū
& Comple-
torij myste-
ria.*

turi cubitus, vsque ad subsequens manè post ab-
solutionem Horarum Matutinalium, venia lo-
quendi obtenta ab eodem Prælato. Quapropter
Horæ vespertinæ & Completorij, quæ antiqui-
tus inter nocturnas habebantur, modò, ex Eccle-
siæ indulgentia, cùm sint factæ diurnæ, vt laico-
rum conuenientium deseruiatur commoditati,
solo antiquo retento nomine, ob mysteria in il-
lis repræsentata, saltem retinendæ à nobis sunt
temporibus opportunis, non eas nimium antici-
patè sollicitantes, vt earum mysteria, scilicet de-
positionis Christi è Cruce per Vesperas, & eiuf-
dem sepulturæ per Completorium significata,
quantū fieri possit, propiùs saltem obseruemus.

Vigilare maximè tenentur ij, quibus imminet
cura, vt, tam in Religionibus quàm in Cathe-
dralibus & Collegiatis Ecclesiis, diuina persol-
uantur Officia, ne stata violentur tempora; ne
ipsi contrahant culpam grauiorem, aliquando à
Deo seuerissimè puniendam. Quamuis vera es-

*Caietan. in
Sum. ver-
bo Hora.*

set Cardinalis Caietani sententia, quòd tempo-
rum consuetorum observatio neque in publicis
precibus in choro expletis obliget sub mortali
reatu, quia est tantummodò circumstantia exte-
rior: nihilominus quod in ministris recitantibus
forsan nulla esset culpa, ob rationem à Caietano
allatam, non videtur posse censi ab eadem cul-
pa immune in iis, ad quos spectat ex officio; quia
hæc consuetudo in publicis actibus videtur ha-
bere vim præcepti, maximè cùm ad Superiores

*Superiorū
obligatio
circa tem-
pus recita-
tionis.*

*Clem. 1. de
Celebrat.
Miss.*

directum sit illud Decretum, quod in Concilio
Viennensi traditur circa tempus debitum Hora-
rum observandum per verbum *sancimus*, quod
importat præceptum. cuius verba sunt: *Sanci-*
mus,

mus, ut illi, ad quos pertinet (nominat autem Superiores omnes Ecclesiasticos, tam Episcopos quàm Regularium Prælatos) curent, ut in Cathedralibus, & Regularibus, & Collegiatis Ecclesiis, horis debitis deuotè psallatur. Istis Superioribus sicut incumbit maior obligatio, maior quoque adhibenda ab ipsis est diligentia & vigilantia, ut obligationi faciant satis. Numquam omnino permittendum est, omnes Officij horas simul expleri, cùm diuersis vicibus & distinctis spatiis sint persoluendæ, ne culpa reddatur maior & grauior, sicut excessus grauior foret.

Si alicubi iam inoleuisset iste abusus præueniendi anticipatè nimis statuta Horarum Canonicarum tempora, quemadmodum haud sine nostra vidimus admiratione in quibusdam Ecclesiis introductum, curent Episcopi, & Prælati, & alij ad quos spectat, ea reuocare ad terminos præscriptos. Quædam Ecclesiæ, ut vidimus, tempore Quadragesimalis ieiunij, quando Vesperæ conceduntur absoluendæ ante comestionem, quæ deberet esse circa meridiem, ita tempestiuè eas absoluunt in choro, ut comestionis legitimum tempus tribus adhuc distet horis. Aliæ per Octauam sanctissimi Corporis Christi Horas Vesperarum & Completorij vix elapso meridie absoluunt, ut maturius queant Canonici & Cappellani se expedire ab Officio matutino sequentis diei, quod mox statim persoluunt. Horarum istarum inordinationes corrigendæ sunt ad normam temporum debitam.

Hinc est, quòd obseruationes sacrorum mysteriorum, etiam quando priuatim Officium recitant, nituntur, quantum possunt, se conformare

*Abusus
quantum
dam Eccle-
siarum cir-
ca tempus
Horarum.*

*Sacrorum
rituum reue-
rentia quã-
ta apud stu-
re diosiores.*

re statis horis quibus publicè in choro recitatur, tum vt meliùs repræsentent mysteria cuiuslibet Horæ assignata; tum vt aliorum orantium participare queant fructum, vt sicut illis coniunguntur in oratione, si minùs quoad locum, saltem quoad tempus, ita coniungi mereantur quoad fructus, & effectus; tum denique ob reuerentiam sacrorum rituum: vti nos, non sine nostra excitatione, aduertimus in nostro venerabili Cosmo Dossenio, qui, ob hanc sacrorum rituum reuerentiam, numquam, neque in itinere, ad celebrandum sacrum mysterium poterat adduci, quamuis cognosceret nullum esse peccatum id facere, nisi antea diuinum expleisset Officium nocturnum. Contrà verò negligentiores omnem confundunt ordinem, differentes quandoque ad noctem quæ dicenda forent prima luce, vanum reddentes sensum verborum quæ proferunt. Dicent, *Iam lucis orto fidere*, quando iam omnia tenebris sunt obruta; quod valdè indecorum est, & ab omni pio animo cauendum.

Possit alicui priuato accidere Horarum inordinatio non solum absque vlla culpa, sed etiam cum meriti lucro. Qui casus tunc euenire potest, quando adueniente hora stata conueniendi ad chorum, v. g. ad Horam tertiam, si quis recorderetur se, ob occupationes, siue etiam ob inaduertentiam, nondum expleisse horam Primam, posset iste absque vlla culpa, imò deberet, vt suo muneri faciat satis, psallere cum aliis, & deinde supplere Horam omissam. Hoc melius esset, quàm à choro abstinere, vt propriæ consulat commoditati.

CAPVT XIV.

Acediæ defectus quales.

NVLIVM quasi aut molestiorem, aut frequentiore, aut magis infestum dæmonem habere possunt Hymnodia studiosi, quàm spiritum acediæ, quemadmodum dicere solebat Abbas Nilus. Cui nisi diligentia studio viriliter occurratur, ad tantum deuenire poterit animus languorem, vt dici queat consensisse in actionibus virtutum. Acedia quò magis in se ipsa excrescit, quasi altera annorum senectus, eò magis animi vires debilitat, & consumit. Sicut senes, ob grauem ætatem, virium experiuntur imbecillitatem, tardè effecti ad omnem vitæ naturalis actionem, tardè loquuntur, tardè mouentur, tardè incedunt; ita animus, ob senectutem spiritualem ab acedia contractam, redditur segnior ad omnia virtutis munia, non sine maximo meritum dispendio, imò & salutis periculo, quia hic torpor vi sua potest penitus obruere omnem spiritum; quemadmodum Ecclesia innuit in quodam diuini Officij Hymno Deum exorans, vt ab hoc vitio psallentes defendat:

*Fuga catervas demonum,
Expelle somnolentiam,
Ne pigritantes obruat.*

Nemini parcere solet hoc vitium, sed omnes aliquando oppugnat, licet tamen non omnes expugnet. Sicut omnes corpore constamus & carne, ita corruptibile corpus & inhabitatio terrena aggrauant animum; & caro concupiscens aduersus spiritum refugit virtutum exercitia. Nisi carnis desideria

Nilus de
Octo vit.
cogit. c.
De acedia.
*Acedia &
senectutis
similitudo.*

Hym. Ma.
tat. Fer. 3.

Acedia motus omnes tentat.

deria reprimantur studio sanctæ mortificationis, acedia viribus aucta spiritus vim enervare & extinguere conatur. Deploravit aliquando hanc miseriam, quam experiri cœperat, David, cuius iniitiis studuit se viriliter opponere implorans à Deo auxilium: *Dormitavit anima mea præ tædio; confirma me in verbis tuis.* Quamvis diceremus, quòd David tunc loquebatur more Prophetarum, non quia ipse acediæ vim fuerit passus, sed in persona sua aliorum infirmitates descripserit; illud saltem ad rem nostram advertere debemus, quod traditur à sancto Rege hisce verbis. Duo declarare videtur, nimirum effectum acediæ, & verum illius remedium. Effectum acediæ dicit animæ dormitationem: *Dormitavit anima mea præ tædio.* Torpens enim anima ob acediam, quasi videtur dormire in Dei contemplatione, non valens superare somnum: sicut qui somni vi opprimitur, licet cupiat expergisci, soporis tamen altitudine superatus submergitur à somno. Magna vis acediæ, quæ ita aliquando occupat vires affectus, ut vix compos sui possit esse animus, quasi nequeat etiam quod vellet. Qui hoc morbo laborat, sicut eget Medico perito, ita alius hic esse nequit quàm omnipotens Deus, ad quem se conuertit David, cum exorans ut opem ferat: *Confirma me in verbis tuis.* & hoc est quod secundo loco docuit David in hac sua oratione, nimirum à Deo expectandum esse remedium acediæ, & torporis. Si adsit Deus, omnis torpor & tristitia procul aberit. Vbi Deus est, ibi lætitia, ibi feruor ardorque adesse cōspicitur. Tanta est diuinæ præsentia, etiam tantummodò cogitata, vis, ut omnem depellat tristitiam, aut tædium; sicut Sol adueniens tenebras de-

Psal. 118.

Acedia remedium à Deo.

Dei præsentia acediam pellit.

depellit, & fugat. quod canebat David dicens: *Memor fui Dei, & delectatus sum.* sola Dei cogitatio illum delectationibus replebat. Quas delectationes multò melius operatur præsentia per gratiam actualem. De illis duobus discipulis, qui tristes pergebant in castellū Eminaus, proditum est, quod statim ac præsentem habuerunt Christum Dominum, cordis ardorem & hilaritatem senserunt: vnde alter alteri præ læticia reuocabat in mentem, *Nōne cor nostrum ardens erat, dum loqueretur in via, & aperiret Scripturas?* Luc. 24.

Pulchrè quidem appellatur animi dormitatio hic acediae affectus, non solum ob effectus somno similes, sed etiam quia somnolentia coniungitur acediae tamquam indiuidua comes, vel propria proles. Iis enim qui ab acedia possidentur, statim ac sunt in choro facilis est & prompta somnolentia, quæ eos dormire compellit dum psallūt. Quibus dici potest, quòd molliora videantur sedilia & ligna, & parietes, quibus vel adharent, vel sedent, quàm culcitrae & lecti quilibet, siue lanei siue plumei; cùm in istis iacentes sæpè soleāt difficilè inuenire somnum, in illis facillimè dormiunt. In lectis cubantes facillimè ad quemlibet vocis leuissimæ sonum expergiscuntur; in choro psallentes inter multas voces altas suauissimè dormiunt. Lepidum est illud, quod ad hanc rem miles quidam occurrens Abbati Cisterciensi exquisiuit, nimirum vt sibi venderet quemdam chori seu Oratorij lapidem, in quo per Quadagesimam integram cum Monachis, pœnitentiæ causa, operam orationi dederat, spondens miles quodlibet pretium, quamuis magnum. Abbas miratus interrogauit, quorsum tenderet hæc ob-

Acedia comes somnolentia.

Lepidus miles quidam occurrens Abbati Cisterciensi exquisiuit, nimirum vt sibi venderet quemdam chori seu Oratorij lapidem, in quo per Quadagesimam integram cum Monachis, pœnitentiæ causa, operam orationi dederat, spondens miles quodlibet pretium, quamuis magnum. Lepidus miles quidam occurrens Abbati Cisterciensi exquisiuit, nimirum vt sibi venderet quemdam chori seu Oratorij lapidem, in quo per Quadagesimam integram cum Monachis, pœnitentiæ causa, operam orationi dederat, spondens miles quodlibet pretium, quamuis magnum. Abbas miratus interrogauit, quorsum tenderet hæc ob-

M m

latio

latio pretij, & ad quid valeret ille lapis postulatus; respondit miles: Vellem cum transferre ad lectum meum, quia expertus sum hanc in eo virtutem, ut qui dormire nequit, statim in eo positus somnum arripiat. Expertus hic homo fuerat vim acediae tempore orationis, non valens oculos continere à somno, dum cum aliis Monachis se ad orationem in eo loco transferret.

*Opera ab
acediosis
facta Deo
ingrata.*

Apoc. 3.

Opera quaelibet, praesertim Hymnodiae, somnolenter expleta, nec placent Deo nec Angelis sanctis, sed potius prouocant ad nauſeam quam ad lætitiā; uti aliquando pronuntiavit Angelus nomine Dei dicens ad quemdam acediosum: *Utinam frigidus esses, aut calidus; sed quia tepidus es, incipiam te emovere ex ore meo.* Quod minitatus est Deus, id opere expleuit cum quodam Religioso, cui inter psallendum dormienti apparere dignatus est Dominus in cruce existens, dorsum tamen illi vertens. quasi dicere voluerit: *Quia tepide oras, & acediose Hymnos meos decantas, non es dignus faciem meam intueri, en ego à vocibus tuis faciem meam auerto, ne offensus nauſeam patiar.*

Somnolentorum preces daemones sunt cibis.

Ibid. c. 35.

Sicut offenditur Deus à nostris somnolentiis, ita lætantur demones, qui student acediam fouere; imò dixerim, quod censeant hanc propriae famis electissimum cibum. Quot verba ex psallentium somnolentorum ore exeunt, tot glandes & siliquæ infernalibus porcis cadere videntur; quemadmodum rectè obseruauit Cæsarius pius Auctor Ordinis Cisterciensis, dicens: *Verba Psalmodia à virtute vacua, quæ somnolenti sine intentione, & tantum semiplenè proferunt, demonibus proiici colligenda tamquam siliquas porcis.* Huius pronun-

nuntiati occasionem sumpsit pius Auctor ex quadam horribili visione facta circa quemdam Religiosum, qui psallens semper dormitabat. Videbantur ab aliis Monachis circa illum porci, & eorum audiebatur grunntus.

Qui nimis indulgentiores sunt sensibus & corpori suo, sibi semper timentes, ne noceant vigiliæ & orationes, proniores sunt ad acediam, & à somnolentia facile vincuntur. Sicut inuiti accedunt ad pia exercitia, ita pigri assistunt iisdem, faciliusque occupantur à somnolentia, variis item oscitationibus replentur, quæ chororum maximè dedecet; duplicique sunt reatu culpabiles istæ oscitationes, ait Cassianus. Primò, quia oratio negliger offeritur Deo. Secundò, quia ab indisciplinato illo strepitu alij offenduntur. Hæc offensus grauior est, quando oscitantes eodem tempore cantum prosequuntur; valdè enim molestum reddunt audientibus sonum, licet oscitantes eum non aduertant. Addere possumus, quòd, præter hunc sonum aures aliorum offendentem, coniungitur oris & faciei talis deformitas, quæ dedecet valdè loci sanctitatè, oculosq; adspicientium grauius offendit. Nisi ab acedioso comprimatur oscitationes præueniendo eas, ne liberè exeant, ipse erit sui ipsius & sui torporis canora tuba, & speculum apertum. Si quis vel nesciat, vel nequeat præuenire, ne fiant huiusmodi motus, saltem studeat illos intra eos modestiæ limites, quos poterit à deformitate remotiores, continere. Omnino abstineat tunc temporis à cantu vel iam incepto, vel statim incipiendo, ne illa vocum dissonantia, quæ maximè displicet, audiatur in choro. Minus dedecet subtrahere choro vnâ vocè,

*Oscitantia
in diuinis
Officiis canenda.*

*Cassian.
l. 2. Inst.
c. 10.*

quamuis validam, & primariam, modico illo oscitationis spatio, quàm audire inconcinnum illum & molestum sonum.

De huius vitij conditione & statu, quatuor ad rem nostram opportunos Aphorismos tradebat Venerabilis Pater Zacaria dicens:

Ant. Mat.
Zac. in A-
phor. v.
Tepeditas.
nu. 46. 47.
48. 49.

Quemadmodum victima impiorum abominabiles sunt Deo, ita preces tepidorum ad nauseam eundem promocant Deum.

Nescit tepidus quid postulet in oratione; nihilominus miratur, cur à Deo sua non exaudiat oratio.

Licet aliquando tepidus attentè exoret, & eius attentio digna sit exaudiri, non idcirco tamen exaudietur, ob vim tepiditatis; qua tanta est, ut sola impediatur omnis aliam precum virtutem.

Quamuis etiam tepidus aliquando exaudiretur, nisi tamen arceat tepiditatem, gratia obtenta in eiusdem tepidi conuertetur perditionem.

Has doctrinas tradebat superiori sæculo, quando res ad diuinum cultum spectantes collapsæ in Italia videbantur, magnus hic vitæ spiritualis Restitutor & Magister, ut cognita huius vitij conditione odiosa Deo, cui alacris debetur famulatus, ab omnibus virtutis studiosis omni studio arceretur acedia.

Vehementia alia signa minimè desunt, præter somnolentiam, ad dignoscendos acediosos. Qui submissè remissèque canit, manifestè ostendit vim acediæ in corde dominantis. Sicut ubi viget Dei amor, cantus exercetur hilaris & altus, ita diuino tepescente amore in corde psallentiù, tepescere necesse est & languere cantum in ore, propter intimam istius ab illo consecutionem, iuxta

Re-

Regulam à Philosophorum principe traditam : *Verba oris sunt nota eorum qui in animo sunt affectuum.* Huius Regulæ vis non ad verba tantummodò , sed ad prolationem etiam valet verborum : nam ipsum quoque modum proferendi verba esse indicium, asserunt sapientes, eorum affectuum qui in animo resident. Hinc pius ille fervidusque Religiosus ex Carthusiana familia, de quo ad initium huius Libri facta est mentio, quoties audiebat Monachos suos remissa psallentes voce, aiebat se timere, ne amor Dei in cordibus eorum tepesceret; & sicut tepidè cantarent, ita & tepidè Deum diligerent. Rogabatque eos, ut à Deo peterent emergentque aurum ignitum; ut sicut Angeli in cælis numquam desistunt à laude, ita ipsis numquam tedium subreperet in diuino opere. Sanctus iste Prælati ex vocis remissione argumentum sumebat accediæ interioris. Accediosus prætereà conspicitur moras querere accedendi ad chorum. Aliquando irascitur campanæ pulsanti, vel ministro vocanti ad diuinum Officium. Is, nisi pœnæ alicuius impelleretur timore, numquam studeret adesse ante initium Officij, sed differret, quantum posset, ut citius se expediret ab occupatione sibi maximè odiosa. Haud semel conqueritur modò de cantus prolixitate, modò de vocis nimia exaltatione. Felices appellat à choro immunes, occasionesque quarit immunitatis, qua obtenta iubilat, & exultat. Librum Breuiarij vel numquam, vel rarissimè secum habet; saltem dimittit sine cõsuetâ signorum ordinata distributione ad loca cuilibet diei opportuna : quia sicut inuitus, ita imparatus pergit ad chorum. Imò qui fortis in viis sæculi minimè graue reputasset accincti ensis pondus, nunc vi

Arist. l. i.
Penherm.
c. i.

*Acedia
varij effectus.*

acediæ in Domo Dei redditus est adeò imbecillis, vt se fatigatum censeat ex vnius manualis libelli, qui Horæ dicitur diuinæ, leuissimo onere. Officia quarumdam Feriarum, Dominicorum præsertim dierum, speciali prosequitur odio, expendens in illis aut extraordinarium numerum, aut insolitam prolixitatem Psalmorum, nihil attendens sublimitati, pulchritudini, ac suauitati mysteriorum quæ latent in eis. Nomina irrisiōis imponit tum ipsis Horis diurnis, tum cantui, tum muniis, tum functionariis chori, vt huiusmodi iocis fallat eam temporis dilationem, quam in cantu Hymnorum censeat sibi valdè molestam. Tandem is inde occasionem desumit mœroris & doloris, vnde feruidiores materiam hauriunt exultationis & iubilationis, imitantes Hymnographum, qui aiebat se ex cantu exultare: *Exultabunt labia mea cum cantauero tibi*. Vt caueantur tor defectus, vni acediæ tollendæ erit omnibus viribus insistendum. Nam ab hac acedia, tamquam à radice præcipua, ortum habent prædicti, imò & ceteri ferè omnes defectus qui in hoc Libro aduertuntur.

Psal. 70.

Acedia remedia varia.

Psal. 118.

Remedia opportuna ad arcendam acediam sunt potissimum quatuor. Primum, orationis ad Deum, vti orabat Hymnographus illis verbis: *Confirma me in verbis tuis*. Ex quibus D. Ambrosius colligit vim gratiæ diuinæ, & contemplationis intentæ ad Deum, & ad diuinas Scripturas: *Ergo remedium tedium omnium est Christus, & Scriptura diuina, atque in tentationibus vnum refugium*. Secundum, pugna cum dæmone, qui vt plurimum solet ad hanc somnolentiam prouocare, vt pluribus visionibus confirmatum est.

Nam

Nam visi sunt dæmones ab alacrioribus psallentibus sub variis formis, modò felis, modò serpentis occupare caput eorum qui somno opprimebatur. Huic hosti maligno resistendum est viriliter in fide. Tertium, sancti odij sui ipsius; quod remedium opportunum est iis, qui ex aliqua corporis infirmitate ad acediam incitantur: non enim semper à dæmone ortum habet acedia, sed etiam ex corporis dispositione malè affecta. Nisi infirmitas sit grauis, opus est fortitudine virili ad superandum vanum timorem periculi potius imaginarij quàm veri. Maius meritum acquireretur, vbi maior aderit difficultas vincenda. Qui nouerit vim discretam sibi inferre, vt Deum cum aliis in choro colat, amplioribus gratiis à Deo cumulabitur. Hanc sanctam vim nouerat sibi inferre ille Monachus verè deuotus & feruidus, qui cùm ob vehementem capitis dolorem, quo semper laborabat, à suis Prælatiis fuisset à chori obligatione liber effectus, ipse nihilominus numquam abstinere à frequentia illius. Huic aliquando ob doloris vehementiam afflicto dixit Abbas, Quare indulta non vteris gratia? respondit feruidus vir, Non possum à choro me continere: quando audio psallentes, corde excrucior, ob recordationem consolationum quas mihi inter illos communicat Deus. Consolationes huius viri erant Angelorum visiones & Christi Domini seruatoris valdè frequentes. Ecce quanti meriti sint apud Deum illæ discretæ violentiæ, quas sibi nouerunt inferre animi feruidi & deuoti. Si vires penitus deficerent, saltem non desit ymquam voluntas accedendi ad chorum, quia apud Deum censebitur illa voluntas tamquam effectus. Vt virum recolam admiran-

Apud Cæsar. lib. 4. c. 33. & 34.

Acedia à dæmone sonetur.

Idem c. 30

Voluntas apud Deū reputatur opus.

Beati An-
drea Au-
ellini feruidū
studium
Hymnodia.
Francisc,
Beluit in
Vitā lib. 2.
cap. 4. &
cap. 11.

dum ex nuperis, qui semper feruidus, numquam
acediosus fuit ad sacras Hymnodias, quamuis per
plura annorum lustra sacrum frequentarit chorū,
profero Andreā Auellinum ex Clericorum Re-
gularium, qui Theatini appellati sunt, Ordine,
cui noster Ordo synchronos fuit, virum in omni
sanctitatis genere insignem. Hic tantum abest, vt
acediæ aditum vñquā prębuerit, vt potius per vi-
ginti ferē annos ante nocturni Officij tempus as-
urgens, ceteros Religiosos domus statis surgēdi
horis excitaret ad Deum suum, quem impensē
diligebat, laudandum in Templo Hymnis & Cā-
ticis. Imò hic beatus Religiosus communem in
choro Hymnodiam tanto colebat feruore & ar-
dore, vt quadragintaquinque annorum spatio se-
mel tantum (extra infirmitatis casum) à nocturno
abfuerit Officio. quæ profectò mira est laus in
viro virtutis & perfectionis studioso. Et quam-
uis non semel variis inter psallendum afflittere-
tur doloribus, præsertim ob intestinorum deflu-
xum, numquam tamen aut ommittere, aut remitte-
re voluit chori frequentiam sibi propositam ad
cordis sui delicias. Spiritus alacris vi superabat
naturæ imbecillam conditionem generosus An-
dreas, nec sui ipsius nimio amore detinebatur,
imò animam suam oderat in hoc mundo, vt ad
vitam æternam, qua nunc beatus fruitur, eam op-
portunè præpararet. Denique arcetur acedia re-
medio inuitationis, sicuti solitus erat Hymnogra-
phus ad sui ipsius prouocationem, modò dicens,
Lauda anima mea Dominum; laudabo Dominum
in vita mea; modò non semel replicans, *Benedic*
anima mea Domino. Hac inuitatione ipse utebatur
in ingressu præsertim Hymni, vt, omni depulsa
acedia,

Psal. 145.
Psal. 102.
103.

acedia, introiret in conspectu Dei in exultatione, quemadmodum alios hortari consueverat. Maximi momenti est, ad feruorem concipiendum & prosequendum, exultatio ingressus, quemadmodum monuimus superiori Libro; sicut etiam ad acediam fouendam augendamq; magnum confert adiumentum tristitia ingressus, & post ingressum modus aut sedendi, aut standi. Qui toto corpore parieti adhærent, vel sedilibus, quando stare debent; vel caput & brachia extendunt super scamna, quando genuflectût, somnum accersunt, ut citius accedat, & fortius occupet sensus. Inde forsan multi contrahere possunt grauem noxam, quia culpa lata attentionem & integritatem non seruant, vti obseruat S. Bonauentura. non enim excusari possunt, quod somnolentia accidat contra voluntatem, cum eam sitis electione inuitent. Qui cordis puritati student, caueant ab omni acedia & somnolentia, & ab omni occasione quæ illam fouere aut excitare potest: nam intenta supplicatio dormire cor mundum vetat.

D. Bonau.
in Spec.
diu. c. 9.

CAPVT XV.

Deuotionis exterioris defectus varij.

DE C E N T I A exterior, quæ etiam compositio corporis dicitur, pars deuotionis censetur à Patribus rei spiritualis; nam à cordis deuotione ortum ducit, eamdemque cordis deuotionem nutrit & auget. Hinc dicebat S. Damascenus; *Quemadmodum ex duplici natura compositi sumus, intellectuâ scilicet & sensibili, ita & duplicem deuotionem Deo offerimus*, scilicet

S. Dam.
l. 4. Fid.
cap. 13.

M m 5

spiri-

spiritualem, quæ consistit in mente interiori; & corporalem, quæ versatur in exteriori corporis humiliatione. Hæc exterior deuotio omnes actus corporis exteriores, qui reuerentiam erga Deum ostendunt, vti prostrationes, genuflexiones, inclinationes, pectoris tunctiones, & Crucis signa, opportuno tempore inter psallendum obseruanda, complectitur. Quæ omnia reddunt Hymnodiam deuotam, si adsint, sicuti quando desunt, reddunt Hymnodiam indeuotam; vel, vti grauiter ac verè

*Reuerentia
exterior est
medulla
officij.*

*Turrecrem.
c. 20. Reg.
S. Bened.*

aiiebat Turrecremata, tunc deest medulla holocaustorum. Expendebat hic Doctor illa verba in Regula D. Benedicti deuotionem & reuerentiã suadentis: *Si cum hominibus potentibus volumus aliqua suggerere, nõ presumimus nisi cū humilitate & reuerentia; quantò magis Domino Deo uniuersorum cum omni humilitate & puritatis deuotione supplicandum est.* Ibi Turrecremata dicit deuotionem esse illam medullam holocaustorum, quam spondebat Dauid dicens: *Holocasta medullata offeram tibi cum incenso arietum.* sine qua deuotione holocausta sint prorsus arida.

Psal. 65.

*Exteriorũ
cerimoniarum reli-
giosus u-
sus.*

Omnes corporis motus ab Ecclesia præscripti, sicuti sunt religiosè instituti tamquam signa & testimonia interioris cultus ad Deum directi, ita sunt à psallentibus omni studio custodiendi & obseruandi, vt erga Deum nostrum simus non minùs urbani, quàm Regum & Principum ministri conantur esse, nil deficientes in obseruatione eorum rituum qui ad illorum spectant reuerentiam. Si quis hos ritus inclinationum, genuflexionum, pectoris tunctionum negligeret, non modicæ culpæ fieret reus, quamuis modica videantur & leuia quæ negliguntur; quia verè non sunt

sunt nec leuia, nec modica, cùm respiciant Dei cultum religiosiùs & decentiùs perficiendum. Sublimitas finis, ad quem diriguntur aliqua, reddit sublimia & alta quæcumque ex se forent vilia & leuia. Libeat hoc loco expendere aliquam ex minurioribus cærimoniis in diuino Officio adhibendis, quæ cognita declarabit ceterorum sublimitatem. Nos Clerici Regulares Paulini in nostris Regulis ad chori disciplinam traditis admonemur, vt surrecturi à sede tempore nocturnæ Hymnodix, quo solo tempore nobis permittitur sessio, ad inclinandum ad versum doxologiæ, *Gloria Patri, & Filio, & Spiritui sancto*, studeamus assurgere, antequam finiatur versus ultimus Psalmi qui est ante doxologiam. Ad quid tam subtilis obseruatio, antequam expleatur versus ultimus? nōne satis erat dixisse, assurgere studeant ad versum, *Gloria Patri, & Filio, &c.* Non deerit fortasse qui dicat, eam esse nimis minutam obseruationem; verùm non minutam dixerit, qui eam traditam cognoscit ab antiquioribus Hymnodix studiosis, à quibus nos deinde accepimus. eandem tradidit D. Bonauentura in Speculo Disciplinæ. Eam non dixerit minutam, qui finem considerat ad quem illa dirigitur, nimirum, vt ad integrum versum, *Gloria Patri, &c.* possit deuotus psallens profundè se inclinare. Nisi surrexerit ante finem ultimi versus, continget vtique, non sine magna irreuerentia, vel adhuc sedere, vel esse in via surgendi, dum à choro pronuntiatur hic nobilissimus altissimusque doxologiæ versiculus, qui gloriam vni trinoque Deo profitetur.

*Dei cultus
nihil leue
cognoscis.*

*Reuerentia
ad versum,
Gloria Pa-
tri, &c. de-
bet esse
prompta.*

*D. Bonau.
in Spec.
cap 9.*

Dignatus est Deus declarare mortalibus, quàm magna

*Dei mira
dignatio
erga pro-
fundè in-
clinantes
ad Gloria
Patri, &c.
Idem ibid.*

magna res sit hæc obseruatio, quæ primo aspectu minima videbatur, dum voluit visitare mira dulcissimaque benignitate eos, qui alacres ac prompti assurgunt ad huiusmodi inclinationem præueniendam, vt eam maiori expleant reuerentia. Refert S. Bonauentura, sanctum quemdam senē. non semel vidisse tēpore Psalmodiæ beatam Virginem Deiparam in medio chori existentem, vni- genitum Filium suum inter brachia habentem, quæ assurgentibus promptè ad inclinādum dum cantaretur, *Gloria Patri, & Filio, &c.* offerebat ipsum infantulum, qui inclinanti vicissim se inclinaret; quam gratiam non offerebat aliis ad assurgendum negligentioribus. Ex qualitate tanti præmij concessi inclinantibus promptè ac perfectè cognoscere quisque potest rei, quæ minima censebatur, sublimitatem; quemadmodum ex pœna aliquando visibiliter inflicta negligentibus licet cognoscere grauitatem defectus, quando deficimus in hac obseruatione. Proditum est in Chronicis sancti Francisci, quòd ex hac vita decedens Religiosus negligentior in hac obseruanda inclinatione, visus est post mortem positus super altissimam columnam in medio maris sitam, ibique manens continuo percussus timore cadendi, tenebatur centies in die & centies in nocte profundè se inclinare, donec omnes inclinationes in diuino Officio, dum viueret, tum omittas tum malè expletas suppleret. Visio est ista, quæ licet non habeat certitudinem infallibilem, declarat tamen æstimationem inclinationum apud Deum; vt discamus, quòd nil leue aut minutum sit censendum in sacris cærimoniis, cum omnes ad Dei cultum dirigantur.

*Non incli-
nantes ad
Gloria Pa-
tri, &c. pu-
niuntur à
Deo.*

Offenditur

Offenditur hæc externa compositio corporis variis modis à psallentibus. Primò, si tempore sessionis, vbi ea conceditur, quis se totum in sedes effundat, membra inconcinnè laxans, aut crura, alterum alteri superimponens, aut vestem & superpelliceum malè disposita tenēs. Is Deum, cui adstat, & quocum loquitur, vel non cognoscit, vel non timet, vel non considerat: nam coram eo se gerit tali familiaritatis modo, qualis neque coram maximè domesticis, imò neque coram subditis permittitur inter ciuiliū morum professores, sed acriter reprehenditur. Offenditur deinde ab iis, qui nutibus, gestibus, verbis, aut, quod grauius esset, clamoribus signum ostenderent stomachi & indignationis in eos, qui aliquod committunt in choro erratum, siue in legendo, siue in canendo, siue in aliquo alio munere. Nec minùs offenditur ab iis, qui in eisdem errantes licenter faciem oculosque tantummodò conuertunt. Nec enim desunt quidam aded leues, qui, audito verbi gratia vnico *Alleluia* intempestiuè prolato, statim in errantem oculos coniciant, vel toruo aspectu, vel risus irrisiōnisve signo eum intuentes. Prædictæ leuitates gignunt in opere Dei haud leuia mala. Possunt in primis errantem confundere ac perturbare. Possunt item ipsos aspicientes & indignabundos excitare ad risum, aut ad grauiorem aliquam animi dissolutionem. Saltem dissipant tum eam grauitatem muneri, loco, personis maximè debitam, quæ ab Hymnographo valdè æstimabatur, quamque sibi semper habebat ipse propositam, quando ad psallendum Deo accedere volebat.

Confitebor tibi in Ecclesia magna, in populo graui Psal. 34.
laudabo

A leuitatibus in choro abstinendum.

laudabo te ; tum eam modestiam , qua maximè tenentur omnes Ecclesiæ ministri , etiam ij , qui ex Officio debent errata in choro corrigere.

*Inordina-
siones qua-
libet vi-
tanda in
choro.*

Offenditur præterea ab iis , qui , in choro minus aliquod habentes , propriæ desunt obligationi ; quia nempe minimè aduertunt , quando & quomodo ipsis incumbat proprii muneris executio. Si quis non prænuntiaret Antiphonam , aut versiculum non enuntiaret sibi debitum , aut alterum pro altero proferret , is grauem afferret iniuriam chori dignitati & sanctitati , eamque perturbaret harmoniam , qua præsentè , chorus nostrorum Templorum videtur similitudinem referre Paradisi , qua deficiente , omnia redduntur confusa , dissona saltem. Nam quando unusquisque psallens opportunè exequitur inuneris sui functionem , tunc multi psallentes videntur vnicus psallens , & omnia explentur maxima cū delectatione. Si hæc desit ordinata munerum præscriptorum executio , psallentes nihilo dissimiles sunt musico illi , qui citharam assumens pulsandam , chordas minimè tangit loco & tempore opportuno , alteram etiam pro altera inordinatè pulsât , haud sine audientium fastidio. Studio itaque non mediocri opus est circa rectam munerum in choro executionem , vt omnia peragantur ea qua decet reuerentia , grauitate , ordine , perfectione , vtque sint Deo accepta.

Maximè tandem dicetur offendi externa eadem compositio ab iis , qui non modestiæ solius , sed honestatis etiam Clericalis obliti , accederent ad diuina persoluenda Officia in Domo Dei sine tonsura , quam erubescant gestare , aut sine vestibus muneri , loco & statui congruis. Quid si alij
ad

ad eam morum deuenirent prauitatem (quem-
admodum alicubi nonnullos deuenisse audiui) vt
secum ad Ecclesiam ducere canes auesque vena-
ticas auderent? isti non pij cantores, sed impiis-
simi illusores, ac Templorum profanatores à Deo
censebuntur, dignas tanta temeritate pœnas ali-
quando subituri. Pietas, modestia, honestas sunt *Psallentiũ*
psallentium præcipua ornamenta. *ornamen-*

Adiumenta ad suadendam harum carimonia- *ta quæ.*
rum obseruantiam exactiorem sunt nobis ob- *Ethnico-*
uiam, si rectè aduertere non pigebit quæ obser- *rum reue-*
uauerint Ethnici, & quæ decent Christianos. In *rentia in*
primis pudeat nos negligentiores reperiri ad Dei *Templis &*
veri cultum, quàm fuerint idololatræ ad cultum *cultu Deo-*
falsorum deorum. Si quæ de istis scripsit Seneca *rum.*

attendamus, nostram socordiam reprehende-
mus. scribit enim: *Egregiè Aristoteles ait, num-*
quam nos verecundiores esse debere, quàm cum de
diis agitur; si intramus Tempia, compositi; si ad sa-
criticium accessuri, vultum submittimus. En ve-
recundia, compositio, submissio ab illis Ethnicis
requisita & obseruata cum diis, imò cum dæmo-
nibus, qui reputabantur dii. Præstat etiam audi-
re quæ tradit Iamblichus circa huiusmodi ri-
tuum obseruationes, quia magis confundemur
nos Christiani, qui religiosiores esse debemus.

Oportet, ait, ritus adorationis antiquos, tamquam Iambl. lib.
sacros, conseruare semper intactos, nec demere quid- de Myst. c.
quam, nec aliunde quid addere. Si expendantur de Nom.
huius Scriptoris verba, non poterimus non eru- *diuin.*
bescere, dum ipse requirit tantam erga ritus æsti-
mationem, vt illicitum dicat eos negligere.

Verùm, omissis idololatræ, vrgeat nos exem- *Angelorũ*
plum sanctorum Angelorum, qui eidem vni tri- *reuerentia*
noque *corã Deo.*

noque Deo eiusque mysteriis deseruientes astant, dum nos in Templis ei Sacrificia Altaris & Psalmorum offerimus. Hi visi sunt à sanctis viris, præsertim à diuo Chrysostomo, tanta cum reuerentia Templis adesse, vt describanur sequentibus signis: *Splendidissimis stolis induti, nudo pede, aspectu intento, vultu demisso, magna reuerentia.* ita eos visos esse ab hoc sancto viro narrat beatus Nilus eiusdem sancti Chrysostomi discipulus.

S. Nilus
Epist. ad
Anastaf.

En quanta reuerentia tum interiori tum exteriori adstare student Angeli in nostris Templis. Nam splendor ille vestium & nuditas pedum internum declarant candorem & innocentiam. Vultus demissio, intentio aspectus & reuerentia ostendunt externam compositionem atque decetiam. Pungere nos debet hæc Angelorum compositio & incitare ad imitationem, ne nobis indignentur, sicuti indignari negligentibus & irreuerentibus asseruit beatus Petrus Damiani dicens: *Quanto putamus aduersus nos Zelo moneantur* (Angeli nempe) *dum in conspectu illius nos irreuerenter sedere conspiciunt, cui scilicet ipsi tremantes assistant?* Consideratio itaque reuerentiæ tantorum Spirituum nos incitare ac prouocare deberet ad eandem reuerentiam.

Angeli indignantur irreuerentibus hominibus.

S. Petrus
Damiani
l. 3. Epist. 8.

Illud quoque nos maximè urgere debet, quòd Deum, cui astantus, non animo & spiritu solo, sed & corpore & membris colere debemus. Si quando cum Principibus viris acturi ad terram vsque nosmet inclinamus, capite reuerenter detecto, vestibus decenter compositis; cur Deo altissimo, à quo remissionem peccatorum & æterna dona exquirimus, & expectamus, quo cum agimus de cultu ipsi debito, vix genua flectere, & capita

Deus colendus à nobis spiritu & corpore.

capita

capita inclinare dignabimur ? Factum istud (verbis vtar Tertulliani) irreligiosissimum est. Confundat nostras irreuerentias humilitas & reuerentia Christi Domini, qui Patrem oraturus in horto procidebat in terram, non autem tantum se inclinabat. Si medicus prostratus orat, non inclinabitur ægrotus ? Iudex orat cum reuerentia, & orare cum reuerentia dedignabitur iudicandus ? Orat Deus creator genibus & corpore prouolutus, & creatura vilis stans erecto capite orare audebit ? Proh scelus ! Discamus aliquando à personis sanctitate insignibus humilem reuerentiam, & reuerentem humilitatem, quando agendum est cum Deo in oratione. Magdalenam profero postulaturam veniam peccatorum & indulgentiam, quam obtinuit omnium culpârum plenissimam, ita vt meruerit audire, *Remittuntur tibi peccata tua, vade in pace.* Aduertamus quantâ cum reuerentia & humilitate accessit ad orandum. Hæc refertur à sancto Euâgelista, non ante faciem, sed post tergum Domini ad illius pedes prouoluta, non verbis, sed lacrymis exorans. Stephanum item Leuitam præclarissimum subiicio, qui pro inimicis veniam exoraturus dicens, *Domine ne statuas illis hoc peccatum*, genua posuit, vt maiori exoraret reuerentia. Hæc exempla nos vrgeant & incitent, vt emendationem aliquando amplectamur ; & qua par est deuotione & reuerentia Deum nostrum adeamus, qui sicut irreuerentiæ defectus detestatur, ita reuerentiæ actus diligit ac copiosè remunerat.

Tertul. lib.
de Orat.

cap. 12.
Christi Do-

mini oran-
tis reueren-

tia.

Magdalena

& D. Ste-

phanimi-

ra reue-

rentia ad

Deum.

Luce 7.

Act. 7.

CAPVT XVI.

*De defectu eorum qui vocibus par-
cunt in choro.*

*Hymnodia
usus Deo
carus, &
cantanti-
bus utilis.*

Psalm. 146.

Opus Hymnodia sicut Deo summoperè placitum est, ita psallentibus plurima afferre beneficia dignoscitur, quando opportunis expleatur conditionibus, quemadmodum ostendit Psalmographus inuitans mortales ad operis exercitium dicens: *Laudate Dominum, quoniam bonus est Psalmus.* Bonus, inquam, psallentibus, qui dum laudantes inuocant Deum, plurimas tum à Deo tum à Psalmis hauriunt utilitates. en bona à Psalmorum cantu prouenientia. *Deo nostro sit iucunda decoraque laudatio.* en conditiones cantui opportuna. Quasi dixerit David, nil esse Deo tam carum atque mortalibus tam utile, quàm opus laudationis diuinæ ritè & rectè expletum. Verùm si desint conditiones istæ, si nimirum desit iucunditas & decor, opus istud, quod placitum erât ac utile, redditur haud gratum, imò inutile. Iucunditas deesse dicetur, quando nulla adsit cordis aut attentio aut deuotio interior. Decor deerit, si vocis corporisque exterior compositio non adhibeatur. Iucunditas ad animum spectat internum, decor verò ad corpus externum.

*Guilielm.
apud Mar-
tin. Delr. in
Cant. c. 6.
Sect. 6.*

Quidam pius Doctor expendens has conditiones iucunditatis & decoris à Dauide requisitas in Dei laudatoribus, postquam dixit iucunditatem ex deuotione cordis, decorem ex munditia conuersationis venire, ait quatuor genera psallentium

rium Deo reperiri; alios nimirum, qui iucundè & decorè simul laudant Deum, & hi sunt, qui & munditiam conuersationis & cordis habent deuotionem; alios verò, qui nec iucundè, nec decorè, sed inaniter admisti psallentibus dant sine mente sonum; alios, qui decorè, non iucundè, qui conuersatione sunt mundi, sed carent deuotionis alacritate; alios tandem, qui iucundè, non decorè, quia vita indecori, Deum tamen laudant in deuotionis hilaritate. Ad hoc vltimum genus spectant, qui psallunt parcentes vocibus, ne defatigentur: nam licet haberent internam deuotionem, Deo tamen non tribuunt vocem externam, quam possent; hi autem grauiterrime errant, nec Deo placent, nec suo muneri satisfaciunt. Errant quidem, putantes Hymnodia vsum posse psalmodiè ac perfectè expleri absque labore. Laboriosa *rum can-* res est cantus in choro oblatus, quia requirit *tis labor-* vocem altam, claram & concinnam. Hinc David *iosus est.* hortabatur dicens: *Benè psallite ei in vociferatione.* Psal. 32. *ne.* Vbi expendenda est illa dictio *vociferationis*, quæ importat vocis exaltationem & conatum. Nouerat sanctus Rex, Deum maximè delectari *Cantus* nostris vocibus altis; non quia Deo sit necessaria *validitas* vocis contentio, vt ipse queat audire, sed quia *ex cordis* ortum habet vocis clamor altus, sed concinnus, *sermone* ex *nascentur.* cordis magna deuotione. Vbi cordis viget deuotio, ibi vocis adest decens conatus & exaltatio. Considero ad hanc rem laudes illas celebres ab Angelis Seraphicis Deo oblatas in cælis, quas audiuerunt Isaïas Propheta in veteri Testamento, & Apostolus Ioannes in nouo, & post hos etiam diuus Ignatius Episcopus & Martyr illustris. De his dicitur ab Isaïa: *Clamabant alter ad alte-* Isaïa 6.

Ioan. 4.

*Seraphim
unde dicti.
Cantus
Angelo-
rum vali-
dus est, &
altus.*

rum. en vocis exaltatio in clamore sita. A D. Ioanne dicitur: *Requiem non habebant.* en perseverantia clamoris. Obseruandum est, quòd isti cantores Seraphim erant, qui ab ardore nomen obtinuerunt. Quia igitur ardent, idcirco concinunt, concinentes clamant, clamantes non defatigantur in opere diuinarum laudum. Ardor omnem tollit laborem, excitat clamorem, tuetur cantum. Ardor adsit, tunc benè psalletur in vociferatione, iuxta Dauidis exhortationem, à qua distant valdè, qui sicut inuiti accedunt ad Hymnodiam, ita psallunt frigide ac remisse, voci parcentes, ob timorem tum laboris, quem patiuntur, tum offensionis, quam capiti aut stomacho dubitant euenturam.

*Cantum in
choro omis-
sentes plu-
rima dam-
na patiun-
tur.*

Quando dæmon nec potest quosdam à choro auertere, nec mente ab oratione & à Deo abstrahere, saltem conatur sub aliquo titulo apparenti à communi cantu remouere, illis suadens, vt versus alternos sui chori submissa recitent voce, alios versus alterius chori audientes. Qua arte auferre consuevit dæmon præcipuum fructum, qui à cantu chori solet provenire rectè psallentibus. Duo genera bonorum ex cantu communi in choro possunt haberi. Alterum spirituale, quod omnibus psallentibus, tam Regularibus quàm non Regularibus, potest esse commune. Alterum temporale, quod solis stipendariis conuenit. vtrumque sæpè aufertur à diabolo. Quæ duo genera bonorum nunc explicabo latius, vt cognoscatur quanta sit quorundam amissio & iactura, dum vocibus parcunt.

*Psallentiū
iustorum
meritum.*

Bonum spirituale cantantibus in choro paratum, est meritum, quod labori canentium, si in gratia

gratia existant, respondet. Sicut enim labor iste gratus est Deo, cui offertur; ita Deus, qui omne opus bonum à mortalibus iustis sibi præstitum largè remunerat, gratia suæ benignitatis eos cumulare volens, præter gratiæ augmentum, quod statim concedit, largiri aliquando solet alacrioribus varias spiritus consolationes, quæ pignus exhibent futuræ gloriæ. Modò enim per Angelos *Visitat* suos, modò per suam sanctam Genitricem, mo- *Deus pios* dò per seipsum dignatus est visitare *psallentes.* quemadmodum quibusdam sanctis viris concessum est non semel videre, & cognoscere. Refert Cæsarius visam aliquando esse sanctissimam Dei- *Cæsar. l. 7.* param inter psallentes descendere; & chorum *C. 12. & 48.* cum filio inter brachia circumiens, ubi, quos alacres ad cantum reperiret, benedicebat, quos vero tepidos aduerteret, statim pertransibat. Aliquando eandem Deiparam visam esse cum pixide in manibus cælesti electuario plena, quo recrearet deuotos alacresque psallentes, omittens frigidos ac remissos. En primus fructus à dæmone ablati, dum in aliquibus, ob vanum timorem, impedit cantum alacrem. In primis ille meriti gradus, labori & alacritati cantus paratus, amittitur. Præterea iustè Deus priuat istos ex consolatione, quam generosis concedit canentibus: quia consolationes Dei non mererentur, qui laborem vitæ cantus diuini: nec dignus est participare aliorum fructum, qui cum iisdem non communicat in labore. Lætatur hostis malignus, videns ab vno saltem ablatum, quod nequit auferre ab omnibus.

Alterum bonum temporale, seu meliùs dixim spirituali, ortum tamen à temporali, quod

*Distribu-
tionum a-
missio qui-
bus acci-
dat.*

aufert dæmon multis, est circa stipendium distri-
butionum, quod percipitur ab istis, qui ad cho-
rum conuenientes non cantant, sed tantummo-
dò submissa legunt voce. Nisi cantent eo meliori
quo possunt modo, ij nequeunt iustè recipere sti-
pendia cum aliis cantantibus diuidenda, secun-
dum communioem & verioem Doctorum sen-
tentiam. Nam licet huiusmodi recitationes sub-
missæ satisfaciant debito diuini Officij recitandi,
quod vnusquisque habet obligatus vel ratione
Ordinis sacri, vel ratione beneficij, non tamen sa-
tisfacit obligationi chori, cui inseruit. Ordinata
sunt stipendia, vt choro inseruiatur non sola assi-
stentia, sed cantu Psalmorum; quemadmodum

*Clem. 1. de
Celebrat.
Mill.*

*L. 1. ff. Pro
socio.*

*Restitutio-
nis onus
non dimitti-
tur, nisi
cum effectu
perficiatur.*

Iura declarant. Quod etiam rationi conforme exi-
stit. Sicut enim choro inseruiantes socij esse de-
bent in stipendiorum perceptione; ita socij esse
debent in communicatione vocis, vt societatis
natura & conditio seruetur, quæ exigit commu-
nicationem bonorum. Qui non communicat in
labore, neque potest iustè communicare in per-
ceptione stipendij. Si quis auaritia obcæcatus per-
cipere voluerit stipendia, quando non cantauit,
tunc dæmon lætatur, quia hunc irretiuit graui
culpa contra Iustitiam cum onere restitutionis,
quæ nunquam dimittitur, nisi cum effectu per-
ficiatur, iuxta vulgatum proloquium: *Non dimitti-
tur peccatum, nisi restituatur malè ablatum.*

Neque excusandos censeo Canonicos, qui huic
obligationi chori facere satis putant, dum Ca-
pellanos & Mansionarios, qui cantant, substi-
tuunt. Nam Canonici, nisi aliter consuetudo le-
gitima, vel Ecclesiæ statutum, vel foundationis lex
iuaueat, tenentur, iusto cessante impedimento,
psallere,

*Io. Petrus
Monet. de
Distr. quo-
tid. p. 2. q. 2.
num. 43.*

psallere, & canere alternatim in choro; ne de illis verè dici queat: *Os habent, & non loquuntur.* Psal. 113. quod de simulacris argenteis aureisque pronuntiabat Psalmographus. Non enim stipendia dantur propter solam præsentiam Canonikorū, qui numerum augeant, & alios audiant, sed propter Officiū simul cum aliis psallendi. Sicuti operarius in vineam non conducitur, ut assistat & videat, sed ut in ea operam suam impendat.

Duo aduertenda hīc sunt. Alterum est, quòd hæc conditio cantandi, quam dicimus necessariam ut chori obligatio expleatur, locum habet in eo qui voce pollet apta ad canendum: si enim aliquo naturali impediretur accidente, satis esset, si studeret communicare sociis, quod potest, modò aliàs canere soleret. Nam sicut defectus vocis non est culpabilis, ita conditio censetur in iure pro impleta, quia per ipsum non stat, qui implere debet. Hoc decorantur priuilegio alacres psallentes, qui tempore sanitatis vocem suam aliis communicare minimè omitebant, ut, morbo adueniente linguamque impediēte, possint lucrari distributiones. Hoc beneficium aliis vocem suam choro subtrahentibus tempore sanitatis iustè denegatur, quamuis idem impedimentum istis ex accidente superueniat; quia non infirmitas, sed amor sui hos à cantu subtrahere iustè præsumitur.

Alterum est, quòd non ideò debent psallentes canere inconditè & inconcinnè, aliū extollendo vocem quàm par sit. Iste cantus inter defectus & vitia connumeraretur, vitiumque esset directè oppositum submissæ recitationi. Sicut qui vocibus parit, & recitat submissè, haud

*Psallentes
vocem ha-
bentes im-
peditam
lucratur
stipendia.*

*Regula;
Cum non
stat. de Reg.
Iur. in 6.*

*Cantus in-
conditus
vitandus
in Templis.*

gratus est Deo, & dæmonibus obsequitur; ita in idem incidit vitium, qui tumultuosè & inconcinnè canit, quia non obseruat conditiones cantus Ecclesiastici: debet enim esse iucunda decoraque laudatio, vt dicebamus cum Dauide. Hinc Theophylactus, expendens illud monitum Apostoli Pauli circa Hymnorum cantum, *In gratia cantantes in cordibus vestris Deo*, explicat illam dictionem, *in gratia*, id est cum gratia & venustate, vt cantus & pius & suavis reddatur, & magis placeat Deo. Cantent igitur psallentes in choro, nec voci parcant, sed concinnus sit cantus, benè psallant Deo in vociferatione; exultabunt enim tunc labia psallentium, cùm cantauerint Deo his conditionibus.

CAPVT XVII.

De defectu eorum qui studiorum negotiorumve prætextu ab Hymnodia communi in choro.

Chori dignitatem minuentes non audiendi.

VT quidam se tueantur à chori frequentia, & à communi cum aliis Hymnodia, & alios etiam auertant, eò deueniunt, vt chori vsum non solùm non laudent, sed apertè vituperent verbis non tam à virtute quàm à veritate prorsus alienis, dicentes, literarum studiosos, & altioribus operibus destinatos, ob maiestatem & pondus occupationis non esse choro deputandos; cùm huic seruitio satis superque possint facere simplices, illiterati, & inutiles. Huic errori intolerabili, ne serpat inter fideles, occurrendum est rationibus

nibus & exemplis, vt cognoscatur, chorus tam doctis quàm idiotis esse conueniens, nec opera impedire egregia.

Noui, ante omnia, dari posse extraordinarias *Studiorum* studiorum occupationes, quæ aliquando à cho- *extraordi-* ro excusent, imò & ab omnimoda alicuius dici *naria occu-* recitatione diuini Officij. Vti si alicui Scholasti- *patio potest* co immineret publica lectio, quam sine iactura *excusare à* aut propria, aut aliorum omittere non potest. Vti *diuini yeci-* si Concio publica habenda esset, quæ non sine *tatione Of-* *ficij.* aut scandalo, aut damno, siue proprio siue popu- li, posset prætermitti. In hisce euentibus conceditur à Doctoribus, quòd quis possit ab Hora- rum recitatione excusari, idque ex benigna Ec- clesiæ matris intentione, quæ non præsumitur cum tanto discrimine obligare. Verùm duo hoc loco sunt aduertenda. Alterum est, detrimenta & damna quæ timentur debere esse realia, non imaginaria, grauias, non leuia; idcirco vnusquis- que debet suæ consulere conscientiæ, ne decipia- tur. Alterum est, hanc priuatam recitationem excusari, quando illa non potuit anticipatè ex- pleri. Si Concionator, vel publicus Lector sum- mo manè, præuidentes impedimentum futurum, potuissent commodè explere diuini Officij obli- gationem, non excusarentur à recitatione.

Verùm quidquid sit de priuatis recitationibus, *Ab extra-* de quibus non est hîc institutus tractatus, hæ- *ordinariis* enim difficiliùs excusantur quàm publica recita- *accidenti-* tio in choro, quia contingere potest, vt studij oc- *bus non li-* cupatio impedimentum afferat assistentiæ chori, *cet desuma-* non autem priuatæ recitationi; ideò non nega- *re legem or-* rim, dari posse studiorum occupationes, quæ *dinariam.* immunitatem exigant aliquando à conuentu in

*Orationes
studia lite-
rarum ad-
iuvant.*

chorum: nihilominus non est licitum, nec con-
ueniens, ab his, quæ extraordinariè accidunt,
desumere legem ordinariam abstinendi à choro,
ob studiorum ordinarias exercitationes & occu-
pationes. Hæc lex repugnaret tum rectæ rationi,
tum doctrinæ sanctorum Patrum, tum vsui ex-
cellentiorum virorum, qui in scientiis & pietate
supremum obtinuerunt gradum. Ratio in primis
suadet, Hymnodicæ preces non solum non
afferre studiis impedimentum aut damnum, sed
potius congruum & opportunum præbere auxi-
lium. Omnis oratio, siue mentalis siue vocalis,
apta dicta est ad obtinendas à Deo maiores illu-
strationes intellectus, quæ scientiarum acqui-
sitioni sunt necessariae; nec hætenus ab aliquo Ca-
tholico Scriptore dictæ sunt orationes nocuisse
literarum studiosis. Nec minùs firma redditur
huius rationis vis ex eo capite, quòd eadem pre-
cationes expleantur sine cantu ab iis, qui priua-
tim persoluunt pensum Horarum Canonicarum.
Nam si cetera sint paria, efficaciores sunt preces
plurium vnitorum, quàm vnus tantummodo
exorantis, vt vidimus suprà, cùm de societate
cantantium esset sermo. Validiores item sunt pre-
cationes cantui coniunctæ quàm sine cantu;
quemadmodum haud semel probatum est, &
statim quoque subiicio. Quare si plus temporis
insumatur in preces cantatis quàm in pri-
uatis, id abundè compensatur à maiore precum
efficacia, quæ citius & copiosius exaudietur, ad
utilitatem studiorum negotiorumq; mox arripien-
dorum. Doctrina item & vsus præcipuorum Ec-
clesiæ Doctorum frequentia chori admodum fa-
uet: nam insigniores Ecclesiæ Patres non solis
verbis

verbis & scriptis, sed re & opera chori frequentiam magni æstimarunt. Illustriores tantummodo vtriusque Ecclesiæ, Latinæ & Græcæ, professorum Doctores.

Ex Græcis Basilium offero, qui dies noctesque *S. Basilium* in sacrarum Literarum contemplatione & studio *chori frequentiam coluit.* infumebat, ut Ecclesiam diuinis collustraret doctrinis. Hic sanctus Doctor, sicuti dum vitam ageret cœnobiticam, communis Hymnodicæ cum aliis Monachis frequentiam non omisit, aliis exemplo ostendens, quod ab illis expetebat, & expectabat; ita eandem alternatim canendi consuetudinem in vniuersa Ecclesia frequentatam miris celebrat laudibus, viriliterque aduersus hæreticos eam impugnantes defendit, & in Regulis, quas ad informationem vitæ Regularis conscripsit, ex quibus ceteri, qui postea vivere, Patres Monachorum Institutores disciplinam hauservnt, eam colendam & observandam docet.

Huic præcesserat in Ægypto diuus Athanasius, *S. Athanasius* acerrimus Catholicæ fidei defensor, & Doctor *fus chori frequentiam assiduam.* præclarissimus, qui in sua Alexandrina Ecclesia adedò aderat sacræ communi Hymnodicæ frequens, ut ab hostibus quæsitus ad necem, nullibi speraretur faciliùs comprehendendus, quàm in Ecclesia cum suis Clericis psallens. Si ad Ecclesiæ Latinæ Doctores præcipuos recipiamus gressum, en Augustinus in Africa, & Ambrosius in Europa, qui, literarum studiis deditissimi, non vsum amplexi sunt. *S. Ambrosius & D. Augustinus chori frequentiam coluit.* Et sicut vterque hanc alternam canendi piam consuetudinem in suam introduxit Ecclesiam, ita Idem Sermonem 251. eamdem vterque maxima coluit diligentia: ut hic,

hic, cum plebe sua noctes integras Hymnorum cantum perfoluens, se præpararet ad mortem, à Iustina impia Imperatrice hæretica comminatum, ut mox videbimus; ille autem de iis sit aliquando conquestus, qui rerum diuinarum parum studiosi, de nimia Ecclesiastici cantus prolixitate quererentur. Quid, quæso, dixisset sanctus Augustinus, audiens ab aliquibus sua studia literarum nimio & indiscreto zelo laudantibus, appellari chorum inutilibus tantum ac idiotis, non autem doctis opportunum?

Ut etiam propius accedamus ad hæc tempora literarum studiis, præsertim Scholasticis disceptationibus, valde insignia, obuiam prodibunt clarissimi Theologi, imò Theologiæ suprema lumina, qui chorum dilexerunt, & laudauerunt;

Diuus Bernardus, diuus Thomas, diuus Bonaventura Psalmodia in choro studii.

D. Bernardus, summorum Theologorum Dux insignis, D. Thomas Aquinas, omnium scientiarum lucidissimus Sol, D. Bonaventura, optimarum doctrinarum egregius Pater; omnes, quamuis in maximis conscribendis Voluminibus, in concionibus habendis, in discipulis instituendis tempus & operam collocassent; numquam tamen, nisi grauissima compulsi necessitate, potuerunt ab usu communis Hymnodiaæ abstinere.

Alexandri Saulij ad chori usum propensio.

De nostro Alexandro Saulio, viro in omni scientiarum genere, Philosophiæ præsertim ac Theologiæ, adeò excellenti, ut omnes studiosi illius temporis ipsius consuetudinem diligerent, quærerent, ac frequentarent; ita ut de ipso scribere licuerit Philippo Zaffiro, primario in celebri Ticinensi Gymnasio Peripateticæ Philosophiæ Professori, quod fuerit omnium studiosorum deliciæ, dum ait: *Alexander Saulius, vir, ob vitæ integritatem*

Philippus Zaffirus super lib. Animal post. Aristot. in Epistola.

tegritatem

tegritatem & singulare acumen ingenij, Deo pariter & hominibus carus. Qui item sancto Carolo fuit aded carus, vt eius consilio & opera tum in propriæ animæ & conscientiæ regimine, tum in Mediolanensis Ecclesiæ administratione vteretur. Qui in literarum studia tam erat propensus, vt serio confessus fuerit, se durius nihil passum vquam esse in nostro Ordine, quàm si aliquando à studiis diuerteretur. Hic vir statas Hymnodicæ horas, dum inter nos viueret, omittere numquam voluit. Creatus etiam Episcopus, tum in Corsica, tum Ticini semper cum suis Clericis ad nocturnum diurnumq; Officiū conuenire studuit. Vnico verbo dicam, omnes in sanctitate & scientiis, tam diuinis quàm humanis, insigniores studiosioresque Hymnodiam in choro communem adamarunt, frequentarunt.

Hinc dignoscitur melius, doctrinam dicentium, tantum inutilibus otiosisque hominibus esse destinatum chorum, esse in agro Ecclesiæ prauum semen, ex quo plurima orta iam sunt oriunturque in dies germina defectuum. Hanc doctrinam enim audiunt libenter multi etiam ex Religiosis viris choro addictis, eamque amplectentes, abstinēt omnino à conuentu in chorum, ne inter otiosos inutilesque reputentur Religiosos. Quare modò non tantum ad maius sen-

*Chorum
multi sub
honoris spe-
cie refu-
gium.*

suum & libertatis commodum, sed etiam ad maius honoris & dignitatis augmentum expetitur, & exquiritur à nonnullis immunitas à choro. Quod haud parum lædit ac perturbat sinceram Religiosi status conditionem: nam qui inter Religiosos deberent ratione gradus esse in choro magis frequentes, vt ceteris exemplo præirent,

iidem,

idem, ut falsum nutrant honorem, se à choro subtrahunt omnino. Referam hoc loco, quod aliquando vni ex nostris Religiosis, viro in primis graui ac docto, accidisse noui, dum ipse ad Regularium virorum Conuentum accederet, causa inuifendi Religiosum amicum. Is posteaquam ab eo, qui tunc Ianitoris exercebat officium, intellexisset, Religiosum à se quaesitum esse in Conuentu, audiens in Ecclesia eodem tempore decantari Horas Canonicas, putansque eum vnà cum aliis Religiosis, quemadmodum apud nostrum Ordinem est in vsu, choro interesse, monuit Ianitorem, ne eum ab incepto cantu euocaret: nam vel exitum Officij expectare, vel alia redire hora statuerat. Ianitor ad hæc verba, non sine indignationis signo, respondit: Quid isti Religioso cum choro? iste, scias, est vir graduatus & honoratus, redditusque possidet haud exiguos. Ianitor iste, cognoscens suorum Religiosorum ingenium erga chori vsum, probri accepit loco mentionem chori, dum esset sermo de viro gradum inter eos ac redditus habente. O miseram mortalium conditionem! Probri loco haberi conspiciamus, quod deberet dignissimum aestimari viro ingenuo, veræque virtutis, quam sequitur verus honor, cultore. Quicumque hac falsa pulsantur suspitione, à falsa illa doctrina seducti, frequentent ex animo illam ad Deum precationem Dauidicam: *Amputa opprobrium meum, quod suspicatus sum.* Hæc precatio sicut ad rem est opportuna, ita poterit esse vtilissima. Verè suspicantur isti homines honoris iacturam, ubi honor reperitur egregius; & erubescunt munus, quo deberent vehementer gloriari. Timeo istis

Religiosis

Psal. 118.

Religiosis illam Domini nostri seueram comminationem, quam in Euangelio contra quoscumque sui seruitij contemptores habemus prolatam:

Qui me erubuerit, hunc Filius hominis erubescet Lucæ 9:
cum venerit in maiestate sua, & Patris, & sanctorum Angelorum. Depulsisque falsis suspitionibus, expedit doctrinas exempla que tum veterum tum recentiorum sanctorum virorum tenere, atque æmulari.

Si res ista rectè attendatur, cognoscemus, vsum *Psalmodia*
 publicæ & communis in choro *Psalmodiæ* electum fuisse ab Apostolis, & ab iis ad Apostolicos *communis*
 vitæ Regularis Institutores, tam antiquos quàm *in choro*
 recentiores, pertransisse, tamquam præcipuum *usus instrumentum est perfectionis.*
 instrumentum ad eam perfectionem obtinendam, ad quam Religiones nituntur. Nam sicut perfectio ista sita est præcipuè in caritate, quæ
 animum Deo, omnium mentium vltimo fini, vnit, iuxta D. Ioannis Apostoli doctrinam dicentis, *Qui manet in caritate, in Deo manet, & Deus* 1. Ioan. 4.
in eo, quam sequuntur omnes sacri Theologi; ita D. Thom. ad hanc caritatem acquirendam opportunè de- 2. 2. q. 84.
 seruit communis *Psalmodiæ* cantus in choro: art. 1. & 2.
 quia maiori exactiorique diligentia exercentur *Virtutum*
 illi virtutum insigniorum actus, qui à Psalmis *actus exercentur in*
 offeruntur, nimirum fidei, religionis, spei, amoris, humilitatis, pœnitentiæ, quos descripsimus *usu Hymnodia.*
 in primo Libro. Licet iidem actus exercentur à recitantibus priuatim diuinum Officium; tarditas nihilominus cantus, societas item cantantium quasdam addit qualitates & conditiones perfectiores, quæ non reperiuntur in simplici priuata recitatione, vti licuit videre in huius Operis progressu. Et sicut Psalmi sunt animi Deum diligentis

*Privata
diuini Of-
ficij recita-
tio est con-
ditione in-
ferior pu-
blico cantu.*

tis feruidi affectus, ita dum cantantur excitant a-
nimum psallentis ad eisdem dilectionis actus &
affectus vehementiores; quemadmodum noui-
mus euenire inter amantes sæculi, qui dum co-
ram dilectis cantu vtuntur, feruentiorem reddunt
mutuum amorem. Insuper hic cantus perfectio-
rem reddit ipsorum Hymnorum & Canticorum
conditionem, ipsius Hymnographi quoque ex-
plet consilium, & imitatur exemplum. In pri-
mis Hymnorum perficitur conditio, quia Hym-
ni; seu Psalmi, vt vidimus sæpè ex sanctorum
Patrum doctrina, exposcunt cantum: tuncque
propriè laudes celebrantur diuinæ more Hymno-
dico, quando cantus adhibetur. Hymnographus
item præbet cantus exempla, & hortationes. Ex-
empla quidem sunt omnibus nota. nullum nam-
que Psalmum Deo offerebat nisi cantu; adeò vt
asserere ipsi licuerit, quòd nulla alia frequentare
solitus esset Cantica, nisi Psalmos circa diuinam
legem: *Cantabiles mihi erant iustificationes tuae in
loco peregrinationis meae.* Sæpè item cantui adiun-
gentem psalterij & citharæ pulsationem compe-
rimus: *Exurge gloria mea, exurge psalterium &
cithara. Deus psallam tibi in cithara, sanctus Is-
raël.* Si consilia attendimus, audiemus exigen-
tem ab omnibus iugem hilaremque cantum:
*Cantate, & exultate, & psallite. Cantate Deo, Psal-
mam dicite nomini eius.* Aliquando etiam narran-
tem nocturni diurnique cantus merita præclara
eoram Deo: *Bonum est confiteri Domino, & psal-
lere nomini tuo Altissime; ad annuntiandum man-
misericordiam tuam, & veritatem tuam per no-
ctem; in decachordo, psalterio, cum Cantico & ci-
thara.* Errant igitur putantes, Hymnodix munus
cadem

Psal. 118.

*Psal. 56.
& 107.
Psal. 71.*

*Psal. 97.
Psal. 67.*

Psal. 91.

eadem posse in Ecclesia Dei expleri perfectione per simplicem priuatam recitationem, qua expletur per cantum : nam, ceteris paribus, cantus addit maiores perfectiones Hymnodicæ quàm priuata recitatio habeat ; magisque conducit ad diuinæ caritatis actus siue allequendos, siue exercendos, siue augendos, quàm priuata recitatio, vt Libro vidimus primo.

Lib. I.

C.XII.

Hinc, dum inter probatiores Ægypti Monachos ageretur de hac caritatis perfectione, ad quā, tamquam ad scopum, diriguntur ceteræ Religio-

Apud Cas-
sian. Coll.
I.C.7.

forum actiones & studia, Abbas Moses, vir apud eos, ob præclaras virtutum animique dotes, maximæ auctoritatis, enumerans media opportuniore ad caritatis acquisitionem directæ, recensebat vigilias, dicens: *Ea quæ sequentia sunt, id est, ieiunia, vigilia, anachoresis, meditatio Scripturarum, propter principalem scopum, id est puritatem cordis, quod est caritas, nos conuenit exercere.* vbi tradere pergit, his actibus, quasi gradibus, animum ad perfectionem caritatis contendere. Imò eandem vigiliæ, tamquam instrumenta præcipua Apostolici ministerij, suadebantur ab Apostolo Paulo primis Ecclesiæ fidelibus, qui ad Euangelicam nitebatur caritatis sublimitatem. Postquam enim dixit, *Ex-*

2. Cor. 6.

hibeamus nosmetipsos sicut Dei ministros, tradere volens instrumenta ad hunc scopum opportuna, inter alia posuit, *in vigiliis*. At, quæso, quid erant istæ vigiliæ ab Apostolo propositæ, & à Religiosis obseruatæ, nisi synaxes ad Deum colendum variis precum piarum actionibus, præsertim Psalmorum cantu deuoto? Profero ad hanc rem quæ ab vtriusque Ecclesiæ, Latine & Græcæ, præcipuis luminibus enarrantur, nimirum à D. Basilio,

*Vigiliarum
observantia
Psalmodia
cantu ex-
plebatur.*

acerrimo sacrarum vigiliarum vindice in Oriente, & à D. Hieronymo, præclarissimo earumdem vigiliarum defensore in Occidente, & à D. Augustino, insigni ipsarum laudatore. D. Basilus sic ait:

D. Basil.
Epist. 63.
ad Cleric.
Neocæsar.

Ad id verò, quòd propter Psalmodias accusamur, quare potissimum simpliciores perterrefaciunt, qui nos traducunt, hoc habeo quod dicam, quòd videlicet, qui iam obtinuerunt ritus, omnibus Ecclesiis Dei concordēs sunt, & consoni. De nocte si quidem populus consurgens, antelucano tempore Domum precationis petit, inque labore, & tribulatione, ac lacrymis indefinentibus, confessione tandem ab oratione surgentes, ad Psalmodiam instituuntur.

D. Hier.
Ep. 53. ad
Rip.

D. Hieronymus etiam, præter ea quæ scribit ad Riparium, ut confutaret Vigilantium, quem potiùs dicit appellandum Dormitantium, quia magnus erat sacrarum vigiliarum hostis, scribens ad Sabinianum hæc ait: *Tota Ecclesia nocturnis vigiliis personabat Christum Dominum, & in diuersarum gentium linguis unus in laudibus Dei spiritus concinebat.* Insigne tandem eidem rei præbet testimonium D. Augustinus in suis ad Deum Confessionibus. huius verba Doctoris libentiùs

D. Hier.
Ep. 48. ad
Sabinian.
cap. 3.

D. August.
l. 9. Conf.
c. 7.

describam, quia multas exhibent utilitates. *Annus erat, ait sanctus Augustinus, aut non multò amplius, cum Iustina, Valentiniani Regis pueri mater, hominem tuum Ambrosium persequeretur harefis suæ causâ, qua fuerat seducta ab Arrianis. Excubabat pia plebs in Ecclesia, mori parata cum Episcopo suo, seruo tuo. Ibi mater mea, ancilla tua, sollicitudinis & vigiliarum primas partes tenens, orationibus vivebat. Nos adhuc frigidi à calore spiritus tui, excitabamur tamen ciuitate attonita atque turbata. Tunc Hymni & Psalmi ut canerentur*

Nocturna
vigilia à
D. Monica
frequen-
tata.

rentur

rentur secundum morem Orientalium partium, ne populus mæroris tadio contabesceret, institutum est; & ex illo in hodiernum retentum, multis iam ac panem omnibus gregibus tuis, & per cetera orbis imitantibus. Ex his tanti Doctoris verbis Primò constat, nocturnas vigilas non solum fuisse à D. Aug. approbatas, sed etiam à D. Ambrosio ad æmulationem Ecclesiæ Orientalis celebratas. Deinde, ad ipsas conuenire solitos fuisse, præter Clericos, etiam omnis generis fideles, præsertim sanctiores, ut de sancta Monica asseritur. Tertiò, falsum esse & commetium, quod circumfertur sub nomine D. Augustini in Sermone ad Fratres de Ere-mo, fuisse scilicet has vigilas à beato Ambrosio abrogatas ob abusus eo tempore iam cæptos, cum asserat D. Augustinus, eas tunc maximè floruisse, imò auctas esse. Tandem, Psalmodiam animos mortalium præparare ad martyrium fortiter subeundum, & in virtutis officio hilares conseruare fideles. En vigiliarum obseruantia quid esset apud Apostolicos viros; & quæ tunc erat apud omnes fideles, quia omnes perfectioni studebant, eadem nunc viget apud ordines Religiosos obseruantia vigiliarum. Hinc summi Pontifices, ad quos Religiosorum Ordinum spectat approbatio in Ecclesia Dei, cognoscentes, Psalmodiam communem in choro esse præcipuum instrumentum Religioso annexum statui, maximè aptum ad caritatis affecutionem, non solum illius vsum ab omnibus Ordinibus iam receptum semper approbarunt, sed etiam, si aliquis Ordo censuit sibi futuram magis opportunam ab huiusmodi munere immunitatem, eam, tamquam extraordinariam, speciali suæ benignitatis

& auctoritatis indulserunt priuilegio ; quemadmodum Societati Iesu in prima Ordinis approbatione indultum fuisse videmus à sanctissimo

Paul. III.
Constit.
Regimin.
an. 1540.

Pontifice Paulo III. qui ei concessit priuatam tantummodò diuini Officij recitationem. eandemque gratiam ipsi Societati confirmarunt successores Pontifices. Hoc indulto non esset opus, si Religioso statui non esset maximè coniunctum munus psallendi commune in choro. Priuilegia namque, seu indulta, conceduntur ad derogationem alicuius Iuris siue scripti, siue non scripti. Non igitur asserenda est res leuis chori frequentia solis inutilibus apta.

Homob. de
Exam. Ec-
cles. p. 3.
Tract. 14.
c. 3. q. 10.
sup. 3.

Nobilis enim & seria res est (rectè concludit Homobonus) *hac actio ad Dei cultum & obsequium spectans, ab innumeris viris sanctitate & doctrina præclaris, & ad maxima quæque obeunda natis & aptis frequentata.* Prosequitur ibi pius grauisque Doctor eandem materiam, expenditque chori psalmodiam rectè à D. Benedicto fuisse appellatam, Opus Dei præstantissimum; quia ad Dei cultum & uenerationem institutum est, & ab ipso Deo per Ecclesiam tamquam præcipuum opus ordinatum. Hinc chorus à Patribus Concilij Tridentini dictus est ad psallendum institutus, vt Hymnis & Canticis Dei nomen reuerenter, distinctè deuotèque laudetur.

D Bened.
in Reg. c. 43

Con. Trid.
Sess. 24.
c. 12.

Tantum itaque abest, vt vsus publicæ Hymnodia sit aut literarum studiis, aut Concionum muneri, aut animarum directioni, aut infidelium conuersioni, aut quibuscumque aliis præclaris muneribus exercendis contrarius, vt potius iisdem occupationibus sit maximè carus & utilis.

Nam ante & post litterarum studia, ante & post con-

conciones, ante & post Sacramentorum ministerium, ante & post fidei doctrinam, publicè hilariterque colitur Deus, invocatur Deus, laudatur Deus, benedicitur Hymnis & Canticis Deus, à quo felix omnium actionum expectatur & obtinetur euetus. Experientia itè teste cognoscimus, prædicta munera cumulatissimè expleri ab Ordinibus chori vsu profitentibus. Si in re literaria id velit quis manifestè videre, is primùm respiciat Ordines omnes antiquiores vitam profitentes Monasticam, qui dubio procul sicut fuerunt publicæ Hymnodix egregij cultores, ita à cordatis viris dicti sunt seminaria omnium bonarum disciplinarum; ex quibus illustriores Episcopi Doctoresque Ecclesiæ primarij, Basilii, Ioannes Chrysostomus, vterque Gregorius, Nazianzenus & Romanus, Hieronymus, Anselmus, vnico tandem verbo, sanctiores insignioresque Ecclesiæ Pontifices & Præsules prædiere. quod optimè adnotatum fuit à spectatissimo æternaque digno memoria Cardinali Cæsare Baronio in suis Ecclesiasticis Annalibus. Si autem vis fiat in iis literarum studiis quæ exteris communicantur, aperiendo scilicet Scholas ad publicæ rei commodum, in quibus variæ tradantur scientiæ & disciplinæ, possumus, omiſſis antiquioribus, afferre, quæ hisce temporibus feliciter explentur ab Ordine nostro Paulinorum. Hic multis in locis intra & extra Italiam publicas omnium ferè disciplinarum Scholas iuuentuti erudiendæ aperuit, haud sine magna ciuitatum vtilitate, nihilominus ibidem publica in choro minimè omititur Hymnodia, sed ea sustinetur quotidiana. Si ad Concionatorum insigniorum quarendam co-

Baron.
an. 328.

*Capucino-
rum sancti
Francisci
Conciona-
tores infir-
mes.*

*Ordines
Regulares
sunt Epi-
scoporum
adiutores.*

piam quis animum conuertat, insigniores copio-
sioresque cognoscet ex Ordinibus chori vsum
habentibus prodire. Vt in hac re aliquid signifi-
cetur peculiare, vnum profero Ordinem Capu-
cinorum S. Francisci, qui licet extremæ vitæ au-
steritati addat iugem chori diurnam nocturnam-
que frequentiam, nec quemquam Religiosum
pariatur ab ea esse immunem, tot nihilominus ex-
hibet egregios Concionatores, vt quis ignoret ex-
cellentiâne eorum, an numerum miretur. Si
animarum regimen spirituale & infidelium con-
uersionem considerare quis velit, en mundus ipse
loquetur, qui longa multorum sæculorum serie
non cognouit, nisi Religiosos choro addictos aut
Monachos, aut Clericos, à quibus semper directi
sunt felicissimè quicumque erant propriæ salutis
studiosi, quiq; ad sanctitatis culmen in quocum-
que alio statu haud pauci peruenere: loquentur
summorum Pontificum Diplomata & Constitu-
tiones approbantium Ordines vitam mixtâ pro-
fitentes, qui asserunt, huiusmodi Ordines esse Epi-
scoporum adiutores, vt Sacramentorum ministe-
rio & verbi Dei prædicatione rem promoucant
animarum. Infidelium item conuersioni tanto
ardore operam præstitere omni tempore iidem
Ordines, vt, tamquam veri Apostolici Collegij
imitatores, omnem terram fidei verbo excolen-
dam suscepisse dici possint. Huic rei luculentis-
simum præbebit testimonium Diploma Inno-
centij Papæ IV. ad Religiosos diui Dominici
directum, in quo numerus recensetur Prouincia-
rum, quas hic solus Ordo susceperat in Catholica
fide erudiendas: nam ibi longus earum Prouin-
ciarum contextitur catalogus, nempe Saraceno-
rum,

rum, Paganorum, Græcorum, Bulgarorum, Cu-
 manorum, Æthiopum, Syrorum, Iberorum,
 Alanorum, Gazarorum, Gothorum, Zicotorum,
 Ruthenorum, Iacobitarum, Nubianorum, Geor-
 gianorum, Armenorum, Indorum, Mostelitarum,
 Tartarorum, Hungarorum. Si de recentioribus
 conuerſionibus libet aliquid videre, perluſtre-
 mus oculis mentis eam mundi partem nouiſſimè
 detectam Chriſtophori Columbi operâ, quæ ob
 ſuam amplitudinem nomen ſibi promeruit noui
 Orbis; huic reperiemus primordia noſtræ ſanctæ
 fidei tradita fuiſſe à Religioſis choro addiſtis,
 primùm quidem à Monachis S. Benedicti, & ab
 alumnis S. Franciſci, qui ab anno M. cccc. xciii. Chron.
 ad ea loca nauigare cœperunt, poſteâ ab aliis Or- S. Franc.
 dinibus, D. Dominici, D. Auguſtini & Carmeli- Par. 4. l. 5.
 tarum. Imò & ad Iaponiorum propagandam
 conuerſionem, in qua per annos plures ſoli Reli-
 gioſi Societatis Ieſu egregiè ac feliciffimè labo-
 rarunt, veſtigia glorioſa S. Franciſci Xauerij, pri-
 mi illorum Regnorum Apoſtoli, ſequentes, cùm
 piſcium captura cognita eſſet copioſior, quàm cui
 ſufficeret ſola prædicta Societas (nec enim tantæ
 populorum multitudini, quemadmodum nec
 omnium ingeniis vnicus poteſt Ordo facere ſatis)
 ſanctiſſimi Pontifices nauem Petri regentes, ſo- Clemens
 cios tanto operi accerſierunt alumnos Ordinum VIII. C6-
 choro addiſtorum. Nec fruſtrâ fuit vocatum ſtit. 74. &
 reque ipſa exhibitum iſtud auxilium: licet enim Paul. V.
 tempore poſteriores Iaponiam hi Religioſi fue- Conſtit. 90.
 rint ingreſſi, non inferiores tamen prioribus Flau.
 fuere & meritis, & fruſtibus; ſtrenuo namque Chemb. in
 iſtorum labori vberes ſtatim fruſtus cœperunt Compend.
 reſpondere, multis ac magnis Prouinciis fidei Bullar.

prædicationi ac lumini assensum præbentibus. Fructuum tam iucundorum licuit mihi Romæ anno M. DC. XV. degustare partem occasione sollemnis legationis, quam ex Iaponia Orientali Idates Masamunes Rex Voxij adhuc cathecumenus, præ eximia latitia tanti beneficii in suum Regnum inuecti, misit ducibus Religiosis sancti Francisci ad Summum Pontificem Paulum V. ut testaretur tum sanctæ veræ fidei iam cœptam felicem propagationem in suis Prouinciis opera eorundem Religiosorum sancti Francisci, quos enixè postulabat multiplicandos ad huiusmodi fructuum vberiore collectionem; tum suum erga Apostolicam Romanam Sedem, quam veram agnoscebat, & supplex venerabatur matrem, obsequium deuotum. En itaque quòd chori vsus nulla egregia impediatur facinora.

*Ordo in
actionibus
maximè est
vtilitatis.*
D. Ambr.
l. 7. in Luc.
c. 11.

Si ordo seruaretur in operationibus quotidianis, tempus diei posset & studiis literarum & aliis etiam virtutum actionibus largè suppetere; & nihilominus chori disciplina posset frequentari. Vrgere solitus erat B. Ambrosius exemplum Dauidis, qui Hymnodix non solum fuit præcipuus Auctor, sed frequentissimus cultor, ita ut quotidie Deo laudes istas pluries expleret. Expendebat sanctus Doctor illa Regis istius verba, *Septies in die laudem dixi tibi*, dicens: *Si ille David, qui erat regni necessitatibus occupatus, septies in die laudem Domino dicebat, matutinis & vespertinis Sacrificiis semper intentus, quid nos facere oportet, qui eò amplius rogare debemus, quò frequentius carnis ac mentis fragilitate delinquimus?* Non admittebantur à S. Ambrosio frigida illæ

Psal. 118.

excusationes prætextu occupationum, quas cau- *Occupatio-*
 fantur isti qui se ab oratione subtrahere volunt. *nes studio-*
 equidem coram Deo, qui nouit consilia cordium, *rum non*
 quot inuenientur non modicæ culpæ rei, quia *debent à*
 orationi & Hymnodia non vacarunt. Nonne & *chori vñ*
 Daniel in administratione Imperij Persici multis *excusare.*
 grauissimisque distinebatur necessariis occupa-
 tionibus? & nihilominus consuetudinem plu-
 ries orandi in die numquam omisit, etiam si vitæ
 immineret periculum; sed statis horis, omnes se-
 ponens occupationes, se ad orandum recipiebat.
 Quo exemplo S. Chrysostomus pungere solitus *D. Chryl.*
 erat eos, qui, ob quamcunque occupationem, fa- *Hom. 7. ad*
 cilè se ab oratione subtrahunt. Dico igitur, quòd *Pop. & l. r.*
 si vnusquisque vitæ mixtæ Religiosus vir rectè *de Orand.*
 disponeret quotidianas quas habet occupationes,
 tempus non deficeret studiis literarum, etiam si
 chori vsus frequentaretur statis psallendi horis:
 idè inter monita quæ tradit S. Hieronymus suæ *D. Hier.*
 Eustochio, illud fuit præcipuum, vt diuisas oran- *Ep. 22. ad*
 di horas haberet, quibus aduenientibus omnem *Eustoch.*
 aliam dimitteret occupationem atque operatio-
 nem.

Huius ordinatæ temporum & actionum distri-
 butionis illustre nobis tradidit ac reliquit exem-
 plum B. Thomas de Villa-noua, qui proximo *B. Thoma*
 superiori sæculo vixit, vir summæ eruditionis & *de Villa-no-*
 sanctitatis, nouum præclarum Sidus Ordinis *ua præcla-*
 Augustinianensis, qui sicut insignis Theologiæ *ra temporis*
 extitit Doctor, literarum studiis impensè addi- *æ opera-*
 ctus, ita diei horas quinque præcipuis spatiis *tionum*
 distinxerat opportunis consumendas occupatio- *partitio.*
 nibus, nimirum Altaris, Chori, Cellæ, Bibliothecæ, *Paul. Fra-*
 & Valetudinarij. En quot sibi sanctas & op- *xin. in Vi-*
tac. 2.

portunas ad Religiosum institutum præscripserat occupationes vir virtutis amator, ne vñquam otiosus reperiretur. Temporis spatium ad Sacrificij in Altari deuotam oblationem deputarat; in Choro, ad orationem & Hymnodiam; in Cella, ad rerum spiritualium lectionem & meditationem; in Bibliotheca, ad literarum studia; in Valetudinario, ad caritatem infirmis præstandam siue opera, siue saltem præsentia, ac sermonibus aptis. Quæ occupationes, vt maiori explerentur merito, fuere à beato viro quinque Iesu Christi plagis & cicatricibus assignatæ. Hinc meliùs cognoscitur, quòd chorus non otiosis & inutilibus, sed otij osoribus est aptus. Otiosi accedunt inuiti ad chorum, cum tædio & stomacho Hymnos cantant; at generosi animi communem diligunt, & colunt, & omni diligentia frequentant Psalmodiam, vt otium arceant, & plurima gratiæ beneficia ad virtutis perfectionem inde expectant.

*Otij osores
chori fre-
quentiam
tinent.*

Addo tandem, neque ex hac chori sancta frequentia aut impediri, aut remitti insigniores Ordinum Regularium communes obseruantias. Nihil præsertim remitti est necesse de Religiosæ paupertatis rigore, quamuis non defuerit scriptor siue plus iusto umidus, siue immunitati chori nimis addictus, qui huic præstantissimæ virtuti aliquam inferri læsionem asseruerit in Ordinibus chorum habentibus. Contra quam positionem exclamat absque voce praxis omnino opposita apud præclaros viros Religiosos obseruata. Multi in Ecclesiâ Dei florent Ordines Regulares rigorosissimum illum paupertatis voluntariæ gradum tuentes inuiolatum, quo nullus Religiosus permittitur sibi aliquid quærere, aut

acquirere, nec vlllo modo habere, sed cuilibet suppeditantur omnia necessaria ex communibus vel redditibus, vel eleëmofynis, siue sponte oblatis siue collectis, qui nihilominus chorum numquam omittunt, aut remittunt. Multorum huiusmodi Ordinum suppeterent ad hanc rem exempla opportuna, quæ, si singula percererentur, prolixam nimis redderent narrationem. Suggestere sit satistantummodò tres illos Ordines, quos circa initium sæculi proximè elapsi ferè simul approbatos diximus in principio huius Operis, in quibus videre licebit tres distinctos Religiosæ paupertatis gradus, nempe Theatinorum, qui tantum eleëmofynis sponte oblatis viuentes, illas à fidelium pietate expectant; Capucinarum, qui, Apostolicæ vitæ generosi æmulatores, arctissimam profitentur paupertatem ac veram mendicitatem; denique Paulinorum, qui communia quidem possident bona (ad formam deinde in Occumenico Tridéntino Concilio approbatam) sed nullus in eis potest habere ius aliquod nec proprietatis, nec vñs. Imò & concessio vñs refertur in hoc Ordine omnino ad arbitrium Superiorum, ita vt nullus re aliqua vti possit sine eorum concessu, multoque minus de iis disponere quæ vtenda accepit. Quare quæ quisque habet, paratus est singulis momentis eorundem Superiorum nutu relinquere, vt grauitè cauetur in nostris Constitutionibus, quæ Deo annuente sunt in viridi obseruantia. Isti Ordines singulis Religiosis suppeditant necessaria, nec quidquam illis patiuntur deficere, nisi quatenus ipsa ratio virtutis exigit à vero paupertatis amatore, quod se aliquando exerceat in tolerandis

etiam

Cone. Tri-
dent. Sess.
25. c. 3.

Constit.
l. 2. c. 3.

etiam rerum necessariarum defectibus, ut melius se ipsum cognoscat, ac comprobet verum pauperem affectu & effectu; nec tamen chori defunt frequentia, sed eam colunt feruentius, ut Deus, à cuius singulari benignitate cognoscunt sibi tam largè prouideri, laudetur, atque celebretur. Si apud aliquos Religiosos minimè seruetur idem sanctæ paupertatis rigor, id non obligationi chori, sed aliis adscribetur causis à viris prudentibus, quas hoc loco commemorare non expedit, cum ad præsens non pertineant institutum.

CAPUT XVIII.

*De variis defectibus tam in ingressu
quàm in egressu Hymnodia occurrentibus.*

*Initij qualitas bona
progressum
felicitem
promittit.*

QUEMADMODUM bona ingressus conditio magnam suggerit spem felicioris progressus, iuxta Antiquorum Axioma,

Dimidium facti qui bene cepit habet,

sicut etiam bona egressus conclusio potest operis valorem vel perficere, vel saltem restituere; ita quando uterque aut etiam alteruter vitatur, totum Hymnodia opus vitatum esse oportet. Hinc dæmonis studia & artes maximè conantur circa ingressus & egressus conditionem vitiandam, uti ex diuina benignitate videre aliquando meruit, & audire ab ipso hoste maligno beatus Dominicus, Ordinis Prædicatorum Institutor & Patriarcha egregius. Hic sanctus vir, dum in Conuentu Romano ad S. Sabinam morareretur, obuium habens diabolum, qui Religiosorum quietem variis per-

*Fera. Ca-
stil. p. 1. l. 1.
c. 47.*

turbabat infidiis, cum per Conuentus officinas deducens, cum ad chorum peruenissent, interrogauit, de qua re suos Fratres ibi tentare studeret, ut tardiùs (respondit) accedant, & citiùs exeant. *Damò chori ingressū impedire vel saltem retardare conatur, & egressum sollicitas.*

Qui itaque chori ingressum differunt absque iusta causa, sicut ostendunt se inuitos accedere, ita dæmoni potiùs quàm Deo primitias offerunt chori; aliaque subeunt mala tum apud Deum, tum apud homines.

Apud Deum non modicam meriti faciunt iacturam: nam Deus, qui hilarem diligit datorem, iustè eos priuat merito quod alacres adipiscuntur, imò & peccant venialiter quidem, si iam cœpta sit Hora quam deinde tenentur complere, ut integre recitetur diuinum Officiū. Apud homines etiam aliquam subeunt iacturam: nam tardus ingressus magnam affert occasionem distractionis aliis cantantibus. Apud priscos Patres Ægypti, si quis Monachus ad Horas veniens diurnas non intrasset ante finem primi Psalmi, excludebatur à communi Psalmodia, & ad fores Orationis tenebatur stans expectare alios exeuntes, à quibus, humi prostratus, tenebatur suæ negligentiae vel tarditatis veniam impetrare; quemadmodum refert Ioannes Cassianus, qui hanc moram appellat desidiae noxam tali poenitentia expiandam. Nos etiam Clerici Regulares Paulini poenam à Regula constitutam habemus his qui tardè ingrediuntur: debent enim genuflexi in medio chori orare per aliquod spatium, antequam ad locum canendi se conferant, si hæc tarditas est ad Horas diurnas; si verò ad nocturnas Horas accadat, & sit iam expletus primus Hymnus, tunc in eodem chori medio positus genibus, bra-

Io. Pet.
Monet. de
Distrib.
p. 2. q. 3.
num. 27.
*Chorum
tardè in-
gredienti-
bus poena
statuta.*
l. 3. Instit.
cap. 7.

brachia aperta in modum crucifixi tamdiu tenere debent, quamdiu à Superiore venia surgendi fiat aliquo signo.

Ad vitandos defectus tardi ingressus, erit maximè utilis illa animi præparatio, ad quam peculiari studio niti solent pij psallentes : hi namque campanæ ad diuinum officium incitantis sonum ita recipiunt, ac si Dei ipsius, aut saltem Angelj inuitantis, imò & simul gradientis ad diuinas cōcelebrandas laudes vocem audirent. Huiusmodi præparatio nequit sine dubio moras trahere, sed agilem efficit atque alacrem Psalmodiæ studiosum, torumque hominem componit, vt accuratè ac diligenter chori expleat officia. Hac animi prouisione se ipsum muniebat Venerabilis frater Ioannes à Cruce, alter Discalceatorum Carmelitarum optimus Parens, vt chori frequentiam, quam numquā omisit, opportuno coleret studio. De beato hoc viro scribunt Historiæ fide dignæ, quòd audiens diuini Officij campanam, tãquam Dei vocem (*cui magnum foret nefas, aiebat ipse, repugnare, aut moras nectere, sed statim esse parendum, etiam cum iactura ceterarum occupationum*) eam censebat; & hac sancta instructus cogitatione ad chorum incunctanter accedens, diuinas laudes magna absoluebat grauitate ac deuotione. Ad quod institutum libet quoque addere, quòd beatissimo Raymundo, Ordinis Prædicatorum alumno, euenisse legimus. Nam hic etiam sanctus vir sicuti ad sonum campanæ pro diuino Officio, tamquam ad Angelj vocantis iucundissimam vocem, seipsum excitare consueuerat, ita præclaro honoris signo meruit ab Angelo suo custode haud rarò decorari. Nam quamuis Angelorum

Fr. Ioseph
à Iesu Ma-
ria in Hist.
Hispan. lib. 1.
cap. 17.

gelorum species sit mortalium hominum oculo Petr. Ri-
bad. Par. 2.
Flo. Sanct.
menſe Ia-
nuar.
inuiſa, ille tamen viſibili forma ſe conſpicien-
dum ſuo Raymundo præbens paulò ante 'pri-
mum campanæ icſum mediâ nocte ad diuinum
Officium ſonantem, à ſomno excitabat pium co-
mitem. Hanc Angelicam viſitationem voluit
Deus nobis notam, vt vnusquiſque chori ſtudio-
ſus mente concipiat, ſibi inuiſibiliter ab Angelis
ſanctis præſtari, quod propriis oculis cernere
Raymundus fuit dignus, & hac ſancta munitus
cogitatione ad chorum alacriùs ſe conferre ſa-
tagat.

Vnusquiſque etiam deberet antè præuidere & Pſallentes
conuenit
præuidere
qua dicturi
ſunt in
choro.
præmeditari, quæ ſibi in choro canenda aut legē-
da obuenient, ne errores committantur, non ſine
magna tam alti muneris inordinatione & ſocio-
rum faſtidio. Si Doctores & Magiſtri, qui habere
debent publicam aliquam aut orationē aut præ-
lectionem, ſolent priùs priuatim ſe præparare,
imò & repetere non ſemel quæ dicturi ſunt, ne
offenſionem proprij nominis incurrant; quid par-
eſt obſeruare pios ac perfectos pſallentes, ſi præ-
ſertim legere debent ſiue Homiliàs, ſiue Prophe-
tias, ſiue ſacras Hiſtorias, quæ in diuino occurrunt
Officio, cùm auditores habituri ſint Angelos, &
Deum ipſum altiffimum? Hæc recitandorum
præparatio nobis Clericis Regularibus Paulinis
magna præſcribitur à Regulis ad chori diſcipli-
nam ſpectantibus inſtantia. Semel ea indicitur
Pſebytero Hebdomadario, qui onus diuini du-
cendi habet Officij: *Paratus accedet, ſciens ſcilicet
quale Officium futurum ſit, vt poſtea non erret, vel
haſitet, non ſine diuini cultus iniuria.* Iterùm Le-
ctoribus, quibus ſacri Officij Lectiones in medio
chori

chori incumbit recitare, dicitur: *Rectè, aptè & distinctè legant, ut quæ leguntur, ab omnibus exaudiri & percipi possint. Et ne error ullus in diuinis obsequiis accadat, ne diligentiam prævidendi, quæ legenda sunt, à se desiderari patiantur.*

Didac.

Moril. l. 3.

Scalæ.

B. Bonaventura
humilitatis
exemplum.

Necque ab hac præuia diligentia legendi atque præmeditandi ea, quæ sunt in choro publicè ab vnoquoq; explenda, excusantur ij qui sublimiori sunt præditi intellectu. Imò si ij erunt spiritualis perfectionis studiosi, erunt quoq; eò diligentiores in hac præuisione, quò sunt doctiores. Insigne ad rem hanc omnibus Ecclesiasticis præbuit exemplum Seraphicus Bonaventura, dum quadam die recitaturus in choro Lectionem, mediam tantum illius legere voluit partem, quam priuatim prius percurrere & legere sibi per otium licuerat, reliquam dimittens ab alio supplendam. Maluit egregius Doctor haberi aut timidus nimis, aut etiam idiota, quam vnum erratum, quamuis leue, admittere, quale aliquando etiam doctissimis accidere solet in pronuntiatione præsertim extemporali. Nouerat sanctus vir loci & muneris dignitatē, nouerat piorum psallentium partes potiores, quas vel minimè norunt, vel certè nihili æstimāt minùs docti, imò etiam indocti. Ex defectu huius præuiæ diligentiae, multæ in choro admittuntur inconcinnae pronuntiationes verum sensum immutantes, risum mouentes, & stomachi fastidium auditoribus gignentes.

Egrediens
suum è choro
culpa.

Egressus item plura potest admittere vitia, nisi aduertantur. Qui festinaret egressum ante peractam Horam absque iusta causa, saltem venialem incurreret culpam, imò forsan & lethalem, si nimirum omitteretur notabilis pars Horæ, quam
nec

nec suppleret postea priuata recitatione. Insuper si stipendarius is esset, amittere deberet eo casu distributiones huiusmodi Horæ proportionatas. Grauius errant egredientes ab Hymnodia, quando statim ad ludrica & leuia se conferunt. Isti sicut inuiti accessisse cognoscuntur, ita exeuntes animum à Deo alienum ostendunt, dum aggrediuntur ea quæ sunt Dei laudibus valdè contraria. Nihil de canticis Hymnis aut cogitantes, aut curantes, quasi negotium istud ad ipsos nihil omnino spectet, vtrum rectè vel malè expleuerint cantum; num item obligationi fecerint satis; num quidquam omiserint supplendum; an debitam habuerint attentionem, dimittunt expendenda Iudici Deo, Angelis item & diabolo, ministris diuinæ Iustitiæ. Huiusmodi psallentibus ego timeo effectum illius seueræ comminationis diuinæ, quam ipsimet, ad propriam condemnationem, haud rarò cantant in Psalmis: *Existima. Psal. 49. Isti inique quod ero tui similis: arguam te, & statuam contra faciem tuam.* Vtinam aliquando respiciant isti Dei altissimi & suimet immemores infelices, & aurem propriam Dauidis paternæ hortationi exhibeant apertam: *Intelligite hac qui Ibidem, obliuiscimini Deum, ne quando rapiat, & non sit qui eripiat.*

Pius ac religiosus diceretur egressus illius, qui, *Gratia Deo* peracto Officio, saltem gratias Deo ageret, quia *agenda post* dignus effectus fuerit offerre Deo laudes, quam *egressum è* *choro.* uis exiles ac impares, & inter eius laudatores connumerari. Nec modicum censerì debet beneficium, quòd Angelorum suppare reddamur in hoc præclaro Deum laudandi munere. Si rectè expletum sit hoc singulare munus, multiplican-

Iacob. I.

*Culpa in
recitatione
admissa sa-
tisfacien-
da.*

dæ sunt gratiarum actiones, quia *omne datum optimum, & omne donum perfectum desursum est*; vitia autem & defectus à nobis proficiuntur. Utile etiam est, post gratiarum actionem, veniam petere, & exorare pro admissis culpis, supplendo tunc temporis, quæ forsan, ob aliquod impedimentum, fuerunt omissa in recitatione. Tandem pium est, ac expediens, in satisfactionem illarum commissionum, aut omissionum, quæ ex fragilitate præter voluntatem accidunt, offerre Deo aliquem Psalmum, aut aliam orationem, quæ à Summis Pontificibus ad indulgentiam & gratiam, & ad remissionem negligentiarum consequendam sint iniuncta. Extat pia Leonis Papæ oratio, quæ recitata post diuinum Officium omnes negligentias inuoluntariè admissas supplet. quæ oratio sic se habet: *Sacro sanctæ & indiuiduæ Trinitati, Crucifixi Iesu Christi Domini nostri humanitati, & beatissima ac gloriosissima Virginis Mariæ fecunditati, & omnium Sanctorum vniuersitati, sit sempiterna laus, honor, & virtus, & gloria ab omni creatura, nobisque remissio peccatorum per infinita sæculorum sæcula. Amen. Beata viscera Mariæ Virginis quæ portauerunt æterni Patris Filium, & beata ubera quæ lactauerunt Christum Dominum. Pater noster. Ave Maria.*

Adsunt etiam aliæ orationes ab aliis Summis Pontificibus ad eundem finem concessæ etiam breuiiores, occasione numismatum piorum, quas vsurpare pro libito vnusquisque potest ad utilitatem animi sui. Nec desunt priuilegia varia concessa Ordinibus Religiosis, quæ debet vnusquisque consulere ad sui profectum. Nemo est tam perfectus, qui aliquas non patiatur mentis euagationes

Io. Baptist.
Confect.
Collect.
priu. tit. 19.
cap. 5.

salutem omnium, in unione illius perfectissima attentionis, qua tu Patrem orasti & laudasti in terris. Responde, quæso, satisfac & supple pro me plenissime. Amen. Qui sibi hanc orationem redderet familiarem, optimum exitum suis afferret Horis, & non modicum lucrum inde reportaret; nam, præter satisfactionem, obtinere posset etiam unionem meritorum Domini nostri Seruatoris, quæ nobis solent magnum augere cumulum omnium benedictionum.

Deuotiores perfectioresque psallentes post expletum Officium diuinum, pro temporis commoditate, ruminare haud omittunt, tamquam mystica animalia Deo grata, Psalmorum verba, in quibus, dum psallebant, vehementiorem aliquem erga Deum affectum sentire digni effecti sunt, ut internas spiritus consolationes facilius conseruent, imò felicius augeant, ac perficiant. Euenire facile potest, ut deuotionis calor, quasi per transitum conceptus occasione cantus, adeò inualescat in actu ruminationis, ut ignis fiat validus, & felix animi operetur incendium, quo eternum beatus reddatur animus pij psallentis.

C A P V T XIX.

De defectu eorum qui ex officio præfecturam aliquam habent in choro.

*Præfectum
chori
magna ob-
ligatio.*

PRÆFECTI choro dirigendo ac moderando, siue hoc siue alio quocumque appellentur nomine, iuxta morem vniuscuiusque Ecclesiæ, tam Regularis quam sæcularis, in qua diuina decantantur Officia, & quicumque alij in choro auctoritatem

ritatem & iurisdictionem habentes, ne muneri suo deesse dici possint, summo vigilare debent studio, ut omnes defectus hactenus enumerati caueantur, aut saltem, si fortassis inoleuerint, auferantur à choro, utque leges pro recta chori disciplina sancitæ adamussim obseruentur, & violatores opportunis corripiantur monitionibus, imò, si opus sit, ad præscriptum Statutorum puniantur; ne illis adscribatur, quod ij siue incuria, siue ex malitia perpetrare haud verentur, dum pro debito officij huic malo occurrere debebant; nève cogantur ipsi aliquando ad Deum exclamare, ac supplices exorare vnà cum sancto Hymnographo: *Ab alienis parce seruo tuo.* Nam psal. 18. verè alienas subeunt culpas, qui illis, cum possint & debeant, minimè resistunt.

Quotiescumque igitur Præfecti, cuiuscumque generis sint, absque causa vel à choro omnino absunt, vel tardiùs quàm par sit, nempe post inceptum Officium (cùm tamen deberent alios præuenire, ut ceteris sint exemplum & stimulus libentiùs conueniendi) accedunt ad chorum, præter negligentiae suæ reatum quem contrahunt, dici iure possunt origo primaria & vera causa omnium culparum, quæ ex huiusmodi absentia & mora solent ut plurimùm consequi, nempe nimiae accelerationis, perturbationum, tumultuum, confabulationum, quibus faciliè occurrerent, si choro studerent assistere.

Præterea quando Præfecti minimè vigilant plenæ ac rectæ executioni omnium rituum, qui ad perfectum psallendi munus, præsertim publicum in choro, spectant, nec opportunis monitionibus corripere audent delinquentes, tunc

*Chori ve-
nustas dua-
bus nititur
rebus.*

grauem coram Deo subeunt noxam ; propter multitudinem & grauitatem malorum, chori venustatem ac decorem euerterentium , inde prodeuntem. Nam sicut chori præcipuum decus duabus nititur potissimum actionibus , quarum vna in cantu , dum grauis existit , altera in cærimoniis , dum opportunis implentur temporibus & modis , situm est ; ita , iis sublatis , solam necesse est remanere in choro deformitatem , animis piis maximè molestam. Cantus haud semel caret debita grauitate , dum quidam nimis festinanter , propè dixerim nimis præcipitanter , audiuntur non dico canere , sed absorbere Psalmorum versiculos , nulla seruata aut pausa in medio , aut opportuna distantia inter finem vnius & initium alterius versiculi. Nec minùs aduersatur eidem cantui modus inconcinuus canendi , quando scilicet non ab omnibus tenetur eadem proportio vocis , sed vnus altiùs , alter canit demissiùs , numquam aliis sese attemperantes , imò studiosè nonnulli ab aliis voce dissidere satagentes. Idem quoque accidit , quando vocis tonus à cantoribus prolatus (si præsertim is haud sit nimis altus) minimè retinetur à psallentibus , sed , ad vitandum modicum laboris , alitis assumitur demissior. Hic defectus meritò inter grauiores debet recenseri , ob molestam dissonantiam ad aures tum psallentium in choro , tum externorum in Ecclesia auditorum peruenientem , & ob alios vitiòsos effectus inde consequentes. Nam cantus remissus , & demissus , somnolentiam nutrit , spiritum extinguit , augeat molestiam cantus , ipsisque faucibus grauis est & noxius. Nihilominorem deformitatem patit piatum cærimo-

*Cantus re-
missus va-
ria gignit
mala.*

niarum

niarum contemptus, quem diximus esse alterum
 venustatis chori venenum. Sicut enim horum ri- ^{Rituum}
 tuum perfecta executio talem ac tantum tribuit ^{sacrorum}
 diuinis laudibus decorem, vt is possit animum ^{obseruatio}
 quemque ad pietatem in Deum allicere, imò & ^{quantis sit}
 ipsos profanos homines ad compunctionem &
 admirationem pertrahere, vt aliàs ostendimus;
 ita eorundem contemptus omnem ferè aufert à
 diuino cultu venustatem & venerationem in ani-
 mis mortalium. Quare non modicæ culpæ sunt
 rei tum ipsi contemptores Ecclesiasticorum ri-
 tuum, qui in diuinis persoluendis laicos potiùs
 quàm Ecclesiasticos sequuntur mores, stantes,
 vel sedentes, vel alio inconcinno modo adhæ-
 rentes, quando est genuflectendum; capite item
 erecto & cooperto, oculisque vagis circumspi-
 cientes, quando reuerenter & deuotè est incli-
 nandum (*semper namque in inclinatione, ait ap-*
positè Seraphicus Bonauentura, apparere debet ^{D. Bonau.}
deuotio, vt fiat humiliter & profunde;) tum chori ^{in Speculo}
 Præfecti, qui minimè inuigilant horum sacro- ^{discipl.e. 9.}
 rum rituum rectæ obseruationi: & licet aduer-
 tant defectus, ob timorem tamen, eos minimè
 corrigere satagunt, quemadmodum ex officio de-
 bent corrigere. Animaduertere namque tenentur
 pro qualitate culpæ in eos psallentes, quos noue-
 rint in hisce deficere ritibus; grauius autem in
 eos, quos viderint nihil ex prioribus monitioni-
 bus profecisse: nam ex huiusmodi iteratis defe-
 ctibus, præsertim post monitiones, argui rectè
 potest in voluntate psallentis aut peruicacia, quæ
 tandem in contemptum desinere solet, aut sal-
 tem magna incuria, quæ operi diuino est valde
 contraria.

*Vniformi-
tas rituum
quanti fa-
cienda.*

Reprehensioni item patent Præfecti illi, qui in choro haud student vniformitatem conseruare cærimoniarum, peculiare aliquid minimè approbatum admittentes, aut etiam negligentes illud aduertere. Patiuntur nonnulli Præfecti, à psallentibus non obseruari idem tempus in iis præstandis quæ ceteri faciunt simul. Nec enim Ecclesiastici ritus decor est in solis actibus surgendi, genuflectendi, standi, sedendi, inclinandi positus, sed in eo præcipuè elucet studio, quòd omnes, si fieri possit, in eodem puncto temporis æqualiter inclinent, sedeant, stent, genua flectant, surgant. Hunc decorem cognoscens sanctus Carolus, Ecclesiasticæ disciplinæ egregius reparator, æqualitatem hanc graui sancitam voluit

*Synod. I.
Mediol.
tit. Quomo-
do versan-
dum in
choro.*

synodali Decreto dicens: *In choro, pro temporis & officij ratione, ex instituto & more Ecclesie, sed-
deant, stent, flectant genua, caput aperiant & sub-
mittant, ceteraque eius generis adhibeant; omnes
verò aequè idem faciant.*

*Alterni
cantus pro-
portio qua-
lis esse de-
beat.*

Iidem Præfecti censuræ subiicientur, quando haud aduertent rectæ psallentium distributioni in choro. Ex quo illud haud semel oritur malum, quòd nempe vna chori pars minimè conueniat in qualitate vocum cum altera parte, sed maximè discrepet, non sine iactura illius harmoniæ quæ alterno cantui solet inesse. Nam cessat omnis proportio alternæ consonantiæ, quoties voces omnes vnus chori firmæ sunt, & altæ, alterius autem chori voces sunt omnes infirmæ ac demissæ. Boni itaque Præfecti partes sunt, inuigilare huic rectæ psallentium distributioni, vt vel omnimoda vocum vniformitas, vel saltem minor audiat-
tur diuersitas in cantu. Ad quam rem aduertere
necesse

neceſſe eſt, quòd huiusmodi æqualitas non in pari pſallentium numero, ſed in æqualitate vocum eſt attendenda, ita vt, non quanti ſint pſallentes in vtraque chori parte, ſed quales, ſit à prudenti Præfecto examinandum, & decernendum. Non enim ſemper proportio vocum ibi eſt, vbi adeſt proportio numeri; vbi ſcilicet tot ſunt in vna chori parte, quot ſunt in alia, licet aliquando, imò & ſæpè, ea poſſit adeſſe. Metienda igitur eſt proportio chori non ex quantitate, ſed ex qualitate vocum quæ tunc in choro reperiuntur.

Ad has obligationes Præſectorum reduci poſſunt obligationes eorum, qui in Eccleſiis Collegiatis munus gerunt notandi Canonicos, Cappellanos, & alios de gremio Cleri, qui choro intereſſe debent, ſed vel minimè interſunt, vel vnâ plurèſve integras diuini Officij Horæ partes omittunt; qui item proprio deſunt muneri, & ij nomine proprio dici conſueuere Punctatores. Nifi Punctatores ſincera fide officij ſui expleant partes, irretitos ſe cognoſcent grauib; in Deum & proximum peccatis. Duplici namque modo cùm ij poſſint in officio delinquere ſuo: vel Primò, quando timore, aut amore, aut ſpe aliqua ducti minimè notant, quem deberent iuſtè notare, quia is non interſuit choro, aut muneri alicui ſibi debito deſuit. vel Secundò, aliam ex odio notant iniuſtè, cùm ipſe & interſuerit choro, & muneribus ſibi debitis fecerit ſatis. Vtroque iſto modo grauiffima perpetrantur in Deum & in proximum peccata. In primis offenditur Deus, cuius fides impiè violatur; in violatione iuſiurandi, quod à Punctatoribus in Eccleſiis rectè inſtitutis ſolet ſiue coram Epifcopo, ſiue coram

*Punctato-
rum obli-
gationes,
deſectus,
& poena.*

Capitulo præstari, de fideliter ac diligenter exequendo munere suo. Deinde offenditur proximus ob violationem Iustitiæ, quando Punctatores iniuste auferunt quibusdam, quod iuste illis cedit, & de aliena disponunt re tamquam domini. quapropter vinculo restituendi seipsos obstringunt. Quæ res cum magni sit ponderis, est à nobis hoc loco magis declaranda, vt melius cognoscatur huiusce delicti grauitas, & obligationis vinculum. Ea itaque est conditio reddituum, qui inter Clerum alicuius Collegiatæ Ecclesiæ distribui propter seruitium chori debent, vt supponant pro fundamento iusto, seruitutem choro actu & realiter præstitam, ita vt massa illa reddituum vnicuique diei respondens sit inter eos tantum distribuenda, qui verè & realiter interfunt choro, & munera explent debita. Quod si quis aut non interfuit choro, aut debitis muneribus minimè faciat satis, priuatur (nisi aliquo munitus sit indulto) vel integro stipendio, vel parte illius, iuxta quantitatem & qualitatem defectus puniendi secundum vniuscuiusque leges & statuta. Nulla enim merces aut stipendium datur sine labore; & quod huic iuste adimitur, iustissimè cedit iis qui interfunt & laborant; & horum portio augetur ex portione, quæ ei contigisset, si verè interfuisset. Hoc incrementum ceteris adueniens interessentibus, & laborantibus, à Doctoribus rectè dicitur *Ius accrescendi*; quia iuste ademptum negligentibus, iustissimè accrescit diligentibus. Quando igitur Punctatores aliquem iniuste notant ex odio, tunc alienum rapiunt; quia auferunt ei quod iuste lucratus est, idque aliis distribuunt. Ei itaque debent de propriis

*Distributio-
tionis quo-
tidianarum
finis & v-
sus rectus.*

*Mercēs non
datur sine
labore.*

*Ius accre-
scendi quid.
Gloss. &
com. DD.
in Clem. 2.
verb. Pars.
de ætat. &
qualit. &
ord. præfic.*

priis pecuniis reddere quod ademerunt, nisi current restituendum ab iis, qui ex portione illi adempta facti sunt ditiores. Quando item vni, propter amorem, aut metum, aut spem, remittunt aliquem defectum, quem debebant Punctatores notare, sicut adimunt diligentioribus quod iuste ipsis accreuerat, ita tenentur eisdem restituere ablatum, nisi certi sint, fuisse ab iniquo detentore iam factam restitutionem. Ea namque est remissionis natura, aiunt Doctores, quos adfert & sequitur Ioannes Petrus Moneta in luculentissimo suo Tractatu, de Distributionibus quotidianis, ut nequeat fieri nisi ab iis quibus accrescunt, & quorum lucro cedunt distributiones; hi namque soli, & non Punctatores, sunt domini illius portione à negligentibus amissæ. Tandem, hæc iniusta dispositio alienæ rei à Punctatoribus facta Deum iterum grauitè offendit ex alio capite, nempe ex imminutione cultus sui inde proficiscente. Ratio est in promptu efficax: nam dum negligentioribus quod amiserunt remittitur à Punctatoribus, eorum incuria magis magisque fouetur, indeque ipsi fiunt audaciores ad perseuerandum in suis defectibus; quod certè non potest fieri absque diuini cultus imminutione. quia huiusmodi hominum genus, ob spem impunitatis semel obtentæ, facilius & frequentius se in posterum subtrahent à choro, & à muneribus. Hanc diuini cultus imminutionem à se profectam sedulo expendant Punctatores, nec eam censeant esse leuem culpam; nam apud Deum grauissima iudicatur, eiusque grauitatem aliquando ex seueritate pœnæ luendæ ipsi cognoscent. Recolant sibi ipsis Punctatores diuinum illud

Io. Petrus
Monet. de
Distribut.
par. 3. q. 6.
num. 17.

Diuini cultus imminutio graue delictum.

illud iudicium in sacra Regum historia proditum, dum quorundam impiorum Sacerdotum, qui tantummodò diuinum cultum imminuendi causam præbebant, absque vilo proximi detrimento in rebus, praua recensentur gesta. nam huiusmodi gesta appellantur grauissimū delictum.

1. Reg. 2. *Erat autem peccatum puerorum grande nimis coram Domino, quia retrahebant homines à Sacrificio Domini. Et hoc iudicium secuta est seuerissima vltio diuina: nam vno die iidem Sacerdotes violento mortis genere, iuxta verbum Domini, sublati sunt. Iustè itaque quod iustum est semper exequantur fideles Punctatores, omni seposito amore, spe, metu, ac odio, ne, dum aliis prodesse aut obesse student in re temporali, iacturam sibi in re spiritali comparent magnam. Nec digni excusatione habebuntur ob eam rationem, quia*
- Punctatores absente à choro alius suffici debet.* & ipsi non adfuerint choro: nam quando per occupationes eis minimè licet adesse choro, debent alium idoneum sufficere ministrum, qui vices suas eadem suppleat fidelitate, Ecclesiastici ministri perpetua comite, alioquin ipsis imputabitur omnis iniusta quotidianarum distributionum partitio, & iidem semper remanebit onus restituendi læsis, quod iniustè ablatum est illis.

C A P V T XX.

Paranesis ad Hymnodia studiosos.

LICEAT nunc mihi omnium Ecclesiasticorum minimo non docendi præsumptione, sed piæ voluntatis affectu, ad omnes Ecclesiasticos, solemni Hymnodia in choro perfoluendæ adscriptos, pauca hæc vltima Operis verba in sensu

su meo dirigere, vt simul excitati, tanto muneri feruentius vacare decernamus. Recolamus, Venerabiles Ecclesiastici, nos ex diuinæ gratiæ liberali benignitate esse ad illud munus exercendum in terris assumptos, quod Angeli beati itrequieri expleant in cælis; quod item, ad nostram æmulationem, explere suo modo nouerunt insigniores substantiæ corporeæ, licet anima sensuque carentes. Elementa, quæ suis perpetuis transmutationibus & mutuis actionibus compositorum generationi deseruire non cessant, sicut Conditoris laudes, dum ei obsequuntur magna fidelitate, quasi tot vocibus celebrant, quot effectus producant; ita in sacris Scripturis organo rectè sonanti assimilantur. *In se enim* (ait Sapientiæ Sap. 19. Auctor) *elementa dum conuertuntur, sicut in organo qualitatibus sonus immutatur.* Cæli item, qui suis ordinatis conuersionibus omnem inferiorem creaturam luce & influxu perficiunt, dicuntur in sacris Literis sui Conditoris gloriam prædicare ac decantare suauiter. *Cæli enarrant gloriam Dei, & opera manuum eius annuntiat firmiter*, ait Hymnographus; subdens eorum voces ab omnibus omnino nationibus exaudiri: *Non sunt loquela, neque sermones, quorum non audiantur voces eorum.*

Quod facere nouerunt huiusmodi substantiæ corporeæ ratione voceque carentes, si homo, qui ex Dei peculiari dono scientiam habuit vocis, nollit, aut negligeret explere, magnam subiret coram Deo suo ignominia & confusionis causam. *Turpe enim foret* (ait eloquentissimus sanctissimusque Chrysostomus) *si homo, qui est compos rationis, & omnibus quæ videntur præstantior creatura,*

*Elementa
Deum sine
voce lau-
dant.*

*Cæli suis
motibus
Deum præ-
dicant.*

Psal. 18.

*Homo tene-
tur Deum
laudibus
colere.*

S. Chrys.

Psal. 144.

*Ecclesiasti- creatura, sit in Dei laudibus inferior; non solum
corum ma- autem turpe, verum etiam absurdum. Quomodo au-
gna obliga- tem non absurdum? si quidem ipsa quotidie, atque
tio ad opus adeo singulis horis emittit Domino glorificationem:
Psalmodia.*

*Celi enim, inquit, enarrant gloriam Dei, & opera
manuum eius annuntiat firmamentum. Dies diei
eruat verbum, & nox nocti indicat scientiam. Sol
& luna, & varius astrorum chorus, & pulcherri-
mus ordo ceterorum omnium suum predicat opifi-
cem; qui est ergo his omnibus prastantior, si hoc non
faciat, sed etiam sua vita Deum, qui eum creauit,
maledictis impetat, quomodo erit is dignus vlla ve-
nia, aut quamnam poterit asserere sui defensionem?
Hæc urget sanctus Doctor ad nostram excitatio-
nem, quæ vim habent maiorem in nobis, qui &
homines sumus, & Ecclesiastici sumus, electi à
Deo ad hoc munus explendum. Turpe nimis ef-
set, si nos à communi hac omnium creaturarum
harmonia, Angelica, cælesti & elementari sub-
traheremus nos ipsos; vel etiam si frigidiores aliis
creaturis in hoc opere essemus.*

*Hominis
dignitas il-
lustratur
ex usu
Psalmodia.*

*D. Chrys.
Hom. 8. in
Epist. ad
Roman.*

*Sicut igitur nobilitate naturæ elementa & cæ-
los superamus, & Angelorum dignitati propè ac-
cedimus, imò communicamus ratione animi,
qui est immaterialis; ita par est, ut in diuinis per-
soluendis laudibus, cælorum elementorumque
munus superantes, Angelicam æmulemur dili-
gentiam ac perseverantiam. inde conditionis no-
stræ dignitas honoris utilitatisque augmentum
non modicum consequetur. Honor in primis au-
gebitur humanæ conditioni; quia non modicum
quid est, aiebat sanctus Chrysostomus, homi-
nem dignum esse, qui ad celebrandum Deum
admittatur. Qui eliguntur Oratores ad Regum*

&

& Principum res gestas celebrandas, ad singularem id sibi reputant honorem, etiam si inde nullus præterea proficisci deberet fructus. Vtilitas quoque facile potest cognosci; quia cum omnis noster honor Deo exhibitus nihil illi possit addere aut conferre, redibit certò certius ad ipsos honorantes. quod appposito exemplo explicat beatus Chrysostomus dicens: *Quemadmodum is, qui apertis oculis Solis intuetur lucem, sibi ipsi prodest, quia illius excelsi sideris contuetur pulchritudinem, nihil tamen illi conferens nec claritatis aut perfectionis, cum semper permaneat idem fulgor Solis.* Idem omnino euenit nobis, quando Hymnis Deum celebramus: Deus enim est absque nostris laudibus; quia Deus tamen nostris delectatur laudationibus, ideò cultores suos amore ac beneficiis prosequi non omittit.

Idem Homil. 4. in 1. ad Tim. Vtilitas ex usu Psalmodia.

Vos præsertim obtestor, qui ex benigniori Dei voluntate ad perfectiorem altioremq̃ue viuendi formam estis assumpti, quicumque vos estis, siue viri siue feminae, in Claustris sub obedientia viuentes, qui sublimi illa gratia gaudetis, quam Hymnorum Auctor maximo ardore exoptauit, non tamen obtinuit, nimirum habitandi Domum ipsam Domini Dei omnibus diebus vitæ vestræ; ut gratiæ sublimitati respondentes, omnem diligentiam, operam studiumque diuinis laudibus præstare non grauemini. Si hac tanta gratia dignus fuisset effectus sanctus Dauid, cuilibet dignitati, ipsimet sceptro ac diademati Regio hanc prætulisset, vnicum sibi thesaurum, honorem, splendorem eam censens, uti declarauit illis verbis: *Vnam petij à Domino, hanc requiram, ut inhabitem in Domo Domini omnibus diebus vitæ.*

Religiosi Domum Dei inhabitantes magno gaudent privilegio.

Psal. 16.

Quam

Pfal. 83.
 Davidis
 ardens vo-
 luntas erga
 Templum.

Quam suam declarationem iterum ac sæpè vo-
 luit amplioribus verbis notam omnibus, præser-
 tim Psalmo 83. quem totum in huius sui erga di-
 uinum Templum voti ardorisque expressionem
 decantauit, incipiens cantum ab eleganti epipho-
 nemate: *Quam dilecta tabernacula tua Domine*
virtutum: concupiscit, & deficit anima mea in a-
tria Domini (quæ verba prima clariùs leguntur à
 diuo Augustino, *Quam amabilia tabernacula tua*
Domine, &c.) prolequens ardentioribus affecti-
 bus: *Melior est dies una in atris tuis super millia.*
Elegi abiectus esse in Domo Dei mei. quibus decla-
 rat, se præferre Templi sancti habitationem om-
 nibus omnino mundi visibilis diuitiis ac deliciis.
 Sollicito etiam ardore explere conatus esset iuges
 ac indefessas laudationes. verè enim Beatos in eo-
 dem Psalmo declarauit, qui ad hanc assumpti ha-
 bitationem laudes frequentant diuinas: *Beati, qui*
habitant in Domo tua Domine, in secula seculorum
laudabunt te.

D. Hyacin-
 thi Poloni
 mors egre-
 gia.

Huius præclaræ beatitudinis scimus nonnul-
 los fuisse tam ardentè studiosos, vt suæ felicita-
 tis supremum putarent fastigium, si, ex singu-
 lari Dei gratia, meruissent inter psallendum vl-
 timos efflare spiritus. In hoc genere studij sicut
 enituit sanctus Hyacinthus Polonus, D. Domini-
 ci alumni insignis, ita eiusdem sui studij dignus
 fuit optatum consequi effectum: nam morti pro-
 ximus, viribus licet fractus, sensuum tamen vi-
 gore validus, voluit ipso obitus die, quem & præ-
 uiderat, & prædixerat, ad Canonicas Horas in
 choro canendas cum ceteris Fratribus descende-
 re, vt supremos sui cordis & oris affectus & ac-
 centus mors adueniens reperiret muneri diuina-
 rum

tum laudum intentos. Exitus desiderio respon-
dit: nam, expletis Hymnis qui tunc canebantur,
animam Deo reddidit Creatori. Eodem mortis
felicissimo exitu meruit præclara obsignare me-
rita sanctissimæ suæ vitæ insignis Episcopus Can-
tuariensis Thomas, optimorum Præfulum exem-
plar iucundissimum. Hic sicut ob Catholicæ Ec-
clesiæ iustam defensionem martyrio fuit decora-
tus, ita huius sublimis coronæ effectû dignus fuit
in loco sibi omnium carissimo, nempe in Eccle-
sia, tempore actualis Hymnodicæ. Præsens aderat
Episcopus egregius vespertinis Horis unâ cum
Clericis suis, quando à nefariis satellitibus fuit
gladiis vulneratus, &, tamquam electa victima,
Deo, quem Hymnorum gratissimo colebat Sa-
crificio, mactatus. O verè felicem beatamque
mortem! dignam Ecclesiasticis generosis, dignam
Religiosis feruidioribus, dignam Præsulibus in-
signioribus.

*D. Thomas
Cantuariensis mors
inter psal-
lentes.*

Omni itaque studio & virium conatu retinea-
mus, factum rectumque tueamur commune
istud psallendi in choro munus: nec, alicuius
temporalis iacturæ timore, patiamur à cantu
semel suscepto nos unquam amoueri. Quam-
vis enim contingeret in huiusmodi sacro cantu
nos vitam cum morte commutare, certi tamen
sumus, mortem istam futuram in conspectu Do-
mini pretiosiore vita diuturniore plurimorum
tepidorum. Hymnographum nostrum, cuius
verba frequentamus, libeat audire, & æmulari,
quemadmodum strenui generosi que psallentes
psallentem libenter audiunt, & æmulantur. Hic
beatus vir cum in quodam suo Hymno vouisset
Deo, in animi grati significationem, Sacrificia, &

hostias laudum & confessionis, ne quis putaret; horum votorum executioni priuata Hymnorum recitatione in angulis Palatii & in cubiculis facturum satis, statim non vnica tantum, sed iterata declarauit attestazione, se palam & publice emissâ vota redditurum, coram scilicet omni populo, quamuis inde sibi mors posset aliquando imminere. Hac occasione cecinit solemnem illam toti nostræ Ecclesiæ apprimè caram ac familiarem sententiam: *Pretiosa in conspectu Domini mors sanctorum eius.* Quam sententiam, vnâ cum toto isto Psalmo, ad sanctorum Martyrum decantandas glorias in Canonicis Horis vsurpat Ecclesia. Huius sententiæ vsurpatio haud mediocriter commendat publicæ nostræ in choro Hymnodicæ meritum: nam innuit; Psalmodiæ vsum posse Martyrum morti pretiosæ exæquari, dum æquè de Martyrum & psallentium morte eadem pronuntientur verba.

Psal. 115.

*Psallentium feruor
mors pretiosa.*

Nobis ipsis tandem recolamus gratias eximias, quas munificentissimus Deus libenter offert psallentibus piis; non enim patitur Deus se vinci à nostro feruore, sed solertiæ nostræ sua rependit cumulatiissima præmia. Cantus equidem nunc est laboriosus, fateor, sed laborioso cantui cantus gloriosus, imò æternum iucundus, est certò certius successurus, quemadmodum non semel in hoc Opere diximus, & voluit manifestè docere sanctus Hymnographus verbis postremò allatis: *Beati, qui habitant in domo tua Domine, in sæcula sæculorum laudabunt te.* Quare beati? quia in sæcula sæculorum laudabunt te. Nam ex laudatione rectè expleta in Domo Domini in terris, consequetur laudatio in sæcula sæculorum ex-
plenda

plenda in cælis, vbi vera conceditur beatitudo, vti plurima nobis testantur ab Historiis descripta exempla. Ex quibus pro coronide totius argumenti illud præclarissimum offero, à Magno Gregorio ad nostram eruditionem descriptum, de duobus illis felicibus Religiosis, qui in Samnio (quod nunc Aprutium dicitur, cuius Metropolis est Aquila) in Prouincia Valeriæ, magno spiritus feruore sub Abbate Valentio, Deo altissimum præstabant famulatum, præsertim (vti credimus) Hymnorum in choro diligenti frequentia, digni proinde effecti, qui corona præclara Martyrij obsignarent vitam religiosè in Dei honorem exactam: nam sæuitia Longobardorum ad arborem suspensi, vitam ærumnosam cum morte felici commutarunt. Vt autem horum Religiosorū sublimia merita mortalibus essent conspicua, voluit piissimus Deus, qui seruorum suorum merita coronat, miro euentu ipsorum pretiosam approbare mortem. Vespere facto, istorum occisorum beatus spiritus clarè auditus est eos Psalmos alternis suauissimè decantare versibus, quos viuentes præcipuo studio colebant; ita ut ceteri captiui fideles, imò ipsi etiam tyranni occisores, qui ibi aderant audientes, isti timore, lætitia illi sint affecti. En præmia præclara à Deo famulis suis liberaliter parata; en exempla à sanctis viris ad mortalium stimulos fideliter descripta. Verè concludit sanctus Doctor, & Pontifex optimus, historiam scribens, hoc à Deo permissum esse insigne prodigium Psalmodiâ exercendi post mortem, *ut viuentès discerent, quia si Deo seruire studeant, post carnis mortem verius viuant.* Beati igitur verè dicuntur à Psalmographo qui habi-

*Occisorum
spiritus au-
diti sunt
Psalmos
cantare.*

tant Domum Domini; nam in sæcula sæculorum laudabunt eundem Dominum.

Vos itaque ad hanc electi beatitudinem, ô Re-

Pfal. 133. gulares, *benedicite Dominum, qui statis in Domo*

• Psal. 134. *Domini, & in atriis Domus Dei nostri. Laudate Dominum, quia bonus Dominus; psallite nomini eius, quoniam suave. Super vos parata est illa be-*

Pfal. 133. *nedictio à Dauide exoptata, Benedicat te Domi-*
nus ex Sion, qui fecit calum & terram; sicut acriori
 pœna punientur tanto donati honore, si negligentes
 in hoc munere fuerint reperti. Studeamus
 omnes benedicere Deum corde perfecto, & ani-

mo volenti, ut ab illo benedici mereamur, eius-
 que benedictio super nos firmetur in æternum.
 Faxit Deus benedictus, ut quæ in his Libris con-

1. Tim. 1. *scripta sunt, ita te ipsa ad eius cedant gloriam &*
honorem, sicut à me ex animo sunt directæ; sem-
per enim cum diuo Paulo, Apostolo feruidissimo

Pfal. 44. *protectoreque dilectissimo, dicere decreui: Regi*
sæculorum immortalis, inuisibilis, soli Deo honor &
gloria. quemadmodum eidem soli summo Regi,
vnâ cum Hymnographo sancto, hanc Hymno-
diam & cetera opera dico.



I N D E X

LOCORVM SACRÆ SCRIPTVRÆ

Quæ in hoc Opere citantur.

EX GENESI.

Cap. 4. Respexit Dominus ad
Abel, & ad munera eius.

pag. 34

Ad Cain & ad munera illius
non respexit. 318

Iste cepit inuocare nomen
Domini. 3

13. Ne quæſio ſit iurgium inter
me & te. 317

15. Descenderunt volucres ſuper
cadauera, & abigebat eas. 460

22. Benedicentur in ſemine tuo
omnes gentes. 148. 356

26. Inuidentes ei Palæſtini. 449

28. Erit mihi Dominus in Deum.
67

32. Ecce vir luſtabatur cum eo.
194

Dimitte me, iam enim aſcen-
dit aurora. 386

47. Præter terram Sacerdotum.
354

49. Vaſa iniquitatis bellantia. 307

EX EXODO.

Cap. 12. In noctis medio percuf-
ſit Dominus. 376

15. Cantemus Domino. 333

Dominus regnabit in æter-
num, & ultra. 400

19. Vade ad populum, & ſancti-
fica illos. 320

20. Cunctus populus videbat vo-
ces. 177

24. Videruntque Deum, & come-
derunt. 103

32. Dimitte me, vt irſcatur fu-
ror meus. 194

34. Nullus inſidiabitur terræ tuæ.
457

35. Omnis voluntarius, & prono
animo. 274

Obtulerunt mente promptiſ-
ſima. 275

40. Altare aureum, in quo adole-
tur incenſum. 362

EX LEVITICO.

Cap. 6. Ignis autem in altari ſem-
per ardebit. 384

10. Offerentes coram Domino
ignem. 518

EX NUMERIS.

Cap. 10. Surge Domine, & diſ-
ſipentur inimici tui. 139

21. In libro bellorum Domini.
137

EX DEUTERONOMIO.

Cap. 16. Iuſtè quod iuſtum eſt
perſequèris. 237

32. Oblitus es Domini creatoris
tui. 63

INDEX LOCORVM

EX IOSVE.

- Cap. 6.* Igitur omni populo vociferante. 365
 23. Sicut ergo impleuit opere quod promisit. 358
 24. Dedi vobis terram, in qua non laborastis. 357

EX LIB. IVDICVM.

- Cap. 3.* Hæ sunt gentes, quas Dominus dereliquit. 501
 9. Numquid possum deferere dulcedinem meam. 100

EX I. REGVM.

- Cap. 1.* Cum multiplicaret preces coram Domino. 410
 Vade in pace. 389
 In vitulis tribus, & tribus modis farinæ. 278
 2. Exultauit cor meum in Domino. ibid.
 Erat peccatum puerorū grande nimis. 604
 16. Recedebat ab eo spiritus malus. 339
 17. Dominus qui eripuit me de manu leonis. 330
 Tu venis ad me cum gladio. 329
 21. Ecce hic gladius Goliath Philisthæi. 330
 23. Saül & viri eius in modum coronæ cingebat Dauid. 157
 Festina, & veni. 158

EX II. REGVM.

- Cap. 6.* Ludam, & vilior fiam plusquam factus sum. 234
 Igitur Michol filia Saül non est natus filius. 233
 12. Ne, cum à me vastata fuerit

vrbs, nomini meo adscribatur victoria. 398

23. Spiritus Domini locutus est per me. 47
 24. Ego sum qui peccaui. 144

EX III. REGVM.

- Cap. 6.* Et malleus, & securis. 496
 8. Immolabant oues & boues. 333
 18. Clamate voce maiore, Deus enim est. 171

EX IV. REGVM.

- Cap. 13.* Pater mi, pater mi. 148.
 356

EX II. PARALIP.

- Cap. 5.* Immolabant arietes & boues. 332
 6. Confurge Domine Deus in requiem tuam. 139
 7. Confitemini Domino quoniam bonus. 192
 20. Voce consona dicerent: Confitemini Domino. 136
 Vallis benedictionis. ibid.
 Irruit pauor Domini super vniuersa regna. ibid.
 31. Vt darent partes Sacerdotibus. 353

EX I. ESDRÆ.

- Cap. 3.* Steterunt Sacerdotes. xxij.
 9. Cumque audissem sermonem istum. 180

EX TOBIA.

- Cap. 12.* Ego obtuli orationem tuam Domino. 268
 Ipsum benedicite, & cantate illi. 18
 Benedicite Deum. ibid.
 EX

SACRÆ SCRIPTURÆ.

EX IVDITH.

Cap. 8. Expectemus humiles consolationem eius. 116

9. Induens se cilicio, posuit cinerem super caput suum. 396

Nec superbi ab initio placuerunt tibi. 326

15. Gloria Ierusalem. 156

EX IOB.

Cap. 1. Confurgensque diluculo offerebat holocausta pro singulis. 386

Dominus dedit, Dominus abstulit. 28

7. Quid est homo, quia magnificaseum? 385

13. Responde mihi. 205

31. Pepigi fœdus cum oculis meis. 466

Nōne ipse considerat vias meas. 257

38. Vbi eras quando ponebam fundamenta terræ. 36. 385

39. Vbi audierit buccinam, dicit: Vah, 339

EX PSALMIS.

Psal. 1. Et in lege eius meditabitur die ac nocte. 115

Et erit tamquam lignum. 535

2. Quare fremuerunt Gentes. 55

Filius meus es tu. ibid.

4. Filij hominum vsquequo graui corde? 175

6. Lauabo per singulas noctes lectum meum. 180

8. Domine Dominus noster quā admirabile est nomen tuum. 131

Ex ore infantium & lactentium perfecisti laudem. 326.

404

9. Confitebor tibi Domine in toto corde meo. 241

Adiutor in opportunitatibus.

156

10. Tibi derelictus est pauper.

157

Intenderunt arcum. 198

12. Exultabit cor meum in salutaris tuo. 150

13. Trepidauerunt timore, vbi non erat timor. 511

15. Prouidebam Dominum in conspectu meo semper. 257

Lætarum est cor meum. 285

16. Auribus percipe orationem meam. 419

17. Laudans inuocabo Dominum. 75

Circumdederunt me dolores mortis. 76

In tribulatione mea inuocaui Dominum. ibid.

Intonuit de cælo Dominus.

149

Qui perfecit pedes meos tamquam ceruorum. 49

Confitebor tibi in nationibus Domine. 8

18. Cæli enarrant gloriam Dei.

14. 605

Non sunt loquelæ, neque sermones. 605

In omnem terram exiuit sonus eorum. xv

Desiderabilia super aurum. 99

Ab alienis parce seruo tuo. 597

21. Deus Deus meus, ut quid dereliquisti me? 6. 56. 79. 100

Qq 4

Nc

INDEX LOCORVM

- Ne discefferis à me. 200
 Diuiferunt sibi vestimenta
 mea. 57
 In medio Ecclesiæ laudabo.
 8
 Apud te laus mea in Ecclesia
 magna. ibid.
 25. In Ecclesiis benedicam te
 Domine ibid.
 26. Vnam petij à Domino, hanc
 requiram. 95.607
 Circuiui, & immolaui. 194
 474
 Pater meus & mater mea de-
 reliquerunt me. 157
 28. Et in templo eius omnes di-
 cent gloriam. 111.268.491
 30. In manibus tuis sortes meæ.
 49
 In manus tuas commendo spi-
 ritum meum. 79
 32. Rectos decet collaudatio. 13.
 309
 Confitemini Domino in ci-
 thara. 114.239
 In psalterio decem chordarum
 psallite illi. 58
 Cantate Domino canticum
 nouum. 59
 Bene psallite ei in vociferatio-
 ne. 239.563
 33. Benedicam Dominū in omni
 tempore. 70.86.153.171.
 102
 Magnificate Dominum me-
 cum. 344
 34. Confitebor tibi in Ecclesia
 magna. 557
 35. Inebriabuntur ab vbertate
 domus tuæ. 102
 36. Noli æmulari in malignanti-
 bus. 165
 Non confundentur in tempo-
 re malo. 155
 37. Qui iuxta me erant, de lon-
 ge steterunt. 293
 38. Cum consisteret peccator.
 315
 39. Immisit in os meum Canti-
 cum nouum. 177
 Videbunt multi, & timebunt.
 ibid.
 Et cor meum dereliquit me.
 251.461
 Exultent, & lætentur. 300
 Magnificetur Dominus. 342
 Ego autem mēdicus sum. 324
 41. Quemadmodum desiderat
 ceruus ad fontes aquarum.
 95.131.201
 In die mandauit Dominus
 misericordiam suam. 378
 42. Confitebor tibi in cithara.
 114
 44. Dico opera mea Regi. 612
 Lingua mea calamus scribæ.
 47.329
 Specie tua & pulchritudine
 tua intende. 128
 Adstitit Regina à dextris tuis.
 233
 46. Iubilare Deo in voce exulta-
 tionis. 294
 Psallite Deo nostro, psallite
 sapienter. 238
 49. Immola Deo sacrificium lau-
 dis. 27
 Quare tu enarras iustitias
 meas. 309
 Sacrificium laudis honorifica-
 bit me. 13.27.63.120.420
 50. Miserere mei Deus. 190
 Cor mundum crea in me
 Deus. 312
 Redde

SACRÆ SCRIPTURÆ.

- Redde mihi lætitiā salutaris
tui. 110
- Domine, labia mea aperies. 11
51. Ego autem sicut oliua fructi-
fera. 275
53. Deus in nomine tuo saluum
me fac. 143. 158
- Voluntariè sacrificabo tibi.
158. 275
- Confitebor nomini tuo Do-
mine. 17. 29
54. Et ne despexeris deprecationem
meam. 288
- Quis dabit mihi pennas sicut
columbæ? 307
- Iacta super Dominum curam
tuam. 154
55. Miserere mei Deus. 152
- Deus, vitam meam annuntia-
ui tibi. 256
- Posuisti lacrymas meas in con-
spectu tuo. 181. 183
- In quacumque die inuocaue-
ro te. 123
- In me sunt Deus vota tua. 28
56. Confitebor tibi in populis
Domine. 8
- Exurge gloria mea. 114. 447.
576
58. Ego autem cantabo fortitudi-
nem tuam. 130
60. Exaudi Deus deprecationem
meam. 155
- Psalmum dicam nomini tuo.
8. 16. 19. 53. 114
61. In Deo salutare meum. 152
62. Sicut adipe & pinguedine re-
pleatur anima mea. 275
- Si memor fui tui super stratum
meum. 375
64. Te decet Hymnus Deus in
Sion. 6. 11. 112
- Exitus matutini & vespere de-
lectabis. 65
65. Holocausta medullata offe-
ram tibi. 280. 554
- Iniquitatem si aspexi in cor-
de meo. 309
- Benedictus Deus. 33
66. Deus misereatur nostri. 76
- Confiteantur tibi populi
Deus. 77
67. Exurgat Deus. 169. 409
- Præuenerunt Principes con-
iuncti psallentibus. 41
- Regna terræ cantate Deo. 235
68. Saluum me fac Deus. 73
- Laboraauī clamans. 291
- Laudabo nomen Dei. 29. 193.
142
- Placebit Deo super vitulum
nouellum. 28
- Videant pauperes, & læten-
tur. 193
69. Deus in adiutorium meum
intende. 139. 168
- Exultent, & lætentur in te
omnes. 300
70. Nam & ego confitebor tibi.
68. 114. 306
- Exultabunt labia mea. 550
- Lingua mea tota die medita-
bitur. 475
71. Quid mihi est in cælo? 99
- Et castigatio mea in matu-
ris. 378
73. Vt quid Deus repulisti in fi-
nem. 73
- Ne tradas bestiis animas con-
fidentes tibi. 147
- Ne auertatur humilis factus
confusus. 323
76. Voce mea ad Dominum cla-
maui. 78. 285
- Q9 5 Memor

INDEX LOCORVM

Memor fui Dei.	91. 545	Latentur cæli, & exultet terra.	14
Anticipauerunt vigilias oculi mei.	376	96. Adorate eum omnes Angeli eius.	39
Cogitavi dies antiquos.	78	97. Cantate, & exultate.	314. 335. 576
Meditatus sum nocte.	92	Moueaturn mare, & plenitudo eius.	14
Numquid obliuiscetur misereri Deus.	189	98. Quoniam sanctus Dominus Deus noster.	48
77. Dilexerunt eum in ore suo.	453	99. Iubilare Deo omnis terra.	194
Obliti sunt benefactorum eius.	69	Introite in conspectu eius in exultatione.	295. 304
83. Quàm dilecta tabernacula tua.	608	Introite portas eius in confessione.	112
Beati, qui habitant in domo tua Domine.	113	Laudate nomen eius.	103. 112
Melior est dies vna in atriis tuis.	608	101. Respexit Dominus in orationem humilium.	32. 284
84. Mitigasti omnem iram tuam.	189	Tu autem idem ipse es.	49
87. Domine Deus salutis meæ.	287	102. Benedic anima mea Domino.	64. 129 343. 552
Longè fecisti notos meos à me.	293	103. Qui emittis fontes in conuallibus.	330
88. Beatus populus qui scit iubilationem.	295	Cantabo Domino in vita mea.	122
90. Angelis suis Deus mandauit de te.	173	104. Dedit illis regiones gentium.	357
91. Bonum est confiteri Domino.	576	105. Beati, qui custodiunt iudicium.	175
92. Domum tuam decet sanctitudo.	503	Obliti sunt Deum, qui salauit eos.	69
93. Qui, fingis laborem in præcepto.	512	Benedictus Dominus Deus Israël.	400
94. Venite, exultemus Domino.	299	106. Errauerunt in solitudine.	186
In Psalmis iubilemus ei.	294	107. Exurge gloria mea.	114. 576
Quoniam Deus magnus Dominus.	48	Pfallam tibi in nationibus.	8
Venite adoremus.	402	108. Et oratio eius fiat in peccatum.	245
95. Cantate Domino canticum nouum.	59. 335. 346	Confitebor Domino nimis in ore meo.	291
Quoniam magnus Dominus.	18	109. Dixit	

SACRÆ SCRIPTURÆ.

109. Dixit Dominus Domino meo. 64
 110. Confitebor tibi Domine. 241
 111. Peccator videbit, & irascetur. 163
 112. Laudate pueri Dominum. 6. 202
 113. In exitu Israël de Aegypto. 6
 Simulacra gentium argentum & aurum. 409
 114. Misericors Dominus, & iustus. 189
 115. Pretiosa in conspectu Domini mors Sanctorum eius. 610
 116. Laudate Dominum omnes Gentes. 13. 305
 118. In via testimoniorum tuorum delectatus sum. 100
 Reuela oculos meos. 61. 62. 414
 Adhæsit pauimento anima mea. 202
 Seruavi mandata tua. 257
 Dormitauit anima mea præ tædio. 544
 Viam mandatorum tuorum cucurri. 107
 Legem pone mihi Domine. 359
 Auerte oculos meos. 465
 Amputa opprobrium meum. 35. 574
 Cantabiles mihi erant iustificationes tuæ. 121. 576
 Media nocte surgebam. 375
 Quam dulcia faucibus meis eloquia tua. 99
 Voluntaria oris mei beneplacita fac Domine. 275
 Declinate à me maligni. 449
 In via testimoniorum tuorum delectatus sum. 100
 Feci iudicium & iustitiam. 176
 Dilexi mandata tua. 124
 Mirabilia testimonia tua. 414
 Exitus aquarum deduxerunt oculi mei. 181
 Clamaui in toto corde meo. 287. 346
 Præuenerunt oculi mei ad te diluculo. 384
 Septies in die laudem dixi tibi. 80. 86. 96. 584
 119. Heu mihi! quia incolatus meus prolongatus est. 201
 121. Lætatus sum in his quæ dicta sunt mihi. 202
 129. De profundis clamaui ad te Domine. 330
 131. Memento Domine David. 315 316
 132. Ecce quam bonum. 165
 Quoniam ibi mandauit Dominus benedictionem. 322
 133. Ecce nunc benedicite Dominum. 113. 371
 In noctibus extollite manus vestras in sancta. 371
 134. Omnia quæcumque voluit fecit. 48. 127
 135. Qui facit mirabilia magna solus. 48
 136. Hymnū cantate nobis. 519
 Quomodo cantabimus Canticum Domini. 520
 137. Confitebor tibi Domine in toto corde meo. 241
 Magnificasti super omne nomen sanctum tuum. 49
 In conspectu Angelorū psallam tibi. 41. 266
 Con-

INDEX LOCORVM

- Confiteatur tibi Domine omnes Reges terræ. 215
138. Quò ibi à spiritu tuo? 48
- Nimis honorificati sunt amici tui, Deus. 301
140. Dirigatur Domine oratio mea. 362. 448
- Domine clamaui ad te. 287
141. Voce mea ad Dominum clamaui. 285
- Me expectant iusti. 201
143. Benedictus Dominus Deus meus. 49
- Deus Canticum nouum cantabo tibi. 68
144. Miserationes eius super omnia opera eius. 49
- Regnum tuum, regnum omnium sæculorum. 48
145. Laudabo Dominum in vita mea. 16
146. Laudate Dominum, quoniam bonus est Psalmus. 29. 562
- Deo nostro sit iucunda decoraque laudatio. 562
148. Laudate Dominum de cælis. 14. 40. 344
- Ipsè dixit, & facta sunt. 127
- Reges terræ, &c. iuuenes & virgines. 213. 406
149. Cantate Domino Canticum nouum. 214
- Exultabunt Sancti in gloria. 118
150. Laudate eum secundum multitudinem magnitudinis eius. 16

EX LIB. PROVERB.

- Cap. 8. Veritatem meditabitur guttur meum. 116

- Ego diligentes me diligo. 385
26. Sicut ostium vertitur in cardine suo. 391
- Septem nequitie sunt in corde illius. 80

EX ECCLESIASTE.

- Cap. 1. Ad locum, vnde exeunt flumina. 71
3. Omnia tempus habent. 212
4. Custodi pedem tuum ingrediens domum Dei. 304

EX CANTICIS.

- Cap. 1. Osculetur me osculo oris sui. 276. 363
- Meliora sunt vbera tua vino. 364
- Pulchræ sunt genæ tuæ sicut turturis. 441
2. Ecce iste venit saliens in montibus. 163
- En ipse stat post parietem nostrum. 262
3. Sonet vox tua in auribus meis. 90. 287
3. Per noctes quæsiui. 368
- Inuenerunt me vigiles. 146
- Quæ est ista, quæ ascendit per desertum. 421
- En lectulum Salomonis sexaginta fortes ambiunt. 460
4. Absque eo quod intrinsecus latet. 15
- Eloquium tuum dulce. 100
- Vadam ad montem myrrhæ, & ad collem thuris. 419
- Fauus distillans labia tua. 59
5. Ego dormio, & cor meum vigilat. 83
- Caput meum plenum est rore. 181

Anima

SACRÆ SCRIPTURÆ.

- Anima mea liquefacta est. 186
 6. Vna est columba mea. 303
 Terribilis ut castrorum acies ordinata. 373
 7. Quid videbis in Sulamite. 42.
 140
 8. Ego muus, & verba mea sicut turris. 150
 12. Væ mihi, quia tacui. 305
 Ecce tetigit hoc labia tua. 311
 14. Confitebor tibi Domine. 348
 14. Sedebo in lateribus Aquilonis. 347
 26. Saluator ponetur in ea murus. 146
 Anima mea desideravit te in nocte. 368
 29. Appropinquat populus, iste ore suo. 240
 38. Sicut pullus hirundinis sic clamabo. 116
 Meditabor ut columba. 307
 Domine vim patior. 463
 Domine saluum me fac. 215
 43. Populum istum formaui mihi. 31
 48. Laude mea infrenabo te. 120
 51. Gaudium & lætitia inuenietur in ea. 113
 58. Adhuc te loquente dicam, Ecce adsum. 364
 61. Ego Dominus diligens iudicium. 477
 62. Super muros tuos Ierusalem constitui custodes. 146

EX SAPIENTIA.

- Cap. 11. Misereris omnium Domine. 188
 18. Cum quietum silentium contineret omnia. 376
 Proferens seruitutis suæ scutum orationem. 141
 19. In se enim elementa dum conuertuntur. 605

EX ECCLESIASTICO.

- Cap. 10. Et qualis est rector civitatis. 179
 15. Non est speciosa laus in ore peccatoris. 305
 19. Amictus corporis, & ritus dentium. 502
 22. Pungens oculum deducit lacrymas. 396
 39. Cor suum tradet ad vigilandum. 383
 43. Benedicentes Dominum, exaltate illum. 50
 47. In omni opere dedit confessionem. 241

EX ISAIA.

- Cap. 5. Væ qui confurgitis mane ad ebrietatem secundā. 390
 6. Vidi Dominum sedentem super excelsum solium. 258
 Clamabant alter ad alterum. 36. 37. 349. 563
 9. Non gloriatur sapiens in sapientia sua. 122

EX THRENIS.

- Cap. 1. Viderunt eam hostes. 452
 2. Deduc quasi torrentem lacrymas per diem & noctem. 182

Consurge,

INDEX LOCORVM

Confurge, lauda in nocte.
168.

3. Oculus meus deprædatus est
animam meam. 464.470

EX EZECHIELE.

- Cap. 24. Non plangetis, neque
fletibitis. 183
18. Eleuatum est cor tuum in de-
core tuo. 325
46. Cum autem fecerit Princeps
spontaneum holocaustum.
112

EX DANIELE.

- Cap. 1. Fuerunt ergo inter eos de
filiis Iuda. 328
3. Deus noster, quem colimus.
17
Benedicite omnia opera Do-
mini Domino. 14.344
4. Et ecce vigil & sanctus de cæ-
lo descendit. 372

EX OSEA.

- Cap. 4. Peccata populi mei com-
edent. 353
14. Omnem aufer iniquitatem,
accipe bonum. 190.278

EX IONA.

- Cap. 1. Immolauerunt hostias
Domino. 193
2. Orauit ad Dominum de ven-
tre piscis. 396
Ego autem in voce laudis im-
molabo tibi. 194

EX MATTHÆI EVANG.

- Cap. 5. Beati pauperes spiritu. 324
Vade prius reconciliari fratri
tuo. 320
6. Pater noster, qui es in cælis. 73

Dimitte nobis debita nostra.
191

Quærite primum regnum
Dei. 76

11. Confiteor tibi, Pater. 93
Iugum meum suauis est. 114
15. Hypocritæ, benè propheta-
uit de vobis Isaias. 240
O mulier, magna est fides
tua. 286
17. Resplenduit facies eius sicut
sol. 123
18. Dico vobis, quia si duo ex vo-
bis consenserint. 361
Vbi sunt duo vel tres congre-
gati in nomine meo. 362
21. Hosanna filio Dauid. 326.

- 404
22. Quomodo ergo Dauid in spi-
ritu vocat eum Dominum.
47
24. Vigilate ergo, & estote parati.
369
25. Media nocte clamor factus
est. ibid.
26. Non potuistis vna hora vigi-
lare mecum? 79
27. Deus meus, Deus meus, vt
quid dereliquisti me? 56.
200

Diuiserunt sibi vestimenta
mea. 57

28. Ecce ego vobiscum sum om-
nibus diebus. 24

EX D. MARCI.

- Cap. 6. Circa quartam vigiliam
noctis venit. 373
15. Deus meus, Deus meus, vt
quid dereliquisti me? 56.
200
Vide in quâtis te accusant. 177

EX

SACRÆ SCRIPTURÆ.

EX D. LVCÆ.

- Cap. 1.* Magnificat anima mea
Dominum. 278.343
2. Et pastores erant in regione
eadem vigilantes. 380
Et subito facta est cum Ange-
lo multitudo militiæ cæle-
stis. 38
Gloria in altissimis Deo. 38.
40.317.399
Nunc dimittis seruum tuum
Domine. 279
6. In illis diebus exiit in montem
orare. 427
Eadem mensura, qua mensi
fueritis, remetietur vobis.
207
7. Stas retro secus pedes eius. 361
Remittuntur tibi peccata. ibid.
8. Quis me tetigit? 283
9. Qui me erubuerit, hunc Fi-
lius hominis erubescet. 375
10. Maria optimam partem ele-
git. 88
11. Si oculus tuus fuerit simplex.
441
12. Si venerit in secunda vigilia.
373
Iesu fili David miserere mei.
286
15. Congratulamini mihi. 345
Dico vobis, gaudium erit in
cælo. 182
18. Oportet semper orare, & non
deficere. 82
Deus gratias ago tibi. 331
Deus propitius esto mihi pec-
catori. 397
24. Nonne cor nostrum ardens
erat. 545
Palpate, & videte. 178

EX D. IOANNIS.

- Cap. 9.* Scimus quia peccatores
non exaudit Deus. 191
12. Qui amat animam suam, per-
det eam. 290
13. In hoc cognoscent omnes
quia discipuli mei estis. 317
15. Maiorem hac dilectionem
nemo habet. 133
Ut adimpleatur sermo, qui in
lege eorum scriptus est. 115
16. Expedit vobis ut ego vadam.
108
17. Hæc est vita æterna. 122
20. Dominus meus, & Deus
meus. 66
Quia vidisti me Thoma, cre-
didisti. 177

EX ACTIS APOSTOL.

- Cap. 4.* Conuenerunt enim verè
in ciuitate ista. 56
Domine, tu es qui fecisti cæ-
lum, & terram. 366
7. Domine ne statuas illis hoc
peccatum. 561
9. Vas electionis est mihi. 307
13. Filius meus es tu, ego hodie
genui te. 55
16. Paulus & Silas orantes lau-
dabant Deum. 159

EX EPIST. AD ROM.

- Cap. 3.* Omnes peccauerunt, &
egent gloria Dei. 187
7. Non enim quod volo bonum,
hoc facio. 461
9. Non volentis, neque curren-
tis. 254
14. Is qui manducat, non man-
ducantem non spernat. 218

EX

INDEX LOCORVM

EX I. AD CORINTH.

- Cap. 4.* Non in hoc iustificatus sum. 311
 11. Caput Christi Deus. 63
 Si non velatur mulier, tondeatur. 264
 Ideò debet mulier potestatem habere supra caput. 263
 13. Si linguis hominum loquar & Angelorum. 349
 Maior autem horum est caritas. 211
 Caritas patiens est, benigna est. 224
 14. Nam si orem lingua, spiritus meus orat. 242. 252
 Orabo spiritu, orabo & mente. 242. 431
 Omnia honestè fiant. 238

EX II. AD CORINTH.

- Cap. 5.* Pro Christo legatione fungimur. 352
 6. In omnibus exhibeamus nosmetipsos sicut Dei ministros. 372. 577
 9. Non ex tristitia, aut ex necessitate. 295
 12. Non quæro quæ vestra sunt, sed vos. 232

AD GALATAS.

- Cap. 3.* Itaque lex pædagogus noster fuit in Christo. 270

AD EPHESIOS.

- Cap. 5.* Implemini Spiritu sancto. 7. 280. 450
 Loquentes vobismetipsis in Psalmis. 337. 522
 6. In omnibus sumentes sicutum fidei. 197

AD COLOSSENSES.

- Cap. 3.* In gratia cantantes in cordibus. 568

EX I. AD THESSALON.

- Cap. 4.* Præcipimus vobis, ut honestè ambuletis. 238
 5. In omnibus gratias agite. 69

EX I. AD TIMOTH.

- Cap. 1.* Regi sæculorum immortalis. 612
 2. Leuantes puras manus sine ira. 319
 5. Est infideli deterior. 83

EX II. AD TIMOTH.

- Cap. 1.* Quædam in honorem, quædam autem in contumeliâ. 307

AD HEBRÆOS.

- Cap. 1.* Filius meus es tu, ego hodie genui te. 55
 Cum iterum introducit primogenitum in orbem terræ. 39
 Omnes sunt administratorij spiritus. 269
 13. Offeramus hostiam laudis semper Deo. 190. 536

EX EPIST. D. IACOBI.

- Cap. 1.* Omne datum optimum, & omne donum perfectum, desursum est. 151. 594
 Si quis putat se religiosum esse. 490
 4. Petit, & non accipit. 431
 5. Multum valet deprecatio iusti assidua. 351

EX

SACRÆ SCRIPTURÆ.

EX I. D. PETRI.

Cap. 5. Aduersarius vester diabolus tamquam leo rugiens circuit. 197

EX EPIST. I. D. IOAN.

Cap. 4. Qui manet in caritate, in Deo manet. 575

EX APOCALYPSI.

Cap. 3. Vtinam frigidus esses, aut calidus. 546

4. Requiem non habebant die ac nocte. 37. 564

Sanctus, sanctus, sanctus, Do-

minus Deus omnipotens.

363

Dignus es Domine Deus noster accipere gloriam. ibid.

5. Habentes singuli citharas. 115

8. Et ascendit fumus incensorum. 268

12. Mulier amicta sole. 124

14. Sicut citharæ odorum citharizantium. 115. 407

Nemo poterat dicere Canticum. 407

Virgines enim sunt. ibid.

15. Habentes citharas Dei. 115

20. Apprehendit draconem, serpentem antiquum. 196



INDEX RERVM PRÆCIPVARVM.

A

ARONIS oratio scutum fuit
populi. 141

Acedia & senectutis similitudo. 141

143. omnes tentat acedia. *ibid.*

remedium à Deo. 144. pellitur

à Dei præsentia *ibid.* *Acedia*

signa. 149. *Acedia* comes som-

nolentia. 145. *Acediosorum* ope-

ra Deo inuisa. 146. *preces* sunt

cibus diaboli. *ibid.* *remedia* va-

ria. 150

Adamus primus Deo obtulit Sa-

cificia. 2

Ægypti Regum pietas ac munifi-

centia erga Sacerdotes. 154

Ægyptiorum reuerentia erga Io-

sephum. 401

Alexander Magnus coronas labo-

re partas præferebat heredita-

riis. 292

Alexandri Saulij annui secessus.

429. ad chorum frequen-

ia. *ibid.* 172.

Alleluia quid significet. 150

Amantis lingua percipitur à

Deo. 148. *Amatores* Dei ne-

queunt abstinere à choro. *ibid.*

Amor musicam docet. 141. *Amor*

Dei urget ad laudum frequen-

tiam. *ibid.* *Amor* emphaticus

D. Augustini in Deum 142.

item beata Virginis Deipara.

143. *Amoris* actus insignes eli-

ciuntur in cantu Psalmorum.

148. *Amoris* erga Deum indi-

cia. 147. Vide v. *Caritas.*

Amor sui impedimentum præbet

Spiritali. 190. nocet sanitati.

ibid.

Andrea Auellini feruor insignis

erga Hymnodia vsum. 152. ge-

nerositas quanta. *ibid.*

Angelorum reuerentia coram Deo.

159. *Angeli* dedignantur irre-

uerentibus mortalibus. 160

Hymnorum vsum hertantur.

18. semper vigilant. 172. vsi

sunt Hymnis. 16. sunt primi

cantores diuinarum laudum.

ibid. sine requie cantant. 17. de-

lectantur lacrymis pœnitent-

tium. 181. inuitantur primi à

Dauid ad opus laudum. 40.

cantant Regina cæli. 142. cum

hominibus psallentibus psal-

lunt. 41. vsi inter psallentes.

ibid. 168. diligunt concordēs

animo. 112. S. Francisca Ro-

mana familiares. 172. vsi ad-

stare Missa. 43. 165. cum diua

Magdalena psallunt. 81. con-

templationi actionem coniun-

gunt. 88. diligunt attentos ora-

tionis. 168. tempore precum ad-

uolant orantibus. 166. offerunt

preces nostras Deo. 167. scri-

bunt verba psallentium. 168.

padagogi animarum. 170. fer-

uidis adfunt. 192. *Angelorum*

societatem

INDEX RERVMI

- societatem in precibus postulat Ecclesia. 41. praesentia facile potest concipi. 263. nomen aliquando Sacerdotibus datur. 264. reuerentia in Ecclesia. 265. praesentia iuuat orantibus. 267. munia erga animas. 270. puritas nobis proponenda. 305
- Anglicani schismatis initium. 24
- Animi felicitas sita est in sui despicientia 399. & in cognitione Dei. 122
- Anna matris Samuelis sobrietat. 389. deuotio, & laudes. 277
- Annibalis Carthaginensis risus lepidus 184
- Antonij Pagnij modestia compositio. 470
- Antonij Patavini erga chorum mirus affectus. 19
- Antonius Maria Zacaria cum duobus sociis instituit Clericos Regulares S. Pauli. 43. Angelicas virgines dirigit 44. Societates pias laicorum cogit. ibid. vitam laudat contemplatiuam. 89.91. feruidus vir. 289. iram detestatur. 319. humilitatis encomia pradicat. 331. orationis studiosissimus. 420. deuotionis dotes declarat. 478. in discernendis spiritibus insignis. 501. risus causas detegit. 507. in mystica Theologia insignis. 109. vitam spiritualem collapsam restituit. 548
- Apostoli Hymnodia usum exercent. 5
- Apostolorum dilectio erga Christum nimis tenera. 108
- Apum vigilantia. 387
- Aquila Aprusij metropolis. 611
- Arbor Persica symbolum operantium ex corde. 240
- Attentio Davidis ad Psalmorum cantum. 241.447. interior est de praecepto. 244. ad mysteria humanitatis Christi est sufficiens. 244. virtualis est sufficiens. 253. perfecta est donum Dei. 254. est substantia diuini Officij. 255. exigit cordis & oris unionem 448. à Deo postulanda. ibid. similis fumo incensi. ibid. à diabolo exturbatur. 449
- Sine attentione preces sunt Deo inuisae. 242. à demone videntur. ibid. non sunt vera preces. 243. Attentionis gradus tres. 246. Attentionem quomodo possint habere idiotae. 247.413.
- Attentio perfecta sine euagatione nec omnibus conceditur. Sanctis. 251. perfectissima attentioni non est ponendus obex. 249. Attendendi propositum magis quam actualis attentio precipitur ab Ecclesia. 251. Attentionem habere debent orantes ex spontanea voluntate. 253
- Attente orantes diliguntur à Deo. 268 vide v. Euagationes, & v. Mentis euagationes.
- D. Augustinus ex Psalmis plures hauriebat pios affectus. 174
- Augustinus Torniellus insignis sacra Chronologia scriptor. 283 chori frequentiam semper sustinuit, & coluit. ibid.
- Anium volatus hilaris & cantus alacris nos homines excitat. 301. quium cantus ab amore. 341

B

B Arnabita unde dicti. 44. Vide v. Clerici Regulares sancti Pauli.

Basilius Angussola Auctorem incognitum in Psalmos reddit cognitum. 56

Beaati in patria Hymnorum usum tenent. 52. laudes vocales exercent. 53. Beatorum Hymni sunt eiusdem rationis cum Hymnis viatorum. 113. cithara usus frequens. 115

Bellorum incommoda grauissima. 135. cantu Psalmorum vincuntur. 136. Bella Hebraeorum à Deo confecta. ibid. In bellis usus Hymnorum à Moyse. 138. Bellorum Domini liber quis. 137

Benedictiones diuina super pios psallentes parata. 32

B. Benedictus Monachorum primus reparator in Italia. 35. chori celebrat Hymnodiam. ibid. appellat eam opus Dei. ibid. in suis alumnis silentium nocturnum voluit. 339. & deuotionem cum interiore tum exteriorem. 554

Beneficium magnum est electio ad diuinas frequentandas laudes. 33. Beneficiorum valida vis ad amorem. 129. Beneficiorum obliuio Deo odibilis. 68

Beneficium datur propter Officium. 243. 353. Beneficio priuandus qui Officium non recitat. 353. Beneficiarium obligatio stricta. 354

Blaspheemia est signum reprobationis. 116

D. Brunonis mira ad Religiosum statum conuersio. 205

C

Cæli suis motibus Deum pradicant. 605

Carimoniarum exteriorum religioſitas. 554

Caluinistica secta ortus. 24

Camaldulensium institutum. 422

Canonicorum Capitula viris constant egregiis. 211

Canticum Magnificat mira exundans deuotione. 278

Canticum Regina cæli lætare ab Angelis compositum. 142

Canticum Salue Regina à quo compositum. 297. huius Cantici suauitas. 298. Beata Virgini Deipara acceptum. 34. miris fauoribus cumulat. 366

Canticum Te Deum laudamus à quibus & quando compositum. 279. mira visione comprobatur. 417

Canticum Simeonis ex deuotione ortum. 279

Cantus Angelorum validus, & altus. 564. memoriâ iuuat. 121 validitas ex cordis oritur feruore. 563. inconditus vitandus in Templis. 567. Psalmorum reputatur graue tributum à quibusdam. 35. audientes allicit ad Ecclesiam. 338. alternus ab Angelis edoctus. 37. 360. utilitates. 335. non reprehendendus. 516. abusus fugiendi. ibid. theatricus animum emollit. ibid. vis in animi affectibus. ibid. seminarum vitandus. 517. ad populi acquirendum concursus reprehenditur. 519.

INDEX RERUM.

ob solam delectationem canendus. ibid. 521. gravis provocat lacrymas. 521. remissus varia gignit mala. 598. alterni proportio. 600. Cantantes profana sunt falsarij. 517. à Deo puniendi. 518. horum excusationes reijciuntur. ibid. mores observandi. 520. Cantantes vani à Deo puniri. 522. Cantantium conditiones quæ. 524. Cantu discebantur leges civiles. 120. Vide v. Musica.

Capitis inclinationes quanti faciendæ. 436

Capucini media surgunt nocte ad diuinum Officium. 382. quando instituti. 25. variis resplendent virtutibus. 582

Caritatis Dei erga homines mira visio. 65. dignitas insignis. 123. caritas Psalmorum cantu excitatur. 133. 575

Carmelita discalceati media surgunt nocte ad Hymnodiam. 382. annuos habent secessus. 424. à quo instituti. 302. 590

S. Caroli mira silentij observatio in diuinis Officiis. 492

Carolus à Basilica Petri insignis alumnus S. Caroli. ibid.

Carthusiani bona experiuntur solitudinis. 422. media nocte surgunt ad laudes Dei. 382. à quo instituti. 205. eremiticam agunt vitam. 227. habent seruidos viros. 435. 485. 549

Cenodoxia vitium quale. Vide v. Gloria humana.

Cervorum industria in fretis transandis. 360

Chori praefectorum magna obliga-

rio 596. eorum absentia multum damnosa. 597

Chori psallentium castra sunt Ecclesia. 42. 140

Chori dignitatem minuentes grauius errant. 568. 578. ethnicis deteriores. 173. à Deo puniuntur. 232. Chori venustas duabus nititur rebus. 598. Chori usus à precipuis Doctoribus maxima diligentia cultus. 571. 572. Chorum tardè ingredientibus pœna statuta. 589. Chori notio unde. 295. Chorus exigit animorum concordiam. 322. magna confert bona. 352. in Choris cantus Psalmorum facilius. ibid. egredientium è Choro culpa. 592

Christi Domini vita in Psalmis descripta. 55. nomen quando soli Filio Dei tribuatur in Scripturis. ibid. passio in Psalmis prænuntiata. 56. Ascensio prænuntiata à Davide. 57. praesentia in Eucharistia orantes excitat. 261

Christus Dominus dormiens orabat. 83. tentatus à diabolo Psalmorum auctoritate. 173

Ciborum nimietas vigilias impedit. 388. indigestio vigiliis contraria. ibid. fumus mentem obruit. ibid. repletio gignit multa mala. 390. cogitatio exturbat corda etiam religiosa. 458

Cicada Dei sunt humiles & seruentes. 285

Cithara usus familiaris Dauidi, & Beatis. 114

S. Clara virginis oratio fugat Sacerdos. 147

R r 3

Cleri-

Clericorum Regularium S. Pauli
 institutio. 25. munia. 41. vita
 mixta. *ibid.* chori frequentia.
ibid. 376. disciplina chori. 314.
 487. 491. 495. 505. 591. leges
 ad silentium in choro ab om-
 ni strepitu 495. studium erga
 morientes Fratres. 199. oratio
 mentalis bis in die. 230. vigilia
 matutina. 386. annuus secessus.
 424. studium ad attentionem.
 473. paupertatis gradus rigo-
 rosus. 587. cultus erga doxolo-
 giam. 555. labor erga infelices
 peste. 134. schola publica. 581.
 examen conscientia 539. bene-
 dictio ante cubitus tempus. *ibid.*
 exempla domestica perfectionis.
 96. 201. 282. 300. 380. 402.
 429. 470. 483. 492. 542. 572.
 silentium post benedictionem
 Pralati. 539
Cogitatio praesentia viri grauis a-
 nimum componit. 271. Cogita-
 tio omnis deponenda ante cho-
 ri ingressum. 458. quomodo in
 Deum colligenda. 459
Columba alas exepit David o-
 rans. 307. Columba conditiones
 apta orantibus. *ibid.* Columba
 perferunt literas collo alligatas.
 308
Congregationis de propaganda fi-
 de Officium. 25
Consolationes & delicia sancto-
 rum Ephraim, Francisci, Phi-
 lippi. 102. animi puritatem
 exigunt. *ibid.* nomine conuiuij
 describuntur. 103. cur non ab
 omnibus sentiantur. 105. non
 debent expeti tamquam finis.
 107. imperfectis conceduntur.

ibid. decipiunt multos. 108.
 praesertim gulae spirituales.
ibid. non sunt argumentum
 perfectionis. 109. possunt à Deo
 peti. *ibid.* Vide v. Delicia spiri-
 tuales.
Contemplatiua vita dignitas. 88.
 Contemplatio prouocat Psal-
 modiam, & hac fouet illam. 90.
 Contemplationis & actionis vi-
 ta mixta perfectior aliis. 88.
 Contemplatiuorum oculi. 91.
 Contemplatio ecstasim opera-
 tur. *ibid.* cuiuslibet hominum
 gradui apta. 92. simplicibus
 etiam & idiotis. 93. etiam mu-
 lieribus. *ibid.* Contemplatiui
 diligunt Psalmodia vsum. 95.
 Contemplationis & actionis
 gradus varij. 97. Contemplatio
 exigit animum à passionibus
 liberum. 92
Cor praecipue exigitur à Deo. 239.
 Cordis auditor est Deus. 241.
 Corda pendit Deus. 242. vim
 confert & vitam verbis. *ibid.*
 Cordis symbolum est Persica
 arbor. 240. exultatione ingre-
 diendum ad Hymnodiam. 299.
 iubilatio unde habenda. 300.
 puritas necessaria. 306. portio-
 nes dua. 346. irati damna. 314.
 Cor turbatum passionibus est
 sicut aqua turbata. 313. Corda
 mutat Deus. 312
Cosma Dossenij prudentia. 96. fre-
 quentia ad chorum. 97. solli-
 citudo ad vigilias nocturnas.
 376. reuerentia erga ritus sa-
 cros. 542
Cremona habet Moniales Angeli-
 cas. 44
 Culpa

Culpa in recitatione admissa satisfacienda in fine Officij, & quomodo. 194

D

Davidis votum circa Dei laudes. 16. docuit Lenitas Psalmorum cantum. 31. omnibus præstat Votibus. 46. nec fortunam nec casum admittit. 49. 151. 157. potius Euangelista quam Prophetæ, ob claritatem. 54. eius lingua calamus Spiritus sancti. 47. Davidis laudes insignes. 54. 57. præsens videtur fuisse Ascensioni Christi. 57. Gratiarum actionis studiosissimus David. 64. eius ardens votum psallendi in Templo. 95. oratione postulat consolationem restitutionem. 110. eius felicitates & privilegia ob psallendi studium. 117. Davidem resurrexisse cum Christo. ibid. quomodo euaserit à vita periculo. 152. spem numquam abiecit. ibid. Davidis fuga duodecim. 256. psallens coniungebat meditationem cantui. 474

Defectus Psalmodia etiam leues æstimandi. 432

Defuncti iuuantur Psalmorum cantu. 203

Dei cultus & inuocatio quando coeperit inter homines. 3. sublimitas nequit ab homine dignè laudari. 10. ineffabilitas. 11. cultus nihil leue cognoscit. 555. ineffabilitas cognita & asserta ab Ethnicis. 12. mira dignatio erga inclinantes ad Gloria Patri. 556. ineffabilitas quo artificio ostensa à Simonide. 13. ca-

ritas mira erga homines. 66. Verbum factus est homo tam pro uno quàm pro multis. 65. cognitio præstat omnibus diuitiis & bonis. 122. cognitio confert mortalibus beatitudinem. ibid. præsentis cogitatio familiaris Davidi. 255. Iudicis adspæctus in Psalmis describitur. 259. mina ad malos Sacerdotes. 358. præsentia acediam pellit. 544. mira prouidentia erga psallentes. 457

Delicta spirituales nequeunt explicari. 98. præstant ceteris mundi deliciis. ibid. miram possident vim. 99. vincunt dominandi cupiditatem. 100. animum absorbent. 101. Vide v. Consolationes.

Delictorum grauitas ex quibus augeatur capitis. 433

à Deo postulandum auxilium, ut dignè laudetur. 10

de Deo melius loquimur per negationes quàm per affirmationes. 12. à Deo omnia bona expectanda. 154. Deum diligentes frequentant Hymnodiam 120. ex Dei colloquio ardor & lumen. 123. Dei potentia 127. Pulchritudo. ibid. Sapientia. ibid. Imperium. 128. Æternitas. ibid. Deum ritè laudare difficile. 305. à Deo capienda exordia actionum. 387

Deuotionis spiritualis ratio. 553. Deuotio attentionem sequitur. 273. in quo consistat. 274. Deo grata. 275. à Deo postulanda. ibid. excitat ad laudes. 277.

Anna matris Samuelis deuotio
Rr 4 magna.

- magna. *ibid.* Deipara Virginis quanta. **278.** est medulla Sacrificiorum. **279.** à Spiritu sancto nascitur. **280.** Deuotionis acquirenda adiumenta. *ibid.* priscorum Christianorum quanta. **281.** Deuotiores frequentant chorum. **282.** Deuotiores debent esse Prælati. *ibid.* Deuotus psallit magno seruiore. **284.** Deuotionis effectus est iubilus. **294.**
- Deus in nube apparere solitus **333** maior est omni laude. **10.** **50.** silentio colitur. **11.** omnis fortuna auctor. **158.** colendus à nobis Spiritu & corpore. **560.** ubi adest, ibi *firmatur*. **145.** quibus rebus colendus. **29.** igne comprobabat priscorum Sacrificia. **34.** potius animum quam censum pendit. **343.** erga gratos liberalior. **70.** remunerator aduerbiorum non nominum. **238.** scrutator *cordium*. **171.** cur sit ore laudandus. *ibid.* enumerat gressus afflictorum. **256.** cognoscendus omnis boni origo. **335**
- Deus in adiutorium meum intende, &c. quare initium sit Horarum Canoniarum. **139.** multas complectitur virtutes. **168**
- Deus meus magna cum reuerentia usurpatur à sanctis viris. **101.** est nomen delicia. *ibid.*
- Diabolus odit psalmodia usū **162.** torquetur acius ex inuidia quam ex igne. *ibid.* variis artibus studet à chori usu auertere. **166.** **588.** extrahit è choro psallentes. **167.** quo versiculo iugabatur à D. Antonio. **169.**
- à Moniali pulsus. *ibid.* decipit quosdam usu Psalmorum superstitioso. **161.** usurpat Psalmos ad tentandum. **173.** implet saccum verbis malè prolatis in choro. **479.** morientibus adstat. **195.** ligatus habet vires. *ibid.* cur permittatur tentare iustos sub mortem. **196.** purgat iustos suis tentationibus. *ibid.* ab actibus fidei vincitur. **197.** eius tentationes quomodo superanda. **198.** eius visionem habuit Christus Dominus in cruce. **199.** studet chori ingressum retardare, & egressum sollicitare. **589.** adstat orantibus, & verba describit. **273**
- Dispositio cordis ad psallendum exoranda à Deo. **61**
- Distributionum lucrum vergitur aliquibus in *damnum*. **479.** amissio quibus accidat. **523.** quotidianarum finis & usus relictus. **602**
- Diuina presentia cogitatio confortat lobum. **257.** quod modis possit *concipi*. **258.** *seruorem* tribuit oranti. *ibid.* *timorem* gignit. **252**
- Diuini cultus imminutio graue delictum. **603**
- Diuino auxilio omnes egent. **169**
- S. Dominici *visio*. **588.** alumni p̄i varias in choro à Deo recipiunt gratias. **34.** **366.** sustinent Ecclesiam. **148.** **581**
- Doxologia quanta sint utilitates. **393.** Vide v. Gloria Patri, & Filio, &c.

E

Ecclēsia est mulier sole amicta
visa à Ioanne. 124. more mi-
litiarum excubat ad animarum
utilita: em. 373. sustinetur à re-
ligiosis Ordinibus. 148

Ecclesia redditur venustior ex ri-
tuum unitate. 334. & ex va-
rietate. 233

Ecclesia preces liberant Petrum
Apostolum à carcere. 364. sem-
per Deo sunt accepta, licet mi-
nister sit in peccato. 445. be-
nignitas temperauit temporum
rigorem in diuinorum recita-
tione. 319

Ecclesiasticorum obligatio magna
ad opus Psalmodie. 606. Eccle-
siastici sunt à Deo electi ad suas
laudes sustinendas in terris. 31

Elementa Deum sine voce lau-
dant. 609

Elisus sustinebat regnum Israël.
148

Enos promouit cultum Diuinum. 4.
S. Ephram miras sentiebat Spiri-
tus delicias. 102

Epieikeia quid sit. 315. à scrup-
lous adhibenda. ibid.

Episcoporum grauis obligatio. 482.
erga temporum prescriptorum
observationem. 340. circa for-
mam diuini Officii. 332. circa
muscos cantus. 324. circa pro-
muntiationem. 482

Escorialis fabrica insignis. 217

Euagationes inuoluntaria à San-
ctis expiantur. 395. voluntaria
Angelos contristant. 269. non
satisfaciunt obligationi recita-
tionis. 450. ridentur à diabo-
lo 451. Deo iniurirosa. 452. à

Deo puniuntur. 453. & seq. à
sollicitudine anxia rerum tem-
poralium fouentur. 456. à San-
ctis deflentur. 462. fouentur ab
oculorum vagatione. 464. in-
uoluntaria non auferunt meri-
tum. 455. Vide v. Attentio, &
v. Mentis euagationes.

Exemplum Pralatorum & Supe-
riorum magnam possides vim.
179. 282

F

Felicitas animi non in diuitiis,
nec scientiis, sed in Dei veri
cognitione. 122. & in sui despi-
cientia est sita. 399

Feminarum catus exitiosus, &
fugiendus. 317

Feruētibus adstant Angeli. 292.
à feruidis fugiunt demones.
ibid.

Feruor psallentium gratus Deo.
284. feruidi orantes sunt cic-
da Dei. 285. Feruor Chananaea
mulieris. ibid. Feruore vocis
delectatur Deus. 286. Feruor
mentalis orationis quanta vir-
tutis. 288. ex magnitudine fer-
uoris animi magnitudo pendi-
tur. ibid.

Fidei tentationes quomodo super-
randa. 198. actus magnam ha-
bent vim contra diabolum. 197

S. Francisca Romana Angelorum
seruitus. 272

S. Francisci de Paula solitudinis
amor. 428

S. Francisci Xauerij consolationes
mira. 102. Iaponia Apostolus.
383

S. Franciscus visus est sustinere
Dei Ecclesiam. 149. moriens

cantat,

cantat. 201. huius sancti viri
alumni tuentur chori dignita-
tem. 149. 582

G

Genuflexiones observanda à
psallentibus. 397

Gloria Patri, & Filio, &c. magna
promuntiandum reuerentia. ibid.
non inclinantes ad Gloria Pa-
tri, &c. seuerè puniuntur. 556.
quantas afferat utilitates hic
versiculus deuotè recitatus. 398
supplet multos defectus psallen-
tium. 399

Gloria Deo debita aliquando ab
homine usurpatur. 400

Gloria humana moròs est com-
munis. 398. non reperitur in
peccatoribus, nisi in reprobis.
399. quo remedio vincenda.
ibid.

Gratia maior, nisi prosit ad salu-
tem, maiores exigit pœnas. 358

Gratia agendæ Deo post diuinum
expletum Officium. 593

Gratia diuina necessitas in Psal-
mis predicatur. 49

Gratiarum actio expletur usu
Psalmorum. 63. 69. Gratia-
rum actionis studiosissimus Da-
uid. 64. Gratiarum actio tam
in prosperis quàm in aduersis
adhibenda. 69. in aduersis est
propria Christianorum. ibid.
disponit ad gratias maiores re-
cipiendas à Deo. 70. est tuba
pulsans Dei aures. 72

Gratitudinis necessitas. 62. gratus
animus beneficia communia re-
putat sibi propria. 65

Gratitate laudatur Deus. 503

H

Heretici insulsè reprehendunt
Sanctimonialium Psalmos.
403. 405

Hebraorum nomen gentibus terri-
ficum. 137. Hebrai incedebant
per desertum more castrorum
instructi. 138

S. Hedvigis erga pias imagines
deuotio. 472. quomodo reper-
ta post multos annos sepultura.
473

Hieronymi Boëtij cantus Psalmo-
rum pius sub mortem. 201

Hieronymianorum cantus deuo-
tus. 217

Homines omnes laudibus Dei sunt
apti. xvj

Hominis creatio precipuè ad Deū
laudandum. 30. opera ex fine
desumunt conditionem. 443.

Humana res obnoxia mutatio-
ni. 1. Hominis dignitas illustra-
tur ex usu Psalmodie. 606.

Homo tenetur Deum laudibus
colere. 605

Hora qualibet dici, exercetur usus
Hymnodie. xvj. 536

Hora Canonica quare septem. 80.
ab aliquibus recensentur octo.

81. Horas Canonicas recitans
Angelicum D. Magdalena. 82.
unde dicta Hora Canonica. 85.
sunt septem mystici Ecclesia
Planeta. 124. Initium Hora-
rum Canonicarum cur à Deus
in adiutorium. 139. dignitas &
sanctitas quanta. 526

Horarum & Psalmorum ordo ser-
uandus in recitatione Officij.
527. observatio est utilis. 536.

Hora tertia dicitur aurea, &
sacra.

facra. § 37. hac hora descendis Spiritus sanctus super Ecclesiam. ibid. Vide v. Recitantes.

Humilitas vim confert precibus.

§ 23. Humiles sunt veri cantores diuinarum laudum. § 24.

Humilitas in Angelis bonis resplendet. § 26. Humilium laudes praeferenda laudibus Angelorum. ibid. Humilitatis cum infantia similitudo. § 27. Humilitas parit contemptum sui. ibid. Humiles de se loquuntur demisse. § 28. Humilitas Danielis quanta. ibid. Davidis magna. § 29. Deo omnia refert. ibid. Humilis nihil sibi tribuit. ibid. Humilitas est diuinarum gratiarum receptaculum. § 30. Humilis peccator iustificatur. § 31. passiones relictæ ad humilitatis exercitium. § 301

D. Hyacinthi Poloni mors egregia. 608

Hymnodia in omni loco est in usu. xv. Hymnus significat laudem Dei. xxj. Hymnus & Psalmus synonyma sunt. xxij. Hymnodia usus sensim excreuit cum tempore. 4. nulla egregia facinora impetrat. § 69 § 80. & seq. est necessarius ad Dei cultum externum. 7. 12. 349. miraculo approbatur à Deo. 19. tempore Davidis floruit. 5. Hymnos cecinit Christus Dominus cum Apostolis ibid. Hymnus à Christo Domino dictus post cenam quis. 6. Hymnorum usus praefertur Sacrificiis 27. Vide v. Psalmodia, & v. Laudes.

I

Iacob Patriarcha quando beneficium augebatur, maiorem spondebat sanctitatem. 67. in duabus uxoribus suis utrumque vita genus symbolicè offert. 88

Idiotæ mens quomodo, queat ad Deum attendere. 247. orationes sunt eiusdem valoris cum orationibus doctiorum. 250.

411

Iericho destruitur plurium unitorum clamore. 365

Iesuita. Vide v. Societas IESU.

S. Ignatius à scrupulis vexatur & sanatur. § 13

Imaginum piarum intuitus utilis. 471. usus exemplaris. 471.

Imago B. Virginis Deipara sanat infirmos. ibid.

Impij cur à Deo permittantur vivere. 355

Improbiorum dicta sunt nullius auctoritatis apud viros graues. 302

Indulgentia concessa recitantibus Officium. 471. 594

Infirmittates quorundam potius imaginariae sunt quam verae. 391. diaboli astutia excitata. ibid. infirmiores sunt, qui valetudini maxima diligentia student. 290

Ingenij acumen absque voluntatis ardore nullius est apud Deum meriti. 347

Ingratitudinis turpitudine. 62. omnium vitiorum pessima. 68. Deo odiosa. ibid.

Ingressus ad diuinas laudes qualis esse debeat. 299. 588

Initij

Initiij qualitas bona progressum promittit feliciorum. § 88. *Initiij qualitas declarat progressum.* 303
Integritas diuini Officij violatur occasione musicorum cantuum. 525
Intentio psallentiū qualis esse debet. 439. *virtualis qua.* 440. *implicita qualis.* ibid. *est humani cordis oculus.* 441. *bona vitatur ex malo sine superueniente.* 442. *ex quibus dignoscatur indicia.* 444. *Intentionis & attentionis discrimen.* 447
Inuidia magis urit quā inferni ignis. 163
Iob Hymnis Deum coluit. 28
Ira passio nocet animo. 313. *à dæmone excitatur.* ibid. *Irati cordis damna.* 314. *Iracundorum preces & Sacrificia respuuntur à Deo.* 318. *Ira impedit orationis fructum.* 319. *ante orationem deponenda.* 320. *à choro excludenda.* 322. *Irati nec Deum benedicunt, nec à Deo benedicuntur.* 323
Iubilatio cantus ex fervore oritur cordis. 294. *est vestis nuptialis.* 295. *cordis unde habenda.* 300. *Saculi iubilatio fugienda.* 299.
Iuliani Apostata studium. 172. 393. 409
Ius accrescendi quid. 602
Iusti ex affectu vocant Deum iuum, non Deum nostrum. 66. *cognoscuntur ex gratitudine.* 64. *post beneficia erumpunt in gratiarum actionem.* 67. *sunt fulcrum & columna populo-*

rum. 148. *cur permittantur tentari à diabolo.* 196. *Iusti hominis signa sunt laudes frequentes.* 115. *Iustorum preces gratae sunt Deo.* 351. *sustinent impios.* 356. *Iusti impiorum facultatibus viuunt.* ibid.

L

L *Acedemonij oderant improbitatem in suis ciuibus & Senatoribus.* 309
Lacrymarum exemplum quanta vis. 180. *effusio quanta in Dauid.* ibid. *merita apud Deum.* 181. *Lacrymae sunt gemmae Dei.* ibid. *vim habent vocis.* 182. *Angelis acceptae.* ibid. *compunctionis nequeunt haberi ab omnibus.* 184. *extinguunt ignem Purgatorij.* ibid. *faciles sunt ob damna temporalia.* ibid. *diligentium Deum dulces.* 185. *Iuliani Anachoreta quanta.* ibid. *amulantur martyrij meritum.* 186
Lacrymatur diuus Augustinus in Psalmis. 183. *lacrymis peccata non flere, indicium est reprobationis.* ibid.
Latina lingua dignior ceteris. xxvj *aptior Ecclesiastica materia.* ibid.
Laudes diuinae semper Deo gratae. xviii. *in ipso mundi ortu usurpatae.* 2. *ab homine exiguntur.* 13. *à creaturis inanimis exercentur.* 14. 605. *Laudum diuinarum studiosi sunt qui Deum cognoscunt.* 16. *Laudandus Deus etiam in aduersis.* 17. *à laudibus Dei non cessandum, quamuis non exaudiamur.* ibid.

Laudum

Laudum diuinarum frequentia est signum predestinationis **116**
Vide v. Hymnus, & v. Psalmodia.
Laurentij Suri frequentia ad chorum. **217**
Loci sanctitas vim auget precibus. **364**
Loquacitatis in choro error grauis **493.** *compescitur Dei presentis cogitatione.* **494**
Ludouici Gonzaga mira attentionis gratia in oratione. **462**
Ludouici Merlini mira compositio in choro. **402**
D. Ludouicus Rex Francorum frequens Hymnodia. **175.** *ex Psalmis hauriebat pios affectus.* *ibid.*
Lutherana secta initium, & progressus. **23**

M

M *Ansuetudo mira Davidis.* **315.** *Manfuetorum eratio efficax* **316.** *merita preclara.* **317.** *Manfuetudo est nota discipulatus Christi.* *ibid.* *Manfuetudinis perfectio in quo sita.* *ibid.*
S. Maria Virgo Dei genitrix psallentibus propitia. **34.** *Vide v. B. Virgo Deipara.*
D. Maria Magdalena bis effudit unguentum. **63.** *vnà cum Angelis Canonicis explet Horas.* **82.** *mira reuerentia ad Christum accedit.* **561**
Matutinum tempus contemplationi opportunum. **383.** *Preces matutina Deum sibi conciliant.* **384**
Mediolanensis Ecclesia ritus ad si-

lentij custodiam. **497**
Mentis euagatio voluntaria tollit orationis substantiam. **247.** *inuolutaria sunt immunes à culpa.* **252.** *impediunt consolationes spirituales* *ibid.* *Mente alieni à Deo iram sibi prouocant diuinam.* **261.** *Vide v. Euagationes.*
Mercies non datur sine labore. **602**
Merita Christi Domini faciliè conceduntur exposcentibus. **595**
Meteora respiciunt Sancti, ut ad Deum auctorem ascendant. **150**
Militares vigilia quatuor. **373.** *observantur ab Ecclesia.* **374**
Minerva scutum à Phidia exsculptum. **47**
Minimorum institutio à S. Francisco de Paula. **418**
Misericordia gloriatur Deus. **187.** *Misericordia diuina beneficia in peccatores.* **188.** *Misericordia predicatur & celebratur in Psalmis.* *ibid.* *prauales ira diuina.* **189.** *in inferno etiam elucet.* *ibid.* *obtinetur Psalmorum* **vsu.** **590.** *Misericordia diuina effectus insignis super psallentes.* **192**
Mixta vita sublimitas & excellentia. **88**
Modestia est à Spiritu sancto. **502**
Moniales Angelica Hymnodiam exercent. **44.** *Monialium vsus Psalmorum* **Latinorum** **pius.** **94** *demonibus odiosus.* **403.** *gratissimus Deo.* *ibid.* **406.** *defenditur à calumniis hæreticorum.* **405.** *à sanctis Patribus probatur.* **407.** *à B. Virgine Deipara comprobatur, & exercetur.* **408.**

mira

mira visione approbatur. 417.
Moniales puella tuentur ciui-
rates. 148. *diabolum contristat*
Psalmodum vsus. 168. *Monia-*
lis incaute diabolum vocantis
mirus euentus. 169. *Moniales*
voluntarie euagantes in diui-
no Officio peste puniuntur. 454
Mortificatione adiunatur oratio-
nis studium. 419. *preparatur*
cor ad Dei visitationes. 420.
plurima acquiruntur bona. 424.
frenari possunt oculorum intui-
tus. 466
Mortis tempore diaboli insidia fre-
quentiores. 198. *quomodo cum*
diabolo pugnandum. *ibid.* *fre-*
quentiantur verba, qua sani
proferunt frequentiora. 202.
post mortem auditi psallere.
 119. 202. 641
Mortuis prodest Psalmodia. 203
Moyſis tempore canebantur Hym-
ni ſolemni ritu alternis cho-
ris. 4. *Moyſes primus vsus eſt*
Hymnis, ad hoſtes vincendos.
 138. *Moyſis ſeceſſus ad montis*
ſolitudinem. 426. *ſplendor ex*
conſortio Dei. 123
Mulieres in Eccleſia velum geſta-
re debent. 263
Muſicus concentus in Templis pius
eſt & vtilis. 332. *à Deo com-*
probatur. *ibid.* *Muſicus erat*
Dauid. 333. *Muſica vis.* 335.
labores lenit. *ibid.* *duſticiem*
emollit. 336. *Muſica profana*
exitioſa. *ibid.* *Muſica miri ef-*
fectus in animo. 338. *expellit*
diabolum. 339. *lacrymas ciet.*
ibid. *ab Angelis adhibita.* 340.
ab amore docetur. 341. *ab au-*

bus exercetur. *ibid.* *natis am-*
rem. 346. *Vide v. Canens.*

Mysteria fidei in Psalmis continen-
tur. 54. *humanitatis Chriſti*
faciliora ſunt ad concipiendum.
 248. *mentem ad diuinitatem*
elevant. *ibid.* *cuiuslibet Hora Ca-*
nonica assignata. 254. *à Deo*
peracta nocturno tempore. 375

N

Nemo dominus ſuorum mem-
brorum. 466

Nocturnum tempus orationi apri-
ſimum. 368. *Nocturna preces*
Deo gratiores. *ibid.* 377. *No-*
cturnis vigiliis priſci Chriſtiani
frequentes. 369. 378. *Noctur-*
narum vigiliarum hoſtes hereti-
ci. 370. *cuſtodes Regulares.* *ibid.*
Nocturna preces ſeparatim ex-
plebantur in antiqua Eccleſia.
 374. *à D. Monica frequen-*
ta. 578. *Nocturnarum vigilia-*
rum obſeruatoſ ſollicitus Da-
uid. 375. *Nocturnis precibus de-*
lectatur Deus. *ibid.* *Nocturnis*
horis varia peracta myſteria.
ibid. *Nocturna vigilia quan-*
ta diligentia obſeruanda. 376.
Nocturnarum vigiliarum me-
rita. 377. *ſtudioſi variis à Deo*
dignantur benedictionibus. 381
ad Nocturnas vigilias pigri a-
mittunt Angelicas benedictio-
nes. *ibid.*

Noë primus digeſſit viſes in mo-
dum vineæ. 4. *grati animi Sa-*
criſcium offert. 71. *maioribus*
cumulatur beneficiis. *ibid.*
S. Norberti amor ſolitudinis. 428
Novitiorum tentationes quo re-
medio curanda. 506. *frequen-*
tior

tior tentatio est risus. *ibid.* No-
uitiorum videntium passio quo-
modo curata. **307**

Nunc dimittis seruum, &c. Vide
v. Canticum.

O

Oculorum aspectus liber eua-
gationes *sonet*. **464.** obiecta
animum implent vanitatibus.
465. Oculi ad scientiarum ac-
quisitionem *dati*. **466.** mortifi-
cationis studio frenantur. *ibid.*
Oculorum aspectum sequuntur
cogitationes. **467.** custodia stu-
dent contemplatiui. *ibid.* curio-
sitate vana excusatio. *ibid.*
damna. **468.** cecitas aliquan-
do utilior visu. *ibid.* demissio
& collectio gravitatem sustinet
cordis. **505.** curiositas arcenda
remediis. **470.** Oculis clausis
psallere utile. **473**

Officium divinum studiosè reci-
tandum. **528.** sine syncope. *ibid.*
Omissiones in divino Officio sup-
plenda opportuno tempore. **529.**
ipsius Officii causa occurrentes
an supplenda. **530.** interrupcio-
nes vitanda. *ibid.* Officium di-
vinum non omittendū ob Prin-
cipum *negotia*. **531.** Officii com-
mutatio illicita. **532.** Vide v.
Hora Canonica.

Operis bonitas attenditur ex con-
ditionibus. **236.** modus praci-
pue à Deo expenditur. **237.** in
circumstantiis magna vis. **238**

Opus Dei praferendum ceteris ne-
gotiis. **531.** In operibus Dei nul-
lum erratum reputandum est
leue. **432**

Oratio à laudibus exordienda. **73.**

aliquando sine praludiis. *ibid.*
quedam ab Angelis tradita ad
Deum placandum. **74.** petere
debet primò spiritualia **76.** Da-
vidis petebat benedictiones. *ibid.*
petere potest temporalia. **77.** et-
iam naturalia. *ibid.* Orationis
septenarius numerus magnis or-
natur mysteriis. **80.** Orationis
vocalis merita & valor apud
Deum. **78.** quomodo possit esse si-
ne intermissione. **82.** **84.** Orabat
Christus Dominus etiam dor-
miens. **83.** Orationis vicissitudo
attentionem adiuuat. **85.** Ora-
tiones iaculatoria ex Psalmis
eruta. **87.** Orationis magister
David. *ibid.* In oratione potius
ad Deum quàm ad sensum ver-
borum attendere praestat. **94.**
Oratio piorum iram Dei avertit.
140. est scutum populorum.
141. pestilentiam fugat. *ibid.*
Orationes impedit Deus puni-
turus populos. **143.** Orationis
usus à politicis non aestimatur.
148. Orare an debeant pecca-
tores. **190.** Ab Ecclesia oratio-
nes ordinata maiorem habent
vim. **192.** Orationis victima
etiam à naufragantibus potest
offerri. **194.** est mentis elevatio
in Deum. **247.** tam docti quàm
idiota est eiusdem meriti apud
Deum. **250.** Orationes ex sola
pietate possunt sine attentione
recitari. **253.** Orantes debent
excludere etiam bonas cogita-
tiones. **260.** Oratio ante divi-
num Officium **311.** unita plu-
rium orantium vim possidet
maiores. **364.** cogit Deum. **365.**

non

- non respicitur à Deo. [363](#). Orantis spiritus inuatur à corporis motibus. [392](#). Orationes priuata nec loco, nec tempori, nec modo subduntur. [395](#). In oratione possunt peti bona male. [432](#). Oratio est quadam animi dormitio. [460](#). Voluntaria orationes omittenda pro debitis. [477](#). Quales orantes volumus inueniri, tales esse oportet ante orationem. [504](#). Oratio publica legibus loci, temporis, gestus & verborum subditur. [326](#). apta post Officium. [595](#)
- Ordo in actionibus est magni ponderis. [584](#)
- Ositantia dedecet psallentes. [547](#)
- Otium negotiosum in solitudine habetur. [425](#). Otij osiores chori usum tuentur. [586](#)
- P
- Passiones inordinata impediunt dona Spiritus sancti. [313](#). sunt nubes animi. [312](#). ira obnubilant animum. [313](#). reliqua, ad humilitatis exercitium. [501](#)
- Peccatores an debeant orare. [190](#). an orantes exaudiantur. [191](#). Peccatorum laudes Deo ingrata. [309](#)
- Perfectio animi in quibus rebus fita. [109](#). non est dimittenda ex deuotione sensibili. [108](#). Perfectorum virtutes ab Angelis suscipiuntur. [421](#)
- Pestis sublata precibus. [142](#). Pestis sanissima Insubria. [134](#). Pesto sublata Moniales indennata. [454](#)
- B. Petri Damiani mira mutatio ad Psalmorum suauitatem degustandam. [61](#)
- Petri Maria Sessa mira alacritas ad Psalmodiam. [300](#)
- S. Philippi Neri delicia spiritalis. [102](#). ad Psalmodiam audiendam frequentia. [176](#). alius ad sanctitatem promouit. [177](#)
- Philosophi mira ad fidem conuersio. [21](#)
- Pœnas culparum subeunt libenter perfectionis studiosi. [499](#). pœna grauis ob turbatum silentium. [498](#)
- Politici precum vim non astimant. [148](#). casui & fortuna ascribunt euentus. [157](#)
- Populorum incolumitas ex piorum precibus pendet. [150](#)
- Pralatorum & Principum exempla magnam habent vim. [179](#). [282](#). obligationes. Vide [v. Episcopi](#).
- Pramonstratensium origo. [428](#)
- Preces adhibenda ante diuinum Officium. [311](#)
- Principum nuntij aptiores ob eloquentiam. [352](#)
- Psallentium iustorum meritum. [564](#). voce impediti lucrantur stipendia. [567](#). prouidere debent qua dicturi sunt in choro. [591](#). debent Angelorum imitari puritatem. [40](#). Angeli sunt mortales. [42](#). frividi sunt mystica cicada [285](#). inuiti primantur gustu. [61](#). Ex officio psallentes impetrant uti Ecclesia ministri. [310](#). munere funguntur Legatorum. [352](#). cur dicantur nomine Ecclesia orare. [455](#). Psal-

INDEX RERVM.

Pfallentium error, quando sanctitati non student. 354. *Plurimum pfallentium concordia Deo gratior.* 361. *compositio quantae esse debeat.* 402. *mors pretiosa.* 611. *Pfallendi usus stans horis numquam à Davide remissus.* 96

Psalmi offerunt Dei laudes perfectas. 50. *in patria à Beatis usurpandi.* 52. *sunt compendium Scripturarum.* 53. *confirmant fidei dogmata.* 54. *conferunt animæ lumen & gustum.* 58. 172. *sunt novi ob novitatem affectuum.* 59. *aliquando incipiunt ex abrupto.* 73. *orationem docent.* 86. *orationes præbent iaculatorias.* 87. *sunt thesaurorum fodina.* 124. *pestem avertunt.* 141. *tempore persecutionum apti.* 143. *amissi in captivitate.* 153. *non ponuntur iuxta seriem rerum gestarum.* ibid. *cantati à Paulo & Sila vincula absoluunt.* 159. *pro sunt in necessitatibus.* 160. *sunt Cantica amantium Deum.* 133. *Psalmorum cantus præstat simplici recitationi.* 570. 575. *dæmonibus displicent.* 162

Psalmodia usus laboriosus est. 563 *torquet dæmones.* 162. *carus Deo.* 562. *perfectiōis est instrumentum.* 575. *omnes virtutum actus exercet.* ibid. *est torcular divini amoris.* 124. *studiosi altiorē gloriæ gradum obtinent.* 116. *Psalmodia usu cessante res mortalium periclitarentur.* 143

Psalmorum liber lex appellatur.

115. *Psalmi sunt divini Officij maior pars.* 22. *Psalmus & Hymnus sunt synonyma.* 22. *Psalmorum materia, forma, & finis.* 22. *auctor David.* 5. *numerus.* 46. *origo à Deo.* ibid. *materia sunt divina perfectiōnes.* 48. *sanctitas & puritas.* 52. *gustus excedit omnem gustum tum Poëtarum tum Philosophorum.* 61. *usus aliquando superstitiosus.* 160. *verba multos ad Monasterium traxerunt.* 165. *quadam verba dæmonibus terrifica.* 168. 169. *forma est metrica.* 171. *Sacrificium est omnibus facile.* 193. *vis Ecclesiam sustinet.* 194. *divinum furorem impedit.* ibid.

Psalterij decem chordarum præclara allegoria. 58

Puerorum institutio in Monasteriis. 118

Pulchritudinis vis quanta. 128

Punctatore absente à choro alius suffici debet. 604

Punctatorum obligationes, defectus, & pœna. 601

R

Anarum silentium ad Sacerdotis præceptum. 498

Raptus in contemplatione si verba Psalmorum non proferret, non satisfaceret præcepto Officij divini. 249

Recitantis conditio obligationem potest augere. 527. *Recitantes ex libro curiositatem vitant.* 470. *Celeres recitantes fures sunt sacrilegi.* 476. *severè à Deo plebendi.* 477. 481. *carent devotione.* 478. *damna subeunt spiritualia.*

- ritualia.* 479. implent *sacrum*
diaboli. *ibid.*
Redditus Ecclesiastici instituti
sunt, ut diuina obeantur Of-
ficia. 352
Regina cæli lætare, &c. quando
primum auditum. Vide v. Can-
ticum.
Regnorum firmitas non à diuitiis
aut militibus, sed à Deo. 144
Religiones chori studiosa celebra-
ra Ecclesia ingenia & lumina
clariora pepererunt. 132. 581
Religiosi sunt custodes urbium.
146. Ecclesiam sustinent. 148.
194. feruidi lac & oleum à
Deo recipiunt. 105. tempore ca-
lamitatum ad Deum confu-
giunt. 149. frequentiori tenen-
tur orationi. 156. negligentio-
res grauiori puniuntur pœna.
357. offerunt diei initium Deo.
387. aliquando detinentur ab
imaginary infirmitate, ne sur-
gant ad vigilias. 391. maiori
tenentur obligatione ad sancti-
tatem. 355. Domum Dei inha-
bitant ex priuilegio. 607. au-
diuntur psallere post mortem.
611
Restitutionis onus non dimittitur,
nisi cum effectu expleatur. 566
Reuerentia Christi Domini oran-
tis. 561. Reuerentia est medul-
la Officij diuini. 554. ad Gloria
Patris, & Filio, &c. debet esse
prompta. 555. Ethnicorum in
Templis & cultu Deorū quan-
ta. 559. Reuerentia Angelo-
rum coram Deo. *ibid.*
Risus reuerentia & compositioni
Ecclesia debita contrarius. 500.
permittitur aliquando ad uti-
litatem. *ibid.* aliquando à da-
mone. 506. maxima afficit ve-
hementia. 501. est effectus car-
nis. *ibid.* est passio Nouitiorum.
506. Risus unius plurimorum
risum prouocat. 503. In riden-
tes ultio seuera Dei. 504
Risus Annibalis Carthaginensis
lepidus. 184
Rituum reuerentia apud studio-
fiores. 541. Ritus minores
observandi. 433. *Rituum negli-*
gentia à Deo puniuntur. 436.
origo, & vis quanta. 391. ob-
servatio à sanctis viris aestima-
ta. 438. quanti sit momenti.
599. Rituum uniformitas quan-
ti facienda. 600. Rituum om-
nium non potest assignari cau-
sa. XXV.

S

- Sacerdotes idololatra laicorum*
redditibus sustentabantur.
353. apud omnes nationes im-
munitate gaudebant tributo-
rum. *ibid.* mali à Deo punien-
di. 358
Sacra Scriptura plures continet
sensus literales. 55. magnam
possidet vim. 59. à mundis corde
intelligitur. 313
Sacrificia antiquorum comproba-
bat Deus ignis signo. 34. Sacri-
ficia Deo oblata sunt primum
ab Adamo. 2. cur sileantur à
sacra Scriptura. 3
Salve Regina quādo compositum.
Vide v. Canticum.
Scipionis Africani præclara sen-
tentia de solitudinis bono. 425
Scrupuli ad maiorem animi san-
ctitatem

- Elitatem aliquando dati.* [507.](#)
Scrupulus est animi anxietas ex leuibus orta [causis.508.](#) *est plurimorum malorum origo.* *ibid.* *cum conscientia unitur erronea.* [509.](#) *Scrupulus gignit scrupulum.* *ibid.*
Scrupulorum initiis pugnandum. [510.](#) *Scrupulorum iudicium perturbatum* *ibid.* *misera istorum conditio.* [511.](#) *Scrupuli vires debilitant corporis.* *ibid.* *Scrupulosi Deo irrogant iniuriam.* *ibid.* *Humilitate vincendi scrupuli.* [512.](#) *ex ignorantia ortum habent.* *ibid.* *A scrupulis liberata S. Løtgardis.* [511.](#) *S. Ignatius Loyola.* [513](#)
Sensuum libertas attentioni cordis nocet. [422.](#) *mortificatio disponit ad diuinas gratias, & visitationes.* [420](#)
Seraphini unde dicti. [564.](#) *proximiores sunt Deo.* [349](#)
Seraphinus Firmanus Canonicus Regularis concionator Apostolicus. [45.](#) *piissimorum Operum Scriptor insignis.* *ibid.*
Silentij rigor in Templis Paganorum. [488.493.](#) *in Templo Ierosolymitano.* [488.495.](#) *apud Monachos Ægypti.* [489.](#) *custodia est actus Religionis.* [490.](#) *violatio est graue delictum.* *ibid.* *pœna.* [491.498.](#) *mirum exemplum in Canonico.* [492.](#) *in dno Carolo.* *ibid.* *Silentij disciplina in Barbaro.* [497.](#) *apud Clericos Regulares S. Pauli.* [495](#)
Simonides eleganti artificio ostendit Dei ineffabilitatem. [13](#)
Sobrietas victus est virtus religiosa. [388.](#) *qualis esse deberet.* *ibid.* *Anna matris Samuelis quanta.* [389](#)
Societas IESV ex indulto Pontificio est à choro immunis. [580.](#) *à S. Ignatio fundata.* [513.](#) *fidei primordia tradidit Iaponiis.* [583.](#) *annuos habet secessus.* [424](#)
Solitudo cordis ad Deum orandum conducit. [424.](#) *Solitudinis bona experiuntur Carthusiani.* [422.](#) *Solitudo est otium negotiosum.* [425.](#) *Solitariis loquitur Deus.* [426.](#) *Solitudinis utilitates.* [103.](#) *ratio vera in quo sita.* *ibid.*
Sollicitudo ad res & studia fouet mentis enagatones. [456](#)
Somnolentia comes acedia. [545.](#) *Somnolentia lepidus euentus.* *ibid.* *Somnolentorum preces sunt cibus diaboli.* [546](#)
Spes in Deo nutritur Davidicis Psalmis. [151.](#) *Sperantes orationem frequentant.* *ibid.* *Spem in Deo numquam abiicit Dauid* [152.](#) *Spes quomodo firmanda in Deo.* [154.](#) *nullam admittit formidinem.* [155.](#) *non confunditur.* *ibid.* *Sperantium in Deo magna felicitas.* [456](#)
Spiritus sanctus confert latitiam [280.](#) *& deuotionem.* *ibid.* *Donna Spiritus sancti impediuntur a passionibus.* [313.](#) *obtinentur precibus.* [365.](#) *Descendit Spiritus sanctus in specie ignis super Apostolos.* *ibid.* *& super psallentes pios in choro.* [366](#)
D. Stephani mira reuerentia in oratione. [561](#)

INDEX R E R V M.

Strepitus quilibet vitandi in choro. 495. *quanta diligentia canebantur à Monachis Ægyptiis.* ibid.

Studiorum occupatio gravis excusatur à diuini recitatione Officij. 569. *Studia non excusant à chori usu.* 570. 585

Studiositas in diuino Officio requisita qua. 528

Superbi à diuinis reiciuntur laudibus. 325. *Ob superbiam demones eiecti à calo.* ibid. *Superbia Deo odiosa.* 331. *Superbi Pharisei reprobatio.* ibid.

Superstitio vitanda in usu Psalmorum. 160

Syncopatio vitanda in diuino Officio. 528

T

Tarditas moderata recitationis infernit cordis meditationi. 475

Te Deum laudamus, &c. quando compositum. Vide v. *Canticum.*

Templa perfectionem acquirunt ex usu chori. 51. *ad Templum Davidis votum.* 25. 608. *Templum Dei duplex, caeleste & terrestre.* III. *utriusque connectio.* ibid. *Templum est locus proprius diuinarum laudum.* 112. *Templum Salomonis exstructum in Sion.* ibid. *Templorum terrestrium laudes initia sunt laudum caelestium.* 113. *in Templis Paganorum modestia.* 488

Templi Ierosolymitani mirum silentium. ibid. *In Templis etiam Paganorum eiusdem silentij custodia.* 493. *In Templi Salomo-*

nis fabrica quies mira. 495.

Templorum Rectores seuerè puniendi ob cantus profanos. 520.

Tempus nocturnū orationi aptum.

368. *aurora ab Angelis obseruatum praeipuo cultu.* 385.

Temporum observatio est maximi ponderis. 584. *Temporum ordinata partitio faciliores reddit operationes.* 585. & seq.

Temporum distributioni insidiatur diabolus. 536. *Tempora orationi assignata.* 538. *Tempus peruerterentes à Deo puniuntur.* ibid. *Tempora Horarum*

Canonicalum temperant Ec-

clesia benignitas. 539. *Superiorum obligatio circa temporum*

observationem. 540

Tepidi Psalmidiam in choro adhibitam detrectant. 348. 377.

Vide v. Acedia.

S. Teresa Carmelita vita restituitrix. 93. *scripsit egregia Volumina.* ibid. *contemplationi dedita.* ibid. *in suis Religiosis*

vigiliis tueretur nocturnas. 382

Terramotus ingentis ruina. 144

Theatinorum institutio. 25. *paupertas insignis.* 587. *Hymnodia*

assiduitas. 552

B. Thoma Cantuariensis mors in choro. 609

Thomas à Kempis miras degustat suauitates in Hymnodia. 106

S. Thomas Aquinas vidit cogitationes psallentis. 458. *choro assiduus.* ibid. 572

V

Vates Graci quando floruerint. 46. *scripserunt de Deo*

vilia. 48

Vesperarum

INDEX RERVM.

Vesperarum tempus temperatum.

339. *mysteria.* 340

Vestium puritas in ministris Dei.

306

Victoria de hostibus Hymnorum cantu obtenta.

136

Vigilia nocturna custodienda à

Regularibus. 370. *Vigilant sem-*

per Angeli. 372. *Vigilias anti-*

cipare signum est iustorum. 383

Vigiliarum studiosi à Deo di-

gnantur saucioribus. 385. *Ad*

vigilias alacres sunt saniores

alii. 392. *Vigilia impediuntur*

ab onere ciborum. 388. *Vide v.*

Nocturna vigilia.

S. Vincentius Ferrerius à damone

tentatur circa virginis cult-

um. 405

Vini usus orationi contrarius. 391

Vino temperantes Philosophi.

390

Virginis odit diabolus. 405.

Virgines à Deipara diliguntur.

ibid. à Deo diliguntur pra ce-

teris. 406. *Virginis singula-*

ria privilegia. 407. *Virginum*

preces sustinent Romam. 410. *à*

Constantino Magno habentur

in veneratione. 411. *Virginum*

zelus insignis. 409. *Virginum*

Psalmodia comprobatur visio-

ne mira. 416

B. Virgo Deipara signum exhibet

benevolentia cantantibus Salve

Regina. 34. 366. *Psalmos ha-*

buit in deliciis. 51. *instituit Vir-*

ginum collegium. 408. *amorem*

Dei habuit maximum. 343.

eius imago sanat infirmos. 472

Virtutum omnium actus exercet

Psalmodia. 375

Voluntas apud Deum reputatur

opus. 551

Votum Davidis solenne Deum

laudandi. 16




SVMMA PRIVILEGII.

PHILIPPVS IV. Hispaniarum & Indiarum
Rex Catholicus, & Potentissimus Belgarum
ac Burgundionum Princeps, Diplomate suo
sanxit, ne quis *Anacleti Sicci Cremonensis Cle-*
rici Regularis S. Pauli de Hymnodiâ Ecclesiasti-
câ Libros tres, præter Balthasaris Moreti volun-
tatem villo modo intra nouennium imprimat,
aut alibi terrarum impressos in has Inferioris
Germaniæ ditiones importer, venalésve ha-
beat. Qui secùs faxit, confiscatione Librorum,
& alia graui pœna mulctabitur, vti latiùs patet
in litteris datis Bruxellæ xxiiii. Augusti, M.DC.
xxxiii.


Signat.

Steenbuijs.









2-2-2

